











2-0 1

117

Ch.

L. COELII  
LACTANTII

FIRMIANI DIVI-  
NARVM INSTITVT-  
TIONVM LIBRI

SEPTEM.

\*

EIVSDEM

De ira Dei

Liber I.


De opificio Dei

Liber I.

Epitome in libros suos, Liber acephalos,  
Phoenix.

Carmen de Dominica resurrectione.

*Cum Indice rerum locu-  
pletissimo.*



VIRTVTE DVCE,



COMITE FORTUNA.



LVGDVNI APVD SEB.  
GRYPHIVM,

1543.

*Handwritten signature or mark.*

LECTORI.

En sacra Lactanti monumenta, suæ integritati,  
Suo nitori reddita.  
Quis quid splendidius, grauius, uel tersius usquam  
In Christianis litteris?  
Antitheas gentes, ueri quis fortius hostes  
Debellat, ac studiosius  
Palantes retrahit, firma sub speq; fideq;  
Ad castra Christi cœlica?  
Hunc tamen hunc numero autorum sunt qui uolere  
Tolli sacrorum: alicubi quòd  
Catholica fide aberrarit. sed iudicio horum  
Ne stes iniquo. homo fuit.  
Num solus lapsus? Tu more apud ingeniosæ,  
Quæ floribus bonis, malis  
Hærescens de quoque sibi legit optima quæq;  
Carpas quæ ad usum sunt tibi.

# SEBASTIANVS

GRYPHVS LE

CTORI

S.



V M in iuuandis eloquentiæ studijs operam omnem semper posuissẽ, mone-  
ret quẽ me iam uel ætas ipsa meliorum,  
quæcunq; cudendis libris industria esset  
mea, eam autoribus ijs impendere potis-  
simum decreui, qui optimi uiderentur uitæ, non oratio-  
nis, magistri. Vitæ autẽ omnis præcepta cum à Christia-  
nis scriptoribus petenda maximè iudicarem, ad quæ si nõ  
trahimur diuinitus, blandè sumus ac molliter alliciendi,  
essetq; id in dicendi scilicet positum facultate, è tot cla-  
rissimis & sanctissimis uiris, qui religionẽ hanc nostram  
literis suis illustrare studuerũt, quem Firmiano antepo-  
nerem non facile reperiebam : à quo uidebam summam  
pietatem cum admirabili eloquentia esse coniunctam. Cu-  
ius Institutionum Diuinarũ libros septem, quos aut dies  
ipsa, aut homines potius nimium ( ut ego interpretor )  
pij, ita corrupissent, ut neque intelligi omnino, neque le-  
gi uerò cum fructu ullo, aut uoluptate possent : tanta an-  
nis ab hinc quatuor felicitate Honoratus Fasitellius Ve-  
netus integritati suæ restituit, ut non Firmiano plus, ex  
quo nati sunt, quàm Fasitelio, ex quo renati, debere ui-  
deantur. In ijs si qua iam reperias à nostrorum homi-  
num temporum quẽ opinionibus abhorrentia, cogitare  
debes ( quod certe negari nõ potest ) scripsisse ea Firmia-

num, neque ætatis suæ aures fortasse respuisse. Vtut au-  
tem res habet, uenia mihi certè iustissima debetur: nam  
ut ad cognoscendos libros à lectoribus iudicium,  
ita à nobis ad cudendos adferri quicquam  
neque debet, neque potest præter  
fidem, & diligen-  
tiam. Vale.

L. COELII

# LACTANTI

FIRMIANI DIVI-  
NARVM INSTITV=

*tionum aduersus gentes, de Falsa  
religione libri primi Præ=  
fatio ad Constanti=  
num Impera=  
torem.*

\*

De ueri cognitione, & religione, &  
sapientia.

CAP. I.



A G N O, & excellenti in=  
genio uiri, cum se doctrinæ  
penitus dedidissent, quicquid  
laboris poterat impendi, cō=  
temptis omnibus & publi=  
cis, & priuatis actiōibus, ad  
inquirendæ ueritatis studium  
contulerunt: existimantes,  
multo esse præclarius, huma

narum, diuinarumq; rerū inuestigare, ac scire rationem,  
quàm aut struendis opibus, aut cumulādis honoribus in=  
hære. Quibus rebus, quoniam fragiles terrenæq; sunt,  
& ad solius corporis pertinent cultum, nemo melior, ne=  
mo iustior fieri potest. Erant illi quidem ueritatis cogni=  
tione dignissimi, quam scire tantopere cupiuerunt, atque  
ita, ut eam rebus omnibus anteponerent. nam & abie=  
cisse quosdam res familiareis suas, & renunciaſſe uniuer=  
sis

sis uoluptatibus constat: ut solam, nudamq; uirtutem, nu=  
 di, expeditiq; sequerentur: tantumq; apud eos uirtutis no=  
 men, & autoritas ualuit, ut in ipsa summi boni præmium  
 esse iudicarent. Sed neq; adepti sunt id, quod uolebant: et  
 operam simul, atque industriam perdidērunt: quia ueri=  
 tas, id est, arcanum summi Dei, qui fecit omnia, ingenio,  
 ac proprijs non potest sensibus comprehendī. alioqui ni=  
 hil inter Deum, hominemq; distaret: si consilia, & dispo=  
 sitiones illius maiestatis æternæ cogitatio assequeretur  
 humana. Quod quia fieri non potuit, ut homini per se=  
 ipsum ratio diuina innotesceret: non est passus hominem  
 Deus lumen sapientiæ requirentem, diutius oberrare: ac  
 sine ullo laboris effectu uagari per tenebras inextricabi=  
 leis. aperuit oculos eius aliquando: & notionem ueritatis  
 munus suum fecit: ut & humanā sapientiam nullam esse  
 monstraret: & erranti, ac uago uiam consequendæ im=  
 mortalitatis ostenderet. Verum quoniam pauci utuntur  
 hoc cœlesti beneficio, ac munere: quod obuoluta in obscu=  
 ro ueritas latet: eaq; uel contemptui doctis est, quia ido=  
 neis assertionibus eget: uel odio indoctis, ob insitam sibi  
 austeritatem: quam natura hominū procliuis in uitia pa=  
 ti non potest (nam quia uirtutibus amaritudo permista  
 est: uitia uerò uoluptate condita sunt: illa offensi, hac de=  
 limiti feruntur in præceps: ac bonorum specie falsi, mala  
 pro bonis amplectuntur) succurrendum esse his errori=  
 bus credidi: ut & docti ad ueram sapientiam dirigantur:  
 & indocti ad ueram religionem. Quæ professio multo  
 melior, utilior, gloriosior putanda est, quam illa orato=  
 ria; in qua diu uersati, non ad uirtutem, sed plane ad  
 argutam malitiam iuuenes erudiebamus. Multo quip=  
 pe nunc rectius de præceptis cœlestibus differemus: qui=  
 bus



*Bus ad cultum ueræ maiestatis mentes hominum institue-  
re possimus. nec tam de rebus humanis benemeretur, qui  
scientiam bene dicendi affert, quàm qui pie, atque inno-  
cēter docet uiuere. iccirco maiore in gloria philosophi,  
quàm oratores fuerunt apud Græcos. Illi enim recte ui-  
uendi doctores sunt existimati: quod est longe præstabi-  
lius: quoniam bene dicere, ad paucos pertinet. bene au-  
tem uiuere, ad omnes. Multum tamen nobis exercitatio  
illa fictarum litium contulit, ut nunc maiori copia, et  
facultate dicendi causam ueritatis peroremus: quæ licet  
possit sine eloquentia defendi, ut est à multis sæpe defen-  
sa: tamē claritate, ac nitore sermonis illustranda, et quo-  
dammodo differenda est, ut potentius in animos influat  
et ui sua, et instructa religione, et luce orationis or-  
nata. De religione itaq; nobis, rebusq; diuinis instituitur  
disputatio. Nam si quidam maximi oratores professionis  
sue quasi ueterani, decursis operibus actionum suarum,  
postremo se philosophiæ tradiderūt: eamq; sibi requiem  
laborum iustissimam putauerunt, si animos suos in earum  
rerum, quæ inueniri non poterant, inquisitione torque-  
rent, ut non tam otium sibi, quàm negotium quæsisse ui-  
deantur, et quidē multo molestius, quàm in quo fuerant  
antè uersati: quanto iustius ego me ad illam piam, ueram,  
diuinamq; sapientiam, quasi ad portum aliquem tutissi-  
mum, conferam: in qua omni dictu prona sunt, auditu  
suauia, facilia intellectu, honesta susceptu? Et, si quidam  
prudentes, et arbitri æquitatis, institutiones ciuilis iuris  
cōpositas ediderunt: quibus ciuium dissidentium lites, con-  
tentionesq; sopirent: quāto melius nos, et rectius diuinæ  
institutiones literis persequemur: in quibus non de stilli-  
cidijs, aut aquis arcendis, aut de manu conferenda, sed de*

spe, de uita, de salute, de immortalitate, de Deo loquemur, ut superstitiones mortiferas, erroresq; turpissimos sopiamus? Quod opus nunc nominis tui auspicio inchoamus Constantine Imperator Maxime. Qui primus Romanorum principum, repudiatis erroribus, maiestatem Dei singularis, ac ueri & cognouisti, & honorasti. Nā cum ille dies felicissimus orbi terrarum illuxisset, quo te Deus summus ad beatum Imperij culmen euexit: salutarem uniuerfis, & optabilem principatum præclaro initio auspiciatus es: cum euersam, sublatamq; iustitiam reducens, teterrimum aliorum facinus expiasti. pro quo factō dabit tibi Deus felicitatem, uirtutem, diuturnitatem: ut eadem iustitia, qua iuuenis exorsus es, gubernaculum Reipub. etiam senex teneas: tuisq; liberis, ut ipse à patre accepisti, tutelam Romani nominis tradas. Nam malis, qui adhuc aduersus iustos in alijs terrarum partibus sæuiunt, quanto serius, tanto uehementius idem omnipotens mercedem sceleris exoluet: quia ut est erga pios indulgentissimus pater, sic aduersus impios rectissimus iudex. Cuius religionem, cultumq; diuinum cupiens defendere, quem potius appellem, quem alloquar, nisi cum, per quem rebus humanis iustitia, & sapientia restituta est? Omissis ergo huiusce terrenæ philosophiæ autoribus nihil certi afferentibus, aggrediamur uiam rectam. quos equidem, si putarem satis idoneos ad bene uiuendum duces esse, & ipse sequerer: & alios, ut sequerentur, hortarer. Sed cum inter se magna concertatione dissideant, secumq; ipsi plerunque discordent: apparet eorum iter nequaquam esse directum: siquidem sibi quique, ut est libitum, proprias uias impresserunt, confusionemque magnam quærentibus ueritatem reliquerunt. Nobis au-

tem, qui sacramentum ueræ religionis accepimus: cum sit ueritas reuelata diuinitus: cum doctorem sapientiæ, ducemq; ueritatis Deum sequamur, uniuersos sine ullo discrimine uel sexus, uel ætatis ad cœleste pabulum conuocamus. Nullus enim suauior animo cibus est, quàm cognitio ueritatis. cuius asserendæ, atque illustrandæ septē uolumina destinauimus: quamuis ea res infiniti penè sit operis, & immensi. ut si quis hæc dilatare, atque exequi plenissime uelit: tanta illi rerum copia exuberet, ut nec libri modum, nec finem reperiatur oratio. sed nos iccirco breuiter omnia colligemus: quòd ea, quæ allaturi sumus, tam clara sunt, & lucida, ut magis mirum esse uideatur, tam obscuram uideri hominibus ueritatem, & ijs præcipue, qui sapientes uulgo putantur: uel quòd tantummodo instituendi nobis homines erunt, hoc est ab errore, quo sunt implicati, ad rectiorem uiam reuocandi. Quod si fuerimus (ut spero) assecuti: mittemus eos ad ipsum doctrinæ uberrimum, ac plenissimum fontem: cuius haustu, atq; potu, conceptam uisceribus sitim sedent, ardoremq; restinguant. Eruntq; illis omnia facilia, prona, manifesta: modo ne pigeat ad percipiendam sapientiæ disciplinam, legendi, uel audiendæ patientiam commodare. Multi enim superstitionibus uanis pertinaciter inhaerentes obdurant se contra manifestam ueritatem, non tam de suis religionibus, quas prauè asserunt, benemeriti, quàm de se male: qui cum habeant iter rectum, deuios sequuntur anfractus, planum deserunt, ut per præcipitium labantur: lucem relinquunt, ut in tenebris cæci, ac debiles iaceant. His consulendum est, ne contra se pugnent: uelintq; se tandem ab inueteratis erroribus liberari. quod utique facient: si, quare sint nati, aliquando

peruiderint. Hæc enim prauitatis est causa, ignoratio sui: quam si quis cognita ueritate discusserit, sciet quò reſtenda, & quemadmodum sibi uita degenda sit. Cuius ſcientiæ ſummam breuiter circunſcribo: ut neq; religio ulla ſine ſapiētia ſuſcipienda ſit, nec ulla ſine religione probanda ſapientia.

## Deprouidentia.

## CAP. II.

**S**Vſcepto igitur illuſtrandæ ueritatis officio, non putauim adeo neceſſarium ab illa quæſtione principium ſumere, quæ uidetur prima eſſe: natura ſit ne prouidentia, quæ rebus omnibus conſulat: an fortuitu uel facta ſint omnia, uel regantur. Cuius ſententiæ autor eſt Democritus, confirmator Epicurus. Sed & antea Protagoras, qui deos in dubium uocauit: & poſtea Diogenes, qui excluſit: & alij nonnulli, qui non putauerunt deos eſſe: quid aliud effecerunt, niſi ut nulla eſſe prouidentia putaretur? quos tamen & cæteri philoſophi, ac maxime Stoici acerrime retulerunt, dicentes, nec fieri mundum ſine diuina ratione potuiſſe: nec conſtare, niſi ſumma ratione regeretur. Sed & M. Tullius, quamuis academiæ diſciplinæ deſenſor eſſet, de prouidentia gubernatrice rerum & multa ſæpe diſſeruit, Stoicorum argumenta confirmans, & noua ipſe afferens plurima. quod facit tum in omnibus ſuæ philoſophiæ libris, tum maxime in ijs, qui ſunt de Natura deorum. Nec difficile ſane fuit, paucorum hominum prauæ ſentientium redarguere mendacia teſtimonio populorum, atque gentium in hac una re non diſſidentium. Nemo eſt enim tam rudis, tam feris moribus, quin oculos ſuos in cælum tollens, tametsi neſciat cuius dei prouidentia regatur hoc omne, quod cernitur: aliquam tamen eſſe intelligat

intelligat ex ipsa rerū magnitudine, motu, dispositione, constantia, utilitate, pulchritudine, tēperatione: nec posse fieri, quin id, quod mirabili ratione constat, consilio maiori aliquo sit instructum. Et nobis itaque facillimum est, exequi hanc partē quamlibet copiosè. Sed quia multum inter philosophos agitata res est: & providentiam tollentibus, satis responsum uidetur ab hominibus argutis, & eloquentibus: & de solertia diuinæ providentiæ per totū hoc opus, quod suscepimus, sparsim dicere necesse est: omittamus in præsentī hanc quæstionem. quæ cū cæteris sic cohæret, ut nihil à nobis diffcri posse uideatur, ut non simul de providentia differatur.

De mundi rectione.

CAP. III.

**S**It igitur nostri operis exordium quæstio illa consequens, ac secunda: Vtrum potestate unius Dei mūdus regatur, an ne multorum. Nemo est quidem, qui sapiat, rationemq; secum putet: qui non unum Deum esse intelligat, qui & condiderit omnia: & eadē, qua condidit, uirtute moderetur. Quid enim multis opus est ad mundi regimen sustinendum? nisi fortē arbitremur: si plures sint, minus habere singulos neruorum, atque uirium. Quod quidem faciunt ij, qui esse multos uolunt. quia necesse est imbecilles esse: si quidem singuli sine auxilio reliquorum, tantæ molis gubernaculum sustinere non possent. Deus autem, qui est æterna mens: ex omni utique parte perfectæ, consummatæque uirtutis est. Quod si uerum est, unus sit, necesse est. Potestas enim, uel uirtus absoluta retinet suam propriam firmitatem. Id autem solidum existimandum est, cui nihil decedere: id perfectum, cui nihil possit accedere. Quis dubitet potentissimum esse Regem, qui totius orbis habeat imperium? neque im-

merito

merito: cum illius sint, quæ ubiq; sunt omnia: cū ad eum solum omnes undique copię congerantur. At si plures partiantur orbem: minus certè opum, minus uirium singuli habebunt, cum intra præscriptam portionē se quisq; contineat. Eodem etiam modo Dij, si plures sint, minus ualebunt, alijs tantundem in se habentibus. Virtutis autē perfectā natura non potest esse nisi in eo, in quo totum est, non in eo, in quo pars exigua de toto est. Deus uero, si perfectus est (nam perfectus est) ut esse debet: nō potest esse nisi unus, ut in eo sint omnia. Deorum igitur uirtutes, ac potestates infirmiores sint necesse est: quia tantum singulis deerit, quantum in cæteris fuerit. ita quanto plures, tanto minores erunt. Quid, quod summa illa rerum potestas, ac diuina uis ne semel quidem diuidi potest? Quicquid enim capit diuisionem, & interitum capiat necesse est. Si autem interitus procul est à Deo, quia incorruptibilis est, & æternus: consequens est, ut diuidi potestas diuina non possit. Deus ergo unus est, si nihil esse aliud potest, quod tantundem capiat potestatis. & ij tamen, qui multos esse arbitrantur: officia inter se dicunt esse partitos. de quibus omnibus suo loco disputabimus. Illud interim, quod ad præsentem locum pertinet, teneo. Si partiti sunt inter se officia, eodē reuoluitur res, ut ex ijs quilibet sufficere omnibus nequeat. Perfectus igitur iam non erit, qui cessantibus cæteris, non potest omnia gubernare. Ita fit, ut ad regendum mundum unius perfectæ uirtutis magis opus sit, quàm imbecillitate multorum. Qui autem putat hanc tantam magnitudinem non posse ab uno regi, fallitur. Nec enim quāta uis, potestasq; sit diuinæ maiestatis, intelligit, si existimat, singularem Deum, qui facere mundum potuit, eundem regere non posse

posse, quem fecit. At si concipiat animo, quanta sit diuini huius operis immensitas: cum antea nihil esset, tamen uirtute, atque consilio Dei ex nihilo esse constatam: quod opus nisi ab uno inchoari, perfici que non potuit: iam intelliget, multo facilius ab uno regi, quod est ab uno constitutum. Dicat fortasse aliquis, ne fabricari quidem tam immensum opus mundi, nisi à pluribus potuisse. quamlibet multos, quamlibet magnos faciat: quicquid in multis magnitudinis, potestatis, uirtutis, maiestatisque posuerit: id totum in unum confero, & in uno esse dico: ut tantum in eo sit istarum rerum, quantum nec excogitari, nec dici potest. Qua in re, quoniam & sensu deficiamus, & uerbis, quia neque tantæ intelligentiæ lumen pectus humanum, neque explanationem tantarum rerum capit lingua mortalis: id ipsum intelligere nos oportet, ac dicere. Video rursus quid è contrario dici possit: Tales esse illos plures, qualem nos uolumus unum. At hoc fieri nullo pacto potest, quòd singulorum potestas progredi longius non ualebit, occurrentibus sibi potestatibus ceterorum. Necesse est enim, ut suos quisque limites aut transgredi nequeat: aut si transgressus fuerit, suis alterum finibus pellat. Non uident, qui Deos multos esse credunt, fieri posse, ut aliquid diuersum uelint: ex qua re disceptatio inter eos, & certamen oriatur. sicut Homerus bellanteis inter se Deos finxit: cum alij Troiam capi uellent, alij repugnarent. Vnius igitur arbitrio mundum regi, necesse est. Nisi enim singularum partium potestas ad unam prouidentiam referatur: non poterit summa ipsa constare potestas: unoquoque nihil curante amplius, quàm quod ad eum propriè pertineat: sicut ne res quidem militaris, nisi unum habeat ducem



duccm, atque rectorcm. Quòd si in uno exercitu tot fuerint imperatores, quot legiones, quot cohortes, quot cunei, quot alæ: primū nec instrui poterit acies, unoquoq; periculum recusante: nec regi facîle, aut temperari: quòd suis proprijs consilijs utantur omnes: quorum diuersitate plus noceant, quàm profint. sic in hoc rerum naturæ imperio, nisi unus fuerit, ad quem totius summæ cura referatur, uniuerſa soluentur, & corruent. Dicere autē, multorum arbitrio regi mundum: tale est, quale si quis affirmet in uno corpore multas esse mentes: quoniam multa, & uaria sunt ministeria membrorum: ut singulos corporis sensus, singulæ mentes regere credantur: item multi affectus: quibus cōmoueri solemus uel ad iram, uel ad cupiditatē, uel ad letitiam, uel ad metum, uel ad miserationem: ut in his omnibus totidem mentes putentur operari. Quòd si quis profecto dicat: ne ipsam quidem, quæ una est, habere uideatur. Quòd si in uno corpore tantarum rerum gubernationem mens humana possidet, & uniuerſis simul intentæ est: cur aliquis existimet, mundū non posse ab uno regi, à pluribus posse? Quòd quia intelligunt isti assertores Deorum: ita eos præesse singulis rebus, ac partibus dicunt, ut tantum unus sit rector eximius: iam ergo cæteri Dij nō erunt, sed satellites, ac ministri, quos ille unus maximus, & potens omnium officijs his præfecerit: ut ipsi eius imperio, ac nutibus seruiant. Si uniuerſi pares non sunt: non igitur Dij omnes sunt. Nec enim potest hoc idem esse, quod seruit, & quod dominatur. Nam si Deus est nomen summæ potestatis, incorruptibilis esse debet, perfectus, impassibilis, nulli rei subiectus. Ergo Dij non sunt, quos parēre uni maximo Deo necessitas cogit. Sed quia non frustra



*stra falluntur ij, qui hoc ita putant : causam huius erroris paulo post aperiemus . Nunc unitatem diuinæ potestatis testimonijs comprobemus.*

*De uno uero Deo Prophetarum*

*testimonia.*

*CAP. II II.*

**P**rophetae, qui fuerunt admodum multi, unum Deum prædicant, unum loquuntur : quippe qui unius Dei spiritu pleni, quæ futura essent, pari, et consona uoce prædixerunt. At enim ueritatis expertes, non putant his esse credendum. Illas enim non diuinas, sed humanas uoces fuisse aiunt : uidelicet quia de uno Deo præconium faciunt : aut insani, aut mendaces fuerunt. Atqui impleta esse in plerisque quotidie illorum uaticinia uidemus : et in unam sententiam congruens diuinitas, docet non fuisse furiosos. Quis enim mentis emotæ, non modo futura præcinere, sed etiam coherentia loqui possit ? Num ergo fallaces erant, qui talia loquebantur ? quid ab his tam longe alienum, quam ratio fallendi : cum cæteros ab omni fraude cohiberent ? Idcirco enim à Deo mittebantur : ut et præcones essent maiestatis eius, et correctores prauitatis humanæ. Præterea uoluntas fingendi, ac mentiendi eorum est, qui opes appetunt, qui lucra desyderant, quæ res proculdubio ab illis sanctis uiris absuit. Ita enim delegato sibi officio functi sunt, ut derelictis omnibus ad tutelam uitæ necessarijs, non modo in futurum, sed ne in diem quidem laborarent, contenti extemporali cibo, quem Deus subministrasset. et hi non modo quæstum nullum habuerunt, sed etiam cruciatus, atque mortem. Amara sunt enim uitiosis, ac male uiuentibus præcepta iustitiæ. Itaque ij, quorum peccata et arguebantur, et prohibebantur, excruciatos

eos

eos acerbissime necauerūt. Ergo à quibus abfuit studium  
lucri, abfuit etiam uoluntas peccandi, & causa fallendi.  
Quid, quòd aliqui eorum principes aut etiam reges fue-  
runt, in quos cadere non posset suspicio cupiditatis, ac  
fraudis, & tamen præconium Dei singularis, eadem qua  
cæteri, diuinatione fecerunt?

De testimonijs Poëtarum, & Philo-  
sophorum.

C A P. V.

Sed omittamus sanè testimonia prophetarum: ne minus  
Sidonea probatio uideatur esse ab his, quibus omnino  
non creditur. Veniamus ad autores: & eos ipsos ad ueri  
probationem testes citemus, quibus cōtra nos uti solent:  
poëtas dico, ac philosophos. ex his unū Deum probemus  
necesse est. non quòd illi habuerint cognitam ueritatem:  
sed quòd ueritatis ipsius tanta uis est, ut nemo possit esse  
tam cæcus, qui non uideat ingerentem se oculis diuinam  
claritatem. Poëta igitur, quamuis Deos carminibus or-  
nauerint, & eorum res gestas amplificauerint summis  
laudibus: sæpiissime tamen confitentur, spiritu, uel mente  
una contineri, regiꝑ omnia. Orpheus qui & uetustissi-  
mus poëtarum, & æqualis ipsorum deorum (siquidem  
traditur inter Argonautas cū Tyndaridis et Hercule na-  
uigasse) Deū uerum πρῶτόγονον & magnum, primogeni-  
tum appellat: quòd ante ipsum nihil sit genitum, sed ab  
ipso sint cuncta generata: eundem etiam πατέρα, id est  
apparentem nominat. quòd, cum adhuc nihil esset, pri-  
mus ex infinito apparuerit, & extiterit. Cuius origi-  
nem, atq; naturam, quia concipere animo non poterat,  
ex aëre immenso natum esse dixit. πρῶτόγονον πατέρα  
περὶ μύθεον ἢ γὰρ ἑός. Aliud enim amplius, quod diceret,  
non habebat. Hunc ait esse omnium deorum parentem,  
quorum

quorū causa cœlū condidcrit, liberisq; perspexerit, ut haberent habitaculū, sedemq; cōmunem <sup>ἐκ ποτ' ἐν ἀθανάτοισι δὴ μὴ ἀφθίτῃ</sup>. Natura igitur & ratione ducente, intellexit, esse pręstantissimam potentiā cœli, ac terrę conditricē. Non poterat enim Iouem dicere esse principem rerū, qui erat Saturno genitus, neq; Saturnum ipsum, qui cœlo natus ferebatur: Cœlum autem tanquam Deum primū constituere non audebat, quod uidebat esse elementum mundi, quod ipsum eguerit autore. Hęc cum ratio perduxit ad illum Deū primogenitū, cui assignat, & tribuit principatū. Homerus nihil nobis dare potuit, quod pertineat ad ueritatem, qui humana potius quā diuina cōscripsit. potuit Hesiodus, qui Dcorum generationem unius libri opere cōplexus est. Sed tamen nihil dedit, non à Deo conditore sumens exordium, sed à Chaos, quod est rudis inordinatęq; materię cōfusa congeries: cum explanare antē debuerit Chaos ipsum unde, quando, quomodo esse, aut constare cœpisset. Nimirum sicut ab aliquo artifice disposita, ordinata, effecta sunt omnia: sic ipsam materiam fictam esse ab aliquo necesse est. Quis igitur hanc, nisi Deus, fecerit? cuius potestati subiacent omnia. Sed refugit hęc ille, dum horret incognitam ueritatem. Non enim Musarum instinctu, sicut uideri uolebat, in Helicone carmen illud effudit, sed meditatus uenerat, & paratus. Nostrorum primus Maro non longe fuit à ueritate: cuius de summo Deo, quem spiritum, ac mentem nominauit, hęc uerba sunt:

Principio cœlum, ac terras, camposq; liquentes,  
 Lucentemq; globum lunę, titaniąq; astra,  
 Spiritus intus alit: totamq; infusa per artus  
 Mens agitat molē, & magno se corpore miscet.

Ac nequis forte ignoret, quis nam esset illi spiritus, qui tantum haberet potestatis: declarauit alio loco, dicens:

—Deum nanq; ire per omneis

Terrasq; tractusq; maris, cœlumq; profundum.

Hic pecudes, armenta, uiros, genus omne ferarum,

Quenq; sibi tenueis nascentem arcescere uitas.

Ouidius quoque in principio præclari operis sine ulla nominis dissimulatione à Deo, quem fabricatorem mundi, quem rerum opificem uocat, mundum fatetur instructum. Quòd si uel Orpheus, uel hi nostri, quæ natura ducente senserunt, in perpetuum defendissent: eandem, quam nos sequimur, doctrinam comprehensa ueritate tenuissent. Sed hæcenus de poëtis: ad philosophos ueniamus, quorum grauior est autoritas, certiusq; iudicium: quia non rebus commentitijs, sed inuestigandæ ueritati studuisse creduntur. Thales Milesius, qui unus è septem sapientum numero fuit, quiq; primus omnium quæsisse de causis naturalibus traditur: aquam esse dixit, à qua nata sunt omnia: Deum autem esse mentem qui ex aqua cuncta formauerit. Ita materiã omnium rerum posuit in humore: principium, causamq; nascenti posuit in Deo. Pythagoras ita definiuit, quid esset Deus: Animus, qui per uniuersas mûdi parteis, omnemq; naturam commeans, atque diffusus, ex quo omnia, quæ nascuntur, animalia uitam capiunt. Anaxagoras Deum esse dixit infinitam mentem, quæ per seipsam moueatur. Aristhenes multos quidem esse populares Deos, unum tamen naturalem, id est, summæ totius artificē. Cleanthes et Anaximenes æthera dicunt esse summum Deum. cui opinioni poëta noster assensit:

Tum

Tum pater omnipotens fecundis imbribus æther  
 Coniugis in gremium lætæ descendit, & omneis  
 Magnus alit magno permixtus corpore foetus.

Chrysippus naturalem uim diuina ratione præditam, interdum diuinam necessitatem Deum nuncupat. Item Zenon diuinam, naturalemque legem. Horum enim omnium sententia, quamuis sit incerta, eodem tamen spectat, ut prouidentiam unam esse consentiant. siue enim natura, siue æther, siue ratio, siue mens, siue fatalis necessitas, siue diuina lex, siue quid aliud dixeris: idem est, quod à nobis dicitur Deus. nec obstat appellationum diuersitas, cum ipsa significatione ad unum omnia reuoluuntur. Aristoteles, quamuis secum ipse dissideat, ac repugnantia sibi & dicat, & sentiat: in summum tamen unam mentem mundo præesse testatur. Plato, qui omnium sapientissimus iudicatur: monarchiã plane, aperteque defendit: nec æthera, aut rationem, aut naturam, sed, ut est, Deum nominat: ab eo mundum hunc perfectum, atque mirabilem esse fabricatum. Quem Cicero secutus atque imitatus in plurimis, Deum frequenter confitetur, ac supremum uocat in ijs libris, quos de legibus scripsit: ab eoque regi mundum argumentatur, cum disputat de natura Deorum, hoc modo: Nihil est præstātius Deo. ab eo igitur mundum regi necesse est. Nulli igitur est naturæ obediens, aut subiectus Deus. omnem regit ipse naturam. Quid autem sit Deus, in consolatione definit. Nec uerò Deus ipse, qui intelligitur à nobis, alio modo intelligi potest, nisi mens soluta quædã & libera, et segregata ab omni concretionem mortali, omnia sentiens, & omnia mouens. Annæus quoque Seneca, qui ex Romanis uel acerrimus Stoicus fuit, quàm sæpe summū Deū merita laude

b 2      prose

prosequitur. Nam cū de immatura morte differeret: Non intelligis, inquit, autorem, ac maiestatem iudicis tui, rectoris orbis terrarum, cœliq; & deorū omnium Dei: à quo ista numina, quæ singula adoramus, & colimus, suspensa sunt. Item in exhortationibus: Hic, cum prima fundamenta molis pulcherrimæ iaceret: & hoc odiretur, quo neq; maius quicquam nouit natura, nec melius, ut omnia subducibus suis irent, quamuis ipse per totum se corpus intenderat, tamen ministros regni sui deos genuit. Et quàm multa alia de Deo nostris similia locutus est. quæ nunc differo, quòd alijs locis opportuniore sunt. Nunc satis est demonstrare, summo ingenio uiros attigisse ueritatem, ac propè tenuisse, nisi eos retrorsum fucata prauis opinionibus consuetudo rapuisset: qua et Deos alios esse opinabantur: & ea, quæ in usum hominis Deus fecit, tanquam sensu prædita essent, pro Dijs habenda, & colenda credebant.

De testimonijs diuinis, & de Sibyllis, & earum carminibus.

CAP. VI.

**N**unc ad diuina testimonia transeamus. sed prius unum proferam, quod est simile diuino, et ob nimiam uetustatem, & quòd is, quem nominabo, ex hominibus inter Deos relatus est. Apud Ciceronem C. Cotta pontifex disputans contra Stoicos de religionibus, & de uarietate opinionum, quæ solent esse de Dijs, ut more academicorum omnia faceret incerta, quinque fuisse Mercurios ait: & enumeratis per ordinem quatuor, quintum fuisse eum, à quo Argus occisus sit: ob eamq; causam in Aegyptū profugisse, atq; Aegyptijs leges, ac literas tradidisse. Hunc Aegyptij Theuth appellāt. à quo apud eos primus anni sui mensis, id est September, nomen accepit.

Idem

Idem oppidum condidit, quod etiam nunc Græcè uocatur ἱερμόπολις: & Saitæ seruant, & colunt eum religiose. Qui tametsi homo fuerit antiquissimus: tamen & instructissimus omni genere doctrinæ: adeo, ut ei multarum rerum, & artium scientia, Trismegisto cognomē imponerent. Hic scripsit libros, & quidem multos, ad cognitionem diuinarum rerum pertinentis, in quibus maiestatem summi, ac singularis Dei asserit: ijsdemq; nominibus appellat, quibus nos, Deum, et patrem. ac ne quis nomen eius requireret, ὠνόμαον, id est, sine nomine esse dixit, eò quòd nominis proprietate non egeat, ob ipsam scilicet unitatem. Ipsius hæc uerba sunt: ὁ ὃ θεὸς εἷς, ὁ δὲ εἷς ὀνόματ' ἢ προσδέεται. ἔστι γὰρ ὁ αὐτὸς ὠνόμαον. Deo igitur nomen non est, quia solus est: nec opus est proprio uocabulo, nisi cum discrimen exigit multitudo, ut unamquamq; personam sua nota, & appellatione designes. Deo autem, quia semper unus est, proprium nomen est Deus. Superest, de responsis, carminibusq; sacris testimonia, quæ sunt multo certiora, proferre. Nam fortasse ij, contra quos agimus: nec poëtis putāt esse credendum, tanquam uana fingentibus, nec philosophis, quòd errare potuerūt, quia & hi homines fuerunt. M. Varro, quo nemo unquam doctior, ne apud Græcos quidem, nedum apud Latinos uixit, in libris rerum diuinarum, quos ad C. Cæsarem pontificem Maximum scripsit: cum de quindecim uiris loqueretur, sibyllinos libros ait non fuisse unius Sibyllæ, sed appellari uno nomine sibyllinos, quòd omnes fœminæ uates, Sibyllæ sunt à ueteribus nuncupatæ, uel ab unius Delphidis nomine, uel à consilijs Deorum denunciandis. τοὺς enim Deos, non θεοὺς: & cōsiliū nō βυλῆν, sed βυλῆν, appellabant



Acolico genere sermonis. Itaq; Sibyllā dictam esse quasi  
 θεοβούλην. Ceterum Sibyllas decem numero fuisse: eas que  
 omneis enumeravit sub autoribus, qui de singulis scri-  
 ptitarunt: Primam fuisse de Persis, cuius mentionem fece-  
 rit Nicanor, qui res gestas Alexandri Macedonis scri-  
 psit: Secundā Libyssam: cuius meminit Eurypides in La-  
 mie prologo: Tertiā Delphicam, de qua Chrysippus lo-  
 loquitur in eo libro, quem de diuinatione composuit:  
 Quartam Cumcam in Italia, quam Navius in libris belli  
 Punici, Piso in annalibus nominat: Quintam Erythram,  
 quam Apollodorus Erythræus affirmat suam fuisse ciuē:  
 eamq; Graijs Ilium petentibus uaticinatam, & periturā  
 esse Troiam, & Homerum mendacia scripturum: Sextam  
 Samiam, de qua scripsit Eratosthenes in antiquis anna-  
 libus Samiorū reperisse se scriptum: Septimam Cumanā,  
 nomine Amaltheam: quæ ab alijs Demophile, uel Hero-  
 phile nominatur: eamq; nouem libros attulisse ad regem  
 Tarquinium Priscū, ac pro eis trecentos philippeos po-  
 stulasse, Regemq; aspernatū precij magnitudinē, derisisse  
 mulieris insaniam, illam in conspectu regis tres cōbussis-  
 se: ac pro reliquis idem pretium postulasse: Tarquinium  
 multo magis mulicrem insanire putasse. Quæ denuo tri-  
 bus alijs exustis, cū in eodem pretio perseueraret, motū  
 esse regē: ac residuos trecentis aureis emisse, quorū post-  
 ea numerus sit auctus, capitolio resecto, quod ex omni-  
 bus ciuitatibus & Italicis, & Græcis, & præcipuē Ery-  
 thræis coacti, allatiq; sunt Romā, cuiuscunq; Sibyllæ no-  
 mine fuerunt: Octauam Helleponticam in agro Troia-  
 no natam, uico Marpesso, circa oppidum Gergithium:  
 quam scribit Heraclides Ponticus Solonis & Cyri fuisse  
 temporib



temporibus : Nonam Phrygiam , quæ uaticinata sit An-  
cyræ: Decimam Tiburtem, nominc Albuncam, quæ Tibu-  
ri colitur, ut dea, iuxta ripas Anienis: cuius in gurgite si-  
mulachrum eius inuentum esse dicitur, tenens in manu li-  
brum. Cuius sacra senatus in Capitoliũ transtulerit. Ha-  
rum omnium Sibyllarũ carmina & feruntur, & habentur  
præterquam Cumææ: cuius libri à Romanis occulantur,  
nec eos ab ullo, nisi à Quindecim uiris, inspicere fas est. Et  
sunt singularũ singuli libri: qui quia Sibyllæ nominc in-  
scribuntur, unius esse creduntur: suntq; cõfusi, nec discerni,  
ac suũ cuiq; assignari potest, nisi Erythrææ, quæ et nomẽ  
suum carmini uerũ inscriuit, & Erythræam se nominatũ  
iri, prælocuta est, cũ esset orta Babyloniæ. sed & nos con-  
fusa sibyllã dicemus, sicubi testimonijs earum fuerit abu-  
tendum. Omnes igitur hæ sibyllæ unum Deum prædicant,  
maxime tamen Erythræa: quæ celebrior inter cæteras, ac  
nobilior habetur: siquidem Fenestella diligentissimus scri-  
ptor de x v. uiris dicens, ait, restituto capitolio retulisse  
ad senatum C. Curionem Cos. ut legati Erythras mitte-  
rentur, qui carmina sibyllæ conquisita, Romam deporta-  
rent: itaq; missos esse, P. Gabiniũ, M. Octaciliũ, L. Va-  
lerium: qui descriptos à priuatis uersus circa mille Ro-  
mam deportarunt. idem suprà ostendimus dixisse Varro-  
nem. In ijs ergo uersibus, quos legati Romam attulerunt,  
de uno Deo hæc sunt testimonia:

Εἷς θεὸς ὁς μόνῳ ἐστὶν ὑπερμεγέθης ἀγένητος.

Hunc esse solum Deum, summum, qui cœlum fecerit, lu-  
minibusq; distinxerit:

Ἀλλὰ θεὸς μόνῳ εἷς πανυπέρτατος ὁς πεποίηκεν  
Οὐρανὸν ἡλιό τε καὶ ἀστέρας ἡδὲ σελήνην.

Κόσμον πορὸν γαῖαν τε καὶ ὕδατος οἷδματὰ πόντος.

Qui quoniam solus sit ædificator mundi, & artifex rerum, uel quibus constat, uel quæ in eo sunt: solum coli oportere, testatur:

Αὐτὸν τὸν μόνον ὄντα σίβειδ' ἡγήτορα κόσμου,

Ὁς μόνον εἰς αἰῶνα καὶ ἐξ αἰῶνος ἔτυχεν.

Item alia Sibylla, quæcunq; est, cum perferre se ad homines Dei uocem diceret, sic ait:

Εἰς μόνον εἰ μὴ θεὸς καὶ ἕκ' ἐστὶ θεὸς ἄλλος.

Exquerer nunc testimonia cæterarum: nisi & hæc sufficerent, & illa opportunioribus locis reseruarem. Sed cū defendamus causam ueritatis apud eos, qui aberrantes à ueritate falsis religionibus seruiunt: quod genus probationis aduersus eos magis adhibere debemus, quàm ut eos deorum suorum testimonijs reuincamus?

De testimonijs ex responsis. CAP. VII.

**A**pollo enim, quem præter cæteros diuinum, maximeq; fatidicum existimant, Colophone respondens, quòd Delphis emigrauerat, amœnitate ductus Asia: quærenti cuidam, quis esset, aut quid esset omnino Deus: respondit uiginti & uno uersibus. Quorum hoc principium est:

Αὐτοφύης ἀδίδακτος ἀμήτωρ ἀστυφελίκτης

Ὀνόμα μὴδὲ λόγῳ χωρούμενον ἐν πυρὶ ναίων.

Τού τ' ἐστὶ μικρὰ ὃ θεὸς μερὶς ἀγγελοῖς ἡμῶς.

Nunquid potest suspicari de Ioue esse dictum, qui & matrem habuit, & nomen? Quid, quòd Mercurius ille ter maximus, cuius supra mentionem feci: non modo ἀμώτωρ, ut Apollo, sed ἰστέτωρ quoq; appellat Deum, quòd origo illi non sit aliunde. Nec enim potest ab ullo esse generatus, qui ipse uniuerfa generauerit. Satis (ut opinor) & argumentis docui, & testibus confirmaui, quod  
per

per se satis clarum est, Vnum esse regem mundi, unū patrem, unum deum. Sed fortasse quærat aliquis à nobis idē illud, quod apud Ciceronem quærit Hortensius. Si Deus unus est, quæ esse beata solitudo queat? Tanquam nos, qui unum esse dicimus, desertum, ac solitarium esse dicamus. habet enim ministros: quos uocamus nuntios. Et est illud uerum, quod dixisse in exhortationibus Senecam supra retuli: genuisse regni sui ministros Deum. Verum hi neque Dij sunt, neque Deos se uocari, aut coli uolunt: quippe qui nihil præter iussum, ac uoluntatem Dei faciunt. Nec tamen illi sunt, qui uulgo coluntur: quorum & exiguus, & certus est numerus. Quod si cultores Deorum, eos ipsos se colere putant, quos summi Dei ministros appellamus: nihil est, quod nobis faciant inuidiam, qui unū dicamus, multos negemus. Si eos multitudo delectat: non duodecim dicimus, aut trecentos sexagintaquinque, ut Orpheus: sed innumerabilis esse arguimus eorum errores in diuersum, qui tam paucos putant. Sciunt tamen, quo nomine appellari debeant: ne Deum uerum uiolent: cuius nomen exponunt, dum pluribus tribuunt. Credant Apollini suo, qui eodem illo responso ut Ioui principatum, sic etiam cæteris Dijs abstulit nomen. Tertius enim uersus ostendit, Dei ministros non Deos, uerum angelos appellari oportere. De se quidem ille meritus est. qui cum sit è numero dæmonum, angelis se Dei aggregauit: denique in alijs responsis, dæmonem se esse, confessus est. Nam cū interrogaretur, quomodo sibi supplicari uellet: ita respondit:

Πάντῃ περὶ πᾶσι δίδασκ' ἐνοσίχθονε κέκλυθι δαίμον.

Item rursus cum preces in Apollinem Smyntheum rogatus expromeret, ab hoc uersu exorsus est:

b 5

ἀρμονίῃ

Ἀρμονίῃ κόσμῳ φαισφόρει, καὶ θεῷ δαίμονι.

Quid ergo superest, nisi ut sua confessione uerberibus ueri Dei, ac pœnæ subiaceat sempiternæ? Nam in alio responso ita dixit:

Δαίμονες οἱ φοιτῶσι περὶ χθόνα καὶ περὶ πόντον

Ἀκάματοι δάμαντες ὑπὸ μάστιγι θεοῦ.

De utrisq; generibus in 1 lib. differemus. Interim nobis sat est, quod dum se honorare uult, & in cælo collocare: cōfessus est, id quod res habet, quomodo sint appellandi, qui Deo assistunt. Retrahant ergo se homines ab erroribus, & abiectis religionibus prauis, parentē suum dominūq; cognoscant: cuius nec uirtus æstimari potest, nec magnitudo perspicui, nec principium cōprehendi. cum ad illum mentis humanæ intentio, & acumen, & memoria peruenerit, quasi subductis, & consumptis omnibus uijs, subsistit, hæret, deficit: nec est aliquid ulterius, quod progredi possit. uerum quia fieri nō potest, quin id, quod sit, aliquando esse cœperit: consequens est, ut quando nihil ante illum fuit, ipse ante omnia ex seipso sit procreatus. ideoq; ab Apolline ἁποφυῆς, à Sibylla ἁπογενῆς, & ἄρῆς νητ, & ἀποιντ, nominatur: quod Seneca uir acutus in exhortationibus uidit. Nos, inquit, aliunde pendemus. Itaque ad aliquem respicimus, cui, quod est optimum in nobis, debeamus. Alius nos edidit, alius instruxit: Deus ipse se fecit.

Quod Deus sine corpore sit, nec sexu ad procreandum egeat.

CAP. VIII.

**H**Is igitur tot & tantis testibus comprobatur, unius Dei potestate, ac prouidentia mundum gubernari, cuius uim, maiestatemq; tantam esse dicit in Timæo Plato, ut eam neque mente concipere, neque uerbis enarrare quisquam

quisquam possit ob nimiam eius, & inestimabilem potestatem. Dubitet ergo aliquis, an quicquam difficile, aut impossibile sit Deo: qui tanta, tamq; mirifica opera pro uidentia excogitauit, uirtute constituit, ratione perfecit, nunc autem spiritu sustentet, potestate moderetur, inexcogitabilis, ineffabilis, & nulli alij satis notus quàm sibi? Vnde mihi de tanta maiestate sæpius cogitanti, qui Deos colunt, interdum uideri solent tam cæci, tam incogitabiles, tam excordes, tam non multū à mutis animalibus differentes, qui credant, eos, qui geniti sunt maris ac fœminæ coitu, aliquid maiestatis, diuinæq; uirtutis habere potuisse: cum Sibylla Erythræa dicat:

Οὐδ' ὕναρ' αὐτὸς

Εκ μητρὸς μήτρᾱς τε θεὸς τε τοπωμένῳ. <sup>294</sup> Εἴν.

Quod si est uerum, sicuti est: apparet, Herculem, Apollinem, Liberum, Mercurium, Iouemq; ipsum cum cæteris homines fuisse, quoniam sunt ex duobus sexibus nati. Quid est autem tam remotum à Deo, quàm id opus, quod ipse ad propagandam sobolem mortalibus tribuit? & quod sine substantia corporali nullum potest esse? Djs ergo, si sunt immortales, & æterni, quid opus est altero sexu? nimirum ut generent. ipsa progenie quid opus est? cum successione nō egeant, qui futuri sunt semper? Nam profecto in hominibus, cæterisq; animantibus diuersitas sexus, & coitio, & generatio nullam habet aliam rationem, nisi ut omnia genera uiuentium, quando sunt conditione mortalitatis obitura, mutua possint successione seruari. Deo autem, qui est sempiternus, neque alter sexus, neque successio necessaria est. Dicit aliquis, Vt habeat uel ministros, uel in quos ipse possit dominari. Quid igitur opus est sexu fœmineo, cum Deus, qui est omnipotēs,  
ut uoca

ut uocatur, sine usu, & opera foeminae possit filios procreare? Nam si quibusdam minutis animalibus id praestit, ut sibi è folijs natos & suauibus herbis ore legant: cur existimet aliquis, ipsum Deū nisi ex permistione sexus alterius nō posse generare? Illos igitur, quos imperiti & insipientes tanquā Deos & nuncupāt, & adorant: nemo est tam inconsideratus, qui nō intelligat fuisse mortalis. Quomodo ergo, inquiet aliquis, Dij crediti sunt? nimirum quia reges maximi, ac potentissimi fuerunt: ob merita uirtutum suarum, aut muncrum, aut artium repperitarum, cum chari fuissent ijs, quibus imperitauerant, in memoriam sunt consecrati. quod si quis dubitet, res eorum gestas, & facta consideret, quae uniuersa tam poetæ, quàm historici ueteres prodiderunt.

De Hercule, & eius uita, & morte. CAP. IX.

**H**ercules, qui ob uirtutem clarissimus, & quasi Africanus inter Deos habetur: nonne orbem terræ, quem peragrassè, ac expurgassè narratur, stupris, libidinibus, adulterijs inquinauit? nec mirum: cum esset adulterio genitus Alcmenæ. Quid tandem ponit in eo esse diuini, qui suis ipse uitijs mancipatus, & mares, & foeminas contra omneis leges infamia, dedecore, flagitio affecit? Sed ne illa quidem, quæ magna, & mirabilia gessit, talia iudicanda sunt, ut uirtutibus diuinis tribuenda uideantur. Quid enim tam magnificum, si leonem, aprumq; superauit? si aues sagittis deiecit? si regium stabulum egressit? si uiraginem uicit, cingulumq; detraxit? si equos feroces cum domino interemit? Opera sunt ista fortis uiri, hominis tamen. Illa enim, quæ uicit, fragilia, & mortalia fuerunt. Nulla enim est (ut ait Arator) tanta uis, quæ non ferro, ac uiribus debilitari, frangiq; possit.

At ani

At animum uincere, iracundiam cohibere, fortissimi est. quæ ille nec fecit unquam, nec potuit. Hæc qui faciat, non modo ego eum summis uiris comparo, sed similitum Deo iudico. Vellem, adiccisset de libidine, luxuria, cupiditate, insolentia, ut uirtutem eius impleret, quem similem Deo iudicabat. Non enim fortior iudicandus est, qui leonem, quàm qui uiolentiam, et in seipso inclusam feram superat iracundiam: aut qui rapacissimas uolucres deiecit, quàm qui cupiditates auidissimas coercet: aut qui Amazonem bellatricem, quàm qui libidinem uincit, pudoris, ac famæ debellatricem: aut qui finum de stabulo, quàm qui uitia de corde suo egerit, quæ magis sunt perniciofa, quia domestica, et propria mala sunt, quàm illa, quæ et uitari poterant, et caueri. Ex quo fit, ut ille solus, uir fortis debeat iudicari, qui temperans est, et moderatus et iustus. Quod si cogitet aliquis, quæ sint Dei opera: iam hæc omnia, quæ mirantur homines ineptissimi, ridicula iudicabit. Illa enim non diuinis uirtutibus, quos ignorant, sed infirmitate suarum uirium metiuntur. Nam illud quidem nemo negabit, Herculem non tantum Euristheo seruisse regi, quod aliquatenus honestum uideri potest, sed etiam impudicæ mulieri Omphale: quæ illum uestibus suis indutum, sedere ad pedes suos iubebat pensa facientem. detestabilis turpitudine, sed tanti erat uoluptas. Quid tu, inquiet aliquis, poetis nec credendum putas? Quid ni putem? Non enim ista Lucilius narrat, aut Lucianus, qui Dijs, et hominibus non pepercit: sed hi potissimum, qui Deorum laudes canebant. Quibus igitur credemus, si fidem laudantibus non habemus? Qui hos mentiri putat, proferat alios, quibus credamus, autores: qui nos doceant, qui sint isti Dijs, quomodo

quomodo, unde orti: quæ sit uis eorum: qui numerus: quæ potestas: quid in his admirabile: quid cultu dignum: quod deniq; certius, ueriusq; mysterium. nullos dabit. Credamus igitur istis, qui non ut reprehenderent, sunt locuti, sed ut prædicarent. Nauigauit ergo cū Argonautis, expugnauitq; Troiam, iratus Laomedonti ob negatam sibi pro filia salute mercedem. unde, quo tempore fuerit, apparet. Idem furor, atq; insania percitus, uxore suam cū liberis interemit. Hunc homines Deum putant? sed Philoctetes eius hæres non putauit, qui facem supposuit arsero, qui artus eius, & neruos cremari, ac diffluere uidit, qui ossa eius, ac cineres in Oeta monte sepeliuit: pro quo munere sagittas eius accepit.

De Aesculapij, Apollinis, Martis, Castoris & Pollucis, Mercurij atque Liberi uita, & gestis.

CAP. X.

**A**esculapius & ipse non sine flagitio Apollinis natus, quid fecit aliud diuinis honoribus dignum, nisi quòd sanauit Hippolytum? mortē sanè habuit clariorē: quòd à Deo meruit fulminari. Hunc Tarquitijs de illustribus uiris differens, ait, incertis parentibus natum, expositum, & à uenatoribus inuentum, canino lacte nutritum: Chironi traditum, didicisse medicinam: fuisse autem Messenium, sed Epidauri moratum. Tullius etiam Cynosuris urbe Arcadiæ ait sepultum. Quid Apollo pater eius? Non ne ob amorem, quo flagrauit, turpissime regem pauit alienum, & muros Laomedonti extruxit? cū Neptuno mercede conductus, quæ illi negari potuit impune: ab eo que primo Rex perfidus, quicquid cum Dijs pepigisset, didicit abnegare. Idem formosum puerum & dum amat, uiolauit, & dum ludit, occidit. Homicida

Mars



Mars, & per gratiam cædis crimine ab Atheniensibus liberatus, ne uideretur ninis ferus, & immanis, adulterium cum Venere commisit. Castor & Pollux, dum alias sponsas rapiunt, esse gemini desierunt. nam dolore iniuriæ concitatus Idas, alterum gladio transuerberauit. & eosdem poëtæ alternis uiuere, alternis mori narrant: ut iam sint non Deorum tantum, sed omnium mortalium miserrimi, quibus semel mori non licet. hos tamen Homerus ambos simpliciter (non ut poëtæ solent) mortuos esse testatur. Nam cum faceret in muris asidentem Priamo Helenam, cunctos Græciæ principes recognoscere, solos autem se fratres suos requirere: subiecit orationi eius huiusmodi uersum:

Hæc ait. ast illos retinebat terra sepultos.

Fur ac nebulo Mercurius, quid ad famā sui reliquit, nisi memoriam fraudum suarum? Cælo scilicet dignus, quia palæstram docuit, & lyram primus inuenit. Liberum patrem in senatu Deorum summæ autoritatis, primæq; esse sententiæ, necesse est: quia præter Iouem solus omnium triumphauit, exercitum duxit, Indos debellauit, sed inuitus ille Imperator Indicus maximus, ob amorem, ac libidinem turpissime uictus est. Delatus enim Diam cum semiuiro comitatu, nactus est impudicam mulierem in litore: ac fiducia uictoriæ Indicæ, uir esse uoluit: ne nimium mollis uideretur: atque illam patris proditricem, fratris interemptricem, ab alio relictam, & repudiatam, in coniugium sibi uendicauit, & liberam fecit, & cum ea pariter ascendit in cælum. Quid omnium horum pater Iupiter, qui in solenni precatatione Optimus Maximus nominatur? non ne à prima sua pueritia impius, ac penè parricida deprehenditur? cum patrem regno



regno expulit, ac fugauit: nec expectauit mortem decrepiti senis, cupiditate regnandi: & cum paternum solium per uim, per arma cepisset, bello est à Titanibus laceßitus. quod humano generi principium fuit malorum. quibus uictis, & pace in perpetuum comparata, reliquam suam uitam in stupris, adulterijsq; consumpsit. Omitto uirgines, quas imminuit. id enim tolerabile iudicari solet. Amphitryonem ac Tyndarum præterire nõ possum: quorum domos dedecore, atque infamia plenissimas reddidit. Illud uero summæ impietatis, ac sceleris, quod regium puerum rapuit ad stuprum. Parum enim uidebatur, si in expugnanda foeminarum pudicitia maculosus esset, ac turpis: nisi etiam sexui suo iniuriam faceret: hoc est uerum adulterium, quod fit contra naturam. hæc qui fecit, uiderimus, an maximus, certe optimus non est. quod nomen à corruptoribus, ab adulteris, ab incestis abest: nisi forte nos erramus homines, qui talia facienteis sceleratos uocamus, ac perditos, omnibusq; pœnis dignissimos iudicamus. Stultus autem M. Tullius, qui C. Verri adulteria obiecit: eadem enim Iupiter, quem colebat, admisit: Qui P. Clodio sororis incestum: at illi Optimo Maximo eadem fuit & soror, & coniux.

De Iouis ortu, uita, regno, nomine, & morte: & de Saturno, & Vrano. CAP. XI.

**Q**uis est igitur tam excors, qui hunc in cælo regnare putet, qui ne in terra quidem debuit? Non insulse quidam poëta triumphum Cupidinis scripsit. quo in libro non modo potentissimum Deorum Cupidinem, sed etiam uictorem facit. Enumeratis enim amoribus singulorum, quibus in potestatem Cupidinis, ditionemq; uenissent: instruit pompam, in qua Iupiter cum cæteris Dijs

Dijs ante currum triumphantis ducitur cathenatus. eleganter id quidem à poëta figuratum: sed tamen non multum distat à uero. Qui enim uirtutis est expers: qui cupiditatibus, ac libidinibus malis uincitur: non Cupidini (ut ille finxit) sed morti subiectus est sempiternæ. Sed omitamus de moribus dicere: rem consyderemus: ut intelligât homines, in quibus miseri uersentur erroribus. Regnare in cœlo Iouem uulgus existimat. id & doctis pariter, & indoctis persuasum est. quod & religio ipsa, & precatationes, & hymni, & delubra, & simulachra demonstrât. Eundem tamen Saturno, & Rheæ genitum confitentur. Quomodo potest Deus uideri, aut (ut ait poëta) hominû rerumq; repertor, ante cuius ortum infinita hominû millia fuerunt? Eorum scilicet, qui Saturno regnante uixerunt, ac priores luce, quàm Iupiter, sunt potiti. Video alium Deum regem fuisse primis temporibus, alium consequentibus. Potest ergo fieri, ut alius sit postea futurus. Si enim regnum prius mutatum est: cur desperemus etiâ posterius posse mutari? nisi forte Saturnus generare potuit fortio rem: Iupiter non potest. Atqui diuinum imperium aut semper immutabile est: aut, si est mutabile, quod fieri non potest, semper utique mutabile est. Potest ergo Iupiter regnum amittere, sicut & pater eius amisit. ita plane. nam cum idem neque uirginibus, neque maritatis unquam pepercisset: abstinuit se tamē una Thetide: quod responsum fuit, maiorem patre suo futurum, quisquis ex illa natus esset. Primum in eo imprudentia non Dei: cui nisi Themis futura dixisset, ipse nesciret. si autem diuinus non sit: ne deus quidem sit, unde ipsa diuinitas nominatur, ut ab homine humanitas. Deinde conscientia imbecillitatis, qui timuit utique maiorem. quod qui facit, scit

c utique

utiq; profecto non esse se maximum, quando quidem potest aliquid maius existere. Idem per Stygiam paludem sanctissime iurat,

Vna superstitio, superis quæ reddita diuis.

Quæ est ista superstitio? aut à quo reddita? Est ergo aliqua potestas maxima, quæ peierantes deos puniat? quæ tanta formido est paludis infernæ, si sunt immortales? quid metuunt eam, quam uisuri non sunt, nisi quos mori necesse est? Quid igitur homines oculos suos in cælum tollunt? quid per superos deierant, cum ipsi superi ad inferos deuoluantur? ibiq; habeant quod uenerentur, & adorent? Illud uero quale est? esse fata, quibus dii omnes & ipse Iupiter pareat. Si Parcarum tanta uis est, ut plus possint quam cælestes uniuersi, quamq; ipse rector, ac dominus: cur non illæ potius regnare dicantur, quarum legibus ac statutis parere omneis deos necessitas cogit? Nunc cui dubium est, quin is, qui alicui rei obsequitur, maximus non sit? nam si sit, non accipiat fata, sed faciat. Nunc ad illud, quod omiseram, redeo. In una utique sola fuit continentior, cum eam deperiret, & non uirtute aliqua, sed metu successoris. Quæ formido utiq; eius est, qui sit & mortalis & imbecillis, & nihili. quippe qui potuit & tunc, cum nasceretur, extingui, sicut frater eius antè genitus extinctus est: qui si uiuere potuisset, nunquam minori concessisset imperium. ipse autem furto seruatus, furtimq; nutritus, Iovis siue Iovis appellatus est: non, ut isti putant, à seruore cælestis ignis, uel quòd uitæ sit dator, uel quòd animantibus inspiret animas, quæ uirtus solius dei est (quam enim possit inspirare animam, qui ipse accipit aliunde?) sed quòd primus ex liberis Saturni maioribus uixcrit. Potuerunt igitur homines alium Deum habere

habere regem, si Saturnus non fuisset ab uxore delusus. At enim poëta ista finxerunt. Errat quisquis hoc putat. illi enim de hominibus loquebantur: sed ut eos ornarent, quorum memoriam laudibus celebrabāt, deos esse dixerunt. Itaq; illa potius ficta sunt, quæ tanquam de dijs, non illa, quæ tanquam de hominibus locuti sunt: quod clarum fiet exēplo, quod inferemus. Danaë n uiolaturus Iupiter, aureos numos largiter in sinum eius infudit. Hæc stupri merces fuit. At poëta, qui quasi de Deo loquebantur: ne autoritatē creditæ maiestatis infringeret, finxerūt ipsum in aureo imbre delapsū, eadem figura, qua imbres ferreos dicunt, cum multitudinē telorum, sagittarūq; describunt. Rapiisse dicitur in aquila catamitum. poëticus color est. sed aut per legionē rapuit, cuius insigne aquila est: aut nauis, in qua est impositus, tutelam habuit in aquila figuratam, sicut taurum cum rapuit & transfexit Europam. Eodem modo conuertisse in bouem traditur Io Inachi filiam. quæ, ut iram Iunonis effugeret, ut erat iam setis obsita, iam bos transisse dicitur mare, in Aegyptum que uenisse, atque ibi recepta pristina forma, dea facta, quæ nunc Isis uocatur. Quo igitur argumento probari potest, nec Europam in tauro sedisse, nec Io factam bouem? Quod certus dies habetur in fastis, quo Isidis nauigium celebratur. quæ res docet non transisse illam, sed nauigasse. Igitur qui sapere sibi uidentur: quia intelligunt uiuum, terrenum que corpus in cælo esse non posse: totam Ganymedeam fabulam pro falso repudiant, nec sentiunt, in terra id esse factum, quia res, ac libido ipsa terrena est. Non ergo res ipsas gestas finxerunt poëta: quod si facerent, essent uanissimi: sed rebus gestis addiderunt quendam colorem. Non enim obtre-

Etantes illa dicebant, sed ornare cupientes. Hinc homi-  
 nes decipiuntur: maxime quòd, dum hæc omnia ficta esse  
 arbitrantur à poëtis, colunt, quod ignorant. nesciunt  
 enim, qui sit poëtica licentiæ modus, quousque progre-  
 di fingendo liceat: cum officium poëtæ sit in eo, ut ea,  
 quæ gesta sunt uere, in aliquas species obliquis figura-  
 tionibus cum decore aliquo conuersa traducat. Totum  
 autem, quod referas, fingere, id est ineptum esse, & men-  
 dacè potius, quàm poëtam. sed finxerūt ista, quæ fabulo-  
 losa creduntur. num etiam illa, quæ de dijs fœminis, deo-  
 rumq; connubijs dicta sunt? Cur igitur sic figurantur, sic  
 coluntur? nisi forte non tantum poëtæ, sed & pictores  
 etiam fictoresq; imaginum mentiuntur. Si enim hic Iu-  
 piter, qui à uobis dicitur Deus, non is est, qui ex Satur-  
 no, & Opè natus est: non oportuit nisi solius simulachrū  
 in templis omnibus collocari. quid sibi mulierum effigies  
 uolunt? quid sexus infirmus? in quem si cecidit iste Iupi-  
 ter: tum uerò ipsi lapides hominem fatebuntur. Menti-  
 tos aiunt esse poëtæ, & his tamen credunt: immo uerò  
 non esse mentitos, re ipsa probant. Ita enim deorum si-  
 mulachra confingunt, ut ex ipsa diuersitate sexus appa-  
 reat uera esse, quæ dicunt poëtæ. Nam quod aliud ar-  
 gumentum habet imago catamiti, & effigies aquilæ, cū  
 ante pedes Iouis ponuntur in templis, & cum ipso pa-  
 riter adorantur: nisi ut nefandi sceleris, ac stupri me-  
 moria maneat in æternum? Non igitur à poëtis totum  
 fictum est. aliquid fortasse traductum, & obliqua figu-  
 ratione obscuratum, quò ueritas inuoluta tegcretur: si-  
 cut illud de sortitione regnorū. Aiunt enim Ioui cælum  
 obtigisse, Neptuno mare, inferna Plutoni. cur non terra  
 potius in sortē tertiam uenit? nisi quòd in terra gesta res  
 est

est. Ergo illud in uero est, quòd regnum orbis ita partiti, sortitiq; sunt, ut Orientis imperium Ioui cederet, Plutoni, cui cognomen Agesilao fuit, pars Occidentis obtineret: eò quòd plaga oriēs, ex qua lux mortalibus datur, superior, occidentis autem, inferior esse uideatur. Sic ueritatem mendacio uelauerunt, ut ueritas ipsa persuasioni publicæ nihil derogaret. De Neptuni sorte manifestum est, cuius regnum tale fuisse dicimus, quale M. Antonij fuit infinitum illud imperium, cui totius oræ maritimæ potestatem senatus decreuerat, ut prædones persequeretur, ac mare omne pacaret. Sic Neptuno maritima omnia cum insulis obuenerunt. Quomodo id probari potest? Nimirum ueteres historiæ docēt. Antiquus autor Euhemerus, qui fuit ex ciuitate Messana, res gestas Iouis, & cæterorum, qui dii putantur, collegit, historiāq; contexit ex titulis, et inscriptionibus sacris, quæ in antiquissimis tēplis habebātur, maximeq; in fano Iouis Triphylj, ubi auream columnam positam esse ab ipso Ioue, titulus indicabat: in qua columna gesta sua perscripsit: ut monimentum esset posteris rerum suarū. Hanc historiā interpretatus est Ennius, & secutus. cuius hæc uerba sunt: Iupiter imperiū Neptuno dat maris, ut insulis omnibus, & quæ loca sunt secundū mare, omnibus regnaret. Vera sunt ergo, quæ loquuntur poëtæ, sed obtentu aliquo, specieq; uelata. Potest et mons Olympus figuram poëtis dedisse, ut Iouem dicerent cæli regnum esse sortitum, quòd Olympus ambiguum nomen est & montis, & cæli. In Olympo autē Iouem habitasse, docet historia eadē: quæ dicit: Eadē tempestate Iupiter in monte Olympo maximam partem uitæ colebat, & eò ad eum in ius ueniebāt, siquæ res in cōtrouersia erant. Item, siquis quid noui in-



uenerat, quod ad uitam humanā utile esset, eò ueniebat, atq; Ioui ostendebat. Multa in hunc modū poëtæ transferunt, non ut in deos mentiantur, quos colunt, sed ut figuris, uarijsq; coloribus uenustatem, ac leporem carminibus suis addant. Qui autē non intelligunt, quomodo, aut quare quidque figuretur, poëtæ uelut mendacis, & sacrilegos insequuntur. Hoc errore decepti etiā philosophi, quòd ea, quæ de Ioue feruntur, minime in deum conuenire uidebantur, duos Ioues fecerunt, unum naturalem, alterum fabulosum. Vidcrunt ex parte, quod erat uerum, eum scilicet, de quo poëtæ loquuntur, hominem fuisse. in illo autem naturali Ioue uulgari consuetudine religionis inducti, errauerunt, quòd in deum nomen hominis transfulerunt, qui (ut supra diximus) quia solus est, non indiget nomine. Iouem autem illum esse, qui sit ex Ope, Saturnoq; natus, negari non potest. Vana igitur persuasio est eorū qui nomē Iouis summo deo tribuunt. Solēt enim quidam errores suos hac excusatione defendere, qui conuicti de uno Deo, cum id negare nō possunt, ipsum se colere affirmant: uerū hoc sibi placere, ut Iupiter nomine tur. quo quid absurdius? Iupiter enim sine contubernio coniugis, filiaq; coli nō solet. Vnde quid sit, apparet: nec fas est id nomen eò transferri, ubi nec Minerva est ulla, nec Iuno. Quid, quòd huius nominis proprietates nō diuinam uim exprimit, sed humanam? Iouem enim, Iunonemque à iuuando esse dictos Cicero interpretatur. Et Iupiter, quasi iuuans pater dicitur: quod nomē in Deum minime congruit, quia iuuare hominis est, opis aliquid cōferentis in eum, qui sit alienus, & exigui beneficij. Nemo sic Deū precatur, ut se adiuuet, sed ut scruet, ut uitā, salutēq; tribuat: quod multo plus, ac maius est, quàm iu-



uare. Et quoniã de patre loquimur, nullus pater dicitur filios iuuare, cum eos generat, aut educat. Illud enim leuius est, quàm ut eo uerbo magnitudo paterni beneficij exprimitur. Quanto id magis inconueniens est Deo, qui uerus est pater, per quem sumus, et cuius toti sumus, à quo fingimur, animamur, illuminamur, qui nobis uitã impertit, salutem tribuit, uictum multiplicẽ subministrat. Non intelligit beneficia diuina, qui se iuuari tantummodo à Deo putat. Ergo non imperitus modus, sed etiã impius est, qui nomine Iouis uirtutem summæ potestatis imituit. Quare si Iouem ex rebus gestis, et ex moribus hominem fuisse, in terraq; regnasse deprehẽdimus: superest, ut mortem quoq; eius inuestigemus. Ennius in sacra historia, descriptis omnibus, quæ in uita sua gessit, ad ultimum sic ait: Deinde Iupiter post quã terrã quinquies circauit, omnibusq; amicis, atq; cognatis suis imperiũ diuissit, reliquitq; hominibus leges, mores frumẽtaq; parauit, multaq; alia bona fecit, immortalis gloria, memoriaq; æfectus, sempiterna monimenta suis reliquit: ætate pessum acta, in Creta uitam commutauit, et ad Deos abiit, cumq; Curetes filij sui curauerunt, decoraucruntq; eum: et sc̃pulchrum eius est in Creta in oppido Gnoſo: et dicitur Vesta hanc urbẽ creauisse: inq; sepulchro eius est inscriptum antiquis literis Græcis, ὃς ἐστὶ τὸ πρῶτον, id est Latine, Iupiter Saturni. Hoc certe nõ poëtæ tradunt, sed antiquarum rerum scriptores. quæ adeo uera sunt, ut ea Sibyllinis uersibus confirmantur, qui sunt tales:

Δαίμονας ἀψύχους νεκρῶν ἁδωλὰ καμόντων  
ὧν κρῖσι καύχημα τάρπης ἢ δῖος μορφῇ ἴχεν.

Cicero de Natura deorum, cū treis Ioues à theologis nominari diceret, ait, tertium fuisse Cretensem, Saturni fi-

lium: cuius in illa insula sepulchrum ostenditur. Quomodo igitur potest Deus alibi esse uiuus, alibi mortuus, alibi habere templum, alibi sepulchrū? Sciant ergo Romani, capitolium suum, id est, summum caput religionū suarum publicarum, nihil esse aliud, quàm inane monimentum. Veniamus nunc ad eius patrem, qui antè regnauit, et qui fortasse plus habebat in se, quòd ex coitu tantorum elementorum genitus esse dicatur. Videamus, quid in eo fuerit Deo dignum: In primis illud, quòd aureum seculum narratur habuisse, quòd iustitia sub eo fuerit in terra. Teieo aliquid in eo, quod in eius filio nō fuit. Quid enim tan cōueniēs Deo, quàm iustum regimen, ac pium seculum? Sed cū eadem ratione natum esse cogito: nō possum putare Deum summum, quòd uideam esse aliquid antiquius, cœlum scilicet, atq; terrā. At ego Deum quero, ultra quera nihil est omnino, qui fons, et origo sit rerum. Hic sit necesse est, qui cœlum ipsum condidit, terramq; fundauit. Saturnus autem si ex his natus est (ut putatur) quemadmodum potest Deus esse principalis, qui alijs ortū suum debet? aut quis præsuit mundo, antequàm Saturnus gigneretur? Sed hoc poëticum est (ut dicebam paulo antè) figmentum. nec enim fieri poterat, ut elementa insensibilia, tantoq; interuallo separata, in unum coirēt, ac filium procrearent, aut is, qui natus esset, non potissimum genitoribus similis existeret, sed eam formam gereret, quam parentes sui non habebant. Quæramus ergo, quid ueritatis sub hac figura lateat. Minutius Felix in eo libro, qui Octauius inscribitur, sic argumētatus est: Saturnum, cum fugatus esset à filio, in Italiāq; uenisset: Cœli filium dictum, quòd soleamus eos, quorum uirtutem miremur, aut qui repentino aduenerint, de cœlo cecidisse, dicere: terræ autem

autem, quòd ignotis parentibus natos terræ filios nominamus. Sunt hæc quidem similia uerè, non tamen uera: quia constat etiam tunc, cum regnaret, ita esse habitum. Potuit & sic argumentari: Saturnum, cum potentissimus rex esset, ad retinendam parentum suorum memoriam nomina eorum cælo, terræq; indidisse, cum hæc prius alijs uocabulis appellarentur. qua ratione & montibus, & fluminibus nomina scimus imposita. Neque enim cum dicunt poëtæ de progenie Atlantis, aut Inachi fluminis, id potissimum dicunt, homines ex rebus sensu carentibus potuisse generari: sed eos utique significant, qui nati sunt ex ijs hominibus, qui uel uiui, uel mortui, nomina montibus, aut fluminibus indiderunt. Nam id apud ueteres, maximeq; Græcos usitatum fuit. sic maria eorum traxisse nomina accepimus, qui deciderant in ea, ut Aegæum, Icarium, Helleponticum. & in Latio Auentinus uocabulum monti dedit, in quo sepultus est: Tyberinus, uel Tybris amni, in quo mersus est. Non ergo mirandum, si nomina eorum cælo, terræq; attributa essent, qui reges genuerant potentissimos. Apparet ergo, non ex cælo natum esse: quod fieri non potest: sed ex eo homine, cui nomen Vrano fuit. quod esse uerum, Trismegistus autor est. qui cum diceret admodum paucos extitisse, in quibus esset perfecta doctrina: in his Vranum, Saturnum, Mercurium cognatos suos nominauit. Hæc ille quia ignorauit, aliò traduxit historiam. qui quoniam quomodo potuerit argumentari, ostendi: nunc dicam, quomodo, ubi, à quo sit hoc dictum. non enim Saturnus hoc, sed Iupiter fecit. In sacra historia sic Ennius tradit. Deinde Pantum deducit, in montem, qui uocatur cæli stella. Postquam cò ascendit, contemplatus est latè terras, ibiq; in eo

monte aram creat cœlo: primusq; in ea ara Iupiter sacrificauit: in eo loco suspexit in cœlum, quod ἄσπερος nominatur: idq;, quod supra mundum erat, quod æther uocatur, de sui aui nomine cœlo nomen indidit: idq; Iupiter, quod æther uocatur, precans primum cœlum nominauit: eamq; hostiam, quam ibi sacravit, totam adoleuit. Nec hic tantum sacrificasse Iupiter inuenitur: Cæsar quoque in Arato refert, Aglaosthenem dicere, Iouem cum ex insula Naxo aduersus Titanas proficisceretur, & sacrificium faceret in littore: aquilam ei in auspiciū aduolasse: quam uictor bono omine acceptam tutelæ suæ subiugarit. Sacra uero historia etiam antè consedissee illi aquilam in capite, atque illi regnum portedissee, testatur. Cui ergo sacrificare Iupiter potuit, nisi Cœlo auo? quem dicit Euhemerus in oceano mortuum, & in oppido Aulatia sepultum.

Quomodo Stoici signēta poëtarū ad Philo-

sophicam transferant rationem. CAP. XII.

**Q**uoniam reuelauimus mysteria poëtarū, & Saturni parētes inuenimus: ad uirtutes eius, & facta redeamus. Iustus in regno fuit. Primum ex hoc ipso iam deus nō est, quod fuit: Deinde quod ne iustus quidē fuit, sed impius nō modo in filios, quos necauit, uerū etiam in patrē, cui dicitur abscidisse genitalia. quod forsitan uere acciderit. Sed homines respectu elementī, quod dicitur cœlum, totam fabulam explodunt tanquam ineptissime fictam. quā tamen Stoici (ut solent) ad rationē physicam conantur traducere. quorum sententiā Cicero, de natura deorum differens, posuit. Cœlestem, inquit, altissimam, ætheriamq; naturam, id est, igneam, quæ per sese omnia gigneret, uacare uoluerūt ea parte corporis, quæ cōiunctione alterius

alterius egeret ad procreandum. quæ ratio in Vestam potuit conuenire, si mas diceretur. Iccirco enim uirginem putant Vestam, quia ignis inuiolabile sit elementum, nihilq; nasci possit ex eo. quippe qui omnia, quæ arripuerit, absumat. Ouidius in Fastis:

Nec tu aliud Vestam, quàm uiuam intellige flammam:

Natq; de flamma corpora nulla uides:

Iure igitur uirgo est, quæ semina nulla remittit,

Nec capit, et comites uirginitatis amat.

Vulcano quoque id potuit ascribi, qui quidem putatur ignis, et tamen cum poëtæ non absciderunt. potuit et Soli, in quo est natura, et causa gignentium. nam sine Solis igneo calore neq; nasci quicquam, neq; augeri potest: ut nulli alij elemēto magis opus sit genitalibus, quàm calori, cuius foetu concipiuntur, nascuntur, sustentantur omnia. Pstremo etiam si ita sit (ut uolunt) quī magis abscissum esse cœlum putemus, quàm omnino sine genitalibus natum? Nam si per se gignit: non indigebat utiq; genitalibus, cū Saturnū ipsum procrearet. Si uerò habuit, et à filio abscissa sunt: ortus rerum, et natura omnis interisset. Quid, quod ipsi Saturno non diuinum modo sensum, sed humanum quoq; adimunt? cum affirmant esse eū Saturnum, qui cursum, et conuersionem spatiorum, et temporū continet, eumq; Græce idipsum nomen habere. χρόνος enim dicitur, quod est idem, quod χρόνος, id est, spatium temporis. Saturnus autē est appellatus, quod saturctur annis. Hæc Ciceronis uerba sunt exponentis sententiam Stoicorum, quæ quàm uana sit, cuius intelligere promptissimum est. Si enim Saturnus cœli est filius: quomodo potuit aut tempus è cœlo gigni, aut cœlum à tempore abscidi, aut postea tempus imperio spoliari à filio.

Ioue

Ioue? Aut quomodo Iupiter natus est ex tempore? Aut quibus annis saturari possit æternitas, cui nullus est finis?

Stoicorum illa sententia euerfa: & ibi de Io-

uis ortu, Saturno, & Ope. CAP. XIII.

**S**I ergo uanæ sunt istæ rationes philosophorum: quid superest, nisi ut uere factum esse credamus, id est, hominem ab homine abscissum? nisi fortè aliquis existimet deum fuisse, qui timuit cohæredem: cum, siquid diuinitatis habuisset, non patris genitalia debuerit amputare, sed propria, ne Iupiter nasceretur, qui cum regni possessione priuauit. Idem sororē suam Rheam, quam Latine Opem dicimus, cum haberet uxorem: responso uetitus esse dicitur, mares liberos educare: quod futurum esset, ut à filio pelleretur. quam rem metuens, natos sibi filios non utiq; deuorabat (ut ferunt fabulæ) sed necabat. quanquam scriptum sit in historia sacra, Saturnū, & Opem, cæterosq; tunc homines humanam carnem solitos esitare: uerum primum Iouem leges hominibus, moresq; cōdentem, edito prohibuisse, ne liceret eo cibo uesci. quod si uerū est, quæ potest in eo fuisse iustitia? Sed fictum sanè putamus, Saturnum filios deuorasse, modo cum aliqua ratione: nunc iccirco, quod ait uulgus, comedis filios suos cū, qui extulerit, sepulturæq; mandauit. Ops autem cum Iouem peperisset, subtraxit infantem, eumq; nutriendum furtim misit in Cretam. Rursum imprudentiam reprehendani, necesse est. Cur enim responsum ab alio potius accipit? Cur in cælo constitutus, quæ gerebantur in terra, non uidebat? Cur eum Corybantes cymbalis sefellerunt? Postremo cur extitit aliqua uis potētior, aut maior, quæ illius uinceret potestatem? Nimium senex à iuueni facile

cile uictus est, ac spoliatus imperio. Fugit igitur expulsus, & in Italiam nauigio uenit, cum errasset diu, sicut Ouidius in Fastorum libris refert:

Causa ratis superest. Thuscum rate uenit ad amnem,  
Antè pererrato falcifer orbe Deus.

Hunc errantem, atq; inopē Ianus excepit. cuius rei argumenta sunt numi ueteres: in quibus est cum duplici fronte Ianus, & in altera parte nauis, sicut idem poëta subiicit:

At bona posteritas puppim formauit in ære,  
Hospitis aduentum testificata Dei.

Omnes ergo non tantum poëta, sed historiarum quoque ac rerum antiquarum scriptores, hominem fuisse consentiunt, qui res eius in Italia gestas memoriæ prodiderunt. Græci, Diodorus, & Thallus. Latini, Nepos & Cassius, & Varro. Nam cum agresti quodam more in Italia uiucretur:

Is genus indocile, ac dispersum montibus altis  
Composuit, legesq; dedit, Latiumq; uocari  
Maluit, his quoniam tutus latuisset in oris.

Censet ne aliquis deum esse qui pulsus est, qui fugit, qui latuit? nemo tam stultus est. qui enim fugit, aut latet, & uim, & mortem timeat, necesse est. Orpheus, qui temporibus eius recentior fuit: aperte, Saturnum in terra, & apud homines regnasse, commemorat:

Πρώτος μὲν ἄναξ ἐξ ἐπιχθονίων χρόνῳ αὐτοῦτον,  
Ex ᾧ χρόνῳ γίνετ' αὖτις ἄναξ μέγας ὑπεύστατος.

Item Maro noster;

Aureus hanc uitam in terris Saturnus agebat.

Et alio loco:

Aureaq; (ut perhibent) illo sub rege fuere  
Secula: sic placida populos in pace regebat,

Nec



Neq; superius dixit in cœlo egisse uitam, neque inferius superos in pace rexisse. unde apparet, illum regem fuisse terrenum. quod alibi apertius declarat:

- Aurea condet

Secula, quæ rursus Latio regnata per arua

Saturno quondam. Ennius quidem in Euhemero nō primum dicit regnasse Saturnum, sed Vranum patrem. Initio, inquit, primus in terris imperium summum Vranus habuit. is id regnum unā cum fratribus suis instituit, atque parauit. non magna dissensio. siquidem maximorum autorum de filio, ac patre dubitatio est. sed tamen utrunque fieri potest, ut & primus Vranus eminere inter ceteros potentia cœperit, & principatum habere, non regnum: postea Saturnus maiores sibi opes comparauerit, ac regium nomen asciuerit.

Quid idem Ennius docet in sacra historia.

C A P. X I I I I.

Nunc quoniam ab ijs, quæ retulimus, aliquantulum sacra historia dissentit: aperiāmus ea, quæ ueris literis continentur, ne poëtarum ineptias in accusandis religionibus sequi, ac probare uideamur. Hæc Ennij uerba sunt. Exin Saturnus uxore duxit Opem. Titan qui maior natu erat, postulat ut ipse regnaret. ibi Vesta mater eorum, & sorores Ceres, atq; Ops suadent Saturno, ut de regno non concedat fratri. Ibi Titan, qui facile deterior esset, quàm Saturnus: iccirco, & quod uidebat matrem, atque sorores suas operam dare, ut Saturnus regnaret: concessit ei, ut is regnaret. Itaque pactus est cum Saturno, uti si quid liberorū uirilis sexus ei natum esset, ne educaret. id eius rei causa fecit, uti ad suos gnatos regnum rediret. Tum Saturno filium qui primus natus est,

cum



eum necauerunt. Deinde posterius nati sunt gemini, Iu-  
 piter, atq; Iuno. Tum Iunonem Saturno in conspectum  
 dedere, atq; Iouem clam abscondunt, dantq; eum Vestæ  
 educandū, celantes Saturnum. Item Neptunum clam Sa-  
 turno Ops parit, eumq; clanculum abscondit. ad eundem  
 modum tertio partu Ops parit geminos, Plutonem, &  
 Glaucam. Pluton Latine est Diespiter: alij Orcum dicūt.  
 ibi Glaucam filiam Saturno ostendūt, ac filium Plutonē  
 celant, atq; abscondunt. Deinde Glauca parua emoritur.  
 Hæc (ut scripta sunt) Iouis, fratrumq; eius stirps, atq; co-  
 gnatio in hunc modum nobis ex sacra scriptione tradita  
 est. Item paulo post hæc refert, Deinde Titan, postquam  
 rescivit Saturno filios procreatos, atque educatos esse  
 clam: seducit secum filios suos, qui Titani uocantur, fra-  
 tremq; suum Saturnum, atq; opem comprehendit, eosq;  
 muro circumegit: et custodiā his apponit. Hæc historia  
 quā uera sit, docet Sibylla Erythræa, eadem ferē dicēs,  
 nisi quod in paucis, quæ ad rem non pertinent, discrepat.  
 Iupiter ergo liberatur summi sceleris crimine, quod pa-  
 trem uinxisse compedibus perhibetur. id enim Titan pa-  
 truius fecit, quod ille contra pactiōem, iusq; iurandum  
 mares liberos sustulisset. Reliqua historia sic cōtextitur:  
 Iouem adultum, cum audiuiisset patrem, atq; matrem cu-  
 stodijs circumseptos, atque in uincula coniectos, uenisse  
 cum magna Cretensium multitudine, Titanumq;, ac fi-  
 lios eius pugnando uicisse: parentes uinculis exenisse: pa-  
 tri regnum reddidisse: atque ita in Cretam remeasse: Post  
 hæc deinde Saturno datam sortē, ut caueret, ne filius eum  
 regno expelleret: illum eleuandæ sortis, atque effuglēdi  
 pericli gratia insidiatum Ioui, ut eum necaret: Iouem co-  
 gnitis insidijs regnum sibi denuo uendicasse, ac fugasse  
 Satur

*Saturnum. qui cum iactatus esset per omnes terras, persequentibus armatis, quos ad eum comprehendendum, uel necandum Iupiter miserat: uix in Italia locum, in quo lateret, inuenit.*

*Quomodo, cum fuerint illi homines, Dij fuerint nominati.* CAP. XV.

**Q** Vibus ex rebus cum constet illos homines fuisse: non est obscurum, qua ratione Dij cœperint nominari. Si enim nulli reges ante Saturnum, uel Vranum fuerunt propter hominum raritatem, qui agrestem uitam sine ullo rectore uiuebant: non est dubium, quin illis temporibus homines regem ipsum, totamq; gentem summis laudibus, ac nouis honoribus iactare cœperint, ut etiam Deos appellarent, siue ob miraculum uirtutis (hoc uere putabant rudes adhuc, & simplices) siue (ut fieri solet) in adulationem præsentis potentiae: siue ob beneficia, quibus erant ad humanitatem compositi. Deinde ipsi reges, cum chari fuissent ijs, quorum uitam composuerant, magnum sui desyderium mortui reliquerunt. Itaque homines eorum simulachra finxerunt, ut haberent aliquod ex imaginum contemplatione solatium. progressiq; longius per amorem meriti, memoriam defunctorum colere cœperunt, ut & gratiam referre benemeritis uiderentur, & successores eorum allicerent ad bene imperandi cupiditatem. quod Cicero de natura Deorum docet, dicens: Suscepit autem uita hominum, consuetudoq; communis, ut beneficijs excellentes uiros in cœlū fama, ac uolūtate tolleretur. Hinc Hercules, hinc Castor, hinc Pollux, hinc Aesculapius, hinc Liber. Et alio loco, atq; alio in plerisq; ciuitatibus intelligi potest, ac uēdæ uirtutis gratia, aut quo libentius reipublicæ causa periculū adiret optimus quisq; uiro

uirorum fortium memoriam honore deorum immortalium consecratam. Hac scilicet ratione Romani Cæsares suos consecrauerunt, & Mauri reges suos. Sic paulatim religiones esse cœpere, dum illi primi, qui eos nouerāt, co ritu suos liberos, ac nepotes, deinde omnes posteros imbuerunt. Et hi tamen summi reges ob celebritatem nominis in prouincijs omnibus celebrantur. Priuatim uerò singuli populi gentis aut urbis cōditores, seu uiri fortitudine insignes erant, seu fœminæ castitate mirabiles, summa ueneratione colucrunt, ut Aegyptij Isidem, Mauri Iubam, Macedones Cabyrum, Pœni Vranum, Latini Faunum, Sabini Sancum, Romani Quirinum. eodem utique modo Athenæ Mineruam, Samos Iunonem, Paphos Venerem, Lemnos Vulcanum, Naxos Liberum, Apollinem Delphi. Sic per populos, atq; regiones uaria sacra suscepta sunt, dum grati homines esse in suos principes cupiūt, & quos alios honores uita carentibus deferant, inuenire non possunt. Præterea pietas eorum, qui successerant, plurimum contulit ad errorem. qui (ut diuina stirpe nati uiderētur) diuinos honores parentibus detulerunt, deferriq; iusserunt. An ne potest aliquis dubitare, quomodo religiones deorum sint institutæ? cum apud Maronem legat Aeneæ uerba socijs imperantis:

Nunc pateras libate Ioui, precibusq; uocate  
Achisen genitorem. Cui non tantum immortalitatem,  
uerum etiam uentorum tribuit potestatem:

Poscamus uentos, atq; hæc mea sacra quotannis,  
Vrbe uelit posita templis sibi ferre dicatis.

Idē scilicet de Ioue Liber, & Pan, & Mercurius, & Apollo, fecerunt: ac postea de his ipsis successores eorum. Accesserūt etiam poëtæ: et compositis ad uoluptatē carminibus

minibus, in cœlum eos sustulerunt: sicut faciunt qui apud reges etiā malos panegyricis mēdacibus adulātur. quod malum à Græcis ortum est. quorū leuitas instructa dicēdi facultate, & copia, incredibile est quantas mendaciorum nebulas excitauit. Itaq; admirati eos, & susceperunt primi sacra illorum, & uniuerfis gentibus tradiderunt. Ob hanc uanitatem Sibylla sic eos increpat:

ΕΜΕΙΣ Δ' ἢ τὴν πεποιοῦντας ἐπὶ ἀνθρώπων ἡγεμόνεσι.

Πρὸς τὴν δὲ δῶρα μέγιστα καταφθιμένοις ἀναθήναι,

θύεις ἐδωκόις, τίς τοι πλάνην βίβλην ἐν νῶ

ὥς τίς τε τὰ δὲ ποιεῖν μέγιστο θεοῖο προσώπῳ

ἀφωπύνοιν;

M. Tullius, qui non tantum perfectus orator, sed etiam philosophus fuit, siquidem solus extitit Platonis imitator: in eo libro, quo seipsum de morte filiæ consolatus est, non dubitauit dicere, Deos, qui publicè colerētur, homines fuisse. Quod ipsius testimoniū cō debet grauiissimū iudicari, quod et augurale habuit sacerdotiū, & eosdem se colere, uenerariq; testatur: Itaq; intra paucos uersiculos duas res nobis dedit. Nam dum imaginem filiæ eodem se modo cōsecraturum esse profiteretur, quo illi à ueteribus sunt consecrati: & illos mortuos esse docuit, & originem uanæ superstitionis ostēdit. Cum uerò, inquit, & mares & fœminas complures ex hominibus in deorum numero esse uideamus, & eorum in urbibus, atq; agris augustissima delubra ueneremur: assentiamur eorū sapientiæ, quorum ingenijs, & inuentis omnem uitam legibus, & institutis excultam, constitutamq; habemus. Quod si ullum unquam animal consecrandum fuit: illud profecto fuit. Si Cadmi, aut Amphionis progenies, aut Tyndari in cœlum tollenda fama fuit: huic idem honos certe dicandus est. quod quidem faciam: te' que omnium optimam

optimam, doctissimamque, approbantibus dijs immortalibus ipsis in eorum cœtu locatam, ad opinionem omnium mortalium consecrabo. Fortasse dicat aliquis, præ nimio luctu delirasse Ciceronem. Atqui omnis illa oratio et doctrina, et exemplis et ipso loquendi genere perfecta, non ægri, sed constantis animi, ac iudicii fuit. Et hæc ipsa sententia nullum præfert indicium doloris. Neque enim puto illum tam uarie, tam copiose, tam ornate scribere potuisse, nisi luctum eius et ratio ipsa, et consolatio amicorum, et temporis longitudo mitigasset. Quid, quod idem dicit in libris de republica? idem de gloria? Nam de legibus, quo in opere Platonem secutus, leges uoluit ponere, quibus putaret usuram esse iustam, et sapientem ciuitatem: de religione ita sanxit: Diuos, et eos, qui cœlestes semper habiti sunt, colunto, et illos, quos in cœlo merita locauerunt, Herculem, Liberum, Aesculapium, Pollucem, Castorem, Quirinum. Item in Tusculanis, cum diceret totum penè cœlum humano genere completum: Si uolucro, inquit, scrutari uetera, et ex illis ea, quæ scriptores Græciæ prodiderunt, cruce coner: ipsi illi maiorum gentium Dij qui habentur, hinc à nobis profecti in cœlum reperientur. Quære, quorum demonstrantur sepulchra in Græcia, reminiscere quoniam es initiatus, quæ traduntur mysterijs: tum denique, quàm hoc late pateat, intelliges. Testatus est, uidelicet Attici conscientia ex ipsis mysterijs intelligi posse, quod omnes illi homines fuerunt, qui coluntur, et cum de Hercule, Libero, Aesculapio, Castore, Polluce, incunctanter fatetur, de Apolline ac Ioue patribus eorum, item de Neptuno, Vulcano, Marte, Mercurio, quos maiorum gentium Deos appellauit, timuit aperte confiteri. Et ideo ait,

d 2 late

late hoc patere: ut idem de Ioue, cæteris que antiquioribus dijs intelligamus. quorum memoriam si eadem ratione ueteres consecrauerunt, qua se imaginem, nomen que filia consecraturum esse dicit, ignosci mœrentibus potest, credentibus non potest. Quis enim tam demens, qui consensu, & placito innumerabilium stultorum, aperiri cœlum mortuis arbitretur? aut aliquē, quod ipse nō habeat, dare alteri posse? Apud Romanos deus Iulius, quia hoc scelerato homini placuit Antonio: deus Quirinus, quia hoc pastoribus uisum est: cum alter germani fratris extiterit, alter patriæ parricida: quod si c o s. non fuisset Antonius, C. Cæsar pro suis in rempub. meritis etiam defuncti hominis honore caruisset, & quidē consilio Pisonis soceri, & L. Cæsaris propinqui: qui uetabant funus fieri: & Dolabellæ c o s. qui columnam in foro, id est, titulum eius euertit, ac forum expiauit. Nam Romulum desiderio suis fuisse, declarat Ennius, apud quem populus amissum regem dolens, hæc loquitur:

O Romule Romule dic, o,

Qualem te patriæ custodem dii genuerunt?

Tu produxisti nos intra luminis oras.

O pater, o genitor, o sanguen dijs oriundum.

Ob hoc desiderium facilius creditum est Iulio Proculo uientienti, qui subornatus à patribus est, ut nūciaret plebi suæ, uidisse se regē humano habitu augustiorē, cumq; mandasse ad populum, ut sibi delubrum fieret, se

Deum esse, & Quirinum uocari. Quo facto

& ipsi populo persuasit, Romulum ad

deos abiisse: & senatum suspi-

cione cædis regiæ

liberauit.

De Deorum sexu, &amp; ortu. CAP. XVI.

**P**Oteram ijs, quæ retuli, esse contentus: sed supersunt adhuc multa suscepto operi necessaria. Nā quamuis ipso religionū capite destructo, uniuerſa sustulerim: libet tamē prosequi cætera, & redarguere plenius inueteratā persuasionē: ut tandē homines pudeat suorū, ac pœniteat errorum. Magnum hoc opus, & homine dignum:

Relligionum animos nodis exolucere pergo.

ut ait Lucretius: qui quidem hoc efficere non poterat, quia nihil ueri afferebat. Nostrum est hoc officium, qui & uerum Deum asserimus, & falsos refutamus. Illi ergo qui poëtas finxisse de dijs fabulas opinantur, & deas fœminas esse credunt, & colunt: reuoluuntur imprudentes ad id, quod negauerant, coire illos, ac parere. Nec enim fieri potest, quin duo sexus generandi causa sint instituti. Recepta uerò sexuum diuersitate, non intelligunt consequens esse, ut cōcipiant. quod in deum cadere nō potest, ut isti putant. nam & Iouis esse filios dicunt, & cæterorum deorum. Nascuntur ergo & quotidie quidem dii noui. nec enim uincuntur ab hominibus fœcunditate. Igitur deorum innumerabilium plena sunt omnia, nullo scilicet moriente. Nam cum hominum uis incredibilis, numerus sit inæstimabilis, quos tamē, sicuti nascuntur, mori necesse est: quid Deorum esse tandem putemus, qui tot seculis nati sunt, immortalesq; manserunt? Cur ergo tam pauci coluntur? nisi forte arbitramur, non generandi causa, sed tantummodo capiendæ uoluptatis duos esse sexus deorum, & ea exercere, quæ homunculos & facere, & pati pudet. Cum uerò dicantur aliqui ex aliquibus nati: consequens est, ut semper nascantur, si quidem aliquando sunt nati: uel, si aliquando nasci desierunt, scire nos conuenit,



cur, aut quando defierint. Non illepide Seneca in libris moralibus philosophiæ: Quid ergo est, inquit, quare apud poëtas salaciſſimus Iupiter defierit liberos tollere? Vtrū sexagenarius factus est, & illi lex Papiæ fibulā imposuit? an impetrauit ius trium liberorū? An tandem illi uenit in mētem, Ab alio expectes, alteri quod feceris? & timet, ne quis sibi faciat quod ipse Saturno? At isti, qui deos asserunt, uideant quomodo respondeant huic argumento, quod inferemus. Si duo sunt sexus deorum: sequitur cōcubitus: & si cōeunt, & domos habeāt, necesse est. nec enim carent uirtute: ac pudore, ut hoc promiscue, aut in propatulo faciāt, sicut muta uidemus facere animalia. si domos habent: consequens est, ut & urbes habeant, & quidem autore Nasone: qui ait,

Plebs habitat diuersa locis: à fronte potentes  
Cœlicolæ, clariq; suos posuere penates.

Si habent urbes, & agros igitur habebunt. Iam, quis nō uideat, quæ sequantur? arare illos, & colere: quod quidē uictus causa fit. ergo mortales sunt. Quod argumentum retrouersum idē ualet. Si enim agros nō habent, ne urbes quidem: si urbes non habent, ne domos quidē. Si domibus carent, ergo & concubitu. Si concubitus ab his abest, & sexus igitur fœmuncus. in dijs autem uidemus et fœminas esse. ergo dij non sunt. Dissoluat hoc argumentum, si quis potest. Ita enim res rē sequitur, ut hæc ultima necesse sit cōfiteri. Sed ne illud quidem dissoluet aliquis. Ex duobus sexibus alter fortior, alter infirmior est. Robustiores enim mares sunt, fœminæ imbecilliores. Imbecillitas autem nō cadit in deum: ergo nec fœmuncus sexus. Huic additur superioris argumenti extrema illa conclusio, ut dij non sunt: quoniam in dijs & fœminæ sunt.

De Stoic



De Stoicorum eadem sententia : & ibi de  
Deorum ærumnis, & turpitudini=  
bus.

CAP. XVII.

**O**B has rationes Stoici alioverfus Deos interpretan=  
tur. & quia non pervident, quid sit in uero, conan=  
tur eos cum rerum naturalium ratione coniungere: quos  
Cicero secutus, de Dijs ac religionibus eorū hanc senten=  
tiam tulit. Videtis ne igitur, ut à physicis rebus bene, atq;  
utiliter inuentis tracta ratio sit ad cōmentitios, ac fictos  
deos? quæ res genuit falsas opiniones, erroresq; turbulen=  
tos, superstitiones penè aniles. & formæ enim Deorū no=  
bis, & ætates, et uestitus, ornatusq; noti sunt. genera præ=  
terea, cōiugia, cognationes omnes, omniaq; traducta ad  
similitudinem imbecillitatis humanæ. Quid planius, quid  
ucrius dici potest? Romanæ philosophiæ princeps & am=  
plissimo sacerdotio præditus cōmentitios, ac fictos Deos  
redarguit. quorum cultus, superstitiones penè aniles esse  
testatur: falsis opinionibus, erroribusq; turbulentis impli=  
catos esse homines queritur. Nam totus liber tertius de  
Natura deorū omnes funditus religiones euertit, ac de=  
let. Quid ergo à nobis expectatur amplius? Nū eloquen=  
tia superare possumus Ciceronem? minime id quidē: sed  
fiducia illi defuit ignoranti ueritatem. quod ipse simpli=  
citer in eodem opere confitetur. Ait enim facilius se pos=  
se dicere quid non sit, quàm quid sit: hoc est, falsa se in=  
telligere, uera nescire. Clarum est igitur, homines fuisse  
illos, qui Dij putantur, & eorum memoriam post mor=  
tem consecratam esse. ideo etiam ætates diuersæ sunt, &  
certæ imagines singulorum, quòd in eo habitu, & ætate  
singulorum simulachra configurata sunt, in qua quenq;  
mors deprehendit. Consideremus (si placet) ærumnas  
d 4 infelic

infelicium deorum. Isis filium perdidit, Ceres filiam. expulsa, & per orbem terræ iactata Latona, uix insulam paruam, in qua pareret, inuenit. Deum mater & amauit formosum adolescentem, & eundem cum pellice deprehensum, ex ætatis uirilibus scmuirum reddidit. & ideo nunc sacra eius à Gallis sacerdotibus celebrantur. Iuno pellices acerrime persecuta est: quia parere ipsa non potuit ex fratre. Insulam Samum scribit Varro prius Partheniam nominatam, quod ibi Iuno adoleuerit, ibique etiam Ioui nupsit. Itaque nobilissimum, & antiquissimum templum eius est Sami, & simulachrum in habitu nubentis figuratum: & sacra eius anniuersaria nuptiarum ritu celebrantur. Si ergo adoluit, si uirgo fuit primo, postea mulier: hominem fuisse, qui non intelligit, pecudem se fatetur. Quid loquar obscenitate Veneris omnium libidinibus prostituta, non deorum tantum, sed & hominum? Hæc enim ex famoso Martis stupro genuit Harmoniam, ex Mercurio Herma phroditum, qui est natus androgynus: ex Ioue Cupidinem, ex Anchise Aeneam, ex Bute Erycen, ex Adone quidem nullum potuit, quod etiam tum puer ab apro ictus, & occisus est. quæ prima (ut in historia sacra continetur) artem meretriciam instituit, autorque mulieribus in Cypro fuit, uti uulgo corpore questum facerent. quod idcirco imperauit, ne sola præter alias mulieres impudica, & uirorum appetens uideretur. Etiam ne hæc aliquid numinis? cuius plura numerantur adulteria, quam partus. Sed ne illæ quidem uirgines illibatam castitatem seruare potuerunt. Vnde enim putemus Erichthonium esse natum? an ex terra, ut poetæ uideri uolunt? At res ipsa clamat. Nam cum Vulcanus dijs arma fecisset, ei que Iupiter optionem dedisset præmij, quod uellet, postulandi, iurassetque

rasset' que (ut solebat) per infernam paludem, se nihil negaturum: tū faber claudus Mineruæ nuptias postulauit. Hic Iupiter Optimus Maximus tanta religione constri-  
ctus, abnuere non potuit: Mineruam tamen monuit repu-  
gnare: pudicitiamq; defendere. tum in illa colluctatione  
Vulcanum in terram profudisse aiunt semen, unde sit  
Erichthonius natus. id' que illi nomen impositum ἀπὸ τῆς  
ἐκείνου, καὶ Χθονὸς, id est, ex certamine, atque humo. Cur  
igitur uirgo cum puerum cum dracone conclusum, &  
obsignatum, tribus uirginibus Cecropidis commenda-  
uit? euidens (ut opinor) incestum, quod nullo modo  
possit colorari. Altera cum penè amatorem suum perdi-  
disset, qui erat turbatis distractus equis: præstantissi-  
mum medicum Aesculapium curando iuueni aduocauit,  
eumq; sanatum,

—Secretis alma recondit

Sedibus, & nymphæ Egeriæ, nemoriq; relegat:

Solus ubi in syluis Italis, ignobilis æuum

Exigeret, uersoq; ubi nomine Virbius esset.

Quid sibi uult hæc tam diligēs, tam sollicita curatio? quid  
secretæ sedes? quid relegatio uel tam longe, uel ad mulie-  
rem, uel in solitudinem? quid deinde nominis cōmutatio?  
postremo, quid equorū tam pertinax abominatio? Quid  
significant hæc omnia, nisi conscientiam stupri, & amo-  
rem minime uirginalem? Erat plane, cur tantum laborem  
pro tam fideli iuuenē susciperet, qui amanti nouerçæ ob-  
sequium pernegaret.

De Deorum consecratione propter  
beneficia.

CAP. XVIII.

**H**Oc in loco refellendi sunt etiā ij, qui Deos ex homi-  
nibus esse factos, non tantum fatētur, sed, ut eos lau-  
dant

dent, etiam glorientur, aut uirtutis gratia, ut Herculem: aut munerum, ut Cererem ac Liberum: aut artium repper-  
tarum, ut Aesculapium, uel Minervam. Hæc uero quàm  
inepta sint, quàmque non digna, propter quæ homines in=  
expiabili se scelere contaminent, hostesque Deo uero fiant,  
quo contempto, mortuorum sacra suscipiunt: ex singulis  
rebus ostendam. Virtutem esse dicunt, quæ hominē tollat  
in cælum, non illā de qua Philosophi dixerūt, quæ posita  
est in bonis animi, sed hanc corporalem, quæ dicitur for=  
titudō. quæ quoniam præcipua in Hercule fuit: immorta=  
litatem meruisse creditur. Quis tam stulte ineptus est, ut  
corporis uires diuinum, uel etiam humanum bonum iudi=  
cet, cū sint & maiores pecudibus attributæ, & uno mor=  
bo sæpe frangantur; uel ipsa senectute minuantur, &  
corruant? Itaque idem ille, cum deformari ulceribus to=  
ros suos cerneret: nec sanari se uoluit, nec senem fieri, ne=  
quando seipso minor, aut deformior uideretur. Hunc à ro=  
go, quo uiuum seipsum combusserat, ascendisse in cælum  
putauerunt: eaque ipsa, quæ stultissime admirati sunt, simul  
lachris, & imaginibus expressa, & cōsecrata posuerūt,  
ut in perpetuum uanitatis eorum monimenta perstarent,  
qui ob necem bestiarum Deos fieri credidissent. Sed hæc  
Græcorum fortasse culpa, qui res leuissimas pro maxi=  
mis semper habuerunt. Quid nostri, num. sapientio=  
res? qui athleticam quidem uirtutem cōtemnunt; quia ni=  
hil obest: sed regiam, quia late solet nocere, sic admiran=  
tur, ut fortes, & bellicosos duces in Deorū cætum loca=  
ri arbitrentur, nec esse ullam aliā ad immortalitatē uiam,  
quàm exercitus ducere, aliena uastare, urbes delere, oppi=  
da excindere, liberos populos aut trucidare, aut subij=  
cere seruituti. uidelicet quò plures homines affligerint,  
spoliant

spoliauerint, occiderint: eò se nobiliores, & clariores putant: & inanis gloriæ specie capti, sceleribus suis nomen uirtutis inponunt. Iam mallet, ut à ferarum cædibus Deos sibi fingerent, quàm immortalitatem tam cruentam probarent. Siquis unum hominem iugulauerit, pro contaminato, ac nefario habetur: nec ad terrenum hoc domicilium Deorum admitti eum fas putant. Ille autem, qui infinita hominum millia trucidauerit, cruore campos inundauerit, flumina infecerit: non modo in templum, sed etiam in cælum admittitur. Apud Ennium sic loquitur Africanus:

Si fas cædendo cœlestia scandere cuiquam est:

Mi soli cœli maxima porta patet.

Scilicet quia magnam partem generis humani extinxit, ac perdidit. O quantis in tenebris Africane uersatus es: uel potius o poëta, qui per cædes & sanguinem patere hominibus in cælum ascensum putaueris. Cui uanitati & Cicero assensit. Est uerò, inquit, Africane. nam & Herculi eadem ipsa porta patuit. Tanquam ipse plane, cum id fieret, ianitor fuerit in cælo. Equidẽ statucere non possum, dolendum ne potius, an ridendum putem, cum uideam & graues & doctos, & (ut sibi uidentur) sapientes uiros, in tam miserrandis errorum fluctibus uolutari. Si hæc est uirtus, quæ nos immortales facit: mori equidem malim, quàm exitio esse quamplurimis. Si aliter immortalitas parari non potest, nisi per sanguinem: quid fiet, si omnes in concordiam consenserint? Quod certe fieri poterit, si pernicioso, & impio furore proiecto, innocentes esse ac iusti uelint. Num igitur nemo erit cælo dignus? num peribit uirtus, quia hominibus in homines seuire nõ dabitur? Sed isti qui euerfiones urbium popu-  
lorumq;

lorumq; summam gloriam computant : otium publicum non ferent, rapiunt, seuicnt, & iniurijs insolenter illatis, humanæ societatis fœdus irrumpent, ut habere hostem possint, quem sceleratius deleant, quàm laceſsierint. Nunc ad reliqua pergamus. Nomen deorum Cereri ac Libero traditio muncrum fecit. Possum diuinis docere literis, uinū atq; fruges ante progeniē cœli, atq; Saturni fuisse in usu hominum: sed ab his sane inuenta esse fingamus. Num potest plus, aut maius uideri, collegisse fruges, hisq; fractis, panem facere docuisse, aut uuas de uitibus lectas expressisse, uinūq; fecisse: quàm fruges ipsas, aut uites generasse, aut protulisse de terra? Reliquerit hæc sane deus humanis ingenijs crueda: tamē fieri nō potest, quin ipsius sunt omnia, qui et sapientiā tribuit homini, ut inueniret, & ipsa illa, quæ possent inueniri, primus inuenit. Artes quoq; suis inuentoribus immortalitatem peperisse dicuntur, ut Aesculapio medicina, Vulcano fabrica. Colamus igitur et illos, qui fullonicā sutrinamq; docuerūt. Cur autem figulinæ repertori honos nō habetur? An quia isti diuites uasa Samia contemnunt? Sunt & aliæ artes, quarū repertores humanæ uitæ plurimum profuerunt. Cur non etiam illis attributa sunt templa? sed nimirum Minerva est, quæ omnes reperit: ideoq; illi opifices supplicant. Ergo ab his sordibus Minerva ascendit in cœlum. Est uero causa, cur quisquam derelinquat eum, qui terram cum animantibus, cœlum cū astris, & luminibus exorsus est, ut eam ueneretur, quæ telam docuit ordiri? Quid ille, qui uulnera in corporibus sanare docuit? nū potest esse præstantior, quàm qui corpora ipsa formauit? sentiendi, ac uiuendi rationem dedit? herbas deniq; ipsas, & cætera, quibus medendi ars constat, excogitauit, ac protulit?

## De cultu Dei ueri, &amp; falsorum.

## CAP. XIX.

**A**T enim dicet aliquis, & huic summo, qui fecit omnia, & illis, qui partim profuerunt, suam uenerationem esse tribuendam. Primum nec factum est unquam, ut qui hos colit, etiā Deum coluerit, neque fieri potest. quoniam si honos idē tribuitur alijs: ipse omnino nō colitur. cuius religio est, illum esse unum, ac solum Deum credere. Clamat summus poëta, eos omnes, qui inuētas uitam excolere per artes, apud inferos esse, ipsumq; illū medicinae re-  
pertorem, talis & artis, ad stygias undas fulmine esse de-  
trusum: ut intelligamus, quantum ualcat pater omnipo-  
tens, qui & deos fulminibus extingat. Sed homines inge-  
niosi hanc secū habebant fortasse rationē, quia Deus ful-  
minari non potest: apparet non esse factum. imò uero,  
quia factum est, apparet hominē fuisse, non deum. Men-  
dacium enim poëtarum non in facto est, sed in nomine.  
Metuebant enim malum, si contra publicam persuasionē  
faterētur, quod erat uerū. Quod si hoc cōstat inter ipsos,  
ex hominibus deos factos: cur ergo non credunt poëtis,  
si quando illorum fugas, & uulnera, & mortes, & bella,  
& adulteria describūt? Quibus ex rebus intelligi datur,  
non potuisse ullo pacto fieri deos: quia ne homines qui-  
dem probi fuerunt: eaq; in uita sua gesserunt, quæ mortē  
pariunt sempiternam.

De Dijs Romanorum proprijs &  
eorum sacris.

## CAP. XX.

**V**enio nunc ad proprias Romanorū religiones: quo-  
niam de communibus dixi. Romuli nutrix Lupa ho-  
noribus est affecta diuinis. Et ferrem, si id animal ipsum  
fuiſſet, cuius figurā gerit. Autor est Liuius, Larētiæ esse  
simula



*simulachrum, & quidem non corporis, sed mentis ac morum. Fuit enim Fausti uxor, & propter uulgati corporis uilitatē Lupa inter pastores, id est, meretrix nūcupata est, unde etiā Lupanar dicitur. exemplum scilicet Atheniensium in ea figuranda Romani secuti sunt. Apud quos meretrix quædam nomine Leæna, cum tyrannum occidisset: quia nefas erat, simulachrum cōstitui meretricis in templo, animalis effigiem posuerunt, cuius nomen gerebat. Itaq; ut illi monimentum ex nomine, sic isti ex professione fecerunt. Huius nominis etiā dies festus dictus est, & Larentinalia constituta. Nec hanc solum Romani meretricem colunt, sed Faulam quoq;, quam Her-  
 culis scortum fuisse, Verrius scribit. Iam quanta ista immortalitas putanda sit, quam etiā meretrices assequantur? Flora, cum magnas opes ex arte meretricia quæsiuisset, populum Romanum scripsit hæredem, certantē pecuniam reliquit, cuius ex annuo fœnore suus natalis dies celebraretur, editione ludorum, quos appellāt Floralia. Quod quia Senatui flagitiosum uidebatur: ab ipso nomine argumentum sumi placuit, ut pudendæ rei quædam dignitas adderetur. Deam finxerunt esse, quæ floribus præsit, camq; oportere placari, ut fruges cum arboribus, aut uitibus bene, prospereq; florescerent. Eum colorem secutus in Fastis poëta, non ignobilem nympham fuisse narrauit, quæ sit Chloris uocitata, cam'que Zephyro nuptam, quasi dotis loco id accepisse muneris à marito, ut haberet omnium florum potestatem. Honestē quidem ista dicuntur, sed inhonestē, turpiterq; creduntur. Nec debent, cum ueritas quæritur, huiusmodi nos uelamenta decipere. Celebrantur ergo illi ludi cū omni lasciuia, conuenientes memoriæ meretricis. Nam præter uer-  
 borum*



borum licentiam, quibus obscenitas omnis effunditur,  
 exuuntur etiā uestibus populo flagitante meretrices, quæ  
 tunc minorum funguntur officio, & in conspectu popu-  
 li usque ad satietatem impudicorum luminum cum puden-  
 dis motibus detinentur. Cloacinæ simulachrum in cloaca  
 maxima repertum Tatius consecrauit: & quia cuius esset  
 effigies ignorabat, ex loco illi nomen imposuit. Pauorē,  
 Palloremq; Tullus Hostilius figurauit, & coluit. Quid  
 de hoc dicam, nisi dignum fuisse, qui semper Deos suos  
 (sicut optari solet) præsentēs haberet? Ab hoc illud M.  
 Marcelli de consecratione honoris, atque uirtutis, hunc  
 state nominum differt, re congruit. Eadem uanitate Men-  
 tem quoque inter Deos collocauit Senatus. quā profecto  
 si habuisset, eiusmodi sacra nunquam suscepisset. Magnū  
 Cicero, audaxq; cōsiliū suscepisse Græciam dicit, quod  
 cupidinum, & amorum simulachra in gymnasijs conse-  
 crasset. adulatus est uidelicet Attico, & irrisit hominem  
 familiarem. Non enim illud magnum, aut omnino consi-  
 lium dicendum fuit, sed impudicorū hominum perditā, &  
 deploratā nequitia, qui liberos suos, quos erudire ad  
 honesta deberent, prostituērūt libidini iuuentutis: à qui-  
 bus flagitiorum Deos & in illis potissimum locis, ubi  
 nuda corpora corruptorum luminibus patent, & in illa  
 coli etate uoluerunt, quæ simplex, & improvida prius  
 irretiri, & in laqueos potest cadere, quā cauere. Quid  
 mirum, si ab hac gente uniuersa flagitia manarunt? a=  
 pud quam ipsa uitia religiosa sunt, eaq; non modo non  
 uitantur, uerum etiam coluntur. Et ideo huic senten-  
 tiæ, tanquam Græcos prudentia uinceret, adiecit: Vir-  
 tutes enim oportet, non uitia consecrari. Quod si reci-  
 pis ò M. Tulli: non uides forte, ut irrumpant uitia cum  
 uirtutibus

uirtutibus: quia mala bonis adhærent, & in animis hominum potentiora sunt. quæ si uetas cōsecrari, respondebit tibi illa eadem Græcia, se alios deos colere, ut profint, alios, ne noceant. Hæc enim semper excusatio est eorum, qui mala sua pro dijs habent, ut Romani Rubiginem, ac Febrē. Si ergo uitia consecranda non sunt, in quo tibi assentior: ne uirtutes quidem. Non enim per se sapiunt, aut sentiunt: neq; intra parietes, aut ædículas luto factas, sed intra pectus collocandæ sunt, & interius comprehendendæ, ne sint falsæ, si extra hominē fuerint collocatæ. Itaq; præclaram illam legem tuā derideo, quam ponis his uerbis. Ast illa, propter quæ datur homini ascensus in cœlū, mentem, uirtutem, pietatem, fidem, earumq; laudum delubra sunt. Atqui hæc separari ab homine non possunt. Si enim colenda sunt, in homine ipso sint, necesse est. Si autem sunt extra hominem: quid opus est ea colere quibus careamus? Virtus colenda est, non imago uirtutis. & colenda est non sacrificio aliquo, aut thure, aut precatione solenni, sed uoluntate sola, atque proposito. Nam quid est aliud colere uirtutem, nisi eam comprehendere animo, & tenere? quod unusquisque simulac cœpit uelle, consequitur. Hic solus uirtutis est cultus. nam religio & ueneratio nulla alia nisi unius dei tenenda est. Quid igitur opus est ò uir sapientissime, superuacuis extrusionibus loca occupare, quæ possint humanis usibus cedere? quid sacerdotes constituere uana, & insensibilia culturos? quid immolare uictimas? quid tantos sumptus uel fingendis, uel colendis imaginibus impendere? Firmius, & incorruptius templum est pectus humanum, hoc potius ornetur, hoc ueris illis numinibus impleatur. Has ergo falsas cōsecrationes sequitur, quod necesse est.

Qui

Qui enim uirtutes sic colunt, id est, qui umbras, atq; imagines uirtutum conſectantur: ea ipſa, quæ uera ſunt, tenere non poſſunt. Itaq; nulla in quoquam uirtus eſt, uitijſ ubiq; dominantibus: nulla fides, omnia pro ſe unoquoq; rapiente: nulla pietas, nec conſanguineis, nec parentibus, parcente auaritia, & cupiditate in uenenum & ferrum ruente: nulla pax, nulla concordia, publice bellis ſeuien-  
tibus, priuatim uero inimicitijſ uſq; ad ſanguinem furen-  
tibus: nulla pudicitia, libidinibus effrænatis omnem ſexum, & omnes corporis partes contaminantibus. nec tamē deſinunt ea colere, quæ fugiunt, & oderunt. Colunt enim thure, ac ſummis digitis, quæ ſenſibus intimis colere debuerunt. qui error omnis ex illius principalis, ac ſummi boni ignoratione deſcendit. Vrbe à Gallis occupata, obſeſſi in capitolio Romani, cum ex mulierum capillis tormenta feciſſent, ædem Veneri Caluæ conſecra-  
runt. Non igitur intelligunt, quàm uanæ ſint religiones, uel ex eo ipſo, quòd eas his ineptijſ cauillantur. A Lacedæmonijs fortaſſe didicerant, Deos ſibi ex euētis fingere. qui cum Meſſenios obſiderēt, & illi furtim deceptis obſeſſoribus egreſſi, ad diripiendam Lacedæmonem cucur-  
riſſent: à Spartanis mulieribus fuſi, fugatiq; ſunt. Cognitis autē hoſtium inſidijs, Lacedæmonij ſequebantur. His armatæ mulieres obuiā longius exierunt. quæ cum uiros ſuos cernerent parare ſe ad pugnam, quòd putarēt Meſſenios eſſe, corpora ſua nudauerunt. At illi uxoribus cognitis, & aſpectu in libidinem concitati, ſicut erant, armati permiſti ſunt utiq; promiſcue. nec enim uacabat diſcernere. ſic iuuenes ab ijſdem antè admiſſi, cum uirginibus, ex quibus ſunt parthenij nati, propter huius facti

memoriã adẽ Vneri armatæ, simulachrumq; posuerũt. quod tamen si ex causa turpi: tamen honestius uidetur, armatam Vnerem consecrassẽ, quàm caluam. Eodem tempore Ioui quoque Pistori ara apposita est, quod eos in quiete monuisset, ut ex omni frumento, quod haberẽt, panem facerent, & in hostiũ castra iactarent: coq; facto soluta est obsidio, desperantibus Gallis inopia subigi posse Romanos. Quæ ista religionum derisio est? si earũ defensor essem, quid tam grauitẽ queri possem, quàm deorum numen in tantum uenisse contemptum, ut turpissimis nominibus ludibrio habeatur? Quis non rideat Fornacem deam? uel potius doctos uiros celebrandis fornacalibus operari? quis, cũ audiat deã Mutam, tenere risum queat? Hanc esse dicunt, ex qua sint nati Lares: & ipsam, Larã nominant, uel Larundam. Quid præstare colenti potest, quæ loqui non potest? Colitur & Caca, quæ Herculi fecit indicium de furto boum, diuinitatem consecrata, quia prodidit fratrem: Et Cunina, quæ infantes in cunis tuetur, ac fascinum summouet: Et Sterculius, qui stercorendi agri rationem primus induxit: Et Mutinus, in cuius sinu pudendo nubentes præsidet, ut illarum pudicitiam prior Deus delibasse uideatur: Et mille alia portenta: ut iam uaniores qui hæc colenda susceperint, quàm Aegyptios esse dicamus, qui monstruosa & ridicula quædam simulachra uenerantur, & colunt. Et hæc tamen habent aliquam imaginẽ. Quid, qui lapidem colunt informem, atque rudem, cui nomen est Terminus? Hic est, quem pro Ioue Saturnus dicitur deuorasse. nec immerito illi honos tribuitur. Nam cum Tarquinius capitolium facere uellet: eo'que in loco multorum Deorum

rum sacella essent: consuluit eos per auguria: utrum Ioui cedere uellent: & cedētibus ceteris, Solus terminus mansit. Vnde illum poëta Capitoli immobile saxum uocat. Iam ex hoc ipso quā magnus Iupiter inuenitur, cui non cessit lapis, ea fortasse fiducia, quod illum de paternis faucibus liberauerat. Facto itaque capitolio, supra ipsum terminum foramen est in tecto relictum: ut, quia non cesserat, libero cœlo frueretur, quo ne ipsi quidem fruebantur, qui lapidem frui putauerunt. Et huic ergo publice supplicatur, quasi custodi finium Deo: qui non tantum lapis, sed etiam stipes interdum est. Quid de ijs dicam, qui colunt talia, nisi ipsos potissimum lapides, ac stipites esse?

De Dijs Barbarorum quibusdam proprijs,  
& eorum sacris: & itidem de Romanis.

## CAP. XXI.

**D**Iximus de Dijs ipsis, qui coluntur: nunc de sacris, ac mysterijs eorum pauca dicenda sunt. Apud Cypri Salaminem, humanam hostiam Ioui Teucrus immolauit: idq; sacrificium posteris tradidit: quod est nuper Hadriano imperante sublatum. Erat lex apud Tauros, inhumanam, & feram gentem, uti Dianæ hospites immolarentur: & id sacrificium multis temporibus celebratum est. Galli Esur, atq; Teutatem humano cruore placabant. Nec Latini quidem huius immanitatis expertes fuerunt. siquidem Latialis Iupiter etiam nunc sanguine colitur humano. Quid ab his boni precatur, qui sic sacrificant? Aut quid tales Dij hominibus prestare possunt, quorū pœnis propitiantur? Sed de Barbaris nō est adeo mirandum, quorum religio cum moribus con-

gruit. Nostri uerò, qui semper mansuetudinis, & humanitatis gloriam sibi uendicarunt: non'ne sacrilegis his sacris immaniores reperiuntur? Hi enim potius scelerati sunt habendi, qui, cū sint liberalium disciplinarū studijs expoliti, ab humanitate desciscunt, quàm qui rudēs, & imperiti ad mala facinora bonorū ignoratione labūtur. Apparet tamen, antiquum esse hunc immolandorum hominum ritum. siquidem Saturnus in Latio eodem genere sacrificij cultus est: non quidem ut homo ad aram immolaretur, sed uti in Tyberim de ponte miluius mitteretur. quod ex responso quodam factitatū, Varro autor est: cuius responsi ultimus uersus est talis:

Καὶ κεφαλὰς κρονίδῃ καὶ τῷ πατρὶ πέμπετε φῶτα.

Quod quia uidetur ambiguum: & fax illi, & homo iaci solet. Verum id genus sacrificij ab Hercule, cū ex Hispania rediret, dicitur esse sublatum, ritu tamen permanente, ut pro ueris hominibus imagines iacerentur ex scirpo: ut Ouid. in Fastis docet:

Donec in hæc uenit Tirynthius arua: quotannis

Tristia Leucadio sacra peracta modo.

Illum stramincos in aquam misisse Quirites:

Herculis exemplo corpora falsa iace.

Hæc sacra Vestales uirgines faciunt: ut ait idem:

Tum quoq; priscorum uirgo simulachra uirorum

Mittere roboreo scirpea ponte solet.

Nam de infantibus, qui eidem Saturno immolabantur propter odium Iouis, quid dicam, nō inuenio. Tam barbaros, tam immanes fuisse homines, ut parricidium suum, id est tetrum, atque execrabile humano generi facinus sacrificium uocarent: cum teneras, atque innocentes ani-

mas, quæ maxime est ætas parentibus dulcior, sine ullo respectu pietatis extinguere, immanitatemq; omnium bestiarum, quæ tamen foetus suos amant, feritate superarent. O' dementiam insanabilem. quid illis isti Dij amplius facere possent, si essent iratissimi, quàm faciunt pro-pitij? cum suos cultores parricidijs inquinant, orbitatibus mactant, humanis sensibus spoliant? Quid potest esse his hominibus sancti? Aut quid in prophanis locis faciunt, qui inter aras Deorum summa scelera committunt? Pescenius Festus in libris historiarum per satyram refert, Carthaginienses Saturno humanas hostias solitos immolare: et cum uicti essent ab Agathocle rege Sicularum, iratum sibi deum putauisse: itaq; ut diligentius piaculum soluerent, ducentos nobilium filios immolasse:

Tantum religio potuit suadere malorum:

Quæ peperit sæpe scelerosa, atq; impia facta.

Cui ergo dementissimi homines illo sacrificio consulabant? cum tantam partem ciuitatis occiderent, quantam fortasse ne Agathocles quidem uictor occiderat. Ab isto genere sacrorum non minoris insanie iudicanda sunt publica illa sacra, quorum alia sunt matris Deum, in quibus homines suis ipsi uirilibus litant: Amputato enim sexu, nec uiros se, nec foeminas faciunt: Alia uirtutis, quam eandem Bellonam uocant: in quibus ipsi sacerdotes non alieno, sed suo cruore sacrificant. Sectis nanque humeris, & utraq; manu districtos gladios exerentes, currunt, efferuntur, insaniunt. Optime igitur Quintilianus in fanatico: Istud, inquit, si Deus cogit, iratus est. Etiam ne hæc sacra sunt? Non ne satius est pecudum more uiuere, quàm Deos tam impios, tam profanos, tam sanguinarios colere? Sed unde isti errores, & hæc tanta flagitia manant



uerunt, suo loco discernemus. interim uideamus & cetera, quæ carent scelere: ne studio insectandi uideamur eligere peiora. Isidis Aegyptia sacra sunt, quatenus filium paruulum uel perdidit, uel inuenerit. Nam primo sacerdotes eius deglabrato corpore sua pectora tundunt, lamentantur, sicut ipsa, cum perdidit, fecerat. Deinde puer producit quasi inuentus, & in lætitiā luctus ille mutatur. ideo Lucanus:

—Nunquamq; satis quæsitus Osiris.

Semper enim perdunt, & semper inueniunt. Refertur ergo in sacris imago rei, quæ uera gesta est. quæ profecto, si quid sapimus, declarat mortalem mulierē fuisse, ac penè orbam, nisi unicum reperisset. quod illum ipsum poëtam minime fugit, apud quem Pompeius adolescens, morte patris audita, hæc loquitur:

Euoluam busto iam numen gentibus Isim,

Et tectum ligno spargam per uulgus Osirim.

Hic est Osiris, quem Scrapin & Scrapidē uulgus appellat. Solent enim mortuis cōsecratis nomina immutari, credo, ne quis putet eos homines fuisse. Nā et Romulus post mortem Quirinus dictus est, & Læda Nemesis, & Circe Marica: & Ino, postquam se præcipitauit in mare, Leucothea, materq; Matuta: & Melicertes filius eius Palæmon, atque Portunus. Sacra uerò Cereris Eleusina, non sunt his dissimilia. Nā sicut ibi Osiris puer plāctu matris inquiritur: ita hic ad incestū patrui matrimonium rapta Proserpina: quam quia facibus ex Aetnæ uertice accēsis quæsisse in Sicilia Ceres dicitur: iccirco sacra eius ardentū tedarū iactatione celebrantur. Apud Lampsacū Priapo litabilis uictima est asellus. Cuius sacrificij ratio in Fastis hæc redditur. Cum dii omnes ad festū Matris mægnæ con-



gnæ conuenissent : epulisq; satiati, noctem lusibus duce-  
rent: quieuisse humi Vestam, somnumq; cepisse : ibi Pria-  
pum somno eius, ac pudicitiae insidiatum: sed illam intem-  
pestiuo clamore aselli, quo Silenus uehebatur, excitatam:  
libidinem uero insidiatoris esse detectam: Hac de causa  
Lampsacenos asellum Priapo quasi in ultionem mactare  
consueuisse: apud Romanos uero eundem Vestalibus sa-  
cris in honorem pudicitiae cōseruatæ panibus coronari.  
Quid turpius, quid flagitiosius, quàm si Vesta beneficio  
asini uirgo est? At poëta fabulam finxit. Num ergo illud  
est uerius, quod referunt, qui <sup>ῥαυόμην</sup> conscripserunt: cū  
de duabus cancri stellis loquuntur, quas Græci <sup>ὄνυξ</sup> uo-  
cant? asellos fuisse, qui Liberum patrem transuexerint,  
cum annem transire non posset: quorum alteri hoc præ-  
mium dederit, ut humana uoce loqueretur: itaq; inter eū,  
Priapumq; ortum esse certamen de membri obscœni ma-  
gnitudine: Priapum uictum, & iratum interemisse uicto-  
rem. Hoc uero multo magis ineptum est: sed poëtis licet  
quicquid uelint. Non excutio tam deforme mysterium,  
nec Priapum denudo, ne quid appareat risu dignum. Fin-  
xerunt hæc sanè poëtæ: sed necesse est, alicuius maioris  
turpitudinis tegendæ gratia ficta sint. Quæ sint ergo  
queramus. At ea profecto manifesta est. Nam Sicut Lunæ  
taurus mactatur, quia similiter habet cornua, &

Placat equo Persis radijs Hyperiona cinctum,

Ne detur celeri uictima tarda Deo:

ita in hoc quid magnitudo membri uirilis enormis est, nō  
potuit ei monstro aptior uictima reperiri, quàm quæ  
ipsum, cui mactatur, possit imitari. Apud Lindum, quod  
est oppidum Rhodi, Hercules sacra sunt: quorum à cæte-  
ris longe diuersus est ritus. siquidem non <sup>ὀφθαλμοῖς</sup> (ut

Græci appellant) sed maledictis, & execratione celebratur: cæq; pro uiolatis habent, si quando inter solennes ritus uel imprudenti alicui exciderit bonum uerbum. Cuius rei hæc ratio redditur, si tamē ulla esse in rebus uanissimis potest. Hercules, cum eò delatus esset, famemq; peteretur: aratorem quendam aspexit operantem, ab eoq; petere coepit, ut sibi unum bouem uederet. Enim uero ille negauit fieri posse, quia spes sua omnis colendæ terræ, duobus illis iumentis niteretur. Hercules solita uiolentia usus, quia unum accipere non potuit, utrumq; sustulit. at ille infelix, cum boues suos mactari uideret, iniuriam suā maledictis ultus est. quod homini elegāti, & urbano gratissimum fuit. Nam dum comitibus suis epulas apparat, dumq; alienos boues deuorat: illum sibi amarissimè cōuitiantem, cum risu, & cachinnis audiebat. Sed postquam Herculi diuinos honores ob admirationē uirtutis deferri placuit: à ciuibus ei ara posita est, quam de facto, *Bou<sup>1</sup>ιον* id est, bouis iugum nominauit: ad quam duo iuncti boues immolarentur, sicut illi, quos abstulcrat aratori. eumq; ipsum sibi constituit sacerdotē, ac præcepit, ut iisdem maledictis semper in celebrandis sacrificijs uteretur, quod negaret se unquam epulatū esse iucundius. Hæc iam nō sacra sunt, sed sacrilegia, in quibus id sanctū ducitur, quod in alijs si fiat, etiam seuerissime uindicatur. Ipsius autem Cretici Iouis sacra quid aliud quàm quomodo sit aut subtractus patri, aut nutritus, ostendunt? Capella est Amaltheæ nymphæ, quæ uberibus suis aluit infātem. de qua Germanicus Cæsar in Arateo carmine sic ait:

— Illa putatur

Nutrix esse Iouis, si uere Iuppiter infans

Vbera Creteæ mulsit fidißima capræ:

Sydere

Sydere quæ claro gratum testatur alumnum.

Huius capellæ corio usum esse pro scuto Iouē contra Titanas dimicantē, Musæus autor est. unde à poëtis *αἰγίοχος* nominatur. Ita quicquid est gestum in abscondendo puero, id ipsum per imaginem geritur in sacris. sed & matris eius mysterium idem continet. quod Ovidius exponit in Fastis:

Ardua iandudum resonat tinnitibus Ide,

Tutus ut infanti uagiat ore puer.

Pars clypeos sudibus, galeas pars tundit inanes.

Hoc Curetes habent, hoc Corybantes opus.

Res latuit, prisciꝫ manent imitamina facti

Aera deæ, comites raucaꝫ; terga mouent.

Cymbala pro galeis, pro scutis tympana pulsant:

Tibia dat Phrygios, ut dedit antè, modòs.

Hanc totam opinionem, quasi à poëtis fictam, Sallustius respuit: uoluitꝫ; ingeniose interpretari, cur altores Iouis dicantur Curetes fuisse, & sic ait: Quia principes intelligendi diuina fuerunt, uetustatē ut cætera in maius componenteis, altores Iouis celebrauissent. Quātum errauerit homo eruditus, iam res ipsa declarat. si enim princeps est Iupiter & Deorum, & religionum, si ante illum Dii nulli colebantur uulgo, quia nondum nati fuerant, qui coluntur: apparet, Curetes ex diuerso principes fuisse diuina non intelligendi, per quos error omnis inductus est, & Dei ueri memoria sublata. Ex ipsis itaque mysterijs, & cærimonijs intelligere debuerunt, hominibus sc mortuis supplicare. Non igitur exigo, ut aliquis poëtarū fictionibus credat, qui hos mētiri putat: Pontificum ipsorum scripta consyderet, & quicquid est literarum ad sacra pertinētium, reuoluat: plura fortasse, quàm nos affe-

rimus, inueniet: ex quibus intelligat, inania, inepta, commentitia esse omnia, quæ pro sanctis habentur. Siquis autem percepta sapientia deposuerit errorem: profecto ridebit ineptias hominum penè dementium. illos dico, qui uel inhonesto saltatu tripudiant, uel qui nudi, uncti, coronati, personati, aut luto obliti currunt. Quid de scutis iam uetustate putridis dicam? quæ cum portant, Deos ipsos se gestare humeris suis arbitrantur. Nam Furius Bibaculus inter præcipua pietatis exempla numeratur. qui cum Præt. esset: tamen lictoribus præcuntibus, ancyle portauit, cum haberet magistratus beneficio, muneris uacationem. Non ergo ille Furius, sed plane furiosus fuit, qui præturam hoc ministerio se putauit ornare. Merito igitur, cum hæc à uiris non imperitis, ac rudibus fiant, Lucretius exclamat:

O stultas hominum mentes, o pectora cæca.

Qualibus in tenebris uitæ, quantisq; periclis

Degitur hoc æui, quodcumq; est.

Quis hæc ludibria nō derideat, qui habeat aliquid sanitatis? cum uideat homines uelut mente captos ea serio facere, quæ si quis faciat in lusu, nimis lasciuus, & ineptus esse uideatur.

De Numæ introductione religionis, Fauni,

Orpheï, Melissei.

CAP. XXII.

**H**Arum uanitatum apud Romanos autor, & constitutor Sabinus. ille rex fuit, qui maxime animos hominum rudes, atque imperitos, nouis superstitionibus implicauit: quod ut faceret aliqua cum autoritate, simulauit cum dea Egeria nocturnos se habere congressus. Erat quædā spelunca peropaca in nemore Aricino, unde riuus perenni fonte manabat. huc remotis arbitris, se inferre

inferre consueuerat, ut mentiri posset, monitu Deæ coniugis ea sacra populo se tradere, quæ acceptissima Dijs essent. uidelicet astutiam Minois uoluit imitari, qui se in antrum Iouis recondebat, & ibi diu moratus, leges tanquam sibi à Ioue traditas afferebat: ut homines ad parendum non modo imperio, sed etiam religione constringeret. Nec difficile sane fuit persuadere pastoribus. Itaque pontifices, flamines, salios, augures creauit. Deos per familias descripsit. sic noui populi feroces animos mitigauit, & ad studia pacis à rebus bellicis auocauit. Sed cum alios falleret, seipsum tamen non sefellit. Nam post annos plurimos, Cornelio & Bebio coss. in agro scribæ Petilij sub Ianiculo arcæ duæ lapideæ sunt reperiæ à fossoribus: quarum in altera corpus Numæ fuit, in altera septem Latini libri de iure pontificio, item Græci totidem, de disciplina sapientiæ scripti: quibus religiones, non eas modo, quas ipse instituerat, sed omnes præterea dissoluit. Qua re ad Senatum delata, decretum est, ut hi libri abolerentur. ita eos Q. Petilius Præt. Urb. in concione populi concremauit. insipienter id quidē. quid enim profuit, libros esse cōbustos? cum hoc ipsum, quòd sunt ideo cōbusti, quia religionibus derogabant, memoria sit traditum? Nemo ergo tunc in senatu non stultissimus. Potuerunt enim & libri aboleri, & res tamē in memoriam non exire. Ita dum uolunt etiam posteris approbare, quanta pietate defenderint religiones: autoritatē religionum ipsarum, testando minuerunt. Sed ut Pompilius apud Romanos institutor ineptarum religionum fuit: sic ante Pompilium Faunus in Latio. qui & Saturno nefaria sacra cōstituit: & Picum patrem inter deos honorauit: & sororem suam Fatuam Faunam, eamq; coniugem consecra

consecrauit. quam C. Bassus Fatuam nominatam tradit, quòd mulieribus facta canere consueuisset, ut Faunus uiris. eandem Varro scribit tantæ pudicitie fuisse, ut nemo eam, quoad uixerit, præter uirum suum mas uiderit, nec nomen eius audierit. Iccirco illi mulieres in aperto sacrificant, et Bonam Deam nominant. & Sext. Clodius in eo libro, quem Græce scripsit, refert Fauni hanc uxorem fuisse: quæ quia contra morem, decusq; regium clam uini ollam ebiberat, & ebria facta erat, uirgis myrtheis à uiro usq; ad mortem caesa: postea uerò cum eum facti sui pœniteret, & desiderium eius ferre non posset, diuinum illi honorem detulisse. Iccirco in sacris eius obuolutam uini amphoram poni. Reliquit ergo posteris Faunus quoque non parum erroris. quem tamen prudentes quiq; perspicuunt. Nam Lucilius eorum stultitiam, qui simulachra Deos putant esse, deridet his uerbis:

Terricolæ Lamias Fauni quas Pompilij;  
 Instituerè Numæ, tremuit hæc, hic omnia ponit.  
 Ut pueri infantes credunt signa omnia athena  
 Viuere, esse homines: sic isti omnia ficta,  
 Vera putant: credunt signis cor inesse athenis.  
 Pergula pictorum ueri nihil: omnia ficta.

Poëta quidem stultos homines infantibus comparauit: at ego multò imprudētiores esse dico. Illi enim simulachra homines putant esse, hi deos. Illos ætas facit putare quod non est, hos stultitia. Illi utiq; breui desinunt falli: horum uanitas & durat, & semper crescit. Sacra Liberi patris primus Orpheus induxit in Græciam, primusque celebravit in mōte Bœotie Thebis, ubi Liber natus est, proximo. qui cum frequenter citharæ cantu personaret, Citheron appellatus est. Ea sacra etiam nunc Orphica nomi

nominantur . in quibus ipse postea dilaceratus , & car-  
 ptus est . & fuit per eadem ferè tempora , quibus Faunus .  
 sed quis ætate præcesserit , dubitari potest . siquidem per  
 eosdem annos Latinus , Priamusq; regnauerunt , item pa-  
 tres eorum Picus , & Laomedon , quo regnante , Orpheus  
 cum Argonautis ad Iliensium littus accessit . Procedamus  
 igitur ulterius , & queramus , quis omnino colendorum  
 deorum primus autor extitit . Didymus in libris *ἱερῶν*  
*πινδαρικών* ait , Melissea Cretensium regem primum dijs  
 sacrificasse , ac ritus novos , sacrorumq; pompas introdu-  
 xisse . Huius duas fuisse filias Amaltheam , & Melissam :  
 quæ Iouem puerum caprino lacte , ac melle nutrierunt .  
 unde poetica illa fabula originem sumpsit , aduolasse a-  
 pes , atq; os pueri melle complexse . Melissam uerò à patre  
 primam sacerdotem Matri magnæ constitutam . unde ad-  
 huc eiusdem Matris antistites Melissæ nuncupantur . Hi-  
 storia uerò sacra testatur , ipsum Iouem , postquam rerum  
 potitus est , in tantam insolentiam uenisse , ut ipse sibi sana  
 multis in locis constitueret . Nam cum terras circuiret ,  
 in quancunq; regionem uenerat , reges , principes uel popu-  
 lorum hospitio sibi , & amicitia copulabat , & cum à quoq;  
 digrederetur , iubebat sibi sanum creari hospitii sui nomi-  
 ne , quasi ita posset amicitiae , & foederis memoria conser-  
 uari . Sic constituta sunt templa Ioui Atabyrio , Ioui La-  
 bradeo . Atabyrius enim , et Labradeus hospites eius , atq;  
 adiutores in bello fuerunt . Item Ioui Laprio , Ioui Mo-  
 lion , Ioui Cassio , & quæ sunt in eundem modum , quod  
 ille astutissime excogitauit , ut & sibi honorem diuinum ,  
 & hospitibus suis perpetuum nomen acquireret cum re-  
 ligione coniunctum . Gaudebant ergo illi , & huic impe-  
 rio eius libenter obsequebantur , & nominis sui gratia  
 ritus



ritus annuos, & festa celebrabant. Simile quiddam in Sicilia fecit Aencas, cum condita urbi, Acestæ hospitis nomen imposuit, ut eam postmodum lætus, ac libens Acestes diligeret, augetet, ornaret. Hoc modo religionē cultus sui per orbem terræ Iupiter seminauit, & exemplum cæteris ad imitandum dedit. Siue igitur à Melisseo, sicut Didymus, colendorum Deorum ritus effluxit, siue ab ipso quoque Ioue, ut Euhemerus tradit: de tempore tamen constat, quando dii coli cœperint. Melissus quidem multum antecessit ætate, quippe qui educauerit Iouem nepotem. Et iccirco fieri potest, uel ut antè, uel adhuc puero Ioue Deos colere instituerit, id est alumni sui matrem, & auiam Tellurem, quæ fuit Vrani coniux, & patrem Saturnum: & ipse hoc exemplo, atque instituto Iouem ad tantam superbiam prouexerit, ut postea sibi diuinos honores auderet assumere.

De uanarum superstitionum ætatibus, &  
temporibus.

CAP. XXIII.

**N**unc quoniam uanarum superstitionum originem deprehendimus: superest, ut etiam tempora colligamus, per quæ fuerint illi, quorum memoria colitur. Theophilus in libro de temporibus ad Autolycū scripto ait, in historia sua Thalam dicere, quod Belus, quem Babyloij & Assyrij colūt, antiquior Troiano bello fuisse inuenitur cccxxii. annis: Belum autem Saturno æqualem fuisse, & utrunq; uno tēpore adoleuisse. Quod adeo uerū est, ut ratione ipsa colligi possit. Nam & Agamemnon, qui gessit bellum Troicum, Iouis abnepos fuit, & Achilles Ajaxq; pronepotes, & Ulysses eodem gradu proximus: Priamus quidem longa serie. sed autores quidam tradunt, Dardanum, & Iasium Coriti filios fuisse,  
non



non Iouis. Nec enim, si ita fuisset, ad usus impudicos Gaudem pronepotem suum habere potuisset. Ita parentibus illorum, quos supra nominaui, si congruenter annos diuidas, numerus consentiet. Ab excidio autem Troianæ urbis colliguntur anni MCCCCCLXX. Ex hac temporum ratione manifestum est, ante annos non amplius quàm MDCCC. natum esse Saturnum, qui et sator omnium Deorum fuit. Non ergo isti gloriètur sacrorum uetustate: quorum et origo, et ratio, et tempora deprehensa sunt. Restant adhuc aliqua, quæ ad arguendas religiones falsas plurimum ualent. Sed iam finem facere libro decreui, ne modum excedat. Ea enim plenius sunt exequenda, ut omnibus refutatis, quæ ueritati uidentur ob stare, homines, qui bonorum ignorantia uagantur incerti, ad religionem ueram possimus imbuere. Primus autem sapientiæ gradus est, falsa intelligere: secundus, uera cognoscere. Ergo apud quæ hæc prima institutio nostra profecerit, qua falsa deteximus, excitabitur ad ueri cognitionem. qua nulla est homini iucundior uoluptas: et erit iam sapientia cœlestis disciplinæ dignus, qui ad cognoscenda cætera libens, ac paratus accesserit.

L. COEL

## LACTANTII FIR

MIANI DIVINARVM IN=

stitutionum aduersus Gentes, liber Secun=

dus, de origine erroris, ad Con=

stantinum Impera=

torem.

De Dei obliuione.

CAP. I.



VANQVAM primo libro reli= giones Deorū falsas esse monstraucrim, quòd ij, quorum uarios, dissimilesq; cul= tus per uniuersam terram consensus ho= minum stulta persuasione suscepit, mor= tales fuerint, functiq; uita, diuinæ necessitati morte cōces= serint: tamen nequa dubitatio relinquatur, hic secūdus li= ber fontem ipsum patefaciet errorum, causasq; omnes ex= plicabit, quibus decepti homines, & primitus Deos esse crediderūt: & postmodū inueterata persuasione in susce= ptis prauissime religionibus perseuerarunt. Gestio enim Constantine Imperator conuictis inanibus, & hominum impia uanitate detecta, singularis Dei asserere maiestatē, suscipiens utilius, & maius officiū, scilicet reuocandi ho= mines à prauis itineribus, & in gratiam secum ipsos re= ducendi, ne se (ut quidam philosophi faciunt) tantopere despiciant, ne ue se infirmos, & superuatuos, & nihil, & frustra omnino natos putēt. quæ opinio plerosq; ad uitia compellit. Nam dum existimant, nulli Deo nos esse curæ, aut post mortē nihil nos esse futuros: totos se libidinibus addicunt, & dum licere sibi putant, hauriendis uolupta=

tibus

tibus siticiter incambunt, per quas imprudentes in laqueos mortis incurrunt. ignorant enim, quæ sit hominis ratio: quam si tenere uellent, in primis Deum suum agnoscerent, uirtutem, iustitiamq; sequeretur, terrenis figmentis animas suas non substerneret, mortiferas libidinum uoluptates non appeteret, deniq; scipsos magni æstimarèt, atq; intelligerent, plus esse in homine, quam uidetur: cuius uim, conditionemq; non aliter posse retineri, nisi cultum ueri parētis sui, deposita prauitate, susceperint. Equidem, sicut oportet, de summa rerum sæpenumero cogitans, admirari solco, maiestatem Dei singularis, quæ continet, regitq; omnia, in tantam uenisse obliuionem, ut quæ sola coli debeat, sola potissimum negligatur: homines autem ipsos ad tantam cæcitatem esse deductos, ut uero, ac uiuo Deo mortuos præferant, terrenos autē, in terraq; sepultos, ei præponāt, qui fundator ipsius terræ fuit. Et tamen huic impietati hominum posset uenia concedi, si omnino ab ignorātia diuini nominis ueniret hic error. cum uero ipsos deorum cultores sæpe uideamus Deum summum & cōfiteri, & prædicare, quam sibi ueniam sperare possint impietatis suæ? qui non agnoscunt cultum eius, quem prorsus ignorari ab homine fas non est. Nam & cum iurant, & cum optant, & cum gratias agunt, non Iouem, aut Deos multos, sed Deum nomināt: adeo ipsa ueritas, cogente natura, etiā ab inuitis pectoribus erumpit. quod quidem non faciunt in prosperis rebus. nam tum maxime Deus ex memoria hominum elabatur, cum beneficijs eius fruētes, honorem dare diuinæ indulgentiæ deberent. At uerò si qua necessitas grauis presserit, tunc Deum recordantur: si belli terror infremuerit, si morborum pestifera uis incubuerit, si alimenta frugibus longa siccitas

f

deneg

denegauerit, si saeva tempestas, si grando ingrucrit: ad Deum confugiunt, à Deo petitur auxilium, Deus, ut subueniat, oratur. si quis in mari uento saeuiente iactatur, hunc inuocat: si quis aliquauis afflictor, hunc protinus implorat: si quis ad extremam mendicandi necessitatem deductus, uictum precibus exposcit, Deū solum obtestatur, & per eius diuinum, atque unicum numen hominum sibi misericordiam quærit. Nunquam igitur Dei meminerunt, nisi dum in malis sunt. Postquam metus deseruit, & pericula recesserunt, tum uero alacres ad Deorum templa cōcurrunt, his libant, his sacrificant, hos coronant. Deo autem, quem in ipsa necessitate implorauerant, ne uerbo quidem gratias agūt. adeo ex rerum prosperitate luxuria, ex luxuria uero, ut uitia omnia, sic impietas aduersus deum nascitur. Quanam istud ex causa fieri putemus? nisi esse aliquam peruersam potestatem, quæ ueritatis sit semper inimica, quæ humanis erroribus gaudeat, cui unicum, ac perpetuum sit opus, effundere tenebras, & hominum cæcare mentes, ne lucem uideant, ne denique in cœlum aspiciant, ac naturam corporis sui seruent. Nam cum cæteræ animantes pronis corporibus in humum spectent, quia rationem, ac sapiētiam non acceperunt: nobis autem status reclusus, sublimis uultus ab artifice Deo datus sit: apparet, istas religiones deorū non esse rationis humanæ, quia curuant cœlestē animal ad ueneranda terrena. Parens enim noster ille unus & solus, cum fingeret hominem, id est, animal intelligens, & rationis capax: enim uero ex humo subleuauit, & ad contemplationem sui artificis crexit. quod optime ingeniosus poëta signauit:

Prona q̃; cum spectent animalia cætera terram:

Os homini sublimē dedit, cœlumq; uidere

Iussit, & erectos ad sydera tollere uultus.

Hinc utiq; ἄνωθεν Græci appellarūt, quòd sursum spectet. Ipsi ergo sibi renuciant, seq; hominum nomine abdicant, qui non sursum aspiciunt, sed deorsum. nisi forte id ipsum, quòd recti sumus, sine causa homini attributum putāt. Spectare nos cœlum deus uoluit, utiq; nō frustra. nam & aues, & ex mutis penē omnia cœlum uident: sed nobis proprie datū est, cœlum rigēdis, ac stantibus intueri: ut religionē ibi quæramus, ut Deū, cuius sedes illa est, quem oculis non possumus, animo contemplemur. quod profecto nō facit, qui æs, aut lapidem, quæ sunt terrena, ueneratur. est autē prauissimū, cum ratio corporis recta sit, quod est temporale: ipsum uerò animus, qui est æternus, humilem fieri: cum figura, & status nihil aliud significent, nisi mentem hominis eò spectare oportere, quò uultum: & animus tam rectū esse debere, quàm corpus, ne id, cui dominari debet, imitetur. Verū homines & nominis sui, & rationis obliti, oculos suos ab alto deiciūt, soloq; defigunt, atq; timent opera digitorū suorū, quasi quicquam esse possit artifice suo maius.

Nota?

De simulachris, & uero Dei simulachro & cultu.

CAP. II.

**Q**Uæ igitur amētia est, aut ea fingere, quæ ipsi post modum timeant, aut timere, quæ finxerint? Non ipsa, inquiunt, timeamus, sed eos, ad quorum imaginem facta, & quorum nominibus consecrata sunt. Nempe ideo timetis, quòd eos esse in cœlo arbitramini. neque enim si dii sunt, aliter fieri potest. Cur igitur oculos in cœlū non tollitis? & aduocatis deorū nominibus, in aperto sacrificia celebratis? Cur ad parietes, & ligna, & lapides pa-

f 2 tiffimum

tissimum quàm illò spectatis, ubi eos esse creditis? Quid sibi templa? quid aræ uolunt? quid denique ipsa simulachra, quæ aut mortuorū, aut absentium monimenta sunt? Nam omnino fingendarum similitudinum ratio iccirco ab hominibus inuenta est, ut posset corū memoria retineri, qui uel morte subtracti, uel absentia fuerant separati. Deos igitur in quorū numero reponemus? Si in mortuorum: quistam stultus, ut colat? Si in absentium; colendi ergo non sunt, si nec uident quæ facimus, nec audiunt quæ precamur. Si autem Dij absentes esse non possunt, qui, quoniam diuini sunt, in quacunque mundi parte fuerint, uident, & audiunt uniuersa: superuacua ergo sunt simulachra, illis ubique præsentibus, cum satis sit, audientium nomina precibus aduocare. At enim præsentibus nō nisi ad imagines suas adsunt. Ita plane, quæadmodū uulgus existimat mortuorum animas circa tumulos, & corporum suorum reliquias oberrare. Sed tamē postquam deus ille præsto esse cœpit, iā simulachro eius opus nō est. Quæro enim si quis imaginē hominis peregre constituti contempletur sæpius, ut ex ea solatium capiat absentis: num idem sanus esse uideatur, si eo reuerso atque præsentē, in cōtemplāda imaginē perseueret, eaq; potius, quàm ipsius hominis aspectu, frui uelit? Minime profecto. Etenim hominis imago necessaria tum uidetur, cum procul abest: superuacua futura cum præsto est. Dei autem, cuius spiritus ac numen ubiq; diffusum, abesse nunquam potest, semper utique imago superuacua est. Sed uerentur, ne omnis eorum religio inanis sit, et uana, si nihil in præsentē uideāt, quod adorent: & ideo simulachra constituunt. quæ quia mortuorū sunt imagines, similia mortuis sunt. omni enim sensu carent. Dei autem in æternum uiuentis uiuum, & sensibi

sensibile debet esse simulachrum . quod si à similitudine id nomen accepit: quomodo possunt ista simulachra Deo similia iudicari, quæ nihil sentiunt, nec mouetur? Itaq; simulachrum Dei non illud est, quod digitis hominis ex la pide, aut ære, aliâ uè materia fabricatur, sed ipse homo: quoniã & sentit, & mouetur, et multas magnasq; actiones habet . Nec intelligunt homines ineptissimi, quod si sentire simulachra, & moueri possent, ultro adoratura homines fuissent, à quibus sunt expolita: quæ essent aut incultus, & horridus lapis, aut materia informis, & rudis, nisi fuissent ab homine formata. Homo igitur illorum quasi parens putandus est, per cuius manus nata sunt, per quem speciem, figuram, pulchritudinem habere ceperunt. Et idco melior est, qui fecit, quàm illa, quæ facta sunt. Et tamen factorem ipsum nemo suspicit, aut ueretur. quæ fecit, timet, tanquam plus possit esse in opere, quàm in opifice. Recte igitur Seneca in libris moralibus, Simulachra, inquit, deorū uenerantur: illis supplicant genu posito, illa adorant, illis per totū assident diem, aut astant, illis stipem iaciunt, uictimas cedunt. & cum hoc tantopere suspiciant: fabros, qui illa fecere, cōtemnunt. Quid inter se tam contrarium, quàm statuarium despicere, statuam adorare, & cum ne in conuietum quidem admittere, qui tibi deos faciat? Quam ergo uim, quam potestatem habere possunt, cum ipse, qui fecit illa, non habeat? Sed ne hæc quidem dare his potuit, quæ habebat, uidere, audire, loqui, moueri. Quisquam ne igitur tam ineptus est, ut putet aliquid esse in simulachro Dei, in quo ne hominis quidem quicquam est præter umbram? Sed hæc nemo considerat. infecti sunt enim persuasionibus ac mentes eorum penitus fucum stultitiæ perbiberunt.

Adorant ergo insensibilia, qui sentiunt: irrationabilia, qui sapiunt: ex anima, qui uiuunt: terrena, qui oriuntur e cœlo. Iuuat ergo, uelut in aliqua sublimi specula constitutum, unde uniuersi exaudire possint, Persianum illud proclamare,

O' curas hominum, O' quantum est in rebus inane.

O' curæ in terras animæ, & cœlestium inanes.

Cœlum potius intuemini: ad cuius spectaculum uos excitauit ille artifex uerus deus. Ille uobis sublimem uultum dedit: uos in terram curuamini: uos altas mentes, & ad patrem suum cum corporibus suis erectas, ad inferiora deprimitis, tanquam uos poeniteat non quadrupedes esse natos. Fas non est, cœleste animal cum terrenis, in terramq; uergentibus uersari. quid uos beneficijs cœlestibus orbat, proni que in humum uestra sponte procumbitis? Humi enim miseri uolutamini, cū decorsum quæritis, quod in sublimi quærere debuistis. Nam ista mortalium digitorum ludicra, & fragilia figmenta, ex quolibet materiæ genere formata, quid, quid aliud sunt, nisi terra, ex qua nata sunt? quid ergo rebus inferioribus subiacetis? quid capitibus uestris terram superponitis? Cum enim uos terræ submittitis, humilioresq; facitis: ipsi uos ultro ad inferos mergitis, ad mortemq; damnatis. quia nihil terra inferius & humilius, nisi mors, & inferi. quæ si effugere uelletis, subiectam pedibus uestris terram cōtemneretis, corporis statu saluo. quod iccirco rectum accepistis, quò oculos atque mentem cum eo, qui fecit, conferre possetis. Cōtemnere autem, & calcare terrā, nihil aliud est, quàm simulachra nō adorare, quia de terra ficta sunt: itē diuitias non concupiscere, uoluptates corporis spernere: quia opes & corpus ipsum, cuius hospitio utimur, terra est

Viuum



Vivum colite, ut uiuatis : moriatur enim necesse est, qui se, suamq; animam mortuis adiudicauit.

De literatorum errore.

CAP. III.

Sed quid prodest ad uulgos, & ad homines imperitos hoc modo cōcionari? cum uidcamus etiam doctos, & prudentes uiros, cum religionum intelligant uanitatem, nihilo minus tamen in ijs ipsis, quæ damnant, colendis nescio qua prauitate perstare. Intelligebat Cicero falsa esse, quæ homines adorarent. nam cum multa dixisset, quæ ad euersionem religionum ualerent : ait tamen non esse illa uulgo disputanda, ne susceptas publice religiones disputatio talis extinguat. Quid ei facies, qui, cū errare se sentiat, ultro ipse in lapides impingat, ut populus omnis offendat? ipse sibi oculos cruat, ut omnes cæci sint? qui nec de alijs bene mereatur, quos patitur errare, nec de se ipso, qui alienis accedit erroribus? nec utitur tandem sapientiæ suæ bono, ut factis impleat, quod mēte percepit, sed prudens, & sciens pedē laqueo inserit, ut simul cum cæteris, quos liberare ut prudentior debuit, & ipse capiatur? Quin potius, siquid tibi Cicero uirtutis est, experire, populū facere sapientē. digna res est, ubi omnes eloquētiæ tuæ uires exeras. Nō enim uerendū est, ne te in tā bona causa deficiat oratio, qui sæpe etiā malas copiose, ac fortiter defendisti. Sed nimirum Socratis carcerem times, ideoq; patrocinium ueritatis suscipere nō audes. At mortē, ut sapiens, cōtemnere debuisti. Erat quidē multo pulchrius, ut ob bene potius dicta, quàm ob maledicta morereris. nec tibi laudis plus Philippicæ asferre potuerūt, quàm discussus error humani generis, & mentes hominū ad sanitatem tua disputatione reuocatæ. sed concedamus timiditati: quæ in sapiente esse non debet. Quid ergo ipse

in eodem uersaris errore? Video te terrena, & manu facta uenerari. uana esse intelligis: & tamen eadem facis, quæ faciunt ipsi, quos ipse stultissimos confiteris. Quid igitur profuit, uidisse te ueritatem, quam nec defensusurus esses, nec secuturus? Sed si libenter errant ij, qui errare sentiunt: quanto magis uulgus indoctum? quod pompis inanibus gaudet, animisq; puerilibus spectat omnia, oblectatur friuolis, & specie simulachrorum capitur, nec ponderare secum unamquamq; rem potest, ut intelligat, nihil colendum esse, quod oculis mortalibus cernitur, quia necesse est, mortale sit. Nec mirandum est, si Deum non uideant, cum ipsi ne hominem quidem uideant, quem uidere se credunt. Hoc enim, quod oculis subiectum est, non homo, sed hominis receptaculum est: cuius qualitas, & figura non ex lineamenti uasculi, quo continetur, sed ex factis, & moribus peruidetur. Qui ergo colunt simulachra, corpora sunt animabus carētia, quia se corporalibus dederunt: nec uident plus aliquid mente, quam corpore: cum sit animi officium, ea subtilius cernere, quæ acies corporalis non potest intueri. Quos homines idem ille philosophus, ac poëta grauitè accusat, tanquam humiles, & abiectos, qui contra naturæ suæ rationem ad ueneranda terrena se prosternant. ait enim,

Et faciunt animos humiles formidine Diuum,

Depressosq; premunt ad terram. Aliud quidem ille, cum hoc diceret, sentiebat, nihil utiq; esse colendum, quia Dij humana non curent. Denique alio loco religiones Deorum, & cultus inane esse officium confitetur.

Nec pietas ulla est, uelatum sæpe uideri

Verticè ad lapidem, atq; omnes accedere ad aras,

Nec procumbere humi prostratū, & pandere palmas

Ante

Ante Deū delubra, nec aras sanguine multo

Spargere quadrupedum, nec uotis neſtere uota.

Quæ proſecto ſi caſſa ſunt: non oportet ſublimēs, & excelsos animos aduocari, atque in terram premi, ſed nihil aliud, quàm cœleſtia cogitare. Impugnatae ſunt ergo à prudētioribus falſae religiones, quia ſenticbāt eſſe falſas: ſed non eſt inducta uera, quia qualis, aut ubi eſſet ignorabāt. Itaq; ſic habuerūt, tanquā nulla eſſet omnino, quia uerā nō poterant inuenire: & eodem modo inciderunt in errorē multo maiore, quàm illi, qui falſam tenebāt. Nam & iſti fragilium cultores, quāuis ſint inepti, quia cœleſtia cōſtituunt in rebus corruptibilibus, atq; terrenis: aliquid tamen ſapientiae retinēt, & habere ueniam poſſunt, quia ſummū hominis officium etſi nō re ipſa, tamen propoſito tenent. ſiquidem hominū, atq; mutorū uel ſolum, uel certe maximū in religione diſcrimē eſt. Hi uero quāto fuerunt ſapiētiores, quòd intellexerūt falſae religionis errorē: tanto facti ſunt ſtultiores, quòd eſſe aliquā ueram non putauerunt. Itaq; quouiā facilius eſt, de alienis iudicare, quàm de ſuis: dum aliorum præcipitium uident, non proſpexerunt, quid ante ſuos pedes eſſet. In utraq; igitur parte & ſumma ſtultitia inuenitur, & odor quidā ſapientiae: ut poſſis dubitare, quos dicas potiſſimum ſtultiores, illos nē, qui falſam religionem ſuſcipiunt, an eos, qui nullam. Sed (ut dixi) uenia concedi poſſet imperitis, & qui ſe ſapientes eſſe non fateantur: his uero non poteſt, qui ſapientiam profeſſi, ſtultitiam potius exhibent. Non ſum equidem tam iniquus, ut eos putem diuinare debuiſſe, ut ueritatem per ſeipſos inuenirent (quod fieri ego nō poſſe cōfiteor) ſed hoc ab his exigo, quod ratione ipſa præſtare potuerūt. Facerent enim prudētius, ſi & intelligerent

esse aliquam ueram religionē, & falsis impugnatis, a per-  
te pronuntiarent, eam, quæ uera esset, ab hominibus non  
teneri. Sed mouerit eos fortasse illud, quòd si qua uera  
esset religio, exereret se, ac uindicaret, nec pateretur esse  
aliud quicquā. Videre enim nullo modo poterāt, quare,  
aut à quo, & quemadmodū religio uera opprimeretur.  
quod est diuini sacramenti, & cœlestis arcani. Id uero,  
nisi doceatur, aliquis scire nullo pacto potest. Summa rei  
hæc est. Imperiti, & insipientes falsas religiones pro ue-  
ris habent, quia neque ueram sciunt, neque falsam intel-  
ligunt. Prudētiores uero, quia ueram nesciunt, aut in ijs,  
quas falsas esse intelligunt, perseuerant: ut aliquid tenere  
uideantur: aut omnino nihil colunt, ne incidant in erro-  
rem: cum id ipsum maximi sit erroris, uitam pecudum sub  
figura hominis imitari. Falsum uero intelligere, est quidē  
sapientiæ, sed humanæ. Vltra hunc gradum procedi ab  
homine non potest. itaq; multi philosophorū, religiones  
(ut docui) sustulerunt. uerum autem scire, diuinæ est sa-  
pientiæ. Homo autem per se ipsum peruenire ad hanc sci-  
entiam non potest, nisi doceatur à Deo. Ita philosophi,  
quod summum fuit humanæ sapiētiae, assecuti sunt, ut in-  
telligerent, quid non sit: illud assequi nequiuerūt, ut dice-  
rent, quid sit. Nota Ciceronis uox est, Vtinam tam facile  
uera inuenire possem, quàm falsa conuincere. Quod quia  
uires humanæ conditionis excedit: eius officij facultas no-  
bis est attributa, quibus tradidit Deus sciētiam ueritatis.  
cui explicandæ quatuor posteriores libri seruient. Nunc  
interim falsa, ut cœpimus, detegamus.

De simulachris, ornamentisq; templorum, &

eorum contemptu.

CAP. IIII.

**Q**uid igitur maiestatis possunt habere simulachra,  
quæ

quæ fuerunt in homunculi potestate, uel ut aliud fierent,  
uel ut omnino non fierent? iccirco apud Horatium Priap-  
us ita loquitur:

Olim truncus eram ficulnus, inutile lignum,  
Cum faber incertus, scamnum faceret ne Priapum,  
Maluit esse deum. Deus inde ego, furum auiumq;  
Maxima formido.

—Quis non sit tanto hoc custode securus?

Fures enim tam stulti sunt, ut Priapi tentiginem timeant,  
cum aues ipsæ, quæ terrore falcis, aut inguinis abigi exi-  
stimant, simulachris fabrefactis, id est, hominum plane si-  
milibus, infideant, nidificent, inquinant. Sed Flaccus, ut  
satyrici carminis scriptor, derisit hominum uanitatem.  
Verum ij, qui faciunt, seriam se facere rem opinantur. De-  
nique poëta maximus, homo in cæteris prudens, in hoc  
solum non poëtice, sed aniliter desipuit, cū in illis emen-  
datissimis libris etiam fieri hoc iubet:

Et custos furum, atq; auium cum falce saligna,  
Hellepontiaci seruet tutela Priapi.

Adorant ergo mortalia, ut à mortalibus facta. frangi enim,  
cremari possunt, ac perire. nam & testis uetustate laben-  
tibus sæpe comminui solent: & consumpta incendio, dila-  
buntur in cinerem: & plerumq; (nisi sua illis magnitudo  
subucnerit, aut custodia diligens sepscrit) in prædam su-  
aribus cedunt. Quæ igitur insania est, ea timere, pro qui-  
bus aut ruina, aut ignes, aut furta timeantur? Quæ uani-  
tas, aliquam ab his spectare tutelam, quæ tueri semetipsa  
non possunt? Quæ peruersitas ad eorum præsidia decur-  
rere, quæ ipsa, cum uiolantur, inulta sunt, nisi à colentibus  
uindicentur? Vbi ergo ueritas est? ubi nulla uis adhiberi  
potest religioni, ubi nihil, quod uiolari possit, apparet,  
ubi

ubi sacrilegium fieri non potest. Quicquid autem oculis, manibusq; subiectū est: id uerò quia fragile est, ab omni ratione immortalitatis est alienum. Frustra igitur homines auro, ebore, gēmis deos excolunt, & exornant, quasi uerò ex his rebus ullam possint capere uoluptatem. Quis usus est pretiosorum munerum nihil sentientibus? an ille qui mortuis? pari enim ratione defunctorum corpora odoribus, ac pretiosis uestibus illita, & conuoluta humi condunt, qua deos honorant: qui neque, cum fierent, sentiebant, neque, cum coluntur, sciunt. nec enim sensum consecratione sumpserunt. Non placebat Persio, quòd aurea uasa templis inferantur, superuacuum putanti, esse inter religiones, quod non sanctitatis, sed auaritiæ sit instrumentum. Illa enim satius est Deo, quem recte colas, inferre pro munere,

Compositum ius, fasq; animi, sanctosq; recessus

Mentis, & incoctum generoso pectus honesto.

Egregie, sapienterq; sensit. Verum illud ridiculum subdidit: hoc esse aurum in templis, quod sint Veneri donatæ à uirgine pupæ. quas illa ob minutiâ fortasse contempserit. Non uidebat enim, simulachra ipsa, & effigies deorum, Polycleti, & Euphranoris, & Phidiæ manu ex auro, atque ebore perfectas, nihil aliud esse, quàm grandes pupas, non à uirginibus, quarum lusibus uenia dari potest, sed à barbatis hominibus consecratas. Merito igitur etiam senū stultitiâ Seneca deridet. Non, inquit, bis pueri sumus (ut uulgo dicitur) sed semper. Verum hoc interest, quòd maiora nos ludimus. Ergo his ludicris, & ornatīs, & grandibus pupis, & unguenta, & thura, & odores inferunt, his opimas, & pingues hostias immolant: quibus est quidem os, sed carens officio dentium: his populos

plos, & indumenta pretiosa, quibus usus uelaminis nullus est: his aurum, & argentum consecrant: quæ tam non habent qui accipiunt, quàm qui illa donarunt. Nec immerito Dionysius Siciliae tyrānus post uictoriā Græcia potitus, deostales contempsit, spoliauit, illuſit. siquidē sacri-legia sua iocularibus etiā dictis proſequebatur. Nam cū Ioui Olympio aureum amiculum detraxisset, lancē iussit imponi, dicens, æstate graue eſſe aureum, hyeme frigidum, lancum uerò utrique tempori aptum. Idem auream barbam detrahens Aesculapio, incongruens & iniquum eſſe ait, cum Apollo pater eius imberbis eſſet adhuc, ac leuis, priorem filium, quàm patrē, barbatū uideri. Item pateras, & exuias, & parua quædā sigilla, quæ simula-chrorum protentis manibus tenebantur, detrahebat, & accipere se illa, non auferre dicebat. per quàm enim stultū eſſe, & ingratum, nolle accipere ab his ultro porrigentibus, à quibus bona sibi homines precarētur. hæc ille fecit impune, quia rex, & uictor fuit. quin etiam secuta est eū solita felicitas. uixit enim usque ad senectutem, regnumq; per manus filio tradidit. In eo igitur, quia homines sacrilegia uindicare non poterant, oportuit deos ipsos sui uindices eſſe. At si humilis quispiam tale quid commiserit: huic præsto sunt flagella, ignes, eculei, cruces, & quicquid excogitare iratis, & furentibus licet. Sed cum puniunt deprehenſos in sacrilegio, ipsi de Deorum suorum potestate diffidunt. Cur enim illis potissimum non relinquunt ulciscendi sui locum, si eos posse aliquid arbitrantur? Quin etiam putant illorum numine accidisse, ut prædones rerum sacrarum deprehenſi tenerentur. & sæuiunt non tam ira, quàm metu: ne si deorum iniuriam nō uindicauerint, ipsos expetant poenæ, incredibili scilicet



licet uanitate, qui nocituros sibi Deos putent ob aliena scelera, qui ipsis, à quibus uiolati, spoliatiq; sunt, per se ipsos nihil nocere potuerunt. At enim sæpe ipsi quoque in sacrilegos uindicauerunt: potest id uel casu accidisse: quòd aliquando, non semper. Sed tamen paulo post, quomodo id accidit, ostendam. Nunc interim quero, cur illi tot, & tanta sacrilegia in Dionysio non uindicauerunt, qui non furtim, sed palàm deos ludibrio habuit. Cur hunc tam potentem sacrilegum à templis, à cæimonijs, ab imaginibus suis non arcuerunt? Cur etiam sacris rebus ablatis, prospere nauigauit? quod ioco ipse testatus est ut solebat. Videtis'ne, inquit comitibus suis naufragium timentibus, quàm prospera sacrilegis nauigatio ab ipsis dijs immortalibus tribuatur? Sed hic fortasse à Platone didicerat, deos nihil esse. Quid C. Verres? quem Tullius accusator eius eidem Dionysio, & Phalaridi, & tyrannis omnibus comparat: non'ne omnem Siciliam compilauit, sublati deorum simulachris, ornamentisq; fanorum? Otiosum est persequi singula. unum libet commemorare, in quo accusator omnibus eloquentiæ uiribus, omni deniq; conatu uocis, et corporis deplorauit, de Cerere Catanensi, uel Ennensi. quarum alterius tanta fuit religio, ut adire tēpli eius secreta penetralia, uiris nefas esset: alterius antiquitas tāta, ut omnes historiæ loquantur, ipsam deam fruges in Ennæ solo primū reperisse, filiāq; eius uirginē eodē loco raptam. Deniq; Gracchanis tēporibus turbata republica & seditionibus, & ostētis, cum repertū esset in carminibus Sibyllinis, antiquissimā Cererem debere placari, legati sunt Ennam mīssi. Hæc igitur Ceres uel religiosissima, quam uidere maribus ne adorandi quidem gratia licebat, uel antiquissima, quam



S. P. Q. R. sacrificijs, donisq; placauerat: ex arcanis, et uetustis penetralibus, à C. Verre immis̃sis latronibus seruis, impune sublata est. Idem uero, cū affirmaret, se à Siculis, ut causam prouinciæ susciperet, oratum: his uerbis usus est, sese iam ne deos quidem in suis urbibus, ad quos confugerent, habere, quòd eorum simulachra sanctissima C. Verres ex delubris religiosissimis sustulisset: quasi uero si Verres ex urbibus, delubrisq; sustulerat, de cælo quoq; sustulisset. Vnde apparet, istos Deos nihil habere in se amplius, quàm materiam, de qua sunt fabricati. Nec immerito ad te M. Tulli, hoc est ad te ipsum hominẽ Siculi confugerũt, quoniã triennio sunt experti, Deos illos nihil ualere. essent enim stultissimi, si ad eos ob defendendas iniurias hominũ cõfugissent, qui C. Verri nec pro se ipsis irati esse poterant. At enim Verres ob hæc facinora damnatus est. Non ergo Dij uindicauerunt, sed Ciceronis industria: qua uel defensores eius oppressit, uel gratiæ restitit. Quid, quòd apud ipsum Verrẽ nõ fuit illa dānatio, sed uacatio? ut quemadmodũ Dionysio Deorũ spolia gestanti, Dij immortales bonã dederāt nauigationẽ: sic etiã Verri bonam quietẽ tribuisse uideãtur, in qua sacrilegijs suis tranquille frui posset. Nam fremētibus postea ciuilibus bellis, sub obtentu damnationis ab omni periculo, et metu remotus, aliorũ graues casus, et miserabiles exitus audiebat: et qui cecidisse solus omnibus stantibus uidebatur, is uero uniuersis cadētibus solus stetit, donec illum et opibus sacrilegio partis, et uita satiatum, ac senectute confectũ proscriptio triumuiralis auferret, eadem scilicet quæ Tullium uiolatæ deorũ maiestatis ultorem. Quin etiam felix in eo ipso fuit, quòd ante suã mortẽ crudelissimum exitũ sui accusatoris audiuit, Dijs uidelicet prouidentib

dentibus, ut sacrilegus, ac prædo ille religionum suarum non antè moreretur, quàm solatium de ultione cepisset.

De Dei uero cultu, deq; elementis, & astris.

C A P. V.

**Q**uanto igitur rectius est, omiſſis inſenſibilibus, & uanis, oculos cò tēdere, ubi ſedes, ubi habitatio eſt Dei ucri, qui terrā ſtabili firmitate ſuſpendit, qui cœlum diſtinxit aſtris fulgentibus, qui ſolem rebus humanis clariffimum, ac ſingulare lumen, in argumentū ſuæ unicæ maiestatis accendit, terris autem maria circumſudit, flumina ſempiterno lapſu fluere præcepit,

Iuſſit & extendi campos, ſubſidere ualles,

Fronde tegi ſyluas, lapidoſos ſurgere montes.

Quæ utiq; omnia non Iupiter fecit, qui ante annos mille ſeptingentos natus eſt: ſed idem

Ille opifex rerum, mundi melioris origo, qui uocatur Deus; cuius principium, quoniam non poteſt comprehendī, ne quæri debet quidem. Satis eſt homini ad plenam, perfectamq; prudentiam, ſi Deum eſſe intelligat. cuius intelligentiæ uis, & ſumma hæc eſt, ut ſuſpiciat, & honorificet communē parentē generis humani, & rerum mirabiliū fabricatorē. Vnde quidā hebetis, obtuſiq; cordis, elementa, quæ & facta ſunt, & carent ſenſu, tanquam Deos adorant. qui cum Dei opera mirarentur, cœlum cum luminibus uarijs, terram cum campis & montibus, maria cum fluminibus, & ſtagnis, & fontibus: carum rerum admiratione obſtupefacti, & ipſius artificis obli= ti, quem uidere non poterant, eius opera uenerari, & colere cœperunt, nec unquam intelligere quiuerunt, quanto maior, quantoq; mirabilior ſit, qui illa fecit ex nihilo. quæ cum uideant diuinis legibus obſequētia, commo=

dis

dis, atq; usibus hominū perpetua necessitate famulari: tamē illa Deos existimant esse, ingrati aduersus beneficia diuina, qui Deo patri indulgentissimo sua opera prætulerunt. Sed quid mirū, si aut barbari, aut imperiti homines errant? cum etiam philosophi Stoicæ disciplinæ in eadē sint opinione, ut omnia cœlestia, quæ mouētur, in Deorū numero habenda esse censeant. si quidem Lucillus Stoicus apud Ciceronem sic loquitur: Hanc igitur in stellis cōstantiam, hanc tantam in tam uarijs cursibus in omni æternitate conuenientiam temporum, non possum intelligere sine mente, ratione, consilio. quæ cum in syderibus esse uideamus, non possumus ea ipsa non in deorum numero reponere. Itē paulo superius, Restat, inquit, ut motus astrorū sit uoluntarius. quæ qui uideat, non indocte solum, uerum etiam impie faciat, si Deos esse neget. Nos uero & quidem constanter negamus, ac uos o Philosophi non solum indoctos, & impios, uerū etiam cæcos, & ineptos, deliriosq; probamus, qui ignorantia imperitorū uanitate uicistis. Illi enim Solem & Lunā, uos etiā sydera Deos putatis. Tradite igitur nobis stellarū mysteria, ut aras, & tēpla singulis erigamus, ut sciamus, quo quāq; ritu, quo die colamus, quibus nominibus, quibus precibus aduocemus: nisi forte nullo discrimine tam innumerabiles, tam minutos Deos aceruati colere debemus. Quid quòd argumentum illud, quo colligunt uniuersa cœlestia Deos esse, in contrarium ualeat? nam si Deos esse iccirco opinantur, quia certos, & rationabiles cursus habēt: errant. ex hoc enim apparet Deos non esse, quòd exorbitare illis à præstitutis itineribus non licet. Ceterū si Dij essent, huc atque illuc passim sine ulla necessitate ferrētur, sicut animantes in terra, quarum quia liberæ sunt uoluntates, huc

atq; illuc uagantur, ut libuit, & quò quanq; mens duxerit, cò fertur. Non est igitur astrorū motus uoluntarius, sed necessarius, quia præstitutis legibus, officijsq; deserviūt. Sed cum disputaret de cursibus syderū, quos ex ipsa rerum, ac tēporum congruentia intelligebat non esse fortuitos: existimauit uolūarios esse, tanquā non possent tā dispositæ, tam ordinate moueri, nisi sensus illis inesset officij sui sciens. O quā difficilis est ignorantibus ueritas, & quā facilis scientibus. Si motus, inquit, astrorū fortuiti nō sunt: nihil aliud restat, nisi ut uoluntarij sint: imò uero ut nō esse fortuitos manifestum est, ita nec uoluntarios. Quomodo igitur in cōficiēdis itineribus constantiā suā seruant? Nimirū Deus uniuersi artifex sic illa disposuit, sic illa machinatus est, ut per spatia cœli diuina, & admirabili ratione decurrerent ad efficiendas succedentium sibi tēporū uarietates. An Archimedes Siculus concauo ære similitudinē mūdi, ac figurā potuit machinari, in quo ita Solē ac Lunā cōposuit, ut inæquales motus & cœlestibus similes, cōuersionibus singulis quasi diebus efficeret: & nō modo accessus Solis, & recessus, uel incrementa, diminutionesq; Lunæ, uerūctiam stellarū uel errantium, uel uagarū dispares cursus, orbis ille dum uertitur, exhiberet? Deus ergo illa uera non potuit machinari, & efficere, quæ potuit solertia hominis imitatione simulare? Vtrūne igitur Stoicus, si astrorū figuras in illo ære pictas, effictasq; uidisset, suo illa cōsilio moueri diceret, ac nō potius artificis ingenio? Inest ergo syderibus ratio, ad peragēdos meatus suos apta: sed Dei est illa ratio, qui & fecit, & regit omnia, nō ipsoꝝ syderum, quæ mouentur. Nam si Solem stare uoluisset, perpetuus dies utique esset. Item si motus astra non haberent, quis dubitet sempiternam

nam

nam noctem fuisse futuram? Sed ut dici, ac noctis uices essent, moueri ea uoluit, & tam uarie moueri, ut non modo lucis ac tenebrarum mutua uicissitudines fierent, quibus laboris, & quietis alterna spatia constarent, sed etiam frigoris, et caloris, ut diuersorum temporum uis, ac potestas uel generandis, uel maturandis frugibus conueniret. Quam solertiā diuinæ potestatis in machinandis itineribus astrorum, quia philosophi non uidebant, animalia esse sydera putauerunt, tanquam pedibus & sponte, non diuina ratione procederent. Cur autem excogitauerit illa Deus, quis non intelligit? Scilicet ne Solis lumine decedente, nimum cæca nox tetris, atque horribilibus tenebris ingrauesceret, noceretque uiuentibus. Itaque & cælum simul mira uarietate distinxit: & tenebras ipsas multis, minutisque luminibus temperauit. Quanto igitur Naso prudentius, quam illi, qui sapientiæ studere se putant, qui sentit à Deo lumina illa, ut horrorem tenebrarum depellerent, instituta. Is cum librum, quo *πανόμεια* breuiter comprehendit, his tribus uersibus terminauit:

Tot numero, taliq; Deus simulachra figura

Imposuit cælo: perque atras sparsa tenebras

Clara pruinosa iussit dare lumina nocti.

Quod si fieri non potest, ut stellæ Dij sint: ergo nec Sol quidem, nec Luna Dij esse possunt, quoniam à luminibus astrorum non ratione differunt, sed magnitudine. Quod si hi Dij non sunt: ergo nec cælum quidem, in quo illa omnia continentur.

De Deo, mundo, elementis, & homine,

C A P. VI.

Simili modo si terra, quam calcamus, quā subigimus, & colimus ad uictum, Deus non est: nec campi quidem,

ac montes Dij erunt. sed si hi nō sunt: ergo ne tellus quidem uniuerſa Deus uideri poteſt. Item ſi aqua, quæ ſeruit animantibus ad uſum bibendi, aut lauandi, Deus non eſt, nec fontes quidem, ex quibus aqua profluit. ſi fontes non ſunt, ne flumina quidem, quæ de fontibus colliguntur. ſi flumina quoq; Dij non ſunt: ergo & mare, quod ex fluminibus conſtat, Deus haberi non poteſt. Quòd ſi neque cœlum, neque terra, neque mare, quæ mundi partes ſunt, Dij eſſe nō poſſunt: ergo ne mundus quidem totus Deus eſt, quem ijdem ipſi Stoici & animantem et ſapientē eſſe contendunt, & propterea Deum, in quo tam inſtantes fuerunt, ut nihil dictum ſit ab his, quod non ab iſdem fuerit cuerſum. Sic enim argumentantur: Fieri non poſſe, ut ſenſu careat, quod ſenſibilia ex ſe generat. Mundus autē generat hominē, qui eſt ſenſu præditus: ergo et ipſum ſenſibilem eſſe. Item, Sine ſenſu eſſe non poſſe, cuius pars habeat ſenſum: igitur quia homo ſenſibilis eſt, etiā mundo, cuius pars homo eſt, ineſſe ſenſum. Propositiones quidem ueræ ſunt, & ſenſibile eſſe, quod ſenſu præditum gignat, & habere ſenſum, cuius pars ſenſu aucta ſit: ſed aſſumptiones falſæ, quibus argumenta concludunt. quia neque mundus generat hominem: neq; mundi homo pars eſt. nam hominem à principio idem Deus fecit; qui & mundum: & nō eſt mundi pars homo, ſicut corporismembrum. poteſt enim mundus eſſe ſine homine, ſicut et urbs, & domus. Atqui ut domus, unius hominis habitaculū eſt, & urbs unius populi: ſic & mundus domiciliū totius generis humani. Et aliud eſt, quod incolitur, aliud, quod colit. Sed illi, dum ſtudent id, quod falſo ſuſceperant, confirmare: & ſenſibilem eſſe mundum, et Deum argumentorum ſuorum conſequentia non uiderunt. Nam ſi mundi

pars

pars est homo, & sensibilis est mūdus, quia homo sentit: ergo quia mortalis est homo, mortalis sit & mūdus necesse est: nec tantum mortalis, sed etiam omnibus morbis, & passionibus subiectus. Et è cōtrario, si Deus est mundus, & partes eius utiq; immortales sunt: ergo et homo Deus est, quia pars est (ut dicitis) mundi. si homo: ergo iumēta, & pecudes, & cætera genera bestiarū, & auium, & piscium, quoniam & illa eodem modo sentiānt, & mundi partes sunt. At hoc tolerabile est: nā & hæc colunt Aegyptij. Sed res eò peruenit, ut ranæ, & culices, & formicæ Dij esse uideantur, quia & ipsis inest sensus, & partes mundi sunt. Ita semper argumenta ex falso petita, ineptos, & absurdos exitus habent. Quid, quòd ijdem ipsi aiunt, Deorum & hominum causa mudum esse constructum, quasi communem domum: ergo nec mundus Deus est, nec animans, si constructus est. animans enim non construitur, sed nascitur. Et si est ædificatus, sic utiq; tanquā domus, tanquā nauis: est ergo aliquis artifex mūdi Deus: & seorsum erit mundus, qui factus est, seorsum ille, qui fecit. Iam, illud quàm repugnās & absurdū: quòd cū cælestes ignes, cæteraq; mundi elemēta Deos esse affirmāt: item ipsum Deum mundum dicunt. Quomodo potest ex Deorum multorum acervo unus Deus confici? Si astra Dij sunt: mundus ergo nō Deus, sed domicilium Deorum est. Si uerò Deus mundus est: ergo omnia illa, quæ sunt in eo, Dij non sunt, sed Dei membra, quæ utique solius Dei nomen accipere nō possunt. Nec enim recte quis dixerit, membra hominis unius, multos homines esse. sed tamen non est similis comparatio animalis, & mundi: Animal enim quia sensu præditum est, etiam membra eius habent sensum, nec, nisi à corpore diuulsa, putrescunt. Cuius igitur



tur rei similitudinem gerit mundus? Nimirum ipsi docēt, cum factū esse nō diffitentur, ut esset Dijs, & hominibus quasi communis domus. Si ergo est cōstructus, ut domus: nec ipse Deus est, nec elemēta, quæ sunt partes eius. quia neq; domus habere dominū sui potest, neq; illa, de quibus domus constat. Non tantum igitur ueritate, sed etiā uerbis suis reuincuntur. Sicut enim domus in usum habitandi facta, per se nihil sentit, dominoq; subiecta est, qui eam fecit, aut incolit: ita mundus per se nihil sentiens, factori Deo subiacet, qui cum in usum sui fecit.

De Deo, & religionibus insipientium, & maiorum autoritate.

CAP. VII.

**D**Vplici ergo ratione peccatur ab insipientibus: Primum, quod elemēta, id est, Dei opera Deo præferūt: Deinde, quod elementorū ipsorum figuras humana specie comprehensas colunt. Nam Solis, Lunæq; simulachra humanū in modum formant: item ignis, & terræ, & maris: quæ illi Vulcanū, Vestam, Neptunum uocant, nec elementis ipsis in aperto litant. Tanta homines imaginū cupiditas tenet, ut iam uiliora ducantur illa, quæ uera sunt. auro scilicet, gemis, et ebore delectantur. Horū pulchritudo, ac nitor præstringit oculos: nec ullā religionē putāt, ubicunq; illa nō fulserint. Itaq; sub obtentu decorum, auaritia, et cupiditas colitur. Credūt enim Deos amare, quicquid ipsi cōcupiscunt, quicquid est propter quod furta, et latrocinia, & homicidia quotidie sæuiunt, propter quod bella per totum orbem populos, urbesq; subuertunt. Consecrāt ergo Dijs manubias, et rapinas suas, quos certe necesse est imbecilles esse, ac summæ uirtutis expertes, si subiecti sunt cupiditatibus. Cur enim cælestes eos putemus, si desiderant aliquid de terra? Vel beatos, si aliqua re indigent



gent? Vel incorruptos, si uoluptati habēt ea, in quibus appetēdis cupiditas hominū nō immerito dānatur? Veniūt igitur ad Deos nō tā religionis gratia, quæ nulla potest esse in rebus male partis, et corruptibilibus, quàm ut aurū oculis hauriāt, nitorē læuigati marmoris, aut eboris afficiant, ut insignes lapillis, et coloribus uestes, uel distincta gēmis fulgētibus pocula insatiabili contēplatione cōtrectent. et quāto fuerint ornatiores tēpla, et pulchriora simulachra: tanto plus maiestatis habere creduntur. adeo religio Deorū nihil aliud est, quàm quod cupiditas humana miratur. Hæ sunt religiones, quas sibi à maioribus suis traditas, pertinacissime tueri, ac defendere perscuerāt; nec cōsyderāt quales sint, sed ex hoc probatas, atq; ueras esse cōfidunt, quòd eas ueteres tradiderūt: tantaq; est autoritas uetustatis, ut inquirere in eam, scelus esse ducatur. Itaq; creditur ei passim, tanquā cognitæ ueritati. Deniq; apud Ciceronē sic dicit Cotta Lucillo: Habes Balbe, quid Cotta, quid pontifex sentiat. fac nūc ego intelligam, quid tu sentias. à te enim philosopho rationem religionis accipere debeo. Maioribus autē nostris, etiā nulla ratione reddita rationis, est credere. Si credis: cur ergo rationē requiris, quæ potest efficere, ne credas? Si uero rationē requiris, et quærēdā putas: ergo nō credis. ideo enim quæris, ut eā sequaris, cū inueneris. Docet ecce te ratio nō esse ueras religiones Deorū. Quid facies? maiores ne potius, an rationē sequeris? quæ quidem tibi ab alio insinuata, sed à teipso inuenta, et electa est, cum omnes religiones radicitus cruiisti. Si rationem mauis: discedere te necesse est ab institutis, et autoritate maiorū: quoniā id solum rectū est, quod ratio præscribit. Sin autē pietas maiores sequi suadet: fateris igitur et stultos illos

fuisse, qui excogitatis contra rationē religionibus seruierint: & te ineptum, qui id colas, quod falsum esse conuinceris. Sed tamen quoniam nobis tantopere maiorū nomē opponitur: uideamus tandem, qui fuerint maiores illi, à quorum autoritate discedi nefas ducitur. Romulus urbē cōditurus, pastores, inter quos adoleuerat, conuocauit, cumq; is numerus condendæ urbi parum idoneus uideretur: cōstituit asylum. Eò passim confugerunt ex finitimis locis pessimi quiq; sine ullo cōditionis discrimine. Ita conflauit ex his onnibus populum: legitq; in Senatum eos, qui ætate antebant, & patres appellauit, quorum consilio gereret omnia. de quo Senatu Propertius elegiarum scriptor hæc loquitur:

Curia, prætexto quæ nunc nitet alta Senatu,

Pellitos habuit, rustica corda, patres.

Buccina cogebat priscos ad uerba Quirites.

Centum illi in prato sæpe Senatus erat.

Hi sunt patres, quorū decretis eruditi, ac prudentes uiri deuotissime seruiunt. idq; uerum, ac immutabile omnis posteritas iudicet, quod centum pelliti senes statutū esse uoluerunt. quos tamen (ut in primo libro dictum est) Pompeius illexit, ut uera crederent esse sacra, quæ ipse tradebat. Est uero, cur illorum autoritas tanti habeatur à posteris, quos nemo, cum uiuerent, neq; summus, neq; infimus affinitate dignos iudicauit. •

De rationis usu in religione: deq; somnijs, augurijs, oraculis, talibusq; portētis. CA. VIII.

**Q**uare oportet, in ea re maxime, in qua uitæ ratio uersatur, sibi quenque confidere, suoq; iudicio, ac proprijs sensibus niti ad inuestigandam, & perpendendā ueritatē, quā credentem alienis erroribus, decipi, tanquā ipsum

ipsum rationis expertem. Dedit omnibus Deus pro uirili  
portione sapientiam, ut & inaudita inuestigare possent,  
& audita perp̄dere. Nec quia nos illi temporibus ante-  
cesserunt, sapientia quoq; antecesserunt: quæ si omnibus  
æqualiter datur, occupari ab antecedentibus non potest.  
Illibabilis est tanquam lux, & claritas solis. quia ut sol  
oculorum, sic sapientia lumen est cordis humani. Quare  
cum sapere, id est, ueritatē quærere, omnibus sit innatum:  
sapientiam sibi adimunt, qui sine ullo iudicio inuenta ma-  
iorum probant, & ab alijs pecudum more ducuntur. Sed  
hoc eos fallit, quòd maiorum nomine posito, non putant  
fieri posse, ut aut ipsi plus sapiāt, quia minores uocātur,  
aut illi desipuerint, quia maiores nominātur. Quid ergo  
impedit, quin ab ipsis sumamus exemplum, ut quomodo  
illi, qui falsa inuenerant, posteris tradiderunt, sic nos qui  
uerum inuenimus, posteris meliora tradamus? Superest  
ingens quæstio, cuius disputatio nō ab ingenio, sed à sciē-  
tia uenit: quæ pluribus explicanda erit, nequid dubiū o-  
mnino relinquatur. Nam fortasse aliquis ad illa cōfugiat,  
quæ à multis, & non dubijs traduntur autoribus. Eos  
ipsos, quos docuimus Deos nō esse, maiestatem suam per-  
sæpe ostendisse & prodigijs, & somnijs, & augurijs, &  
oraculis. Et sanè multa enumerari possunt digna miracu-  
lo. in primis illud, quòd Accius Nauius summus Augur,  
cum Tarquinius Priscus commoneret, ut nihil noui fa-  
cere inciperet, nisi prius esset inaugurator, eiq; rex artis  
eius eleuans fidem diceret, ut consultis auibus renūciaret  
sibi utrum ne fieri posset id, quod ipse animo cōcepisset,  
affirmaretq; Nauius posse: Cape igitur hanc, inquit, co-  
tem, eamq; nouacula disijce. at ille incunctanter accepit,  
& secuit. Deinde illud, quod Castor, & Pollux bello La-

tino apud lacum Iuturnæ uisi sunt equorum sudorem abluentes, cum ædes eorum, quæ iuncta fonti erat, sua sponte patuisset. ijdem bello Macedonico equis albis insidentes P. Vatinio Romam nocte uenienti, se obtulisse dicuntur, nuntiâtes, eo die Regem Persen uictum, atq; captum. quod paucis post diebus literæ Pauli uerum fuisse docuerunt. Illud etiam mirabile, quod simulachrum Fortunæ muliebris non semel locutum esse traditur. item Iunonis Monetæ, cū captis Veijs unus ex militibus ad eam transferendam missus, iocabundus, ac ludens interrogaret, utrum ne Romam migrare uellet: respōdit, uelle. Claudia quoq; proponitur in exemplo miraculi. Nam cum ex libris sibyllinis Idæa mater esset accita, & in uado Tyberini fluminis nauis, in qua uehebatur, hæsisset, nec ullo modo, aut ulla ui commoueretur: Claudiam ferunt, quæ semper impudica esset habita ob nimios corporis cultus, Deā submissis genibus orasse, ut, si se castam iudicaret, suum cingulum sequeretur: ita nauim, quæ ab omni iuuentute non ualuit commoueri, ab una muliere esse commotam. Illud æque mirum, quod lue sæuiente Aesculapius Epidauro accitus, urbem Romam diuturna pestilentia liberasse perhibetur. Sacrilegi quoq; numerari possunt, quorum præsentibus pœnis iniuriam suam Dii uindicasse creduntur. Appius Claudius Censor, cum aduersus responsum ad seruos publicos sacra Herculis trāstulisset: luminibus orbatu est: & Potitiorū gens, quæ prodidit, intra unius anni tempus extincta est. Item Censor Fuluius, cum ex Iunonis Laciniae templo marmoreas tegulas abstulisset, quibus ædem Fortunæ equestris, quā Romæ fecerat, tegeret: & mēte captus est, & amissis duobus filiis in Illyrico militantibus, summo animi mœrore consumptus est.

Præse

Præfectus etiam M. Antonij Turullius, cum apud Coos euerſo Aſculapij luco claſſem feciſſet, eodẽ poſtea loco à militibus Cæſaris eſt interfectus. His exẽplis adiungitur Pyrrhus, qui ſublata ex theſauro Proſerpinæ Locrenſis pecunia, naufragiũ fecit, ac uicinis deæ littoribus illiſus eſt, ut nihil, præter eam pecuniam, incolume reperiretur. Ceres quoq; Mileſia multum ſibi apud homines uenerationis adiecit. Nam cum ab Alexãdro capta ciuitas eſſet, ac nũlites ad eam ſpoliãdam irrupiſſent: omnium oculos repente obiectus fulgor ignis extinxit. Reperiuntur etiã ſomnia, quæ uim decorum uideantur oſtendere. Tiberio nanque Attinio homini plebeio per quietem obuertiſus eſſe Iupiter dicitur, & præcepiſſe, ut coſſ. & ſenatuĩ nunciaret, ludis circenſibus proximis præſultorẽ ſibi diſplicuiſſe, quod Antronius Maximus quidam diuerberatum ſeruũ ſub furca medio circo ad ſupplicium duxerat, ideoq; ludos inſtaurari oportere. quod cum ille neglexiſſet, eodem die filium perdiſſe, ipſum autẽ graui morbo eſſe correptum. & cum rursus eandem imaginem cerne-  
ret, quærentem, ſatis ne pœnarum pro neglecto imperio pependiſſet: lectica delatus ad coſſ. & omni re in ſenatu expoſita, recepiſſe corporis firmitatẽ, ſuiſq; pedibus domum rediſſe. Illud quoq; ſomniũ non minoris fuit admiratiõis, quo Cæſar Auguſtus dicitur eſſe ſeruatus. Nã cum bello ciuili Brutiano implicitus graui morbo, abſtinere prælio ſtatuiffet: medico eius Artorio Mineruæ ſpecies obuertiſa eſt, monens, ne propter corporis imbecillitatem caſtris ſe contineret Cæſar. Itaque in aciem lectica perlatus eſt: & eodẽ die à Bruto caſtra capta ſunt. Multa præterea exempla ſimilia poſſunt proferri: ſed uereor, ne, ſi ſuero in propoſitione rerum contrariarum diutius  
immora

immoratus, aut oblitus esse propositi uidear, aut crimen loquacitatis incurram.

De diabolo, mundo, Deo, prouidentia, homine, & eius sapientia.

CAP. IX.

**E**Xponam igitur omnium istorum rationem: quò facilius res difficiles, & obscuræ intelligantur, & has omnes simulati numinis præstigias reuelabo, quibus inducti homines, à ueritatis uia longius recesserunt. Sed repetā lōge altius, ut si quis ad legendū expers ueri, & ignarus accesserit, instituatur, atq; intelligat quod tādē sit caput horum, & causa malorū, & lumine accepto, suos, ac totius generis humani perspiciat errores. Sicut mater sine exemplo genuit autorem suum: sic ineffabiliter pater genuisse credendus est coæternum. De matre natus est, qui antè iam fuit: de patre, qui aliquando non fuit. Hoc fides credat, intelligentia non requirat, ne aut non inuentū putet incredibile, aut repertum non credat singulare. Cum esset Deus ad excogitandū prudētissimus, ad faciendū solertissimus, antè quā ordiretur hoc opus mūdi, \*fecit in principio bonum & malum. Id plane quid sit, apertius explicabo, ne q̄s me ita loqui arbitretur, ut poëtæ solēt, qui res incorporealis quibusdā figuris quasi uisibilibus comprehendunt, cū præter ipsum nihil adhuc esset. \*quoniam niam pleni, & cōsummati boni fons in ipso erat, sicut est semper, ut ab eo bono tanquam riuus oriretur, longē que proflueret, produxit similem sui spiritum, qui esset uirtutibus Dei patris præditus. Quomodo autem id fecerit, cū solus esset, in quarto lib. docere conabimur. Deinde fecit alterum, in quo indoles diuinæ stirpis nō permansit. Itaq; suapte inuidia tanquam ueneno infectus est, & ex bono ad malū transcendit, suoq; arbitrio, quod à Deo illi liberum da-

rum datum fuerat, contrarium sibi nomen asciuit. Vnde apparet, cunctorū malorum fontem esse liuorem. Inuidit enim illi antecessori suo, qui Deo patri perseuerādo, tum probatus, tum etiā charus est. Hunc ergo ex bono per se malum effectum Græci διαβολῶν appellāt, nos criminatorē uocamus, quòd crimina, in quæ ipse elicit, ad Deum deferat. \* Cur autē iustus Deus talem uoluerit esse, quantum sensus nostri mediocritas poterit explanare conabor. Fabricaturus Deus hunc mundum, qui constaret in rebus inter se contrarijs, atq; discordibus, cōstituit antè diuersa, fecitq; ante omnia duos fontes rerū sibi aduersantium, inter seq; pugnātium, illos uidelicet duos spiritus, rectū, atq; prauum, quorū alter est Deo tāquam dextera, alter tanquam sinistra, ut in eorum essent potestate contraria illa, quorum mixtura et temperatione mundus, et, quæ in eo sunt, uniuerſa constarent. Item facturus hominē, cui uirtutē ad uiuendum proponeret, per quam immortalitatem assequeretur, bonū et malum fecit, ut posset esse uirtus. quæ nisi malis agitetur, aut uim suā perdet, aut omnino non erit. nam ut opulencia bonum uideatur, acerbitas egestatis facit: et gratiam lucis cōmendat obscuritas tenebrarum: ualetudinis et sanitatis uoluptas, ex morbo ac dolore cognoscitur. Ita bonum sine malo in hac uita esse non potest. et utrumque licet contrarium sit, tamen ita cohæret, ut alterum si tollas, utrumque sustuleris. nam neque bonum comprehendere, ac percipere potest, sine declinatione, ac fuga mali, nec malum cauere ac uinci sine auxilio comprehensi, ac percepti boni. necesse igitur fuerat et malum fieri, ut bonum fieret. Et quoniam fas nō erat, ut à Deo proficisceretur malum, neq; enim cōtra se ipse faceret, illum constituit malorum inuentorem. quem cum faceret



faceret, dedit illi ad mala excogitanda ingenium, & astu-  
 tiam, ut in eo esset & uoluntas praua, & perfecta nequi-  
 tia. & ab eo contraria uirtutibus suis uoluit oriri, cumq;  
 secum contendere. Vtrum ne ipse plus bonorum daret,  
 an ille plus malorum. Sed rursus quoniam deo summo  
 repugnari non potest, bonorum suorum potestatem illi  
 ultori assignauit. quem supra, bonum ac perfectum esse  
 diximus. Ita duos ad certamen composuit, & instruxit.  
 Sed eorum alterum dilexit, ut bonum filium: alterum  
 abdicauit, ut malum. Postea autem multos genuit alios  
 operum suorum ministros, quos Græci ἀγγέλους nomināt,  
 & illos unius, sed repugnantis naturæ, qualis decorum.  
 Sed pars illa corruptibilis, non utiq; statim corrupta est  
 in ortus sui principio. Sed post compositum, ordina-  
 tumque mundum, sicut mox docebimus, à substantiæ cœ-  
 lestis uigore peruersa uoluntate desciiuit. Ceterum in  
 principio pares uniuersi, æqua conditione apud Deum  
 fuere, & ideo angeli omnes, quorum principes erant  
 illi duo. Cum autem Deus ex his duobus alterum bono  
 præposuisset, alterum malo, exorsus est fabricam mundi,  
 omnibus his, quos creauerat ministrantibus, & per certa  
 officia dispositis. \* Exorsus igitur deus fabricam mundi,  
 illum primum, & maximum filium præfecit operi uniuers-  
 so, eoq; simul & consiliatore usus est, & artifice in ex-  
 cogitandis, ornandis, perficiendisq; rebus: quoniam is &  
 prouidentia, & prudentia, & ratione, & potestate perse-  
 ctus est, de quo nunc parcius, quòd alio loco et uirtus, &  
 nomen eius, & ratio enarranda nobis erit. Nemo quærat,  
 ex quibus ista materijs tam magna, tam mirifica opera  
 Deus fecerit. omnia enim fecit ex nihilo. Nec audiendi  
 sunt poëtæ, qui aiunt chaos in principio fuisse, id est, con-  
 fusionem



fusionem rerum, atq; elementorum: postea uerò Deum di-  
 remisse omnem illam congeriem, singulisq; rebus ex cōfu-  
 so aceruo separatis, in ordinemq; descriptis, instruxisse  
 mundum pariter & ornasse. Quibus facile est respōdere  
 potestātē Dei nō intelligentibus: quē credūt nihil effice-  
 re posse, nisi ex materia subiacēte, ac parata. in quo erro-  
 re etiam philosophi fuerunt. Nā Cicero de Natura Deo-  
 rum disputans, sic ait: Primum igitur non est probabile,  
 eam materiam rerum, unde orta sunt omnia, esse diuina  
 prouidentia effectam, sed habere, & habuisse uim, & na-  
 turam suam. Vt igitur faber, cum quid edificaturus est,  
 non ipse facit materiam, sed ea utitur, quæ sit parata, si-  
 etor quæ item cera: sic isti prouidentia diuinæ materiam  
 præsto esse oportuit, non quam ipse faceret, sed quam  
 haberet paratā. Quòd si non est à Deo materia facta, ne  
 terra quidem, & aqua, & aēr, & ignis à Deo factus est.  
 O quam multa sunt uitia in his decem uersibus: Primum,  
 quòd is, qui in alijs disputationibus, & libris serè omni-  
 bus prouidentia fuerit assertor, & qui acerrimis argu-  
 mentis impugnauerit eos, qui prouidentiam non esse di-  
 xerunt, idem nunc quasi proditor aliquis, aut transfu-  
 ga, prouidentiam conatus est tollere. in quo si contradi-  
 cere uelis, nec cogitatione opus est, nec labore: sua illi di-  
 cta recitāda sunt. Nec enim ab ullo poterit Cicero, quàm  
 à Cicerone uehementius refutari. Sed cōcedamus hoc mo-  
 re, & instituto Academicorū, ut liceat hominibus ualde  
 liberis dicere, ac sentire quæ uelint. sententias ipsius cōsi-  
 deremus. Non est, inquit, probabile materiam rerum à  
 Deo factam. Quibus hoc argumentis probas? Nihil enim  
 dixisti, quare hoc nō sit probabile. Itaq; mihi è cōtrario  
 uel maxime probabile uidetur: nec tamē temere uidetur,  
 cogitanti

cogitanti plus esse aliquid in Deo: quem profecto ad imbecillitatē hominis redigis: cui nihil aliud quā opificiū cōcedis. Quomodo igitur ab homine diuina illa uis differet, si ut humo, sic etiā Deus ope indigeat aliena? Indiget autē, si nihil moliri potest, nisi ab altero illi materia ministratur. quod si sit, imperfecta utiq; uirtutis est: & erit iā potentior iudicandus materiae institutor. Quo igitur nomine appellabitur, qui potentia Deum uincit? si quidē maius est, propria facere, quā aliena disponere. Si autē fieri non potest, ut sit potētius Deo quicquam, quē necesse est perfectae esse uirtutis, potestatis, rationis: idem igitur materiae fictor est, qui & rerū ex materia constantium. Neque enim Deo non faciente, & inuito, esse aliquid aut potuit, aut debuit. Sed probabile est, inquit, materiam rerum & habere, & habuisse naturā suam, & uim. Quam uim potuit habere, nullo dante? quā naturam, nullo generante? Si habuit uim, ab aliquo eā assumpsit. A quo autē sumere, nisi à Deo potuit? Si habuit naturam, quae utiq; à nascēdo dicitur, nata est. A quo autem, nisi à Deo, potuit procreari? Natura enim qua dicitis orta esse omnia, si cōsiliū nō habet, efficere nihil potest: si autē generandi aut faciēdi potēs est: habet ergo consiliū, & propterea Deus sit, necesse est. Nec alio nomine appellari potest ea uis, in qua inest & prouidentia excogitandi, & solertia, potestasq; faciendi. Melius igitur Seneca omniū Stoicorū acutissimus: qui uidit nil aliud esse naturā, quā Deū. Ergo, inquit, Deum nō laudabimus, cui naturalis est uirtus: nec enim illā didicit ex ullo. Imò laudabimus: quāuis enim naturalis illa ei sit, sibi illā dedit, quoniā Deus ipsa natura est. Cū igitur ortū rerū tribuis naturae, ac detrahis Deo, in eodē luto hāsitans, uersuram soluis Getæ. A quo enim fieri

fieri mundum negas, ab eodē plane fieri mutato nomine confiteris. Sequitur ineptissima comparatio. Vt enim faber, inquit, cum quid edificaturus est, non ipse facit materiam, sed utitur ea, quæ sit parata, fictorq; item cera: sic isti prouidentiae diuinæ materiā esse præsto oportuit, non quam ipse faceret, sed quam haberet paratam. Imò uero non oportuit. erit enim Deus minoris potestatis, si ex parato facit, quod est hominis. faber enim sine ligno nihil edificat: quia lignum ipsum facere non potest. non posse autē, imbecillitatis est humanæ. Deus uero facit sibi ipse materiā, quia potest. Posse enim Dei est: nā si non potest, Deus non est. Homo facit ex eo, quod est. quia per mortalitatem imbecillis est: per imbecillitatem, definitæ, ac modicæ potestatis. Deus autem facit ex eo, quod nō est. quia per æternitatem fortis est: per fortitudinem, potestatis immensæ: quæ sine, ac modo caret, sicut uita factoris. Quid ergo mirum, si factururus mundum Deus, prius materiā, de qua faceret, præparauit ex eo, quod nō erat? quia nefas esset Deum aliunde aliquid mutuari, cum in ipso, uel ex ipso sint omnia. Nam si est aliquid ante illum factum, & quicquam non ab illo factum est: potestatem Dei, & nomen amittet. At enim materia nunquam facta est, sicut Deus, qui ex materia fecit hunc mundum. Duo igitur constituuntur æterna, & quidē inter se contraria: quod fieri sine discordia, & perniciē nō potest. Collidant enim necesse est ea, quorum uis, & ratio diuersa est. sic utraq; æterna esse non potuerunt, si repugnant. quia superare alterū, necesse est. Ergo fieri non potest, quin æterni natura sit simplex, ut inde omnia, uelut ex fonte, descenderint. Itaque aut Deus ex materia ortus est, aut materia ex Deo. quid horū sit uerius, facile est intelligi. Ex his enim

b

duobus

duobus alterum sensibile est, alterū caret sensu. Potestas faciendi aliquid non potest esse, nisi in eo, quod sentit, quod sapit, quod cogitat, quod mouetur. Nec incipi, aut fieri, aut consummari quicquā potest, nisi fuerit ratione praeuisum, aut quemadmodū fiat antequā est, aut quē admodum constet postquā fuerit effectum. Deniq; is facit aliquid, qui habet uoluntatem ad faciēdum, & manus ad id, quod uoluit, implendum. Quod autem insensibile est, iners, & torpidum semper iacet. nihil inde oriri potest, ubi nullus est motus uoluntarius. nam si omne animal ratione constat: certe nasci ex eo nō potest, quod ratione praeitū non est. nec aliunde accipi potest id, quod ibi, unde petitur, non est. Nec tamen commoueat aliquē, quod animalia quaedam de terra nasci uidentur. Hec enim non terra per se gignit, sed spiritus Dei: sine quo nihil gignitur. Non ergo Deus ex materia, quia sensu praeitum ex insensibili, sapiēs ex bruto, impatibile de patibili, expers corporis de corporali nunquā potest oriri: sed materia potius ex Deo est. Quicquid enim est solido, & cōtractibili corpore, accipit externā uim. quod accipit uim, dissolubile est. quod dissoluitur, interit. quod interit, ortum sit, necesse est. quod ortum est, habuit fontem, unde oriretur, id est, factorē aliquē sentientem, prouidum, peritūq; faciendi. is est profecto, nec ullus alius quā Deus. Qui quoniā sensu, ratione, prouidētia, potestate, uirtute praeitatus est: & animātia, & inanima creare, & efficere potest. quia tenet, quomodo quidq; sit faciendū. Materia uero semper fuisse nō potest. quia mutationē non caperet, si fuisset. Quod enim semper fuit: semper esse nō desinit. & unde absuit principium: abesse hinc etiam finem, necesse est. Quin etiam facilius est, ut id, quod habuit initium, si-

ne careat, quàm ut habeat finē, quòd initio caruit. Materia ergo si facta non est: nec fieri ex ea quicquam potest. Si fieri ex ea non potest: nec materia quidē erit. Materia enim est, ex qua fit aliquid. Omne autem, ex quo fit: quia recepit opificis manum, destruitur, & aliud esse incipit.

Ergo quoniam finem habuit materia, tum, cum factus est ex ea mundus: & initiū quoq; habuit. Nam quod destruitur, ædificatum est. quod soluitur, alligatū. quod finitur, inceptū est. Si ergo ex cōmutatione, ac sine materia colligitur habuisse principium: à quo alio fieri nisi à Deo, potuit? Solus igitur Deus est, qui factus nō est: & ideo destruere alia potest, ipse destrui nō potest. permanebit semper in eo, quod fuit, quia non est aliunde generatus: nec ortus, nec natiuitas eius ex aliqua alia re pendet, quæ illum mutata dissoluat. Ex seipso est, ut in primo diximus libro. & ideo talis est, qualem se esse uoluit, impassibilis, immutabilis, incorruptus, beatus, æternus. Iam uerò illa conclusio, qua sententiam terminauit Tullius, multò absurdior. Quòd si materia, inquit, à Deo non est facta: nec terra quidem, & aqua, & aër, & ignis à Deo factus est. Quàm callide periculū præteruolauit. Sic enim superius illud assumpsit, tanquam probatione non indigeret: cum id multo esset incertius, quàm illud propter quod assumptum est. Si non est, inquit, à Deo facta materia: nec mundus à Deo factus est. Ex falso maluit colligere, quod falsum est, quàm ex uero, quod uerū. Et cum debeāt incerta de certis probari: hic probationē sumpsit ex incerto, ad euertendum quod erat certum. Nam diuina prouidentia effectum esse mūdum, ut taceam de Trismegisto, qui hoc prædicat, taceam de carminibus sibyllarum, quæ idem nunciant, taceam de prophetis, qui opus mundi, ac opi-

ficium Dei uno spiritu, ac pari uoce testantur: etiam in-  
 ter philosophos penè uniuersos conuenit. Idem etiā Py-  
 thagorici, Stoici, Peripatetici, qui sunt principes omnis  
 disciplinæ. Denique à primis illis septem sapientibus, à  
 Socrate usque ad Platonem pro confesso, & indubitato  
 habitum est: donec unus multis post seculis extitit deli-  
 rus Epicurus, qui auderet negare id, quod est euidentis-  
 simum, studio scilicet inueniendi noua, ut nomene suo con-  
 stitueret disciplinam. Et quia nihil noui potuit reperire:  
 ut tamē dissentire à cæteris uideretur, uetera uoluit euer-  
 tere. in quo illum circumlatrantes philosophi omnes co-  
 arguerunt. Certius est igitur, mundum prouidentia in-  
 structum, quàm materiæ prouidentia conglobatū. Qua-  
 re non oportuit putare iccirco mundum non esse diuina  
 prouidentia factum, quia materia eius diuina prouiden-  
 tia facta non sit: sed quia mundus diuina prouidentia sit  
 effectus, & materiā esse factam diuinitus. Credibilius est  
 enim, materiā potius à Deo factam, quia Deus omnia po-  
 test: quàm mundum à Deo non esse factū, quia sine men-  
 te, ratione, cōsilio, nihil fieri potest. Verum hæc non Ci-  
 ceronis est culpa, sed sectæ. Cum enim suscepisset disputa-  
 tionem, qua Deorum naturam tolleret, de qua philoso-  
 phi garriebant: omnem diuinitatem ignorātia ueri puta-  
 uit esse tollendam. Itaque Deos potuit tollere, quia non  
 erant. Cum autem prouidentiam diuinam, quæ est in uno  
 Deo, conaretur euertere: quia cōtra ueritatem niti cœpe-  
 rat, deficientibus argumentis, in hanc foueam necessario  
 decidit, unde se extricare non posset. Hic ergo illum te-  
 neo hærentem, teneo defixum, quo Lucillus, qui contrā  
 differebat, obmutuit. Hic est ergo cardo rerum, hic uer-  
 tuntur omnia. Explicet se Cotta, si potest, ex hac uoragi-  
 ne. pro

ne. proferat argumenta, quibus doceat, semper fuisse materiam, quam nulla prouidentia effecerit. Ostendat, quomodo quicquam ponderosum, & graue aut esse potuerit sine autore: aut immutari ualuerit, ac desierit esse, quod semper fuit: ut inciperet esse, quod nunquam fuit. Quæ si docuerit: tum demum assentiar, ne mundum quidem diuina prouidentia constitutum: & tamen sic assentiar, ut alijs illum laqueis teneam. Eodẽ enim, quò nollet, reuoluetur, ut dicat & materiam, de qua mundus est, & mundum, qui de materia est, natura extitisse: cum ego ipsam naturam deum esse contendã. Nec enim potest facere mirabilia, id est, maxima ratione constantia, nisi qui habet mentem, prouidentiam, potestatem. Ita fiet, ut Deus fecerit omnia, nec quicquam esse possit omnino, quod non originem à Deo traxerit. At idem, quoties Epicureus est, & nõ uult à Deo factum esse mūdum: quærere solet, quibus manibus, quibus machinis, quibus uestibus, qua molitione hoc tantũ opus fecerit. Vidcret fortasse, si eo tempore potuisset esse, quo Deus fecit. Sed ne pspiceret hominis opera, noluit eum inducere in hunc mundum, nisi perfectis omnibus. sed ne induci quidẽ poterat. quomodo enim subsisteret, cū fabricaretur desuper cœlum, terra subterfundaretur, cum fortasse humida uel nimijs rigoribus torporata concreverent, uel igneis caloribus incocta, & solidata, durescerent. At quomodo uiueret, Sole nondum instituto, nec frugibus, nec animalibus natis? Itaque necesse fuit hominem postremo fieri, cum iam mundo, cæteris que rebus manus summa esset imposita. Denique sanctæ literæ docent, hominem fuisse ultimum Dei opus, & sic inductum fuisse in hunc mundum, quasi in domum iam paratam, & instructam. illius enim causa facta sunt



omnia. Idem etiam poetæ fatentur. Ovidius perfecto iam mundo, & uniuersis animalibus figuratis, hoc addidit:

Sanctius his animal, mentisq; capacius altæ

Deerat adhuc, & quod dominari in cætera posset.

Natus homo est.

Adeo nefas existimandum est, ea scrutari, quæ Deus uoluit esse cæcata. Verum ille non audiendi, aut discendi studio requirebat, sed refellendi: quia confidebat, neminem id posse dicere. Quasi uerò ex hoc putandum sit, non esse hæc diuinitus facta, quia quomodo facta sint, non potest peruideri. An tu, si educatus in domo fabrefacta, & ornata, nullam unquam fabricam uidisses: domum illam putasses non ab homine esse ædificatam, quia quomodo ædificatur, ignorares? idem profecto de domo quæreres, quod nunc de mundo requiris: quibus manibus, quibus ferramentis homo tanta esset opera molitus, maxime si saxa ingentia, immensa cæmenta, uastas columnas, opus totum sublime, & excelsum uideres. non ne hæc tibi humanarum uirium modum uiderentur excedere, quia illa non tam uiribus, quam ratione, atq; artificio facta esse nescires? Quod si homo, in quo nihil perfectum est: tamen plus efficit ratione, quam uires eius exiguæ patiantur, quid est, cur incredibile tibi esse uideatur, cum mundus dicitur factus à Deo? in quo, quia perfectus est: nec sapientia potest habere terminum, nec fortitudo mēsuram. Opera ipsius uidentur oculis: quomodo autem illa fecerit, ne mente quidem uidetur. quia (ut Hermes ait) mortale immortali, temporale perpetuo, corruptibile incorrupto propinquare non potest, id est, propius accedere, & intelligentia subsequi. & ideo terrenum adhuc animal rerum cœlestium perspectionem non capit: quia corpore



pore quāsi custodia septum tenetur, quò minus soluto, ac libero sensu cernat omnia. Sciat igitur quàm inepte faciat, qui res inenarrabiles quærit. Hoc est enim modū conditionis suæ transgredi, nec intelligere, quousq; homini liceat accedere. Deniq; cum aperiret homini ueritatem Deus, ea sola scire nos uoluit, quæ interfuit hominem scire ad uitam consequendā. quæ uero ad curiosam, & profanam cupiditatem pertinebāt, reticuit, ut arcana essent. Quid ergo quæris, quæ nec potes scire, nec si scias, beator fias? Perfecta est in homine sapientia, si & Deum esse unum, & ab ipso esse facta uniuersa cognoscat.

De mundo, eiusq; partibus, elementis,  
& tempestatibus.

CAP. X.

**N**unc quoniam refutauimus eos, qui de mundo, & factore eius Deo aliter sentiunt, quàm ueritas habet: ad diuinam mundi fabricam reuertamur: de qua in arcanis sanctæ religionis literis traditur. Fecit igitur Deus primum omnium cælum, & in sublime suspendit: quod esset sedes ipsius Dei conditoris. Deinde terrā fundauit, ac cælo subdidit: quam homo cū cæteris animalium generibus incoleret. Eam uoluit humore circumflui, & contineri. Suum uero habitaculum distinxit claris luminibus, & impleuit, sole scilicet, lunæq; orbe fulgēti, & astrorum micantium splendētibus signis adornauit: tenebras autē, quod est his cōtrarium, cōstituit in terra. nihil enim per se continet luminis, nisi accipiat à cælo. in quo posuit lucem perennem, & superos, & uitam perpetuam: & contra in terra tenebras, inferos, & mortē. Tanto enim hæc ab illis superioribus distant, quantum mala à bonis, & uitia à uirtutibus. Ipsius quoq; terræ binas partes cōtrarias inter se, diuersasq; constituit, scilicet orientem, occidentemq;

dentemq; ex quibus oriens, Deo similis cēsetur. quia ipse luminis fons, & illustrator est rerum, & quòd oriri nos faciat ad uitam sempiternam. Occidens autem cōturbat e illi, prauēq; mēti ascribitur, quòd lumen abscondat, quòd tenebras semper inducat, & quòd homines faciat occidere, atque interire peccatis. Nam sicut lux orientis est, in luce autē uitae ratio uersatur: sic occidētis tenebrae sunt: in tenebris autem & mors, & interitus cōtinetur. Deinde alteras partes eadem ratione dimensus est, meridiem, ac septentrionē. quae partes illis duabus societate iunguntur. Ea enim, quae est solis calore flagrantior, proxima est, & cohaeret orienti. At illa, quae frigore, & perpetuo gelu torpet, eiusdē est, cuius extremus occasus. Nam sicut cōtrariae sunt lumini tenebrae, ita frigus calori. Vt igitur calor lumini est proximus, sic meridies orienti: ut frigus tenebris, ita plaga est septētrionis occasui. Quibus singulis partibus suum tempus attribuit. Ver scilicet orienti, aestas meridionali plagae, occidēti autumnus est, septentrioni hyems. In his quoq; duabus partibus, meridionali, & septentrionali, figura uitae & mortis cōtinetur: quia uita in calore est, mors in frigore. sicut autē calor ex igne est, ita frigus ex aqua. Secundum harum partium dimensionem, diem quoq; fecit, ac noctem, qui spatia, & orbes temporum perpetuos, ac uolubiles, quos uocamus annos, alterna per uices successionē cōficiant. Dies, quē primus oriēs subministrat, Dei sit, necesse est, ut omnia, quaecūq; meliora sunt. Nox autem, quam occidens extremus inducit, eius scilicet quem Dei esse amulū diximus. Quae duo etiam in hoc praescius futurorum Deus fecit, ut ex ijs & uerae religionis, & falsarum superstitionū imago quaedam ostenderetur. Nā sicut sol, qui oritur in die, licet sit unus

unus, unde solem esse appellatū Cicero uult uideri, quòd obscuratis syderibus, solus appareat: tamen quia uerū, ac perfectæ plenitudinis lumen est, & calore potissimo, & fulgore clarissimo illustrat omnia: ita in Deo, licet sit unus, & maiestas, & uirtus, & claritudo perfectæ est. Nox autē, quam prauo illi antitheo dicimus attributam, eius ipsius multas, & uarias religiones per similitudinē demonstrat. Quamuis enim stellæ innumerabiles micare, ac radiare uideātur: tamē, quia nō sunt plena, ac solida lumina, nec caloris perferūt quicquā, nec tenebras multitudine sua uincūt. Duo igitur illa principalia inueniuntur, quæ diuersam, & contrariam sibi habent potestatem, calor, & humor. quæ mirabiliter Deus ad sustentanda, & gignenda omnia excogitauit. Nam cum uirtus Dei sit in calore, & igni: nisi ardorē, uimq; eius admista humoris, ac frigoris materia temperasset, nec nasci quicquam, nec coherere potuisset: quin statim conflagratione interiret, quicquid esse cœpisset. Vnde & philosophi quidam, & poëtæ discordi cōcordia mundū constare dixerūt: sed rationem penitus nō uiderunt. Heraclitus ex igne nata esse omnia dixit, Thales Milesius ex aqua. Vterque uidit aliū quid: sed errauit tamē uterq;: quòd alterutrū si solū fuisset, neq; aqua nasci ex igne potuisset, neq; rursus ignis ex aqua. Sed est uerius, simul ex utroq; permixto cūcta generari. Ignis quidē permisceri cum aqua nō potest: quia sunt utraq; inimica: & si cominus uenerint, alterutrum, quod superauerit, cōficiat alterum necesse est. Sed eorum substantiæ permisceri possunt. Substantia ignis, calor est: aquæ, humor. Recte igitur Ouidius:

Quippe, ubi temperiem sumpserē humorq;, calorq;  
Concipiunt: & ab his oriuntur cūcta duobus.

h 5

Cumq;

Cumq; sit ignis aquæ pugnax: uapor humidus omnis  
 Res creat: & discors concordia foetibus apta est.  
 Alterum enim quasi masculinum elementum est, alterum  
 quasi foemininū, alterū actiuum, alterum patibile: ideoq;  
 a ueteribus institutum est, ut sacramento ignis, & aquæ  
 nuptiarum foedera sanciantur, quod foetus animantium  
 calore, & humore corporentur, atque animentur ad ui-  
 tam. Cū enim constet omne animal ex anima, & corpore:  
 materia corporis in humore est, animæ in calore. quod  
 ex auiū foetibus datur scire: quos crassi humoris plenos,  
 nisi opifex calor fouerit, nec humor potest corporare,  
 nec corpus animare. Exulibus quoq; ignis, & aqua in-  
 terdicti solebat. adhuc enim uidebatur nefas, quāuis ma-  
 los, tamen homines supplicio capitis afficere. Interdicto  
 igitur usu earum rerū, quibus uita constat hominum, per-  
 inde habebatur, ac si esset, qui eam sententiam exceperat,  
 morte multatus. adeo ista duo elemēta prima sunt habita,  
 ut nec ortū hominis, nec sine his uitam crediderint posse  
 constare. Horum alterum nobis cōmune est cum cæteris  
 animantibus, alterum soli homini datum. Nos enim quo-  
 niam cœleste, atq; immortale animal sumus, igne utimur,  
 qui nobis in argumētum immortalitatis datus est: quoniā  
 ignis è cœlo est. cuius natura, quia mobilis est, & sursum  
 nititur, uitæ continet rationem. Cætera uero animalia,  
 quoniam tota sunt mortalia, tantummodo aqua utun-  
 tur. quod est elementum corporale, atque terrenum. Cu-  
 ius natura, quia mobilis est, ac deorsum uergens, figu-  
 ram mortis ostendit. Idco pecudes neque in cœlum suspi-  
 ciunt: neq; religiones sentiunt. quoniam ab his usus ignis  
 alienus est. Vnde autē, uel quomodo Deus hæc duo prin-  
 cipalia, ignem, & aquam uel accenderit, uel eliquauerit,  
 solus

Solus scire potest, qui fecit.

De animantibus, homine, Prometheo, Deu-  
calione, Parcís.

CAP. XI.

**C**onsummato igitur mundo, animalia uarij generis,  
disimilibus formis, & magna, & minora ut fie-  
rent, imperauit. Et facta sunt bina, id est, diuersi sexus sin-  
gula: ex quorum scetibus & aër, & terra, & maria com-  
pleta sunt. Dedit' que his omnibus generatim Deus ali-  
menta de terra, ut usui hominibus esse possent: alia nimi-  
rum ad cibos, alia uerò ad uestimentum: quæ autem ma-  
gnarum sunt uirium, ut in excolenda terra iuuarent. un-  
de dicta sunt iumenta. Ita rebus omnibus mirabili descri-  
ptione compositis, regnum sibi æternum parare consti-  
tuit, & innumerabiles animas procreare, quibus immor-  
talitatem daret. Tum fecit ipse sibi simulachrum sensibi-  
le, atque intelligens, id est, ad imaginis suæ formam, qua  
nihil potest esse perfectius, hominem figurauit ex limo  
terre, unde homo nuncupatus est, quòd sit factus ex hu-  
mo. Denique Plato humanam formam *θεῖος δὲν* esse ait:  
& Sibylla: quæ dicit,

*Εἰκὼν ἵστ' ἀνθρώπου ἐμὴ, λόγον δὲ θεὸν ἔχουσα.*

De hac hominis fictione poetæ quoque, quamuis corru-  
pte, tamen non aliter tradiderunt. nanq; hominē de luto  
à Prometheo factū esse dixerunt. Res eos non fefellit, sed  
nomen artificis. Nullas enim literas ueritatis attigerant:  
sed quæ prophetarum uaticinio tradita, in sacrario Dei  
continebantur, ea de fabulis & obscura opinione colle-  
cta, et deprauata, ut ueritas à uulgo solet uarijs sermoni-  
bus dissipata corrumpi, nullo non addente aliquid ad id,  
quod audierant, carminibus suis comprehenderunt: &  
hoc quidem inepte, quòd tam mirabile, tam' que diuinum  
opifi

opificium homini dederunt. Quid enim opus fuit, hominem de luto fingi, cum posset eadem ratione generari, qua ipse Prometheus ex Iapeto natus est? qui si fuit homo: generare hominem potuit, facere non potuit. De dijs autem illum non fuisse, pœna eius in Caucaſo monte declarat. Sed neque patrem ipsius Iapetum, patrumq; Titana quisquam deos nuncupauit: quia regni sublimitas penes Saturnum solum fuerit: per quam diuinos honores cum omnibus suis posteris consecutus est. Multis argumentis hoc figmentum poëtarum coargui potest. Factum esse diluuium ad perdendam, tollendamque ex orbe terræ malitiam, constat inter omnes. Idem enim & philosophi, poëtæ, scriptoresque rerum antiquarum loquuntur, in eoq; maxime cum prophetarum sermone consentiunt. Si ergo cataclysmus à Deo ideo factus est, ut malitia, quæ per nimiam multitudinem increuerat, perderetur: quomodo fictor hominis Prometheus fuit? cuius filium Deucalionem iidem ipsi ob iustitiam solum esse dicunt seruatum. quomodo unus gradus, & una progenies orbem terræ tam celeriter potuit hominibus implere? Sed uidelicet hoc quoque sic corruperunt, ut illud superius, cum ignorarent, in quo tempore cataclysmus sit factus in terra, & quis ob iustitiam meruerit genere humano pereunte saluari, & quomodo, aut cum quibus seruatus sit. quæ omnia propheticæ literæ docent. Apparet ergo falsum esse, quod de opificio itidem Promethei narrant. Verum quia poëtas dixeram non omnino mentiri solere, sed figuris inuoluere, & obscurare quæ dicant: non dico esse mentitos, sed primum omnium Prometheum simulachrum hominis formasse de pingui, & molli luto, ab eoque natam primo artem, & statuas,

& simu

Et simulachra fingendi. siquidem Iouis temporibus fuit: quibus primum templa cōstituit: et noui decorum cultus esse cœperunt. sic ueritas fucata mendacio est: et illud, quod à Deo factum ferebatur, homini, qui opus diuinum imitatus est, etiā cœpit ascribi. Cæterū fictio ueri, ac uiui hominis è limo dei est. quod Hermes quoq; tradit: qui nō tantū hominē ad imaginē Dei factū esse dixit à Deo, sed etiam illud explanare tentauit, quā subtili ratione singula quæq; in corpore hominis membra formauerit, cum eorum nihil sit, quod non tantundē ad usus necessitatem, quantum ad pulchritudinē ualeat. Id uerò etiam Stoici, cum de prouidentia differunt, facere conātur, et secutus eos Cicero pluribus quidē locis. Sed tamen materiam tam copiosam, et uberem strictim contigit. quam ego nunc iccirco prætereo, quia nuper proprium de ea re librum ad Demetrianum auditorem meum scripsi. Illud hoc loco præterire non possum, quod errantes philosophi quidam aiunt, homines, cæteraq; animalia sine ullo artifice orta esse de terra: unde illud Vergilianum est:

Terrea progenies duris caput extulit aruis.

Et ij maxime fuerunt in ea sententia, qui esse prouidentiam negant. Nam Stoici animantium fabricā diuinæ solertiae tribuunt. Aristoteles autem labore se ac molestia liberauit, dicēs, semper mundū fuisse: itaq; et humanū genus, et cætera, quæ in eo sunt, initiū non habere, sed fuisse semper, ac semper fore. Sed cū uideamus, singula quæq; animalia, quæ antè nō fuerant, incipere esse, et esse desinere: necesse est, totum genus aliquando esse cœpisse, et aliquādo desiturū esse, quia cœperit. Omnia enim tribus temporibus contineri necesse est, præterito, præsentis, futuro. Præteriti est origo, præsentis substantia, futuri dis-

solutio



*solutio. Quæ omnia in singulis hominibus apparent. & incipimus enim, cum nascimur: & sumus, cum uiuimus: & desinimus, cum interimus. Vnde etiam tres Parcas esse uoluerunt: unam, quæ uitam hominibus ordiatur: alterā, quæ cōtexat: tertiam, quæ rumpat, ac finiat. In toto autem genere hominū quia solum præsens tempus apparet: ex eo tamen & præteritum, id est origo colligitur, & futurum, id est dissolutio. Nam quoniam est, apparet aliquando cœpisse: esse enim nulla res sine exordio potest. & quia cœpit, apparet quandoque desitura. Nec enim potest id totum esse immortale, quod ex mortalibus constat. Nam sicut uniuersi per singulos interimus: fieri potest, ut aliquo casu omnes simul, uel sterilitate terrarum, quæ accidere uel particulatim solet: uel pestilentia ubiq; diffusa, quæ singulas urbes, atq; regiones plerunq; populatur: uel incendio in orbem misso, quale iam fuisse sub Phaëthonte dicitur: uel diluuiο aquarū, quale sub Deucalione traditur, cum præter unum hominē genus omne deletum est. Quod diluuium si casu accidit, profecto potuit accidere, ut & unus ille, qui supersuit, interiret. Si autē diuinæ prouidentiae nutu, quod negari non potest, ad reparandos homines reseruatus est: apparet, in Dei potestate esse uel uitam, uel interitum generis humani. quod si potest occidere in totū, quia per partes occidit, apparet, aliquando esse ortum: & ut fragilitas initium, sic declarat & terminum. Quæ si uera sunt: non potuit defendere Aristoteles, quò minus habuerit et mūdus ipse principiū. quod si Aristoteli Plato, & Epicurus extorquent: & Platoni, & Aristoteli, qui semper fore mūdum putauerunt, licet sint eloquentes, ingrate tamen idem Epicurus eripiet, quia sequitur, ut habeat & finem. Sed*

*hæc*



hæc in ultimo libro pluribus exequemur. Nunc ad hominibus originem recurramus.

De animantiū ortu, & hominū. CAP. XII.

**A**lunt, certis cōversionibus cœli, & astrorū motibus maturitatem quandam extitisse animalium serendorum: itaq; terram nouā semen genitale retinentem, folliculos ex se quosdam in uterorum similitudinē protulisse. de quibus Lucretius: Crescebant uteri terræ radicibus apti. eosq; cum maturassent, natura cogente ruptos animalia tenera profudisse. Deinde terram ipsam humore quodā, qui esset lacti similis, exuberasse, eoq; alimento animātes esse nutritos. Quomodo autem uim frigoris, aut caloris ferre, aut uitare potuerunt, aut omnino nasci, cum sol exureret, frigus astringeret? Non erant, inquiunt, in principio mundi hyems, & æstas, sed perpetua temperies, & uer æquabile. Cur ergo nihil horum fieri etiam nunc uidemus? Quia semel, aiunt, fieri necessarium fuit, ut animalia nasceretur. postquam uero esse cœperunt, cōcessa his facultate generandi, & terra parere desijt, & temporis cōditio mutata est. O quàm facile est, mendacia redarguere. Primum, quod nihil potest esse in hoc mundo, quod nō sic permaneat, ut cœpit. nec enim sol & luna, & astra tunc non erant, aut cum essent, meatus non habebant, aut non diuina moderatio, quæ cursus eorum tēperat, & gubernat, cum ipsis simul cœperit. Deinde, quod si ita sit, ut dicunt, prouidentiam esse, necesse est. & in ipsum incidunt, quod maxime fugiunt. Nondum enim natis animalibus, aliquis utique prouidit, ut nascerentur: ne orbis terræ desertus, atque incultus horreret. ut autem de terra sine officio parentum nasci possent, necesse est magna ratione esse prouisum: deinde ut humor ille concretus de  
terra

terra in uarias imagines corporum fingeretur: item ut è folliculis, quibus tegebantur, accepta uidendi, sentiendiq; ratione, tanquam ex aluo matrum profunderentur. Mira, inexplicabilisq; prouisio est. sed putemus id quoque casu accidisse: illa certe, quæ sequuntur, fortuita esse non possunt, ut terra continuo lacte manaret, ut aëris temperies esset æqualis. Quæ si constat iccirco esse facta, ut animalia recens edita uel haberent alimentum, uel non haberent periculum: necesse est, ut aliquis diuina nescio qua ratione prouiderit. quis autem potest prouidere, nisi Deus? Videamus tamen, an id ipsum, quod dictitant, fieri potuerit, ut homines nascerentur è terra. Si consyderet aliquis, quandiu, & quibus modis educetur infans, intelliget profecto, non potuisse terrigenas illos pueros sine ullo educatore nutriri. Fuit enim necesse, quampluribus mensibus iacere proiectos, donec confirmatis nervis mouere se, locumq; mutare possent. quod uix intra unius anni spatium fieri potest. Iam, uide utrum ne infans eodem modo, & eodem loco, quo est effusus, iacere per multos menses ualuerit. An non humore illo terræ, quod alimenti gratia ministrabat, & sui corporis purgamētis in unum mistis obrutus, corruptusq; moreretur? Itaque nullo modo fieri potest, quin ab aliquo fuerit educatus. nisi forte animalia omnia non tenera nata sunt, sed excreta. quod ut dicerent, nunquam uenit illis in mentem. Omnis ergo illa ratio impossibilis, & uana est: si tamē ratio dici potest, qua id agitur, ut nulla sit ratio. Qui enim dicit omnia sua sponte esse nata, nihilq; diuinæ prouidentiae tribuit: hic profecto rationem non asserit, sed euerat. Quod si neque quicquam fieri sine ratione, neque nasci potest: apparet diuinam esse prouidentiam, cuius est  
prop

proprium, quod dicitur ratio. Deus igitur rerum omnium machinator fecit hominem. quod Cicero quamuis expers celestium literarum, uidit tamen, qui libro de Legibus primo, hoc idem tradidit, quod prophetæ. cuius uerba subieci. Hoc animal prouidum, sagax, multiplex, acutum, memor, plenum rationis, et consilij, quem uocamus hominem, præclara quadam conditione generatum esse à summo Deo: solum est enim ex tot animantium generibus, atque naturis, particeps rationis, et cogitationis, cum cætera sint omnia expertia. Vides ne hominem quamuis longè à ueritatis notitia remotum, tamen quoniam imaginem sapientiæ, tuebatur, intellexisse, non nisi à Deo hominem potuisse generari? Sed tamen diuinis opus est testimonijs, ne minus humana sufficiant. Sibylla hominem Dei opus esse testatur:

ὁς μόνος ἐστὶ θεὸς κτίσας ἀσάφους ὑπάρχων  
 αὐτὸς δὲ ἐσήγεε τύπον μορφῆς μερόπων τε  
 αὐτὸς ἔμειξε φύσιν πάντων γένεός βίοντιο.

Eadem sanctæ literæ continent. Deus ergo ueri patris officio functus est. Ipse corpus effinxit, ipse animam, qua spiramus, infudit. Illius est totum, quicquid sumus. Quomodo id fecerit, si nos oporteret scire, docuisset, sicut docuit cætera, quæ cognitionem nobis et pristini erroris, et ueri luminis attulerunt.

De hominis ortu, morte, cælo & terra, & peccato primorum parentum, & annis, & mensibus.

CAP. XIII.

Cum ergo marem ad similitudinem suam primum finxisset, tum etiam fœminam cōfigurauit ad ipsius hominis effigiem, ut duo inter se permixti sexus propagare sobolem possent, et omnem terram multitudine opplere. In ipsius autem hominis fictione, illarum duarum materie-

i

rum.

rum, quas inter se diximus esse cōtrarias, ignis, & aquæ conclusit, perfecitq; rationem. Fictio enim corpore, spirauit ei animam de uitali fonte spiritus sui, qui perennis, ut ipsius mundi ex cōtrarijs cōstantis elementis similitudinē gereret. Cōstat enim ex anima, & corpore, id est quasi è cœlo, & terra: quādoquidē anima, qua uiuimus, uelut è cœlo oritur à Deo, corpus è terra, cuius è limo diximus esse formatum. Empedocles, quem nescias utrum ne inter poëtas, an inter philosophos numeres, quòd de rerū natura uersibus scripsit, ut apud Romanos Lucretius, & Varro: quatuor elementa constituit, id est, Ignem, Aërē, Aquā, & Terrā, fortasse Trismegistum secutus, qui nostra corpora ex his quatuor elemētis cōstituta esse dixit à Deo: habere nanq; in se aliquid ignis, aliquid aëris, aliquid aquæ, aliquid terræ, & neq; ignem esse, neq; aërem, neque aquam, neque terram: quæ quidem falsa non sunt. Nā terræ ratio in carne est, humoris, in sanguine: aëris, in spiritu: ignis, in calore uitali. Sed neq; sanguis à corpore secerni potest, sicut humor à terra, neq; calor uitalis à spiritu, sicut ignis ab aëre, adeo rerum omnium duo sola reperiuntur elementa: quorum omnis ratio in nostri corporis fictione conclusa est. Ex rebus igitur diuersis, ac repugnantibus homo factus est, sicut ipse mundus ex luce, ac tenebris, ex uita, & morte: quæ duo inter se pugnare in homine præcepit, ut si anima superauerit, quæ ex Deo oritur, sit immortalis, & in perpetua luce uerseatur: si autē corpus uicerit animam, ditioniq; subiccerit, sit in tenebris sempiternis, et in morte. Cuius nō ea uis est, ut iniustas animas extinguat omnino, sed ut puniat in æternū. Eā pœnā secundā mortē nominamus, quæ est & ipsa perpetua, sicut et immortalitas. Primā sic definimus, Mors est

est naturæ animantium dissolutio. uel ita: Mors est corporis animæq; seductio. Secundā uerò sic, Mors est æterni doloris perpesio. uel ita: Mors est animarum pro meritis ad æterna supplicia damnatio. Hæc mutas pecudes non attingit: quarum animæ non ex Deo constantes, sed ex communi aëre, morte soluuntur. In hac igitur societate cœli, atq; terræ, quorum effigies in homine expressa est, superiorē partem tenet ea, quæ sunt Dei, anima scilicet, quæ dominium corporis habet: inferiore autem ea, quæ sunt diaboli, corpus utiq; : quod quia terrenum est, animæ debet esse subiectum, sicut terra cœlo. Est enim terra quasi uasculum, quo tanquam domicilio temporali spiritus cœlestis utatur: utrisque officia sunt, ut hoc, quod est ex cœlo, & Deo imperet: illud uerò, quod ex terra est, diabolo seruiat. Quod quidem nō fugit hominem nequam Sallustium: qui ait, Sed omnis nostra uis in animo, & corpore sita est: animi imperio, corporis seruitio, magis utimur. Recte, si ita uixisset, ut locutus est. Seruiuit enim fœdissimis uoluptatibus, suamq; ipse sententiā uitæ prauitate dissoluit. Quod si anima ignis est, ut ostendimus, in cœlum debet eniti, sicuti ignis, ne extinguatur, hoc est, ad immortalitatem, quæ in cœlo est. Et sicut ardere ac uiuere non potest ignis, nisi aliqua pingui materia teneatur, in qua habeat alimentum: sic animæ materia, & cibus est sola iustitia, qua tenetur ad uitā. Post hæc Deus hominem, qua exposui ratione generatum, posuit in Paradiso, id est, in horto fœcundissimo, & amœnissimo: quem in partibus orientis omni genere ligni arborumq; cōseruit, ut ex earum uarijs fructibus aleretur, expersq; omnium laborum, Deo patri summa deuotione seruiret. Tum dedit ei certa mādāta: quæ si obseruasset, immortalis

maneret; si transcendisset, morte afficeretur. Id autē praeceptū fuit, ut ex arbore una, quae fuit in medio Paradisi, non gustaret, in qua posuerat intelligentiā boni, et mali. Tum criminator ille inuidēs operibus Dei, omnes fallacias, et calliditates suas ad decipiendum hominē intendit, ut ei adimeret immortalitatē. Et primò mulierem dolo illexit, ut uctitū cibum sumeret: et per eam ipsi quoque homini persuasit, ut trāscenderet Dei legē. Percepta igitur scientia boni, et mali, pudere eū nuditatis suae coepit, absconditque se à facie Dei: quod antea non solebat. Tum Deus eiecit hominem de Paradiso, sententiā in peccatores lata, ut uictum sibi labore cōquirerent; ipsumque Paradisum igni circumuallauit, ne homo posset accedere, donec summū iudicium faciat in terra, et iustos uiros cultores suos in eundem locum reuocet morte sublata, sicut sacrae literae docent, et Sibylla Erythræa, cum dicit:

οἱ δὲ θεοὶ τιμῶντες ἀληθινὸν, ἀένναόν τε  
 ζωὴν κληρονομοῦσι καὶ αἰῶνος χρόνον αὐτοὶ  
 οἰκῶντες παρὰ θεῶν ὁμῶς ἱερὴν ἑλίκαν κῆπον.

Verum quoniā hæc extrema sunt, tota in extrema operis huius parte tractabimus. Nūc ea, quæ prima sunt, explicemus. Mors itaque secuta est hominē secundū Dei sententiam: quod etiam Sibylla in carmine suo docet, dicens:

ἀνθρώπων πεπλάσθαι θεοῦ πελάμας ἐνὶ αὐτοῖς  
 ὄντε πλάνησεν ὄφης δολίως ἐπὶ μοῖραν ἀνελθεῖν  
 τοῦ θανάτου γινώσκον τε λαβεῖν ἀγαθοῦ τε καὶ κακοῦ τε

Sic facta hominis uita est tēporaria, sed tamē longa, quæ in mille annos propagaretur. quod diuinis literis proditum, et per omnium scientiā publicatū, cum Varro non ignoraret, argumentari nixus est, cur putarentur antiqui mille annos uictitasse. Ait enim apud Aegyptios per annis  
 menscs

mensēs haberi, ut nō solis per XII. signa circuitus faciat annum, sed luna, quæ orbem illum signiferum XXX. dierum spatio illustrat: quod argumentum perspicue falsum est. Nemo enim tunc millesimum annum transgressus est. Nunc uerò qui ad centesimū perueniunt, quod sit sæpissimè, nulle certe ac ducentis mensibus uiuunt. Et autores idonci tradūt, ad CXX. annos perueniri solere. Sed quia ignorabat Varro, cur, aut quando uita hominis esset diminuta, ipse diminuit, cum sciret mille & quadringentis mensibus posse uiuere hominem.

De Noë, & cursibus syderum, & ortu falsarum religionum. CAP. XIII.

**D**Eus autem postea, cū uideret orbem terræ malitiæ & sceleribus oppletum, statuit humanum genus diluio perdere: sed tamen ad multitudinē reparandam delegit unum, quod corruptis omnibus singulare iustitiæ suæ pererat exemplum. Hic cum sexcentorum esset annorū, fabricauit arcā, sicut præceperat ei Deus, in qua ipse cū coniuge, ac tribus filiis, totidemq; nuribus seruatus est cū aqua uniuersos mōtes altissimos operuisset. Deinde orbe siccato, execratus iniustitiam prioris seculi Deus, ne rursum longitudo uitæ, causa esset excogitandorum malorū, paulatim per singulas progenies diminuit hominis ætatē, atq; in centum & uiginti annis metam collocauit, quam transgredi nō liceret. Ille uerò cū egressus esset ex arca, ut sanctæ literæ docent, terram studiose coluit, atque uineam sua manu seuit. Vnde arguuntur, qui autorem uini Liberum putant. Ille enim non modo Liberum, sed etiam Saturnum, atque Vranum multis antecessit ætatibus. quæ ex uinea cum primum fructum cepisset, letus factus, bibit usq; ad ebrietatem, iacuitq; nudus. Quod cum uidisset



unus ex filijs, cui nomen fuit Cham, non texit patris nuditatem: sed egressus, etiam fratribus indicauit. At illi sumpto pallio, intrauerunt auersis uultibus, patremq; texerunt. Quæ cum facta recognouisset pater, abdicauit, atq; expulit filiū. At ille profugus in eius terræ parte cōsedit, quæ nunc Arabia nominatur. eaq; terra de nomine suo Chanaam dicta est, & posteri eius Chananæi. Hæc fuit prima gens, quæ Deum ignorauit, quoniā princeps eius & conditor, cultum Dei à patre non accepit, maledictus ab eo: itaque ignorantiam diuinitatis minoribus suis reliquit. Ab hac gente proximi quique populi multitudine increscente fluxerunt. Ipsius autē patris posteri, Hebræi dicti, penes quos religio Dei resedit: sed & ab his postea multiplicato in immensum numero, cū eos angustiae locorum suorum capere non possent, tum adolescentes uel missi à parentibus, uel sua sponte, cum rerum penuria coogeret, profugi ad quærendas sibi nouas sedes, huc atque illuc dispersi, omnes in insulas, & orbem totum repleverunt, & à stirpe sancti radicis auulsi, nouos sibi mores, ac instituta pro arbitrio condiderunt. Sed omnium primi qui Aegyptum occupauerūt, cœlestia suspicere, atque adorare coeperunt. Et quia neq; domicilijs tegebantur propter aëris qualitatem (nec enim in ea regione nubibus subtextitur cœlum) cursus syderum & defectus notauerunt, dum ea sæpe uenerantes, curiosius, atque liberius intuerentur. Postea deinde portentificas animalium figuras, quæ colerent, commenti sunt, quibusdam prodigijs inducti: quorum mox autores aperiemus. Cæteri autem, qui per terram dispersi fuerunt, admirantes clementia mundi, cœlum, solem, terram, mare, sine ullis imaginibus ac templis uenerabantur, & his sacrificia in aperto celebrabant



lebrabant, donec processu temporis potētissimis regibus  
 templa, & simulachra fecerunt, ea' que uictimis, & odo-  
 ribus colere instituerunt: sic aberrantes à notitia Dei,  
 gentes esse cœperunt. Errant igitur, qui Deorum cultus  
 ab exordio rerum fuisse contendunt, & priorem esse gen-  
 tilitatem, quàm Dei religionem: quam putant posterius  
 inuentam, quia fontem, atq; originem ueritatis ignorant.  
 Nunc ad principium mundi reuertamur.

## De Dæmonibus.

## CAP. XV.

**C**um ergo numerus hominū cœpisset crescere, pro-  
 uidentem Deum, ne fraudibus suis diabolus, cui ab initio  
 terræ dederat potestatem, uel corrūperet, uel dispergeret  
 homines, quos in exordio fecerat, misit angelos ad tutelā  
 cultumq; generis humani: quibus quia liberum arbitriū  
 erat datū, præcepit ante omnia, ne terræ cōtagione macu-  
 lati, substantiæ cœlestis amitterēt dignitatem: scilicet id  
 eos facere prohibuit, quod sciebat esse facturos, ut ueniā  
 sperare nō possent. Itaq; illos cum hominibus commoran-  
 tes dominator ille terræ fallacissimus, consuetudine ipsa  
 paulatim ad uitia pellexit, & mulierū cōgressibus inqui-  
 nauit. Tum in cœlum ob peccata quibus se immerserant,  
 nō recepti, ceciderūt in terrā: sic eos Diabolus ex ange-  
 lis Dei suos fecit satellites ac ministros. Qui autē sunt ex  
 his procreati, quia neq; angeli, neq; homines fuerunt, sed  
 mediam quandam naturā gerentes, nō sunt ad inferos re-  
 cepti, sicut in cœlum parentes eorum. Ita duo genera dæ-  
 monū facta sunt, unum cœleste, alterū terrenum. Hi sunt  
 immundi spiritus, malorum, quæ geruntur, autores: quo-  
 rum idem Diabolus est princeps. Vnde Trismegistus il-  
 lum *Δαίμων ἀρχηγός* uocat. Dæmonas autem Grammatici di-  
 ctos aiunt, quasi *δαίμονας*, id est, peritos, ac rerum scios.

hos autem putant Deos esse. Sciunt illi quidem futura multa, sed non omnia, quippe quibus penitus consilium Dei scire non licet. Et ideo solent responsa in ambiguos exitus temperare. Eos poëtae et sciunt esse dæmonas, et loquuntur. Hesiodus ita tradit:

τοὶ μὲν δαίμονες ἑσὶ διὸς μεγάλα σφ' βυλὰς

ἱελοὶ ἐπιχθόνιοι φύλακες θνητῶν ἀνθρώπων.

Quod iccirco dictum est, quoniam custodes eos humano generi Deus miserat. sed ipsi, cū sint perditores hominū, custodes tamē se uideri uolunt, ut ipsi colantur, et Deus nō colatur. Philosophi quoq; de his dixerunt. Nā Plato etiam naturas eorum in Symposio exponere conatus est. Et Socrates esse circa se asiduū dæmona loquebatur, qui sibi puero adhæsisset, cuius arbitrio, et nutu sua uita regeretur. Magorum quoq; ars omnis, ac potentia horum aspirationibus constat. à quibus inuocati, uisus hominum præstigijs obcæcātibus fallunt, ut nō uideāt ea, quæ sunt, et uidere se putent illa, quæ non sunt. Hi, ut dico, spiritus contaminati ac perditī per omnem terram uagantur, et solatium perditionis suæ perdēdis hominibus operantur. itaque omnia insidijs, fraudibus, erroribus complent. adhærent enim singulis hominibus, et omnes hostiatim domos occupant, ac sibi geniorum nomen assumunt: sic enim Latino sermone dæmonas interpretantur. Hos in suis penetralibus consecrant: his quotidie mcrum profundunt, et scientes dæmonas uenerantur, quasi terrestres Deos, et quasi depulsores malorum, quæ ipsi faciunt, et irrogant. Qui quoniā sunt spiritus tenues, et incomprehensibiles, insinuāt se corporibus hominum, et occulte in uisceribus operti, ualetudinem uitiant, morbos citant, somnijs animos terrent, mētes furoribus quatiunt, ut ho-

mines

*mines his malis cogant ad eorum auxilia decurrere.*

De Dæmonum potestate, ἱεσϥ

superandis.

CAP. XVI.

**Q**Varum omnium fallaciarū ratio expertibus ueritatis obscura est. Prodesse enim eos putant, cum nocere desinūt, qui nihil aliud possunt, quā nocere. Dicat fortasse aliquis, colendos esse ergo, ne noceant, siquidem possunt nocere. Nocent illi quidem, sed ijs, à quibus timentur, quos manus Dei potens & excelsa non protegit, qui profāni sunt à sacramēto ueritatis. Iustos autē, id est cultores Dei metuunt. cuius nomine adiurati, de corporibus excedunt. quorum uerbis, tanquam flagris uerberati, non modo dæmonas se esse confitentur, sed etiam nomina sua edunt, illa, quæ in templis adorantur, & quod plerunq; coram cultoribus suis faciunt, nō utique in opprobrium religionis, sed honoris sui. quia nec Deo, per quem adiurantur, nec iustis, quorū uoce torquētur, mētiri possunt. Itaq; maximis sæpe ululatus editis, uerberari se, & arde-  
dere, & iam, iamq; exire proclamant. tantum habet Dei cognitio, ac iustitia potestatis. Cui ergo nocere possunt, nisi ijs, quos habent in sua potestate? Deniq; affirmat eos Hermes, qui cognouerint Deum, nō tantum ab incursum  
nibus dæmonum tutos esse, uerumetiam ne fāto quidē te-  
neri. *μία, inquit, φυλακὴ, δισέβεια. δισέβης ἔστι ἀνθρώπων ὑδαίμων κακός, οὐτε εἰ μὲρ μὲν κρᾶτὶ θεὸς ἔσται, ὅτι δισέβῃ ἐκ πάντων τὸς κακῶ. ὁ γὰρ ἐν, καὶ μόνον ἐν ἀνθρώποις ἐστὶν ἀγαθὸν δισέβεια.*  
Quid sit autem δισέβεια, alio loco his uerbis testatur, di-  
cens, ἡ γὰρ δισέβεια γυνώσις ἐστὶ τῆς θεῆς. Asclepius quoque auditor eius, eandem sententiam latius explicauit in illo sermone perfecto, quem scripsit ad regem. Vterque uero  
dæmonas esse affirmat inimicos, & uexatores hominum:

i s

quos

quos ideo Trismegistus ἁγέλης πονηρὸς appellat. adeo non ignorauit ex cœlestibus deprauatos terrenos esse cœpisse.

De Dæmonum fallacibus inuentis, & potentis.

C A P. X V I I.

**E**orum inuenta sunt astrologia, & aruspicina, & auguratio, & ipsa, quæ dicuntur oracula, & necromantia, & ars magica, & quicquid præterea malorum exercent homines uel palam, uel occulte. quæ omnia per se falsa sunt, ut Sibylla Erythræa testatur:

— ἐπεὶ πλάνη πάντα τὰ δ' ἱερὰ,

ἅπερ ἄφρονες ἄνθρωποι ἐβδυνῶσι κατ' ἡμᾶρ.

sed iidem ipsi autores præsentia sua faciunt, ut uera esse credantur. Ita hominum credulitatem mentita diuinitate deludunt, quod illis uerum aperire non expedit. Hi sunt, qui imagines, & simulachra fingere docuerunt, qui, ut hominum mentes à cultu ueri Dei auerterent, & fictos mortuorum regum uultus, & ornatos, exquisita pulchritudine statui, consecrariq; fecerunt, & illorum sibi nomina quasi personas aliquas induerunt. Sed eos magi, & ij, quos uere maleficos uulgus appellat, cum artes suas execrabiles exercēt, ueris suis nominibus cient, illis cœlestibus, quæ in literis sanctis leguntur. Hi porro incesti, ac uagi spiritus, ut turbent omnia, & errores humanis peccatoribus infundant, serunt, ac miscent falsa cum ueris. Ipsi enim, cœlestes multos finxerūt esse, & unum regem omnium Iouem, eò quod multi sunt spiritus angelorum in cœlo, & unus parens, ac dominus omnium Deus: sed ueritatem mētitis nominibus inuolutam ex oculis abstulerunt. Nam Deus (ut principio docui) neque nomine, cum solus sit, eget: neque angeli, cum sint immortales, dici se

Deos

Deos aut patiuntur, aut uolunt. quorum unum, solumq; officium est seruire nutibus Dei, nec omnino quicquam, nisi iussu eius facere. Sic enim mundum regi à Deo dicimus, ut à rectore prouinciam. cuius apparitores nemo scios esse in regenda prouincia dixerit, quamuis illorum ministerio res geratur. Et hi tamen possunt aliquid præter iussa rectoris, per ipsius ignorantiam, quæ est conditionis humanæ. ille autem præses mundi, & rector uniuersi, qui scit omnia, cuius diuinis oculis nihil septum est: solus habet rerum omnium cum filio suo potestatem: nec est in angelis quicquam, nisi parendi necessitas. Itaque nullum sibi honorem tribui uolunt. quorum honor in Deo est. Illi autem, qui descuerunt à Dei ministerio, quia sunt ueritatis inimici, & præuicinatores Dei, nomen sibi, & cultum Deorum uendicare conantur: non quòd ullum honorem desiderent (quis enim honor perditus est?) nec ut Deo noceant, cui noceri non potest, sed ut hominibus. quos nituntur à cultura, & notitia ueræ maiestatis auertere, ne immortalitatē adipisci possint, quam ipsi sua nequitia perdiderunt. Offundunt itaq; tenebras, & ueritatem caligine obducunt, ne dominum, ne patrem suum norint. & ut illiciant, facile in templis se occultant, & sacrificijs omnibus præsto adsunt, edunt que sæpe prodigia, quibus obstupescit homines, fidem commouent simulachris diuinitatis, ac numinis. Inde est, quòd ab augure lapis nouacula incisus est, et quòd Iuno Veientis migrare se Romam uelle respondit, quòd Fortuna muliebris periculum denunciauit, quòd Claudie maritima nauis secuta est, quòd in sacrilegos & Iuuo nudata, & Locrensis Proserpina, & Ceres Milesia uindicauit, & Hercules de Appio, et Iupiter de Atinio, et Minerua de Cæsa

de Cesare. Hinc, quod serpens urbem Romam pestilētia liberauit Epidauro accersitus. Nā illuc *Ἐπίδωρος* ipse in figura sua sine dissimulatione perductus est. siquidē legati ad eam rem missi, draconem secum miræ magnitudinis attulerunt. In oraculis autem uel maxime fallunt. quorum præstigias profani à ueritate intelligere nō possunt: ideoq; ab illis attribui putant & imperia, et uictorias, et opes, & cūctus prosperos rerum, deniq; ipsorū nutu sæpe rempub. periculis imminētib; liberatam. quæ pericula & responsis denunciauerunt, & sacrificijs placati, auerterunt. Sed omnia ista fallaciæ sunt. Nam cum dispositiones Dei præsentiant, quippe qui ministri eius fuerūt: interponunt se in his rebus, ut quæcunq; à Deo uel facta sunt, uel fiunt, ipsi potissimū facere, aut fecisse uideantur. & quoties alicui populo, uel urbi secundum Dei statum boni quid impēdet: illi se id facturos uel prodigijs, uel somnijs, uel oraculis pollicētur, si sibi tēpla, si honores, si sacrificia tribuantur. quibus datis, cū illud acciderit, quod necesse est, summam sibi pariunt uenerationem. Hinc templa deuocentur, & nouæ imagines cōsecrantur, mactantur greges hostiarum. Sed cum hæc facta sunt, nihilo minus tamē & uita, & salus eorum, qui hæc fecerint, immolantur. Quoties autem pericula impēdent, ob aliquam se ineptam, & leuem causam profitentur iratos, sicut Iuno Varroni, quod formosum puerum in templo Iouis ad excubias tenendas collocarat: & ob hanc causam Romanū nomen apud Cannas penē deletum est. Quod si Iuno alterum Ganymedem uerebatur: cur iuuentus Romana luit pœnas? Vel si Dij tantummodo duces curant, cæteram multitudinem negligunt: cur Varro solus euasit, qui hoc fecit? & Paulus, qui nihil meruit, occisus est? Videlicet nil

tunc

tunc Romanis accidit fatis Iunonis iniquæ, cum Annibal duos exercitus populi Romani et astu, et uirtute cōfecit. Nam Iuno audere non poterat aut Carthaginem defendere, ubi arma eius, et currus fuit, aut Romanis nocere, quia progeniem Troiano à sanguine duci,

Audierat, Tyrias olim quæ uerteret arces.

Sed illorū sunt isti lusus, qui sub nominibus mortuorum delitescunt, uiuentibus plagas tendunt. itaque siue illud periculū, quod imminet, uitari potest, uideri uolūt id placati auertisse: siue non potest, id agunt, ut propter illorū contemptum accidisse uideatur. itaq; sibi apud homines, qui eos nesciunt, auctoritatem, ac timorē pariunt. Hac uersutia, et his artibus notitiam ueri, ac singularis Dei apud omnes gentes inueterauerunt. Suis enim uitij perditij, scuiunt, et grassantur, ut perdant. Idcirco etiam humanas hostias excogitauerunt, ipsi hostes humani generis, ut quā multas deuorarent animas.

De Dei patientia, & ultione: dæmonum cultu, & falsis religionibus.

## CAP. XVIII.

**D**icet aliquis, cur ergo Deus hæc fieri patitur? nec tā malis succurrit erroribus? Vt mala cum bonis punient, ut uitia sint aduersa uirtutibus, ut habeat alios, quos puniat, alios, quos honoret. Vltimis enim tēporibus statuit de uiuis, ac mortuis iudicare: de quo iudicio mihi erit in ultimo libro disputatio. Differt ergo, donec ueniat temporū finis, quo effundat iram suā in potestate, ac uirtute cœlesti, sicut Vatum prædicta priorū Terribili monitu horrificant. Nunc autem patitur homines errare, et aduersum se quoque impios esse, ipse iustus, et mitis, et patiens. Nec enim fieri potest, ut nō is, in quo perfecta sit uirtus



uirtus, sit etiam perfecta patientia. Vnde quidam putant, ne irasci quidem Deum omnino, quod affectibus, qui sunt perturbationes animi, subiectus non sit: quia fragile est omne animal, quod afficitur et commouetur. Quæ persuasio ueritatem, atque religionem funditus tollit. Sed seponatur interim locus hic nobis de ira Dei differendi, quod et uberior est materia, et opere proprio latius exequenda. Illos ergo nequissimos spiritus quisquis ueneratus fuerit, et secutus, nec cælo, nec luce potietur, quæ sunt Dei: sed in illa decidet, quæ in distributione rerum attributa esse ipsi malorum principi disputauimus, in tenebras scilicet, et inferos, et in supplicium sempiternum. Docui, religiones Deorum triplici ratione uanas esse: Una, quod simulachra ipsa, quæ coluntur, effigies sint hominum mortuorum. est autem peruersum, et incongruens, ut simulachrum hominis à simulachro Dei colatur. colit enim quod est deterius, et imbecillius. tum inexpiabile facinus esse, deserere uiuentem, ut defunctorum monumentis seruias, qui nec uitam, nec lucem dare cuiquam possunt, quæ ipsi carent. nec esse alium quenquam Deum, præter unum, cuius iudicio, ac potestati omnis anima subiecta sit. Altera, quod ipsæ imagines sacræ, quibus inanissimum homines seruiunt, omni sensu carent, quoniam terra sint. Quis autem non intelligat, nefas esse, rectum animal curuari, ut adoret terram? quæ iccirco pedibus nostris subiecta est, ut calcanda nobis, non adoranda sit: qui sumus ideo excitati, et ex eo statum sublimem præter cæteras animantes accepimus, ut non reuoluamur deorsum: ne hunc cælestem uultum proijciamus ad terram, sed oculos eò dirigamus, quod illos naturæ suæ cõditio direxit: nihilque aliud adoremus, nihil colamus, nisi solū artificis, parētisque nostri unicum numē, qui propterea hominem



minem rigidum figurauit, ut sciamus nos ad superna, & cœlestia prouocari. Tertia, quod spiritus, qui præsunt ipsis religionibus, condemnati, & abiecti à Deo, per terram uoluentur. qui non tantum nihil præstare cultoribus suis possint, quoniam rerum potestas penes unum est: uerum etiã mortiferis eos illecebris, & erroribus perdat, quoniam hoc illis quotidianum est opus, tenebras hominibus obducere, ne quærat ab illis uerus Deus. Non igitur colendi sunt, quia sententiæ Dei subiacti. Est enim piaculum maximum, addicere se potestati eorum, quibus, si iustitiã sequare, potetior esse possis, & eos adiuratione diuini nominis expellere, ac fugare. Quod si apparet, religiones istas tot modis esse uanas, quibus docui: manifestum est, eos, qui uel mortuis supplicant, uel terram uenerantur, uel spiritibus impuris animas suas mancipant, rationem hominum non tenere, eosque impietatis, ac sceleris sui supplicia pensuros, qui rebelles aduersus parentem generis humani Deum, susceptis inexpiabilibus sacris fas omne uiolarunt.

De simulachrorum, & terrenarum  
rerum cultu.

CAP. XIX.

**Q** Vicunq; igitur sacramentum hominis tueri, ratio necque naturæ suæ nititur obtinere: ipse se ab humo suscitet, & erecta mente oculos suos tēdat in cœlum, non sub pedibus quærat Deum, nec à uestigijs suis eruat, quod adoret (quia quicquid homini subiactum, infra hominem sit, necesse est) sed quærat in sublimi, quærat in summo. quia nihil potest homine maius esse, nisi quod fuerit supra hominem. Dcus autem maior est homine: supra ergo, non infra est: nec in ima potius, sed in summa regione querendus est. Quare non est dubium, quin religio nulla sit

fit, ubicunq; simulachrum est. Nā si religio ex diuinis rebus est, diuini autem nihil est, nisi in cœlestibus rebus: caret ergo religione simulachra. quia nihil potest esse cœleste in ea re, quæ sit ex terra. quod quidem de nomine ipso sapiēti apparere potest. Quicquid enim simulatur, id falsum sit, necesse est. nec potest unquam uerū nomē accipere, quod ueritatē fuco, & imitatione mentitur. Si autem omnis imitatio, non res potissimum seria, sed quasi ludus, ac iocus est: non religio in simulachris, sed minus religionis est. Præferēdum est igitur uerum omnibus falsis. calcanda terrena, ut cœlestia consequamur. Ita enim res se habet, ut quisquis animam suam, cuius origo de cœlo est, ad inferna, & ima prostrauerit, eò cadat, quò se ipse deiecerit. ideoque oportet rationis, ac status sui memorem, non nisi ad superna niti semper, ac tendere. quod qui fecerit, hic plane sapiens, hic iustus, hic homo, hic cœlo, Deo que dignus iudicabitur. quem suus parens non humilem, nec ad terram more quadrupedum abiectum, sed stantem potius, ac rectum, sicut eum fecit, agnouerit.

De Philosophis, deq; ueritate. CAP. XX.

**P**eracta est igitur (ni fallor) magna & difficilis suscepti operis portio: & maiestate cœlesti suggerente nobis dicendi facultatem, inueteratos depulimus errores. Nunc uero maior nobis, ac difficilior cum philosophis proposita luctatio est. quorum summa doctrina, & eloquentia, quasi moles aliqua mihi opponitur. Nam ut illic multitudine, ac propè consensu omnium gentium ueritas premebatur, ita hic autoritate præstantium omni genere laudis uirorū. Quis autē nesciat, plus esse momēti in paucioribus doctis, quàm in pluribus imperitis? Sed non est desper

desperandū, istos quoq; de sentētia, Deo, ac ueritate duci  
 bus posse depelli. nec tam pertinaces fore arbitror, ut cla-  
 rissimū solem sanis, ac patentibus oculis uidere se negent.  
 Modo illud uerum sit, quod ipsi solent profiteri, studio  
 inuestigandæ ueritatis se teneri; efficiā profecto, ut quæ=  
 sitam ueritatem diu & aliquando inuentam esse credant,  
 & humanis ingenijs inueniri non potuisse, fateantur.

L. COELII.

## LACTANTII FIR

MIANI DIVINARVM IN=  
 stitutionum, aduersus Gentes, Liber Ter=  
 tius, De Falsa sapientia, Ad Con=  
 stantinum Impera=  
 torem,

De Veritate, &amp; Eloquentia.

CAP. I.



ELLEM mihi, quando ueritas in ob-  
 scuro latere adhuc existimatur, uel erro-  
 re, atq; impcritia uulgi, uarijs & ineptis  
 superstitionibus seruientis, uel philoso=  
 phis prauitate ingeniorum turbantibus  
 eam potius, quàm illustrantibus, cisi non qualis in M.T.  
 fuit, quia præcipua, & admirabilis fuit: aliquā tamē pro=  
 ximam eloquentiæ contingere facultatem: ut quantū ue-  
 ritas ui sua propria ualeat, tantum ingenij quoq; uiribus  
 nixa exereret se aliquādo, & discussis, conuictisq; tā pu-  
 blicis, quàm eorum, qui sapientes putantur, erroribus, hu-  
 mano generi clarissimū lumen inferret. Quod quidē dua=  
 bus ex causis fieri uellem: uel quòd magis possent credere  
 k homines

homines ornata ueritati, qui etiā mendacio credūt, capti orationis ornatu, lenocinioq; uerborum: uel certe, ut ipsi philosophi suis armis potissimū, quibus placere sibi, & cōfidere solent, opprimerētur à nobis. Sed quoniā Deus hāc uoluit rei esse naturam, ut simplex, & nuda ueritas, esset luculētior, quia satis ornata per se est, ideoq; ornamentis extrinsecus additis fucata, corrumpitur: mendaciū uero specie placet aliena, quia per se corruptū uanescit, ac defluit, nisi aliunde ornatu quæsito circumlitū fuerit, ac politū: æquo animo fero, ingenium mihi mediocre fuisse concessum. Verum ego non eloquentiæ, sed ueritatis fiducia suscepi hoc opus, fortasse maius, quā ut possit meis uiribus sustineri: quod tamen, etiā si ego defecerim, Deo, cuius est hoc munus, adiuuante, ueritas ipsa complebit. Etenim cum sciam maximos quoq; oratores à causidicis mediocribus sæpe uictos, quod tāta est potētia ueritatis, ut seipsam, quamuis in rebus exiguis, sua claritate defendat: cur hanc ego in maxima causa ab ingeniosis quidem illis, ac disertis uiris, sed tamen falsa dicētibus oppressum iri putem? ac nō illa, si minus oratione nostra, quæ de tenui fonte admodum exilis manat, lumine tamen suo clara, & illustris appareat? Nec si philosophi doctrina literarum mirabiles extiterunt: ego etiam illis scientiam ueri, cognitionemq; concesserim. quam nemo cogitando, aut disputando assequi potest. Neq; enim nunc reprehendo eorum studium, qui ueritatem scire uoluerunt, quia naturam hominis Deus ueri adipiscendi cupientissimam fecit: sed id arguo, id reuincō, quod honestam illorum, & optimam uoluntatem non sit secutus effectus: quia neque, quid esset uerum ipsum, sciebant, neq; quomodo, aut ubi, aut qua mente quærendum. Ita dum succurrere humanis

error

erroribus cupiunt, ipsi se in plagas, et errores maximos induxerunt. Ad hoc igitur me opus coarguendi philosophiam, susceptæ materiæ ordo ipse deduxit. Nam cum error omnis aut ex religione falsa oriatur, aut ex sapientia: in eo conuincendo necesse est utrumque subuertere. Cum enim sit nobis diuinis literis traditum, cogitationes omnium philosophorum stultas esse: id ipsum re, et argumentis docendū est: ne quis honesto sapientiæ nomine inductus, aut inanis eloquentiæ splendore deceptus, humanis malit, quàm diuinis credere: quæ quidem tradita sunt breuiter, ac nude. nec enim decebat aliter: ut cū Deus ad hominem loqueretur, argumentis assereret suas uoces, tanquam fides ei non haberetur: sed, ut oportuit, est locutus, quasi rerum omnium maximus iudex, cuius non est argumentari, sed pronunciare uerū. Ipse ut Deus. nos autem, cum ad res singulas testimonia diuinæ uocis habeamus: profecto monstrauimus, quanto certioribus argumentis possint uera defendi, cum etiam falsa sic defendantur, ut uera soleant uideri. Quare non est, quòd philosophis tantum honoris habeamus, aut eorum eloquentiam pertimescamus. Loqui enim bene potuerunt, ut homines eruditi: uerè autem loqui nullo modo, quia ueritatem non didicerant ab eo, qui eius potens esset. Nec sane magnum aliquid efficiemus, quòd illos ignorantia redarguamus. quam ipsi sæpissime confitentur in eo solo, quoniā non eis creditur, in quo solo credi debuit. conabor ostendere nunquam illos tam ueridicos fuisse, quàm cum sententiam de sua ignorance dixerunt.

De Philosophia, eaq̃ reprehensa. CAP. II.

**N**unc quoniam duobus superioribus libris religio-  
num falsitas demonstrata est, nec non origo ipsa to-

tius erroris exposita; huius libri munus est, philosophiā quoq; ostendere, quā inanis, & falsa sit; ut omni errore sublato, ueritas patefacta clarescat. Ordiamur itaq; à communi philosophiæ nomīne, ut ipso capite destructo, facilior nobis aditus pateat ad excindendū omne corpus: si tamen potest corpus uocari, cuius partes ac mēbra discordent, nec ulla compage inter se cohæreant, sed quasi desiecta, & dissipata, palpitare potius quā uiuere uideatur. Philosophia est (ut nomē indicat, ipsiq; definiūt) studium sapientiæ. Vnde igitur probem magis philosophiam nō esse sapientiam, quā ex ipsius nominis significatione? Qui enim sapientiæ studet, utique nondum sapit: sed, ut sapere possit, studet. In cæteris artibus, studiū quid efficiat, & quō tendat, apparet. quas cum discendo aliquis affecutus est, iam non studiosus artificij, sed artifex nominatur. At enim uerecundiæ causa studiosos se sapientiæ, non sapientes uocauerunt. Imò uerò Pythagoras, qui hoc primus nomen inuenit, cum paulò plus sciret, quā illi priores, qui se sapientes putauerūt, intellexit, nullo humano studio posse ad sapientiā perueniri, et ideo nō oportere incōprehensæ, atq; imperfectæ rei perfectū nomē imponi. Itaq; cū ab eo quæreretur, quemnam se profiteretur: respondit, philosophum, id est, quæsitore sapiētiae. Si ergo philosophia sapiētiā quærit: nec ipsa sapiētia est, quia necesse est aliud esse, quod quærit, aliud quod quæritur: nec quæsitio sapiētiae recta est, quia nihil potest inuenire. Ego uerò ne studiosos quidem sapientiæ philosophos esse concesserim, quia illo studio ad sapientiam non peruchitur. Nam si facultas inueniendæ ueritatis huic studio subiaceret, & si esset id studium tanquam iter ad sapientiam: aliquando esset inuenta. Cum uerò

tot temporibus, tot ingenijs in eius inquisitione contri-  
tis, non sit comprehensa: apparet, nullam esse ibi sapien-  
tiam. Non ergo sapientiæ student, qui philosophantur:  
sed ipsi studere se putant: quia illud, quod quærunt, ubi,  
aut quale sit, nesciunt. Siue ergo sapientiæ student, siue  
non student, sapientes non sunt. quia nunquam reperiri  
potest, quod aut non recte quæritur, aut omnino nõ quæ-  
ritur. uideamus tamen id ipsum, possit'ne hoc studio repe-  
riri aliquid, an nihil.

De Philosophia, & Academia. CAP. III.

**D**Vabus rebus uidetur philosophia cōstare, scientia,  
& opinatione, nec ulla alia re. Scientia ab ingenio  
uenire non potest, nec cogitatione comprehendi. quia in  
seipso habere propriam scientiam, non hominis, sed Dei  
est. Mortalis autem natura non capit scientiam, nisi quæ  
ueniat extrinsecus. Iccirco enim oculos, & aures, & cæ-  
teros sensus patefecit in corpore diuina solertia, ut per  
eos aditus scientia perueniret ad mentē. Nam causas na-  
turalium rerum disquirere, aut scire uelle, Sol utrum'ne  
tātus, quātus uidetur, an multis partibus maior sit, quā  
omnis hæc terra: item, Luna globosa sit, an concaua: &  
stellæ utrum'ne cohæcāt cœlo, an per aërem libero cur-  
su ferantur: cœlum ipsum qua magnitudine, qua materia  
constet, utrum quietum sit, an mobile, an incredibili cele-  
ritate uoluatur: quāta sit terræ crassitudo, aut quibus fun-  
damentis librata, & suspensa sit. hæc inquā disputando,  
& cōiecturis uelle cōprehendere, tale est profecto, quale  
si differere uelimus, qualē esse arbitramur cuiuspiam re-  
motissimæ gentis urbem, quam nunquam uidimus, cuiusq;  
nihil aliud, quā nomē, audiuius. Si nobis in ea re scien-  
tiam uendicemus, quæ nõ potest sciri: non'ne insanire ui-



deamur, qui id affirmare audeamus, in quo reuinci possumus? Quanto magis qui naturalia, quæ sciri ab homine non possunt, scire se putant, furiosi, dementes quæ sunt iudicandi? Recte ergo Socrates, et eum secuti academici scientiam sustulerunt, quæ non disputantis, sed diuinantis est. Superest ut opinatio in philosophia sola sit. Nam unde abest scientia, id totum possidet opinatio. Id enim opinatur quisque, quod nescit. Illi autem, qui de rebus naturalibus disputant, opinantur ita esse, ut disputant. Nesciunt igitur ueritatem: quoniã scientia, certi est, opinatio, incerti. Redeamus ad illud superius exemplum. Age, opinemur de statu, et qualitate urbis illius, quæ nobis rebus omnibus præter nomē ignota est. Verisimile est, in plano sita lapideis mœnibus, ædificijs sublimibus, uijs pluribus, magnificis, ornatisque delubris. Describamus, si placet, mores habitumque ciuium. Sed cum hæc dixerimus, alius contraria disputabit. Et cum hic quoque perorauerit, surget et tertius, et alij deinceps, et opinabuntur multo disparia, quam nos sumus opinati. Quid ergo erit ex omnibus certius? fortasse nihil. At omnia sunt dicta, quæ in rerum natura cadunt, ut necesse sit aliquid eorum esse uerum. At nescitur, quis uerum dixerit. Potest fieri, ut omnes ex parte aliqua errauerint, ex parte attigerint ueritatem. Stulti ergo sumus, si hoc disputatione quæramus. potest enim superuenire aliquis, qui opiniones nostras derideat, nosque pro insanis habeat, qui uelimus id quod nescimus, quale sit opinari. Verum non opus est longe posita conquire: unde nemo fortasse ueniat, qui nos redarguat. Age, opinemur, quid nunc in foro geratur, quid in curia. longum est id quoque dicamus, interposito uno pariete quid fiat: nemo potest id scire, nisi qui audiuerit, aut

uiderit



niderit. Nullus enim audet id dicere: quia statim non uer-  
bis, sed re ipsa præsenti refutabitur. Atqui hoc idē faciūt  
philosophi, qui disputāt, in cælo quid agatur. sed eo se id  
impune facere arbitrātur, quia nullus existit, qui errores  
eorum coarguat. Quod si existimarēt descensurū esse ali-  
quem, qui eos delirare, ac mentiri doceret, nunquā quic-  
quam de ijs rebus, quas scire non possunt, disputarēt. Nec  
tamen ideo felicior putanda est eorum impudētia, et au-  
dacia, quia non redarguuntur. redarguit enim Deus, cui  
soli ueritas nota est: licet conuiuere uideatur: eamq; homi-  
num sapientiam pro summa stultitia computat.

De Philosophorum uarietate. CAP IIII.

**R**Ecte igitur Zeno, ac Stoici opinionē repudiarūt.  
Opinari enim te scire, quod nescias, non est sapiētis,  
sed temerarij potius, ac stulti. Ergo si neq; sciri quicquā  
potest (ut Socrates docuit) nec opinari oportet (ut Ze-  
no) tota philosophia sublata est. Quid, quod non tantum  
ab his duobus euertitur, qui philosophiæ principes fue-  
rūt, sed ab omnibus? ut iam uideatur, iam pridē suis armis  
esse confecta. In multas sectas philosophia diuisa est: et  
omnes uaria sentiunt. In qua ponimus ueritatē? in omni-  
bus certe nō potest. Designemus quālibet. nēpe in cæteris  
omnibus sapientia nō erit. Transeamus ad singulas. eodē  
modo, quicquid uni dabimus, cæteris auferemus. Vnaquæ-  
que enim secta omnes alias euertit, ut se, suāq; confirmet:  
nec ulli alteri sapere cōcedit, ne se desipere fateatur. sed  
sicut alias tollit, sic ipsa quoq; ab alijs tollitur omnibus.  
Nihilo minus enim philosophi sunt, qui eā stultitiæ accu-  
sant. Quācumq; laudaueris, uerāq; dixeris, à philosophis  
uituperatur, ut falsa. Credemus ne igitur uni sese suāq; do-  
ctrinā laudāti, an multis unius alterius ignorantiā culpā-

tibus? Rectius ergo sit necesse est, quod plurimi sentiunt, quàm quod unus. Nemo enim potest de se recte iudicare. quod nobilis poëta testatur. Ita enim cōparatam esse hominū naturā omniū, ut aliena melius uideāt, & dijudicēt, quàm sua. Cum igitur omnia incerta sint, aut omnibus credendū est, aut nemini. si nemini: sapientes ergo non sunt: quia singuli, sapiētes esse se putant. si omnibus: æquē non sunt sapientes: quia singuli ab omnibus esse negantur sapientes. Pereūt igitur uniuersi hoc modo: & tāquā Spartiatæ illi poëtarum, sic se inuicem iugulant, ut nemo ex omnibus restet. quod cōfit, quia gladium habent, scutum non habēt. Si ergo singulæ sectæ multarū sectarum iudicio stultitiæ cōuincuntur: omnes igitur uanæ, atq; inanes repcriūtur. ita seipsam philosophia cōsumit, & conficit. Quod cum intelligeret Arcesilas Academiae cōditor, reprehensiones omniū inter se collegit, confessionēq; ignorantiae clarorū philosophorum, armauitq; se aduersus omnes. ita cōstituit nouā non philosophādi philosophiam. Eo igitur autore duo philosophiæ genera esse cœperūt: Vnū, illud uetus, quod scientiā sibi uēdicat: Alterū, nouū repugnans, quod eam distrahit. In his duobus generibus uideo dissidium, & quasi ciuile bellum. Sapientiā, quæ distrahi nō potest, in qua parte ponemus? Si natura rerum sciri potest, hæc tironū caterua interibit: si nō potest, ueterani conficiuntur. si pares fuerint, nihilo minus peribit dux omniū philosophia, quia distracta est. nihil enim potest sine interitu suo sibi esse contrariū. Si autē (ut docui) nulla potest esse in homine interna, & propria sciētia ob fragilitatē cōditionis humanæ: Arcesilæ manus uicit. Sed ne ipsa quidem stabit, quia non potest omnino nihil sciri.

De usu, & Academicis.

C A P. V.

Sunt

**S**Vnt enim multa, quæ natura ipsa nos scire & usus frequens, & uitæ necessitas cogit. Itaque percundū est, nisi scias, quæ ad uitā sunt utilia, ut appetas: quæ periculosa, ut fugias, & uites. Præterea multa sunt, quæ usus inuenit. Nam solis ac lunæ uarij cursus, & meatus syderū, & ratio temporū deprehensa est, & natura corporū à medicis, herbarūq; uires: & ab agricolis natura terrarū, nec non imbriū futurorū, ac tempestatum signa collecta sunt. Nulla deniq; ars est, quæ non scientia cōstet. Debit ergo Arcefilas, siquid saperet, distinguere, quæ sciri possent, quæ uē nesciri. Sed si id fecisset, ipse se in populū redegisset. Nam uulgus interdū plus sapit: quia tantū, quantum opus est, sapit. A quo si quæras, utrum sciat aliquid, an nihil, dicet se scire, quæ sciat: fatebitur se nescire, quæ nesciat. Recte ergo aliorū sustulit disciplinas, sed non recte fundauit suam. Ignoratio enim rerum omnium nō potest esse sapientia. cuius est scire propriū. Ita cū philosophos expugnauerit, ac docuerit, eos nihil scire, ipse quoq; nomen philosophi perdidit: quia doctrina eius est, nihil scire. Nam qui alios reprehendit, quod nesciant, ipse debet sciens esse. cum autem nihil sciat, quæ peruersitas, quæ uē insolentia est, ob id ipsum se philosophum constituere, propter quod ceteros tollat? Possunt enim sic respondere. Si nihil nos scire conuiceris, & ideo non esse sapientes, quia nihil scianus: ergo ne tu quidem es sapiēs: quia te quoq; cōfiteris nihil scire. Quid ergo promouit Arcefilas, nisi quod confectis omnibus philosophis, seipsum quoq; eodem mucrone transfixit?

De Sapientia, & Academicis &

Physicis.

CAP. VI.

**N**vsquam ne igitur sapientia est? Imò uero inter philosophos

k 5

Iosophos fuit: sed nemo uidit. Alij putauerunt, sciri posse  
 omnia. hi sapiētes utiq; non fuerunt. Alij nihil. ne hi qui=  
 dem sapientes fuerūt. illi, quia plus homini dederunt: hi,  
 quia minus. utrisq; in utranq; partē modus defuit. Vbi er=  
 go sapientia est? Vt neq; te omnia scire putes, quod Dei  
 est: neque omnia nescire: quod pecudis. Est enim aliquid  
 mediū, quod sit hominis: id est, sciētia cū ignoratione cō=  
 iuncta, et temperata. Scientia in nobis ab anima est, quæ  
 oritur è cælo: ignoratio à corpore: quod est è terra. unde  
 nobis et cum Deo, et cum animalibus est aliqua commu=  
 nitas. Ita quoniā ex his duobus constamus elemētis, quo=  
 rum alterum luce præditum est, alterū tenebris: pars no=  
 bis data est scientiæ, pars ignorantie. per hunc quasi pon=  
 tem trāsire sine cadendi periculo licet. nā illi omnes, qui  
 in alterā partē inclinauerūt, aut dextro aut sinistrouer=  
 sus ceciderūt. utraq; autē pars quomodo errauerit, dicā.  
 Academici contra physicos ex rebus obscuris argumen=  
 tati sunt, nullam esse scientiam: et exemplis paucarū re=  
 rum incomprehensibilium contenti, amplexi sunt igno=  
 rantiam, tanquam scientiam totam sustulissent, quia in  
 parte sustulerant. Physici contra ex ijs, quæ aperta sunt,  
 argumentū trahebant, omnia sciri posse: contentiq; per=  
 spicuis, retinebāt scientiam, tanquam totam defendissent,  
 quia ex parte defenderant. itaq; neque hi clara, neque  
 illi obscura uiderunt: sed utrique, dum solam scientiam  
 consertis manibus uel retinent, uel eripiūt, non uiderunt,  
 in medio constitutam fore, quæ illos ad sapientiam trans=  
 mitteret. Verum Arcesilas ignoratiæ magister, cum Ze=  
 noni obtrectaret principi Stoicorum, ut totam philoso=  
 phiam euerteret (autore Socrate) suscepit hanc sententiā,  
 ut affirmaret nihil sciri posse. Itaque coarguit æstimatio=  
 nem

nem philosophorum, qui putassent ingenijs suis erutam esse, atq; inuentam ueritatem. uidelicet, quia mortalis fuerat illa sapientia, paucisq; antè temporibus instituta, ad summum iam incrementum peruenierat, ut iam necessario cōsenseret, ac periret: repente extitit academia tanquā senectus philosophiæ, quæ illam conficeret iam deflorescentem. Recteq; uidit Arcesilas, arrogantes, uel potius stultos esse, qui putent scientiā ueritatis coniectura posse comprehendere. Sed tamen falsa dicentem redarguere non potest, nisi qui scierit antè, quid sit uerum. quod Arcesilas ueritate nō cognita facere conatus, introduxit genus philosophiæ *ἀνίσταται*, quod Latinè instabile, siue instans possumus dicere. Vt enim, nihil scire posse, sciendum sit, aliquid sciri, necesse est. Nam si omnino nihil scias, id ipsum, nihil sciri posse, tolletur. Itaq; qui uelut sententiæ loco pronunciat, nihil sciri, tanquam præceptum proficitur, et cognitū, ergo aliquid sciri potest. Huic simile est illud, quod in scholis proponi solet in asystati generis exemplum, somniasse quendam, ne somnijs crederet. Si enim crediderit, tum sequitur, ut credendum non sit. Si autem non crediderit, tunc sequitur, ut credendum sit. Ita si nihil sciri potest, necesse est, id ipsum sciri, quod nihil sciatur. Si autem scitur, posse nihil sciri: falsum est ergo, quod dicitur, nihil posse sciri. Sic inducitur dogma sibi ipsi repugnans, seq; dissolvens. Sed homo uersutus, cæteris philosophis uoluit scientiā cripere, ut eam domi absconderet. nam sibi illam profectō nō adimit, qui aliquid affirmat, ut cæteris adimat: sed nihil agit. apparet enim, ac furtū suū prodit. Quāto faceret sapientius, ac uerius, si exceptione facta, diceret, causas, rationesq; duntaxat rerū cælestiū, seu naturalium, quia sunt abditæ, nesciri posse, quia nul-

lus doceat: nec queri oportere, quia inueniri querēdo nō possunt. Qua exceptione interposita, & physicos admonisset, ne quererent ea, quæ modū excederent cogitationis humanæ, & seipsum calūniæ inuidia liberasset, & nobis certe dedisset aliquid, quod sequeremur. Nunc aut cum ab his sequēdis nos retraxerit, ne uelimus plus scire, quàm possimus, non minus à se quoq; ipso retraxit. Quis enim uelit laborare, ne quicquā sciat? aut cuiusmodi suscipere doctrinam, ut etiam communem scientiam perdat? Quæ si doctrina est, scientia constet, necesse est: si nō est, quis tam stultus est, ut discēdum id putet, in quo aut nihil discitur, aut omnino dediscitur? Quare si neq; omnia sciri possunt, quod physici putauerunt, neq; nihil, quod Academicici: philosophia omnis extincta est.

De Philosophia ethica, & summo bono.

C A P. VII.

**T**RANSEAMUS nunc ad alteram philosophiæ partem, quā ipsi moralem uocant, in qua totius philosophiæ ratio continetur. siquidem in illa physica sola oblectatio est, in hac etiam utilitas. Et quoniam in disponendo uite statu, formandisq; moribus, periculo maiori peccatur: maiorem diligentia necesse est adhiberi, ut sciamus, quomodo nos oporteat uiuere. Illic enim potest uenia concedi, quia siue aliquid dicūt, nihil prosunt, siue delirant, nihil nocent. Hic uerò nullus dissidio, nullus errori est locus: omnes unū sentire oportet, ipsamq; philosophiā uno quasi ore præcipere. quia siquid fuerit erratū, uita omnis eueritur. In illa priori parte ut periculi minus, ita plus difficultatis est, quòd obscura rerum ratio cogit diuersa, & uaria sentire. Hic ut periculi plus, ita minus difficultatis, quòd ipse usus rerū, & quotidiana experimenta possunt docere

docere, quid sit ucrius, & melius. Videamus ergo utrū ne cōsentiant, aut quid nobis affrāt, quo rectius in uita degatur. Non necesse est omnia circuire: unum eligamus, ac potissimū, quod est summum, ac principale, in quo totius sapientiæ cardo uersatur. Epicurus summū bonum in uoluptate animi esse censet: Aristippus in uoluptate corporis. Calliphon, et Dinomachus Cyrenaici, honestatē, cum uoluptate iunxerūt. Diodorus in priuatiōe doloris summum bonū posuit: Hieronymus in non dolendo: Peripatetici autem in bonis animi, & corporis, & fortunæ. Herilli summum bonum est scientia: Zenonis, cum natura congruenter uiuere: quorundam Stoicorum, uirtutem sequi. Aristoteles in honestate, ac uirtute summū bonū collocauit. Hæ sunt fere omnium sententiæ. In tanta diuersitate quē sequimur? cui credimus? Par est omnibus autoritas. Si eligere possumus, quod est melius, iam nō est philosophia nobis necessaria: quia sapientes iam sumus, qui de sapientum sententijs iudicemus. Cum uerò discendæ sapientiæ causa ueniamus, quī possumus iudicare, qui nondum sapere cœperimus? maxime cū præsto adsit Academicus, qui nos pallio retrahat, ac uetet cuiquam credere, nec tamen afferat ipse, quod sequamur.

De summo bono, & animi, & corporis uoluptatibus, & uirtute. CAP. VIII.

**Q**uid ergo superest, nisi ut omīsis litigationibus furiosis, ac pertinacibus, ueniamus ad iudicē illū, scilicet datorem simplicis, & quietæ sapientiæ, qui non tantū formare nos, ac inducere in uia possit, uerū etiam de controuersijs istorum ferre sententiā. Hic nos docet, qd sit hominis uerū, ac summū bonū. De quo prius quàm dicere incipio, illæ omnes sententiæ sunt refellendæ, ut appareat



appareat, neminē illorum fuisse sapientē. Cum de officio hominis agatur, oportet summū summi animalis bonum in eo. constitui, quod commune cum cæteris animalibus esse non possit. Sed ut feris dentes, armentis cornua, uolucris pennæ, propria sunt: sic homini aliquid suum debet ascribi, sine quo rationem suæ conditionis amittat. Nam quod uiuēdi aut generandi causa datum est omnibus, est quidem bonū naturale, summū tamen non est, nisi quod est unicuiq; generi propriū. Sapiens ergo non fuit, qui summū bonum credidit animi uoluptatem. quoniam siue illa securitas, siue gaudiū est, communis est omnibus. Aristippo ne respondendū quidē duco, quem in corporis semper uoluptates ruentē, nihilq; aliud quàm uentri, et ueneri seruientem, nemini dubium est, hominem non fuisse. sic enim uixit, ut nihil inter eum, pecudemq; distaret, nisi unū, quod loquebatur. Quod si asino, aut cani, aut sui facultas loquēdi tribuatur, quærasq; ab his, quid sibi uelint, cum fœminas tam rabide consecantur, ut uix diuelli queant, cibos etiam, potumq; negligant, cur aut alios mares uiolenter abigant, aut ne uicti quidem absistant, sed à fortioribus sæpe contriti, eo magis insectantur, cur nec imbres, nec frigora pertimescāt, laborem suscipiant, periculum non recusent: Quid aliud respondebunt, nisi summum bonum esse corporis uoluptatem? eam se appetere, ut afficiantur suauissimis sensibus, eosq; esse tanti, ut assequendorum causa, nec laborem sibi ullum, nec uulnera, nec mortem ipsam recusandam putent. Ab his ne igitur præcepta uiuendi petemus, qui hoc idem sentiunt, quod animæ rationis expertes? Aiunt Cyrenaici, uirtutem ipsam ex eo ipso esse laudandā, quod sit efficiens uoluptatis. Verū ergo inquit obsecrus canis, aut sus ille lulentus



tulentus. nam ideo cum aduersario summa uirium contentionem depugno, ut uirtus mea pariat mihi uoluptatē: cuius expertus sim necesse est, si uictus abscessero. Ab his ergo sapere discemus, quos a pecudibus, ac belluis non sententia, sed lingua discernit? Priuationem doloris summum bonum putare, non plane Peripateticorum, ac Stoicorum, sed Cynicorum philosophorum est. Quis enim non intelligat, ab ægrotis, et in aliquo dolore positis esse hoc disputatum? Quid tam ridiculum, quàm id habere pro summo bono, quod medicus possit dare? Dolendum est ergo, ut fruamur bono, & quidem grauitur, ac sæpe, ut sit postea, non dolere, iucundius. Miserrimus est igitur, qui nunquam doluit, quia bono caret. quem nos felicissimum putabamus, quia malo caruit. Ab hac uanitate non longe absuit, qui, omnino nihil dolere, summum bonum dixit: Nam præter quòd omne animal doloris est fugiēs, qui potest sibi hoc bonum præstare, quod nobis ut eueniat, nihil aliud possumus quàm optare? Summum autem bonum non potest efficere quenquam beatum, nisi semper fuerit in ipsius potestate. hoc autem non uirtus homini, non doctrina, non labor, sed natura ipsa cunctis animantibus præstat. Qui uoluptatem cum honestate iunxerunt, communionem hanc effugere uoluerūt. sed effecerunt repugnans bonum. quoniam qui uoluptati deditus est, honestate careat, necesse est: qui honestati studet, uoluptate. Peripateticorum bonum nimium multiplex, exceptis animi bonis, quæ ipsa quæ sint, magna contentio est: commune cum belluis potest uideri. Nā corporis bona, id est, incolumitas, indolentia, uoletudo, non minus sunt mutis, quàm homini necessaria: ac nescio, an etiam magis. quia homo & medelis, et ministerijs subleuari potest

test, muta non possunt. Item, quæ appellât fortunæ bonæ? nam sicut homini opibus ad uitam tuendā, ita illis præda, & pabulis est opus. Ita inducendo bonum, quod non sit in hominis potestate, totum hominē alienæ ditioni subiungunt. Audiamus etiam Zenonem. nam is interdum uirtutem somniat. Summum, inquit, est bonum, cum natura consentaneè uiuere. Belluarum igitur nobis more uiuendum est. Nam quæ abesse debent ab homine, in his omnibus deprehenduntur, uoluptates appetunt, metuunt, fallunt, insidiantur, occidunt: & quod ad rem maxime attinet, Deum nesciunt. Quid ergo me docet, ut uiuam secundum naturam, quia ipsa in deterius prona est, & quibusdam blandimentis lenioribus in uitia præcipitat? Sed si aliam mutorum, aliam hominis dicit esse naturam, quod homo ad uirtutem sit genitus: non nihil dicit: sed tamen non erit definitio summi boni. quia nullum est animal, quod non secundum naturam suam uiuat. Qui scientiam summum bonum fecit, aliquid homini proprium dedit. sed scientiam alterius rei gratia homines appetunt, non propter ipsam. Quis enim scire contentus est, non expectans aliquem fructum scientiæ? Artes ideo discuntur, ut exerceantur: exercentur autem uel ad subsidia uitæ, uel ad uoluptatem, uel ad gloriam. Non est igitur summum bonum, quod nō propter se expetitur. Quid ergo interest, utrum scientiam summum bonū putemus, an illa ipsa, quæ scientia ex se parit, id est uictum, gloriam, uoluptatem? quæ non sunt homini propria, & ideo ne summa quidem bona. Nam uoluptatis, & uictus appetentia non homini solum, sed etiam mutis inest. Quid cupiditas gloriæ? non ne in equis deprehenditur, cum uictores exultant, uicti dolent?

Tantus

Tantus amor laudum, tantæ est uictoria curæ.  
 Nec immerito summus poëta experiendum esse ait,  
 Et quis cuiq; dolor uicto, quæ gloria palmæ.  
 Quod si ea quæ parit scientia, communia sunt cum alijs  
 animalibus: non est ergo summum bonum scientia. Præ-  
 terea non mediocre huius disputationis est uitium, quod  
 scientia nuda ponitur. Incipit enim beatiore uideri,  
 qui artem aliquam scierint, imò uero qui & res malas  
 scierint: ut tam beatus sit, qui uenena didicerit tēperare,  
 quàm qui mederi. Quæro igitur, ad quam rem scientia  
 referenda sit. si ad causas rerum naturalium: quæ beatitu-  
 do erit mihi proposita, si sciero unde Nilus oriatur, uel  
 quicquid de cœlo Physici delirant? Quid, quod earum  
 rerum non est scientia, sed opinio, quæ pro ingenijs ua-  
 ria est? Restat ut scientia bonorum, ac malorum, sum-  
 mum bonum sit. Cur ergo scientiam maluit, quàm ipsam  
 sapientiam summum bonum dicere, cum sit utriusque si-  
 gnificatio, & uis eadem? Nemo tamen usque adhuc sum-  
 mum bonum dixit esse sapientiam. quod melius dici po-  
 tuit. Nam scientia parum est ad bonum suscipiendum,  
 malumq; fugiendum, nisi accedat & uirtus. Multi enim  
 Philosophorum, cum de bonis, malisq; differerent, aliter  
 tamen, quàm loquebantur, natura cogente uixerunt, quia  
 uirtute caruerunt. Virtus autem cum scientia coniuncta,  
 est sapientia. Superest, ut eos etiam refellamus, qui uirtu-  
 tem summum bonum putauerunt. in qua opinione etiam  
 M. Tullius fuit. in quo multum inconsiderati fuerunt.  
 nō enim uirtus ipsa est summum bonum, sed effectrix, &  
 mater est summi boni: quoniam perueniri ad illud sine uir-  
 tute non potest. Vtrūq; intellectu est facile. Quæro enim,  
 utrum ne ad præclarū illud bonum facile perueniri pu-  
 tent

tent, an cum difficultate, ac labore. Expediant acumen suum, errorēq; defendant. Si facile ad illud, ac sine labore perueniri potest, summum bonum non est. quid enim nos cruciemus, quid conficiamus enitēdo diebus, & noctibus? quandoquidē tam in promptu id, quod quærimus, iacet, ut illud quilibet sine ulla cōtentione animi deprehendat. Sed si cōmune quoq; ac mediocre quodlibet bonū nō nisi labore assequimur, quoniā bonorū natura in arduo posita est, malorū in præcipiti: summo igitur labore summum bonū assequi necesse est. quod si uerissimū est: ergo altera uirtute opus est, ut perueniamus ad eā uirtutē, quæ dicitur summum bonū. quod est incongruens, & absurdū, ut uirtus per seipsam perueniat ad seipsam. Si nō potest ad ullū bonū nisi per laborē perueniri: apparet uirtutē esse, per quā perueniatur: quoniā in suscipiēdis, perferēdisq; laboribus, uis, officiumq; uirtutis est. Ergo summū bonū nō potest esse id, propter quod necesse est ad aliud perueniri. Sed illi, cum ignorarēt quid efficeret uirtus, aut quò tenderet, honestius autē nihil reperirent: substituerunt in ipsius uirtutis nomine: quā nullo proposito emolumēto, appetēdā esse dixerūt: & bonū sibi cōstituerūt, quod bono indigerēt. Aristoteles ab ijs nō longe recepit: qui uirtutem cum honestate summū bonū putauit: quasi ulla uirtus possit esse inhonesta: ac nō si quid habuerit turpitudinis, uirtus esse desinat. sed uidit fieri posse, ut de uirtute prauo iudicio sentiatur male: & ideo existimationi hominū scruiendū putauit. quod qui facit, à recto, bonoq; discedit: quia non est in nostra potestate, ut uirtus pro suis meritis honestetur. Nā quid est honestas: nisi honor perpetuus, ad aliquē secūdo populi rumore delatus? Quid ergo fiet, si errore, ac prauitate hominū, mala existimatio subse

subsequatur? abijciemus ne uirtutem, quia flagitiosa, & turpis ab insipientibus iudicetur? Quæ quoniam inuidia premi, ac uexari potest: ut sit ipsum proprium, ac perpetuum bonum, nullo extrinsecus adiumento indigere debet, quin suis per se uiribus nitatur, & constet. Itaque nec ullum ei ab homine bonum sperandum est: nec ullum malum recusandum.

De summo bono, & cultu Dei ueri. CAP. IX.

**V**enio nunc ad ueræ sapientiæ summum bonum. cuius natura hoc modo determinanda est: Primū, ut solius hominis sit: nec cadat in ullum aliud animal: Deinde, ut solius animi: nec cōmunicari possit cum corpore: Postremo, ut nō possit cuiquam sine scientia, & uirtute contingere. Quæ circūscriptio illas omnes sententiās excludit, ac soluit. corū enim, qui dixerunt, nihil tale est. Dicam nunc quid sit: ut doceam (quod institui) philosophos omnes cæcos, atque insipientes fuisse: qui, quod est homini summū bonum cōstitutū, nec uidere, nec intelligere, nec suspicari aliquando potuerunt. Anaxagoras, cū ab eo quæreretur, cuius rei causa natus esset: respondit, solis, ac cœli uidendi. Hanc uocem admirantur omnes, ac philosopho dignam iudicant. At ego hunc puto non inuenientem quid responderet, effudisse hoc passim, ne taceret. quod quidē secum, si sapiens fuisset, conmentatum, & meditatū habere debuit. quia si quis rationem sui nesciat: nō homo sit quidem. sed putemus nō ex tēpore dictum illud effusum. Videamus, in tribus uerbis quot, & quanta peccauerit: Primū, quod omne hominis officiū in oculis posuit, nihil ad mentē referēs, sed ad corpus omnia. Quid si cæcus fuisset? officiū ne hominis amitteret: quod fieri sine occassu animæ nō potest? Quid cætera corporis partes? an ne

carebūt suis quoq; uulneribus? Quid, quòd plus est in auribus, quàm in oculis situm? quoniam & doctrina, & sapientia percipi auribus solis potest, oculis solis nō potest. Cœli, ac solis uidendi causa natus est? Quis te in hoc spectaculum induxit? aut quid cœlo, rerūq; naturæ uisio tua confert? Nimirum ut hoc immensum, & admirabile opus laudes. Confitere ergo rerum omnium esse constitutorem Deum: qui te in hunc mundum quasi testē, laudatoremq; tanti sui operis induxit. Magnū esse credis, uidere cœlū, ac solem. cur ergo gratias non agis ei, qui huius beneficii autor est? cur non ipsius uirtutem, prouidentiam, potestatem metiris animo, cuius opera miraris? etenim necesse est, ut multo mirabilior sit, q̄ mirabilia perfecit. Si te quispiā uocasset ad cœnam, in eaq; optime acceptus esses: nō in sanus uidere, si pluris faceres ipsam uoluptatem, quàm uoluptatis autorem? Adeo philosophi ad corpus omnia referunt, nihil prorsus ad mētem, nec uident amplius, quàm qd' sub oculos uenit. At qui remotis omnibus officiis corporis, in sola mente ponenda est hominis ratio. Nō ergo ideo nascimur, ut ea, quæ sunt facta, uideamus: sed ut ipsum factorē rerū omnium contemplemur, id est, mēte cer-  
namus. Quare si quis hominē, qui uere sapit, interroget, cuius rei gratia natus sit: respondebit intrepidus ac paratus, colendi se Dei gratia natum, qui nos ideo generauit, ut ei seruiamus. seruire aut Deo, nihil aliud est, quàm bonis operibus tueri, & conseruare iustitiam. Sed ille, ut homo diuinarū rerum imperitus, rem maximam redegit ad minimum, duo sola deligens, quæ sibi diceret intucenda. Quòd si natum se esse dixisset, ut mundū intueretur: quanquam omnia cōprehenderet, ac maiori uteretur sono, tamē non impleffet hominis officium. quia quāto plu-

ris est anima, quàm corpus: tanto pluris est Deus, quàm mundus: quia mundum Deus fecit, & regit. Non ergo mundus oculis, quia utrunq; est corpus, sed Deus anima contemplandus est: qui Deus, ut est ipse immortalis, sic animum uoluit esse sempiternum. Dei autem cōtemplatio est, uenerari, & colere communem parentem generis humani. Quod si à philosophis absuit, proiectiq; in terrā fuerunt diuina ignorando: existimandus est Anaxagoras ea ad quæ uidēda natum se esse dixit, nec cœlum uidisse, nec solem. Expedita est igitur hominis ratio, si sapiat. cuius propria est humanitas. nam ipsa humanitas quid est, nisi iustitia? quid iustitia, nisi pietas? pietas autem nihil aliud est, quàm Dei parentis agnitio.

De summo bono, & religione, & hominis natura, & pecudum.

CAP. X.

**S**ummum igitur bonū hominis in sola religione est. nā scætera, etiā quæ putantur esse homini propria, in cæteris quoque animalibus reperiuntur. Cum enim suas uoces proprijs inter se notis discernūt, atq; dignoscunt, colloqui uidētur. ridendiq; ratio apparet in his aliqua, cum demulsis auribus, contractoq; rictu, & oculis in lasciuiā resolutis, aut homini alludunt, aut suis quisq; coniugibus ac foetibus proprijs. Non'ne aliquid amoris mutuo, et indulgētiæ simile impatiunt? Iam, illa, quæ sibi prospiciūt in futurū, et cibos reponunt, habent utiq; prouidentiam. Rationis quoque signa in multis deprehenduntur. Nam quando utilia sibi appetūt, mala cauent, pericula uitant, latibula sibi parant in plures exitus disparētia: profecto aliquid intelligūt. Potest aliquis negare illis inesse rationem, cū hominē ipsum sæpe deludant? Nam quibus generādi mellis officiū est, cū assignatas incolūt sedes, castra



muniunt, domicilia incenarrabili arte cōponunt: regi suo  
 seruiunt, nescio, an in his perfecta sit prudētia. Incertum  
 est igitur, utrum ne illa, quæ homini tribuuntur, commu-  
 nia sint cum alijs uiuentibus: religionis certe sunt expe-  
 tia. Equidem sic arbitror, uniuerſis animalibus esse datam  
 rationem, sed mutis tantum modo ad uitam tuendam, ho-  
 mini autem ad propagandam. Et quia in homine ipsa ra-  
 tio perfecta est, sapiētia nominatur. quæ in hoc eximium  
 facit hominem: quod soli datum est homini intelligere di-  
 uina. Qua de re Ciceronis uera est sententia. Ex tot, in-  
 quit, generibus nullum est animal præter hominem, quod  
 habeat notitiam aliquam Dei: ipsisq; in hominibus nulla  
 gens est neq; tam immansueta, neq; tam fera, quæ nō, etiā  
 si ignoret, qualem Deum haberi deceat: tamen habēdum  
 sciat. Ex quo efficitur, ut is agnoscat Deum, qui, unde  
 ortus sit, quasi recordetur. Qui ergo philosophi uolunt  
 animos omni metu liberare: tollunt etiam religionem: Er-  
 orbant hominē suo proprio, ac singulari bono. quod est  
 à recte uiuēdo, atq; ab omni humanitate disiunctum: quia  
 ut Deus cūcta uiuētia subiecit homini, sic ipsum hominē  
 sibi. Nam quid est, cur ijdē ipsi disputēt, eò dirigendum  
 esse mentem, quò uultus erectus est? Si enim nobis cælum  
 spectandum est: ad nihil aliud utiq; quàm ob religionem.  
 Si religio tollitur: nulla nobis ratio cū cælo est. Itaq; aut  
 eò est spectandum, aut in terram procumbendum. In ter-  
 ram procumbere, nisi uelimus, quidem nō possumus: quo-  
 rum status rectus est. In cælum igitur spectandū est: quò  
 natura corporis prouocat. quod si constat esse faciēdum:  
 aut ideo est faciēdum, ut religioni seruiamus: aut ideo, ut  
 rationem rerum cœlestium cognoscamus. Sed rationē re-  
 rum cœlestiū cognoscere nullo modo possumus. quia ni-  
 hil



hīl eiusmodi potest cogitando inueniri, sicut supra docui. Religioni ergo seruiendum est. quam qui non suscipit, ipse se prosternit in terram: & uitam pecudum secutus, humanitate se abdicat. Sapientiores ergo imperiti: qui etiam si errant in religione deligenda: tamen naturæ suæ, conditionisq; meminerunt.

De religione, & sapientia, & summo bono.

CAP. XI.

Constat igitur totius humani generis consensu, religionē suscipi oportere. sed quomodo in ea erretur, explicandū est. Naturam hominis hanc Deus esse uoluit, ut duarum rerū cupidus, & appetens esset: religionis, & sapientiæ. Sed homines ideo fallūtur, quod aut religionē suscipiunt omīssa sapientia: aut sapientiæ soli student omīssa religione: cum alterum sine altero esse nō possit uerum. Cadūt ergo ad multiplices religiones, sed ideo falsas, quia sapientiā reliquerunt: quæ illos docere poterat, Deos multos esse nō posse. aut studēt sapientiæ, sed ideo falsæ, quia religionē summi Dei omiserūt, qui eos ad uerī sciētīā potuit erudire. Sic homines, qui alterutrum suscipiūt, uitā deuiam, maximisq; erroribus plenā sequuntur: quoniā in his duobus inseparabiliter cōnexis & officiū hominis, & ueritas omnis inclusa est. Miror itaq; nullum omnino philosophorū extitisse, qui sedem, ac domicilium summi boni reperiret. Potuerūt enim sic quærere. Quodcunq; est summū bonū: necesse est omnibus esse propositum. Voluptas est, quæ appetitur à cūctis: sed hæc & cōmunis est cum belluis: & honesti uim non habet: & satietatem affert: & nimia nocet: & processu minuitur ætatis: & multis nō cōtingit. nā qui opibus carēt: quorū maior est numerus: etiā uoluptate careāt, necesse est. Nō est igitur

tur summum bonum, sed ne bonū quidem uoluptas. Quid diuitiæ? Multo magis. Nam & paucioribus, & plerunq; casu, & inertibus sæpe, & nonnunquam scelere contingunt, & optantur ab ijs, qui eas iam tenent. Quid regnū ipsum? Ne id quidem. Non enim cuncti homines regnare possunt: et necesse est uniuersos summi boni capaces esse. Queramus igitur aliquid, quod propositū sit omnibus. Num uirtus? Negari non potest, quin & bonum sit, & omnium certe bonū. Sed si beata esse non potest, quia uis, & natura eius in malorum præferentia posita est: non est profecto summum bonum. Queramus aliud. At nihil uirtute pulchrius, nihil sapientia dignius inueniri potest. Si enim uitia ob turpitudinē fugiēda sunt: uirtus igitur appetēda est ob decorem. quid ergo? potest ne fieri, ut quod bonum, quod honestum esse constat, mercedē, ac præmio careat, sit' que tam sterile, ut nihil ex se commodi pariat? Labor ille magnus, & difficultas, & eluctatio aduersus mala, quibus hæc uita plena est, aliquid magni boni pariat, necesse est. Id uero quid esse dicemus? num uoluptatem? at nihil turpe ex honesto nasci potest. Nū diuitias? num potestates? At ea quidem fragilia sunt, & caduca. Num gloriam? num honorem? num memoriam nominis? At hæc omnia non sunt in ipsa uirtute, sed in aliorum existimatione, atque arbitrio posita. Nam sæpe uirtus & inuisa est, & malo afficitur. Debet autem id bonum, quod ex eo nascitur, ita cohærere, ut diuelli, atque distrahi nequeat. nec aliter summum bonum uideri potest, quàm si proprium sit uirtutis, & tale, ut neque adijci quicquam, nec detrahi possit. Quid, quòd in his omnibus contemnendis uirtutis officia cōsistunt? Nam uoluptates, opes, potentias, honores, atq; omnia, quæ pro bonis

bonis habentur, non concupiscere, non appetere, nō amare, quod ceteri faciunt uicti cupiditate, id est profecto uirtutis. Aliud ergo sublimius, atq; præclarius efficit: nec frustra his præsentibus bonis reluctatur, nisi quòd maiora & ueriora desiderat. non desperemus inueniri posse, modo uerset se cogitatio in omnia. Neq; enim leuia, aut ludicra petuntur Præmia.

De anima, & corpore, & uirtute. CAP. XII.

**S**ed quæritur quid sit, propter quod nascimur: quid efficiat uirtus. possumus sic inuestigare. Duo sunt, ex quibus homo constat, animus, & corpus. Multa sunt propria animi, multa propria corporis, multa utriq; cōmunia, sicut est ipsa uirtus: quæ quoties ad corpus refertur, discernēdi gratia, fortitudo nominatur. Quoniam igitur utriq; subiacet fortitudo, utriq; proposita dimicatio est, & utriq; ex dimicatione uictoria: corpus, quia solidū est, & comprehensibile, cū solidis, & cōprehensibilibus confligat necesse est: animus autem, quia tenuis, & inuisibilis est, cū ijs cōgreditur hostibus, qui uideri, tangiq; nō possunt. Qui sunt autem hostes animi, nisi cupiditates, uitia, peccata? quæ si uicerit uirtus, ac fugauerit, immaculatus erit animus, ac purus. Vnde ergo colligi potest, quid efficiat animi fortitudo? Nimirum ex cōiuncto, & pari, hoc est, ex corporis fortitudine: quod cum in aliquam cōgregationem, certamenq; uenerit, quid aliud ex uictoria, quàm uitam petit? Siue enim cum homine, siue cum bestia dimicet, pro salute certatur. Ergo ut corpus uincendo id acquiritur, ut nō intereat: sic etiam animus, ut permaneat: & sicut corpus ab hostibus suis uictum, morte multatur, ita superatus à uitijs animus, moriatur necesse est. Quid ergo intererit inter animi corporisq; dimicationem, nisi quòd

l 5 corpus

corpus temporalem uitam expetit, animus sempiternam? Si ergo uirtus per seipsam beata non est, quoniam in perferendis (ut dixi) malis, tota uis eius est: si omnia, quæ pro bonis concupiscuntur, negligit: si summus eius gradus ad mortem patet, quandoquidē uitam, quæ optatur à cæteris, sæpe respuit, mortemq; quā cæteri timent, fortiter suscipit: si necesse est, aliquid ex se magni boni pariat, quia suscepti, & superati usq; ad mortem labores, sine præmio esse nō possunt: si nullū præmiū, quod ea dignū sit, in terra reperitur, quandoquidē cuncta, quæ fragilia sunt, & caduca, spernit: quid aliud restat, nisi ut cœleste aliquid efficiat, quia terrena uniuersa contemnit? & ad altiora nitatur, quia humilia despicit? id uerò nihil aliud potest esse, quàm immortalitas. Merito ergo philosophorū non obscurus Euclides, qui fuit cōditor Megaricorū disciplina, dissentiens à cæteris, id esse summum bonū dixit, quod simile sit, & idē semper. Intellexit profecto, quæ sit natura summi boni, licet id nō explicauerit quid sit: id est autem immortalitas, nec aliud omnino quicquam: quia sola nec imminui, nec augeri, nec immutari potest. Seneca quoque imprudēs incidit, ut fateretur, nullū esse aliud uirtutis præmiū, quàm immortalitē. Laudans enim uirtutē in eo libro, quē de immatura morte cōscripsit, Vna, inquit, res est uirtus, quæ nos immortalitate donare possit, & pares Dijs facere. Sed & Stoici, quos secutus est, negāt sine uirtute effici quēquā beatū posse. Ergo uirtutis præmiū beata uita est, si uirtus (ut recte dictū est) beatā uitā facit. Non est igitur (ut aiunt) propter seipsam uirtus expetenda, sed propter uitam beatam, quæ uirtutē necessario sequitur. Quod argumentum docere eos potuit, quod esset summum bonum. Hæc autē uita præsens, & corporalis,

beata

beata esse non potest, quia malis est subiecta per corpus. Epicurus Deum beatū uocat, quia incorruptus, & quia sempiternus est. Beatitudo enim perfecta esse debet, ut nihil sit, qd' eā uexare, ac imminuere, aut immutare possit. Nec aliter quicquā existimari beatum potest, nisi fuerit incorruptū. Incorruptum autē nihil est, nisi quod est immortale. Sola ergo immortalitas beata est, quia corrūpi, ac dissolui non potest. Quod si cadit in hominem uirtus, quod negare nullus potest, cadit & beatitudo. Nō potest enim fieri, ut sit miser, q uirtute est præditus. Si cadit beatitudo, ergo & immortalitas cadit in hominē, quæ beata est. Summum igitur bonum sola immortalitas inuenitur, quia nec aliud animal, nec corpus attingit, nec potest cuiquam sine scientiæ uirtute, id est, sine Dei cognitione, ac iustitia peruenire: cuius appetitio quàm uera, quàm recta sit, ipsa uitæ huiusce cupiditas indicat, quæ licet sit temporalis, et labore plenissima, expetitur tamē ab omnibus, & optatur: hanc enim tam senes quàm pueri, tam reges quàm infimi, tam denique sapientes, quàm stulti cupiunt. Tanti est (ut Anaxagoræ uisum est) contemplatio cœli, ac lucis ipsius, ut quascunq; misérias libeat sustinere. Cū igitur laboriosa hæc, et breuis uita, non tantum hominū, sed etiam cæterorum animantium consensu magnum bonum esse ducatur, manifestum est, eandem summum, ac perfectum fieri bonum, si & sine careat, & omni malo. Deniq; nemo unquam extitisset, qui hanc ipsam breuem contemneret, aut subiret mortem, nisi spe uitæ longioris. nam illi, qui propter salutem ciuium, uoluntarie se neci obtulerūt, sicut Thebis Menæceus, Athenis Codrus, Romæ Curtius, & Mures duo Decij, nūquam mortem uitæ cōmodis prætulissent, nisi se immortalitatē opinione ciuium

uium consequi putauissent: qui tametsi nescierunt immortalitatis uiam, res tamē eos non fefellit. Si enim uirtus, diuitias, et opes ideo cōtemnit, quia fragiles sunt, uoluptates ideo, quia breues: ergo et uitam fragilem, breuemq; ideo cōtemnit, ut solidā, et perpetuam cōsequatur. Ipsa ergo cogitatio per ordinē gradiens, et uniuersa considerans, perducit nos ad eximium illud, et singulare, cuius causa nascimur, bonū: quod si fecissent philosophi, si nō, quod semel apprehenderāt, tueri pertinaciter maluissent: profecto peruenissent ad uerum hoc, ut ostēdi modo. quod si nō fuit eorum, qui cōlestes animas unā cum corporibus extinguūt: illi tamē, qui de immortalitate disputant animi, intelligere debuerūt, ideo propositam nobis esse uirtutē, ut perdomitis libidinibus, rerumq; terrestriū cupiditate superata, purae ac uētrices animae ad Deum, id est, ad originem suam reuertantur. Iccirco enim soli animātium ad aspectum cōeli erecti sumus, ut summum bonū nostrū in summo Deo esse credamus. Ideo religionē soli capimus, ut ex hoc sciamus, humanum spiritum nō esse mortalem, q̄ Deū, qui est immortalis, et desiderat, et agnoscit. Igitur ex oībus philosophis, qui aut pro summo bono scientiam, aut uirtutem sunt amplexi, tenuerunt quidem uiam ueritatis, sed nō peruenierunt ad summum. Hec enim duo sunt, quae simul efficiant illud, quod quēritur. Scientia id praestat, ut quomodo, et quō perueniendū sit, nouerimus: uirtus, ut perueniamus. Alterum sine altero nihil ualet: ex scientia enim uirtus, ex uirtute summum bonum nascitur. Beata igitur uita, quam philosophi quāsiuerūt semper, et quērent, siue in cultu Deorū, siue in philosophia nulla est. et ideo ab his non potuit reperiri, quia summū bonū non in summo quāsiuerūt, sed in imo. Summū autē quid

quid est, nisi cœlum, & Deus, unde animus oritur? Imum quid est, nisi terra, unde corpus est? Itaq; licet quidā philosophi summū bonum non corpori, sed animo dedcrint: tamen, quoniā ad illum in hanc uitam retulerūt, quæ cum corpore terminatur, ad corpus reuoluti sunt: cuius est omne hoc tēpus, quod transigitur in terra. Quare non immerito summum bonum non cōprehenderunt: quia quicquid ad corpus spectat, et immortalitatis est expers, uanū sit, necesse est. Non cadit ergo in hominem beatitudo illo modo, quo philosophi putauerūt: sed ita cadit, nō ut tunc beatus sit, cū uiuit in corpore, quod utiq; ut dissoluatur, necesse est corrūpi: sed tūc cū anima societate corporis liberata, in solo spiritu uiuit. Hoc uno beati esse in hac uita possumus, si minime beati esse uideamur: si fugiētes illecebras uoluptatū, soli q; uirtuti seruiētes, in omnibus laboribus, miserijs q; uiuamus, quæ sunt exercitia, et corroboramēta uirtutis: si deniq; asperā illā uīā, difficilēq; teneamus, quæ nobis ad beatitudinē patefacta est. Summū igitur bonū, quod beatum facit, nō potest esse, nisi in ea religione atq; doctrina, cui spes immortalitatis adiuncta est.

De summo bono in immortalitate, sapientia, philosophia, & eloquentia. CAP. XIII.

**R**es exigere uidetur hoc loco, ut quoniā docuimus immortalitatē esse summū bonum, id ipsum immortalē esse animam cōprobemus. Qua de re ingens inter philosophos disceptatio est: nec quicquā tamen explicare, aut probare potuerunt. Ii, qui uerum de anima sentiebant, expertes huius diuinæ cruditionis, nec argumenta uera, quibus uincerēt, attulerunt, nec testimonia, quibus probarent: sed opportunius hanc quæstionem tractabimus in ultimo libro, cum de uita beata nobis erit differendum.

Supcrest



Supereſt pars illa philoſophiæ tertia, quam uocāt logi-  
cam, id eſt, rationalē, in qua tota dialectica, & omnis lo-  
quendi ratio cōtinetur. Hanc diuina eruditio non deſide-  
rat: quia non in lingua, ſed in corde ſapientia eſt: nec in-  
tereſt, quali utatur ſermone: res enim, non uerba quærun-  
tur, & nos nō de grāmatico aut oratore, quorū ſcientia  
eſt, quomodo loqui deceat, ſed de ſapiēte diſcriminis, cuius  
doctrina eſt, quomodo uiuere oporteat. quōd ſi neq; phy-  
ſica illa ratio neceſſaria eſt, neq; hæc logica, quia beatū  
facere nō poſſunt: reſtat, ut in ſola ethica totius philoſo-  
phiæ uis cōtineatur: ad quam ſe abiectis omnibus Socra-  
tes contuliſſe dicitur. In qua etiam parte quoniam philo-  
ſophos erraſſe docui, qui ſummū bonū, cuius capiēdi gra-  
tia generati ſunt, non cōprehenderūt: apparet falſam, &  
inanē eſſe philoſophiā, quia nec inſtruit ad iuſtitie mu-  
nera, nec officium hominis, rationemq; confirmat. Sciant  
igitur errare ſe, qui philoſophiam putant eſſe ſapiētiam.  
nō trahātur autoritate cuiuſquam, ſed ueritati potius &  
faueant, ac cedant. Nullus hic temeritati locus eſt: in æter-  
num ſtultitiæ poena ſubcunda eſt, ſi aut perſona inanis,  
aut opinio falſa deceperit. Homo autē, qualiſcunq; eſt, ſi  
ſibi credit, hoc eſt, ſi homini credit (ut non dicam ſtultus,  
qui ſuum nō uidcat errorem) certe arrogans eſt, qui ſibi  
audeat uendicare, quod humana cōditio non recipit. Ille  
ipſe Romanæ linguae ſummus autor quantum fallatur, li-  
cet ex illa ſententia peruidere: qui cū in libris Officiorū  
philoſophiā nihil aliud eſſe dixiſſet, quā ſtudiū ſapientie,  
ipſam autem ſapiētiam rerum diuinarū, & humanarū  
ſcientiā, tū adiecit: cuius ſtudiū qui uituperat, haud  
ſane intelligo quidnā ſit, quod laudandum putet. Nam ſi  
oblectatio quæritur animi, requieſq; curarū, quæ cōferri  
cum

cam eorum studijs possunt, qui semper aliquid inquirunt, quod spectet, & ualeat ad bene beate que uiuendum? Si uerò ratio constantiæ, uirtutisq; ducitur: aut hæc ars est, aut nulla omnino, per quam eas assequamur: nullam dicere maximarum rerum artem esse, cum minimarum sine arte nulla sit, hominum est parum considerate loquentium, atque in maximis rebus errantium. Si autem est aliqua disciplina uirtutis; ubi ea quæretur, cum ab isto genere discendi discesseris? Equidem tametsi operam dederim, ut quantulamcunque dicendi assequerer facultatem propter studium docendi, tamen eloquens nunquam fui: quippe qui forum ne attigerim quidem: sed necesse est, ipsa me faciat causæ bonitas eloquentē. ad quam diserte, copioseq; defendendam, scientia diuinitatis, & ipsa ueritas sufficit. Vellem igitur Ciceronem paulisper ab inferis surgere, ut uir eloquentissimus ab homunculo nō diserto doceretur: Primum quidnam sit, quod laudandum putet, qui uituperat id studium, quod uocatur philosophia. Deinde neque illam esse artem, qua uirtus, & iustitia discatur, nec aliam ullam, sicut putauit. Postremo quoniam est uirtutis disciplina, ubi quærenda sit, cum ab illo discendi genere discesseris: quod ille nō audiendi, discēdiq; gratia quærebat. A quo enim posset audire, cū sciret id nemo? Sed, ut in causis facere solebat, interrogatione uoluit urgere, ad cōfessionēq; deducere, tanquam cōsideret, responderi prorsus nihil posse, quo minus philosophia esset magistra uirtutis, quod quidē in Tusculanis disputationibus aperte professus est, ad eā ipsam cōuersa oratione, tãquã se declamatorio dicendi genere iactaret. O uita philosophia dux, inquit: O uirtutis indagatrix, expultrixq; uitiorū, quid nō modo nos, sed omnino uita hominū sine te esse

esse potuisset? Tu inuentrix legum, tu magistra morum, ac disciplinæ fuisti. Quasi uerò aliquid per seipsa sentiret, ac non potius ille laudandus esset, qui eam tribuit. Potuit eodem modo gratias agere cibo, & potui, quia sine his rebus uita constare non possit, in quibus ut sensus, ita beneficij nihil est. Atqui ut illa corporis alimenta sunt, sic animæ, sapientia.

De Epicuro, & Philosophia, & Cicerone.

CAP. XIII.

**R**ectius itaque Lucretius, cum eum laudat qui sapientiam primus inuenit. sed hoc inapte, quòd ab homine inuentam putauit. Quasi uerò illam alicubi iacētē homo ille, quem laudabat, inuenerit, tanquam tibiās ad fontem, ut poëta aiunt: quòd sic repertorem sapientiæ, ut Deum, laudauit: ita enim dicit,

Nemo (ut opinor) erit mortali corpore cretus.

Nam si ut ipsa petit maiestas cognita rerum,

Dicendum est: Deus ille fuit, Deus inclyte Mæmmi.

Tamen non erit sic laudandus Deus, quòd sapientiam inuenerit, sed quòd hominē fecerit, qui possit capere sapientiam. Minuit enim laudem, qui partē laudat ex toto. Sed ille ut hominem, laudauit; qui tamen ob id ipsum deberet pro Deo haberi, quòd sapere inuenerit: nam sic ait,

—Non ne decebit,

Hunc hominem numero diuū dignari esse?

Vnde apparet, aut Pythagoram uoluisse laudare, qui se primus (ut dixi) philosophum nominauit: aut Milesium Thalem, qui de rerum natura primus traditur disputasse. Sed dum hominem quærit extollere, rem ipsam depreßit: non est enim magna, si ab homine potuit inueniri. Verum potest, ut poëta, dari uenia. At ille idem perfectus orator

orator, summusq; philosophus, ne Græcos reprehendā, quorum leuitatē semper accusat, & tamē sequitur, ipsam sapientiam, quam aliās donum, aliās inuentum Deorum uocat, poëtice figuratā laudat in faciē. Grauius etiā queritur extitisse aliquos, qui eā uituperarēt. Quisquam ne, inquit, uituperare uitæ parētem, & hoc parricidio se inquinare audeat, & tam impie ingratus esse? Nos ergo M. Tulli parricidæ sumus, & insuēdi te iudice in culeū, qui philosophiam negamus parentē esse uitæ? An tu, qui aduersus Deum tam impie ingratus es (non hunc, cuius effigiem ueneraris in capitolio sedentē, sed illū, qui mundum fecit, hominēq; figurauit, qui sapientiā quoq; ipsam inter cætera cœlestia beneficia largitus est) magistrā tu uirtutis, aut parentem uitæ uocas, ad quam si quis accesserit, multo sit incertior necesse est, quā prius fuerit? cuius enim uirtutis? quæ ipsa ubi sita sit, adhuc philosophi nō expediunt. cuius uitæ? cū ipsi doctores antē fuerint senectute, ac morte cōfecti, quā constituerint, quomodo uiui deccat. cuius ueritatis indagatricē profiteri potes? qui sæpe testaris, cū tāta multitudo fuerit philosophorū, sapientē tamen extitisse adhuc neminē. Quid ergo te magistra illa uitæ docuit? An ut potentiissimū consulem maledictis incesseres? eumq; hostē patriæ uenenatis orationibus faceres? Sed omittamus illa, quæ possunt excusari fortunæ nomine. Studuisti nēpe philosophiæ, et quidē sic, ut nullus unquam diligētius: quippe qui omnes cognoueris disciplinas, sicut ipse gloriari soles, eāq; ipsam Latīnis literis illustraueris, imitatorēq; te Platonis ostēderis. Cedo igitur qd didiccris, aut in qua secta ueritatē deprehenderis. In Academia scilicet, quam secutus es, quā probasti. At hæc nihil docet, nisi ut scias, te nihil scire. Tui

ergo te libri arguunt, quàm nihil à philosophia disci possit ad uitã. Hæc tua uerba sunt: Mihi autem non modo ad sapientiam cæci uidemur, sed ad ea ipsa, quæ aliqua ex parte cerni uideantur, hebetes, & obtusi. Si ergo philosophia est magistra uitæ: cur tibi ipse cæcus, & hebes, & obtusus uidebare, quæ oportuit illa docerem, & sentire, & sapere, & in clarissima luce uersari? At quam cõfessus fueris philosophiæ ueritatem, docet ad filium composita præcepta: quibus mones, philosophiæ quidẽ præcepta noscenda, uiuendũ autem esse ciuilitèr. Quid tam repugnãs dici potest? Si noscenda sunt præcepta philosophiæ, ideo utiq; noscẽda sunt, ut recte, sapiẽterq; uiuamus. Vel, si ciuilitèr uiuendũ est: non est igitur philosophia sapientia: siquidem melius est ciuilitèr, quàm philosophice uiuere. Nã si sapiẽtia est, quæ dicitur philosophia: stulte profecto uiuit, qui non secundũ philosophiã uiuit. Si autẽ non stulte uiuit, qui ciuilitèr uiuit: sequitur ut stulte uiuat, qui philosophice uiuit. Tuo itaq; iudicio philosophia stultitiæ, inanitatisq; damnata est. Idẽ in Cõsolatione, id est in opere non ioculari, hanc de philosophia sententiã tulisti: Sed nescio quis nos teneat error, ac miserabilis ignorantio ueri. Vbi est ergo philosophiæ magisteriũ? aut quid te docuit illa uitæ parẽs, si uerum miserabiliter ignoras? Quòd si hæc erroris, ignorationisq; cõfessio, penè inuito tibi ab intimo pectore expressa est: cur nõ aliquãdo uerũ fatebaris, philosophiam, quam tu nihil docentem in cœlum laudibus extulisti, magistrã uirtutis esse nõ posse?

De Philosophia, & uera sapiẽtia. CAP. XV.

**E**odem ductus errore Seneca (quis enim uerã uiam teneret, errante Cicerone?) Philosophia, inquit, nihil aliud est, quàm recta uiuendi ratio, uel honeste uiuendi sciẽ

scientia, uel ars rectæ uitæ agenda. Non errabimus, si dixerimus philosophiam esse legē bene, honesteque uiuendi. Et qui dixit illam regulam uitæ, suum illi nomen reddidit. Hic plane non respexit ad commune philosophiæ nomen. quæ cum sit in pluribus sectis, disciplinasque diffusa, nihilque habeat certi, nihil denique, de quo uniuersi una mente, ac uoce consentiant: quid potest esse tam falsum, quam regulā uitæ, philosophiam uocari, in qua diuersitas præceptorum rectum iter impediat, et turbet? aut legem bene uiuendi, cuius capita longe dissonant? aut scientiam uitæ agenda, in qua nihil aliud efficitur, contraria sæpe dicendo, quam ut nemo quicquam sciat? Quæro enim utrumne academiam philosophiam putet esse, an non? Negaturum non arbitror. quod si est, nihil ergo illorum cadit in philosophiā. quæ ut omnia reddat incerta, legem abrogat, artem nullam putat, rationem subuertit, regulam daprauat, scientiam funditus tollit. Falsa igitur illa omnia: quia in rem semper incertam, et adhuc nihil explicantem cadere non possunt. Nulla itaque ratio, uel scientia, uel lex bene uiuendi, nisi in hac unica, et uera et cœlesti sapientia constituta est, quæ philosophis fuit ignota. Nam illa terrena, quoniā falsa est, uaria, et multiplex, sibi que tota contraria est. et sicut unus est huius mundi constitutor, et rector Deus, una ueritas: ita unam esse, ac simplicē sapientiam, necesse est: quia quicquid est uerum, ac bonum, id perfectum esse non potest, nisi fuerit singulare. Quod si philosophia uitā posset instruere: nulli alij nisi philosophi essent boni: et qui eam non didicissent, essent omnes semper mali: cum innumerabiles existant, et semper extiterint, qui sint, aut fuerint sine ulla doctrina boni: ex philosophis autem perraro fuerit,

qui aliquid in uita fecerit laude dignum. Quis est tandē,  
 qui non uideat, eos homines uirtutis, qua egent, non esse  
 doctores? Nam si quis mores eorum diligenter inquirat,  
 inueniet iracūdos, cupidos, libidinosos, arrogantes, pro-  
 teruos, & sub obtentu sapiētiæ suæ uitia celantes, domi  
 facientes ea, quæ in scholis arguissent. Fortasse mentior  
 accusandi gratia. non ne id ipsum Tullius & fatetur, &  
 queritur? Quotus quisq;, inquit, philosophorum inueni-  
 tur, qui sit ita moratus, ita animo, & uita constitutus, ut  
 ratio postulat? qui disciplinam suam, non ostentationem  
 scientiæ, sed legem uitæ putet? qui obtemperet ipse sibi,  
 & decretis pareat suis? Videre autē liceat alios tanta le-  
 uitate, et iactatione, ut his fuerit nō didicisse melius: alios  
 pecuniæ cupidos, alios gloriæ, multos libidinum seruos,  
 ut cū eorū uita, & uitij mirabiliter pugnet oratio. Ne-  
 posq; Cornelius ad eundem Ciceronē ita scribit: Tantum  
 abest, ut ego magistrā esse putem uitæ philosophiam,  
 beatāq; uitæ perfectricē, ut nullis magis existimem opus  
 esse magistris uiuendi, q̄ plerisq;, qui in ea disputāda uer-  
 santur. Video enim magnā partē eorum, qui in schola de  
 pudore & continētia præcipiant argutissime, eosdem in  
 omnium libidinum cupiditatibus uiuere. Item Seneca in  
 exhortationibus: Plerique, inquit, philosophorum tales  
 sunt, disertī in cōuitium suum, quos si audias in auaritiā,  
 in libidinem, in ambitionem perorantes, in iudicium sui  
 putes professos. adeo redundant ad ipsos maledicta in  
 publicum missa. quos nos non aliter intueri decet, quā  
 medicos, quorū tituli remedia habent, pyxides uenena.  
 Quosdam uerō nec pudor uitiorum tenet, sed patrociniā  
 turpitudini suæ fingunt, ut etiā honeste peccare uidean-  
 tur. Faciet sapiens, inquit idem Seneca, etiam quæ non  
 probabit



probabit, ut etiam ad maiora transitū inueniat: nec relinquet bonos mores, sed tēpori aptabit: ut quibus alij utuntur in gloriā, aut uoluptatē, utatur agēdæ rei causā. Dein de paulo pōst: Omnia, quæ luxuriosi faciūt, quæq; impcrii, faciet & sapiēs, sed nō eodē modo, eodēq; proposito. Atqui nihil interest, quo animo facias, quod fecisse uitiosum est. quia facta cernuntur, animus nō uidetur. Aristip-  
po Cyrenaicorum magistro cū Laide nobili scorto fuit cōsuetudo. quod flagitiū grauis ille philosophiæ doctor sic defendebat, ut diceret, multū inter se, & ceteros Lai-  
dis amatores interesse: quod ipse haberet Laidē, alij uerò à Laide haberētur. O' præclara, et imitāda bonis sapien-  
tia. Huic uero liberos in disciplinā dares, ut discerēt ha-  
bere meretricē. Aliquid inter se, ac perditos interesse di-  
cebat, scilicet quod illi bona sua perderent, ipse gratis lu-  
xuriaretur. In quo sanē sapientior meretrix fuit, quæ sic  
philosophum habuit pro lenone, ut ad se omnis iuuentus  
doctoris exēplo, et autoritate corrupta, sine ullo pudore  
cōcurreret. Quid ergo interfuit, quo animo philosophus  
ad meretricē famosissimā commearet, cū eum populus &  
riuales sui uiderēt omnibus perditis nequiorē? Nec satis  
fuit ita uiuere, sed docere etiam libidines cœpit, ac mores  
suos de lupanari ad scholā transtulit, differens, uoluptatē  
corporis esse summū bonū. Quæ doctrina execrabilis, et  
pudenda, non in corde philosophi, sed in sinu meretricis  
est nata. Nā quid ego de Cynicis loquar? quibus in pro-  
patulo coire cum coniugibus mos fuit. Quid mirum si à  
canibus, quorū uitam imitantur, etiā uocabulū, nomenq;  
traxerūt? Nullum igitur in hac disciplina magisteriū uir-  
tutis est, cum etiā illi, qui honestiora præcipiunt, aut non  
faciant ipsi quæ suadēt, aut si faciunt (quod raro accidit)

non disciplina eos ad rectum, sed natura perducatur, quæ sæpius etiam indoctos impellit ad laudem.

De præcipiendo, & agendo, & philosophia.

C A P. X V I.

**V**erum enim cū se perpetuæ desidiæ tradāt, nullamq; uirtutē capeffant, & omnē suam uitam nihil aliud, quàm in eloquēdo peragant: quid aliud quàm inertes putari debent? Sapiencia autē nisi in aliquo actu fuerit, quouim suam exerceat, inanis & falsa est. recteq; Tullius ciuiles uiros, qui Rempub. gubernent, qui urbes aut nouas cōstituant, aut cōstitutæ æquitatē tueantur, qui salutem, libertatēq; ciuiū uel bonis legibus, uel salubribus cōsilijs, uel iudicijs grauib. cōseruent: philosophiæ doctoribus præfert. Bonos enim facere oportet potius, quàm inclusos in angulis faciendæ præcipere, quæ ne ipsi quidem faciunt, qui loquuntur. et quoniā se à ueris actibus remouerunt, apparet, eos exercendæ linguæ causa, uel aduocandi gratia, artē ipsam philosophiæ reperisse. qui autē docēt tantū, nec faciunt, ipsi præceptis suis detrahunt pondus. quis enim obtemperet, cum ipsi præceptores doceant nō obtemperare? Bonum est autem, recta, & honesta præcipere: sed nisi & facias, mendacium est: & incongruens, atq; ineptum est, non in pectore, sed in labijs habere bonitatem. Non ergo utilitatē ex philosophia, sed oblectationem petunt. Quod quidem Cicero testatus est. Profecto, inquit, omnis iustorum disputatio, quanquam uberri-mos fontes uirtutis, & scientiæ cōtineat, tamen collata cū horum actis, perfectisq; rebus, uereor ne tātum uideatur attulisse negotijs hominū quandā oblectationē otij. Vereri quidē nō debuit, cum uerū diceret: sed quasi timeret, ne proditi mysterij reus à philosophis citaretur, non est ausus

ausus confidenter pronuntiare, quod fuit uerum, illos nō ideo disputare, ut doceant, sed ut se oblectent in otio. qui quoniā autores sunt rerum gerendarum, nec ipsi quicquā gerūt: pro loquacibus sunt habēdi. Sed profecto, quia nihil boni ad uitam afferebāt: nec ipsi decretis suis obtēperauerūt, nec quisquā per tot secula inuētus est, qui eorū legibus uiueret. Abijcienda est igitur omnis philosophia: quia non studendum est sapientiæ, quod sine, ac modo careat, sed sapiendū est, & quidem mature. Nō enim nobis altera uita cōceditur, ut, cū quæramus in hac sapiētiā, in illa sapere possimus: in hac utrūq; fieri necesse est. cito inueniri debet, ut cito suscipi possit, nequid pereat ex uita, cuius finis incertus est. Ciceronis Hortēsius cōtra philosophiā differēs, circūuenitur arguta cōclusionē: quod cū diceret philosophiā nō esse, nihilo minus philosophari uidebatur: quoniā philosophi est, quid in uita faciendū, uel nō faciendū sit, disputare. Nos ab hac calumnia immunes, ac liberi sumus, qui philosophiā tollimus, quia humane cogitationis inuentio est: sopheriam defendimus, quia diuina traditio est, eamq; ab omnibus suscipi oportere testamur. Ille, cū philosophiā tolleret, nec melius aliquid asferret, sapiētiā tollere putabatur: eoq; facilius de sentētia pulsus est, quia cōstat hominē non ad stultitiā, sed ad sapientiā nasci. Præterea illud quoq; argumentū cōtra philosophiā ualet plurimū, quo idem est usus Hortēsius: ex eo posse intelligi, philosophiā non esse sapientiam, quod principiū, & origo eius appareat. Quando, inquit, philosophi esse cœperunt? Thales (ut opinor) primus. recens hæc quidem ætas. ubi ergo apud antiquiores latuit amor iste inuestigandæ ueritatis? Idem Lucretius ait:

Deniq; natura hæc rerum, ratioq; reperta est

Nuper: & hanc, primus cum primis ipse repertus

Nunc ego sum, in patrias qui possum uertere uoces.

Et Seneca, Nondū sunt, inquit, mille anni, ex quo initia sapiētiæ nota sunt. Multis ergo seculis humanū genus sine ratione uixit. Quod irridens Persius, Postquā, inquit, sapere urbi Cū pipere, & palmis uenit: tanquam sapiētia cū saporis mercibus fuerit inuecta. quæ si secundū hominis naturā est, cū homine ipso cœperit, necesse est: si uero nō est, nec capere quidē illā posset humana natura. Sed quia recepit, igitur à principio fuisse necesse est. ergo philosophia, quia nō à principio fuit: nō est eadē uera sapiētia. sed uidelicet Græci, qui sacras ueritatis literas nō attigerant, quemadmodū deprauata esset sapiētia, nesciuerunt. Et ideo cum uacare sapiētia humanā uitam putarent, philosophiā commēti sunt, id est, latentē, atq; ignotam sibi ueritatem differendo cruerē uoluerunt. quod studium per ignorantiam ueri, sapientiam putauerunt.

De Philosophia, & indulgentia Epī-

curi.

CAP. XVII.

**D**ixi de philosophia ipsa, quā breuiter potui: nunc ad philosophos ueniamus, nō ut cū his de certemus, qui stare nō possunt, sed ut eos fugientes, atq; deiectos nostro campo insequamur. Epicuri disciplina multo celebrior semper fuit, quā cæterorum: nō quia ueri aliquid afferat, sed quia multos popolare nomē uoluptatis inuitat. Nemo enim nō in uitia pronus est. Propterea, ut ad se multitudinem cōtrahat, apposita singulis quibusq; moribus loquitur. Desidiosum uetat literas discere, auarū populari largitione liberat, ignauū prohibet accedere ad remp. pigrū exercere, timidū militare. irreligiosus, audit Deos nihil curare: inhumanus, & suis cōmodis seruiciens, iubetur

iubetur nihil cuiquā tribuere: omnia enim sua causa facere sapientē. fugienti turbā solitudo laudatur. qui nimium parcus est, discit aqua, et polenta uitā posse tolerare. qui odit uxorē, huic enumerātur cœlibatus bona: habētī malos liberos, orbitas prædicatur: aduersus impios parētes nullū esse uinculum naturæ. impatienti, ac delicato, dolorem esse omniū malorū maximū dicitur: forti etiā in tormentis, beatū esse sapientē. qui claritati, ac potētiae studet, huic præcipitur reges colere: qui molestiam ferre nō potest, huic regiā fugere. Ita homo astutus ex uarijs, diuersisq; modis circulū cogit: et dū studet placere omnibus, maiore discordia secū ipse pugnavit, quā inter se uniuersi. Vnde autē disciplina eius tota descendat, quā originem habeat, explicandū est. Videbat Epicurus bonis aduersa semper accidere, paupertatē, labores, exilia, charorū amissiones: malos contra, beatos esse, augeri potentia, honoribus affici: uidebat innocentia minus tutam, scelera impune cōmitti: uidebat, sine delectu morum, sine ordine, ac discrimine annorum scuire mortē, sed alios ad senectutem peruenire, alios infantes rapi, alios iam robustos interire, alios in primo adolescētiae flore immaturis funibus extingui, in bellis potius meliores et uinci, et perire. maxime autē cōmouebat, homines in primis religiosos grauioribus malis affici: ijs autem, qui aut Deos omnino negligenter, aut nō pie colerent, uel minora incommoda euenire, uel nulla: ipsa etiam sæpe templa fulminibus conflagrare. Quod Lucretius queritur, cum dicit de Deo:

—Tum fulmina mittat: et ædeis  
Ipse suas disturbet: et in desertis recedens,  
Scuiat exercens telum: quod sæpe nocenteis  
Præterit, exanimatq; indignos, inq; merentis.

m s

Quod

Quòd si uel exiguam ueritatis aurã colligere potuisset, nunquã hæc diceret, ædes illum suas disturbare: cum ideo disturbet, quòd nō sunt suæ. Capitoliũ, quod est Romæ urbis, & religionis caput summum, nō semel, sed sæpius fulmine ictam cōflagrauit. Homines autem ingeniosi quid de hoc existimauerint, ex dicto Ciceronis apparet: qui ait, diuinitus extitisse illam flammam, non quæ terrestre illud domicilium Iouis deleret, sed quæ sublimius, magnificentiusq; deposceret. Quæ de re etiam in libris consulatus sui eadem dixit, quæ Lucretius:

Nam pater altitonans stellanti nixus olympo,  
Ipse suas arces, atq; inclyta templa petiuit,  
Et capitolinis iniecit sedibus ignes.

Pertinaci ergo stultitia non modo uim, maiestatemq; ueri Dei non intellexerūt, sed etiam impietate sui erroris auxerunt, qui templum cœlesti iudicio sæpe damnatum restituere cōtra fas omne cōtenderint. Cum hæc igitur cogitaret Epicurus, earũ rerũ uelut iniquitate inductus (sic enim causam, rationemq; ignorantia uidebatur) existimauit nullam esse prouidentia. quod cū sibi persuasisset, suscepit etiam defendendum. sic in errores inextricabiles se ipse cōiecit. Si enim prouidentia nulla est, quomodo tã ordinate, tam disposite mundus effectus est? Nulla, inquit, dispositio est. multa enim facta sunt aliter, quàm fieri debuerūt. & inuenit homo diuinus, quæ reprehederet. Quæ singula si uacaret refellere, facile ostenderẽ, nec sapientẽ hunc fuisse, nec sanum. Item si nulla prouidentia est, quomodo animalium corpora tam prouidẽter ordinata sunt, ut singula quæq; membra mirabili ratione disposita, sua officia cōseruẽt? Nihil, inquit, in procreãdis animalibus prouidentia ratio molita est. nam neq; oculi facti sunt ad uidendũ

uidendum, neq; aures ad audiendum, neque lingua ad loquendum, neq; pedes ad ambulandum: quoniā prius hæc nata sunt, quam esset, loqui, audire, uidere, ambulare. Itaq; non hæc ad usum nata sunt, sed usus ex illis natus est. Si nulla prouidentia est, cur imbres cadunt, fruges oriuntur, arbusta frondescunt? Non, inquit, semper animantiū causa ista fiunt: quoniā prouidentie nihil profunt. sed omnia sua sponte fieri, necesse est. Vnde ergo nascuntur, aut quomodo fiunt omnia, quæ geruntur? Non est, inquit, prouidentie opus. sunt enim semina per inane uolitantia, quibus inter se temere conglobatis, uniuersa gignuntur, atq; concreescunt. Cur igitur illa non sentimus, aut non cernimus? Quia nec colorem habet, inquit, nec calorē ullum, nec odorem: saporis quoq; et humoris expertia sunt, et tam minuta, ut secari, ac diuidi nequeant. Sic eum, quia in principio falsum susceperat, cōsequētium rerū necessitas ad deliramētā perduxit. Vbi enim sunt, aut unde ista corpuscula? Cur illa nemo præter unū Leucippum somnians nit? à quo Democritus eruditus, hereditatem stultitiæ reliquit Epicuro. Quæ si sint corpuscula, et quidem solida, ut dicunt, sub oculos certe uenire possunt. Si eadem est natura omnium, quomodo res uarias efficiunt? Vario, inquit, ordine, ac positione conueniunt, sicut literæ: quæ cum sint paucae, uariæ tamen collatæ, innumerabilia uerba consciunt. At literæ uarias formas habent. Ita, inquit, et hæc ipsa primordia. nam sunt aspera, sunt hamata, sunt leuia. Secari ergo, et diuidi possunt, si aliquid inest illis, quod emineat. Si autem leuia sunt, et humoris indigent, coherere non possunt. Hamata igitur esse oportet, ut possint inuicem concatenari. Cum uerò tam minuta esse dicantur, ut nulla ferri acie disijci ualeant, quomodo ha-

mos



mos, aut angulos habent? Quos quia extant, necesse est posse diuelli. Deinde quo fœdere inter se, qua mente conueniunt, ut ex his aliquid constitutatur? si sensu carent, nec coire tam disposite possunt. quia non potest quicquã rationale perficere nisi ratio. Quàm multis coargui hæc uanitas potest, sed properat oratio.

Hic est ille,

Qui genus humanum ingenio superauit: & omnes  
Restinxit stellas, exortus uti ætherius sol.

Quos equidem uersus nunquam sine risu legere possum. Non enim de Socrate, aut Platone hoc saltē dicebat, qui uelut reges habentur philosophorum: sed de homine, quo sano, & uigente nullus æger ineptius delirauit. Itaque poëta inanißimus leonis laudibus murem nō ornauit, sed obruit, & obtruiuit. At idem nos metu liberat mortis. de qua hæc ipsius uerba sunt expressa. Quando nos sumus, mors non est. quando nos nō sumus, mors est. mors ergo nihil ad nos. Quàm argute nos fefellit. quasi uerò transfacta mors timeatur, quia iam sensus ereptus est, ac non ipsum mori, quo sensus eripitur. Est enim tēpus aliquod, quo & nos iam non sumus, & mors tamen nondum est. idq; ipsum uidetur miserum esse, cum & mors esse incipit, & nos esse desinimus. Nec frustra dictū est: MORS misera nō est: aditus ad mortem est miser: hoc est, morbo tabescere, ictum perpeti, ferrū corpore excipere, ardere igni, dentibus bestiarum laniari: hæc sunt, quæ timentur, non quia mortē afferant, sed quia dolorē magnum. Quæ res potius efficit, ut dolor malū sit. Omnium, inquit, malorū maximū est. Quī ergo non possum non timere, si id, quod mortē antecedit, aut efficit, malū est? Quid quòd totum illud argumentū falsum est? quia non intereunt ani-

ma

me. Vere inquit, nam quod cum corpore nascitur, cum corpore intereat, necesse est. Iā superius dixi, differre me hunc locū melius, et operi ultimo reseruare, ut hāc Epicuri per suasionē, siue illa Democriti, siue Dicæarchi fuit, et argumētis, et diuinis testimonijs redarguā. Verū ille fortasse impunitatē uitij suis spopōdit. fuit enim turpissimæ uoluptatis assertor. cuius capiendæ causa nasci hominē putauit. Quis, cum hoc affirmari audiat, uitij, et sceleribus absteineat? Nam si peritura sunt animæ, appetamus diuitias, ut omnes suauitates capere possimus. quæ si nobis desunt, ab ijs, qui habent, auferamus clam, dolo, ui: eo magis, si humanas res Deus nullus curat, quā docunq; spes impunitatis arriserit, rapiamus, necemus. Sapientis est enim, male facere, si et utile sit, et tutū: quoniā si quis in cælo Deus est, nō irascitur cuiquā. Aequè stulti est, et bene facere: quia sicut ira non cōmouetur, ita nec gratia tangitur. Voluptatibus igitur, quoquo modo possumus, seruauimus. Breui enim tēpore nulli erimus oīno. Ergo nullū diem, nullū deniq; tēporis punctū fluere nobis sine uoluptate patiamur, ne, quia ipsi quādoq; perituri sumus, id ipsum, quod uiximus, pereat. Hoc ille tametsi nō dicit uerbo, re tamen ipsa docet. Nam cum disputat, omnia sapientem sua causa facere, ad utilitatē suam refert omnia, quæ agit. Itaq; qui audit hęc flagitia, nec boni quicquā faciē dum putabit, quoniam bene facere ad utilitatem spectat alienam: nec à scelere abstinentiū, quia maleficio præda cōiuncta est. Archipirata quisquā, uel latronum ductor, si suos ad grassandum cohortetur, quo alio sermone uti potest, quā ut eadē dicat, quæ dicit Epicurus? Deos nihil curare, non ira, non gratia tangi: inferorū poenas non esse metuedas, quòd animæ post mortem occidant, nec ulli

ulli omnino sint inferi: uoluptatem esse maximum bonum: nullam esse humanam societatem: sibi quenq; consulere: neminem esse, qui alterum diligat, nisi sua causa: mortem non esse metuendam forti uiro, nec ullum dolorem, quin, etiam si torqueatur, si uratur, nihil se curare dicat. Est plane, cur quisquam putet hanc uocem uiri esse sapiētis, quæ potest latronibus aptissime commodari?

De Pythagoricorum, & Stoicorum disciplina,  
& morte uoluntaria. CAP. XVIII.

**A**lij autem contraria his dixerunt, superesse animas post mortē. et hi sunt maxime Pythagorici, ac Stoici. quibus etsi ignoscendū est, quia uerū sentiunt: nō possum tamē nō reprehendere eos, quia nō scientia, sed casu inciderunt in ueritatē. itaq; in eo ipso, quod recte sentiebant, aliquid errarunt. Nam cum timerent argumentum illud, quo colligitur, necesse esse, ut occidāt animæ cū corporibus, quia cū corporibus nascuntur: dixerūt non nasci animas, sed insinuari potius in corpora, & de alijs in alia migrare. Non putauerūt aliter fieri posse, ut super sint animæ post corpora, nisi uideātur fuisse ante corpora. Par igitur, ac propē similis error est partis utriusque. Sed hæc in præterito falsa est, illa in futuro. Nemo enim uidit, quod est uerissimū, & nasci animas, et nō occidere: quia, cur id fieret, aut quæ ratio esset, homines nescierūt. Multi ergo ex ijs, quia æternas esse animas suspicabātur, tanquam in cælum migraturi essent, sibi ipsis manus intulerunt, ut Cleanthes, ut Chrysippus, ut Zenon, ut Empedocles, qui se in ardētis Aetnæ specum intempesta nocte deiecit, ut, cū repente non apparuisset, abiisse ad Deos crederetur: & ex Romanis Cato, qui fuit in omni sua uita Socraticæ uanitatis imitator. Nam Democritus in  
alia

alia fuit perſuaſione. Sed tamen Sponte ſua leto caput obuius obtulit ipſe. quo nihil ſcleratiuſ fieri poteſt. Nā ſi homicida, nefariuſ eſt, quia hominiſ extinctor eſt: eidē ſcleri obſtriſtus eſt, qui ſe necat, quia hominem necat. Imō uero maiuſ eſſe id facinuſ exiſtimandū eſt, cuiuſ ultio Deo ſoli ſubiacet. Nā ſicut in hanc uitā non noſtra ſpōte uenimus: ita ruruſ ex hoc domicilio corporiſ, quod tuendū nobiſ aſſignatū eſt, eiūſdē iuſſu nobiſ recedendū eſt, qui noſ in hoc corpus induxit, tā diu habitatuſ, donec iubeat emitti. Et ſi uiſ aliqua inferatur, æqua mēte id ferēdū eſt, cū extincta innocētis anima inulta eſſe nō poſſit, habeamuſq; uindictē magnā, cui ſoli uindicta integra ſemper eſt. Homicidæ igitur illi omneſ philoſophi, et ipſe Romanæ ſapientiæ princepſ Cato: qui antē quā ſe occideret, perlegiſſe Platonis librum dicitur, qui eſt ſcriptuſ de æternitate animarū, et ad ſummū nefuſ philoſophi auctoritate cōpulſuſ eſt. Et hic tamen aliquā moriēdi cauſam uidetur habuiſſe, odiū ſeruitutiſ. Quid Ambracioteſ ille, qui, cum eundē librum perlegiſſet, præcipitem ſe dedit, nullā aliā ob cauſam, niſi quōd Platoni credidit? Execrabilis proruſ, ac fugienda doctrina, ſi abigit homineſ à uitā. Quōd ſi ſciſſet Plato, atq; docuiſſet, à quo, et quomodo, et quibuſ, et quæ ob facta, et quo tēpore immortalitaſ tribuatur, nec Cleombrotū impēgiſſet in mortem uoluntariam, nec Catonem, ſed eoſ ad uitā, et ad iuſtitia potiuſ crudiſſet. Nam Cato uidetur mihi cauſam quæſiſſe moriēdi, non tam ut Cæſarem fugeret, quā ut Stoicorum decretiſ obtemperaret, quos ſectabatur, nonq; ſuum grandi aliquo facinore clarificaret. cui quid mali accidere potuerit, ſi uiueret, non inuenio: C. enim Cæſar, ut clemēſ erat, nihil aliud efficere uolebat, etiam  
in

in ipso belli ciuilis ardore, quàm ut bene mereri de Re-  
 pub. uideretur, duobus optimis ciuibus, Cicerone & Ca-  
 tone, seruatis. Sed redeamus ad eos, qui mortem pro bo-  
 no laudant. De uita quæreris: quasi uixeris, aut unquam  
 tibi ratio constiterit, cur omnino sis natus. Non ne igitur  
 tibi uerus ille, & communis omnium pater Tercetianum  
 illud iure increpauerit? Prius disce, quid sit uiuere. si di-  
 splicebit uita, tum isthoc utitor. Indignaris te malis esse  
 subiectum: quasi quicquam merearis boni, qui patrem, qui  
 dominum, qui regem tuum nescis: qui quauis clarissimam  
 lucem intuearis oculis, mente tamen cæcus es, & in pro-  
 fundis ignorantie tenebris iaces. quæ ignorantia effecit,  
 ut quosdam dicere non puderet, iccirco nos esse natos, ut  
 scelerum poenas lucremus. quo quid delirius dici possit, non  
 inuenio. Vbi enim, uel quæ scelera potuimus admittere,  
 qui omnino non fuimus? Nisi forte credemus inepto illi  
 seni, qui se in priori uita Euphorbum fuisse mentitus est.  
 Hic credo, quod erat ignobili genere natus, familiam sibi  
 ex Homeri carminibus adoptauit. O' miram, & singula-  
 rem Pythagoræ memoriam. O' miseram obliuionem no-  
 strum omnium, qui nesciamus, qui antè fuerimus. Sed for-  
 tasse uel errore aliquo, uel gratia sit effectum, ut ille solus  
 letheum gurgitem non attigerit, nec obliuionis aquam gu-  
 stauerit. uidelicet senex uanus (sicut otiosæ aniculæ so-  
 lent) fabulas tanquam infantibus credulis finxit. Quod si  
 bene sensisset de ijs, quibus hæc locutus est, si homines eos  
 existimasset: nunquã sibi tam petulanter mentiendi licen-  
 tiam uendicasset. sed deridenda hominis leuissima uanitas.  
 Quid Ciceroni faciemus? qui cū in principio consolatio-  
 nis suæ dixisset, luendorum scelerum causa nasci homines:  
 iterauit id ipsum postea, quasi obiurgans eum, qui uitam,  
 poenam

pœnam non esse putet: recte ergo profatus est, errore, ac miserabili ueritatis ignorantia se teneri.

De morte, & anima.

CAP. XIX.

**A**T illi, qui de mortis bono disputant, quia nihil ueri sciunt, sic argumētantur. Si nihil est post mortē, non est malū mors, aufert enim sensum mali. Si autē supersunt animæ, est etiā bonum, quia immortalitas sequitur. Quam sentētiā Cicero de Legibus sic explicauit: Gratulemurq; nobis, quoniā mors aut meliorē, quā qui est in uita, aut certē non deteriorē allatura est statum. Nā sine corpore animo uigente, diuina uita est: sensu carēte, nihil profecto est mali. Argute, ut sibi uidebatur, locutus est, quasi nihil esse aliud possit. Atqui utrūq; hoc falsum est. Docēt enim diuinæ literæ non extingui animas, sed aut pro iustitia premio affici, aut pœna pro sceleribus sempiterna. Nec enim fas est, aut cū, qui sceleratus in uita feliciter fuerit, effugere quod meretur: aut eū qui ob iustitiā miserrimus fuerit, sua mercede fraudari. Quod adeo uerū est, ut idem Tullius in Consolatione, non easdē sedes incolere iustos, atq; impios, prædicauerit. Nec enim omnibus, inquit, ijdē illi sapientes arbitrati sunt eundē cursum in cœlum patere. nā uitijs, & sceleribus contaminatos deprimi in tenebras, atq; in cœno iacere docuerunt: castos autē animos, puros, integros, incorruptos, bonis etiā studijs, atq; artibus expolitos, leui quodā, & facili lapsu ad Deos, id est ad naturā sui similem peruolare. Quæ sentētia superiori illi argumento repugnat. Illud enim sic assumptū est, tanquam necesse sit, omnem hominem natum, immortalitate donari. Quod igitur erit discrimen uirtutis, ac sceleris, si nihil interest, utrum ne Aristides sit aliquis, an Phalaris? utrum Cato, an Catilina? Sed hanc repugnātiā rerū,

sententiarumq; non cernit, nisi qui tenet ueritatem. Siquis igitur nos roget, utrum ne bonū sit mors, an malū: respō debimus, qualitātē eius ex uitæ ratione pendere. Nā sicut uita ipsa bonū est, si cū uirtute uiuatur, malū, si cum sce= lere: sic & mors ex præteritis uitæ actibus ponderanda est. Ita fit, ut si uita in Dei religione trāsacta sit, mors ma= lum nō sit: quia trāslatio est ad immortalitātē. Sin aliter, malū sit, necesse est, quoniā ad æterna (ut dixi) supplicia transmittit. Quid ergo dicemus, nisi errare illos, qui aut mortē appetunt, tanquam bonū, aut uitam fugiūt, tanquā malum? Nisi quod sunt iniquissimi, qui pauciora mala nō cōpensant bonis pluribus. Nam cū omnē uitam per exqui= sitas, & uarias traducant uoluptates, mori cupiūt, siquid forte his amaritudinis superuenit: & sic habent, tanquam illis nunquā fuerit bene, si aliquādo fuerit male. Damnāt igitur uitam omnē, plenamq; nihil aliud, quā malis opi= nantur. Hinc nata est inepta illa sententia, hāc esse mortē, quam nos uitam putemus: illam uitam, quam nos pro mor= te timeamus: ita primum bonum esse, non nasci: secundū, citius mori. Quæ, ut maioris sit autoritatis, Sileno attri= buitur. Cicero sic in Consolatione: Nō nasci, inquit, lon= ge optimum, nec in his scopulos incidere uitæ: Proximū autem, si natus sis, quā primum, tanquam ex incendio effugere fortunæ. Credidisse illum uanissimo dicto exinde apparet, quod adiecit aliquid de suo, ut ornaret. Quæro igitur cui esse optimum putet non nasci, cum sit nullus o= mnino qui sentiat. nā ut bonū sit aliquid, aut malū, sensus efficit. Deinde, cur omnē uitam nihil aliud esse, quā sco= pulos, & incendium putauerit: quasi aut in nostra fuerit potestate, ne nasceremur, aut uitā nobis fortuna tribuat, non Deus, aut uiuendi ratio quicquā simile incendio ha=



bere uideatur. Non diſſimile Platonis illud eſt, quòd aiebat, ſe gratias agere naturæ: Primum, quòd homo natus eſſet potius, quàm mutū animal: Deinde, quòd maſculus potius quàm ſcæmina, quòd Græcus, quàm Barbarus: Poſtremò quòd Athenienſis, & quòd temporibus Socratis. Dici non poteſt quantam mentibus cæcitatem, quantosq; pariat errores ignoſcacio ueritatis. Ego planè cõtēderim, nunquam quicquam dictum eſſe in rebus humanis delirius. Quasi uerò ſi aut barbarus, aut mulier, aut aſinus deniq; natus eſſet, idem ipſe Plato eſſet, ac non ipſum illud, quòd natū fuiſſet. Sed uidelicet Pythagoræ credidit, qui ut uetaret homines animalibus uſci, dixit animas de corporibus in aliorum animalium corpora commicare: quòd & uanum, & impoſſibile eſt: Vanum, quia neceſſe non fuit, ueteres animas in noua corpora inducere, cum idem artifex, qui primas aliquādo fecerat, potuerit ſemper nouas facere: Impoſſibile, quia rectæ rationis animatam immutare naturam ſtatu ſui nō poteſt, quàm ignis aut deorſum niti, aut in tranſuerſum, fluminis modo, flammam ſuam fundere. Exiſtimauit igitur homo ſapiens, potuiſſe fieri, ut anima, quæ tunc erat in Platone, in aliquod mutum animal includeretur, eſſetq; humano ſenſu prædita, ut intelligeret, ac doleret, incongruēti ſe corpore oneratum. Quanto ſanius faceret, ſi gratias agere ſe diceret, quòd ingenioſus, quòd docilis natus eſſet, quòd in ijs opibus, ut liberaliter erudiretur. Nam quòd Atheniſ natus eſt, quid in eo beneficij fuit? An non plurimū extiterunt in alijs ciuitatibus excellenti ingenio, atq; doctrina uiri, qui meliores ſinguli, quàm omnes Athenienſes fuerunt? Quanta hominum millia fuiſſe credamus, qui & Atheniſ nati, & temporibus Socratis, indocti tamen, ac ſtulti fue-

runt? Non enim aut parietes, aut locus in quo quisq; est effusus ex utero, conciliat homini sapientiam. Quid uerò attinuit, Socratis se tēporibus natum gloriari? Num Socrates ingenia discētib; potuit cōmodare? Non uenit in mentē Platoni, Alcibiadē quoq; et Critiam eiusdem Socratis assiduos auditores fuisse: quorū alter hostis patriæ acerrimus fuit, alter crudeliſſimus omnium tyrannorum.

De Socratis disciplina, & dictis. CAP. XX.

**V**ideamus nunc, quid in Socrate ipso tam magnū fuerit, ut homo sapiens merito gratias ageret, illius se tēporibus esse natū. Non inficior, fuisse illum paulò cōdaciorem, quā ceteros qui naturam rerum putauerunt ingenio posse cōprehendi. In quo illos nō excordes tantū fuisse arbitror, sed etiam impios, quod in secreta cœlestis illius prouidentiae, curiosos oculos uoluerint immittere, Romæ, et in plerisq; urbibus scimus esse quædam sacra, quæ aspici à uiris nēfās habeatur. Abſtinent igitur aspectu, quibus cōtaminare illa nō licet; et si forte uel errore, uel casu quispiam uir aspexerit, primo pœna eius, deinde instauratione sacrificij scelus expiatur. Quid his facias, qui inconcessa scrutari uolunt? Nimirū multo sceleratiores, qui arcana mundi, et hoc cœleste templum prophanare impijs disputationibus quærunt, q̄ qui ædem Vesteæ, aut Bonæ deæ, aut Cereris intrauerint. Quæ penetrabilia, quamuis adire uiris nō liceat, tamē à uiris fabricata sunt. Hi uerò non tantū impietatis crimen effugiunt, sed, quod est multo indignius, eloquentiæ famam, et ingenij gloriam cōsequuntur. Quid, si aliquid inuestigare possent? Sunt enim tam stulti in asscuerando, quā improbi in quærendo, cum neq; inuenire quicquam possint, nec defendere, etiam si inuenerint. Nam si uerum, uel fortuito uiderint

viderint, quod sæpius contingit, committunt, ut ab alijs id pro falso refellatur. Non enim descendit aliquis de cœlo, qui sententiā de singulorum opinionibus ferat: quæ propter nemo dubitauerit, eos, qui ista cōquirāt, stultos, ineptos, insanos esse. Aliquid ergo Socrates habuit cordis humani, qui cum intelligeret hæc non posse inueniri, ab eiusmodi quæstionibus se remouit. uereorq; ne in eo solo. Multa enim sunt eius non modo laudē indigna, sed etiam reprehensione dignissima: in quibus fuit suorum similitudo. Ex his unum eligam, quod ab omnibus sit probatum: cœlebre hoc prouerbiū Socrates habuit; Q U O D supra nos, nihil ad nos. Procumbamus igitur in terram, et manus nobis ad præclara opera datas conuertamus in pedes. Nihil ad nos cœlum, ad cuius cōtemplationē sumus excitati, nihil deniq; lux ipsa pertineat. certe uictus nostri causa de cœlo est. Quod si hoc sensit, non esse de rebus cœlestibus disputandum, ne illorū quidem rationem poterat comprehendere, quæ sub pedibus habebat. Quid ergo? num errauit in uerbis? Verisimile non est: sed nimirum id sensit, quod locutus est, religioni minime seruandum: quod si aperte diceret, nemo pateretur. Quis enim nō sentiat, hunc mundum tam mirabili ratione perfectum, aliqua prouidentia gubernari? quandoquidem nihil est quod possit sine ullo moderatore consistere. Sic domus ab habitatore deserta dilabitur: nauis sine gubernatore abit pessum: et corpus relictum ab anima defluit: nedum putemus tantam illam molem aut construī sine artifice, aut stare tādīu sine rectore potuisse. Quod si publicas illas religiones uoluit euertere, non improbo, quin etiam laudabo, si ipse quod est melius inuenerit. Verum idem per canem, et anserem decierabat. O hominem scura

ram (ut ait Zeno Epicureus) incptum, perditū, desperatum, si cauillari uoluit religionem: dementem, si hoc serio fecit, ut animal turpissimum pro Deo haberet. Quis iam superstitiones Aegyptiorum audeat reprehendere, quas Socrates Athenis autoritate confirmauit sua? Illud uerò non ne summæ uanitatis, quò ante mortem familiares suos rogauit, ut Aesculapio gallum, quem uouerat, pro se sacrarent? Timuit uidelicet, ne apud Rhadamanthum recuperatorem, uoti reus fieret ab Aesculapio. Dementissimum hominem putarem, si morbo affectus petisset. Cum uerò hoc sanus fecerit, est ipse insanus, qui cum putet esse sapientem. En, cuius temporibus natum esse se homo sapiens gratulatur.

De Platonis disciplina, & præceptis.

C A P. XXI.

**V**Ideamus tamen, quid illum Socrates docuerit: qui cū totam physicam repudiasset, eò se contulit, ut de uirtute, atq; officio quæreret. itaq; nō dubito, quin auditores suos iustitiæ præceptis crudierit. Docete igitur Socrate, non fugit Platonem, iustitiæ uim in æquitate consistere: siquidē omnes pari conditione nascuntur. Ergo nihil, inquit, priuati, ac proprii habeāt: sed ut pares esse possint, quod iustitiæ ratio desiderat, omnia ī cōmune possideāt. Ferri hoc potest, quandiu de pecunia dici uidetur. Quod ipsum quā impossibile sit, & quā iniustum, poteram multis rebus ostendere. Cōcedamus tamen, ut possit fieri. Omnes enim sapiētes erunt, & pecuniā contemnēt. Quò ergo illum cōmunitas ista perduxit? Matrimonia quoq; inquit, cōmunia esse debebunt: scilicet ut ad eandē mulierem multi uiri, tanquam canes confluant, & is utiq; obtineat, q uiribus uicerit: aut si sapiētes sunt, ut philosophi, expect

expectent, & vicibus tanquam lupanar obeant. O mirā Platonis æquitatē. Vbi est igitur uirtus castitatis? ubi fides coniugalis? quæ si tollas, omnis iustitia sublata est. At idē dixit, beatas ciuitates futuras fuisse, si aut philosophi regnarent, aut reges philosopharētur. Huic uerò tam iusto, tam æquo uiro regnū dares: alijs abstulisset sua, alijs condonasset aliena: prostituisset pudicitiam fœminarū, quæ nullus unquā non modo rex, sed ne tyrannus quidē fecit. Cum uerò intulit rationem turpissimī huius consilij, sic inquit: Ciuitas concors erit, & mutui amoris constrieta uinculis, si omnes omnium fuerint & mariti, & patres, & uxores, & liberi. Quæ ista confusio generis humani est? Quomodo seruari potest charitas, ubi nihil est certū quod ametur? Quis aut uir mulicrē, aut mulier uirum diliget, nisi habitauerint semper unā? nisi deuotamens, & seruata inuicem fides indiuiduam fecerit charitatem? quæ uirtus in illa promiscua uoluptate locum nō habet. Item si omnes omniū liberi sint, quis amare liberos, tanquam suos, poterit, cum suos esse aut ignoret, aut dubitet? quis honorem tanquam patri deferret, cum unde natus sit, nesciat? ex quo fit, ut non tantum alienum pro patre habeat, sed etiam patrē pro alieno. Quid, quod uxor potest esse communis, filius non potest? quem cōcipi non nisi ex uno necesse est. Perit ergo illi uni cōmunitas, ipsa reclamante natura. Superest, ut tantummodo concordie causa uxores uelint esse communes. At nulla uehementior discordiarum causa est, quàm unius fœminæ à multis maribus appetitio. In quo Plato si ratione nō potuit, exemplis certe potuit admoneri & mutorum animalium, quæ ob hoc uel acerrime pugnant: & hominum, qui semper ob eam rem grauissima inter se bella gesserunt.

De Platonis præceptis, iisdemq; reprehensis.

CAP. XXII.

**R**estat, ut cōmunio ista nihil aliud habeat, præter adulteria, & libidines: propter quas funditus erüendas, uirtus est uel maxime necessaria. Itaq; nō inuenit cōcordiā, quā quærebat, quia nō uidebat unde oriatur. Nā iustitia in extrā positis nihil momenti habet, ne in corpore quidem, sed tota in hominis mente uersatur. Qui ergo uult homines adæquare, nō matrimonia, non opes subtrahere debet: sed arrogantiam, superbiam, tumorem, ut illi potentes, & elati pares esse se etiam mendicissimis sciāt. Detracta enim diuitibus insolētia, & iniquitate, nihil intulerit, utrum ne alij diuites, alij pauperes sint, cū animi pares sint, quod efficere nulla res alia præter religionem Dei potest. Putauit igitur se inuenisse iustitiam, cum eam prorsus euerterit: quia non rerum fragilium, sed mētium debet esse communitas. Nam si iustitia uirtutum omnium mater est, cum illæ singulæ tollūtur, ipsa subuertitur. Tulit autem Plato ante omnia frugalitatem, quæ utiq; nulla est, ubi proprii nihil habeatur. Tulit abstinentiam, si quidem nihil fuerit, quod abstinenceatur, alienū. Tulit temperantiam, tulit castitatem, quæ uirtutes in utroq; sexu maximæ sunt. Tulit uerecundiam, pudorem, modestiam, si honesta & legitima esse incipiunt, quæ solent flagitiosa, & turpia iudicari. Sic uirtutem dum uult omnibus dare, omnibus ademit. Nam rerum proprietates, & uitiorū, & uirtutum materiam continet, communitas autem nihil aliud, quàm uitiorum licentiam. Nam uiri, qui multas mulieres habent, nihil aliud dici possunt, quàm luxuriosi, ac nepotes. Item mulieres, quæ à multis habentur, non utique adulteræ, quia certum matrimonium nullum est

est: sed prostitutæ, ac meretrices sint necesse est. Redegit ergo humanam uitam ad similitudinem nō dico mutorū, sed pecudum, ac belluarum. Nam uolucres penè omnes faciunt matrimonia, & paria iungunt: & nidos suos tanquam genitales toros concordī mente defendunt: & fœtus suos, quia certi sunt, amāt: & si alienos obieceris, abigunt. At homo sapiens contra morem hominum, contraq; naturā, stultiora sibi, quæ imitaretur, elegit. Et quoniam uidebat in cæteris animalibus officia marium, & minarumq; nō esse diuisa, existimauit oportere etiā mulieres militare, & cōsilijs publicis interesse, & magistratus gerere, & imperia suscipere. itaq; his arma, & equos assignauit. cōsequens est, ut et lanā, & telam uiris, & infantium gestationes. Nec uidit impossibilia esse, quæ diceret: ex eo, quòd adhuc in orbe terræ neq; tam stulta, neq; tam sapiens nulla gens extiterit, quæ hoc modo uiueret.

De erroribus quorundam philosophorum:

deq; Sole & Luna.

CAP. XXIII.

Cum igitur in tanta uanitate ipsi philosophorū principes deprehendātur: quid illos minores putabimus, qui nunquam sibi tam sapientes uideri solent, quàm cum pecuniæ contemptu gloriātur? Fortis animus. Sed expecto quid faciant: & quò ille contemptus cuadat. Tradita sibi à parentibus patrimonia, tanquā malum fugiunt, ac deserunt. Et ne in tempestate naufragium faciant, in tranquillo se ultro præcipitant: non uirtute, sed peruerso metu fortes: sicut illi, qui, cum timent ne ab hoste iugulentur, ipsi se iugulant, ut mortē morte deuitent. Sic isti, unde putant gloriam liberalitatis acquirere, sine honore, sine gratia perdunt. Laudatur Democritus, quòd a gros suos reliquerit: eosq; pascua publica fieri passus sit. Pro-



barē, si donasset. Nihil autē sapiēter fit, quod si ab omnibus fiat, inutile est, ac malum. Sed hæc negligentia tolerabilis. Quid ille, qui patrimoniū in numos redactum effudit in mare? Ego dubito utrum ne sanus, an demēs fuerit. Abite, inquit, in profundū malæ cupiditates, ego uos mergam, ne ipse mergar à uobis. Si tantus pecuniæ contēptus est, fac illam beneficiū, fac humanitatem, largire pauperibus. potest hoc, quod perditurus es, multis succurrere, ne fame, aut siti, aut nuditate moriantur. Imitare insaniā saltem, furorēq; Tuditani, sparge populo diripienda. Potes et pecuniam effugere, et tamen bene collocare, quia saluum est quicquid pluribus profuit. Zenonis autem paria peccata quis probat? Sed omittamus id, quod est ab omnibus semper irrisum. Illud satis est ad coarguendū furiosū hominis errorē, quod inter uitia, et morbos, misericordiā ponit. Adimūt nobis affectū, quo ratio humanæ uitæ penē omnis continetur. Cū enim natura hominis imbecillior sit, quàm cæterorū animalium, quæ uel ad perferendam uim temporum, uel ad incursiones à suis corporibus arcendas, naturalibus munimentis prouidentia cœlestis armauit: homini autē quia nihil istorum datū est, accepit pro istis omnibus miserationis affectum, qui plane uocatur humanitas, qua nosmet inuicē tueremur. Nā si homo ad conspectum alterius hominis efferaretur, quod facere uidemus animantes, quarū natura soliuaga est, nulla esset hominum societas, nulla urbium condendarum uel cura, uel ratio. sic neq; uita quidem satis tuta, cum et cæteris animalibus exposita esset imbecillitas hominum, et ipsi inter semetipsos belluarum more seuirent. Non minor in alijs dementia. Quid enim dici potest de illo, qui nigram dixit esse niuem? quàm consequens erat, ut etiā picem al-

bam

bam esse diceret. Hic est ille, qui se iccirco natum esse dicebat, ut cœlum, ac solcm uideret, qui in terra nihil uidebat sole lucente. Xenophanes dicentibus mathematicis orbē lunæ duodeciginti partibus maiore esse, quàm terrā, stultissime credidit. & quod huic leuitati fuit consentaneum, dixit, intra concauum lunæ sinum esse aliam terram, & ibi aliud genus hominum simili modo uiuere, quo nos in hac terra uiuimus. Habent igitur illi lunatici homines alteram lunam, quæ illis nocturnū lumen exhibeat, sicut hæc exhibet nobis. Et fortasse noster hic orbis alterius inferioris terræ luna sit. Fuisse Seneca inter Stoicos ait, qui deliberaret utrum ne Soli quoq; suos populos daret: inepte scilicet qui dubitauerit. Quid enim perderet, si dedisset? Sed, credo, calor deterrebat, ne tantam multitudinem periculo committeret, ne si æstu nimio periissent, ipsius culpa euenisse tanta calamitas diceretur.

De Antipodibus, & cœlo, & syderibus.

CAP. XXIIII.

**Q**uid illi, qui esse contrarios uestigijs nostris antipodas putant, num aliquid loquuntur? aut est quisquam tam ineptus, qui credat esse homines, quorum uestigia sint superiora, quàm capita? aut ibi quæ apud nos iacent, uniuersa pendere? fruges, & arbores deorsum uersus crescere? pluuias & niues, & grandinem sursum uersus cadere in terram? Et miratur aliquis hortos pensiles inter septem mira narrari, cum philosophi & agros, & maria, & urbes, & montes pensiles faciant? Huius quoq; erroris aperienda nobis origo est. Nam semper eodem modo falluntur. Cum enim falsum aliquid in principio sumpserint, uerisimilitudine inducti, necesse est, eos in ea, quæ consequuntur, incurrere. Sic incidunt in multa ridicula

cula, quia necesse est falsa esse, quæ rebus falsis cōgruunt. Cum autem primis habuerint fidem: qualia sunt ea, quæ sequuntur, non circumspectiunt, sed defendunt omni modo: cum debeant prima illa, utrum ne uera sint, an falsa, ex cōsequētibus iudicare. Quæ igitur illos ad antipodas ratio perduxit? Videbant syderum cursus in occasum meatium: solem, atq; lunam in eandem partem semper occidere, atq; oriri semper ab eadem. Cum autem non perspicerent, quæ machinatio cursus eorum temperaret: nec quomodo ab occasu ad orientem remearent, cœlum autem ipsum in omnes partes putarent esse decursum: quod sic uideri, propter immensam latitudinem necesse est: existimauerunt, rotundum esse mundum, sicut pilam, & ex motu syderū opinati sunt, cœlum uolui: sic astra, solemq; cum occiderint, uolubilitate ipsa mundi ad ortum referri. Itaq; & ærcos orbis fabricati sunt, quasi ad figuram mundi, eosq; cēlarunt portentosis quibusdam simulachris, quæ astra esse dicerent. Hanc igitur cœli rotunditatem illud sequebatur, ut terra in medio sinu eius esset conclusa. Quod si ita esset, etiam ipsam terram globo similem. neq; enim fieri posset, ut non esset rotundum, quod rotundo conclusum teneretur. Si autem rotunda etiam terra esset, necesse esse, ut in omnes cœli partes eandem faciem gerat, id est, montes erigat, campos tendat, maria consternat. Quod si esset, etiam sequebatur illud extremum, ut nulla sit pars terræ, quæ non ab hominibus, cæterisq; animalibus incolatur. Sic pendulos istos antipodas cœli rotunditas adinuenit. Quod si quæras ab ijs, qui hæc portenta defendunt, quomodo non cadunt omnia in inferiorem illam cœli partem: respondent, hanc rerum esse naturam, ut pondera in medium ferantur, &

ad med

ad medium connexa sint omnia, sicut radios uidemus in rota: quæ autē leuia sunt, ut nebula, fumus, ignis, à medio differantur, ut cœlū petant. Quid dicā de ijs nescio, qui, cū semel aberrauerint, cōstanter in stultitia perseuerant, & uanis uana defendūt, nisi quòd cos interdū puto aut ioci causa philosophari, aut prudentes, & scios mēdacia defendenda suscipere, quasi ut ingenia sua in malis rebus exerceant, uel ostentent. At ego multis argumentis probare possem, nullo modo fieri posse, ut cælum terra sit inferius, nisi et liber iam concludendus esset, & adhuc aliqua restarent, quæ magis sunt præsenti operi necessaria: & quoniam singulorum errores percurrere non est unius libri opus, satis sit pauca enumerasse, ex quibus possit, qualia sint cætera, intelligi.

De Philosophia, & gradibus ad illam.

C A P. XXV.

Nunc pauca nobis de Philosophia in cōmuni dicēda sunt, ut cōfirmata causa peroremus. Summus ille noster Platonis imitator existimauit Philosophiam nō esse uulgare, q̄ eā nō nisi docti homines assequi possent. Est, inquit, Philosophia paucis cōtēta iudiciis, multitudinē cōsulito ipsa fugiens. Nō est ergo sapientia, si ab hominū cœtu abhorret. quoniā si sapiētia homini data est, sine ullo discrimine oībus data est, ut nemo sit prorsus, qui eā capere nō possit. At illi uirtutē humano generi datā sic amplexatur, ut soli omniū publico bono frui uelle uideatur, tā inuidi, quā si uelint deligare oculos, aut effodere cæteris, ne solē uideant. Nā quid est aliud hominibus negare sapientiā, quā mētibus eorū uerum, ac diuinū lumen auferre? quòd si natura hominis sapiētiae capax est, oportuit opifices, & rusticos, & mulicres, & omnes deniq; qui

qui humanā formā gerunt, doceri, ut sapiant, populumq; ex omni lingua, & conditione, & sexu, & ætate cōflari. Maximū itaq; argumētū est, philosophiā neq; ad sapientiā tendere, neq; ipsam esse sapientiā, quod mysteriū eius barba tantū celebratur, et pallio. Senserūt hoc adeò Stoici, qui & seruis, & mulieribus philosophandū esse dixerunt: Epicūrus quoq;, qui rudes omniū literarū ad philosophiam inuitat: item Plato, qui ciuitatē de sapiētibus uoluit cōponere. Conati quidē illi sunt facere, quod ueritas exigebat, sed nō potuit ultra uerba procedi. Primū, quia multis artibus opus est, ut ad philosophiā possit accedi. Discēda istæ cōmunes literæ, propter usum legēdi: quia in tanta rerū uarietate, nec disci audiēdo possunt omnia, nec memoria cōtineri. Grāmaticis quoq; nō parū operæ dandū est, ut rectam loquēdi rationē scias. Ad multos annos auferat necesse est. Nec oratoria quidem ignoranda est, ut ea, quæ didiceris, proferre, atq; eloqui possis. Geometria quoq;, ac musica, & astrologia necessaria est, q̃ hæ artes cū philosophia habēt aliquā societātē. quæ uni uersa perdiscere neq; fœminæ possunt, quibus intra pueres annos officia mox usibus domesticis p̃futura discēda sunt: neq; serui, quibus per eos annos uel maxime seruiēdū est, q̃bus possunt discere: neq; pauperes, aut opifices, aut rustici, quibus in dicm uictus labore est quærēdus. Ob eā causā Tullius ait, abhorrere à multitudine philosophiā. At enim rudes Epicurus accipiet. Quomodo ergo illa, quæ de principijs rerum dicuntur, intelligent? quæ perplexa, & inuoluta, uix etiam politi homines assequuntur. In rebus igitur obscuritate implicitis, et ingeniorum uarietate confusis, & eloquentium uirorum exquisito sermone fucatis, quis imperito, ac rudi locus est? De-

niq;

nique nullas unquam mulieres philosophari docuerunt, præter unam ex omni memoria Themistē: neque seruos, præter unum Phædonem, quem male seruientem redemisse ac docuisse Cebetem tradunt. Enumerant etiam Platonem, ac Diogenem: qui tamen serui non fuerunt: sed his scruius euenerat: sunt enim capti. Platonem quidem redemisse Aniceris quidam traditur H. S. V I I I. itaque insectatus est conuitijs redemptorem Seneca, quòd paruo Platonem æstimauerit. furiosus, ut mihi quidem uidetur, qui homini fuerit iratus, quòd non multum pecuniæ perdidit. scilicet aurum pendere debuit, tanquam pro mortuo Hectore: aut tantum ingerere numorum, quantum uenditor non poposcit. Ex Barbaris uero nullum, præter unum Anacharsim Scytham: qui Philosophiam ne somniasset quidem, nisi et linguam, et Græcas literas antè didicisset.

De Dei doctrina, & Philosophiæ

difficultate.

C A P. XXXVI.

**Q**uod ergo illi poscente natura faciendum esse senserunt, sed tamen neque ipsi facere potuerunt, neque à Philosophis fieri posse uiderūt: sola hæc efficit doctrina celestis, quia sola sapientia est. Illi scilicet persuadere cuiquā potuerūt, qui nihil persuadēt etiā sibi: aut cuiusquam cupiditates opprimēt, iram tēperabunt, libidinem coercēbūt: cū ipsi et cedant uitijs, et fāteantur plus ualere naturam. Dei autem præcepta, quia et simplicia, et uera sunt, quantū ualeant in animis hominum, quotidiana experimenta demonstrāt. Da mihi uirum qui sit iracundus, maledicus, effrænatus: paucissimis Dei uerbis tam placidum, quā ouē, reddā. Da cupidū, auarum, tenacē, iam tibi cum liberalem dabo, et pecuniam suam plenis manib

manibus largientem. Da timidum doloris, ac mortis: iam cruces, & ignes, & Phalaridis taurū contemnet. Da libidinosum, adulterū, ganeonē: iam sobriū, castum, continentem uidebis. Da crudelē, & sanguinis appetentē: iam in ueram clementiā furor ille mutabitur. Da iniustū, insipientē, peccatorē: continuo & æquus, & prudens, & innocēs erit. Vno enim lauacro malitia omnis abolebitur. Tāta diuinæ sapiētiæ uis est, ut in hominis pectus infusa, matrē delictorum stultitiā uno semel impetu expellat. ad quod efficiendū, non mercede, non libris, non lucubrationibus opus est. Gratis ista fiunt, facile, cito: modo pateant aures, & pectus sapiētiā sitiat. Nemo uereatur nos. aquā nō uendimus, nec solē mercede præstamus. Dei fons uberrimus, atq; plenissimus patet cunctis: & hoc cœleste lumen uniuersis oritur, quicūq; oculos habet. Nū quis hæc Philosophorū aut unquam præstitit, aut præstare, si uelit, potest? Qui cum ætates suas in studio Philosophiæ cōterant, neq; alium quenquam, neq; seipsos (si natura paululum obstitit) possunt facere meliores. Itaq; sapiētiā eorū, ut plurimū efficiat, nō excindit uitia, sed abscondit. Pauca uero Dei præcepta sic totū hominē immutāt, & exposito uetere nouū reddunt, ut non cognoscas eundem esse.

De Philosophorum præceptis, &

eorum uarietate.

CAP. XXVII.

**Q**uid ergo? nihil ne illi simile præcipiunt? Imò per multa; & ad uerum frequenter accedunt. sed nihil ponderis habet illa præcepta, quia sunt humana, & auctoritate maiori, id est diuina illa caret. Nemo igitur credit, quia tam se hominē putat esse, qui audit, quā est ille, qui præcipit. Præterea nihil apud eos certi est, nihil, quod à scientia ueniat. Sed cum omnia coniecturis agatur, multa  
ctiam



etiam diuersa, et uaria proferatur: stultissimi est hominis, præceptis corū uelle parere: quæ utrū uera sint, an falsa, dubitatur: & idco nemo paret, quia nemo uult ad incertū laborare. Virtutem esse, Stoici aiunt, quæ sola efficiat uitam beatā. Nihil potest uerius dici. Sed quid si cruciabitur, aut dolore afficitur? Poterit ne quisquam inter carnifices beatus esse? Imò uero illatus corpori dolor, materiā uirtutis est. itaq; ne in tormētis quidē miser est. Epicurus multo fortius, Sapiēs, inquit, semper beatus est: & uel inclusus in Phalaridis tauro hanc uocē emittet: *Suaue est, & nihil curo. Quis eū nō irriserit?* Maxime, quod homo uoluptarius personam sibi uiri fortis imposuit, & quidem supra modū. Non enim fieri potest, ut quisquā cruciatus corporis pro uoluptatibus ducat, cum satis sit, ad officiū uirtutis implēdū perferre, ac sustinere. Quid dicitis Stoici? Quid tu Epicure? Beatus est sapiēs, etiā cū torquetur. Si propter gloriā, patientia nō fructur. in tormētis enim fortasse morietur. Si propter memoriā, aut non sentiet, si occidunt animæ: aut si sentiet, nihil ex ea consequetur. Quis ergo alius fructus est in uirtute? quæ beatitudo uitæ? ut equo animo moriatur? Bonum mihi affertis unius horæ, aut fortasse momenti, propter quod nō expediat in tota uita miserijs, & laboribus confici. Quantum autem temporis mors occupat? quæ cum uenit, utrum equo animo, an iniquo eam subieris, iam nihil refert. Ita fit, ut nihil aliud ex uirtute capteretur nisi gloria. Sed hæc aut superuacua, & breuis est, aut prauis hominum iudicijs non sequenda. Nullus igitur ex uirtute fructus est, ubi uirtus mortalis est, & caduca. Itaque qui hæc locuti sunt, umbram quandam uirtutis uiderunt, ipsam uirtutem non uiderunt. Defixi enim fuerunt in terram, nec uultus suos in

altum erigebāt, ut eam possent intueri, quæ sese cæli regionibus ostentabat. Hæc causa est, cur præceptis eorum nullus obtemperet: quoniã aut ad uitia erudiunt, si uoluptatē defendunt; aut, si uirtutē asserunt, neq; peccato peccant minantur, nisi solius turpitudinis: neq; uirtute ullum præmium pollicentur, nisi solius honestatis, & laudis: cū dicant, non propter aliud, sed propter seipsam expetendam esse uirtutem. Beatus est igitur sapiens in tormentis: sed cum torquetur pro fide, pro iustitia, pro Deo, illa patientia doloris beatissimū faciet. Est enim Deus, qui solus potest honorare uirtutem, cuius merces immortalitas sola est. quam qui non appetūt, nec religionē tenent, cui æterna subiacet uita, profecto neq; uirtutis uim sciunt, cuius præmium ignorant, neq; in cælum spectant, quod ipsi se facere putant, cum res non inuestigabiles quærunt: quia ratio in cælum spectandi nulla alia est, nisi aut religionem suscipere, aut animam suam immortalem esse credere. Quisquis enim aut Deum colendum esse intelligit, aut immortalitatis spem sibi propositā habet, mens eius in cælo est: & licet id non aspiciat oculis, animæ tamen lumine aspicit. Qui autē religionem non suscipiunt, terreni sunt, quia religio de cælo est. & qui animam putant cum corpore interire, æque in terrā spectant, quia ultra corpus, quod est terra, nihil amplius uident, quod sit immortale. Nihil igitur prodest, hominē ita esse fictum, ut recto corpore spectet in cælum, nisi erecta mente Deum cernat, & cogitatio eius in spe uitæ perpetua tota uersetur.

De uera Religione, Natura, Fortuna, & Philosophia.

CAP. XXVIII.

**Q**uapropter nihil aliud est in uita, quo ratio, quo conditio nostra nitatur, nisi Dei, qui nos genuit, agnitio

agnitio, & religiosus, ac pius cultus. unde quoniā philosophi aberrauerunt, sapientes utiq; non fuerunt. Quæsierunt illi quidem sapientiam: sed quia non ritè quærebāt, prolapsi sunt longius, & in tantos errores inciderunt, ut etiam cōmunem sapientiam non tenerent. Nō enim tantū religionem asserere noluerunt, uerum etiam sustulerunt, dum specie uirtutis falsæ inducti, conantur animos omni metu liberare. quæ religionis euersio, naturæ nomen inuenit. Illi enim, cū aut ignorarent, à quo esset effectus mundus, aut persuadere uellent, nihil esse diuina mente perfectum, naturam esse dixerunt rerum omnium matrē, quasi dicerent, omnia sua sponte esse natā: quo uerbo planè imprudentiam suam cōfitentur. Natura enim, remota prouidentia & potestate diuina, prorsus nihil est. Quòd si Deum naturā uocat, quæ peruersitas est, naturā potius quàm Deum nominare? Si autē natura ratio est, uel necessitas, uel conditio nascendi, non est per seipsam sensibilis: quia necesse est, mentem esse diuinam, quæ sua prouidentia nascendi principium rebus omnibus præbeat. Aut si natura est cælum, atque terra, & onne quod natum est, non est Deus natura, sed Dei opus. Non dissimili errore credunt esse fortunam, quasi deam quandam res humanas uarijs casibus illudentem, quia nesciunt, unde sibi bona, & mala eueniant. Cum hac se compositos ad præliandum putant, nec ullam tamen rationem reddunt, à quo, & quam ob causam, sed tantum cum fortuna se digladiari momentis omnibus gloriātur. Iam quicumq; aliquos consolati sunt ob interitum, amissionemq; charorū, fortunæ nomē acerrimis accusationibus prosciderunt: nec omnino ulla eorum disputatio de uirtute est, in qua nō fortuna uexetur. M. Tullius in sua Cōsolatione pugnasse se semper cōtra

o 2 fortun

fortunam loquitur, eamq; à se esse superatam, cū fortiter inimicorum impetus retudisset, ne tum quidem se ab ea fractum, cum domo pulsus patria caruit. tum autem, cum amiserit charissimam filiam, uictum se à fortuna turpiter confitetur. Cedo, inquit, en manum tollo. Quid hoc homi ne miseriùs, qui sic iaceat? Insuper, inquis, sed qui profitetur se esse sapientem. Quid ergo sibi uult assumptio nominis? Quid contemptus ille rerum, qui magnificis uerbis prætenditur? Quid dispar cæteris habitus? Aut cur omnino præcepta sapiëntiæ dantur, si nemo, qui sapiat, adhuc inuentus est? Et quisquam nobis inuidiam facit, quia philosophos negamus esse sapiētes? cum ipsi nec scire se quicquam, nec sapere fateantur. Nam si quando ita defecerint, ut ne effingere quidem quicquam possint, quod faciunt in rebus cæteris: tum uerò ignorantiae admonentur, et quasi furibundi exiliunt, et exclamant, se cæcos esse, et excordes. Anaxagoras pronūciat, circumfusa esse te nebris omnia. Empedocles angustas esse sensuum semitas queritur, tanquā illi ad cogitandum rheda, et quadrigis opus esset. Democritus quasi in puteo quodā sic alto, ut fundus sit nullus, ueritatem iacere demersam: nimirū stulte, ut cætera. Nō enim tanquam in puteo demersa est ueritas, quò uel descendere, uel etiam cadere illi licebat, sed tanquā in summo montis excelsi uertice, uel potius in cœlo, quod est uerissimum. Quid enim est, cur eam potius inimum depressam diceret, quàm in summum leuatam? nisi forte mentem quoq; in pedibus, aut in imis calcibus constitutere malebat potius, quàm in pectore, aut in capite. Adeo remotissimi fuerunt ab ipsa ueritate, ut eos ne status quidem sui corporis admoneret, ueritatem in summo illis esse quærendā. Ex hac desperatione confessio illa So  
cratis

eratis nata est, qua se nihil scire dixit, nisi hoc unū, quòd nihil sciat. Hinc academiæ disciplina manauit: si tamen disciplina dici potest, in qua ignoratio et discitur, et docetur. Sed ne illi quidem, qui scientiam sibi assumpserūt, id ipsum, quod se scire putabant, cōstanter defendere potuerunt. Qui, quoniam ratio illis non quadrabat, per ignorantiam rerum diuinarum tam uarij, tam incerti fuerunt, sibiq; sæpe contraria differentes, ut quid sentirent, quid uellent, satis statuere, ac dijudicare non possis. Quid igitur pugnes aduersus homines eos, qui suo sibi gladio percunt? Quid labores, ut eos destruas, quos sua ipsos destruit, atq; affligit oratio? Aristoteles, inquit Cicero, ueteres philosophos accusans, ait eos aut stultissimos, aut gloriosissimos fuisse, qui existimassent philosophiā suis ingenijs esse perfectam: sed se uidere, quòd paucis annis magna accessio facta esset, breui tempore philosophiam plane absolutam fore. Quod igitur fuit illud tempus? quo in ore? quando est, aut à quibus absoluta? Nam quòd ait stultissimos fuisse, qui putassent ingenijs suis perfectam esse sapientiam, ucrum est: sed ne ipse quidem satis prudenter, qui aut à ueteribus cœptam, aut à nouis auctam, aut mox à posterioribus perfectum iri putauit. nunquam enim potest inuestigari, quod nō per uiam suā queritur.

De Fortuna, & Virtute.

CAP. XXIX.

SED repetamus id, quod omisimus. Fortuna ergo per se nihil est: nec sic habendū est, tanquā sit in aliquo sensu. Siquidem fortuna est accidentium rerum subitus, atq; inopinatus euentus. Verum philosophi, ne aliquando nō errent, in re stulta uolunt esse sapientes, qui fortunæ sexū mutant, eamq; non Deam sicut uulgus, sed Deum esse dicunt: Eundem tamen interdum naturam, interdum fortu-

nam uocant, quòd multa, inquit idem Cicero, efficiat inopinata nobis propter obscuritatē, ignorationemq; causarum. Cum igitur causas ignorent, propter quas fiat aliquid, et ipsum, qui faciat, ignorent, necesse est. Idem in opere ualde serio, in quo praecepta uitae depròpta ex philosophia filio dabat, magnam, inquit, esse fortunae uim in utranq; partem, quis nesciat? Nam et cū prospero flatu eius utimur, ad exitus peruenimus optatos, et cū reflaue rit, affligimur. Primum, qui negat sciri posse quicquā, sic hoc dixit, tanquam et ipse, et omnes sciant. Deinde, qui, etiam quae clara sunt, dubia conatur efficere, hoc putauit esse clarum, quod illi esse debuit uel maxime dubium. nam sapienti omnino falsum est. Quis, inquit, nescit? Ego uerò nescio. Doceat me (si potest) quae sit illa uis, qui status iste, et qui reflatus. Turpe igitur est, hominem ingeniosum dicere id, quod si neget, probare non possit. Postremo, quòd is, qui dicit, assensus esse retinendos, quòd stulti sit hominis, rebus incognitis temere assentiri: is inquam plane uulgi, et imperitorū opinionibus credidit, qui fortunam putant esse, quae hominibus tribuat bona, et mala. nam simulachrum eius cum copia, et gubernaculo fingunt, tanquam haec et opes tribuat, et humanarum rerum regimen obtineat. Cui opinioni et Vergilius assentit, qui fortunam omnipotentem uocat: et historicus, qui ait: Sed profecto fortuna in omni re dominatur. Quid ergo ceteris Dijs loci superest? Cur nō aut ipsa regnare dicitur, si plus potest, aut sola colitur, si omnia? Vel, si tantum mala immittit, aliquid causae prostrāt, cur, si dea sit, hominibus inuideat, eosq; perditos cupiat, cū ab his religiosè colatur: cur aequior sit malis, iniquior autē bonis: cur insidietur, affligat, decipiat, et exterminet: quis illā

generis

generis hominum uexatricem perpetuam cōstituerit: cur denique tam malam sortita sit potestatem, ut res cunctas ex libidine magis, quàm ex uero celebret, obscuret'que. Hæc inquam philosophos inquirere oportuit potius, quàm temere innocentē accusare fortunam: quæ etiam si sit aliqua, nihil tamē afferri ab his potest, cur hominibus tam inimica sit, quàm putatur. Itaq; illæ omnes orationes, quibus iniquitatem fortunæ lacerant, suasq; uirtutes contra fortunam superbiſſime iactant, nihil aliud sunt, quàm deliramenta incōſyderatæ leuitatis. Quare non inuideāt nobis, quibus aperuit ueritatē Deus: qui sicut ſcimus, nihil eſſe fortunam: ita ſcimus eſſe prauum, ac ſubdolum ſpīritum, qui ſit inimicus bonis, hostisq; iuſtitie, qui cōtraria faciat, quàm Deus. cuius inuidiæ cauſam in ſecundo libro explicauimus. Hic ergo inſidiatur uniuerſis: ſed eos, qui neſciunt Deū, errore impedit, ſtultitia obruit, tenebris circumfudit, nequis poſſit ad diuini nominis peruenire notitiam: in quo uno & ſapientia cōtinetur, & uita perpetua. Eos autē, qui deū ſciunt, dolis, & aſtutia aggreſſitur, ut cupiditate, ac libidine irretiat, ac peccati blādimentis deprauatos, impellat ad mortē: uel ſi dolo nihil profecerit, ui & uiolentia deiicere conatur. Idcirco enim in primordijs tranſgreſſionis nō ſtatim ad pœnam detrusus à Deo eſt, ut hominē malitia ſua exerceat ad uirtutē. quæ niſi agitetur, ni aſſidua uexatione roboretur, nō poſteſt eſſe perfectæ. ſiquidē uirtus eſt perſerēdorum malorū fortis, ac inuicta patientia. Ex quo fit, ut uirtus nulla ſit, ſi aduerſarius deſit. Huius itaq; peruerſæ poteſtatis cū uim ſentirēt uirtuti repugnantē, nomenq; ignorarent, fortuna uocabulum ſibi inane finxerunt. Quod quàm longe à ſapientia ſit remotum, declarat Iuuenalis his uerſibus:

• • • Nullum



Nullum numen abest, si sit prudentia: sed nos

Te facimus Fortuna deam, cœloq; locamus.

Stultitia igitur, & error, & cæcitas, & (ut Cicero ait) ignorantia rerum, atq; causarum, Naturæ, ac Fortunæ nomina induxit. Sed ut aduersarium suum nesciunt, sic nec uirtutem quidem sciunt, cuius scientia ab aduersarij notatione descendit. Quæ si coniuncta est cum sapientia, uel (ut ipsi dicunt) eadem ipsa sapientia est: ignorent necesse est, in quibus rebus sita sit. Nemo enim potest ueris armis instrui, si hostem, cōtra quem fuerit armandus, ignorat: nec aduersarium uincere, qui in dimicando non hostem uerum, sed umbram petit. Prosterneatur enim, qui aliò intentus, uenientem uitalibus suis ictum nec præuiderit antè, nec cauerit.

De Dei uerì cognitione, & ea sapientia.

C A P.

X X X.

**D**Ocui, quātum mea mediocritas tulit, longe deuium philosophos iter à ueritate tenuisse. Scio tamen, quā multa præterierim, quia nō erat mihi propria cōtra philosophos disputatio. Sed huc necessario diuertendum fuit, ut ostenderem, tot, & tanta ingenia in rebus falsis esse consumpta, ne quis forte à prauis religionibus exclusus, ad eos se conferre uellet, tanquam certi aliquid reperturus. Vna igitur spes homini, una salus in hac doctrina, quam defendimus, posita est. Omnis sapientia hominis in hoc uno est, ut Deū cognoscat, & colat. hoc nostrum dogma, hæc sententia est. Quanta itaq; uoce possum testificor, proclamo, denuntio. Hoc est illud, quod philosophi omnes in tota sua uita quæsierunt, nec unquā tamen inuestigare, comprehendere, tenere ualuerūt, quia religionem aut prauam tenuerunt, aut totam penitus sustulerunt

*stulerunt. Faceffant igitur illi omnes, qui humanam ui-*  
*tam non inſtruunt, ſed turbant. Quid enim docent? aut*  
*quem inſtruunt, qui ſciſſos nondum inſtruxerunt? Quem*  
*ſanare ægroti, quem regere cæci poſſunt? Huc ergo nos*  
*omnes, quibus eſt cura ſapientiæ, cõferamus. An expecta-*  
*bimus donec Socrates aliquid ſciat? aut Anaxagoras in*  
*tenebris lumen inueniat? aut Democritus ueritatẽ de pu-*  
*teo extrahat? Aut Empedocles dilatet animi ſui ſemitas?*  
*aut Arceſilas, & Carneades uideãt, ſentiant, percipiãt?*  
*Ecce uox de cælo ueritatem docẽs, & nobis ſole ipſo cla-*  
*rius lumen oſtendẽs. Quid nobis iniqui ſumus? & ſapiẽ-*  
*tiam ſuſcipere cunctamur? quam docti homines contritis*  
*in quærendo ætatibus ſuis, nunquã reperire potuerunt.*  
*Qui uult ſapiens, ac beatus eſſe, audiat Dei uocem, diſcat*  
*iuſtitiam, ſacramentũ natiuitatis ſuæ norit, humana con-*  
*temnat, diuina ſuſcipiat, ut ſummũ illud bonum, ad quod*  
*natus eſt, poſſit adipiſci, diſſolutis religionibus uniuerſis,*  
*& omnibus quæcunq; in earum deſenſionem dici uel ſo-*  
*lebant, uel poterant, reſutatis: deinde conuiſtis philoſo-*  
*phiæ diſciplinis, ad ueram nobis religionẽ ſapientiamq;*  
*ueniendum eſt: quoniam eſt (ut docebo) utrunq; coniu-*  
*ctum, ut eam uel argumẽtis, uel exemplis, uel idoneis te-*  
*ſtibus aſſeramus, & ſtultitiam, quam nobis iſti Deorum*  
*cultores obiectare non deſinunt, ut nullam penes nos, ſic*  
*totam penes ipſos eſſe doceamus. Et quãquã prioribus*  
*libris, cum falſas arguerem religiones, & hic, cum*  
*falſam ſapientiam tollerem, ubi ueritas ſit*  
*oſtenderim: planius tamẽ, quæ reli-*  
*gio, & quæ ſapientia uera*  
*ſit, liber proximus*  
*indicabit.*

## LACTANTII FIR

MIANI DIVINARVM IN=

*stitutionum aduersus Gentes, liber Quarta=*  
*tus: in quo docetur quæ religio,*  
*et quæ sapientia*  
*uera sit.*

De priore religione, & defectione à Deo,  
 & septem sapientibus.

CAP. I.



COGITANTI mihi Constantine Imper. et cum animo meo sæpe reputanti priorem illum generis humani statum, et mirum pariter, et indignum uideri solet, quod unius seculi stultitia, religiones uarias susipientis, Deosq; multos esse credentis, in tantam subito ignorationem sui uentum est, ut ablata ex oculis ueritate, neque religio Dei ueri, neque humanitatis ratio teneretur, hominibus non in cælo summum bonum quærentibus, sed in terra. Quam ob causam profecto seculorum ueterum mutata felicitas est. Cœperunt enim relicto parente, et constitutore omnium Deo, insensibilia digitorum suorum figmenta uenerari. quæ prauitas quid effecerit, aut quid malorum attulerit, res ipsa declarat. auersi namque à summo bono, quod ideo beatum, ac sempiternum est, quia uideri, tangi, comprehendere non potest, et à uirtutibus ei bono congruentibus, quæ sunt æque immortales, ad hos corruptos, et fragiles Deos lapsi, et studentes ijs rebus, quibus solum corpus ornatur, alitur, delectatur, mortem sibi perpetuam cum

cum Dijs, & cum bonis corporalibus quæsierunt, quia  
morti corpus omne subiectū est. Insecuta est igitur huius-  
modi religiones iniustitia, et impietas, sicuti fuerat neces-  
se. desierūt enim uultus suos in cœlū tollere, sed deorsum  
mētes hominū depresso, terrenis ut religionibus, sic etiā  
bonis inhærebāt. secutū est dissidium generis humani, &  
fraus, et nefās omne, quia spretis æternis, atq; icorruptis  
bonis, quæ sola debent ab homine concupisci, tēporalia,  
& breuia maluerunt, maiorq; hominibus ad malum fides  
fuit, qui prauū recto, quia præsentius fuerat, prætulerūt.  
Sic humanā uitam prioribus seculis in clarissima luce uer-  
satam caligo, ac tenebræ cōprehenderunt. & quod huic  
prauitati congruens erat, postquā sublata sapientia est,  
tum demū sibi homines sapientū nomen uendicare cœpe-  
runt. Tum autē nemo sapiens uocabatur, cū omnes erāt.  
Vtinamq; nomē illud aliquando publicū quamuis ad pau-  
cos redactū, tamen uim suā retineret. Possent enim fortas-  
se pauci illi uel ingenio, uel autoritate, uel assiduishorta-  
mentis liberare populum uitij, & erroribus. sed adeo in  
totū sapientia ceciderat, ut ex ipsa nominis arrogantia  
nullum eorū, qui uocarentur, apparuerit fuisse sapientē.  
Et tamen prius, quā hęc philosophia quæ dicitur esse,  
inueniretur, septē fuisse traduntur, qui primi omnium, quia  
de rebus naturalibus quærere, ac disputare sunt ausi, sa-  
pientes haberi, appellariq; meruerunt. O miserū, calamita-  
tosumq; seculū, quo per orbem totū septem soli fuerunt,  
qui hominum uocabulo cicerentur. nemo enim potest ius-  
te dici homo, nisi qui sapiens est. Sed si cæteri omnes,  
præter ipsos stulti fuerunt, ne illi quidem sapientes: quia  
nemo sapiens esse uere, iudicio stultorum potest. Adeo  
ab his absuit sapientia, ut ne postea quidem crescente  
doctri

doctrina, et multis, magnisq; ingenijs in id ipsum semper intentis, potuerit perspicere ueritas, et comprehendere. Nam post illorum septem sapientum gloriam, incredibile est, quanto studio inquirendae ueritatis Graecia omnis exarscit. Ac primum, nomen ipsum sapientiae arrogans putauerunt: sequi non sapientes, sed studiosos sapientiae uocauerunt. Quo facto et illos, qui temere sapientium sibi nomen asciuerant, erroris stultitiaeq; damnauerunt, et se quoq; ipsos ignorantiae, quam quidem non diffitebantur. Nam ubicunq; rerum natura ingenijs eorum quasi manus opposuerat, ne ratione possent aliquam reddere: testificari solebant, nihil scire se, nihil cernere. Vnde multo sapientiores inueniuntur, qui se aliqua ex parte uiderunt, quam illi, qui se sapere crediderunt.

De sapientiae inuentione.

CAP. II.

**Q**uare si neq; illi fuisse sapientes, qui sunt appellati: neq; posteriores, qui non dubitauerunt insipientiam confiteri: quid superest, nisi ut alibi sit querenda sapientia, quando non est, ubi querebatur, inuenta? Quid autem putemus fuisse causae, cur tot ingenijs, totq; temporibus summo studio, et labore quaesita non reperiretur, nisi quod eam philosophi extra fines suos quaesierunt? Qui quonia peragratis, et exploratis omnibus, nusquam ullam sapientiam comprehenderunt, et micubi esse illam necesse est: apparet, illic potissimum esse querendam, ubi stultitiae titulus apparet, cuius uelamento Deus, ne arcenum diuini sui operis in propatulo esset, thesaurum sapientiae, ac ueritatis abscondit. Vnde equidem solco mirari, quod cum Pythagoras, et postea Plato, amore indagandae ueritatis accensi, ad Aegyptios, et Magos, et Persas usq; penetrassent, ut earum gentium ritus, et sacra cognoscerent

scerent (suspiciabantur enim, sapientiā in religione uer-  
sari) ad Iudæos tantum non accesserint, penes quos tunc  
solos erat: & quò facilius ire potuissent. Sed auersos esse  
arbitror diuina prouidentia, ne scire possent ueritatem:  
quia nondum fas erat alienigenis hominibus, religionem  
Dei ueri, iustitiamq; cognoscere. Statuerat enim Deus,  
appropinquante ultimo tēpore, ducem magnum cœlitus  
mittere, qui eā perfido, ingratoq; populo ablatam, cœte-  
ris gentibus reuclaret. Qua de re in hoc libro aggrediar  
disputare, si prius ostēdero sapientiam cum religione sic  
cohærere, ut diuelli utrunq; non possit.

De sapientia, & religione; deq; iure patris,  
& domini.

CAP. III.

**D**Eorum cultus, ut in priore libro docui, nō habet sa-  
pientiam, nō modo quia diuinum animal hominem  
terrenis, fragilibusq; substernit, sed quia nihil ibi differi-  
tur, quod proficiat ad mores excolendos, uitamq; forman-  
dā, nec habet inquisitionē aliquā ueritatis, sed tantūmo-  
do ritū colendi, qui nō officio mētis, sed ministerio cor-  
poris constat. Et ideo non est illa religio uera iudicanda,  
quia nullis iustitiæ, uirtutisq; præceptis cruditi, efficitq;  
meliores. Itaq; philosophia, quia in illis religionē, id est,  
summā pietatē nō habet, nō est uera sapientia. Nam si di-  
uinitas, quæ gubernat hūc mundū, incredibili beneficen-  
tia genus hominū sustentat, & quasi paterna indulgētia  
fouet, uult profecto gratiam sibi referri, & honorē dari.  
nec cōstare homini ratio pietatis potest, si cœlestibus be-  
neficijs extiterit ingratus, quod non est utique sapientis.  
Quoniam igitur (ut dixi) philosophia, & religio Deo-  
rum, disiuncta sunt, longeq; discreta (siquidem alij sunt  
professores sapientiæ, per quos utiq; ad Deos nō aditur:  
alij

alij religionis antistites, per quos sapere nō discitur: apparet, nec illam esse ueram sapientiam, nec hanc religionem. Iccirco nec philosophia potuit ueritatem comprehendere, nec religio deorum, rationem sui, qua caret, reddere. Vbi autem sapiētia cum religione, inseparabili nexu cohæret, utrunq; uerum esse necesse est. quia & in colendo sapere debemus, id est, scire, quid nobis, & quomodo sit colēdū: & in sapiēdo colere, id est re, et actu, quod scierimus, implere. Vbi ergo sapientia cum religione coniungitur? Ibi scilicet, ubi Deus colitur unus, ubi uita, & actus omnis ad unū caput, & ad unam summam refertur. Deniq; ijdem sunt doctores sapientiae, qui & Dei sacerdotes. Nec tamen moueat quenquam, quia sæpe factū est, & fieri potest, ut philosophus aliquis, Deorum suscipiat sacerdotiū. quod cū fit, non tamen coniungitur philosophia cum religione, sed & philosophia inter sacra cessa bit, & religio, quādo philosophia tractabitur. Illa enim religio muta est, non tantum, quia mutorum est, sed quia ritus eius in manu, & digitis est, & non in corde, aut lingua, sicut nostra quæ uera est. Iccirco & in sapientia religio, & in religione sapientia est. Ergo non potest segregari: quia sapere nihil aliud est, nisi Deum uerum iustis, ac pijs cultibus honorare. Multorum autem Deorū cultus non esse secundum naturam, etiam hoc argumento colligi potest, & cōprehendi. Ommē Deum, qui ab homine colitur, necesse est inter solēnes ritus, & precationes, patrem nuncupari, non tantū honoris gratia, uerum etiā rationis, quod & antiquior est homine, & quod uitā, salutem, uictū præstat, ut pater. Itaq; ut Iupiter à precātib; pater uocatur, & Saturnus, & Ianus, & Liber, & cæteri deinceps, quod Lucilius in Deorū cōcilio irridet.

Vt ne



Vt nemo sit nostrum, quin pater optimus diuūm.

Vt Neptunus pater, Liber, Saturnus pater, Mars,

Ianus, Quirinus pater nomen dicatur ad unum.

Quòd si natura non patitur, ut sint unius hominis plures patres (ex uno enim procreatur) ergo Deos etiam multos colere, contra naturam est, contraq; pietatem. Vnus igitur colendus est, qui potest uere pater nominari. Idem etiam dominus sit, necesse est, quia sicut potest indulgere, ita etiam coërcere. Pater ideo appellandus est, quia nobis multa, et magna largitur: dominus ideo, quia castigandi, ac puniendi habet maximam potestatem. Dominum uero eundem esse, qui sit pater, etiam iuris ciuilis ratio demonstrat. Quis enim poterit filios educare, nisi habeat in eos domini potestatem? Nec immerito paterfamiliās dicitur, licet tantum filios habeat. uidelicet nomen patris complectitur etiam seruos, quia familias sequitur. et nomen familie complectitur etiam filios, quia pater antecedit. unde apparet, eundem ipsum et patrem esse seruorum, et dominum filiorum. Denique et filius manumittitur tanquam seruus, et seruus liberatus, patroni nomen accipit, tanquam filius. quòd si propterea paterfamiliās nominatur, ut appareat, cum duplici potestate præditum, quia et indulgere debet, quia pater, et coërcere, quia dominus: ergo idem seruus est, qui et filius, idem dominus, qui et pater. Sicut igitur naturæ necessitate non potest esse nisi unus pater, ita nec dominus nisi unus. quid enim faciat seruus, si multi domini diuersa imperauerint? Ergo contra rationem, contraq; naturam sunt religiones multorum Deorum. siquidem nec patres multi possunt esse, nec domini. Deos autem, et patres, et dominos nuncupari, necesse est. Teneri ergo ueritas nō potest,  
ubi

ubi homo idē multis patribus, dominisq; subiectus est, ubi animus in multa dispersus, huc, atq; illuc diuagatur. Nec habere ullam firmitatem religio potest, quando certo, & stabili domicilio caret. Cultus igitur Deorum ueri esse nō possunt: eodem modo, quo matrimonium dici nō potest, ubi mulier multos uiros habet, sed hæc aut meretrix, aut adultera nominabitur. à qua enim pudor, castitas, fides abest, uirtute careat necesse est. Sic & religio Deorū impudica est, & incesta, quia fide caret, quia honos ille instabilis, & incestus, caput atq; originem non habet.

De sapientia itidem, & religione: & iure patris, & domini.

CAP. IIII.

**Q**uibus rebus apparet, quā inter se coniuncta sint sapientia, & religio. sapientia spectat ad filios, quæ exigit amorem: religio ad seruos, quæ quidē exigit timorem. Nam sicuti illi patrem diligere debent, & honorare: sic hi dominum colere, ac uereri. Deus autem, qui unus est, quoniam utranq; personam sustinet, & patris, & domini: & amare eum debemus, quia filij sumus: & timere, quia serui. Non potest igitur nec religio à sapientia separari, nec sapientia à religione secerari: quia idem Deus est, qui & intelligi debet, quod est sapientiæ: & honorari, quod est religionis. Sed sapientia præcedit, religio sequitur: quia prius est, Deum scire: consequens, colere. Ita in duobus nominibus una uis est, quamuis diuersa esse uideatur. Alterum enim positum est in sensu, alterum in actu. Sed tamen similia sunt duobus riuis ex uno fonte manantibus. Fons autem sapientiæ, & religionis Deus est: à quo hi duo riui si oberrauerint, arescant necesse est: quem qui nesciunt, nec sapientes esse possunt, nec religiosi. sic fit, ut philosophi, & qui Deos colunt, similes sint

sint aut filijs abdicatis, aut seruis fugitiuis, quia neq; illi patrem quærūt, neq; hi dominum. & sicut abdicati, hæreditatē patris non assequūtur, & fugitiui impunitatem, ita neq; philosophi immortalitatē accipiūt, quæ est regni cœlestis hæreditas, id est summum bonum, quod illi maxime quærunť, neq; cultores Deorum, pœnam sempiternæ mortis effugiēt, quæ est animaduersio ueri domini aduersus fugitiuos suæ maiestatis, ac nominis. Deum uero esse patrem, eundemq; dominum, utriq; ignorauerūt, tam cultores Deorum, quàm ipsi sapientiæ professores; quia aut nihil omnino colendū putauerūt, aut religiones falsas approbauerūt: aut etiā si uim, potestatemq; summi Dei intellexerunt, ut Plato, qui ait unū esse fabricatorē mundi Deum, & M. Tullius, qui fatetur hominē præclara quadam conditione à summo Deo esse generatum: tamen ei debitum cultum, tanquam summo patri non reddiderunt: quod erat cōsequēs, ac necessariū. Deos autem neque patres, neq; dominos esse posse, non tantū multitudo (ut supra ostendi) sed etiam ratio declarat; quia neq; fictū esse à Dijs hominē, traditur, neq; Deos ipsos antecedere originē hominis, inuenitur. siquidē fuisse in terra homines, antequàm Vulcanus, & Liber, & Apollo, & ipse Iupiter, nascerētur, apparet. Sed neque Saturno fictio hominis neque Cœlo patri eius assignari solet. Quòd si nullus eorū, qui colūtur, formasse à principio, atq; instituisse hominē traditur, nullus igitur ex his pater hominis nūcupari potest, ita ne Deus quidē. Ergo fas nō est, uenerari eos, à quibus non sit homo generatus, quia neq; à multis generari potest. Vnus igitur, ac solus coli debet qui Iouem, qui Saturnum, qui cœlum ipsum, terramq; antecessit. Is enim necesse est hominem figurauerit, qui ante hominem,

cœlū, terrāq; perfecit. Solus pater uocandus est, qui creauit: solus dominus nuncupandus, qui regit, qui habet uitæ, ac necis ueram, & perpetuam potestatem. quem qui non adorat, & insipiens seruus est, qui dominum suum aut fugiat, aut nesciat, & impius filius, qui suum uerum patrem uel oderit, uel ignoret.

De Prophetis, & eorū temporibus. CAP. V.

**N**Vnc, quoniam docui sapientiam, & religionem non posse diduci, superest, ut de ipsa religione, ac sapientia differamus. Sentio quidem, quā sit difficilis de rebus cœlestibus disputatio: sed tamen audendū est, ut illustrata ueritas pateat, multiq; ab errore, atq; interitu liberentur, qui eam sub uelamine stultitiæ latentem aspernantur, ac respuunt. Sed prius quā incipiam de Deo, & operibus eius dicere, mihi pauca de prophetis antè dicenda sunt. quorū testimonijs nūc uti necesse est. quod in prioribus libris ne facerē, temperaui. Ante omnia, qui ueritatē studet comprehendere, non modo intelligēdis prophetarum uocibus animū debet intendere, sed etiam tempora, per quæ quisq; illorum fuerit, diligentissime inquirere, ut sciat & quæ futura prædixerint, & post quot annos prædicta completa sint. Nec difficultas in his colligendis inest ulla. testati sunt enim, sub quo quisq; rege diuini spiritus fuerit passus instinctū. Multiq; scriptores libros de tēporibus ediderūt, initiū facientes à propheta Moysē, qui Troianum bellum non gentis serē annis antecessit. Is autem, cū per annos quadraginta populum rexisset, successorē habuit Iosuem, qui septem, & uiginti annis tenuit principatum. Exinde sub iudicibus fuerunt per annos trecentos septuaginta. tū mutato statu reges habere cœperūt. quibus imperium tenentibus per annos quadringentos l. x. usq;

usq; ad Sedechiæ regnum, oppugnati à rege Babylonio, capti q; Iudæi, diuturnū seruitium pertulerunt, donec septuagesimo post anno eos Cyrus maior terris, ac sedibus suis redderet, qui per idem tempus in Persas suscepit imperium, quo Romæ Tarquinius superbus. Quare cum omnis temporum series et ex Iudaicis, et ex Græcis, Romanisq; historijs colligatur, etiam singulorū prophetarum tempora colligi possunt: quorū sanè ultimus Zacharias fuit, quē constat sub Dario rege, secūdo anno regni eius, octauo mēse cecinisse. Adco antiquiores etiā Græcis scriptoribus prophetæ reperiūtur. Quæ omnia eò profero, ut errorē suum sentiant, qui scripturā sacrā coarguere nituntur, tanquā nouam, et recens fictā, ignorantes ex quo fonte sanctæ religionis origo manauerit. Quòd si quis collectis, perspectisq; temporibus, fundamētum doctrinæ salubriter iecerit, et ueritatem penitus cōprehendet, et errorem cognita ueritate, deponet.

De Dei filio, deq; eo testimonia. CAP. VI.

**D**Eus igitur machinator, constitutorq; rerū, sicuti in secundo libro diximus, antequā præclarum hoc opus mundi adoriretur, sanctum et incorruptibilem, et irreprehensibilem spiritū genuit, quem filium nuncuparet. Et quamuis alios postea innumerabiles creauisset, quos angelos dicimus, hunc tamen solum primogenitum diuini nominis appellatione dignatus est, patria scilicet uirtute, ac maiestate pollentem. esse autem summū Dei filium, qui sit potestate maxima præditus, non tantum congruentes in unum uoces prophetarum, sed etiam Trismegisti prædicatio, et Sibyllarū uaticinia demonstrāt. Hermes in eo libro, qui ὁ λόγος τέλει inscribitur, his usus est uerbis, ὁ κύριος καὶ τῶν πάντων ποιητής, ὃν θεὸν καλεῖται

νομίκαμεν, ἐπεὶ τὸν δούτερον ἐπαίησε θεὸς ὄρατον καὶ αἰσθητὸν  
 (αἰσθητὸν δέ φημι ἢ οὕτως τὸ αἰσθητὸν αὐτὸν, περὶ γὰρ τοῦτο οὐκ ἔστι  
 πρότερον αὐτὸς αἰσθητός, ἀλλ' ὅτι ἐς αἰσθητὸν ὑποπέμψεν καὶ ἐς νῦν)  
 ὅτι οὗτος τὸν πατέρα ἐπαίησε πρῶτον καὶ μόνον καὶ ἵνα, χαλὸς ὃ αὐτῷ  
 ἐφάνη καὶ πληρέστατος πάντων τῶν ὁρατῶν ἡγιάσῃ τε καὶ πάντοτε  
 ἐφίλησεν ὡς ἱδίοιον τέκνον. Sibylla Erythræa in carminis sui  
 principio, quod à summo Deo exorsa est, filium Dei, du-  
 cem, & imperatorem omnium his uersibus prædicat:

Παντακράτορ κτίστηρ ὅστις λαλὸν πνέυμα ἅπαντα

Κάθιστο, καὶ ἡγήθησεν θεὸς πάντων ἐπαίησε.

*Et rursus in fine eiusdem carminis,*

Αὐτὸν εἶδωκε θεὸς πιστὸς ἀνθρώποις γεραίρεται.

*Et alia Sibylla præcipit hunc oportere cognosci,*

Αὐτὸν σὸς γίνωσκε θεὸς θεὸς ἡδὺν ἔόντα.

Videlicet & ipse est Dei filius, qui per Solomonem sa-  
 pientissimum regem diuino spiritu plenum locutus est, ca-  
 quæ subiecimus. Deus condidit me in initio uiarum sua-  
 rum, in opera sua ante secula. Fundauit me in principio,  
 antequàm terram faceret, & antequàm abyssos consti-  
 tueret, prius quàm prodirent fontes aquarũ. ante omnes  
 colles genuit me dominus: fecit regiones, & terras inha-  
 bitabiles sub cælo. Cum pararet cælum, aderam illi, &  
 cum secerneret suam sedem, cum super uentos faceret ua-  
 lidas nubes, & cum cõfirmatos poneret montes sub cæ-  
 lo, quando fortia faciebat fundamenta terræ, eram penes  
 illum disponens. Ego eram, cui adgaudebat, quotidie au-  
 tem iucundabar ante faciem eius, cum lætaretur orbe per-  
 fecto. Iccirco autem Trismegistus ὁ τριμυρὸς τὸ θεὸν δι-  
 xit. & Sibylla σύμβολον appellat, qui tanta sapientia, &  
 uirtute sit instructus à Deo patre, ut & consilio eius, &  
 manibus uteretur in fabricatione mundi.

De nomine IESU Christi. CAP. VII.

**F**ortasse quærat aliquis hoc loco, quis sit iste tam potēs, tam Deo charus, & quod nomē habeat, cuius prima natiuitas non modo antecesserit mundum, uerum etiā prudentia disposuerit, uirtute cōstruxerit. Primum scire nos cōuenit, nomen eius neque angelis quidem notum esse, qui morantur in cœlo, sed ipsi soli, ac Deo patri. nec antè id publicabitur, ut est sanctis literis traditum, quàm dispositio Dei fuerit impleta. Deinde nec enunciari possc hominis ore, sicut Hermes docet, hæc dicens: αἴτια δὲ πῦρ τῶ αἵπυ ἢ τῶ θεῷ ἀγαθῷ βούλησις, ἢ θεὸν προήνεγκεν, ὃ δ' ὄνομα ὃ δύναται ἀνθρώπινῳ σώματι λαλῆθῆναι. Et paulo post ad filium: ἔσι γὰρ τὸς ὃ τέκνον ἀπόρρητὸ λόγῳ σοφίας πάντων, καὶ προειννομένον κυρίῳ, ὃν ἐπεὶν ὑπὲρ ἀνθρώπων ἐστίν. Sed quamuis nomen eius, quod ei à principio pater summus imposuit, nullus alius præter ipsum sciat, habet tamen & inter angelos aliud uocabulum, & inter homines aliud. Iesus quippe inter homines nominatur. nam Christus non proprium nomen est, sed nuncupatio potestatis, & regni. sic enim Iudæi reges suos appellabant. Sed exponenda huius nominis ratio est propter ignorantium errorem, qui cum immutata litera Chrestum solent dicere. Erat Iudæis antè præceptum, ut sacrum conficerent unguentum, quo perungi possent ij, qui uocabantur ad sacerdotium, uel ad regnum. Et sicut nunc Romanis indumentum purpuræ, insigne est regie dignitatis assumptæ, sic illis unctio sacri unguenti, nomen, ac potestatem regiam conferebat. Verum quoniam Græci ueteres χρίσθαι dicebant ungi, quod nunc ἰερίσθαι, sicut indicat Homericus uersus ille,

Αὐτὸς δὲ δμῳαὶ λῦσεν, καὶ χρίσεν ἰερίῳ.



Ob hanc rationē nos eum Christum nuncupamus, id est, unctum, qui Hebraicē *Messias* dicitur. Vnde in quibusdā Græcis scripturis, quæ male de Hebraicis interpretatæ sunt, ἡλειμμένος, id est, ungendo curatus, scriptum inuenitur, ἀπὸ τοῦ ἁλείψαι. Sed tamen utrolibet nomīne rex significatur: non quòd ille regnum hoc terrenum fuerit adeptus, cuius capicndi nondū tempus aduenit, sed quòd cœleste, ac sempiternum. de quo differemus in ultimo libro. nunc uerò de prima eius natiuitate dicamus.

De ortu I E S U, in spiritu, & in carne: De Spiritibus, & testimonijs prophetarum.

C A P V I I I.

**I**N primis enim testificamur, illū bis esse natū, primū in spiritu, postea in carne. Vnde apud Hieremiam ita dicitur: Prius quā te formārē in utero, noui te. Et item apud ipsum: Beatus qui erat antē, quā nasceretur. quod nulli alij cōtigit, præter Christū. Qui cum esset à principio filius Dei, regeneratus est denuo secundū carnē. quæ duplex natiuitas eius magnū intulit humanis pectoribus errorē, circūfunditq; tenebras etiā ijs, qui ueræ religiōis sacramenta retinebāt. Sed nos id plane, dilucideq; monstrabimus, ut amatores sapiētiae facilius ac diligētius instituātur. Qui audit, Dei filiū dici, nō debet tantum nefas mente cōcipere, ut existimet ex cōnubio, ac permixtione fœminæ alicuius Deū procreasse, quod non facit nisi animal corporale, mortiq; subiectū. Deus autē cū solus adhuc esset, cui permiscere se potuit? aut cū esset tantæ potestatis, ut quicquid uellet, efficeret, utiq; ad creandū societate alterius non indigebat. nisi forte existimabimus, Deum, sicut Orpheus putauit, et marem esse, & fœminā, quòd aliter generare nequiuert, nisi haberet uim se-

xus utriusq; : quasi aut ipse secum coierit , aut sine coitu  
 non potuerit procreare. Sed Hermes in eadē fuit opinio=  
 ne, cum dicit *ὁ ὡς πᾶτερ αὐτὸς καὶ ὡς μητὴρ αὐτὸς*. Quod si ita esset, ut  
 à prophetis pater dicitur, sic etiā mater diceretur. Quo=  
 modo igitur procreauit ? Primū nec sciri à quoquā pos=  
 sunt, nec narrari opera diuina, sed tamē sanctæ literæ do=  
 cent, in quibus cautum est, illum Dei filium, Dei esse ser=  
 monem, itēq; ceteros angelos Dei spiritus esse. Nam ser=  
 mo est spiritus cum uoce aliquid significāte prolatus. Sed  
 tamen quoniam spiritus, & sermo diuersis partibus pro=  
 feruntur, siquidem spiritus naribus, ore sermo procedit,  
 magna inter hunc Dei filium, & ceteros angelos diffe=  
 rentia est. Illi enim ex Deo taciti spiritus exierunt, quia  
 non ad doctrinā Dei tradendā, sed ad ministerium crea=  
 bantur. Ille uero cum sit & ipse spiritus, tamen cum uo=  
 ce ac sono ex Dei ore processit, sicut uerbum, ea scilicet  
 ratione, quia uoce eius ad populum fuerat usus, id est,  
 quod ille magister futurus esset doctrinæ Dei, et cœlestis  
 arcani ad homines perferēdi. quod ipsum primo locutus  
 est, ut per eum ipse ad nos loqueretur, & ille uocem Dei,  
 ac uoluntatem nobis reuelaret. Merito igitur sermo, &  
 uerbū Dei dicitur: quia Deus procedentem de ore suo uo=  
 calē spiritū, quem non utero, sed mente conceperat, in=  
 excogitabili quadā maiestatis suæ uirtute ac potentia in=  
 effigiem, quæ proprio sensu, ac sapiētia uigeat, cōprehē=  
 dit, & alios item spiritus in angelos figurauit. Nostri spi=  
 ritus dissolubiles sunt, quia mortales sumus. Dei autē spi=  
 ritus & uiuūt, & manēt, & sentiūt, quia ipse immortalis  
 est, & sensus, & uitæ dator. Nostræ uoces licet auræ mi=  
 sceātur, atq; euanescāt, tamē plerūq; permanēt literis cō=  
 prehensæ. quāto magis Dei uocē credēdū est & manere

in æternū, et sensu, ac uirtute comitari, quā de Deo patre tāquā riuus de fonte traduxerit. Quòd si quis miratur ex Deo Deū prolatione uocis, ac spiritus potuisse generari, si sacras uoces prophetarū cognouerit, desinet profecto mirari. Solomonē, patremq; eius David potentissimos reges fuisse, et eosdē prophetas, etiam ijs fortasse sit notū, qui diuinas literas non attigerūt, quorū alter, qui posterius regnauit, Troianæ urbis excidium centum et quadraginta annis anteceffit. Huius pater diuinorū scriptor hymnorum in psalmo x x x i i. sic ait: Verbo Dei cœli solidati sunt, et in spiritu oris eius omnis uirtus eorū. Itē rursus in psalmo quadregesimo quarto: Eructauit cor meum uerbum bonū, dico ego opera mea regi. Cōtestans uidelicet, nulli alij opera Dei esse nota, nisi filio soli, qui est uerbum Dei, et quem regnare in perpetuum, necesse est. Item Solomon ipsum, uerbum Dei esse demonstrat, cuius manibus opera ista mūdi fabricata sint: Ego, inquit, ex ore altissimi prodiui ante omnem creaturam, ego in cœlis feci ut oriretur lumen indeficiens, et nebula texti omnem terram. Ego in altis habitauī, et thronus meus in columna nubis. Ioannes quoq; ita tradidit: In principio erat uerbum, et uerbum erat apud Deum, et Deus erat uerbum. Hoc fuit in principio apud Deum. Omnia per ipsum facta sunt, et sine ipso factum est nihil.

De uerbo Dei.

CAP. IX.

**S**ed melius Græci λόγος dicunt, quā nos uerbum, siue sermonem. λόγος enim et sermonem significat, et rationem, quia ille est et uox, et sapientia Dei. Hunc sermonem diuinum ne philosophi quidem ignorauerunt. si quidem Zenon rerum naturæ dispositorem, atque opificem uniuersitatis λόγος prædicat, quem et fatum, et neceſsi

cessitatem rerum, & Deum, & animum Iouis nuncupat, ea scilicet consuetudine, qua solent Iouem pro Deo accipere. Sed nihil obstant uerba, cum sententia congruat ueritati. Est enim spiritus Dei, quem ille animum Iouis nominauit. nam Trismegistus, qui ueritatem penè uniuersam nescio quomodo inuestigauit, uirtutē, maiestatemq; uerbi sæpe descripsit, sicut declarat superius illud exemplum, in quo fatetur esse ineffabilem quendam, sanctumq; sermonem, cuius enarratio modū hominis excedat. Dixi de natiuitate prima breuiter, ut potui. Nunc de secunda, quoniam controuersia est in ea maxima, latius differendum est, ut ueritatem scire cupientibus, lumen intelligentie præferamus.

DE IESU aduentu, & Iudæorum casibus,

& rectione.

CAP. X.

**I**N primis igitur scire homines oportet, sic à principio processisse dispositionē summi Dei, ut esset necesse, appropinquāte seculi termino, Dei filiū descēdere in terrā, ut cōstitueret Deo templum, doceretq; iustitiam: uerū tamen non in uirtute angeli, aut potestate cœlesti, sed in figura hominis, & conditione mortali, ut cum magisterio functus fuisset, traderetur in manus impiorū, mortēq; susciperet, ut ea quoq; per uirtutē domita resurgeret, et homini, quē induerat, quem gerebat, & spem uincendæ mortis afferret, & ad præmia immortalitatis admitteret. Hæc ergo dispositionem nequis ignoret, docebimus prædicta esse omnia, quæ in Christo uidemus esse completa. Nemo asseuerationi nostræ fidem cōmodet, nisi ostendero prophetas ante multam temporū seriem prædicasse, fore, ut aliquando filius Dei nasceretur sicut homo, & mirabilia faceret, & cultum Dei per totam terram seminaret, &

p s

postre

postremo, patibulo figeretur, & tertia die resurgeret. Quæ omnia cum probauero eorum ipsorum literis, qui Deum suum mortali corpore utentem uiolauerunt, quid aliud obstabit, quo minus ueram sapiëntiam, clarum sit, in hac sola religione uersari? Nunc à principio totius sacramenti origo narranda est. Maiores nostri, qui erant princeps Hebræorum, cum sterilitate, atque inopia laboraret, transierunt in Aegyptum rei frumentariæ gratia: ibi quæ diutius commorantes, intolerabili seruitutis iugo premebantur. tum misertus eorum Deus, eduxit eos, ac liberauit de manu regis Aegyptiorum, post annos trecentos triginta duce Moysæ, per quem postea illis lex à Deo data est. in qua educatione ostendit uirtutē suæ maiestatis Deus. Traiecit enim populum medio mari rubro, præcedente angelo, & scindente aquam, ut populus per siccum gradi posset, quem uerius (ut ait poëta)

Curuata in montis faciē circumstetit unda.

Qua re audita tyrannus Aegyptiorum cum magna suorum manu insecutus, & mare adhuc patens temere ingressus, coeuntibus aquis cum omni exercitu deletus est. Hebræi uero egressi, in solitudine multa mirabilia uiderunt. Nam cum sitim paterentur, ictu uirgæ rupe percussa, prosiliit fons aquæ, populūq; recreauit. Quo rursus esuriente, cœlestis alimenti pluuia descendit. quinetiā coturnices in castra eorum uentus induxit, ut non modo pane cœlesti, sed etiā instructioribus epulis saturarentur. Pro his tamē diuinis beneficijs honorē Deo non reddiderunt: sed depulsa iā seruitute, iam siti, fameq; deposita, in luxuriam prolapsi, ad profanos Aegyptiorum ritus animos transtulerunt. Cum enim Moyses Dux eorum ascendisset in montem, atq; ibi quadraginta diebus moraretur, aureum caput bouis, quæ

uocant

uocāt Apin, quod eos signo præcederet, figurarūt. Quo peccato ac scelere offensus Deus, impium, & ingratum populū pro merito pœnis grauib; affecit, & legi quam per Moysen dederat, subiugauit. Postea uerò cum in deserta quadā parte Syriæ consedisset, amiserunt uetus nomen Hebræi. & quoniam princeps examinis corū Iudas erat, Iudæi sunt appellati, & terra, quam incolere, Iudæa. Et primo quidem non dominio regum subiecti fuerunt, sed populo, ac legi ciuiles iudices præsidebant, nō tamen in annum constituti sunt, sicut Romani consules, sed perpetua iurisdictione subnixi. Tum sublato iudicum nomine, potestas regalis inducta est. Verū iudicibus regi men corū tenētibus, prauas religiones sæpe susceperant, atq; offensus ab his Deus, toties alienigenis subiugabat, donec rursus pœnitentia populi mitigatus, liberaret eos seruitute. Itē sub regibus finitimorū bellis, ob delicta uexati, postremo capti, abductiq; Babylonē, pœnas impietatis suæ, graui seruitio pepēderūt, donec Cyrus ueniret in regnū, qui statim Iudæos restituit edicto. Exinde Tetrarchas habuerunt usq; ad Herodē, qui fuit sub imperio Tiberij Cæsaris, cuius anno quintodecimo, id est, duobus geminis consulibus, ante diem septimam Calendarum aprilii Iudæi Christum cruci affixerūt. hic rerū textus, hic ordo in arcanis sanctarum literarum continetur. Sed prius ostendam, qua de causa in terrā uenerit Christus, ut fundamentum diuinæ religionis, & ratio clarescat.

DE IESU ADUĒTU, & prædictis prophetarum.

## CAP. XI.

Cum sæpe Iudæi præceptis salutaribus repugnarēt, atq; à diuina lege desciscerēt aberrantes ad impios cultus Deorum, tum Deus iustos, & electos uiros spiritu sancto

sancto implebat, prophetas in media plebe cōstituēs, per quos peccata ingrati populi uerbis minacibus increparet, & nihilo minus hortaretur ad pœnitentiam sceleris agendam: quam nisi egissent, atq; abiectis uanitatibus ad Deū suū redissent, fore, ut testamētū suū mutaret, id est, hæreditatem uitæ immortalis ad exterarum conuerteret nationes, aliūq; sibi populum fideliorē ex alienigenis congregaret. Illi autem à prophetis increpati, non modo uerba eorū respuerūt, sed quod sibi peccata exprobrarentur, offensi, eos ipsos exquisitis cruciatibus necauerunt. quæ omnia diuinæ literæ signata conseruant. Dicit enim propheta Hieremias: Misi ad uos seruos meos prophetas: ante lucē mittebā, & non audiebatis me, neq; intendebatis auribus uestris, cum dicerem uobis, Conuertatur unusquisq; à uia sua mala, & à nequissimis affectationibus uestris, & habitabitis in terra ista, quam dedi uobis, & patribus uestris à seculo usq; in seculum. Nolite ambulare post Deos alienos, ut seruiatis eis, & ne incitetis me in operibus manuum uestrarum, ad disperdēdos uos. Esdras etiam propheta, qui fuit ciusdē Cyri temporibus, à quo Iudæi sunt restituti, sic loquitur: Desciuerunt à te, & abiecerunt legem tuam post cor suum, & prophetas tuos interfecerunt, qui obtestabantur eos, ut reuerterentur ad te. Item Helias in libro Εασηών tertio: Aemulans æmulatus sum domino Deo omnipotenti, quia dereliquerunt te filij Israhel, & altaria tua demolierunt, & prophetas tuos interfecerūt gladio, & remansi ego solitarius, & quærūt animā meam auferre à me. Propter has illorum impietates abdicauit eos in perpetuū: itaq; desijt prophetas mittere ad eos. Sed illum filium suum primogenitum, illum opificem rerum, & consiliatorē suum de-



labi iussit è cœlo, ut religionem sanctam Dei transferret ad gentes, id est, ad eos, qui Deum ignorabant, doceretq; iustitiã, quam perfidus populus abiecerat: quod iam pridem se denũciauerat esse facturum: sicut Malachias propheta indicat dicens: Nō est mihi uoluntas circa uos, dicit dominus, et sacrificium acceptum nō habeo ex manibus uestris, quoniã à solis ortu usq; ad occasum clarificabitur nomē meū apud gētes. Item Dauid in psalmo xvii. Cōstitues me in caput gentiū: populus quē non cognoui, seruiet mihi. Esaias quoq; sic loquitur: Venio colligere omnes gentes, et linguas, et uenient, et uidebunt claritatem meã: et dimittã super eos signū, et mittam ex his conseruatos in gentes, quæ longe sunt, quæ nō audierūt gloriam meam, et nunciabunt claritatē meam in gentes. Volens igitur Deus metatorem templi sui mittere in terram, noluit eum in potestate, et claritate cœlesti mittere, ut ingratus in Deū populus in errorē maximum induceretur, ac poenas pro facinoribus suis lueret, qui dominū, ac Deum suū non recepisset, quod olim propheta cecinerant, sic esse facturum. Esaias enim, quem ipsi Iudæi serua confectum crudelissime necauerunt, ita dicit: Audi cœlū, et percipe auribus terra, quoniã dominus locutus est. filios genui, et exaltaui, ipsi autē spreuerunt me. agnouit bos possessorē suū, et asinus præsepīū domini sui, Israël autem me non cognouit, et populus meus me non intellexit. Hieremias quoq; similiter ait: Cognouit tempus suū turtur, et hirundo, et ruris passerēs custodierūt tēpora introitus sui, populus autē meus nō cognouit iudiciū domini. Quomodo dicitis, Sapientes sumus, et lex domini nobiscū est? Incassum facta est metatura: falsi scribæ, et cōfusi sunt: sapiētes trepidauerūt, et capti sunt, quoniã uerbum

bum domini reprobauerunt. Ergo (ut cœperam dicere) cū statuisset Deus, doctore uirtutis mittere ad homines, renasci eum denuo in carne præcepit, & ipsi homini similem fieri, cui dux, & comes, & magister esset futurus. Sed tamen quoniam clemens est, & pius erga suos Deus, ad eos ipsos eum misit, quos oderat, ne illis in perpetuum salutis uiam clauderet, sed daret his liberam facultatem sequendi Deum, ut & præmium uitæ adipiscerentur, si secuti fuissent, quod plurimi eorum faciunt, atque fecerunt: et culpa sua in poenam mortis incurrerent, si regem suum repudiassent. Apud illos igitur, & ex eorum semine regenerari eum iussit, ne si fuisset alienigena, iustam possent excusationem de lege prætere, quod eum non suscepissent: simul, ut nulla omnino gens esset in terra, cui spes immortalitatis negaretur.

DE IESU ortu ex uirgine, uita, morte, & resurrectione: de quibus rebus testimonia prophetarum.

CAP. XII.

**D**Escendēs itaq; de cœlo sanctus ille spiritus Dei, sanctam Virginem, cuius utero se insinuaret, elegit. At illa diuino spiritu hausto repleta cœcepit: et sine ullo actu uiri repente uirginalis uterus intumuit. Quod si animalia quædam uento, aut aura cœcipere solere, omnibus notū est, cur quisquā mirū putet, cū spiritu Dei, cui facile est quicquid uelit, grauata esse Virgine dicimus? Quod sane incredibile posset uideri, nisi hoc futurū ante multa secula prophete cecinissent. Solomon in ode undeuigesima ita dicit: Infirmatus est uterus Virginis, et accepit foetum, & grauata est, & facta est in multa miseratione mater Virgo. Itē propheta Esaias, cuius uerba sunt hæc, Propter hoc dabit Deus ipse uobis signum. Ecce Virgo accipiet

accipiet in uterum, & pariet filium, & uocabitis nomen eius Hemanuel. Quid hoc manifestius dici potest? Legēbāt ista Iudæi, qui eū negauerūt. si quis nos hæc fingere arbitratur, ab his requirat, ab his potissimum sumat. Satis firmū testimoniū est ad probandā ueritatē, quod ab ipsis perhibetur inimicis. Hemanuel autē nūquā uocitatus est, sed IESVS, qui Latine dicitur salutaris, siue saluator, quia cūctis gētibus salutifer uenit. Sed propheta declarauit hoc nomine, quod Deus ad homines in carne uenturus esset. Hemanuel enim significat nobiscum Deus, scilicet quia illo per uirginē nato, confiteri homines oportebat, Deū secum esse, id est, in terra, & in carne mortali. Vnde Dauid in psalmo octogesimo quarto, Veritas, inquit, de terra orta est: quia Deus, in quo ueritas est, terrenū corpus accepit, ut terrenis uia salutis aperiret. Item Esaias ipse: Ipsi autē nō crediderūt, & exacerbaucrūt spiritum sanctū. & cōuersus est eis ad inimiciā. Et ipse expugnauit, & recordatus est dierū seculi, qui suscitauit de terra pastore ouīū. Quis autē futurus esset ille pastor, declarauit alio loco dicēs: Exultēt cœli desuper, & nubes induāt iustitiā, aperiatur terra, & pullulet saluatore. Ego enim dominus Deus creauī eū. Saluator uero est (ut suprā diximus) Iesus. Sed & alio loco idem propheta sic prædicauit: Ecce natus est nobis puer, & datus est nobis filius, cuius imperium super humeros eius: & uocatum est nomen eius, magni cōsiliij nuntius. Iccirco enim missus est à Deo patre, ut uniuersis gētibus, quæ sub cœlo sunt, singularis, & ueri Dei sanctum mysteriū reuelaret, ablatū perfido populo, qui aduersus Deū sæpe deliquit. Daniel quoq; similia prælocutus est: Videbā, inquit, in uisu noctis, et ecce in nubibus cœli ut filius hominis ueniēs, & usq; ad uetustum

stum dierū peruenit. Et qui assistebāt, obtulerūt eum, & datū est ei regnū, & honor, et imperiū: et omnes populi, tribus, linguæ seruiēt ei, et potestas eius æterna, quæ nunquā trāsibit, & regnū eius, quod nō corrūpetur. Quomodo igitur Iudæi & cōfitebatur, & sperant Christū Dei? qui hunc iccirco reprobauerūt, quia ex homine natus est. Nā cum ita sit à Deo constitutū, ut idem Christus bis ueniat in terrā: semel, ut unū Deum gentibus nuntiet: deinde rursum, ut regnet: quomodo in secūdū eius aduētū credūt qui in primū nō crediderūt? At qui propheta utrosq; aduētus eius paucis uerbis comprehendit. Ecce, inquit, in nubibus cœli, ut filius hominis ueniēs. non dixit, ut filius Dei, sed filius hominis, ut ostenderet, quod carne indui haberet in terra, ut suscepta hominis figura, et cōditione mortali, doceret homīnes iustitiam: & cum mandatis Dei functus, ueritatē gētibus reuelasset, multaretur etiā morte, ut in seipsum quoq; uinceret, ac resignaret, atq; ita demum resurgens, ad patrem proficisceretur in nube sublatus. Adiecit enim propheta, & ait, Et usq; ad antiquū dierum peruenit, & oblatu est ei. Antiquū dicrū appellauit Deū summum, cuius ætas, & origo nō potest cōprehendi, quia solus à seculis fuit, & erit semper in secula. Christum autē post passiōē, ac resurrectionē ascensurū esse ad Deū patrem, Dauid in psalmo centesimo contestatus est his uerbis: Dixit dominus domino meo, sede à dextris meis, quo adusq; ponam inimicos tuos suppedaneū pedum tuorum. qui propheta, cum rex esset, quem appellare dominū suū posset, qui sederet ad dexteram Dei, nisi Christum filiū Dei, qui est rex regum, & dominus dominorum? Quod Esaias apertius ostendit dicens: Sic dicit dominus Deus Christo domino meo, cuius tenui dextrā, Obaudire ante  
cum

eum gentes faciam, & fortitudinem regum disrumpam. Aperiam ante illum portas, & ciuitates non claudentur. Ego antè ibo, & montes deplanabo, & fores aereas conteram, & seras ferreas confringā, & dabo tibi thesauros absconditos et inuisibiles, ut scias, quia ego sum dominus Deus, qui uoco nomen tuum, Deus Israël. Deniq; ob uirtutem, ac fidem, quam Deo exhibuit in terra, datum est ei regnum & honor, & imperiū, & omnes populi, tribus, linguae seruiant ei, & potestas eius aeterna, quae nunquam transibit, & regnum eius non corrumpetur. Quod quidem duobus modis intelligitur, quia & nunc habet perpetuam potestatem, cum omnes gentes, & omnes linguae nomen eius uenerantur, maiestatem confitentur, doctrinam sequuntur, uirtutem imitantur: habet imperium, atq; honorem, cum omnes tribus terrae praeceptis eius obtemperant. & idem postea, cum rursus aduenerit, in potestate, ac claritate, ut omnem animam iudicet, & iustos restituat ad uitam: tunc uere totius terrae regimen obtinebit: tunc sublato de rebus humanis omni malo, aureum seculum (ut poëtae uocant) id est iustum, ac pacificum tempus orietur. Sed haec uberius in ultimo libro differemus, cum de secundo aduentu loquemur: nunc de primo, ut coepimus, explicemus.

DE IESU Deo & homine: deq; eo testimonio  
nia Prophetarum.

CAP. XIII,

Summus igitur Deus, ac parens omnium, cum religio-  
nem suam trāsferre uoluisset, doctorem iustitiae misit  
è caelo, ut nouis cultoribus nouā legē in eo, uel per eū da-  
ret: nō sicut antè fecerat per hominem, sed tamē nasci eū  
uoluit tanquā hominē, ut per omnia summo patri similis  
existeret. Ipse enim pater Deus, & origo, & principiū  
q rrum

rerum, quoniam parentibus caret, ἀπαύτως, atq; ἀμύτως ὁ  
 Trismegisto uerissime nominatur, quod ex nullo sit pro-  
 creatus. Iccirco etiam filiū bis nasci oportuit, ut ipse fie-  
 ret ἀπαύτως atq; ἀμύτως. In prima enim natiuitate spirita-  
 li ἀμύτως fuit, quia sine officio matris, à solo Deo patre  
 progeneratus est. In secunda uero carnali ἀπαύτως fuit,  
 quoniam sine patris officio, uirginali utero procreatus  
 est, ut mediam inter Deum, & hominem substantiam ge-  
 rens, nostrā hanc fragilem, imbecillēq; naturam quasi  
 manu ad immortalitatem posset educere. factus est & Dei  
 filius per spiritum, & hominis per carnē, id est & Deus,  
 & homo. Dei uirtus in eo ex operibus, quæ fecit, appa-  
 ruit: fragilitas hominis, ex passione, quam pertulit. quā  
 cur suscepit, paulopost docebo. Interim & Deū fuisse,  
 & hominē ex utroq; genere permixtum, prophetis uati-  
 cinātibus discimus. Esaias Deū fuisse testatur his uerbis:  
 Fatigata est Aegyptus, & natio Aethiopū & Saba: uiri  
 alti ad te transgrediētur, & tui erūt serui, & post te am-  
 bulabūt uincti cōpedibus, et adorabūt te, & te precabū-  
 tur, quoniam in te Deus est, & non alius Deus præter te.  
 Tu enim Deus es, & nesciebamus, Deus Israël saluator.  
 Cōfundentur, & reuerbūtur omnes, qui aduersantur ti-  
 bi, & cadēt in cōfusionē. Itē propheta Hieremias sic ait:  
 Hic Deus noster est, & non deputabitur alius absq; illo,  
 qui inuenit omnē uia prudētiae, & dedit eā Iacob puero  
 suo, & Israël dilecto sibi. Post hæc in terris uisus est, &  
 cū hominibus uersatus est. Itē David in psalmo XLIIII.  
 Thronus tuus Deus in secula seculorum, uirga æquitatis,  
 uirga regni tui. Dilexisti iustitiā, & odio habuisti iniu-  
 stitiā, propterea unxit te Deus, Deus tuus oleo exultatio-  
 nis. Quo uerbo etiā nomē ostendit. siquidē (ut suprā do-  
 cuit)

cui) ab unctione appellatus est Christus. Deinde hominē fuisse eundē, Hieremias docet, dicēs: Et homo est, et quis cognouit eū? Item Esaias, Et mittet eis Deus hominē, et saluabit eos, iudicās sanabit eos. Sed et Moyses i Nume- ris ita loquitur, Orietur stella ex Iacob, et exurget homo ex Israël. Propterea Milesius Apollo cōsultus, utrum ne Deus, an homo fuerit, hoc modo respondit,

Θηθεὺς ἔην κατὰ σάρκα, σοφὸς τὸ πατρώδιον ἔργον,  
ἀλλ' ὑπὸ χαλδαίων κριτῶν ὅπλοις συναλωθεῖς,  
γόμεφοις καὶ σχολόπεισι πικρὴν ἀνέτλησε τελευτήν.

Primo uersu uerum quidem dixit, sed argute cōsultorem sefellit, sacramentum ueritatis penitus nescientem. Vi- detur enim negasse illum Deum. sed cum fatetur secundū carnem fuisse mortalem: quod etiā nos prædicamus, con- sequens est, ut secundum spiritum Deus fuerit, quod nos affirmamus. Quid enim fuerat necesse carnis facere men- tionem, cū satis esset dicere, fuisse mortalem? Sed ueritate pressus negare nō potuit quemadmodum res se haberet: sicut illud, quod ait, fuisse sapiētem. Quid ad hoc Apollo respondes? Si sapiens est, ergo doctrina eius sapientia est, nec ulla alia: et sapientes, qui sequuntur, nec ulli alij. Cur igitur uulgo pro stultis, et uanis, et ineptis ha- bemur, qui scētāmur magistrum, etiam ipsorum Deorū confessione sapientem? Nam quòd ait, portentifica illum opera fecisse, quo maxime diuinitatis fidem meruit, assen- tiri nobis iam uidetur, cum dicit eadem, quibus nos glo- riamur. Sed colligit se tamen, et ad daemonicas fraudes redit. Cum enim uerum necessitate dixisset, iam Deo- rum, ac sui proditor uidebatur, nisi quòd ab eo ueri- tas extorserat, mendacio fallente celasset. Ait ergo illum fecisse quidem opera miranda, uerum non diuina uirtu-



te, sed magica. Quid mirum, si hoc Apollo ueritatē ignorantibus persuasit, cum Iudæi quoque, cultores (ut uidebatur) summi Dei, idem putauerint? cum ante oculos eorum quotidie fierent illa miracula: nec tamen tantarum uirtutum contēplatione impelli potuerunt, ut Deum crederent, quem uidebant. Propterea Dauid, quem inter cæteros prophetas uel maxime legunt, in psalmo xxvii. sic eos damnat: Redde illis retributionem eorum, quoniā non intellexerunt opera domini. Ex huius ipsius domo Christum generatum iri secundum carnem, & ipse Dauid, & alij prophetae annunciauerunt. Apud Esaiam ita scriptum est, Et erit in illa die radix Iesse, et qui exurget principari in nationes, in eum gentes sperabunt, & erit requies eius in honore. & alio loco: Exiet uirga de radice Iesse, & flos de radice eius ascendet, & requiescet super eū spiritus Dei, spiritus sapientiæ & intellectus, spiritus consilij, & fortitudinis, spiritus pietatis, et implebit eum spiritus timoris Domini. Iesse autem fuit pater Dauid, ex cuius radice ascensurum esse florem, prælocutus est, eum scilicet, de quo Sibylla dicit,

αὐθίσα δ' ἀνθ' ὧν χαράσσῃ. —

Item in βασιλειῶν libro secundo, Propheta Nathan missus est ad Dauid uolentem Deo templum fabricare: & fuit uerbum Domini ad Nathan dicens, Vade, & dic seruo meo Dauid, Hæc dicit dominus omnipotēs: Non tu ædificabis mihi domum ad inhabitandū, sed cum impleti fuerint dies tui, & dormieris cum patribus tuis, suscitabo semen tuum post te, et parabo semen eius. Hic ædificabit mihi domū in nomine meo, & erigam thronum eius usque in seculum, & ego ero ei in patrem, & ipse erit mihi in filium, & fidem consequetur domus eius, & regnum eius usque in seculum. Sed hæc

ut

ut Iudæi non intelligerent, illa fuit causa, quòd Solomon filius Dauid, Deo templum ædificauit, et ciuitatem, quam de suo nomine Hierosolyma nuncupauit. Itaq; ad ipsum, quæ à propheta dicta sunt, retulerūt. Solomon autem ab ipso patre suo imperij regimen accepit. Propheta uero de eo loquebantur, qui tum nasceretur, postquam Dauid cum patribus suis requieuisset. Præterea Solomonis imperium perpetuum non fuit. annis enim x l. regnauit. Deinde quòd nunquam filius Dei dictus est, sed filius Dauid: & domus, quam ædificauit, non est fidem consecuta, sicut ecclesia, quæ est uerum templum Dei, quod non in parietibus est, sed in corde, ac fide hominum, qui credunt in eum, ac uocantur fideles. Illud uerò Solomonium templum, quia manu factum est, manu cecidit. Denique pater eius in psalmo c x x v i. de operibus filij sui prophetauit hoc modo: Si dominus non ædificauerit domum, in uanum laborauerunt, qui illam ædificauerunt. si dominus non custodierit ciuitatem, in uanum uigilauit, qui eam custodiuit.

De i e s u sacerdotio, deq; eo ipso testimo-

nia prophetarum.

CAP. XIII.

**Q**uibus ex rebus apparet, prophetas omnes denunciasse de Christo, fore aliquando, ut ex genere Dauid corporaliter natus constitueret æternum templum Deo, quod appellatur ecclesia, & uniuersas gētes ad religionem Dei ueram conuocaret. Hæc est domus fidelis, hoc immortale templum, in quo si quis nō sacrificauerit, immortalitatis præmium nō habebit. Cuius templi & magni, & æterni quoniā Christus fabricator fuit, idem, necesse est, habeat in eo sacerdotium sempiternū. Nec potest nisi per eum, qui cōstituit tēplum, ad aditum templi,

q 3 & ad

Et ad cōspēctum Dei perueniri. David in psalmo c i x.  
 id ipsum docet dicens: Ante luciferū genui te. Iuravit do-  
 minus, Et nō poenitebit eum. tu es sacerdos in æternū se-  
 cundum ordinē Melchisedech. Item in βασιλειῶν lib. pri-  
 mo: Et suscitabo mihi sacerdotē fidelem, qui omnia, quæ  
 sunt in corde meo, faciat: Et edificabo ei domū fidēle, et  
 transibit in cōspēctu meo omnibus diebus. Quis autem fu-  
 turus esset, cui Deus æternum sacerdotium pollicebatur,  
 Zacharias etiam nomīne posito, apertissime docuit. sic  
 enim dixit: Et ostendit mihi dominus Deus Iesum sacra-  
 dotem magnum stantē ante faciē angeli domini, Et dia-  
 bolus stabat ad dextrā ipsius, ut aduersaretur ei. Et dixit  
 Dominus ad diabolum, Imperet tibi Dominus in te, qui  
 elegit Hierusalem. Et ecce titio eiectus ab igne, Et Iesus  
 erat indutus uestimentis sordidis; Et stabat ante faciē  
 Angeli, Et respondit, Et dixit ad circumstantes ante fa-  
 ciē ipsius dicens: Auferte uestimenta sordida ab eo, Et  
 induite eum tunica talari, Et ponite cydarim mundā su-  
 per caput ipsius: Et cooperuerūt eum uestimento, Et im-  
 posuerunt cydarim mundā super caput eius: Et Angelus  
 domini stabat, Et testificabatur ad i b s v m dicēs: Hæc  
 dicit Dominus omnipotens, si in uijs meis ambulaueris, et  
 præcepta mea seruaueris, tu iudicabis domum meam, Et  
 dabo tibi, qui conuersentur in medio horum circumstan-  
 tium. Audi itaq; i b s v sacerdos magnē. Quis nō igitur  
 captos mentibus tum fuisse Iudæos arbitretur, qui cū hæc  
 legerent, Et audirēt, nefandas manus suas Deo suo intule-  
 runt? Atqui ab eo tempore, quo Zacharias fuit, usque ad  
 annum quintumdecimum imperij Tiberij Cæsaris, quo  
 Christus crucifixus est, anni quingenti numerantur: si qui-  
 dem Darij, Et Alexandri adolcuit ætate, qui fuerunt non  
 multo

multo pōst, quā Tarquinius Superbus exactus est. sed illi rursus eodē modo falsi, deceptiq; sunt, putātes hęc de IESV esse dicta filio Naue, qui successor fuit Mosi, aut de sacerdote IESV filio Iosedech. in quos nihil cōgruit eorū, quę propheta narrauit. Non enim sordidati illi unquam fuerunt, cum alter eorū princeps potētissimus fuerit, alter sacerdos: aut perpeși sunt aliquid aduersi, ut tanquam titio eiectus ex igne, putarētur: aut aliquādo in cōspectu Dei, et Angelorum steterunt: aut propheta de pręteritis loquebatur potius, quā de futuris. Locutus est igitur de IESV filio Dei, ut ostenderet, eum primo in humilitate, et carne esse uēturum. Hęc enim est uestis sordida, ut pararet tēplum Deo: et sicut titio igni cōbureretur, id est ab hominibus cruciamenta perferret, et ad ultimum extingueretur. Titionem enim uulgus appellat extractum foco torrem seniusum, extinctum. Quomodo autem, et cum quibus mandatis à Deo mitteretur in terram, declarauit spiritus Dei per prophetā, docens futurum, ut cū uoluntatem summi patris fideliter, et cōstanter impleſſet, acciperet iudiciū, atq; imperium sempiternum. Si in uijs meis, inquit, ambulaueris, et pręcepta mea seruaueris, tu iudicabis domū meā. Quę fuerint uie Dei, et quę pręcepta eius, nec ambiguum, nec obscurum est. Deus enim, cum uideret malitiam, et falsorum Deorum cultus per orbem terrę inualuisse, ut iam nomen eius ex hominum memoria fuisset penē sublatum (siquidem Iudæi quoque, quibus solis arcanum Dei creditum fuerat, relicto Deo uiuo, ad colenda figmēta, irretiti demonum fraudibus aberrassent, nec increpiti per prophetas reuerſi ad Deū uellent) filium suum principē Angelorū legauit ad homīnes, ut eos cōuerteret ab impijs, et uanis cul-

tibus, ad cognoscendum, & colendum Deum uerum: item ut eorum mentes à stultitia ad sapientiam, ab iniquitate ad iustitiæ opera traduceret. Hæ sunt uiae Dei, in quibus ambulare eū præcepit. Hæc præcepta, quæ seruanda mandauit, ille uero exhibuit Deo fidē. docuit enim quòd unus Deus sit, cumq; solum coli oportere. nec unquam se ipse Deū dixit: quia nō seruasset fidem, si missus, ut Deos tolleretur, & unum assereret, induceret alium, præter unum. Hoc erat, non de uno Deo facere præconiū, nec eius, qui miserat, sed suum proprium negotiū gerere, ac se ab eo, quem illustratū uenerat, separare. Propterea quia tā fidelis extitit, quia sibi nihil prorsus assumpsit, ut mandata mittētis impletet: & sacerdotis perpetui dignitatem, & regis summi honorem, & iudicis potestatem, & Dei nomen accepit.

De IESU uita & miraculis: decq; ijs

testimonia.

CAP. XV.

**Q**uoniam de secunda natiuitate diximus, qua se hominibus in carne monstrauit, ueniamus ad opera illa miranda: quæ cum essent cœlestis indicia uirtutis, magum Iudæi putauerunt. Cū primū cœpit adolescere, tinctus est à Ioāne propheta in Iordane flumine, ut lauacro spiritali peccata non sua, quæ utiq; non habebat, sed carnis, quam gerebat, aboleret: ut quemadmodū Iudæos suscepta circumcisione, sic etiam gētes baptismo, id est purificati roris perfusione saluaret. Tunc uox audita de cœlo est: Filius meus es tu: ego hodie genui te. Quæ uox apud Dauid prædicta inuenitur. & descendit super eum spiritus Dei, formatus in speciem columbæ candidæ. Exinde maximas uirtutes cœpit operari, nō præstigijs magicis, quæ nihil ueri, ac solidi ostētant, sed ui, ac potestate cœlesti

lesti, quæ iam pridē prophetis nunciantibus canebantur. Quæ opera tā multa sunt, ut unus liber ad complectenda omnia satis nō sit. Enumerabo igitur illa breuiter, & generatim, sine ulla personarum, ac locorū designatione, ut ad exponēdā passiōis eius, crucisq; rationē possim peruenire, quò iandudum festinat oratio. Virtutes eius fuerunt, quas Apollo portētificas appellauit: quòd quacūq; iter faciebat, ægros, ac debiles, & omni morborum genere laborantes, uno uerbo, unoq; momento reddebat incolumes: adeo ut membris omnibus capti, receptis repēte uiribus roborati, ipsi lectulos suos reportarent, in quibus fuerant paulò antè delati. Claudis uerò, ac pedum uitio afflicto, non modo gradiēdi, sed etiā currendi dabat facultatem. Tunc quorū cæca lumina in altissimis tenebris erant, eorum oculos in pristinum restituebat aspectum. Mutorum quoq; linguas in eloquium, sermonemq; soluebat. Item surdorum patefactis auribus insinuabat auditum: pollutos ac sparsos maculis, repurgabat. Et hæc omnia non manibus, aut aliqua medela, sed uerbo, ac iussione faciebat, sicut etiā Sibylla prædixerat,

πάντα λόγῳ πράττωρ πᾶσάν τε νόσον θεραπεύωρ.

Nec utiq; mirum, quòd uerbo faciebat mirabilia, cū ipse esset Dei uerbum, cœlesti uirtute, ac potestate subnixum. Nec satis fuit quòd uires imbecillis redderet, quòd debilibus integritatem, quòd ægris & languentibus sanitatem: nisi etiā mortuos suscitaret, uelut è somno solutos, ad uitamq; reuocaret. Quæ uidētes tūc Iudæi, dæmoniaca potentia fieri arguebāt: cum omnia sic futura, ut facta sunt, arcane illorum literæ cōtinerent. Legebant quippe cum aliorū prophetarū, tum Esaia uerba dicētis, Cōfortamini manus resolutæ, & genua debilia consolamini. Qui estis

pusilli animi, nolite timere, nolite metuere: dominus noster iudicium retribuet: ipse ueniet, et saluos faciet nos. Tunc aperientur oculi cæcorum: et aures surdorum audient. Tunc saliet claudus sicut ceruus, et plana erit lingua mutorum, quia rupta est in deserto aqua, et riuus in terra sitienti. Sed et Sibylla eadem cecinit his uersibus,

— κερῶν δὲ ἀνέστασις ἵσα

καὶ χαλῶν θόρυβος ὡς ὡὺς καὶ κωφὸς ἀκούσει.

καὶ τυφλὸς βλέψει, λαλήσας ὃ λαλίωντες.

Ob has eius uirtutes, et opera diuina, cum magna illorum multitudo sequeretur uel debiliū, uel ægrorū, uel eorū qui curandos suos offerre cupiebant, ascendit in montem quendam desertū, ut ibi adoraret: ubi cū triduo moraretur, ac fame populus laboraret, uocauit discipulos, quærens, quantos secum cibos gestarent. At illi quinque panes, et duos pisces in pera se habere dixerunt. Afferri ea iussit, ac multitudinem per quinquagenos distributam discumbere. Quod cū discipuli facerent, frangebat ipse panem minutatim, carnēq; piscium cōmunuebat: et utraq; in manibus eius augebantur. et cū apponi illa populo, discipulis imperasset, saturata sunt quinque hominum millia, et insuper duodecim cophini de residuis fragminibus impleti. Quid aut dici, aut fieri potest mirabilius? At id Sibylla futurum cecinerat olim. Cuius uersus tales feruntur,

ὅς ἄρτιος ἅμα πέντε, καὶ ἰχθύεσσιν ὀδοῖσιν

ὠφῶν χιλιάδας ἐν ἑρήμῳ πέντε κρέσσει,

καὶ τὰ πειρασόντα λαβὼν μετὰ κλάσματα πάντα

δώσει πληρώσει κρήνας ὅς ἐλπίδα πολλῶν.

Quæro igitur quid hic potuerit ars magica moliri, cuius peritia nihil aliud, quàm ad circūscribēdos oculos ualet. Idē secessurus orādī gratia, sicut solebat, in mōtē, præce-

pit



pit discipulis, ut nauiculā sumerent, scq; præcederent. At illi urgēte iam uespere profecti, cōtrario uento laborare cœperunt. cumq; iam medium frctum tenerent, tum pedibus mare ingressus cōsecutus est eos, tanquā in solido gradiens, nō ut poētæ Orionē mētiuntur in pelago incedentem, qui demersa corporis parte, humero supereminet undas. Et rursus cum obdormisset in naui, et uentus usq; ad extremū periculū scuire cœpisset: excitatus somno, silere uentū protinus iussit, et fluctus, qui maximi ferebantur, cōquiescere: statimq; sub uerbo eius, trāquillitas insecuta est. Mētiuntur fortasse literæ sanctæ, docētes tantam fuisse in eo potestatem, ut imperio suo cogeret uētos obsequi, maria seruire, morbos cedere, inferos obedire. Quid q; eadem Sibyllæ carminibus suis antè docuerunt? quarum una, cuius suprà fecimus mentionem, sic ait:

τὸς ἀνέμους πᾶσι τὴν λόγῳ, σρώσει δὲ θάλασσαν  
μαυνομένην πρὸς τὴν ἑρμηνῆ πύσσει τε πατήσσει.

Et rursus alia, quæ dicit,

κύματα περὶ θύσσει, νόστον ἀνθρώπων ἀπολύσει,  
ῥύσει τε θνήσκοντας, ἀπώσεται ἄλγεια πολλοῖς,  
ἐκ δὲ μιᾶς πηγῆς ἄρτι κόρη ἔσται ἀνδρῶν.

His testimonijs quidam reuicti, solent cō confugere, ut aiant, nō esse illa carmina Sibyllina, sed à nostris cōficta, atque composita. Quòd profecto non putabit qui Cicero nem, Varronem que legerit, alios que ueteres, qui Erythræam Sibyllam, cæteras que commemorāt: quarum ex libris ista exempla proferimus. qui autores antè obierūt, quàm CHRISTVS secundum carnem nasceretur. Verum non dubito, quin illa carmina prioribus temporibus pro deliramentis habita sint, cum ea nemo tum intelligeret. Denunciabant enim monstruosa quædam miracula:

quorum

quorum nec ratio, nec tempus, nec autor designabatur. Denique Erythræa fore ait, ut diceretur insana, & mendax. Ait enim:

—φύσιν σβύλλην

μανομένην ἰδούσαν ἑπ' αὐτὴν δὲ γίνονται ἅπαντα,

τηνίσταμεν μνήμην ποιήσετε. καὶ ἐπ' αὐτὴν μὲν ἰδούσας

μανομένην φήσει μὲν θεὸς μετ' ἄλλοις προφῆταις.

Latuerunt igitur multis seculis, postea uero animaduersa sunt, quam CHRISTI natiuitas, et passio patefecit arcana, sicut etiam uoces prophetarum, quæ cum per annos mille quingentos, & eò amplius lectæ fuissent à populo Iudæorum, nec tamen intellectæ sunt, nisi postquam illas CHRISTVS & uerbo, & operibus interpretatus est. Illum enim prophætæ annunciauerunt: nec ullo modo poterant, quæ illi loquebantur, intelligi, nisi fuissent uniuersa completa.

DE IESV passione, & ea prædicta. CAP. XVI.

**V**ENIO nunc ad ipsam passionē: quæ uelut opprobriū nobis obiectari solet, quòd & hominē, & ab hominibus insigni supplicio affectum, & excruciatum colamus: ut doceam, eam ipsam passionem ab eo cum magna, & diuina ratione susceptam, & in ea sola & uirtutē, & ueritatem, & sapientiam contineri. Nec enim si beatissimus in terra fuisset, & per omnem uitam in summa felicitate regnasset, quisquā illum sapiens, aut Deum credidisset, aut honore diuino dignū iudicasset: quod faciunt ueræ religionis expertes: qui caducas opes, & fragilem potentiam, & alieni beneficij bona non tantum suscipiunt, uerum etiam consecrant, & scientes, memoriæ mortuorum deseruiunt, fortunam iam extinctam colentes: quam ne uiuam quidem, præsentemq; sapientes colendam sibi unquam

unquam putauerunt. Nec enim potest aliquid in rebus terrenis esse uenerabile, cæloq; dignum: sed sola est uirtus, sola iustitia, quæ potest uerū bonū, & cæleste, & perpetuum iudicari: quia nec datur cuiquam, nec aufertur. qua uirtute, ac iustitia quoniā Christus instructus uenit in terram, imò uerò, quoniam ipse uirtus, & iustitia est, descendit, ut eam doceret, hominemq; formaret: quo magisterio, ac Dei legatione perfunctus, ob eā ipsam uirtutem, quam simul & docuit, & fecit, ab omnibus gentibus & meruit, & potuit Deus credi. Ergo cū magnus populus ad eum uel ob iustitiā, quam docebat, uel ob miracula, quæ faciebat, subinde conflueret, & præcepta eius audiret, & à Deo missum, Deiq; filium crederet: tum primores Iudæorū, & sacerdotes ira stimulati, quòd ab eo tanquam peccatores increpabantur, & inuidia deprauati, quòd confluente ad eum multitudine contemni se, ac deseri uidebant, & (quod caput sceleris illorum fuit) stultitia, & errore cæcati, & immemores præceptorū cælestium, ac prophetarum, coierunt aduersus eum, impiumq; cōsiliū de eo tollendo, cruciandoq; ceperūt: quod prophætæ multò antè descripserant. Nam & Dauid in principio psalmorum suorum prouidens in spiritu, quantum facinus admissuri essent, beatum esse ait, qui nō abierit in consilio impiorū. Et Solomon in libro Sapientiæ his uerbis usus est: Circumueniamus iustum, quoniā insuauis est nobis, et exprobat nobis peccata legis. pmittit se scientiam Dei habere, & filium Dei se nominat: factus est nobis in traductionem cogitationum nostrarum: grauis est nobis etiam ad uidendum, quoniam dissimilis est alijs uita illius, & immutatae sunt uiae illius. tanquam nugaces aestimati sumus ab eo: continet se à uijs nostris, quasi ab im-

mundicijs

mundicijs, & præfert nouissima iustorum, & gloriatur, patrē se habere Deum. Videmus ergo si sermones illius ueri sunt, & tentemus quæ uentura sunt illi: contumelijs, & tormentis interrogemus eum, ut sciamus reuerentiam illius, & probemus patientiā illius: morte turpissima condemnemus eum. Hæc cogitauerunt, & errauerunt. Excœcauit enim illos stultitia ipsorum: & nescierunt sacramenta Dei. Non ne ita descripsit nefarium illud consilium ab impijs initum contra Deum, ut plane interfuisse uideatur? atqui à Solomone, qui hæc cecinit, usque ad id tempus, quo gesta res est, nulle ac decem anni fuerunt. Nihil nos effingimus, nihil addimus. Habebant hæc, qui fecerunt: legebant, in quos hæc dicta sunt. sed & nunc hæc des nominis, ac sceleris illorum hæc & habent, & damnationem suam prophetarum uoce prædictam quotidianis lectionibus personant, nec aliquando in cor suum, quæ pars est & ipsa damnationis, admittunt. Increpiti ergo à Christo sæpe Iudæi, exprobrante illis peccata, & iniustitias, & à populo penè deserti, concitati sunt ad eum necandum. Cuius rei audaciam dedit illis humilitas eius. Nam cum legerent, cum quanta uirtute, & claritate filius Dei uenturus esset è cœlo: **I E S U M** autem cernebant, humilem, quietum, sordidum, informem: non credebant, filium Dei esse, ignorantes, duos eius aduentus à prophetis esse prædictos: Primum in humilitate carnis obscurum: Secundum in fortitudine maiestatis manifestum. De primo Dāuid in psalmo septuagesimo primo sic ait: Descendet sicut pluuia in uellus, & orietur in diebus eius iustitia, & abundantia pacis, donec extollatur luna. Sicut enim pluuia, si descendat in uellus, animaduerti non potest, quia strepitum non facit: ita Christum in terram sine

ram sine cuiusquam suspitione uenturum esse dixit, ut iustitiam doceret, et pacem. Esaias quoque ita tradidit: Domine quis credidit auditui nostro? et brachium Domini cui reuelatum est? Annunciauimus coram ipso sicut pueri, et sicut radix in terra sitienti. non est figura eius, neque claritas: et uidimus illum, et non habuit figuram, neque decorem: sed figura eius sine honore, et deficiens praeter ceteros homines. homo in plaga positus est, sciens ferre imbecillitatem, quia auersus est, et non est computatus. Hic peccata nostra portat, et pro nobis hic dolet: et nos putauimus ipsum esse in dolore, et in plaga, et in uexatione. Ipse autem uulneratus est propter facinora nostra, et infirmatus est propter peccata nostra: doctrina pacis nostrae super illum: liuore eius nos sanati sumus. Omnes sicut oues errauimus: et Deus tradidit illum pro peccatis nostris. Et Sibylla eodem modo locuta est:

οἰκτρός, ἀπῆλθε, ἀμωρῶς ἐν οἰκτροῖς ἐλπίδα δώσας.

Propter hanc humilitatem, Deum suum non agnoscētes, inierunt consilium detestandum, ut priuarent eum uita, qui, ut eos uiuificaret, aduenerat.

De Iudaeorum religionibus, & odio

IN IESVM.

CAP. XVII.

SEd ira, atque inuidiae suae, quam in cordibus suis gerēbant, intus inclusa malitia, causas praeferebant, quod legem Dei per Moysen datam solueret, id est, quod sabbatis non uacaret, operans in salutem hominum, quod circumcisionē uacuefaceret, quod abstinentiam suillae carnis auferret. In quibus rebus Iudaicae religionis sacramenta consistunt. Ob hanc itaque cetera pars populi, quae nōdum ad Christum secesserat, a sacerdotibus incitabatur, ut impiū iudicaret eū, quod legē Dei solueret, cū hoc ille nō suo iudicio, sed

sed ex Dei uoluntate, & secundū prædicta faceret prophetarū. Michæas enim nouā legē daturū denūciauit hoc modo: Lex de Syō proficiſcetur, et sermo domini ex Hierusalē, & iudicabit inter plurimos populos, & reuincet, & deliget ualidas nationes. Illa enim prior lex, quæ per Mosē data est, nō in monte Syon, sed in mōte Oreb data est: quam Sibylla, fore ut à filio Dei solueretur, ostendit:

ὁ μὲν ὅτι ταῦτ' ἄρ' ἅπαντα τελεωθῆναι ἅπας ἔσονται

ἐς αὐτὸν πᾶς λήσεται νόμος.

Sed & ipse Mosēs, per quem datam sibi legem dum perſtinaciter tuentur, exciderunt à Deo, & Deum nō agnouerunt, prædixerat fore, ut propheta maximus mittatur à Deo, qui sit supra legem, qui uolūtatem Dei ad homines perferat. In Deuteronomio ita scriptum reliquit: Et dixit dominus ad me: Prophetā excitabo eis de fratribus eorū sicut te, & dabo uerbum meum in os eius: & loquetur ad eos, ea quæ præcepero ei: & quisquis nō audierit ea, quæ loquetur propheta ille in nomine meo, ego uindicabo in eum. Denunciauit, scilicet dominus per ipsum legiferum, quod filium suum, id est, uiuā, præsentemq; legē missurus esset, & illam ueterē per mortalem datā soluturus, ut de nouo per eum, qui esset æternus, legem sanciret æternam. Item de circuncisione soluenda Esaias ita prophetauit, Hæc dicit dominus uiris Iuda, qui inhabitāt Hierusalem: Renouate inter uos nouitatem: et ne seminaueritis in spinis. Circūcidite uos domino Deo uestro, & circūcidite præputiū cordis uestri, ne exeat ira mea sicut ignis, & nō sit qui extinguat. Itē Mosēs ipse: In nouissimis diebus circūcidet dominus cor tuū ad dominū Deū tuum amandum. Item IESVS Naue successor eius. Et dixit dominus ad IESVM, Fac tibi cultellos petrinos nimis acutos,

&

Et sede, et circumside secundò filios Israël. Secundā circuncisionem futuram esse dixit, non carnis, sicut fuit prima, qua etiam nunc Iudæi utuntur, sed cordis, ac spiritus, quam tradidit CHRISTVS, qui uerus IESVS fuit. Non enim propheta sic ait, Et dixit IESVS ad me, sed ad Iesum, ut ostēderet quòd nō de eo loqueretur, sed de CHRISTO, ad quem tunc Deus loquebatur: CHRISTI enim figurā gerebat ille IESVS: qui cum primū Ausus uocaretur, Moses futura præsentiens, iussit cum IESVM uocari, ut quoniam dux militiæ delectus esset aduersus Amalech, qui oppugnabat filios Israël, et aduersarium debellaret per nominis figuram, et populum in terrā promissionis induceret. Et ideo etiā Mosi successit, ut ostenderet nouam legem per CHRISTVM IESVM datam, ueteri legi successurā, quæ data per Mosē fuit. Nam illa carnis circuncisio caret utique ratione. quia si Deus id uellet, sic à principio formasset hominē, ut præputiū nō haberet. sed huius secundæ circuncisionis figura erat, significans, nudandū esse pectus, id est apertum, et simplici corde oportere nos uiuere: quoniā pars illa corporis, quæ circūciditur, habet quandā similitudinē cordis, et est pudēda. Ob hanc causam Deus nudari eā iussit, ut hoc argumēto nos admoneret, ne inuolutū pectus haberemus, id est, ne quod pudendū facinus intra cōscientiæ secreta uelemus. Hæc est cordis circūcisio, de qua propheta loquuntur, quā Deus à carne mortali ad animā transtulit, quæ sola mansura est. Volēs enim uitæ, ac salutis nostræ pro æterna sua pietate cōsulere, pœnitentiā nobis in illa circūcisione proposuit, ut si cor nudauerimus, id est, si peccata nostra cōfessi satis Deo fecerimus, ueniā cōsequamur, quæ cōtumacibus, et admissa sua celantibus denegatur ab eo, qui non faciem,



sicut homo, sed intima, & arcana pectoris intuetur. Eodē spectat etiā carnis suillæ interdictio, à qua cum eos abstinere Deus iussit, id potissimū uoluit intelligi, ut se à peccatis, atq; immūdijs abstinerēt. Est enim lutulentū hoc animal, & immundum, nec unquā cælū aspicit, sed in terra toto & corpore & ore proiectū, uētri semper, & pabulo seruit: nec ullum alium, dū uiuit, prestare usum potest, sicut cæteræ animātes, quæ uel sedēdi uehiculū præbent, uel in cultibus agrorū iuuāt, uel plaustra collo trahunt, uel onera tergo gestant, uel indumentū exuijs suis exhibēt, uel copia lactis exuberāt, uel custodiēdis domibus inuigilāt. Interdixit ergo, ne porcina carne uterentur, id est, ne uitā porcorū imitarentur, qui ad solā mortē nutriūtur, ne uētri, ac uoluptatibus seruiētes, ad faciendā iustitiā inutiles essent, ac morte afficerētur. Itē ne se foedis libidinibus immergerēt, sicut sus, quæ se ingurgitat cœno: uel ne terrenis seruiant simulachris, ac se luto inquinēt. luto enim se oblinunt, qui Deos, id est, qui lutum, terramq; uenerātur. sic uniuersa præcepta Iudaicæ legis ad exhibendam iustitiā spectant, quoniā per ambagem data sunt, ut per carnalium figuram spiritalia noscerentur.

De IESV passione, & ea prædicta. CAP. XVIII.

**C**Um igitur ea, quæ Deus fieri uoluit, quæq; per prophetas suos multis seculis antè prædixit, CHRISTVS impleteret, ob ea incitati, et diuinas literas nescientes, coierūt, ut Deū suū condēnarent. Quod cū sciret futurū, ac subinde diceret, oportere se pati, ac interfici pro salute multorū, secessit tamē cum discipulis suis, nō ut uitaret, quod necesse erat perpeti, ac sustinere, sed ut ostēderet, q. ita fieri oporteat in omni persecutione, ne sua quis culpa incidisse uideatur: ac denūtiāuit fr̄e, ut ab uno eorū proderetur

proderetur. Itaq; Iudas præmio illectus tradidit cum Iudæis. At illi comprehensum, ac Pontio Pilato, qui tum legatus Syriam regebat, oblatū, cruci affigi postulauerūt, obijcientes ei nihil aliud, nisi quòd diceret se filium Dei esse, & regem Iudæorum: item quòd dixerat, Si solueritis hoc templum, quod ædificatum est annis *x l v i*. ego illud in triduo sine manibus resuscitabo, significans breui futuram passionem suam, & se à Iudæis interfectum, tertio die resurrecturum. Ipse enim erat uerum Dei templum. Has uoces eius tanquā infaustas, & impias insectabantur. Quæ cum Pilatus audisset, & ille in defensionem sui nihil diceret, pronunciauit, nihil in eo damnatione dignum uideri. At illi iustissimi accusatores cū populo, quē incitauerant, succlamare cœperunt, & crucē eius uolentis uocibus flagitare. Tum Pontius & illorū clamoribus, & Herodis tetrarchæ instigatione, metuentis ne regno pelleretur, uictus est. Nec tamen ipse sententiā protulit, sed tradidit eum Iudæis, ut ipsi de illo secundū legē suam iudicarent. Duxerunt ergo eum flagellis uerberatum, & prius quàm cruci affigerent, illuserunt: indutum enim coloris punicci ueste, ac spinis coronatū, quasi regem saluauerunt: & dederunt ei cibum fellis, & miscuerunt ei acceti potionem. Post hæc conspuerunt faciem eius, & palmis ceciderunt. Cumq; ipsi carnifices de uestimentis eius contenderent, sortiti sunt inter se de tunica, & pallio. Et cum hæc omnia fierent, nullam uocem ex ore suo, tanquā si mutus esset, emisit. Tum suspenderunt eum inter duos noxios medium, qui ob latrocinia damnati erant, cruciq; affixerunt. Quid ego hic in tanto facinore deplem? aut quibus uerbis tantum nefas cōquerar? Non enim Gauiam nam crucē describimus, quā M. Tul. uniuersæ eloquētiæ

sue neruis, ac uiribus, uelut effusis totius ingenij fontibus prosecutus est, facinus indignum esse proclamans, ciuem Romanum contra omnes leges in crucem esse sublatum. Qui quamuis innocēs fuerit, et illo supplicio indignus, mortalis tamen, et ab homine scelesto, qui iustitiā ignoraret, affectus est. Quid de huius crucis indignitate dicemus, in qua Deus à cultoribus Dei suspēsus est, atq; suffixus? Quis tam facundus et tanta rerum, uerborumq; copia instructus existet? quæ oratio tantæ affluētiæ ubertate decurrens, ut illam crucē merito deploret, quam mundus ipse, et tota elemēta luxerunt? Hæc autem sic futura fuisse, et prophetarum uocibus, et Sibyllinis carminibus denunciātū est. Apud Esaiam ita scriptum inuenitur: Nō sum contumax, neq; contradico: dorsum meum posui ad flagella, et maxillas meas ad palmas: faciem autē meam non auerti à sorditate sputorum. Similiter Dauid in psalmo x x x i i i i. Congregata sunt super me flagella, et ignorauerunt: dissoluti sunt, nec cōpuncti sunt: tentarunt me, et deriserunt derisu; et striderunt super me dentibus suis. Sibylla quoq; eadem futura monstrauit:

ὅς ἀνόμους χῆρας καὶ ἀπίστων ὕπερον ἦξεν  
 δώσουσι δὲ θεῷ ῥαπίσματα χειρὶν ἀνάρχους  
 καὶ σώμασιν μιαιφῶσι τὰ πνύσματα φαρμακόνετα,  
 δώσῃ δ' ὅς μάστιγας ἀπλῶς ἀγνὸν τότε νῶτον,

Item de silentio eius, quod usq; ad mortem pertinaciter tenuit, Esaias iterum sic locutus est: Sicut ouis ad immolandum ductus est, et sicut agnus corā tondentibus se sine uoce, sic non aperit os suum. Et Sibylla supradicta;

καὶ χαλαφίζομεν σιγήσῃ, μὴ τις ἐπιγνῷ  
 τίς λόγος, ἢ πόθεν ἦλθεν ἵνα φθιμένοισι λαλήσῃ,  
 καὶ εἴφανον φορέσῃ ἢ ἀκάθινον. —

De cibo uerò, & potu, quē, antequā cum figerent, illi obtulcrunt, David in psalmo LXVIII. sic ait: Et dederūt in escam meam fil: & in siti mea potum mihi dederunt accutum. Idem hoc futurum etiam Sibylla concionata est:

ἔς δ' ἐπερωμα χολήν κ' ἐς λίπαν ἔξος ἴδωκα

τῆς ἀφιλοξενίης ταύτην δείξασί τράπεζαν.

Et alia Sibylla Iudæam terram his uersibus increpat:

αὐτὴ γὰρ σὺ ἄφρον ἦν σὸν θεὸν ἔκ ἐνόησας,

παίοντ' ἐν θνητοῖσι νομίμασιν ἄλλὰ κ' ἀκάνθους,

ἔσπετας περὶ φερέντε χολήν ἐκέραιας.

Fore autem ut Iudæi manus inferrent Deo suo, eumq; interficerent, testimonia prophetarum hæc antecesserunt. Apud Esdram ita scriptum est: Et dixit Esdras ad populum, Hoc pascha saluator noster est, & refugiū nostrū. cogitate, & ascendat in cor uestrum, quoniam habemus humiliare eum in signo: & post hæc sperabimus in eū, ne deferatur hic locus in eternū tēpus, dicit dominus Deus uirtutum. Si non credideritis ei, neq; exaudieritis annuntiationem eius, eritis derisio in gentibus. Vnde apparet, Iudæos nullam aliam spem habere, nisi se abluerint à sanguine, ac sperauerint in eum ipsum, quem negauerunt. Esaias quoq; facinus eorum designat, & dicit: In humilitate eius iudicium sublatum est. Natiuitatē eius quis enarrabit? quoniam auferetur à terra uita eius: à facinoribus populi mei adductus est ad mortē. & dabo malos pro sepultura eius, & diuites pro morte eius: quia facinus non fecit, neq; insidias ore suo locutus est. Propterea ipse consequetur multos, & fortium diuidet spolia: propterea qd traditus est ad mortē, & inter facinorosos deputatus est: & ipse peccatum multorum pertulit: & propter facinora illorum traditus est. David quoq; in psalmo XCIII.

Captabunt in animam iusti: & sanguinem innocentē con-  
 demnabunt: et factus est mihi dominus in refugium. Et Hie-  
 remias: Domine significa mihi, & cognoscam. tunc uidi  
 meditationes eorum: ego sicut agnus sine macula perdu-  
 ctus sum ad uictimam: in me cogitauerunt cogitationē, di-  
 centes: Venite mittamus lignū in panē eius, & eradamus  
 ē terra uitam eius: & nomē eius non erit in memoria am-  
 plius. Lignū autem crucē significat, et panē corpus eius:  
 quia ipse est cibus, & uita hominū, qui credunt in carnē,  
 quam portauit, & in crucem, in qua pependit. De qua ta-  
 men apertius ipse Moses in Deuteronomio ita pradica-  
 uit: Et erit pendens uita tua ante oculos tuos: & timebis  
 die, ac nocte, & nō credes uitæ tuæ. Idē rursus in Nume-  
 ris: Non quasi homo dominus suspenditur, neq; quasi fi-  
 lius hominis minas patitur. Zacharias etiam sic tradidit:  
 Et intuebuntur in me, quem transfixerūt. Item Dauid in  
 psalmo xxi. Effoderunt manus meas, & pedes meos: di-  
 numerauerūt omnia ossa mea: ipsi autē cōtemplati sunt,  
 & uiderunt me: diuiserunt sibi uestimenta mea, & super  
 uestem meam sortem miserunt. Quæ utiq; propheta non  
 de se locutus est. Fuit enim rex, & nūquam perpeffus est  
 illa. Sed spiritus Dei per eum loquebatur, qui fuerat illa  
 passurus post annos nulle & quinquaginta. Tot enim col-  
 liguntur anni à regno Dauid usq; ad crucem Christi. Sed  
 & Solomon filius eius, qui Hierosolymam condidit, eam  
 ipsam periturā esse in ultionem sanctæ crucis, propheta-  
 uit: Quòd si auertimini à me, dicit Dominus, & nō custo-  
 dieritis ueritatē meam: reijciam Israël à terra, quā dedi  
 illis: et domum hanc, quam ædificaui illis in nomine meo,  
 proijciam illam ex omnibus, & erit Israël in perditio-  
 nem, & in opprobriū populo, et domus hæc erit deserta,  
 & omnis

Et omnis, qui transibit per illam, admirabitur, Et dicet, Propter quam rem fecit dominus terræ huic, Et huic domui hæc mala? Et dicent: Quia reliquerunt dominum Deum suum, Et persecuti sunt regem suum dilectissimum Deo, Et cruciaverunt illum in humilitate magna, propter hoc importauit illis Deus mala hæc.

De IESU morte, sepultura, & resurrectione: de quibus rebus prædicta. CAP. XIX.

**Q**uid amplius iam de facinoribus Iudeorum dici potest, quam excacatos tum fuisse, atque insanabili furore correptos, qui hæc quotidie legentes neque intellexerunt, neque quin facerent, cauere potuerunt? Suspensus igitur, atque affixus exclamauit ad Dominum uoce magna, Et ultro spiritum posuit. Et eadem hora terræ motus factus est. Et uelum templi, quod separabat duo tabernacula, scissum est in duas partes, Et Sol repente subductus est, Et ab hora sexta usque in nonam tenebræ fuerunt. Qua de re Amos propheta testatur: Et erit in illo die dicit Dominus, occidet sol meridie, Et obtenebrabitur dies lucis, Et conuertam dies festos uestros in luctum, Et cantica uestra in lamentationem. Item Hieremias, Exterrita est, quæ parit, Et teudit animam, Et occidit sol ei, cum adhuc medius dies esset: confusa est, Et maledicta: reliquos eorum in gladium dabo, in conspectu inimicorum eorum. Et Sibylla:

\* Ναὺς ὁ Χριστὸς ἐν πέντασμα, καὶ ἕματι μίσησιν

Νὺξ ἔσται σκώπεται πελώριον ἐν πρὸς ὄραυς.

Cum hæc facta essent, ne prodigijs quidem cælestibus facinus suum intelligere quiuerunt. Sed quoniam prædixerat, se tertio die ab inferis resurrecturum, metuentes, ne à discipulis surrepto, Et amoto corpore, uniuersi resurrexisse eum, crederet, Et fieret multo maior in plebe con-

r 4 fusio

fusio, detraxerunt eum cruci, & conclusum in monumēto firmiter militari custodia circumdederunt. Verum tertio die ante lucem terramotu factō, repente patefactū est sepulchrū, & custodibus, quos attonitos obstupescerat pauor, nihil uidētibus, integrā sepulchro, ac uiuus egressus, in Galilæā profectus est, ut discipulos suos quæreret: in sepulchro uero nihil repertum est, nisi exuiæ, quibus conuolutum corpus incluserant. Illum autem apud inferos non remansurum, sed die tertio resurrecturum, prophætæ cecinerāt. Dauid in psalmo x v. Non dereliques animam meam apud inferos, nec dabis sanctum tuum uidere interitum. Item in tertio: Ego dormiui, & somnum cepi, & resurrexi, quoniam Dominus auxiliatus est mihi. Osee quoq; primus x i i. prophetarum de resurrectione eius testificatus est: Hic filius meus sapiēs, propter quod nunc non resistet in contribulatione filiorum suorum, & de manu inferorum cruam eum. Vbi est iudicium tuum mors, aut ubi est aculeus tuus? Idē alio loco: Viuificabit nos post biduum die tertio. Et ideo Sibylla, impositurum esse morti terminum dixit post tridui somnum:

Καὶ θανάτῳ μοίραρ τελέσει τρίτον ἡμαρ ὑπνῶας

Καὶ τὸτ' ἀπὸ φθιμένορ ἀναδ' εἴξαι εἰς φάωσ ἤξει

Πρῶτ' ἀναστάσεως κλητῶς δὲ χῆρ ὑπὸ δ' εἴξαι.

Vitam enim nobis acquisiuit morte superata. Nulla igitur spes alia consequendæ immortalitatis homini datur, nisi crediderit in eum, & illam crucem portandam, patiendamq; susceperit.

De IESU, & Galilæa, & de testamentis.

C A P.

X X.

**P**rofectus ergo in Galileam ( noluit enim se Iudæis ostendere, ne adduceret eos in poenitentiam, atq; impios



pios reseruaret discipulis iterum cōgregatis, scripturæ sanctæ literas, id est prophetarum arcana patefecit, quæ antè, quàm pateretur, perspici nullo modo poterāt: quia ipsum, passionemq; eius annuntiabant. Idcirco Moses, & ijdē ipsi prophætæ, legē, quæ Iudæis data erat, testamentum uocant: quia nisi testator mortuus fuerit, nec confirmari testamētum potest, nec sciri quid in eo scriptum sit, quia clausum, & obsignatum est. Itaq; nisi CHRISTVS mortē suscepisset: aperiri testamentum, id est reuelari, & intelligi mysterium Dei non potuisset. Verum scriptura omnis in duo testamenta diuisa est. Illud quod aduentum Domini, passionēq; antecessit, id est lex, & prophætæ: uetus dicitur. Ea uero, quæ post resurrectionem eius scripta sunt, nouum testamentū nominatur. Iudæi ueteri utuntur, nos nouo: sed tamen diuersa non sunt, quia nouum ueteris adimpletio est, & in utroq; idē testator est CHRISTVS, qui pro nobis morte suscepta, nos hæredes regni æterni fecit, abdicato, & exhæredato populo Iudæorum, sicut Hieremias propheta testatur, cū loquitur talia: Ecce dies ueniunt dicit Dominus, & cōsummabo domui Israël, & domui Iuda testamentū nouū, non secundū testamentum, quod disposui patribus eorū, in die, qua apprehendi manum eorum, ut educerem illos de terra Aegypti, quia ipsi nō perseuerauerūt in testamēto meo, & ego neglexi eos, dicit Dominus. Itē alio loco similiter ait: Dereliqui domū meā: dimisi hereditatē meā in manus inimicorū eius. Facta est hereditas mea mihi, sicut leo in sylua: dedit ipsa super me uocē suā, ideo odi eā. Cū sit hereditas eius, cōleste regnū, non utiq; ipsam hereditatē se dicit odisse, sed hæredes, qui aduersus eum ingrati, & impij extiterunt. Facta est, inquit, mihi hereditas mea, sicut leo, id est præ-

da, & deuoratio, factus sum hæredibus meis, qui me immolauerunt, sicut pecus. dedit super me uocē suam, id est, sententias aduersus me mortis, crucis'que dixerunt. Nam quod superius ait, cōsummaturū se domui Iuda testamentum nouum, ostendit, uetus illud testamentum, quod per Moſen est datum, non fuisse perfectum: id autē, quod per CHRISTVM dari haberet, consummatum fore. Domum autem Iuda, & Israēl non utiq; Iudæos significat, quos abdicauit, sed nos, qui ab eo conuocati ex gentibus, in illorum locum adoptione successimus, & appellamur filij Iudæorum, quod declarat Sibylla cum dicit:

Ἰσραὴλ ὁ μακάρων ἐστὶν γένος ἑσπερίων.

Quod autē futurū esset id genus, Esaias docet: apud quē pater summus ad filium loquitur, dicens: Ego dominus Deus uocaui te in iustitiā, & tenebo manū tuam, & confirmabo, & dedi te in testamentū generis mei, in lucē gentium, aperire oculos cæcorum, producere ex uinculis aligatos, & de domo carceris sedentes in tenebris. Cum igitur nos antea tanquā cæci, & tanquā carcere stultitiæ inclusi sederemus in tenebris, ignorantes Deū & ueritatem, illuminati ab eo sumus, qui nos testamēto suo adoptauit, & liberatos malis uinculis, atque in luccm sapientiæ productos, in hæreditatem regni cœlestis asciuit.

De IESV ascensione, eaq; prædicta: & discipulorum prædicatione, & gestis.

C A P.

X X I.

**O**Rdinata uero discipulis suis euangelica, ac nominis sui prædicatione, circūfudit se repēte nubes, eumq; in cœlum sustulit, quadragesimo post passionē die, sicut Daniel fore ostēderat, dicēs: Et ecce in nubibus cœli ut filius hominis ueniens, usq; ad uetustum dierum peruenit.

Discipuli

Discipuli uerò per prouincias dispersi, fundamenta ecclesie ubiq; posuerunt, faciētes & ipsi in nomine magistri Dei magna, et penè incredibilia miracula, quia discedēs instruxerat eos uirtute, ac potestate, qua posset nouæ annunciationis ratio fundari, et cōfirmari: sed & futura aperuit illis oīa, quæ Petrus, et Paulus Romæ prædicauerunt, & ea prædicatio in memoriam scripta permāsit, in qua cū multa alia mira, tum etiā hoc futurū esse dixerūt, ut post breue tēpus immitteret Deus regē, qui expugnaret Iudæos, & ciuitates eorū solo adæquaret, ipsos autē fame, sitiq; cōfectos obsideret. Tū fore, ut corporibus suorum uescerētur, & cōsumerēt se inuicē. Postremo ut capti uenirēt in manus hostium, & in cōspectu suo uexari acerbissimè coniuges suas cernicerent, uiolari, ac prostitui uirgines, diripi pueros, allidi paruulos, oīa deniq; igni, ferroq; uastari, captiuos in perpetuū terris suis exterminari, eò q; exultauerint super amantiissimū, & probatissimum Dei filium. Itaq; post illorū obitū, cū eos Nero interemisset, Iudæorū nomen, & gentē Vespasianus extinxit, fecitq; omnia quæ illi futura prædixerant.

Argumēta cōtra IESV incarnationē. CAP. XXII.

CONfirmata sunt (ut opinor) quæ falsa, et incredibilia putantur ab ijs, quos uera cœlestiū literarū doctrina non imbuit: sed tamē ut refellantur à nobis etiā illi, qui nimū non sine malo suo sapiunt, rebusq; diuinis fidē detrahunt, argumentis quoq; illorū coarguamus errorē, ut tandem aliquando peruideant ita fieri oportuisse, sicut nos ostendimus factum. Et tanquam apud bonos Iudices satis habeāt firmitatis uel testimonia sine argumētis, uel argumēta sine testimonijs, nos tamē nō contēti alterutro sumus, cum suppetat nobis utrunq; ne cui peruerse ingenioso

nioso aut non intelligendi, aut contrà differendi locū relinquamus. Negant fieri potuisse, ut naturæ immortalī quicquā decederet. Negant deniq; Deo dignū, ut homo fieri uellet, seq; infirmitate carnis oneraret, ut passionibus, ut dolori, ut morti seipse subijceret: quasi non facile illi esset, ut citra corporis imbecillitatē se hominibus ostēderet, eosq; iustitiam doceret (siquidē id uolebat) maiore autoritate ut professi Dei. Tūc enim cūctos fuisse præceptis cœlestibus parituros, si ad ea uirtus, ac potestas Dei præcipientis accederet. Cur igitur, aiunt, ad docendos homines non ut Deus uenit? Cur se tam humilem, imbecillēq; constituit, ut ab hominibus & contemni, & pœna affici posset? cur uim ab imbecillis, & mortalibus passus est? cur non manus hominū aut uirtute repulit, aut diuinitate uitauit? cur nō maiestatem suam sub ipsa saltē morte patefecit? sed ut inualidus in iudicium ductus est, ut nocens damnatus, ut mortalis occisus. Refutabo hæc diligenter, nec quenquam patiar errare. Illa enim magna, & mirabili ratione sunt facta, quæ quicunq; perceperit, non tantum murari desinet, Deum ab hominibus esse cruciatum, uerum etiam facile peruidebit, ne Deum quidem potuisse credi, si ea ipsa, quæ arguit, facta non essent.

De præcipiendo & agendo. CAP. XXXIII.

**Q**uicunq; præcepta dat hominibus, ac uitā moresq; fingit aliorum, quero, debeat ne ipse facere, quæ præcipit, an non debeat? Si non fecerit, soluta præcepta sunt. Si enim bona sunt, quæ præciipiuntur, si uitam hominum in optimo statu collocant, non se debet ipse præceptor à numero, coetuq; hominum segregare, inter quos agit: & ipsi eodē modo uiuendum est, quo docet esse uiuendū. ne si aliter uixerit, ipse præceptis suis fidē detrahatur, le

hat, leuioremq; doctrinā suam faciat, si re ipsa resoluat, quod uerbis nitatur astruere. Vnusquisq; enim, cum audit præcipientem, non uult imponi sibi necessitatē parendi, tanquam sibi ius libertatis adimatur. respondebit itaq; doctori hoc modo: Non possum facere quæ iubes, quoniā sunt impossibilia. Vetas me irasci, uetas cupere, uetas libidine cōmoueri, uetas dolorem, uetas mortem timere: sed hoc adeo cōtra naturā est, ut his affectibus animalia uniuersa subiecta sint: uel si adeo putas repugnari posse naturæ, tu ipse quæ præcipis, fac ut sciā, fieri posse. Cū autem ipse nō facias, quæ insolētia est, ut homini libero imponere uelis leges, quibus ipse nō parcas? Prius discce, qui doces: et antequam mores aliorū corrigas, tuos corrige. Quis neget iustam esse hanc responsionem? quin etiam in cōtemptū ueniet huiusmodi doctor, et deludetur uicissim, quia uidebiur et ipse deludere. Quid ergo faciet ille præceptor, si hæc ei fuerint opposita? quomodo adimet excusationem cōtumacibus, nisi ut præsentibus factis doceat, possibilia se docere? Inde euenit, ut philosophorum præceptis nullus obtēperet. Homines enim malunt exempla, quàm uerba: quia loqui facile est, præstare difficile. Vtinaq; tam multi bene facerent, quàm multi loquuntur bene. Sed qui præcipiunt, nec faciunt, abest ab ijs fides. Et si homines fuerint, cōtemnentur, ut leues: si Deus, opponetur ei excusatio fragilitatis humanæ. Superest, ut factis uerba firmētur, quod philosophi facere nequeūt. itaq; cū ipsi præceptores uincantur affectibus, quos uinci prædicant oportere, neminem possunt ad uirtutem, quam falsò prædicant, erudire: ob eamq; causam putant, neminē adhuc perfectū esse sapientē, id est, in quo summæ doctrinæ ac scientiæ summa uirtus, et perfecta iustitia cōsenscrit. quod

quod quidem uerum fuit. Nemo enim post mundum conditum talis extitit, nisi Christus, qui & uerbo sapiētiam tradidit, & doctrinam præsenti uirtute firmavit.

Euersio eorū argumentorū. CAP. XXIII.

**A**Ge nūc cōsideremus, an doctor è cælo missus, possit non esse perfectus. Nōdum de hoc loquor, quem uenisse à Deo negant. Fingamus aliquem de cælo esse mittendum: qui uitam hominū, rudimentis uirtutis instituat, & ad iustitiam formet. Nemini dubium potest esse, quin is doctor, qui cœlitus mittitur, tam scientia sit rerum omnium, quam uirtute perfectus, ne nihil inter cœlestē terrenūq; differat. Nā in hominē interna, & propria doctrina esse nullo pacto potest. Nec enim mens terrenis uisceribus inclusa, & tabe corporis impedita, aut comprehendere per se potest, aut capere ueritatem, nisi aliunde doceatur. Et si maxime possit, summā tamē uirtutē capere nequeat, & omnibus uitij resistere, quorū materia in uisceribus cōtinetur. Eo fit, ut terrenus doctor perfectus esse non possit. At uerò cœlestis, cui scientiam diuinitas, uirtutem immortalitas tribuit, in docendo quoq; sicut in cæteris, perfectus, & cōsummatus sit necesse est. At id omnino fieri nō potest, nisi mortale corpus assumat. cur autem fieri nō possit, ratio clara est. Nam si ueniat ad homines, ut Deus (ut omittā, quòd mortales oculi claritatē maiestatis eius conspiciere, ac sustinere nō possunt) ipse certè Deus uirtutem docere non poterit, quia expers corporis non faciet, quæ docebit: ac per hoc doctrina eius perfecta nō erit. Alioqui si summa uirtus est, dolorē patienter pro iustitia, officioq; perferre: si uirtus est, mortē ipsam, & intentatam non metuerē, & illatam fortiter sustinere: debet ergo doctor ille perfectus, & docere ista precipiendo

piendo, & confirmare faciēdo: quia qui dat praecepta uiuendi, amputare debet omnium excusationum uias, ut imponat hominibus parendi necessitatē, nō ui aliqua, sed pudore: & tamen libertatē relinquat, ut & praeuiū sit constitutum parentibus, quia poterant nō parere, si uellent. & nō parentibus poena, quia poterant parere, si uellent. Quomodo ergo poterit amputari excusatio, nisi ut qui docet, faciat quae docet, & sit quasi praeuius, & manum porrigat secuturo? Quēadmodū autē potest facere quae docet, si non sit similis ei quē docet? nam si nulli subiectus sit passioni, potest ei docenti homo sic respondere: Volo equidē nō peccare, sed uincor: indutus sum enim carne fragili, & imbecilla: haec est, quae concupiscit, quae irascitur, quae dolet, quae mori timet. Itaq; ducor inuitus, & pecco, nō quia uolo, sed quia cogor. Sentio me & ipse peccare, sed necessitas fragilitatis impellit: cui repugnare nō possum. Quid ad haec respōdebit praeceptor ille iustitiae? quomodo refutabit, ac redarguet hominē, qui delictis suis excusationē carnis obtendet, nisi & ipse carne fuerit indutus, ut ostēdat, etiā carnem posse capere uirtutē? Contumacia enim redargui nō potest, nisi exemplo. Nā habere nō possunt, quae doceas, firmitatem, nisi ea prior feceris: quia natura hominū procliuius in uitia, uideri uult nō modo cum uenia, sed etiā cum ratione peccare. Oportet magistrū, doctoremq; uirtutis, hominū similimū fieri, ut uincendo peccatum, doceat hominē, uinci ab eo posse peccatum. Si uero sit immortalis, exemplū proponere homini nullo modo potest. Existet enim cōstans aliquis, ac dicet, Tu quidē nō peccas, quia liber es ab hoc corpore: nō concupiscis, quia immortalis nihil est necessariū. Mihi uero multis rebus opus est, ut tucar hanc uitam. Mortē non times,  
quia



quia ualere in te nō potest. Dolorem cōtemnis, quia nūllam uim pati potes. At ego mortalis utrunq; timeo, quia cruciatus mihi grauiſſimos inferūt, quos tolerare carnis infirmitas non potest. Doctor itaq; uirtutis etiā hanc excusationem debuit hominibus auferre, ne quis, quod peccat, necessitati potius ascribat, quā culpæ suæ. Ergo ut perfectus esse possit, nihil ei debet opponi ab eo, qui docendus est: ut si forte dixerit, impossibilia præcipit, respōdeat, ecce ipse facio. At ego carne indutus sum, cuius est peccare propriū. Et ego eandem carnem gero, & tamen peccatum in me non dominatur. Mihi opes contemnere difficile est, quia aliter nō potest in hoc corpore. Ecce et mihi corpus est, & tamen pugno contra omnem cupiditatē. Nō possum pro iustitia nec dolorem ferre, nec mortē, quia fragilis sum. Ecce & in me dolor, ac mors habet potestatem, & ea ipsa, quæ times, uinco: ut uictorē te faciā doloris, ac mortis. Prior uado per ea, quæ sustineri nō posse, prætendis: si præcipientē sequi nō potes, seque-  
re antecedentem. Sublata est hoc modo omnis excusatio, & fateri hominē necesse est sua culpa iniustum esse, qui doctorem uirtutis, & eundem ducem non sequatur. Vi-  
des ergo quanto perfectior sit mortalis doctor, quia dux esse mortali potest, quā immortalis, quia patientiā doce-  
re non potest, qui subiectus passionibus non est. Nec hoc tamen eō pertinet, ut hominē Deo præferam, sed ut ostē-  
dam, neq; hominē perfectā doctrina esse posse, nisi sit idē Deus, ut autoritate cœlesti necessitatē parēdi, hominibus imponat: neq; Deum, nisi mortali corpore induatur, ut præcepta sua factis adimplendo, cæteros parēdi necessitate cōstringat. Liquidò ergo apparet, cū, qui uitæ dux & iustitiæ sit magister, corporalē esse oportere: nec aliter fieri

fieri posse, ut sit illius plena & perfecta doctrina, habeatq; radicem, & fundamentū, stabilisq; apud homines, ac fixa permaneat. ipsum autem subire carnis, ac corporis imbecillitatem, uirtutemq; in se recipere, cuius doctor est, ut eam simul & uerbis doceat, & factis. Item, subiectum esse morti, & passionibus cunctis, quoniam & in passione toleranda, & in morte subeunda, uirtutis officia uersantur, quæ omnia (ut dixi) consummatus doctor perferre debet, ut doceat posse perferri.

DE IESU aduentu, & carne, &

spiritu.

CAP. XXV.

**D**iscant igitur homines, & intelligant, quare Deus summus, cū legatū, ac nuntium suū mitteret, ad erudiendā præceptis iustitiæ suæ mortalitatē, mortali uoluerit eum carne indui, & cruciatu affici, & morte multari. Nam cum iustitia nulla esset in terra, doctorē misit, quasi uiuam legem, ut nomen, ac templū nouum cōderet, ut uerum, ac pium cultum per omnē terram uerbis, & exēplo seminaret. Sed tamen, ut certum esset, à Deo missum, non ita illum nasci oportuit, sicut homo nascitur, ex mortali utroq; cōcretus: sed ut appareret, etiā in homine illū esse cœlestem, creatus est sine opera genitoris. Habebat enim specialem patrē Deum. & sicut pater spiritus eius Deus sine matre, ita mater corporis eius uirgo sine patre. Fuit igitur & Deus, & homo, inter Deum, atq; hominem mediū cōstitutus. Vnde illū Græci μεσότης uocant, ut hominem perducere ad Deum posset, id est, ad immortalitatē: quia si Deus tantum fuisset (ut supra dictum est) exempla uirtutis homini præbere non posset: si homo tantum, non posset homines ad iustitiam cogere, nisi autoritas, ac uirtus homine maior accederet. Etenim cū constet homo ex

s

carne

carne, & spiritu, & oporteat spiritum iustitiæ operibus emereri, ut fiat æternus: caro, quoniã terrena est, ideo q̃ mortalis, copulatũ sibi spiritum trahit secum, & ab immortalitate ducit ad mortẽ. Ergo spiritus carnis expers, dux esse homini ad immortalitatem nullo pacto poterat, quoniam caro impedit spiritum, quò minus Deum sequatur. Est enim fragilis, & subiecta peccato: peccatum autem pabulum mortis est. Itaq; iccirco mediator aduenit, id est, Deus in carne, ut caro eũ scqui posset, & criperet morti hominem, cuius est dominatio in carne. Ideo carne se induit, ut desyderijs carnis edomitis, doceret, nõ necessitatis esse peccare, sed propositi, ac uoluntatis. Vna enim nobis, & magna, & præcipua cum carne luctatio est, cuius infinitæ cupiditates premũt animam, nec dominũ retinere patiũtur, sed eam uoluptatibus, & illecebris suauibus mancipatã, morte afficiũt sempiterna. Quibus ut repugnare possemus, Deus nobis uiam superãdæ carnis & aperuit, & ostẽdit. Quæ uirtus perfectã, & omnibus numeris absoluta, coronam uincentibus, & mercedem expectandæ nobis immortalitatis impertit.

De cruce I E S V, & cæteris tormentis.

C A P. XXVI.

**D**Ixi de humilitate, & fragilitate, & passione, cur hæc Deus subire maluerit: nunc ipsius crucis ratio reddẽda est, & uis enarrãda. Quid summus pater à principio disposuerit, & quemadmodum cuncta, quæ gesta sunt, ordinarit, non tantum diuinatio prophetarum, quæ in Christum uera præcessit, sed etiam ratio ipsius passionis docet. Quæcunq; enim passus est, non fuerunt inania, sed habuerunt figuram, & significantiam magnam, sicut etiam diuina illa opera, quæ fecit: quorum uis, & potentia

tentia ualebat quidem in præsens, sed declarabat aliquid in futurū. Aperuit cæcorū lumina cœlestis uirtus, & lucem nō uidentibus reddidit. Et hoc factō significabat fore, ut conuersus ad gentes, quæ Deum nesciebant, insipientiū pectora illuminaret luce sapientiæ, & ad ueritatem contemplandā oculos cordis aperiret. Vere enim cæci sunt, qui cœlestia non uidentes, & tenebris ignorantie circumfusi, terrena, & fragilia uenerantur. Patefecit aures surdorum. Nō utiq; hætenus uis illa cœlestis operata est: sed declarabat breui fore, ut qui erant ueritatis expertes, & audirent, & intelligerent diuinas Dei uoces. Vere enim surdos dixeris, qui cœlestia, & uera, & facienda non audiunt. Mutorū linguas in eloquium soluit: admirabilis etiam cum fieret, potētia: sed inerat huic uirtuti alia significatio, quæ ostēderet, mox futurum, ut rerum cœlestium nuper ignari, percepta sapientiæ disciplina, de Deo, & ueritate differerent. Nam qui rationem diuinitatis ignorat, is uere elinguis, & mutus est, licet omnium disertissimus. Lingua enim cum uerum loqui cœperit, id est, uirtutem, maiestatemq; Dei singularis interpretari, tum demum officio naturæ suæ fungitur. quādiu autem falsa loquitur, in usu suo nō est: & ideo infans sit, necesse est, qui diuina proloqui non potest. Pedes quoq; claudorū ad officiū gradiendi reformauit. Laudabilis diuini operis fortitudo: sed figura id continebat: quòd cohibitis erroribus uitæ secularis ac deuiæ, iter ueritatis aperiretur, per quod graderētur homines ad Dei gratiā consequendā. Is enim uere claudus existimāndus est, qui caligine, ac tenebris insipientiæ implicatus, et quò tēdat ignarus, offensilibus, & caducis gressibus per uiam mortis incedit. Item labes, & maculas inquinatorū corporū repur-

gavit, non exigua immortalis potentiae opera. uerum id portēdebat haec uis, quod peccatorū labibus, ac uitiorū maculis inquinatos, doctrina eius purificatura esset, eruditione iustitiae. Leprosi enim uere, atq; elephāntici debēt haberi, quos uel infinitae cupiditates ad scelera, uel insatiabiles uoluptates ad flagitia cōpellunt, & dedecorum maculis inustos, labe afficiunt sempiterna. Iacentiam mortuorū corpora crexit, eosq; nominibus suis in clamatos à morte reuocauit. Quid cōgruētius Deo? Quid miraculo dignius omniū seculorū, quā decursam uitā resignasse, cōpletisq; hominū temporibus tempora adiecisse, arcana mortis reuelasse? Sed haec inenarrabilis potestas, imago uirtutis maioris fuit, quae demonstrabat, tantā uim habeturam esse doctrinā suā, ut gentes in orbe toto, quae alienae à Deo, subiectae morti fuerunt, cognitione ueri luminis animatae, ad immortalitatis praemia peruenirent. Eos enim recte mortuos existimaueris, qui datorē uitae Deū nescientes, atq; animas suas à cōlo in terrā deprimētes, in laqueos aeternae mortis incurrunt. Quae igitur tum faciebat in praesens, imagines erant futurorum. quae illae, affectisq; corporibus adhibebat, ea spiritalium figurā gerebant, ut et in praesenti, uirtutis nobis non terrena opera monstraret, & in futurū, potestatem cōlestis suae maiestatis ostenderet. Ergo sicut opera eius significantiam quoq; maioris potestatis habuerunt, ita etiam passio non simplex, nec superuacua, nec fortuita praecessit. Sed ut illa, quae fecit, magnā uirtutem, ac potestatem doctrinae eius significabāt, sic ea, quae passus est, odio futurā esse sapientiam nunciabant. aceti enim potus, ac fellis cibus, acerbitates, & amaritudines, in hac uita, sectatoribus ueritatis pollicebatur. Et quanquam passio ipsa per se acerba, &

amara

amara, specimen nobis futurorū tormētorum dabat, quā morātibus in hoc seculo, uirtus ipsa proponit: tamē illius modi potus, & cibus, in os doctoris nostri ueniens, præsurarum nobis ac laborū, & miseriarum præbebat exemplum. Quæ omnia tolerare, ac perpeti necesse est eos, qui ueritatem sequuntur, quoniam ueritas acerbā est, & inuisa omnibus, qui uirtutis expertes, uitam suam mortiferis uoluptatibus dedunt. Nam corona spinea, capiti eius imposita, id declarabat, fore, ut diuinam sibi plebem de nocentibus congregaret. Coronā enim dicitur, circūstans in orbem populus. Nos autem qui ante cognitionem Dei fuimus iniusti, spinæ, id est, mali, & nocentes eramus, ignorantes, quid esset bonum, & à iustitiæ notione, atq; operibus alieni, omnia scelere, ac libidine polluebamur. Electi ergo ex dumis, & sentibus sanctū Dei caput cingimus, quia conuocati ab ipso, & circumfusi undiq; ad eum, magistro ac doctori Deo assistimus, regemq; illum mundi, & omnium uiuentium dominū coronamus. Quod uerò ad crucē spectat, magna in ea uis, ac ratio est, quam nunc conabor ostendere. Deus nanque (sicut superius exposui) cum statuisset hominem liberare, magistrum uirtutis legauit in terram, qui & præceptis salutaribus formaret homīnes ad innocentiam, & operibus, factisq; præsentibus, iustitiæ uiam panderet, qua gradiens homo, & doctorem suum sequens, ad uitam æternam perueniret. Is igitur corporatus est, & ueste carnis indutus, ut homini, ad quem docendum uenerat, uirtutis & exempla, & incitamenta præberet. Sed cum in omnibus uitæ officijs, iustitiæ specimen præbisset, ut doloris quoq; patientiam, mortisq; contemptū, quibus perfectā, & consummata sit uirtus, traderet homini, uenit in manus impiæ nationis,

eum & uitare potuisset, scientia futuri, quam gerebat, & repellere eadem uirtute, qua mirabilia faciebat. Sustinuit ergo cruciatus, & uerbera, & spinas. Postremo etiā mortem suscipere non recusauit, ut homo illo duce subactam, & catenatam mortem cum suis terroribus triumpharet. Cur autem summus pater id potissimum genus mortis elegerit, quo affici eū sineret, hæc ratio est. Dicat enim fortasse aliquis, cur, si Deus fuit, & mori uoluit, non saltem honesto aliquo mortis genere affectus est? cur potissimum cruce? cur infami genere supplicij? quod etiam homine libero, quamuis nocente uideatur indignum. Primum quod is, qui humilis aduenerat, ut humilibus, et infimis opem ferret, & omnibus spem salutis ostēderet, eo genere afficiendus fuit, quo humiles, & infimi solent, ne quis esset omnino, qui eum non posset imitari. Deinde, ut integrum corpus eius conseruaretur, quem die tertio resurgere ab inferis oportebat. Nec enim hoc cuiquā ignorandum est, quod ipse antè de sua passione prædicās, etiā id notum fecerit, habere se potestatem, cum uellet, deponendi spiritum, & resumendi. Suffixus itaq; cum spiritū sponte deposuisset, necessarium carnifices nō putauerūt, ossa eius suffringere (sicut mos eorū ferebat) sed tantūmodo latus eius perforauerunt. Sic integrum corpus patibulo detractum est, & sepulchro diligenter inclusum. Quæ omnia iccirco facta sunt, ne læsum, ac diminutum corpus ad resurgendum inhabile redderetur. Illa quoq; præcipua fuit causa, cur Deus crucem maluerit, quod illa exaltari eum fuit necesse, & omnibus gentibus passionē Dei notescere. Nam quoniā is, qui patibulo suspenditur, & cōspicius est omnibus, & cæteris altior, crux potius electa est, quæ significaret illum, tam conspicuum, tamq; sublimem



sublimem futurū, ut ad eum cognoscendū, pariter & cōlendū, cunctæ nationes ex omni orbe cōcurrerēt. Deniq; nulla gens tam inhumana est, nulla regio tam remota, cui aut passio eius, aut sublimitas maiestatis ignota sit. Extendit ergo in passione manus suas, orbemq; dimensus est, ut iam tūc ostēderet, ab ortu solis, usq; ad occasum, magnū populū ex omnibus linguis, & tribubus congregatū, sub alas suas esse uenturū, signumq; illud maximū, atq; sublimē, frōtibus suis suscepturū. Cuius rei figurā Iudæi etiam nunc exhibent, cū limina sua de cruore agni notant. Deus enim percussurus Aegyptios, ut ab ea plaga immunes faceret Hebræos, præceperat his, ut agnū candidū, sine macula immolarent, ac signū liminibus suis de sanguine eius imponerēt. Itaq; cū Aegyptiorū primogeniti una nocte interissent, Hebræi soli, signo sanguinis tuti fuerunt: non quia cruor pecudis tantā in se uim gerebat, ut hominibus saluti esset, sed imago fuerat rerum futurarū. Nam agnus eādus, sine macula, Christus fuit, id est, innocens, & iustus, & sanctus, qui ab eisdē Iudæis immolatus, saluti est omnibus, qui signū sanguinis, id est, crucis, qua sanguinē fudit, in sua fronte cōscripserint. Frons enim summū limē est hominis, & lignū sanguine delibutū, crucis significatio est. Deniq; immolatio pecudis ab ijs ipsis, qui faciunt, pascha nominatur, ἀπὸ τοῦ πάσχα, quia passionis figura est, quā Deus præscius futurorū, tradidit per Moysen populo suo celebrandā. Sed tū figura ualuit in præsentī ad depellendū periculū, ut appareret: quātū ueritas ipsa ualitura sit, ad plebē Dei protegēdā, in extremā totius orbis necessitate. Quomodo autē, uel in qua plaga tuti omnes sint futuri, qui signū hoc ueri, & diuini sanguinis in summo corporis sui notauerint, in nouissimo libro docebo.

**N**unc satis est, huius signi potentiā, quātū ualeat, exponere. Quāto terrori sit dæmonibus hoc signū, sciet, qui uiderit, quatenus adiurati per Christū, de corporibus, quæ obsederint, fugiant. Nā sicut ipse, cum inter homines ageret, uniuersos dæmones uerbo fugabat, hominūq; mētes emotas, & malis incurſibus furiatas, in sensus pristinos reponebat: ita nunc sectatores eius, eosdem spiritus inquinatos, de hominibus, et nomine magistri sui, et signo passionis excludūt. Cuius rei nō difficilis est probatio. Nā cū Dijs suis immolāt, si aſſiſtat aliquis signatā frontē gerēs, sacra nullo modo litant. Nec respōsa potest cōsultus reddere uates. Et hęc sæpe causa præcipua iustitiam persequēdi, malis regibus fuit. Cū enim quidā ministrorū nostri sacrificiis dominis aſſisterent, imposito frōtibus signo, Deos illorū fugauerūt, ne possent in uisceribus hostiarū futura depingere. Quod cum intelligerēt aruspices, instigātibus ijsdē dæmonibus, quibus profecrāt, conquerētes, profanos homines sacris interesse, egerunt principes suos in furorē, ut expurgarēt Dei templū, seq; uero sacrilegio cōtaminarent, quod grauiſſimis persecutium pœnis expiaretur. Nec tamē ex hoc ipso cæci homines intelligere possunt, aut hęc esse uerā religionē, cui ad uincendū tāta uis inest, aut illā falsam, quæ subsistere, aut congregari non potest. Sed aiunt, hoc Deos non metu, uerū odio facere. quasi quisquā possit odisse nisi eū, qui aut noceat, aut possit nocere. imo uero cōgruens maiestati fuit, ut eos, quos oderant, præsentibus pœnis afficerēt potius, quàm fugerēt. Sed quoniā neq; accedere ad eos possunt, in quibus cœlestē notā uiderint, nec ijs nocere, quos signū

inmor

immortale munierit, tanquam inexpugnabilis murus, la-  
cessunt eos per homines, & manibus persequuntur alienis,  
quos profecto si esse cōfiteretur, uicimus. Necesse est enim  
uerā esse hanc religionē, quæ & rationē dæmonū nouit,  
& astutiam intelligit, & uim retūdit, & eos spiritualibus  
armis domitos, ac subactos, cedere sibi cogit. Si negāt, tea-  
stimonijs poetarum, ac philosophorū refellētur. Quod si  
esse, & malos esse, inficias non eunt, quid superest, nisi ut  
alios dicāt esse Deos, alios dæmones? Exponāt igitur no-  
bis differētiās generis utriusq; ut sciamus quid colendū,  
quid execrandū sit. Habeant ne inter se aliquod consor-  
tium, an uero inimici sint. Si sunt aliqua necessitudine co-  
pulati, quatenus eos discernemus? aut quomodo utriusq;  
generis honorem, cultumq; miscebimus? Si autē sunt ini-  
mici, cur aut dæmones Deos non timent, aut dii dæmones  
fugare nō possunt? Ecce aliquis instinctu dæmonis perci-  
tus demētit, effertur, insanit. ducamus hūc in Iouis optimi  
maximi templū, uel, quia sanare homines Iupiter nescit,  
in Aesculapij, uel Apollinis fanū. Iubeat utriuslibet sacer-  
dos, Dei sui nomine, ut nocēs ille spiritus excedat ex ho-  
mine: nullo id pacto fieri potest. Quæ igitur uis Deorum  
est, si subiectos sibi dæmonas nō habēt? At uero ijdē dæ-  
mones adiurati per nomē Dei ueri, protinus fugiūt. Quæ  
ratio est, ut Christū timeant, Iouem autē non timeāt, nisi  
quod ijdē sunt dæmones, quos uulgus Deos esse opina-  
tur? Deniq; si cōstituatur in medio & is, quem cōstat in-  
cursum dæmonis perpeti, & Delphici Apollinis uates,  
eodē modo Dei nomen horrebūt, & tā celeriter excedet  
de uate suo Apollo, quā ex homine spiritus ille dæmo-  
niacus, & adiurato, fugatoq; Deo suo, uates in perpetuū  
cōticescet. Ergo ijdē sunt dæmones, quos fatētur execrā-

dos esse, ijdē dij, quibus supplicant. Si nobis credendū esse nō putant, credant Homero, qui summū illum Iouem dæmonibus aggregauit, sed & alijs poëtis, ac philosophis, qui eosdē modo dæmonas, modo Deos nuncupant, quorū alterū uerum, alterū falsum est. Illi enim nequiſſimi spiritus, ubi adiurātur, ibi se dæmonas confitentur: ubi coluntur, ibi se Deos mētuntur, ut errores hominibus immittant, & auocēt à ueri Dei notione, per quā solam potest mors æterna uitari. Iidē sunt, qui deiiciēdi hominis causa, uarios sibi cultus, per diuersa regionum condiderūt, mentitis tamen, assumptisq; nominibus, ut fallerēt. Nam quia diuinitatem per seipsos affectare non poterant, asciuerūt sibi nomina potentiū regum, sub quorum titulis honores sibi Deorum uendicarent. Qui error discuti potest, & in lucē ueritatis protrahi. Nam si quis studet altius inquirere, congreget eos, quibus peritia est cicere ab inferis animas. Euocent Iouem, Neptunū, Vulcanum, Mercurium, Apollinē, patremq; omniū Saturnū. Respondebunt ab inferis omnes, & interrogati loquētur, & de se ac Deo fātebuntur. Post hæc euocent Christum, non aderit, nō apparebit, quia non amplius quàm biduo apud inferos fuit. Quid hac probatione certius proferri potest? Ego uero non dubito, quin ad ueritatem Trismegistus hac aliqua ratione peruenerit, qui de Deo patre omnia, de filio locutus est multa, quæ diuinis continentur arcanis.

De spe, & uera religione, & superstitione.

CAP. XXVIII.

**Q**Uæ cum ita se habeant, ut ostendimus, apparet, nullam aliam spem uitæ, homini esse propositam, nisi ut abiectis uanitatibus, & errore miserabili, Deū cognoscat, & Deo seruiat, nisi huic temporali renuntiet uitæ

nite, ac se rudimētis iustitiæ ad cultū ueræ religionis instituat. Hac enim conditione gignimus, ut generanti nos Deo, iusta, et debita obsequia præbecamus, hūc solū nouerimus, hūc sequamur. Hoc uinculo pietatis, obstricti deo et religati sumus, unde ipsa religio nomē accepit, nō ut Cicero interpretatus est, à relegēdo, qui in lib. de Naturæ Deorū secūdo dicit ita: Nō enim philosophi solū, uerum etiā maiores nostri superstitionē à religiōe separauerūt. Nā qui totos dies precabātur, et immolabāt, ut sui sibi liberi superstites essent, superstitiosi sunt appellati. Qui autē omnia, quæ ad cultū Deorū pertinerēt, retractarēt, et tanquā relegerent, ij dicti sunt religiosi ex religendo, tanquā ex eligendo elegātes, et ex deligendo diligētes, intelligendo intelligentes. His enim omnibus inest uis legēdi, eadē, quæ in religioso. ita factū est in superstitioso, et religioso, alterū uitij nomen, alterum laudis. Hæc interpretatio quā incepta sit, ex re ipsa licet noscere. Nam si in iisdem dijs colendis et superstitio, et religio uersatur, exigua, uel potius nulla distantia est. Quid enim mihi afferet causæ, cur precari pro salute filiorū semel religiosi, et idē decies facere, superstitiosi esse hominis arbitretur? Si enim semel facere optimū est, quanto magis sepius? Si hora prima, ergo et tota die. Si una hostia placabilis, placabiliores utiq; hostiæ plures, quia multiplicata obsequia demerētur potius, quā offendūt. Nō enim nobis odiosi uidētur ij famuli, q̄ assidui, et frequētes ad obsequiū fuerint, sed magis chari. Cur igitur sit in culpa, et nomen reprehensibile suscipiat, qui aut filios suos magis diligit, aut Deos satis honorat, laudetur autē qui minus? Quod argumentum etiam ex contrario ualeat. Si enim totos dies precari, et immolare criminis est, ergo et semel

mel. Si superstites filios subinde optare, uitiosum est, superstitiosus igitur et ille, qui etiā raro id optauerit. Aut cur uitij nomen sit ex eo tractum, quo nihil honestius, nihil iustius optari potest? Nam quod ait, religiosos à religendo appellatos, qui retractent ea diligenter, quæ ad cultum Deorum pertineant: cur ergo illi, qui hoc sæpe in die faciant, religiosorū nomen amittant, cum multo utiq; diligentius ex assiduitate ipsa relegāt ea, quibus Dij coluntur? Quid ergo est? Nimirū religio ueri cultus est, superstitio falsi. Et omnino quid colas, interest, non quæadmodum colas, aut quid precere. Sed quia Deorū cultores religiosos se putant, cum sint superstitiosi: nec religionem possunt à superstitione discernere, nec significantiā nominū exprimere. Diximus nomē religionis à uinculo pietatis esse deductum, quod hominem sibi Deus religauerit, et pietate cōstrinxerit: quia seruire nos ei, ut domino, et obsequi, ut patri, necesse est. melius ergo id nomē Lucretius interpretatus est, qui ait, religionum se nodos exoluere. Superstitiosi autē uocantur, non qui filios suos superstites optant (omnes enim optamus) sed aut ij, qui superstitem memoriam defunctorum colunt, aut qui parentibus suis superstites, celebrant imagines eorū domi, tanquam Deos penates. Nam qui nouos sibi ritus assumebant, ut in Deorum uicem mortuos honorarent, quos ex hominibus in cælū receptos putabant, hos superstitiosos uocabant. Eos uerò, qui publicos, et antiquos Deos colerent, religiosos nominabant. Vnde Vergilius:

Vana superstitio, ueterumq; ignara Deorum.

Sed cum ueteres quoque Deos inueniamus eodem modo consecratos esse post obitum, superstitiosi ergo qui multos ac falsos Deos colunt. Nos autem religiosi, qui

uni

uni, & uero Deo supplicamus.

De religione Christiana, & de IESU cum  
patre coniunctione.

CAP. XXIX.

**F**ortasse quærat aliquis, quomodo, cum Deū nos unū  
colere dicamus, duos tamen esse asseueremus, Deum  
patrem, & Deum filium, quæ asseueratio plerōq; in ma-  
ximum impingit errorē. Quibus cum probabilia uidean-  
tur esse, quæ dicimus, in hoc uno labare nos arbitrantur,  
quod & æternū, & mortalem Deum fateamur. De mor-  
talitate iam diximus; nunc de unitate doceamus. Cum dici-  
mus Deū patrem, & Deum filium, nō diuersum dicimus,  
nec utrunq; secernimus, quia nec pater sine filio esse po-  
test, nec filius à patre secerni: siquidē nec pater sine filio  
nuncupari, nec filius potest sine patre generari. Cum igi-  
tur & pater filiū faciat, & filius patrē, una utriq; mens,  
unus spiritus, una substantia est. sed ille quasi exuberans  
fons est, hic tanquā defluens ex eo riuus. ille tanquam sol,  
hic quasi radius à sole porrectus. qui quoniā summo pa-  
tri & fidelis, et charus est, non separatur: sicut nec riuus  
à fonte, nec radius à sole, quia et aqua fontis in riuo est, et  
solis lumen in radio. æque neque uox ab ore seiungi, nec  
uirtus, aut manus à corpore diuelli potest. Cum igitur à  
prophetis idem manus Dei, & uirtus, & sermo dicatur,  
utiq; nulla discretio est, quia et lingua sermonis ministra  
est, & manus in qua est uirtus, indiuiduæ sunt corporis  
portiones. Propiore uti exemplo libet. Cum quis habet  
filium, quem unice diligit, qui tamen sit in domo, et manu  
patris, licet ei nomen domini, potestatemq; concedat, ci-  
uili tamen iure & domus una, & unus dominus nomina-  
tur. Sic hic mundus, una Dei domus est: & filius ac pa-  
ter, qui unanimes incolunt mundum, Deus unus est. quia  
& unus



Et unus tanquā duo, et duo tanquā unus. Neq; id mirum, cū et filius sit in patre, quia pater diligit filiū, et pater in filio, quia uolūtatī patris fideliter paret, nec unquā faciāt, aut fecerit, nisi quod pater aut uoluit, aut iussit. Deniq; unū Deū esse tam patrē q̄ filium, Esaias in illo exemplo, quod superius posuimus, ostēdit, cū diceret: Adorabunt te, et in te precabūtur, quoniā in te Deus est, et nō est alius Deus prāter te. Sed et alio loco similiter ait: Sic dicit Deus rex Israēl, et qui eruit eū Deus aternus. ego primus, et ego nouissimus, et prāter me nemo est Deus. Cū duas personas proposuisset Dei regis, id est, Christi, et Dei patris, qui cum post passiōē ab inferis excitauit, sicut ostēdisse diximus Oseā prophetā, qui ait, Et de manu inferorū eruam eū: tamē ad utranq; personā referens, intulit, et prāter me nō est Deus: cū posset dicere prāter nos. sed fas non erat plurali numero, separationem tantę necessitudinis fieri. Vnus est enim solus, liber, Deus summus, carens origine, quia ipse est origo rerū, et in eo simul et filius et omnia continentur. Quapropter cum mens, et uoluntas alterius in altero sit, uel potius una, in utroq; merito unus Deus uterq; appellatur, quia q̄cquid est in patre, ad filiū transfluit, et quicquid in filio, à patre descēdit. Nō potest igitur ille summus, ac singularis Deus nisi per filiū coli. qui solum patrē se colere putat, sicut filiū non colit, ita ne patrē quidē. Qui autem filium suscipit, et nomen eius gerit, is uerō cum filio simul et patrem colit, quoniam legatus, et nuncius, et sacerdos summi patris est filius. Hic templi maximi ianua est, hic lucis uia, hic dux salutis, hic hostium uitā.

De hæresibus, & superstitionibus: de q̄b; n̄s

uitandis,

C A P. XXX.

Sed

**S**ed quoniā multæ hæreses extiterūt, & instinctibus  
dæmonum, populus Dei scissus est, determinanda est  
nobis ueritas breuiter, & in suo proprio domicilio collo  
canda, ut si quis aquam uitæ cupiet haurire, non ad detri=  
tos lacus deferatur, qui non habent uenam, sed uberrimū  
Dei nouerit fontē, quo irrigatus, perenni luce potietur.  
Ante omnia scire nos conuenit, & ipsum, & legatos eius  
prædixisse, quod plurimæ sectæ, & hæreses haberēt exi=  
stere, quæ concordiam sancti corporis rumperent: ac mo  
nuisse, ut summa prudentia caueremus, nequando in la=  
queos, & fraudes illius aduersarij nostri, cum quo nos  
Deus luctari uoluit, incideremus. Tum dedisse certā man=  
data, quæ in perpetuū custodire deberemus. Quorum ple  
rique immemores, deserto itinere cœlesti, uias sibi deuias  
per anfractus, & præcipitia condiderunt, per quas par=  
tem plebis incautam, & simplicem, ad tenebras, mortēq;  
deducerent. Quod quatenus acciderit, exponam. Fucrūt  
quidam nostrorum uel minus stabilita fide, uel minus do=  
cti, uel minus cauti, qui disidiū facerent unitatis, & eccle  
siam dissiparent. Sed ij, quorū fides fuit lubrica, cum Deū  
nosse se, & colere simularent, augendis opibus, & hono  
ri studentes, affectabāt maximū sacerdotium, & a potio  
ribus uicti, secedere cum suffragatoribus suis maluerūt,  
quā eos ferre præpositos, quibus cōcupierant ipsi antē  
præponi. Quidā uero nō satis cœlestibus literis eruditi,  
cū ueritatis accusatoribus respōdere nō possent, obijcien  
tibus uel impossibile, uel incongruens esse, ut Deus in ute  
rum se mulieris includeret, nec cœlestem illam maiestātē  
ad tantā infirmitatē potuisse deduci, ut hominibus cōtem=  
ptui, derisui, cōtumeliæ, & ludibrio esset, postremo etiā  
cruciamēta perferret, atq; execrabili patibulo figeretur:

quæ omnia cum neq; ingenio, nec doctrina defendere, ac refutare possent (nec enim uim, rationemq; penitus perui debāt) deprauati sunt ab itinere recto, & cœlestes literas corruerūt, ut nouā sibi doctrinā sine ulla radice, ac stabilitate cōponerent. Nōnulli autem falsorū prophetarum uaticinio illecti, de quibus & ueri prophetae, & ipse prædixerat, exciderunt à doctrina Dei, & traditionem uerā reliquerūt. Sed illi omnes demoniacis fraudibus irretiti, quas prospicere, & cauere debuerāt, diuinū nomē & cultum per imprudentiā perdiderūt. Cum enim Phryges, aut Nouatiani, aut Valētiniani, aut Marcionitæ, aut Anthropiani, aut Arriani, seu quilibet alij nominantur, Christiani esse desierunt, qui Christi nomine amisso, humana, & externa uocabula induerunt: Sola igitur catholica ecclesia est, quæ uerū cultū retinet. Hic est fons ueritatis, hoc est domiciliū fidei, hoc tēplum Dei: quò si quis nō intrauerit, uel à quo si quis exiuerit, à spe uitæ, ac salutis æternæ alienus est. Neminē sibi oportet pertinaci cōcertatione blandiri. Agitur enim de uita, & salute. cui nisi caute, ac diligēter cōsulatur, amissa & extincta erit. Sed tamen quia singuli quiq; coetus hæreticorum, se potissimū Christianos, & suam esse catholicā ecclesiā putant, sciēdum est, illam esse uerā, in qua est cōfessio, & pœnitētia, quæ peccata, & uulnera, quibus subiecta est imbecillitas carnis, salubriter curat. Hæc interim paucis admonendi gratia retuli, ne quis errorē fugere cupiens, maiori implicetur errore, dum penetrare ueritatis ignorat. Postea plenius, & uerius contra omnes mendaciorum sectas proprio, separatoque opere pugnabimus. Sequitur, ut, quoniam satis de religione uera, & sapientia locuti sumus, in proximo libro de iustitia differamus.

L. COELII

## LACTANTII FIR-

MIANI DIVINARVM IN=

stitutionum, aduersus Gentes, Liber Quin=

tus, De Iustitia, ad Constan=

tinum Impera=

torem.

De iudicando, pertinacia perfidorū, eloquen-  
tia, & ueritate.

CAP. I.



NON est apud me dubium, Constantine  
Imperator Max. quin hoc opus nostrū,  
quo singularis ille rerum conditor, &  
huius immensi rector asseritur, si quis atti-  
gerit ex istis inepte religiosis (ut sunt  
nimia superstitione impatientes) insectetur etiā maledi-  
ctis, & uix lecto fortasse principio, affligat, proijciat, exe-  
cretur, seq; inexpiabili scelere cōtaminari, atq; adstringi  
putet, si hæc aut legat patiēter, aut audiat. Ab hoc tamen  
si fieri potest, humanitatis iure postulamus, ut non prius  
damnet, quā uniuersa cognouerit. nam si sacrilegis, &  
proditoribus, & ueneficis potestas defendendi sui datur,  
nec prædamnari quenquam incognita causa licet: non  
iniuste petere uidemur, ut si quis erit ille, qui inciderit in  
hæc: si leget, perlegat: si audiet, sentētiā differat in ex-  
tremum. Sed noui hominum pertinaciam, nūquam impe-  
trabimus. Timēt enim ne a nobis reuicti, manus dare ali-  
quādo, clamante ipsa ueritate, cogātur. Obstreperunt igitur,  
& intercedunt, ne audiant: et oculos suos opprimūt,  
ne lumen uidcant, quod offerimus. Quo plane ipsi diffi-  
dentiā suæ perditæ rationis ostendunt, cum neque co-  
t  
gnoscre

gnosceret, neque congregari auderet, quia sciunt se facile superari. Et ideo disceptatione sublata,

Pellitur è medio sapientia, ui geritur res, ut ait Ennius: & quia student damnare tanquam nocentes, quos utique sciunt innocentes, constare de ipsa innocentia nolunt. quasi uerò maior iniquitas sit, probatam innocentiam damnassee, quam inauditam. Sed (ut dixi) uerentur ne si audierint, damnare non possint. Et ideo cultores Dei summi, hoc est, iustos homines torquent, interficiunt, exterminant, nec causas odiorum reddere ipsi possunt, qui tam uehementer oderunt: quia ipsi errant, irascuntur ipsis, qui ueram uiam sequuntur, & cum corrigere se possint, errores suos insuper crudelibus factis coaceruant, innocentium cruore maculantur, & dicatas Deo mentes euisceratis corporibus extorquent: cum talibus nunc congregari, & disputare contendimus, hos ad ueritatem ab inepta persuasionem traducere, qui sanguinem facilius hauscrint, quam uerba iustorum. Quid igitur? operam ne perdemus? Minime: Nam si lucrari hos à morte, ad quam concitatissime tendunt, non potuerimus, si ab illo itinere de uio ad uitam, lucemque reuocare, quoniam ipsi saluti suae repugnant: nostros tamen confirmabimus, quorum non est stabilis, ac solidis radicibus fundata, & fixa sententia. Nutant enim plurimi, ac maxime qui literarum aliquid attigerint. Nam & in hoc philosophi, & oratores, & poetae perniciosi sunt, quod incautos animos facile irretire possunt suauitate sermonis, & carminum dulci modulatione currentium. Mella sunt haec uenenum tegentia. Ob eamque causam uolui sapientiam cum religione coniungere, nequid studiosis inanis illa doctrina possit officere, ut iam scientia literarum non modo nihil noceat religioni, atque iustitiae, sed etiam profuit

prosit quamplurimū, si is, qui eas didicerit, sit uirtutibus instructior, & ueritate sapientior. Præterea, etiā si nulli alij, nobis certe proderit. delectabit se conscientia, gaudebitq; mens, in ueritatis se luce uersari, quod est animæ pabulum, incredibili quadā iucunditate perfusum. Verū non est desperandum. Fortasse non canimus surdis. Nec enim plus impuris spiritibus, quā sancto licet: aut tā in malo statu res est, ut desint sanæ mētes, quibus & ueritas placeat, & monstratum sibi rectum iter & uideant, & sequantur. Circumlinatur modo poculum cælesti melle sapientiæ, ut possint ab imprudentibus amara remedia sine offensione potari: dū illiciens prima dulcedo acerbicatem saporis asperi, sub prætextu suauitatis occultat. Nam hæc in primis causa est, cur apud sapientes, & doctos, & principes huius seculi, scriptura sancta fide careat, quod prophætæ communi, ac simplici sermone, ut ad populum, sunt locuti. Contemnuntur itaque ab ijs, qui nihil audire, uel legere, nisi expoliū, ac disertū uolūt, nec quicquam inherere animis eorū potest, nisi quod aures blandiori sono permulcet. Illa uerò, quæ sordida uidētur, anilia, ineptia, uulgaria existimantur. Adeo nihil uerum putant, nisi quod auditu suaue est, nihil credibile, nisi quod potest incutere uoluptatem: nemo rem ueritate ponderat, sed ornatu. Non credunt ergo diuinis, quæ fūco carēt, sed ne illis quidē, qui ea interpretātur, quia sunt & ipsi aut omnino rudes, aut certe parum docti. Nam ut plane sint eloquentes, perraro contingit, cuius rei causa in aperto est. Eloquentia enim seculo seruit: populo se iactare, & in rebus malis placere gestit: siquidem ueritatem sæpius expugnare conatur, ut uim suam mōstret, opes expetit, honores concupiscit, summum denique gradum dignitatis exp

tis exposcit. Ergo hæc quasi humilia despicit, arcana tam-  
 cōtraria sibi fugit, quippe quæ publico gaudeat, et mul-  
 titudinem, celebritatemq; desideret. Eo fit ut sapiētia, et  
 ueritas idoneis præconibus indigeat. Et si qui forte litera-  
 torum se ad eam contulerunt, defensionis eius non suffice-  
 runt. Ex ijs, qui mihi noti sunt, Minutius Felix, non igno-  
 bilis inter causidicos loci fuit. Huius liber, cui Octauio ti-  
 tulus est, declarat quā idoneus ueritatis assertor esse po-  
 tuisset, si se totum ad id studiū cōtulisset. Septimius quoq;  
 Tertulianus fuit omni genere literarum peritus, sed in  
 eloquendo parum facilis, et minus comptus, et mul-  
 tum obscurus fuit. Ergo ne hic quidē satis celebritatis in-  
 uenit. Vnus igitur præcipuus et clarus extitit Cypria-  
 nus, quoniā et magnā sibi gloriā ex artis oratoriæ pro-  
 fessione quæsierat, et admodum multa conscripsit in suo  
 genere miranda. Erat enim ingenio facili, copioso, sua-  
 ui, et (quæ sermonis maxima est uirtus) aperto, ut discer-  
 nere nequeas, utrum ne ornatior in eloquēdo, an facili-  
 or in explicando, an potentior in persuadēdo fuerit. Hic ta-  
 men placere ultra uerba, sacramētum ignorantibus non  
 potest, quoniam mystica sunt, quæ locutus est, et ad id  
 preparata, ut à solis fidelibus audiantur. Denique à do-  
 ctis huius seculi, quibus forte scripta eius innotuerunt,  
 derideri solet. Audiui ego quendam hominem sane di-  
 sertum, qui cum immutata una litera Coprianum uo-  
 caret, quasi quod elegans ingenium, et melioribus re-  
 bus aptum, ad anileis fabulæ contulisset. Quod si ac-  
 cidit hoc ei, cuius eloquentia non insuauis est, quid tan-  
 dem putemus eis accidere, quorum sermo ieiunus est, et  
 ingratus: qui neque uim persuadendi, neque subtilita-  
 tem argumentandi, neque ullam prorsus acerbicatem ad  
 reuincen-



reuincendum habere potuerunt?

De impugnatione Christianæ religionis.

CAP. II.

**E**Rgo quia defuerunt apud nostros idonei, periti'que doctores, qui uehementer, qui acriter errores publicos redarguerent, qui causam omnem ueritatis ornatè, copiosèq; defenderent: prouocauit quosdam hæc ipsa penuria, ut auderent scribere contra ignotam sibi ueritatem. Omitto eos, qui prioribus eam temporibus nequicquam lacefferunt. Ego cum in Bithynia oratorias literas accitatus docerem, contigisset'que, ut eodem tempore Dei templum euertretur: duo extiterunt ibidem, qui iacenti, atque abiectæ ueritati, nescio utrum superbius, an importunius insultarent: quorum alter antistitem se philosophiæ profitebatur: uerum ita uitiosus, ut continentie magister, non minus auaritia, quàm libidinibus arderet: in uictu tam sumptuosus, ut in schola uirtutis assertor, parsimoniæ, paupertatis'que laudator, in palatio peius cœnaret, quàm domi: tamen uitia sua capillis & pallio, & (quod maximum est uelamentum) diuitijs prætegebat, quas ut augeret, ad amicitias iudicum miro ambitu penetrabat, eos'que sibi repente autoritate falsi nominis obligabat, non modo, ut eorum sententias uenderet, uerum etiam ut confines suos, quos sedibus, agrisq; pellebat à suo repetēdo, hac potentia retardaret. Hic uerò, qui suas disputationes moribus destruebat, uel mores suos disputatiōibus arguebat, ipse aduersus se grauis censor, & accusator acerrimus, eodem ipso tempore, quo iustus populus nefarie lacerabatur, tres libros euomuit contra religionem, nomenq; Christianum. Professus ante omnia, philosophi officium esse, erroribus hominum

subuenire, atq; illos ad ueram uia reuocare, id est, ad cultus Deorum, quorum numine, ac maiestate ( ut ille dicebat ) mūdus gubernetur, nec pati homines imperitos quorundam fraudibus illici, ne simplicitas eorum, prædæ, ac pabulo sit hominibus astutis. Itaq; se suscepisse hoc munus, philosophia dignum, ut præferret non uidentibus lumen sapientiæ, nō modo ut susceptis Deorum cultibus resanescant, sed etiam ut pertinaci obstinatione deposita, corporis cruciamenta deuitent, neu sæuas membrorum lacerationes frustra perpeti uelint. Vt autem appareret, cuius rei gratia opus illud elaborasset, effusus est in principum laudes, quorum pietas & prouidentia ( ut quidē ipse dicebat ) cum in cæteris rebus humanis, tum præcipue in defendendis Deorū religionibus clauisset: consultum esse tandē rebus humanis, ut cohibita impia, & anili superstitione, uniuerſi homines legitimis sacris uacarent, ac propitios sibi Deos experirentur. Vbi autem religionis eius, contra quam perorabat, infirmare uoluit rationem, ineptus, uanus, ridiculus apparuit: quia grauis ille consultor utilitatis alienæ, non modo quid oppugnaret, sed etiam quid loqueretur nesciebat. Nam si qui nostrorum affuerunt, quamuis temporis gratia cōiuerent, animo tamen derisere: utpote cum uiderent hominem profitentem, se illuminaturum alios, cum ipse cæcus esset: reducturum alios ab errore, cū ipse ignoraret, ubi pedes suos poneret: eruditurum alios ad ueritatem, cuius ille ne scintillā quidem unam uidisset aliquādo: quippe cum sapientiæ professor, profligare sapientiam niteretur. Omnes tamen id arguebant, quod illo potissimum tempore id operis esset aggressus, quo furebat odiosa crudelitas. O philosophū adulatorem, ac tempori seruientem. Verum hic pro sua  
inanitate

inanitate contemptus est, qui & gratiam, quam sperauit, non est adeptus, & gloria, quam captauit, in culpam, reprehensionemq; conuersa est. Alius eandem materiã mordacius scripsit, qui erat tum è numero iudicũ, & qui auctor in primis faciendæ persecutionis fuit: quo scelere non contētus, etiam scriptis eos, quos affixerat, insecutus est. composuit enim libellos duos, non contra Christianos, ne inimice insectari uideretur, sed ad Christianos, ut humane, ac benignè consulere putaretur. in quibus ita falsitatē scripturæ sacræ arguere conatus est, tanquã sibi esset tota contraria: nam quedam capita, quæ repugnare sibi uidebantur, exposuit, adeo multa, adeo intima enumerans, ut aliquãdo ex eadem disciplina fuisse uideatur. Quod si fuit, quis cum Demosthenes poterit ab impietate defendere? qui religionis, cui fuerat assensus, & fidei, cuius nomen induerat, & sacramenti, quod acceperat, proditor factus est, nisi forte casu in manus eius diuinæ literæ inciderunt. Quæ igitur temeritas erat, id audere dissoluere, quod illi nemo interpretatus est? Bene, quod aut nihil didicit, aut nihil intellexit. Tantum enim abest à diuinis literis repugnãtia, quantum ille absuit à ueritate, & fide: præcipuè tamen Paulum Petrumq; lacerauit, ceterosq; discipulos, tanquam fallaciæ seminatores, quos eosdem tamen rudes, & indoctos fuisse, testatus est: nam quosdam eorum piscatorio artificio fecisse quæstum: quasi ægre ferret, quod illam rem non Aristophanes aliquis, aut Aristarchus commentatus sit.

De ueritate Christianorum, & aduersario-  
rum uanitate.

C A P. I I I.

**A**bsuit ergo ab ijs fingendi uoluntas, & astutia, quoniam rudes fuerunt. Aut quis possit indoctus apta  
t 4 inter

inter se, & coherentia fingere, cum philosophorum doctissimi Plato, & Aristoteles, & Epicurus, & Zenō, ipsi sibi repugnātia, & cōtraria dixerint? Hæc est enim mendaciorū natura, ut coherentere nō possint. Illorum autē traditio, quia uera est, quadrat undiq; ac sibi tota consentit, & ideo persuadet, quia cōstanti ratione suffulta est. non igitur quæstus, & cōmodi gratia, religionē istam cōmentati sunt, quippe qui & præceptis, & re ipsa eam uitam secuti sunt, quæ & uoluptatibus caret, & omnia quæ habentur in bonis, spernit, & qui non tantum pro fide mortem subierint, sed etiam morituros esse se & scierint, & prædixerint, & postea uniuersos, qui eorum disciplinam secuti essent, acerba, & nefanda passuros. Ipsum autē Christum affirmavit à Iudeis fugatum, collecta noningentorū hominum manu, latrocinia fecisse. Quis tantæ auctoritati audeat repugnare? Credamus hoc plane: nā fortasse hoc illi in somnis Apollo aliquis nunciauit. Tot semper latrones perierunt, & quotidie pereunt (utiq; multos & ipse damnasti) quis eorum post crucē suam, non dicam Deus, sed homo appellatus est? Verum tu forsitan ex eo credidisti, quia uos homicidam Martem consecrastis, ut Deum: quod tamen non fecissetis, si illum Areopagita in crucem sustulissent. Item cum facta eius mirabilia destrueret, nec tamen negaret, uoluit ostendere, Apollonium uel paria uel etiam maiora fecisse. Mirum quod Apuleium prætermisit, cuius solent & multa, & mira memorari. Cur igitur o delirum caput, nemo Apollonium pro Deo colit? nisi forte tu solus, illo scilicet Deo dignus, cum quo te in sempiternum uerus Deus puniet. Si magus Christus, quia mirabilia fecit, peritior utique Apollonius, qui (ut describis) cum Domitianus eum punire uellet, repete  
in iudic

in iudicio non comparuit, quàm ille, qui & cōprehensus est, et cruci affixus. At enim ex hoc ipso fortasse insolētiā Christi uoluit arguere, quòd Deum se constituerit, ut ille uerecūdiōr fuisse uideatur, qui cum maiora faceret, ut hic putat, tamen id sibi non arrogauerit. Omitto nūc ipsa opera cōputare. quia in secūdo, & superiore libro de fraude, ac prestigijs artis magicæ dixi. Nego esse quenquam, qui non optet in primis id sibi post mortem contingere, quod etiam reges maximi cōcupiscunt. Cur enim sibi homines sepulchra magnifica, cur statuas, cur imagines cōparāt? cur aliquibus claris factis, aut etiā p ciuibus morte suscepta, studēt opiniones hominū promereri? Cur deniq; ipse ingenij tui monimentū hoc detestabile, stultitia, tanquam coeno ædificatum, cōstituiere uoluisti, nisi quòd immortalitatem de memoria nominis speras? Stultū igitur est, id putare Apollonium noluisse, quod optaret utique, si posset. quia nemo est, qui immortalitatē recuset, maxime cum eū dicas & adoratū esse à quibusdam, sicut Deum, & simulachrum eius sub Herculis Alexicaci nomine constitutum, ab Ephesijs etiā nunc honorari. Non potuit ergo post mortem Deus credi, quia & hominē, & magum fuisse cōstabat, & ideo alieni nominis titulo affectauit diuinitatem, quia suo nec poterat, nec audebat. Noster uero & potuit Deus credi, quia magus non fuit, & creditus est, quia uerus fuit. Non, inquit, hoc dico, iccirco Apollonium nō haberi Deum, quia noluerit, sed ut appareat nos sapientiores esse, qui mirabilibus factis nō statim fidē diuinitatis adiūximus, quàm uos, qui ob exigua portenta Deum credidistis. Non est mirum, si tu, qui à Dei sapientia longe remotus es, nihil prorsus intelligis eorum, quæ legisti, cum Iudæi, qui à principio prophetas

lectitauerāt, quibusq; sacramētum Dei fuerat assignatū, tamē quid legerint, ignorauerūt. Disce igitur, siquid tibi cordis est, non iccirco à nobis Deum creditum Christū, quia mirabilia fecit, sed quia uidimus in eo facta esse omnia, quæ nobis annūtiata sunt uaticinio prophetarum. Fecit mirabilia: magnū putassemus, ut & uos nūcupatis, & Iudæi tunc putauerunt, si non illa ipsa facturum Christum prophete omnes uno spiritu prædicassent. Itaque Deum credimus, nō magis ex factis, operibusq; mirandis, quā ex illa ipsa cruce, quā uos sicut canes labitis, quoniam simul et illa prædicta est. Nō igitur suo testimonio (cui enim de se dicēti potest credi?) sed prophetarū testimonio, qui omnia, quæ fecit, ac passus est, multo antē cecernerūt, fidē diuinitatis accepit, quod neq; Apollonio, neq; Apuleio, neq; cuiquā magorū potuit, aut potest aliquādo cōtingere. Cū igitur talia ignoratiæ suæ deliramēta fudisset, cum ueritatē penitus excidere connixus esset, ausus est libros suos nefarios, ac Dei hostes *φιλαδελφῆς* annotare. O cæcum pectus, o mentē cimmerijs (ut aiunt) tenebris atriorē. Discipulus hic fortasse Anaxagoræ fuerit, cui niues atramentū fuerunt. Atqui cadē cæcitas est, & uero, falsitatis, & mendacio, ueritatis nomen imponere. Videlicet homo subdolus uoluit lupum sub ouis pelle celare, ut fallaci titulo posset irretire lectorē. Verum esto, inscitia hoc, nō malitia feceris. Quam tandem nobis attulisti ueritatē? nisi quòd assertor Deorum, eos ipsos ad ultimum prodidisti. Profecutus enim summi Dei laudes, quem regē, quem maximum, quem opificem rerū, quem fontem bonorum, quē parentem omnium, quem factorem altoremq; uiuentium cōfessus es: ademisti Ioui tuo regnum, eumq; summa potestate depulsum, in ministrorū numerum redeigisti. Epilo-

gus itaque te tuus arguit stultitiæ, uanitatis, erroris. Affirmas Deos esse, & illos tamen subijcis, & mancipas ei Deo, cuius religionem conaris euertere.

De se, & Tertuliano, & Cypriano. CAP. IIII.

**I** ergo, de quibus dixi, cum præsentem me, ac dolentem, sacrilegas suas literas explicassent: & illorum superba impietate stimulatus, & ueritatis ipsius consciëntia, & (ut ego arbitror) Deo, suscepi hoc munus, ut omnibus ingenij mei uiribus accusatores iustitiæ refutarem, non ut contra hos scriberem, qui paucis uerbis obteri poterant, sed ut omnes, qui ubiq; idem operis efficiunt, aut effecerunt, uno semel impetu profligare. Nō dubito enim, quin & alij plurimi, & multis in locis, & nō modo Græcis, sed etiam Latinis literis, monimētū iniustitiæ suæ struxerit. quibus singulis quoniā respondere non poterā, sic agendā mihi hanc causā putauī, ut et priores cū omnibus suis scriptis puerterē, & futuris omnē facultatē scribēdi, aut respondēdi amputarē. præbeāt modo aures, efficiā profecto, ut quicumq; ista cognouerit, aut suscipiat quod atē dānauit, aut, quod est proximū, deridere aliquādo desistat. Quanquā Tertulianus eādē causā plene perorauerit in eo libro, cui Apologetico nomē est: tamē quoniā aliud est, accusantibus respondere, quod in defensione, aut negatiōe sola positū est, aliud instituere, qd' nos facimus, in quo necesse est, doctrinæ totius substantiā cōtineri, nō defugi hūc laborē, ut implerem materiā quā Cyprianus nō executus est in ea oratiōe, qua Demetrianū, sicut ipse ait, oblatratē, atq; obstrepentē ueritati, redarguere conatur. qua materia nō est uetus, ut debuit. nō enim scripturæ testimonijs, quā ille utiq; uanā, fictā, cōmentitiā putabat, sed argumētis, & ratione fuerat refellendus. Nam cum ageret cōtra hominē ueritatis



tatis ignarum, dilatis paulisper diuinis lectionibus, formare hunc à principio tanquam rudē debuit, eiq; paulatim lucis principia monstrare, ne toto lumine obiecto caligaret. Nam sicut infans, solidi, ac fortis cibi capere uim non potest, ob stomachi teneritudinem, sed liquore lactis, ac mollitudine alitur, donec firmatis uiribus, uesci fortioribus possit: ita & huic oportebat, quia nōdum poterat capere diuina, prius humana testimonia offerri, id est philosophorū & historicorū, ut suis potissimum refutaretur autoribus. Quod quia ille nō fecit, raptus eximia cruditio ne diuinarum literarum, ut ijs solis cōtentus esset, quibus fides cōstat: accessi Deo inspirāte, ut ego facerē, et simul, ut uiam ceteris ad imitādum pararem. At si hortatu nostro docti homines, ac disertī huc se conferre cōperint, & ingenia sua, uimq; dicendi in hoc ueritatis campo iactare maluerint: euanturas breui religiones falsas, et ocasuram esse omnem philosophiam, nemo dubitauerit, si fuerit omnibus persuasum, cum hanc solam religionem, tum etiam & solam & ueram esse sapientiam. Sed euagatus sum longius, quā uolebam.

De iustitia, primis seculis, & posterioribus.

CAPVT

V.

Nunc reddenda est de iustitia proposita disputatio, quæ aut ipsa est summa uirtus, aut fons est ipsa uirtutis: quā nō modo philosophi quæsierūt, sed poëtæ quoque, qui & priores multo fuerūt, & ante natum philosophiæ nomē pro sapiētibus habebātur. Hi plane intellexerunt, abesse hanc à rebus humanis, eamq; finxerunt offensam uitij hominū, cessisse terra, in cœlūq; migrasse: atq; ut doceant, quid sit iuste uiuere (solēt enim præcepta per ambages dare) à Saturni temporibus, quæ illi uocant au-

rea

rea, repetunt exempla iustitiæ, narrantq; in quo statu fuerit humana uita, dū illa in terra moraretur. Quod quidē nō pro poëtica fictione, sed pro uero habēdum est. Saturno enim regnante, nondū Deorum cultibus institutis, nec adhuc ulla gente ad diuinitatis opinionē cōsecrata, Deus utiq; colebatur. Et ideo non erant neq; dissensiones, neq; inimicitia, neq; bella:

Nondum uesanos rabies nudauerat enseis:  
ut Germanicus Cæsar in Arateo loquitur carmine.

Nec consanguineis fuerat discordia nota.  
Imò ne alienigenis quidē, sed neq; ulli omnino gladij, qui nudarentur, fuerunt. Quis enim præsentē, ac uigēte iustitia, aut de tutela sui, cū nemo insidiaretur, aut de perniciē alterius cogitaret, cum nemo quicquam concupisceret?

Malebant tenui contenti uiuere cultu:  
ut Cic. in suo narrat, quod est propriū nostræ religionis.

Ne signare quidem, aut partiri limite campum

Fas erat: in medium quærebant.

quippe cum Deus communem omnibus terram dedisset, ut communem degerent uitam, non ut rabida, et furēs a uaritia sibi omnia uendicaret, nec ulli decisset, quod omnibus nasceretur. Quod poëtæ dictū sic accipi oportet, nō ut existinemus nihil omnino tum fuisse priuati, sed more poëtico figuratū: ut intelligamus, tam liberales fuisse homines, ut natas sibi fruges nō includerēt, nec oli absconditis incubarent, sed pauperes ad communionem proprij laboris admitterent.

Flumina iam lactis, iam flumina nectaris ibant.  
Nec mirum, cum promptuaria iustorum benigne paterent omnibus, nec auaritia intercipientis beneficia diuina,  
famem

famem, sitimq; uulgo faceret, sed omnes æqualiter abundarent, cum habentes non habentibus large, copioseq; donarent. Sed postquam Saturnus à filio pulsus, in Latiumq; delatus est,

Arma Iouis fugiens, & regnis exul ademptis: cum iam populus uel noui regis metu, uel sua sponte deprauatus, Deum colere desisset, regemq; pro deo habere cœpisset, cum ipse propemodum parricida, exemplo cæteris esset ad uiolandam pietatem:

Deseruit propere terras iustissima uirgo.  
Sed non, ut ait Cicero,

Et Iouis in regno, cæliq; in parte resedit.  
Quomodo enim poterat in eius regno residere, aut commorari, qui patrem regno expulit, bello persecutus est, exulcm toto orbe iactauit?

Ille malum uirus serpentibus addidit atris,  
Prædariq; lupos iussit. id est odium, & inuidiam, & dolum hominibus iniecit, ut tam essent, quàm serpentes uenenati, tam rapaces, quàm lupi. Quod quidem uere faciunt ij, qui iustos, ac fideles Deo, persequuntur, dantq; iudicibus seuiendi aduersus innoxios potestatem. Fortasse aliquid eiusmodi Iupiter fecerit ad expugnandam, tollendamq; iustitiam, & idcirco effrasse serpentes, ac lupos acuisse tradatur:

Tum belli rabies, & amor successit habendi:  
Neq; immerito. sublata enim Dei religiōe, boni quoq; ac mali scientiam perdidcrunt. sic hominibus intercidit comunitas uitæ, & direptum est sœdus societatis humanæ. Tum inter se manus conferere cœperunt, et insidiari, & gloriam sibi ex humano sanguine comparare.

De uitij temporum deprauatorum. CAP. VI.

Quor

**Q**Vorum omnium malorū fons, cupiditas erat: quæ scilicet ex contemptu ueræ maiestatis crupit. non tantum enim nō participabant alijs ij, quibus aliquid affluebat, sed aliena quoque rapiebāt, in priuatum lucrum trahentes omnia, & quæ antea in usus hominū etiā singuli laborabant, in paucorum domos conferebantur. Vt enim seruitio cæteros subiugarēt, in primis necessaria uitæ subducere, & colligere cœperunt, eaq; firmiter cōclusa seruare, ut beneficia cœlestia, facerent sua, nō propter humanitatem, quæ nulla in ipsis erat, sed ut omnia cupiditatis, & auaritiæ instrumēta corraderent. leges etiā sibi iustitiæ nomine munitas, iniquissimas, iniustissimasq; sanxerunt, quibus rapinas, & auaritiā suam cōtra uim multitudinis tuerentur. Tantum igitur autoritate, quātum uiribus, aut opibus, aut malitia præualebant. Et quoniā nulum in his uestigium iustitiæ fuit: cuius officia sunt humanitas, æquitas, misericordia, iā superba, et tumida in æqualitate gaudebāt, altioresq; se cæteris hominibus, satellitiū comitatu, & ferro, & insigni ueste faciebant. Hinc honores sibi, et purpuras, & fasces inuenerunt, ut securiū, gladiorumq; terrore subnixi, quasi iure dominorum perculsis, ac pauentibus imperarent. In hac conditione humanam uitam rex ille constituit, qui debellato, ac fugato parente, non regnum, sed impiam tyrānidem ui, & hominibus armatis occupauit, & aureū illud, iustumq; seculum, sustulit, cōēgitq; homines, malos, et ipios fieri, uel ex hoc ipso, quod ipsos auertit à Deo ad se adorandū: quod terror insolentissimæ potestatis expresserat. Quis enim non metueret eum, quem arma cingebant, quem ferri, & gladiorum fulgor insuetus circumdabat? aut cui pareceret alieno, qui ne patri quidem suo pepercerat? Quem  
uero

uero metueret, qui Titanum robustum, & excellētem uiribus gētem bello uicerat, occidione deleuerat? Quid mirū, si omnis multitudo, insolito metu pressa, in unius adulationē concesserat? hunc uenerabantur, huic honrē maximum deferebāt. Et quoniam mores, ac uitia regis imitari, genus obsequij iudicatur, obiecerunt omnes pietatē, ne exprobrare regi scelus uiderētur, si pie uiuerent. Sic assidue imitatione corrupti, diuinum fas reliquerūt, et paulatim male uiuendi cōsuetudo, mos factus est. Nec iā quicquam ex antecessentis seculi pio, atque optimo statu mansit, sed explosa iustitia, & ueritatem secum trahens, reliquit hominibus errorem, ignorantiam, cecitatē. Imprudēter igitur poëtae, qui eam confugisse cecinerunt ad Iouis regnum. Si enim seculo, quod uocant aureum, iustitia in terra fuit, à Ioue utiq; pulsa est, qui aureum seculū commutauit. Seculi autem cōmutatio, & expulsio iustitiæ, nihil aliud, ut dixi, quā desertio diuinæ religionis putanda est, quæ sola efficit, ut homo hominem charum habeat, eumq; sibi fraternitatis uinculo sciat esse constrictum: siquidem pater idem omnibus Deus est: ut Dei, patrisque communis beneficia cum ijs, qui non habent, partiatur, nulli noceat, nullū premat, non fores claudat hospiti, non aurem precanti: sed sit largus, beneficus, liberalis: quas regias esse laudes Tullius existimauit. Hæc est profecto iustitia, & hoc aureum seculum, quod Ioue primum regnante corruptum, mox & ipso, & omni eius progenie consecrata, Deorumq; multorum suscepto cultu, fuerat omne sublatum.

De IESV aduentu, fructu, & uirtute,

& uitij.

CAP. VII.

**S**ed Deus, ut parens indulgentissimus, appropinquāte ultimo

ultimo tempore, nuntium misit, qui uetus illud seculum, fugatamq; iustitiam reduceret, ne humanū genus maximis, & perpetuis ageretur erroribus. Redijt ergo species illius aurei temporis, & reddita quidē terræ: sed paucis assignata iustitia est, quæ nihil aliud est quàm Dei unici pia & religiosa cultura. Sed moueat aliquem fortasse, cur si hæc sit iustitia, non omni humano generi sit data, nec in ea multitudo uniuersa consenserit. magnæ hæc disputatiōis est, cur à Deo, cū iustitiā terræ daret, sit retēta diuersitas: quod & alio loco declarauimus: et ubicūq; opportune inciderit, explicabitur. Nunc designare id breuissimè satis est: Virtutem aut cerni non posse, nisi habeat uitia contraria, aut non esse perfectam, nisi exerceatur aduersis. Hæc enim Deus bonorum, ac malorū uoluit esse distantiam, ut qualitatem boni ex malo sciamus, itē mali ex bono: nec alterius ratio intelligi, sublato altero, potest. Deus ergo iustitiā reducturus non exclusit malum, ut ratio uirtutis cōstare posset. Quomodo enim patientia uim suam, numenq; retineret, si nihil esset, quod pati cogermur? Quomodo laudē mereretur deuota Deo suo fides, nisi esset aliquis, qui à Deo uellet auertere? Nam & ideo potētiores esse iniustos permisit, ut cogere ad malū possent: ideo plures, ut uirtus esset pretiosa, quod rara est. Quod quidē ipsum Quintilianus egregie, ac breuiter ostēdit in capite obuoluto. Nā quæ, inquit, uirtus esset innocētia, nisi laudē raritas dedisset? Verū quia natura sic cōparatū est, ut odiū, cupiditas, ira, in id, quod incubuerint, agant cæcos, supra hominem uidetur culpa uacare. Alio qui si natura pares omnibus affectibus dedisset, pietas nihil erat. Hoc quàm uerū sit, docet necessitas ipsa rationis. Si enim uirtus est, malis, ac uitijis fortiter repugnans

re, apparet, sine malo, ac uitio nullā esse uirtutem, quam Deus ut absolutā, perfectāq; redderet, retinuit id, quod erat ei contrarium, cum quo depugnare posset. Agitata enim malis quatientibus stabilitatem capit, & quanto frequentius impellitur, tanto firmius roboratur. Hæc nimirum causa efficit, ut quamuis sit hominibus missa iustitia, tamen aurcum seculum non esse dicatur, quia malum non sustulit, ut retineret diuersitatem, quæ sacramentum diuinæ religionis continet sola.

De iustitia, & continentia, & ueri Dei cultu.

C A P.

V I I I.

**Q**ui ergo putant, iustum esse neminē, ante oculos habent iustitiā, sed eā nolunt cernere. Quid est enim, cur illam uel in carminibus, uel in omni sermone describant, conquerētes eius absentiā, cum sit facilimū, bonos esse, si uelint? Quid nobis inanem iustitiam depingitis, & optatis cadere de cælo, tanquā in aliquo simulachro figuratam? Ecce in conspectu uestro est, suscipite (si potestis) eāq; in domicilio uestri pectoris collocare. nec difficile, aut alienū à tēporibus existimetis. Estote æqui, ac boni, & sequetur uos sua sponte iustitia, quā queritis. Deponite omnē malā cogitationē de cordibus uestris, et statim uobis illud tēpus aureū reuertetur. qd' aliter cōsequi non potestis, quā si Deū uerū colere cœperitis. Vos autē manēte cultu Deorū, iustitiā desyderatis in terra, quod fieri nullo pacto potest: sed ne tū quidem potuit, cum putatis: quia nondū natis Dijs istis, quos impie colitis, necesse est uniūs Dei cultū fuisse per terram, eius scilicet qui excrucatur militiam, exigitq; bonitatem, cuius templum est, non lapides, aut lutum, sed homo ipse, qui figuram Dei gestat. Quod templū nō auro, & gemmarū donis corruptibilibus, sed æternis uirtutū muneribus ornatur. disci-



te igitur (si qd uobis reliquæ mētis est) hoīes ideo malos, & iniustos esse, quia Dij: colūtur et ideo mala oīa rebus humanis quotidie ingrauescere, quia Deus huius mundi effector, et gubernator derelictus est: quia susceptæ sunt, contrā quā fas est, impiæ religiones: postremo, quia ne coli quidē uel à paucis Deū sinitis. Quòd si solus Deus coleretur, nō essent dissensiones, et bella, cū scirent homines unius se Dei filios esse, ideoq; diuinæ necessitudinis sacro & inuiolabili uinculo copulatos, nullæ fierēt insidiæ, cū scirēt cuiusmodi pœnas Deus animarum interfectoris præparet, qui clādestina scelera, et ipsas etiā cogitationes præuidet. nō essent fraudes, neq; rapinæ, si Deo præcipiente didicissent et suo & paruo esse cōtenti, & fragilibus & caducis solida, & æterna præferrēt. Non essent adulteria, & stupra, & mulierū prostitutiones, si oībus notū esset dānari à Deo, q̄cquid appetitur ultra generādi cupiditatē. Nec fœminā necessitas cogeret pudorē suū profanare, ut uictū sibi obscœnissimū quærat: cū et mares libidinē cōtemnerēt, & habentiū pia, et religiosa collatio, nō habētibus subueniret. Nō esēt igitur (ut dixi) hæc oīa in terris mala, si ab hoībus in legē Dei cōiuraretur, si ab uniuersis fierēt, quæ unus noster populus operatur. q̄ beatus esset, quamq; aureus humanarū rerū status, si per totū orbē māsuetudo, & pietas, & pax, et innocētia, & æquitas, et tēperātia, et fides moraretur? Deniq; ad regēdos homines, nō opus esset tā multis, & tam uarijs legibus, cum ad perfectam innocentiam, Dei lex una sufficeret; neque carceribus, neq; gladijs præsidium, neq; terrore pœnarū, cum præceptorū cœlestium salubritas humanis pectoribus infusa, ultro ad iustitiæ opera homines erudiret. Nunc autē mali sunt ignorance recti, ac boni.

quod quidem Cicero uidit. disputans enim de legibus, Si-  
cut una, inquit, eademq; natura, mundus omnibus parti-  
bus inter se congruentibus coheret, ac nititur, sic omnes  
homines inter se natura confusi, prauitate dissentiunt,  
nec se intelligunt esse consanguineos, et subiectos omnes  
sub unam, eandemq; tutelam. quod si teneretur, Deorum  
profecto uitam homines uiuerent. Vniuersa igitur mala,  
quibus humanum genus seipsum inuicem cōficit, iniustus,  
atq; impius Deorum cultus induxit. Nec enim poterant  
retinere pietatem, qui communē omnium patrem Deum,  
tanquam prodigi, ac rebelles liberi abnegassent.

De sceleribus impiorum, & Christianorum  
cruciatibus.

CAP. IX.

**N**onnunquam tamen sentiunt, se malos esse, & uete-  
rum seculorum statum laudant, & de suis moribus,  
meritisq; coniectant, abesse iustitiam: quam obuersantem  
oculis suis non tantum non suscipiunt, nec agnoscunt, ue-  
rum etiam uiolenter oderunt, & persequuntur, & exter-  
minare cōtendunt. Fingamus hanc interim non esse iusti-  
tiam, quam nos sequimur: quomodo si illa uenerit, quam  
ueram putant, eam recipient? qui laniant, & occidunt eos  
quos & ipsi fatētur, imitatores esse iustorum, quia bona  
operentur, & iusta: cum si tantūmodo malos occiderent,  
digni essent, ad quos iustitia non ueniret: cui nulla fuit al-  
lia causa linquēdi terram, quā humani cruoris effusio.  
Quanto magis, cum pios interficiant, & ipsos iustitiæ  
sectatores pro hostibus ducant, imò uerò plus, quā pro  
hostibus? quibus, utiq; cum animas eorum, & opes, & li-  
beros ferro, & igni appetant, tamē parcitur uictis, & est  
locus inter arma clementiæ: aut si adeò seuii placuit, ni-  
hil plus in eos fit, quā ut occidantur, uel in seruitutem  
abducant

abducantur. Hoc uerò inenarrabile est, quod sit aduersus eos, qui malefacere nesciunt. Et nulli nocentiores habentur, quàm qui sunt ex omnibus innocentes. Audent igitur homines improbißimi, iustitiæ facere mentionē, qui feras immanitate uincunt, qui placidißimū Dei gregē uastant, lupi ceu Raptores atra in nebula, quos improba uentris Exegit cæcos rabies. Verum hos non uentris, sed cordis rabies efferauit, nec atra in nebula, sed aperta prædatione grassantur: nec eos unquā conscientia scelerum reuocat, ne sanctum, ac pium nomē iustitiæ, ore illo uiolent, quod cruore innocentium, tanquam rictus bestiarū madet. Huius tanti & tam pertinacis odij quam potissimum causam esse dicamus? Vtrum ne ueritas odium parit, ut ait poëta, quasi diuino spiritu instinctus: an erubescūt corā iustis & bonis esse nequam? an potius utrūq;? Nam & ueritas ideo semper inuisa est, quod is, qui peccat, uult habere liberum peccandi locum: nec aliter se putat male factorum uoluptate securius perfrui posse, quàm si nemo sit, cui delicta non placeāt. Ergo tanquam scelerū, & malitiæ suæ testes extirpare funditus nitūtur, et tollere, grauesq; sibi putant, tanquam uita corū coarguatur. Cur enim sint aliqui intēpestiue boni, qui corruptis moribus publicis, conuitiū bene uiuendo faciant? cur non omnes sint æque mali, rapaces, impudici, adulteri, periuri, cupidi, fraudulētiē quin potius auferantur, quos corā male uiuere pudet, qui peccantiū frontem, etsi non uerbis, quia tacent, tamē ipso uitæ genere dissimili feriūt, & uerberant. Castigare enim uidetur, quicunq; dissentit. Nec est magnopere mirandū, si aduersus homines ista fiunt, cum aduersus ipsum Deum, propter eandē causam, insurrexerit etiā populus in spe constitutus, nec Dei nescius: sequiturq; iustos eadē

necessitas, quæ ipsum iustitiæ uiolauit autorem. Vexant  
 ergo, & exquisitis poenarum generibus excruciant, pa-  
 rumq; habent interficere, quos oderunt, nisi etiam crude-  
 litas corporibus illudat. Siqui aut doloris, uel mortis me-  
 tu, uel suapte perfidia, cœlesti sacramētū deseruerint, et  
 ad funesta sacrificia consenserint, eos laudant, & hono-  
 ribus mactant, ut eorum exemplo ceteros illiciant. Quæ  
 autē magni aestimauerint fidē, cultoresq; se Dei non ab-  
 negauerint, in eos uerò totis carnificinæ suæ uiribus, uel  
 ti sanguinē sitiant, incumbūt, & desperatos uocant, quia  
 corpori suo minime parcūt, quasi quicquam desperatius  
 esse possit, quàm torquere, ac dilaniare eū, quem scias esse  
 innocētē. Adeo nec pudor ullus apud eos superest, à qui-  
 bus abest omnis humanitas: & retorquēt in homines iu-  
 stos conuitia sibi congruentia. Impios enim uocant ipsi  
 scilicet pii, & ab humano sanguine abhorrētes, cū si &  
 actus suos considerent, & illorum, quos tanquam impios  
 damnant, iam intelligant, quàm mendaces sint, & ijs o-  
 mnibus, quæ aduersus bonos aut dicūt, aut faciūt dignio-  
 res. Nō enim de nostro, sed ex illorū numero semper exi-  
 stunt, qui uias obsideant armati, maria prædentur, uel si  
 palàm grassari nō licuit, uenena clām tēperent, qui uxo-  
 res necēt, ut dotes earum lucrētur, aut maritos, aut adul-  
 teris nubant, qui natos ex se pucros aut strangulent, aut  
 si nimium pii fuerint, exponāt, qui libidines incestas nec  
 à filia, nec à sorore, nec à matre, nec à sacerdote cōtine-  
 ant, qui aduersus ciues suos, patriamq; coniurent, qui nec  
 culleum metuant, qui denique sacrilegia committant, &  
 Deorum, quos colunt, templa dissipolient: & ut quæ le-  
 uia sunt, atq; inusitata dicamus, qui hæreditates captent,  
 testamenta supponant, iustos hæredes uel auferant, uel  
 excludant

excludant, qui corpora sua libidinibus prostituunt, qui deniq; immemores, quid nati sint, cum foeminis patientia certent, qui sanctissimā quoq; corporis sui partem cōtra fas omne polluant, & profanēt, qui uirilia sua ferro metant: & quod est scelcratius, ut sint religionis antistites: qui ne uitae quidē suae parcant, sed extinguendas publice animas suas uēdant: qui si iudices sedeant, aut immeritos perdant mercede corrupti, aut noxios impune dimittant: qui cælum quoq; ipsum ueneficijs appetant, tanquā illorū malitiā terra non capiat. Hæc inquam, & his plura scelera utiq; ab ijs fiunt, qui Deos colunt. Quis inter hæc tot, ac tanta iustitiæ locus est? Et ego de multis pauca collegi, non ut arguerē, sed ut ostenderem. Qui uolent scire omnia, Senecæ libros in manum sumant, qui morum, uitiorumq; publicorū & descriptor uerissimus, & accusator acerrimus fuit. Sed & Lucilius tenebrosam istam uitam circumscripse, breuiterq; depinxit his uersibus:

Nunc uero à mane ad noctem, festo, atq; profesto

Totus item pariterq; die, populusq; patresq;

Iactare, indufōri se omnes, decedere nusquam.

Vni se, atq; eidem studio omnes dedere, & arti,

Verba dare ut caute possint, pugnare, dolose

Blandiri, certare, bonum simulare uirum se,

Insidias facere, ut si hostes sint omnibus omnes:

Nostro autem populo quid horum potest obijci, cuius omnis religio est, sine scelere, ac sine macula uiuere? Cum igitur uideant & se, ac suos ea, quæ diximus gerere, nostros autē nihil aliud operari, nisi æquum, & bonum, poterāt (siquid saperēt) ex hoc intelligere, et illos, qui bonū faciunt, pios esse, & se impios, qui nefanda cōmittūt. neq; enim fieri potest, ut qui in omnibus uitæ suæ actibus non

errant, in ipsa summa errent, hoc est in religione, quæ rerum omnium caput est. Impietas enim suscepta in eo, quod  
 \*frequen= est summum, per cætera uniuersa \*sequitur. Eo'que fieri  
 atur non potest, ut ipsi, qui errant in omni uita, non & reli-  
 gione fallantur. quoniam pietas in summo regulam te-  
 nens, tenorem suum seruat & in cæteris. Ita fit ut in utraq;  
 parte de conditione rerum, quæ geruntur, qualis sit sum-  
 ma ipsa noscatur.

De falsa pietate, & de falsa, & uera religione.

C A P.

X.

**O** Per æ precium est, cognoscere illorum pietatē, ut ex  
 ijs, quæ clemēter, ac pie faciunt, possit intelligi, qua-  
 lia sint, quæ ab his contra iura pietatis geruntur. Ac ne-  
 quem uidear inclementer incessere, aliquam mihi perso-  
 nam poëticam sumam, quæ sit uel maximū pietatis exem-  
 plum. Apud Maronem rex ille,

—Quo iustior alter

Nec pietate fuit, nec bello maior, & armis,  
 quæ nobis documenta iustitiæ protulit?

Vinxerat & post terga manus, quos mitteret umbris,  
 Inferias cæso sparsurus sanguine flammæ.

Quid potest esse hac pietate clemētius, quàm mortuis hu-  
 manas uictimas immolare, & ignē cruore hominum tan-  
 quam oleo pascere? Sed fortasse hoc nō ipsius uitium fue-  
 rit, sed poëtæ, qui illum insignem pietate uirum, insigni  
 scelere fœdauerit. Vbi est igitur, ò poëta, pietas illa,  
 quam sæpiissime laudas? Ecce pius Aeneas:

—Sulmone creatos

Quattuor hic iuuenes, totidem quos educat Vphens,  
 Viuentem rapit: inferias quos immolet umbris,  
 Captiuoq; rogi persundet sanguine flammæ.

CHR

Cur ergo dicebat eodem ipso tēpore, quo uinctos homines ad immolationē mittebat? Equidē & uiuis cōcedere uellem: cum quos uiuos habebat in potestate, uice pecudū iuberet occidi? Sed hæc (ut dixi) culpa non illius fuit, qui literas fortasse nō didicerat, sed tua, qui cū esses cruditus, ignorasti tamē quid esset pietas, & illud ipsum, quod nefarie, quod detestabiliter fecit, pietatis esse officiū credidisti. uidelicet ob hoc unū pius uocatur, quia patrē dilexit. Quid quòd bonus Aeneas haud aspernēda precāteis trucidauit? adiuratus enim per eundē patrem, & spes surgētis Iuli, nequaquā pepercit, furijs accēsus, et ira. Quisquam ne igitur hunc putet aliquid in se uirtutis habuisse, qui et furore, tanquā stipula, exarserit, & maniū patris, per quē rogabatur, oblitus, irā frænare nequiuertit? Nullo igitur modo pius, qui nō tantū nō repugnātes, sed etiā precātes interemit. Dicet hic aliquis. Quæ ergo, aut ubi, aut qualis est pietas? Nimium apud eos, qui bella nesciunt, qui concordiam cum omnibus seruant, qui amici sunt etiā inimicis, qui omnes homines pro fratribus diligunt, qui cohibere iram sciunt, omnemq; animi furorem trāquilla moderatione lenire. Quanta igitur caligo, quāta tenebrarū, & errorum nubes, hominū pectora obduxit? qui cum se maxime pios putant, tū maxime fiunt impii. Quāto enim religiosius, terrenis istis simulachris inserviunt, tanto magis scelcrati aduersus nomen ueræ diuinitatis existūt. Itaq; pro merito impietatis suæ grauioribus malis sæpe uexantur, quorū causam quia nesciunt, fortunæ culpa omnis ascribitur, & locum inuenit Epicuri philosophia, nihil ad Deos pertinere cēsantis, nec gratia eos tangi, nec ira moueri, quia & contemptores eorū sæpe uideant beatos, & cultores sæpe miseros. Quod eò



fit, quia cum religiosi uideantur, et natura boni, nihil tale creduntur mereri, quale sæpe patiuntur. Consolantur se tamē accusatione fortunæ, nec sentiunt, quod si esset ulla, cultoribus suis nunquā noceret. Merito igitur huiusmodi pietatē pœna cōsequitur, et offensa diuinitas scelere hominum prauē religiosorū, graui eos infortunio mactat, qui licet sanctis moribus uiuant, in summa fide, atq; innocētia: tamē, quia Deos colūt, quorū ritus impios, ac profanos Deus uerus odio habet, à iustitia, et à nomine ueræ pietatis alieni sunt. Nec est difficile dicere, cur Deorum cultores, boni, et iusti esse non possint. Quomodo enim sanguine abstinebūt, qui colūt cruētos Deos, Martē atq; Bellonā? quomodo aut parētibus parcent, qui expulsorē patris sui Iouē? aut natis ex se infantibus, qui Saturnum? quomodo pudicitia tuebuntur, qui colunt deā nudā, et adulterā, et quasi apud Deos prostitutam? quomodo se à rapinis, et fraudibus abstinebūt, qui Mercurij furta nouerūt, docētis non fraudis esse decipere, sed astutiæ? quomodo libidines coërcebūt, qui Iouē, Herculem, Liberum, Apollinem, ceterosq; uenerantur, quorū adulteria, et stupra in mares, et fœminas non tantum doctis nota sunt, sed exprimuntur etiam in theatris, atq; cantantur, ut sint omnibus notiora? Possunt ne inter hæc iusti esse homines, qui etiā si natura sint boni, ab ipsis tamē Dijs erudiantur ad iustitiā? Ad placandū enim Deum, quē colas, ijs rebus opus est, quibus illū gaudere, ac delectari scias. Sic fit, ut uitam colentium, Deus pro qualitate nominis sui formet, quoniam religiosissimus est cultus, imitari.

De crudelitate aduersus Christianos. CAP. XI.

**I**s igitur hominibus, qui deorum suorum moribus congruunt, quia grauis est, et acerba iustitia, eandem impietatem

pietate suā, quia in cæteris rebus utūtur, aduersus iustos uiolēter exercēt. Nec immerito à prophetis bestiae nomī nātur. Præclare itaq; M. Tul. Etenim si nemo est, inquit, quin emori malit, q̄ conuerſi in aliquam figurā bestiae, quāuis hominis mentē habiturus: quāto est miſcrius in hominis figura, animo eſſe efferato? mihi quidē tanto uideatur, quanto præſtabilior eſt animus corpore. Aſpernātur itaq; corpora belluarum, quibus ſunt ipſi ſeniores, ſibiq; adeo placent, quòd homines nati ſunt, quorū nihil, niſi liniamenta, & ſummam figurā gerunt. Nam quis Caucaſus, quæ India, quæ Hyrcania tam immanes, tam ſanguinarias unquam beſtias aluit? Quoniam ferarum omnium rabies uſq; ad uentris ſatietatē furit, fameq; ſedata, protinus conqueſcit. Illa eſt uera beſtia, cuius una iuſſione

Funditur ater ubiq; cruor, crudelis ubiq;

Luctus, ubiq; pauor, & plurima mortis imago.

Nemo huius tantæ belluæ immanitatē poteſt pro merito deſcribere, quæ uno loco recubās, tamen per totū orbem dētibus ferreis ſeuit, & nō tantū artus hominū diſſipat, ſed & oſſa ipſa cōminuit, & in cineres furit, nequis extet ſepulturæ locus. quaſi uerò id affectēt, qui Deū conſitentur, ut ad eorum ſepulchra ueniat, ac nō ut ipſi ad Deū perueniāt. Quenā illa ſeritas, quæ rabies, quæ inſania eſt, lucē uiuis, terrā mortuis denegaffe? Dico igitur, nihil eſſe miſcrius ijs hoībus, quos miniſtros furoris alieni, quos ſatellites impiæ iuſſionis neceſſitas aut inuenit, aut fecit. Non enim honor ille, aut prouectio dignitatis fuit, ſed hominis dānatio ad carnificinā, Dei uerò ad poenā ſempiternā. Quæ aut per totū orbē ſinguli geſſerint, enarrare, impoſſibile eſt. Quis enim uoluminum numerus capiet tam infinita, tā uaria genera crudelitatis? Accepta enim

enim potestate pro suis moribus quisq; sæuiuit . Alij præ nimia timiditate, plus ausi sunt, quàm iubebatur. Alij suo proprio aduersus iustos odio, quidam naturali mentis feritate, nonnulli ut placerent, & hoc officio uiam sibi ad altiora munirent: aliqui ad occidendum præcipites extiterunt, sicut unus in Phrygia, qui uniuersum populum cū ipso pariter conuenticulo concremauit . Sed hic quanto sæuior, tanto clementior inuenitur. Illud uerò pessimū genus est, cui clementiæ species falsa blanditur: ille grauior, ille sæuior est carnifex, qui neminē statuit occidere. Itaq; dici nō potest, huiusmodi iudices quanta, & quàm graua tormētorum genera excogitauerint, ut ad effectum propositi sui peruenirent . Hæc autem nō tantū ideo faciunt, ut gloriari possint, nullum se innocētium peremisse (nam & ipse audiui aliquos gloriātes, quia administratio sua in hac parte, fuerit incruēta) sed & inuidiæ causa, ne aut ipsi uincantur, aut illi uirtutis suæ gloriā consequantur. Itaque in excogitandis pœnarum generibus, nihil aliud quàm uictoriam excogitant . Sciunt enim, certamen esse illud, & pugnā. Vidi ego in Bithynia, præsidem gaudio mirabiliter elatum, tanquam Barbarorum gētem aliquā subegisset, quòd unus, qui per bienniū magna uirtute restiterat, postremo cedere uisus est. Contendunt igitur, ut uincant, & exquisitos dolores corporibus immittunt, & nihil aliud deuitant, quàm ut ne torti moriantur. Quasi uerò mors tantūmodo beatos faciat, ac non etiā tormenta, quāto fuerint grauiora, tanto maiore uirtutis gloriam pariant. Illi autem pertinaci stultitia iubent, curam tortis diligenter adhiberi, ut ad alios cruciatus membra renouentur, & reparetur nouus sanguis ad pœnam. Quid tam pium, tam beneficū, tam humanum fieri potest? non curassent

curassent tam solícite, quos amarent. Hæc est Deorum disciplina. Ad hæc opera cultores suos erudiunt, hæc sacra desiderant. Quin etiam sceleratissimi homicidæ contra pios iura impia condiderunt. nam & cōstitutiones sacrilegæ, & disputationes Iurisperitorum leguntur iniustæ. Domitius de officio Proconsulis, libris septem rescripta principum nefaria collegit, ut doceret, quibus pœnis affici oporteret eos, qui se cultores Dei confiterentur.

De ueritate uirtutis, & existimatione.

## CAP. XII.

**Q**uid ijs facias, qui ius uocant carnificinas ueterum tyrannorū aduersus innocentes rabide sæuientiū? Et cū sint iniustitiæ, crudelitatisq; doctores, iustos se esse tamen, ac prudētes uideri uolunt, cæci, & hebetes, & rerum, & ueritatis ignari. Adeo'ne uobis ò perditæ mētes, inuisa iustitia est, ut eam summis sceleribus adæquetis? Adeo'ne apud uos perit innocentia, ut ne morte quidem simplici dignam iudicetis? Sed supra omnia facinora habetur, nullū facinus admittere, pectusq; purū ab omni sceleris contagione præstare. Et quoniam communiter cū Deorum cultoribus loquimur, liceat per uos bene facere uobiscū. Hæc est enim lex nostra, hoc opus, hæc religio. Si uobis sapiētes uidemur, imitamini: si stulti, cōtemnite, aut etiam ridete, si libet: nobis enim stultitia nostra prodest. Quid laceratis? quid affligitis? nō inuidemus sapientiæ uestræ. Hæc stultitiā malumus; hæc amplectimur. Hoc nobis credimus expedire, ut uos diligamus, et in uos ipsos qui odistis, oīa cōferamus. Est apud Ciceronē nō abhorrens à uero locus, in ea disputatione, quæ habetur à Furio cōtra iustitiam. Quæro, inquit, si duo sint, quorum alter optimus uir, æquissimus, summa iustitiā, singulari fide, alter

alter insigni scelere, & audacia, & si in eo sit errore ciuitas, ut bonum illum uirum, sceleratū, facinorosum, nefarium putet: contra autem, qui sit improbiſſimus, existimetur esse summa probitate, ac fide: proq; hac opinione omniū ciuium, bonus ille uir uexetur, rapiatur, manus ei deniq; auferatur, effodiantur oculi, damnetur, uinciatur, uratur, exterminetur, egeat, postremo iure etiam optimo omnibus miserrimus esse uideatur: cōtrā autē ille improbus laudetur, colatur, ab omnibus diligatur, omnes ad eū honores, omnia imperia, omnes opes, omnes deniq; copiae cōferantur, uir deniq; optimus omnium existimatione, et digniſſimus omni fortuna iudicetur: Quis tandē crit tam demēs, qui dubitet, utrum se esse malit? Profecto quasi diuinaret, quæ nobis mala, & quomodo uētura essent propter iustitiam, hoc posuit exemplum. Hæc enim populus noster patitur omnia, errantium prauitate. Ecce in eo est errore ciuitas, uel potius orbis ipse totus, ut bonos, et iustos uiros tāquā malos, et impios persequatur, excruciet, damnet, occidat. Nam quod ait, neminē esse tam dementē, qui dubitet utrum se esse malit: ille quidē, ut is, qui cōtrā iustitiā differebat, hoc sensit, malle sapientē malū esse cū bona existimatione, quā bonū cum mala. A nobis autē absit hæc amentia, ut falsum uerō anteponamus. An boni nostri qualitas ex populi potius pendeat erroribus, q̄ ex cōscientia nostra, & iudicio Dei? Aut aliqua nos illiciet unquā felicitas, ut nō potius ueram bonitatem cum omni malo, quā falsam cū omni prosperitate malimus? Sua sibi habeant regna reges, suas diuitias diuites (ut loquitur Plautus) suam uerō prudentiam prudentes: relinquunt nobis stultitiam nostram, quam uel ex hoc apparet esse sapientiam, quod eam nobis inuident. Quis enim

enim stulto inuideat, nisi qui ipse sit stultissimus? Illi autē non sunt adco stulti, ut stultis inuideant: sed ex eo, quod accurate, quod solícite prosequūtur, stultos non esse cōcedunt. cur enim tā crudeliter seuiant, nisi quia metuūt, ne in dies inualescente iustitia, cum Dijs suis curiosis relinquantur? si ergo cultores Deorum sapientes sunt, & nos stulti, quid metuant, ne sapientes illiciantur à stultis?

De Christianorum incrementis, & supplicijs.

CAP. XIII.

**C**VM autē noster numerus semper Deorū cultoribusaugeatur, nunquam uero, ne in ipsa quidem persecutione minuatur (quoniam peccare homines, & inquinari sacrificio possunt, aucti autem non possunt à Deo: ualeat enim ui sua, ueritas) quis est tam excors, tamq; cecus, qui nō uideat, in utra sit parte sapientia? Sed illi malitia, & furore cecantur, ne uideant, stultosq; arbitrātur esse, qui cum habeant in sua potestate supplicia uitare, cruciari tamen, & emori malunt, cum possint ex eo ipso peruicere, non esse stultitiam, in quam tanta hominū millia, per orbem totum, una, & pari mente consentiant. Si enim fœminæ sexus infirmitate labuntur (nam interdum isti muliebrem, anilem superstitionem uocant) uiri certe sapiunt. Si pueri, si adolescentes, improvidi sunt per ætatem, maturi certe, ac senes habent stabile iudicium. Si una ciuitas desipuerit, ceteræ, utiq; innumerabiles, stultæ esse non possunt. Si una prouincia, una natio prouidentia caret, ceteras omnes habere intelligentiā recti, necesse est. Cū uero ab ortu solis usq; ad occasum lex diuina suscepta sit, & omnis sexus, omnis ætas, & gens, & regio unitis, ac paribus animis Deo seruiāt, eadem sit ubiq; patientia, idē contēptus mortis, intelligere debuerant, aliquid in ea

re esse rationis, quod non sine causa usq; ad mortē defendatur, aliquid fundamēti, ac soliditatis, quod eam religionē non tātum iniurijs, ac uexatione nō soluat, sed augeat semper, & faciat firmiorē. Nam & in hoc quoq; malitia illorum conuincitur, qui euertisse se funditus religionem Dei opinantur, si homines inquinauerint, cū & Deo satisfacere liceat, & nullus sit tam malus Dei cultor, qui data facultate, ad placandū Deum nō reuertatur, & quidē deuotione maiori. Peccati enim cōscientia, & metus pœnæ religiosiorē facit, & semper multo firmior est fides, quā reponit pœnitentia. Si ergo ipsi, cum Deos sibi arbitrantur iratos, tamen donis, & sacrificijs, & odoribus placari eos credunt: quid est tandem, quod Deum nostrū tam immitem, tam implacabilem putēt, ut uideatur is iam Christianus esse non posse, qui Dijs eorū coactus, inuitusq; libauerit: nisi forte cōtaminatos semel, putant animū trāslaturos, ut sua sponte iam facere incipiant, quod per tormenta fecerūt. Quis id officium libēs obeat quod ab iniuria cœpit? Quis cum uideat laterū suorum cicatrices, nō magis oderit Deos, propter quos æterna pœnarū insignia, & impressas uisceribus suis notas gēstet? Ita fit, ut data diuinitus pace, & qui fuerint, uniuersi redeant, & alius propter miraculū uirtutis, nouus populus accedat. Nā cū uideat uulgus dilacerari homines uarijs tormentorum generibus, & inter fatigatos carnifices inuictā tenere patientiā, existimāt, id quod res est, nec cōsensum tam multorū, nec perseuerantiam morientium uanā esse, nec ipsam patientiam sine Deo cruciatus tantos posse superare. latrones, et robusti corporis uiri eiusmodi lacerationes perferre nequeunt, exclamant, & gemitus edunt. uincuntur enim dolore, quia deest illis inspirata patiētia.

Nostri



Nostri autem (ut de uiris taceam) pueri, & mulierculæ, tortores suos taciti uincunt, & exprimere illis gemitum nec ignis potest. Eant Romani, & Mutio glorientur aut Regulo: quorum alter necandū se hostibus tradidit, quod captiuum puduit uiuere: alter ab hostibus deprehensus, cum uideret mortem se uitare non posse, manum foco iniecit, ut pro facinore suo satis faceret hosti, quem uoluit occidere, eaq; pœna ueniam, quā non meruerat, accepit. Ecce sexus infirmus, & fragilis ætas dilacerari se toto corpore, uriq; perpetitur, non necessitate, quia licet uitare, si uellent, sed uoluntate, quia confidunt Deo.

De Christianorū fortitudine. CAP. XIII.

Sed hæc est uera uirtus, quam philosophi quoque gloriabundi, non re, sed uerbis inanibus iactant, differentes, nihil esse tam congruens uiri sapientis grauitati, atq; cōstantiæ, quā nullis terroribus de sententiæ proposito posse de pelli, sed tanti esse, cruciari, & emori, ne fidē prodat, ne ab officio discedat, ne metu mortis, aut dolore acerbo subactus, aliquid faciat iniustum. nisi forte delirare illis uidetur Flaccus in lyricis, cum dicit:

Iustum, & tenacem propositi uirum,

Non ciuium ardor praua iubentium,

Non uultus instantis tyranni

Mente quatit solida.

Quo nihil uerius dici po-

test, si hoc ad eos referatur, qui nullos cruciatus, nullam mortem recusant, ne a fide, iustitiāq; declinent, qui nō tyrannicas iussiones, non præsidium gladios tremunt, quo minus ueram, & solidā libertatem constanti mente defendant. quæ in hoc solo tuenda sapiētia est. Quis enim tam insolēs, tam elatus est, qui me uctet oculos in cælum tolerare? quis imponat mihi necessitatem uel cōsēdi, quod non

x

lim,

lim, uel quod uelim, non colēdi? Quid iam nobis ulterius relinquetur, si etiam hoc, quod uoluntate fieri oportet, libido extorquet aliena? nemo istud efficiet, si quid nobis ad contemnendam mortem, doloremq; uirtutis est. Quam constantiam si tenemus, cur stulti iudicamur, faciētes ea, quæ philosophi laudant? Recte igitur Seneca, incongruentiam hominibus obiectans, ait: Summa uirtus illis uideatur magnus animus. Et ijdem eum, qui cōtemnit mortem, pro furioso habent, quod est utique summae peruersitatis. Sed ij uanarum religionum cultores, eadem stultitia id obijciunt, qua uerum Deum nō intelligunt, quos Sibylla Erythræα *κωφῶς, καὶ ἀνοήτως* uocat, surdos scilicet, & ex-cordes, qui nec audiant diuina, nec sentiant, sed terram digitis suis imaginatam metuant, & adorent.

De stultitia, sapientia, pietate, æquitate,  
& iustitia. CAP. XV.

**Q**Uæ uero causa sit, ut eos, qui sapientes sunt, stultos putēt, magna ratio est. nec enim frustra falluntur. quæ nobis diligenter est explicanda, ut errores suos tandem (si fieri possit) agnoscāt. Iustitia, suapte natura, speciem quandā stultitiæ habet, quod ego & diuinis, & humanis testimonijs cōfirmare possum. Sed nihil fortasse apud istos agemus, nisi eos de suis doceamus autoribus, nō posse quenquā iustū esse, quod est coniunctū cum uera sapiētia, nisi idem stultus esse uideatur. Carneades, Academicæ sectæ philosophus, cuius in disscrēdo quæ uis fuerit, quæ eloquētia, quod acumē, qui nescit, is ex prædicatione Ciceronis intelliget, aut Lucilij, apud quē differens Neptunus de re difficilima, ostendit non posse id explicari, nec si Carneadē ipsum orcus remittat. Is, cum legatus ab Atheniensibus Romā missus esset, disputauit de iustiti

stitia copiose, audiente Galba, & Catone censorio, maximis tunc oratoribus. Sed idem disputationē suam postri die, contraria disputatione subuertit, & iustitiam, quam pridie laudauerat, sustulit, non quidem philosophi grauitate, cuius firma & stabilis debet esse sententia, sed quasi oratorio exercitij genere, in utranque partem differendi. Quod ille facere solebat, ut alios quodlibet assentes posset refutare. Eam disputationē, qua iustitia euertitur, apud Cicero. L. Furius recordatur: credo, quoniā de Rep. differebat, ut defensionem, laudationemq; eius induceret, sine qua putabat regi nō posse Remp. Carneades autem, ut Aristotelem refelleret, ac Platonem, iustitiæ patronos, prima illa disputatione collegit ea omnia, quæ pro iustitia dicebantur, ut posset illa, sicut fecit, euertere. Erat enim facilimum, iustitiam radices non habentem labefactare, quia tum nulla in terra fuit, ut, quid esset, aut qualis, à philosophis cerneretur. Atque utinam tot, ac tales uiri quantum eloquentiæ, quantum animi, tantum etiam scientiæ ad implendam defensionem summæ uirtutis habuissēt, cuius origo in religione, ratio in æquitate est. Sed ij, qui primam illam partem nescierunt, ne secundā quidē tenere potuerūt. Volo autem prius circumscripse, ac breuiter, quid sit, ostēdere, ut intelligatur, philosophos ignorasse iustitiā, nec id, quod minime nouerāt, potuisse defendere. Iustitia quāuis omnes simul uirtutes amplectatur, tamē duæ sunt omniū principales, quæ ab illa diuelli, separariq; nō possunt, pietas, et æquitas. nam fides, tēperātia, probitas, innocentia, integritas, & cetera huiusmodi, uel natura, uel institutis parentum, possunt esse in ijs hominibus, qui iustitiam nesciunt, sicuti semper fuerunt. nam Romani ueteres, qui iustitia gloriari solebant, ijs utique

uirtutibus gloriabatur, quæ (ut dixi) proficisci à iustitia possunt, & ab ipso fonte secerni. Pietas uero, & æquitas, quasi uenæ sunt eius. his enim duobus fontibus constat tota iustitia. Sed caput eius, & origo in illo primo est, in secundo uis omnis, ac ratio. Pietas autem nihil aliud est, quam Dei notio, sicut Trismegistus uerissime definiuit, ut alio loco diximus. Si ergo pietas est cognoscere Deum, cuius cognitionis hæc summa est, ut eum colas: ignorat utique iustitiā, qui religionem Dei non tenet. Quomodo enim potest eam nosse, qui unde oriatur ignorat? Plato quidem multa de uno Deo locutus est, à quo ait constitutum esse mundum: sed nihil de religione. sominauerat enim Deum, non cognouerat. quod si iustitiæ defensionem uel ipse, uel quilibet alius implere uoluisset, in primis religiones Deorum euertere debuit, quia contrariæ sunt pietati. Quod quidem Socrates quia facere tetrauit, in carcerem coiectus est, ut iam tunc appareret, quid esset futurum ijs hominibus, qui iustitiam uerā defendere, Deo quæ singulari seruire cœpissent. Altera igitur iustitiæ pars est æquitas, æquitatem dico non utique bene iudicandi, quod et ipsum laudabile est in homine iusto, sed se cum cæteris coequādi, quā Cic. æquabilitatem uocat. Deus enim, qui homines generat, & inspirat, omnes æquos, id est, pares esse uoluit. Eandem conditionem uiuendi omnibus posuit, omnes ad sapientiam genuit, omnibus immortalitatem spopondit. nemo à beneficijs eius celestibus segregatur. Nam sicut omnibus unicū suū lumen æqualiter diuidit, emittit omnibus fontes, uictum sumministrat, quietem somni dulcissimā tribuit: sic omnibus æquitatem, uirtutemque largitur. Nemo apud eum seruus est, nemo dominus. Si enim cunctis idem pater est, æquo iure omnes liberi sumus. Nemo Deo pauper est, nisi qui iustitia indiget,

diget: nemo diues, nisi qui uirtutibus plenus est: nemo deniq; egregius, nisi qui bonus, & innocens fuerit: nemo clarissimus, nisi qui opera misericordiae largiter fecerit: nemo perfectissimus, nisi qui omnes gradus uirtutis impleuerit. Quare neq; Romani, neq; Graeci iustitiam tenere potuerunt, quia dispares multis gradibus homines habuerunt, à pauperibus ad diuites, ab humilibus ad potentes, à priuatis deniq; usq; ad regum sublimissimas potestates. Vbi enim non sunt uniuersi pares, aequitas non est, & excludit inaequalitas ipsa iustitiam, cuius uis omnis in eo est, ut pares faciat eos, qui ad huius uitae conditionem pari sorte uenerunt.

De officijs uiri iusti.

CAP. XVI.

**D**Vobis igitur illis iustitiae fontibus immutatis, omnis uirtus, & omnis ueritas tollitur, & ipsa iustitia remigrat in coelum. Ideo non est uerum, illud bonum à philosophis repertum, quia ignorabant, uel unde oriretur, uel quid efficeret. quod nullis alijs, praeterquam nostro populo, reuelatum est. Dicet aliquis, Nonne sunt apud uos alij pauperes, alij diuites, alij serui, alij domini? nonne aliquid inter singulos interest? nihil. nec alia causa est, cur nobis inuicem fratrum nomen impertiamus, nisi quia pares esse nos credimus: nam cum omnia humana non corpore, sed spiritu metiamur, tametsi corporum sit diuersa conditio, nobis tamen serui non sunt, sed eos & habemus, et dicimus spiritu fratres, religione conseruos. Diuitiae quoque non faciunt insignes, nisi quos possunt bonis operibus facere clariores. Diuites sunt enim, non quia diuitias habent, sed quia utuntur illis ad opera iustitiae. Et qui pauperes uidentur, eo tamen diuites sunt, quia & non egent, & nihil concupiscunt. Cum igitur & liberi seruis, & diuites pauperibus, hu-

militate animi pares simus, apud Deum tamē uirtute discernimur. Et tanto quisque sublimior est, quanto iustior. Si enim iustitia est, parem se etiā minoribus facere: quā hoc ipso præcellat, quòd se inferioribus coequauit: tamen si non tantum quasi parem, sed etiam quasi minorem se gesserit, utiq; multo altiorem dignitatis gradum, Deo iudice, consequetur. Nam profecto in hac uita seculari, quoniam breuia, & caduca sunt omnia, & præferunt se alteris homines, & de dignitate contendunt. quoniam nihil scdus, nihil arrogatius, & nihil à sapientis ratione scmotius. Rebus enim cœlestibus contraria sunt ista uniuersa terrena. Sicut enim sapientia hominum, summa stultitia est apud Deum, stultitia autem (ut docui) summa sapientia est: sic Deo humilis, & abiectus est qui fuerit conspicuus, & sublimis in terra. nam ut taceam, quòd hæc præsentia terræ bona, quibus magnus honos tribuitur, uirtuti contraria sunt, & uigorem mentis eneruant, quæ tandē potest firma esse nobilitas, quæ opes, quæ potentia, cum possit Deus reges quoque ipsos, inferiores etiam infimius facere? Et ideo consulens nobis Deus, inter diuina præcepta illud præcipue posuit: Qui se extollit, humiliabitur, & qui se humiliat, exaltabitur. Cuius præcepti salubritas docet, quòd qui se apud homines planū fecerit, humilemq; præbuerit, hic apud Deum præcellēs, & insignis habeatur. Nec enim falsa est illa sententia, quæ apud Euripidem fertur in hunc modum: Quæ hic mala putantur, hæc sunt in cœlo bona.

De Christianorum æquitate, sapientia, & stultitia.

CAP. XVII.

**E**Xposui causam, cur philosophi nec inuenire iustitiā, nec defendere potuerunt. Nunc redco ad id quod intendeam.

intenderam. Carneades ergo, quoniam erāt infirma quæ  
 à philosophis afferebantur, sumpsit audaciam refellendi,  
 quia refelli posse intellexit. Eius disputationis summa hæc  
 fuit: Iura sibi homines pro utilitate saxisse, scilicet uaria  
 pro moribus, & apud eosdem pro temporibus sæpe mu-  
 tata, ius autem naturale esse nullum: Omnes & homines,  
 & alias animantes ad utilitates suas natura ducēte ferri,  
 proinde aut nullā esse iustitiā, aut, si sit aliqua, summam  
 esse stultitiam, quoniam sibi noceret, alienis cōmodis con-  
 sulens. & inferebat hæc argumēta: Omnibus populis, qui  
 florerent imperio, et Romanis quoq; ipsis, qui totius or-  
 bis potirētur, si iusti uelint esse, hoc est si aliena restituāt,  
 ad casus esse redeundum, & in necessitate, ac miserijs ia-  
 cendū. Tum omīssis cōmunibus ad propria ueniebat. Bo-  
 nus uir, inquit, si habeat seruum fugitiuū, uel domū insa-  
 lubrē, ac pestilentē, quæ uitia solus sciat, & ideo proscri-  
 bat, ut uēdat, utrum ne profitebitur, fugitiuū seruum, ac  
 pestilentē domū se uendere, an celabit emptorē? Si pro-  
 fitebitur emptori, fugitiuum esse, bonus quidē, quia non  
 fallit, sed tamē stultus iudicabitur, quia uel paruo uēdet,  
 uel omnino non uendet. Si celauerit, crit quidem sapiēs,  
 quia rei consulet, sed idem malus, quia fallit. Rursus, si re-  
 periat aliquem, qui aurichalcum se putet uēdere, cum sit  
 illud aurum, aut plumbum, cum sit argentū: tacebit ne ut  
 id paruo emat, an id indicabit, ut magno? Stultum plane  
 uidetur, malle magno. Vnde intelligi uolebat, & eū, qui  
 sit iustus, ac bonus, stultū esse, & eum, qui sapiens, malū.  
 Et tamē sine perniciē fieri posse, ut sint homines pauper-  
 tate contenti. Transcendebat ergo ad maiora, in quibus  
 nemo posset sine periculo uitæ iustus esse. Dicebat enim,  
 Nempe iustitia est, hominem nō occidere, alienū prorsus



non attingere. Quid ergo iustus faciet, si forte naufragū fecerit, & aliquis imbecillior uiribus, tabulam ceperit? non ne illum tabula deturbabit, ut ipse cōscēdat, eaq; nixus euadat? maxime cū sit nullus medio mari testis? Si sapiens est, faciet. ipsi enim pereūdum est, nisi fecerit. Si autem mori maluerit, quā manus inferre alteri, iam iustus ille, sed stultus est, qui uitæ suæ non parcāt, dū parcat aliæ. Item, si acie suorum fusa, hostes insequi cœperint, & iustus ille nactus fuerit aliquem sauciū equo insidentem: ei ne parcat, ut ipse occidatur, an deiiciet ex equo, ut ipse possit hostem effugere? Quod si fecerit, sapiens, sed idem malus: si non fecerit, iustus, sed idem stultus sit necesse est. Ita ergo iustitiam cum in duas partes diuisisset, alterā ciuilem esse dicens, alteram naturalem, utranq; subuertit: quod illa ciuilis, sapientia sit quidem, sed iustitia nō sit: naturalis autem illa, iustitia sit quidem, sed nō sit sapientia. Arguta hæc plane, ac uenenata sunt, & quæ M. Tul. non potuerit refellere. Nam cum faciat Lælium Furio respondentem, pro q; iustitia dicentem, irrefutata hæc, tanquam foueam, prætergressus est: ut uideatur idem Lælius non naturalem, quæ in crimen stultitiæ uenerat, sed illam ciuilem defendisse iustitiam, quam Furius sapientiam quidem esse concesserat, sed iniustam.

De iustitia, sapientia, & stultitia. CAP. XVIII.

**Q**UOD ad præsentem disputationē pertinebat, ostendi, quomodo iustitia similitudinē stultitiæ gerat, ut appareat, nō sine causa decipi eos, qui putant, nostræ religionis homines stultos esse: qui talia facere uideātur, qualia ille proposuit. Nunc maius à me exigī sentio, ut ostendam, quare iustitiam Deus, stultitiæ specie conuolutā, ex oculis hominū uoluerit auferre, si prius Furio respōdero,  
quia

quia parum plene respondit Lælius: qui profecto licet sapiens, ut uocabatur, patrocinari tamē ueræ iustitiæ nullo modo poterat, qui caput ipsum, fontemq; iustitiæ non tenebat. Nobis autem facilius est ista defensio, quibus cœlesti beneficio familiaris est, ac penitus nota iustitia, quiq; illam non nomine, sed re, nouimus. Nam Plato, & Aristoteles honesta quidem uolūtate iustitiam defendere cupierunt, effecissentq; aliquid, si conatus eorum bonos, si eloquentiā, si uirtutem ingenij, diuinarū quoq; rerum doctrina iuuisset. Itaq; opus illorū inane, atq; inutile iacuit: nec cuiquā hominum persuadere potuerunt, ut eorū præscripto uiueret: quia fundamētum à cœlo disciplina illa non habuit. Nostrū opus certius sit necesse est, quos Deus docuit. Illi enim depingebāt uerbis, & imaginabātur iustitiam, quæ in conspectu non erat, nec præsentibus exēplis confirmare poterant, quæ asserebant. Responderi enim posset ab audiētibus, nō posse ita uiui, sicut illi sua dispositione præscriberēt, adeo ut nulli adhuc extiterint, qui id genus uitæ sequeretur. Nos autē non uerbis modo, sed etiā exēplis ex uero petitis, uera esse, quæ à nobis dicuntur, ostēdimus. Sēsit igitur Carneades, quæ sit natura iustitiæ, nisi quòd parum alte prospexit, stultitiam nō esse: quanquā intelligere mihi uideor, qua mēte id fecerit. non enim uere existimauit, cum stultū esse, qui iustus est: sed cum sciret, non esse, & rationem tamē, cur ita uideretur, non cōprehenderet, uoluit ostēdere, latere in abdito ueritatē, ut decretū disciplinæ suæ tueretur: cuius sūma sentētia est, nihil percipi posse. Videamus ergo, utrum ne iustitia fœdus aliquod habere cū stultitia possit. Iustus, inquit, si aut equum saucio, aut tabulam naufragō non ademerit, ut ipse animam suam liberet, stultus est. Primum

omnium, nego, ullo modo fieri posse, ut homini, qui quidem uere iustus sit, eiusmodi casus eueniat: quia iustus neq; cuiquam nato inimicus est, neq; quicquam omnino appetit alienū. Cur enim nauiget, aut quid petat ex aliena terra, cui sufficit sua? Cur autē belligeret, ac se alienis furoribus misceat, in cuius animo pax cū hominibus perpetua uersetur? Scilicet peregrinis mercibus, aut humano sanguine delectabitur, qui nec lucrū sciat appetere, cui sufficit uictus, & nō modo ipse eadem facere, sed interesse faciētibus, ac spectare, ducat nefas. Sed omitto ista: quoniā fieri potest, ut uel inuitus ad hęc subeunda cogatur. Adco'ne ergo iustitiā ò Furi, uel potius ò Carneade, cuius est illa omnis oratio, tam inanē, tam superuacuam, tamq; cōtemptā Deo putas, ut nihil possit, nihilq; habeat in sese, quod ad custodiā sui ualeat? Sed uidelicet, qui sacramentū hominis ignorāt, ideoq; ad hęc uitam temporalē referunt omnia, quanta si uis iustitię, scire nō possunt. Nam & cum de uirtute disputant, quamuis intelligant ærumnis, ac miserij esse plenissimam, tamen expetendam esse aiūt sua causa. eius enim præmia, quę sunt æterna, et immortalia, nullo modo uidēt. sic rebus omnibus ad hanc præsentem uitam relatis, uirtutem plane ad stultitiā redigunt. siquidem tantos huius uitę labores frustra, & inaniter suscipit. Sed hęc aliò loco plenius, interim de iustitiā, ut cœpimus. cuius tanta uis est, ut cū oculos in cœlum sustulerit, à Deo mereatur omnia. Recte igitur Flaccus tantam esse dixit innocentie uim, ut ad tutelam sui non egeat nec armis, nec uiribus, quacunq; iter fecerit:

Integer uitę, scelerisq; purus

Non eget Mauri iaculis, nec arcu,

Nec uenenatis grauida sagittis,

Fusce, pharetra,

Sive

Siue per syrtis iter aestuosas,  
 Siue facturus per inhospitalem  
 Caucasum, uel quæ loca fabulosus

Lambit Hydaspes.

Non potest ergo fieri, quin hominem iustum inter discrimina tempestatum, atq; bellorū, celestis tutela custodiat, ac nō, etiam si cum parricidis, et nocētibus nauiget, aut malis quoq; parcatur, ut una iusta, et innocens anima liberetur, aut certe percuntibus cæteris sola seruetur. sed cōcedamus posse fieri, quod proponit philosophus: quid ergo iustus faciet, si nactus fuerit aut in equo sauciū, aut in tabula naufragum? non inuitus confiteor, morietur potius, quā occidet. Nec ideo tamē iustitia, quod est singulare hominis bonum, stultitiæ nomen accipiet. quid enim melius, quid carius esse homini debet, quā innocentia? quæ utiq; tanto perfectior sit necesse est, quanto illā perduxeris ad extremū: mori q; malueris, nequid de innocentia ratione minuat. Stultitia est, inquit, alienæ animæ parcere cum perniciæ suæ. Num etiā pro amicitia perire, stultū iudicabitur? Quid ergo illi familiares Pythagoræi laudantur a uobis, quorū alter se tyranno uadē mortis pro altero dedit, alter ad præstitutū tēpus, cū iam spōsor eius duceretur, præsentia sui fecit, cumq; interuētū suo liberauit? quorū uirtus in tāta gloria nō haberetur, quod alter pro amico, alter etiam pro fide mori uoluit, si stulti putarentur. Denique ob hanc ipsam uirtutem tyrannus his gratiam retulit, utrunque seruando, et hominis crudeliſſimi natura mutata est. Quin etiam deprecatus esse dicitur, ut se tertium in amicitiam recipere, non utiq; tanquam stultos, sed tanquam bonos, et sapientes uiros. Itaque nō uideo, quare cū pro amicitia, et fide mori summa gloria

gloria computetur, non etiam pro innocentia perire, sit homini gloriosum. Ergo stultissimi sunt, qui nobis crimini dant, mori uelle pro Deo, cum ipsi eum, qui pro homine mori uoluit, in cœlū summis laudibus tollant. Denique, ut cōcludā disputationē, non posse eundē stultum esse, ac iustum, eundemq; sapientē, & iniustū, docet ipsa ratio. Qui enim stultus est, quid sit iustum, ac bonū, nescit, & ideo semper peccat. Ducitur enim quasi captiuus a uitijs, nec resistere ullo modo potest, quia caret uirtute, quā nescit. Iustus autem ab omni peccato se abstinet, quod aliter facere non potest, quā si habeat recti, prauiq; notitiam. Rectū autem discernere a prauo quis potest nisi sapiens? Ita fit, ut nunquā possit esse iustus, qui stultus est, neq; sapiens, qui fuerit iniustus. Quod si est uerissimum, manifestum est, eum, qui aut naufrago tabulam, aut equū saucio non ademerit, stultū nō esse, quia hæc facere peccatū est, a quo se sapiens abstinet. Videri tamē & ipse confiteor, per hominum errorē, ignorantium cuiusq; rei proprietatem. Itaq; omnis hæc quæstio non tam argumentis, quā definitione dissoluitur. Stultitia igitur est, in factis, dictisq; per ignorantia recti ac boni, erratio. Ergo stultus nō est, qui ne sibi quidē parcat, dū ne noceat alteri, quod est malum. Quod quidem nobis & ratio, & ueritas ipsa præscribit. In omnibus enim uidemus animalibus, quia sapientia carent, conciliatricem sui esse naturam. Nocent igitur alijs, ut sibi prosint. nesciūt enim, quia malum est, nocere. Homo uero, quia scientiam boni, ac mali habet, abstinet se a nocendo, etiam cum incommodo suo, quod animal irrationale facere non potest. & idco inter summas hominis uirtutes innocentia numeratur. quibus rebus apparet, sapientissimum esse, qui mauult perire, ne noceat,

noceat, ut id officium, quo à multis discernitur, seruet. Nam qui uendentis errorem non redarguit, ut aurum paruo emat, aut qui non profitetur, fugitiuū seruū, uel pestilentem se domum uendere, lucro, & commodo suo consulens, non est ille sapiens, ut Carneades uideri uolebat, sed callidus, & astutus. Calliditas, & astutia in multis quoq; animalibus sunt, uel cum insidiatur alijs, & dolo capiunt, ut deuorent, uel cum insidias aliorū uario genere deludunt. Sapientia uero in hominē solum cadit. Sapientia est enim intelligentia uel ad bonum, rectumq; faciendum, uel abstinentia dictorum, factorumq; improborum. Lucro autem nunquā sapiens studet, quia bona hæc terrena contemnit: nec quenquam falli patitur, quia boni uiri officiū est, errores hominum corrigere, eosq; in uiam reducere. Siquidem socialis est hominis, ac benefica natura, quo solo cognationem cum Deo habet.

De uirtute, & Christianorū cruciatibus, &

iure patris, & domini.

CAP. XIX.

Sed nimirum hæc causa efficit, ut stultus esse uideatur, qui egere, aut mori malit, quā noceat, uel cripiat aliquid alteri, quod hominem morte deleri putant. Ex qua persuasionē omnes tum uulgi, tum etiam philosophorū nascuntur errores. Si enim post mortem nihil sumus, profecto stultissimi est hominis, non huic uitæ consulere, ut sit quamdiutina, & commodis omnibus plena. Quod qui faciet, à iustitiæ regula discedat, necesse est. Si autē superest homini uita melior, & longior, quod & philosophorum magnorū argumētis, & uatū responsis, & prophetarum diuinis uocibus discimus: hæc præsentē cum suis bonis contemnere, sapientis est, cuius omnis iactura, immortalitate pēsatur. Apud Cicronē idē ille iustitiæ defensor Lælius,

Vult

Vult, inquit, plane uirtus honorem, nec est uirtutis ulla alia merces. Est plane, & quidē uirtute dignissima, quam tu Leli nequaquā poteras suspicari. nihil enim diuinarū noueras literarū. Quam tamē illa (inquit) accipit facile, exigit non acerbe. Erras uehementer, si putas, ab homine præmiū solui posse uirtuti, cū ipse alio loco uerissime dixeris. Huic tu uiro quas diuitias obijcies? quæ imperia? quæ regna? qui ista putat humana, sua bona diuina iudicat. Quis ergo te sapientē Leli putet, cū ipse tibi loquere contraria? & paulopost uirtuti adimas, quæ dedisti? Sed uidelicet ignorātia ueri facit incertā labantemq; sententiā. Deinde quid adiūgis? Sed si aut ingrati uniuerſi, aut inuidi multi, aut inimici potētes, suis uirtutē præmijs ſpoliāt. O' quā fragilē, quā inanē uirtutē induxisti, si ſpoliari præmio suo potest. Quæ si bona sua diuina iudicat (ut aiebas) qui possunt exiſtere tam ingrati, tam inuidi, tam potētes, qui uirtutem ſpoliare ualeāt ijs bonis, quæ fuerint in eam collata diuinitus? Næ illa se, inquit, multis ſolatijs oblectat, maximeq; suo decore ſciſa ſuſtentat. Quibus ſolatijs? quo decore? cū in crimē ſæpe ueniat, & in pœnam decor ille uertatur. Quid enim, ſi (ut Furius dicebat) rapiatur, uexetur, exterminetur, egeat, auferantur ei manus, effodiantur ei oculi, damnetur, uinciatur, uratur, miſeris etiam modis necetur, perdet ne ſuum præmiū uirtus? An potius peribit ipſa? Minime. Sed & mercedem ſuam Deo iudice accipiet, & uiuet, & ſemper uigebit. Quæ ſi tollas, nihil poteſt in uita hominū tam inutile, tam ſtultum uideri eſſe, quā uirtus, cuius naturalis bonitas, & honeſtas docere nos poteſt, animā nō eſſe mortalem, diuinumq; illi à Deo præmiū conſtitutum. Sed iccirco uirtutē ipſam Deus, ſub perſona ſtultitiæ

uoluit



uoluit esse celatam, ut mysterium ueritatis, ac religionis suæ esset arcanum, ut has religiones, sapientiamq; terrenam extollentem se altius, sibiq; multum placentem, uanitatis, errorisq; damnaret, ut proposita denique difficultate, angustissimus trames ad immortalitatis præmiũ sublimè perduceret. Docui (ut opinor) cur populus noster apud stultos stultus habeatur. Nam cruciari, atq; interfici malle, quàm thura tribus digitis comprehensa, in focum iactare, tam ineptũ uidetur, quàm in periculo uitæ, alterius animã magis curare, quàm suam. Nesciunt enim, quantum sit nefas, adorare aliud præterquàm Deum, qui condidit cælum, atque terram, qui humanum genus finxit, inspirauit, luce donauit. Quod si seruorũ nequissimus habetur, qui dominum suum fuga deserit, isq; uerberibus, et uinculis, et ergastulo, et cruce, et omni malo dignissimus iudicatur: et si filius eodem modo perditus, atque impius existimatur, qui patrem suum derelinquit, ne illi obsequatur, ob eamq; causam dignus putatur, qui sit exhæres, et cuius nomen in perpetuum de familia delcatur: quanto magis, qui Deum deserit, in quem duo uocabula, domini, et patris, eque ueneranda conueniunt? nam ille, qui seruum pretio comparat, quid in eum beneficij confert, præterquàm alimenta, quæ illi utilitatis suæ gratia subministrat? Et qui filium generat, non habet potestatem, ut concipiatur, ut nascatur, ut uiuat. Unde apparet, non esse illum patrem, sed tantummodo generandi ministrum. Quibus ergo supplicijs dignus est desertor eius, qui et dominus uerus, et pater est, nisi quæ Deus ipse constituit? qui spiritibus iniustis æternum parauit ignem, quod ipse per uates suos impijs, ac rebellibus comminatur.

De uanitate, & sceleribus impiarum religionum, & Christianorum cruciatibus.

C A P. X X.

**D**iscant igitur & suarum, et alienarum interfectores animarum, quàm inexpressibile facinus admittant: Primum, quòd seipsos iugulant, perditissimis demonibus seruiendo, quos Deus in æterna supplicia damnauit: Deinde, quòd nec ab alijs Deū coli patiūtur, sed auertere homines ad mortifera sacra contendunt, nitunturq; summa diligentia, nequa sit anima incolumis in terra, quæ saluo statu suo spectet in cælum. Quid aliud dicam quàm miseros, qui prædonum suorum instigationibus parent, quos Deos esse opinātur? quorū neq; cōditionē, neq; originē, neq; nomina, neq; rationē sciunt, sed inherētes persuasioni uulgari, libēter errāt, & stultitiæ suæ fauent. A quibus si persuasionis eius rationem requiras, nullā possint reddere, sed ad maiorum iudicia confugiant, quòd illi sapientes fuerint, illi probauerint, illi scierint, quid esset optimum: seq; ipsos sensibus spoliānt, ratione abdicant, dum alienis erroribus credūt. Sic impliciti rerum omnium ignorantia, nec se, nec Deos suos norunt. Atq; utinam soli errare, soli desipere uellēt. Alios etiā in cōsortium mali sui rapiunt, quasi habituri solatiū de perditione multorum. Sed hæc ipsa ignoratio efficit, ut in persequendis sapientibus tam mali sint, fingantq; se illis cōsulere, illos ad bonam mentē uelle reuocare. Num igitur hoc, sermone, aut aliqua ratione reddita facere nitūtur? Minime, sed ui, atq; tormentis. O mira, & cæca dementia. in ijs putatur mala mens esse, qui fidem seruare conantur, in carnificibus autem bona. in ijs ne mala mens est, qui contra ius humanitatis, contra fas omne lacerantur? an potius in ijs, qui ea faciunt

faciunt in corporibus innocentum, quæ nec sæuissimi latrones, uel iratissimi hostes, nec immanissimi barbari aliquando fecerunt? Adco ne etiam sibi mentiuntur, ut uicissim, boni, ac mali nomina transferant, & immutent? Quid ergo non, diem, noctem uocant? Solem, tenebras? Alioquin eadem impudentia est, bonis, malorum nomen imponere, sapientibus stultorum, iustis impiorum. quinimodò, si qua illis fiducia est uel in philosophia, uel in eloquentia, armet se, ac resellant hæc nostra, si possunt, congregiantur comminus, & singula quæq; discutiāt. Decet eos, suscipere defensionem Deorum suorum, uel, si nostra inualuerint (ut quotidie inualescunt) cum delubris, ac ludibrijs suis deserantur. Et quoniam ui nihil possunt (augetur enim religio Dei, quanto magis premittitur) ratione potius, & hortamentis agant. Procedant in medium pontifices, seu minores, seu maximi, flamines, augures, item reges sacrificuli, quique sunt sacerdotes, & antistites religionum. Cōuocent nos ad cōcionem, cohortentur ad suscipiendos cultus Deorum: persuadeant, multos esse, quorum numine, ac prouidentia regantur omnia: ostendant, origines, & initia sacrorum, ac deorum quomodo sint mortalibus tradita: qui fons, quæ ratio sit, explicet: proferat, quæ merces in cultu, quæ pœna in contemptu maneat, quare ab hominibus coli se uelint, quid illis, si beati sunt, humana pietas conferat. quæ omnia non asseueratione propria (nec enim ualet quicquā mortalis hominis autoritas) sed diuinis aliquibus testimonijs confirmet, sicuti nos facimus. Non est opus ui, & iniuria. quia religio cogi non potest. uerbis potius quam uerberibus res agenda est, ut sit uoluntas. distringant aciem ingeniorum suorum: si ratio eorum uera est, asseratur. parati sumus audire, si doceant. tacetibus certe nihil credimus, sicut ne seuientibus

quidem

quidem cedimus. Imitentur nos, aut rationem rei totius exponant. Nos enim nō illicimus, ut ipsi obiectant, sed docemus, probamus, ostendimus. Itaq; nemo à nobis retinetur inuitus. inutilis est enim Deo, qui deuotione, ac fide caret. Et tamen nemo discedit, ipsa ueritate retinēte. Doceant isti hoc modo, si qua illis fiducia ueritatis est, loquātur, hiscant, audeant inquā disputare nobiscū aliquid eiusmodi: iam profecto ab aniculis, quas contēnunt, & à pueris nostratibus error illorū, ac stultitia irridebitur. Cū enim sint peritissimi, Deorūq; progeniem, & res gestas, & imperia, & interitus, & sepulchra de libris nouerint, ipsosq; ritus, quibus sunt initiati, uel ex rebus gestis hominū, uel ex casibus, uel etiam ex mortibus natos sciant: incredibilis dementia est, Deos putare, quos fuisse mortales negare nō audeant. uel si tā impudētes fuerint, ut negent, suæ illos, ac suorū literæ coarguāt, ipsa deniq; illos sacrorū initia conuincant. Sciant igitur uel ex hoc ipso, quantū intersit inter uerū, & falsum, quando ipsi, quum sint eloquentes, persuadere non possunt, imperiti, ac rudes possunt, quia res ipsa, & ueritas loquitur. Quid ergo sēuiunt? ut stultitiam suam dū minuere uolunt, augeant? lōge diuersa sunt, carnificina, & pietas: nec potest aut ueritas cum ui, aut iustitia cū crudelitate cōiungi. Sed merito nō audent de rebus quicquam docere diuinis. ne à nostris derideantur, & suis descrātur. Nam firè uulgus, cui simplex, incorruptumq; iudicium est, si mīsteria illa cognoscat, in memoriā mortuorum constituta, damnabit, aliudq; uerius, quod colat, quæret. Hinc fida silētia sacris instituta sunt ab hominibus callidis, ut nesciat populus, quid colat. Cum autem nos in corū doctrinis uersemur, cur nobis aut non credunt, qui utrunq; nouimus? aut inuident

uident, quia falsis uera prætulimus? sed defendenda sunt, inquit, suscepta publice sacra. O quàm honesta uoluntate miseri errant. Sentiūt enim, nihil esse in rebus humanis religione præstātius, eamq; summa ui oportere defendi. sed ut in ipsa religione, sic in defensionis genere falluntur. Defendenda enim religio est, non occidendo, sed moriendo: non sæuitia, sed patientia: nō scelere, sed fide: illa enim malorum sunt, hæc bonorum. Et necesse est, bonum in religione uersari, non malum. Nam si sanguine, si tormentis, si malo religionem defendere uelis, iam non defendetur illa, sed polluetur, atq; uiolabitur. Nihil est enim tā uoluntarium, quàm religio. in qua si animus sacrificantis auersus est, iam sublata, iam nulla est. Recta igitur ratio est, ut religionē patiētia, uel morte defendas. in qua fides cōseruata & ipsi Deo grata est, & religioni addit auctoritatē. Nam si is, qui in hac terrestri militia regi suo fidē seruat in aliquo egregio facinore, si postea uixerit, acceptior fit, & charior: si perierit, summam gloriam consequitur, quòd pro dūce suo mortē occubuerit: quanto magis imperatori omniū Deo fides seruanda est, qui nō tantum uiuētibus, sed etiā mortuis præmium potest uirtutis exoluere? Igitur Dei cultus, quoniā militiæ cœlestis est, deuotionem maximā, fidemq; desiderat. Quomodo enim Deus aut amabit colentem, si ipse non ametur ab eo: aut præstabit precanti, quicquid orauerit, cū ad precandū neq; ex animo, neq; obseruāter accedat? Isti autē, cū ad sacrificandū ueniunt, nihil intimū, nihil propriū dijs suis offerunt, non integritatē mentis, non reuerentiā, non timorē. Peraēt is itaque sacrificijs in anibus, omnem religionem in templo, & cum templo, sicut inuenerant, relinquunt, nihilq; secum ex ea neque afferunt, neque referunt. Inde

est, quòd eiusmodi religiones neq; bonos facere possunt, neq; firmos atq; immutabiles. Traducuntur itaq; ab his homines facile, quia nihil ibi ad uitam, nihil ad sapientiã, nihil ad fidẽ discitur. Quæ est enim superstitio illorũ Deorum? quæ uis? quæ disciplina? quæ origo? quæ ratio? quod fundamentũ? quæ substantia? quò tendit? aut quid pollicetur, ut ab homine possit fideliter seruari, fortiterq; defendi? In qua nihil aliud uideo, quàm ritũ ad solos digitos pertinentem. Nostra uerò religio eo firma est, et solida, & immutabilis, quia iustitiã docet, quia nobiscũ semper est, quia tota in animo colentis est, quia mentẽ ipsam pro sacrificio habet. illic nihil exigitur aliud, quàm sanguis pecudũ, & fumus, & inepta libatio: hic, bona mens, purũ pectus, innocens uita. illuc ueniunt sine delectu adulteræ impudicæ, lenæ procaces, obscænæ meretrices, ueniunt gladiatores, latrones, fures, uenefici, et precatur nihil aliud, quàm ut scelera impune committant. Quid enim latro sacrificans, aut gladiator roget, nisi ut occidat? Quid ueneniarius, nisi ut fallat? Quid meretrix, nisi ut plurimũ peccet? Quid adultera, nisi aut mortẽ uiri, aut ut sua impudicitia celetur? Quid lena, nisi ut multos bonis exuat? Quid fur, nisi ut plura compilet? Hic uerò etiã leui, communiq; peccato locus est nullus. Et si quis ad sacrificiũ nõ integra cõscientia uenerit, audit, quæ illi Deus commineatur, ille, qui latebras cordis uidet, q peccatis semper infestus est, qui exigit iustitiã, qui fidem poscit. Quis hic male menti, aut malæ preci locus est? At illi infelices, nec ex sceleribus suis intelligunt, quàm malum sit, quod colunt, quandoquidem flagitijs omnibus inquinati, ueniunt ad precandũ: & se pie sacrificasse opinantur, si cutem lauerint. tanquam libidines intra pectus inclusas ulli amnes abluant;

abluant, aut ulla maria purificēt. Quanto satius est, mentem potius eluere, quæ malis cupiditatibus sordidatur, & uno uirtutis ac fidei lauacro uniuersa uitia depellere? Quod qui fecerit, quamlibet inquinatum, ac sordidum corpus gerat, satis purus est.

De cultu Deorum, & Dei ueri, & Aegyptiarum bestiarum.

CAP. XXI.

**I**psi autem, quia nesciunt, uel quid, uel quomodo sit cōsultandum, cæci, & imprudentes, in contrarium cadunt. Adorāt itaq; hostes suos, latrones, & interfectores suos uictimis placant, & animas suas cum thure ipso cremandas, aris detestabilibus imponunt. Irascuntur etiā miseri, quod nō similes alij percant, incredibili mentium cecitate. quid enim uideant, qui solem non uident? Quasi uerò si Dij essent, indigerent hominū auxilio, aduersus cōtemptores suos. qd ergo nobis irascūtur, si illi nihil possunt? nisi, quod ipsi Deos suos destruunt, quorū potestati diffidunt, magis irreligiosi, quàm qui omnino nō colunt. Cicerō in suis legibus, cū caste ad sacrificia præciperet accedere, Pietatē, inquit, adhibento, opes amouento: qui secus faxit, Deus ipse uindex erit. Recte hoc quidē. Neq; enim fas est desperare de Deo, quē ideo colas, quia potentē putes. Nam quomodo uindicare iniuriam colētis se potest, si suam nō potest? Libet igitur ex his quærere, cui potissimum præstare se putent, cogendo inuitos ad sacrificiū. Ipsis ne, quos cogunt? at nō est beneficium, quod ingeritur recusanti: sed cōsulendum est etiam nolentibus, quando quid sit bonum, nesciunt. Cur ergo tam crudeliter uexant, cruciāt, debilitant, si saluos uolunt? aut unde pietas tam impia, ut eos miseris modis aut perdant, aut inutiles faciant, quibus uelint esse consultum? An uerò dijs præ-



stant? at non est sacrificium, quod exprimitur inuito. nisi enim sponte, atq; ex animo fiat, execratio est, cum homines proscriptiōe, iniurijs, carcere, tormētis adacti, faciūt. Si Dij sunt isti, qui sic coluntur, uel propter hoc solū colendi non sunt, quōd sic coli uolunt, digni scilicet detestatione hominū, quibus cum lacrymis, cum gemitu, cū sanguine de membris omnibus fluente libatur. At nos cōtrā, non expetimus, ut Deū nostrū, qui est omnium uelint, nolint, colat aliquis inuitus: nec si nō coluerit, irascimur. Confidimus enim maiestati eius, qui tam contemptum suū possit ulcisci, quā seruorū suorum labores, & iniurias. Et ideo cum tam nefanda perpetimur, ne uerbo quidē reluctamur. Sed Deo remittimus ultionem, nō ut ij faciunt, qui defensores se esse Deorum suorum uideri uolunt, & seuiunt effrate aduersus non colentes. Ex quo intelligi datur, quā non sit bonum, Deos colere, quoniam bono potius adducendi homines ad bonum fucrunt, non malo. Sed quia illud malum est, etiam officium eius bono caret. At enim puniendi sunt, qui destruūt religiones. Num peius nos destruimus, quā natio Aegyptiorū? qui turpissimas bestiarum, ac pecudum figuras colunt, quēdam etiā pudenda dictu tanquam Deos adorant. Num peius quā iidem ipsi? qui, cū Deos colere se dicant, tamen eos publice, turpiterq; deridēt, de quibus etiā per mimos agi cū risu, & uoluptate patiuntur. Qualis hęc religio, aut quāta maiestas putanda est, quę adoratur in templis, illuditur in theatris? Et qui hęc fecerint, non pœnas uiolati numinis pendunt, sed honorati etiā, laudati que discedunt. Num peius nos destruimus, quā quidam philosophi, qui omnino nullos deos esse aiunt, sed omnia sua sponte nata, omnia fortuitu fieri, quę geruntur? Num peius quā

Epicurei

Epicurei, qui esse quidē Deos, sed curare quicquā negāt, neq; irasci eos, neq; gratia cōmoueri? Quibus dictis utiq; persuadent colendos omnino nō esse. siquidē nec colentes respiciunt, neq; non colentibus irascuntur. Præterea cum contra metus differunt, nihil aliud efficere conantur, quā ut nemo Deos timeat. Et hæc tamē ab hominibus & audiuntur libenter, & differuntur impune.

De Dæmonum, furij, & errore infidelium.

CAP. XXII.

**N**ON ergo ideo aduersus nos insaniunt, quia Dij non colūtur à nobis, à multis enim nō coluntur, sed quia ueritas penes nos est, quæ (ut est uerissimè dictum) odium parit. Quid igitur existimabimus, nisi nescire illos, quid patiantur? Perciti enim perferūtur cæco, et irrationabili furore, quem nos uidemus, illi nesciunt. Non enim ipsi homines persequuntur, qui causam, cur irascantur innocentibus, non habent: sed illi spiritus contaminati, ac perditi, quibus ueritas & nota est, & inuisa, insinuant se mētibus eorum, & instigant nescios in furorē. Hi enim, quandiu pax est in populo Dei, fugitāt iustos, et pauēt: & cū corpora hominum occupant, animasq; diuexant, adiurantur ab his, & nomine Dei ueri fugātur. Quo audito tremūt, exclamāt, & uri se, uerberariq; testantur, et interrogati, qui sint, quando uenerint, quomodo in hominem irreperint, confitentur. sic extorti, & excruciatī uirtute diuinī nominis exulant. propter hæc uerbera, & minas, sanctos & iustos uiros semper oderūt. Et quia per se nocere his nihil possunt, publicis eos odijs persequuntur, quos sibi graues sentiunt: exercentq; sæuitiam, quam uiolentiissime possunt, ut aut eorū fidem minuant per dolorem, aut si id efficere nō quiuerint, auferāt omnino de terra, ne sint qui possint

possint eorum nequitiam coercere. Nō me fugit, quid responderi è cōtrario possit. Cur ergo Deus ille singularis, ille magnus, quem rerum potētem, quem dominū omnium confiteris, hęc fieri patitur: nec cultores suos aut uindicat, aut tuetur? Cur deniq; qui eū non colūt, & opulenti, & potentes, & beati sunt, & honoribus regnōq; potiuntur, eosq; ipsos ditioni suę, ac potestati subiectos habēt? Reddēda et huius rei ratio est, nequid remaneat erroris. Nam in primis hęc causa est, cur existimetur religio Dei uim non habere, quod inducūtur homines specie terrenorum, ac pręsentium bonorum, quę ad curam mētis nullo modo pertinet: quibus quia carere iustos uidēt, & affluere iniustos: & Dei cultū inanē arbitrantur, in quo inesse illa non cernūt, & Deorū ritus æstimant ueros, quoniam cultores eorū & diuitijs, & honoribus, & regnis fruantur. Verum ij, qui sunt in hac existimatione, non perspicunt altius uim, rationemq; hominis, quę tota nō in corpore, sed in mente est. Nihil enim uidēt amplius, quā uidetur, corpus scilicet: quod, quia uidetur oculis, manuq; tractabile est, imbecillum, fragile, mortale est: cuius sunt illa omnia bona, quę cupiditati, ac miraculo sunt, opes, honores, imperia, quoniā corpori afferūt uoluptates, & ideo tā caduca sunt, quā corpus ipsum. Animus uerò in quo solo est homo: quoniam subiectus oculis non est, nec bona eius aspici possunt, quę in sola uirtute sunt posita, & ideo tam stabilis, & constans, & perpetuus sit, necesse est, sicut ipsa uirtus, in qua est animi bonum.

De iustitia, & patientia Christianorum.

norum.

CAP. XXIII.

**L**ongum est, uniuersas uirtutis species promere, ut de singulis doceā, quā necesse sit, sapientē, ac iustum uirum

uirū longe ab illis omnibus bonis abhorrere. quibus quia fruuntur iniusti, Deorum cultus ueri, & efficaces esse creduntur. Quod ad præsentem pertinet quæstionē, satis est, si ex una uirtute id probemus, quod intēdimus. Nēpe magna, & præcipua uirtus est patientia, quam pariter & uulgi uoces publicæ, & Philosophi, & Oratores summis laudibus celebrant. Quod si negari nō potest, quin summa sit uirtus, necesse est, iustum, & sapientem uirū in potestate esse hominis iniusti, ut capiat patientiam. Patientia est enim malorum, quæ aut inferuntur, aut accidunt, cum æquanimirate perlatio. Ergo iustus, ac sapiēs, quia uirtutem capit, habet in se patientiam, qua carebit omnino, si nihil patietur aduersi. Cōtrā, qui in rebus prosperis agit, impatiēs est, & uirtute maxima caret. Impatientē dico, quia nihil patitur. Innocentiam quoque seruare non potest: quæ & ipsa iusto, & sapiēti uiro propria uirtus est. Sed & nocet sepe, & concupiscit aliena, & rapit, quæ cupierit, per iniuriam: quia uirtutis expers, uitio, peccatoq; subiectus est. Domunari affectat in liberos, quia temperantiam non habet: & fragilitatis oblitus animo insolenter elato tumet. Inde iniusti, ac Deum nesciētes, & diuitijs, & potentia, & honoribus florent. Hæc enim cuncta, iniustitiæ præmia sunt, quia & perpetua esse nō possunt, & per cupiditatem, uiolentiamq; quærantur. Iustus uero, ac sapiens, quia illa omnia, humana (ut est à Lælio dictum) sua bona, diuina iudicat, nec alienū quicquā concupiscit, nequē contra ius humanitatis lædat omnino, nec ullam potentiā, honorem uel desyderat, necui faciat iniuriam. Scit enim cunctos ab eodem Deo, & eadem conditione generatos, iure fraternitatis esse cōiunctos. Sed & suo contentus, & paruo, quia fragilitatis suæ memor, nō.

amplius querit, quàm unde uitam sustētet, & ex eo ipso,  
 quod habuerit, impertit etiam non habēti, quia pius est.  
 pietas etiā summa uirtus est. Accedit eò, quod uoluptates  
 caducas, uitiosasq; cōtemnit, quarū causa opes appetun=  
 tur, quoniam continens est, ac libidinum uictor. Idem ni=  
 hil timoris, atq; insolētiæ gerēs, nō extollit se altius, nec  
 erigit superbum caput, sed placidus, et cōcors, & comis,  
 & planus est, quia cōditionem suam nouit. Cum ergo in=  
 iuriam nulli faciat, nec aliena cupiat, nec sua quoque, si uē  
 auferantur, defendat, cum sciat etiā illatam iniuriam mo=  
 derate ferre, quia uirtute præditus est: necesse est, iustum  
 hominem subiectum esse iniusto, & contumelijs affici ab  
 insipiente sapientem, ut & ille peccet, quia iniustus est,  
 & hic in scrututem abeat, quia iustus est. Siquis autem  
 uolet scire plenius, cur malos, & iniustos Deus poten=  
 tes, beatos, & diuites fieri sinat, pios cōtrā humiles, mi=  
 seros, inopes esse patiatur: sumat eū Senecæ librū, cui titu=  
 lus est, Quare bonis uiris multa mala accidāt, cū sit pro=  
 uidētia. in quo ille multa, nō planè imperitia seculari, sed  
 sapiēter, ac pene diuinitus elocutus est: Deus, inquit, ho=  
 mines p liberis habet: sed corruptos, et uitiosos, luxurio=  
 se, ac delicate patitur uiuere, q̄a nō putat emēdatione sua  
 dignos. Bonos autē, quos diligit, castigat sæpius, & aspi=  
 duis laboribus ad usū uirtutis exercet, nec eos caducis, ac  
 mortalibus bonis corrūpi, ac deprauari sinit. Vnde nemi=  
 ni mirū debet uideri, si pro nostris sæpe delictis castiga=  
 mur à Deo. Imò uero, cū uexamur, ac premimur, tū maxi=  
 me gratias agimus indulgētissimo patri, q̄ corruptelā no=  
 strā nō patitur lōgius procedere, sed plagis, ac uerberi=  
 bus emēdat. Ex quo intelligimus, esse nos Deo curæ, quo=  
 niā cum peccāmus, irascitur. Nā cū posset populo suo &

opes

opes, & regna largiri, sicut dederat antè Iudeis, quorū nos successores, ac posteri sumus: iccirco eū uoluit sub aliena ditiōe, atq; imperio degere, ne rerū prosperarū felicitate corruptus, ī luxuriā laberetur, ac Dei præcepta cōtēneret, sicut illi maiores nostri, qui sæpe terrenis ac fragilibus his bonis eneruati, aberrarūt à disciplina, et legis uincula ruperūt: prouidit ergo, quatenus cultoribus suis præstaret quietem, si mandata seruassent, & tamen eos emendaret, si præceptis non obtemperassent. Itaq; ne tam corrumperētur otio, quàm patres eorum licentia, premi eos uoluit ab ijs, in quorum manibus eos collocauit, ut et labantes cōfirmet, & corruptos ad fortitudinē reparet, & fidos experiatur, ac tētet. Quomodo enim potest imperator militum suorum probare uirtutem, nisi habuerit hostem? Et illi tamē aduersarius exurgit inuito, quia mortalis est, & uinci potest. Deo autem quia repugnari non potest, ipse aduersarios nomini suo excitat, nō qui cōtra ipsum Deum pugnent, sed cōtra milites eius, ut deuotionem, ac fidem suorum uel probet, uel corroboret, donec pressuræ uerberibus defluentem corrigat disciplinam. est & alia causa, cur aduersum nos persecutiōes fieri sinat, ut Dei populus augeatur. Nec est difficile monstrare, cur aut quomodo fiat. Primum, fugantur à Deorum cultibus plurimi, odio crudelitatis: quī enim talia sacrificia nō horreant? Deinde placet quibusdā uirtus, ac fides ipsa. Nōnulli suspicantur, Deorum cultum non sine causa malum putari à tam multis hominibus, ut emori malint, quàm id facere, quod alij faciunt, ut uiuant. Aliqui cupiunt scire, quidnam sit illud bonum, quod ad mortē usq; defenditur, quod omnibus, quæ in hac uita iucunda sunt, & chara, præfertur, à quo nec bonorū, nec lucis amissio, nec dolor corp

lor corporis, nec uiscerum cruciamenta deterrēt. Valent hæc plurimum: sed illæ maximè causæ nostrorū numerū semper auxerunt. Audit circumstans populus, inter ipsa tormenta dicētes, nō sacrificare se lapidibus humana manu factis, sed Deo uiuo, qui sit in cœlo. Multi hoc uerum esse intelligunt, & in pectus admittūt. Deinde, ut fieri solet in rebus incertis, dum inter se inuicē quærunt, quæ sit huius perseuerantiæ causa, multa quæ ad religionē pertinet, diuulgata, ac per rumorē uicissim aucupata, discuntur: quæ quia bona sunt, placeant, necesse est. Præterea, ultio consecuta, sicut semper accidit, ad credendū uehementer impellit. Ne hæc quidem leuis causa est, quòd immundi dæmonum spiritus, accepta licentia, multorum se corporibus immergunt, quibus postea ciectis, omnes, qui resanati fuerint, adhæreant religioni, cuius potentiam senserunt. Hæ tot causæ in unum collatæ, magnam Deo multitudinem mirabiliter acquirunt.

## De Dei ultione.

## CAP. XXIIII.

**Q**uicquid ergo aduersum nos mali principes moluntur, fieri ipse permittit. Et tamē iniustissimi persecutores, quibus Dei nomē contumeliæ, ac ludibrio fuit, non se putent impune laturos, quia indignationis aduersus nos eius, quasi ministri fuerunt. Punientur enim iudicio Dei, qui accepta potestate supra humanum modum fuerint abusi, & insultauerint etiā Deo superbius, eiusq; nomē æternum uestigijs suis subiecerint, impiè nefarieq; calcandum. Propterea uindicaturum se in eos celeriter pollicetur, & exterminaturū bestias malas de terra. Sed idem, quamuis populi sui uexationes & hic in præsentī soleat uindicare, tamen iubet, nos expectare patienter illum cœlestis iudicij diem, quo ipse pro suis quæque meritis



meritis aut honoret, aut puniat. Quapropter non speret sacrilegæ animæ, cōtemptos & inultos fore, quos sic obterunt. Veniet ueniet rabiosis, & uoracibus lupis merces sua, qui iustas, & simplices animas, nullis facinoribus admisis, excruciauerunt. Nos tantummodo laboremus, ut ab hominibus nihil aliud in nobis, nisi sola iustitia puniatur. Demus operam totis uiribus, ut mereamur à Deo simul & ultionem passionis, & præmium.

L. COELII.

## LACTANTI FIR

MIANI DIVINARVM IN=

stitutionum aduersus Genteis, liber Sex

xtus, De uero cultu, ad Constan=

tinum Impera=

torum.

De Dei ueri cultu, & innocentia, & cultu falsorum Deorum.

CAP. I.



**Q**UOD erat officium suscepti muneris, diuino spiritu instruente, ac suffragante ipsa ueritate compleuimus. Cuius asserendæ, atque illustrandæ causam mihi & scientiam, & fides, & ipse Dominus noster imposuit: sine quo nec sciri quicquam potest, nec explicari. Venio nunc ad id, quod est summum operis huius, & maximum, ut doceam quo ritu, quo uel sacrificio Deum coli oporteat. Id enim est hominis officium, in eoq; solo summa rerum, & omnis beatæ uitæ ratio consistit: quando quidem propterea ficti, & inspirati ab eo sumus, non ut cælum uideremus, & solem (quod Anaxagoras putauit) sed

uit) sed ut artificem solis, & cœli Deum pura et integra mente coleremus. Quamuis autem præcedentibus libris, pro ingenij mediocritate defenderim ueritatem, tamen ex ritu quoque ipso elucere uel maxime potest. Nihil enim, sancta & singularis illa maiestas, aliud ab homine desiderat, quàm solam innocentiam: quam si quis obtulcrit Deo, satis piè, satis religiose litauit. Homines autem neglecta iustitia, cùm sint omnibus flagitijs, ac sceleribus inquinati, religiosos se putant, si templa ac aras, hostiarum sanguine cruentauerint, si focos odorati, ac ueteris uini profusione madefecerint. Quinetiam sacras dapes apparât, & exq̃sitas epulas, quasi aliqd inde libaturis offerût. Quicquid aspectu rarû, quicquid opere, aut odore pretiosum est, id gratum esse dijs suis nō ex aliqua diuinitatis ratione, quam nesciunt, sed ex suis cupiditatibus iudicant, nec intelligût terrenis opibus Deũ non indigere. Nihil enim sapiunt, nisi terram: bonaq̃, & mala, solius corporis sensu, & uoluptate perpendunt. Huius arbitrio, ut religionẽ ponderant, sic totius uitæ suæ acta disponunt. Et quoniã se semel à cœli contẽplatione auerterunt, sensumq̃ illum cœlestem corpori m̃cipauerunt, libidinibus fr̃ena permittunt, tanquam secum ablaturi uoluptatem, quam mortis omnibus capere festinant, cum animus ministerio corporis, non corpus ministerio animi uti debeat. Iidem maximũ bonum iudicant opes. quas si bonis artibus assequi nō possunt, malis assequuntur, fraudant, rapiunt, spoliant, insidiãtur, abiurât. nihil deniq̃ moderati, aut pensi habent, dummodo auro coruscent, argento, gemmis, uestibus fulgeant, auidissimò uetri opes ingerât, stipati familiarium gregibus, per dimotum populum semper incedât. Sic addicti & seruiẽtes uoluptatibus uim uigoremq̃  
mentis

mentis extinguunt, & cum uiuere se maxime putant, ad mortem concitatissime properant. Nam, sicut in secundo libro docuimus, cœli ratio in animo, terræ autem in corpore est: qui bona negligunt animi, & corporis appetunt, in tenebris, ac morte uersantur, quæ sunt terræ, atque corporis: quia uita, & lumen à cœlo est: cuius quoniam expertes sunt, corpori seruiendo, longe absunt ab intellectu rerum diuinarum. Eadem miseros ubique cecitas premit. sicut enim qui sit uerus Deus, ita qui sit uerus cultus, ignorant.

De falsorum Deorum, & uerî Dei  
cultu.

CAP. II.

**M**Actât igitur opimas, et pingues hostias Deo quasi esuriēti, profundunt uina tanquā sitienti, accendunt lumina uelut in tenebris agēti. Quod si suspicari, aut percipere animo possent, quæ sint bona illa cœlestia, quorū magnitudinē, terreno adhuc corpore obuoluti, sensu capere nō possumus: iam se cū his officijs inanibus, stultissimos esse cognoscant. Vel si cœleste lumen, quod dicimus solem, contemplari uelint, iā sentiant, quod non indigeat lucernis eorū Deus, qui ipse in usum hominis tam clarā, tam candidam lucem dedit: & tamē cū in tam paruo circulo, qui propter longinquitatem, nō amplius, quā humani capitis uidetur habere mensuram, tantū sit fulgoris, ut eum mortalium luminum acies non queat contueri: & si paulisper intenderis, hebetatos oculos caligo, ac tenebræ cōsequantur: quid tādē luminis, quid claritatis apud ipsū Deū, penes quem nulla nox est, esse arbitremur? qui hāc ipsam lucē sic moderatus est, ut neq; nimio fulgore, neq; calore uehementi noceret animantibus: tantumq; istarum rerū dedit ei, quātū aut mortalia corpora pati possūt, aut frugum

frugum maturitas postulare. Num igitur mētis suæ com-  
 pos putandus est, qui auctori & datori luminis, candela-  
 rum, ac cerarum lumē offert pro munere? Aliud uerò ille  
 à nobis exigit lumen, & quidem nō fumidum, sed ( ut ait  
 poëta ) liquidum, atq; clarū, mentis scilicet, propter quod  
 à poëtis q̄s nuncupatur, quod exhibere non potest, nisi  
 qui Deum agnouerit. Illorum autē Dī, quia terreni sunt,  
 egent luminibus, ne in tenebris sint. quorū cultores, quia  
 cœlestē nihil sapiunt, etiam religiones, quibus deseruiūt,  
 ad terram reuocant. In ea enim lumine opus est, quia ra-  
 tio eius, & natura tenebrosa est. Itaque Dī non cœle-  
 stem sensum, sed humanum potius attribuunt. ideoq; illis  
 necessaria, & grata credunt esse, quæ nobis, quibus aut  
 esurientibus, opus est cibo, aut sitiētibus potu, aut ueste  
 argentibus, aut cum sol decesserit, lumine, ut uidere possi-  
 mus. Nullis igitur ex rebus tam probari, & intelligi po-  
 test, Deos istos, cum aliquando uixerint, mortuos esse,  
 quàm ex ipso ritu, qui est totus è terra. Quid enim cœle-  
 stis in se boni potest habere pecudū sanguis effusus, quo  
 aras inquinant? nisi forte Deos existimant eo uesci, quod  
 homines aspernantur attingere. Et quisquis illis hanc sa-  
 ginā præstiterit, quamuis ille grassator, adulter, uenefi-  
 cus, parricida sit, beatus, ac felix erit. Hūc diligunt, hunc  
 tuentur, huic omnia, quæ optauerit, præstant. Merito er-  
 go Persius huiuscemodi superstitiones suo more deridet:

—Qua tu (inquit) mercede Deorum

Emeris auriculas, pulmone, & lactibus unctis?

Sentiebat uidelicet, non carne opus esse ad placandā cœ-  
 lestem maiestatem, sed mēte sancta, & iusto animo, & pe-  
 ctore (ut ipse ait) quod naturali sit honestate generosum.

Hæc est religio cœlestis, nō quæ constat ex rebus corru-  
 ptis

ptis, sed quæ uirtutibus animi, qui oritur è cœlo. Hic uerus est cultus, in quo mens colentis, seipsam Deo immaculatam uictimam sistit. Id autē ipsum quomodo consequendum, quomodo præstandum sit, docebit huius libri disputatio. Nihil enim tam præclarum, hominiquē cōueniens potest esse, quàm erudire homines ad iustitiā. Apud Ciceronem Catulus in Hortensio philosophiam rebus omnibus præferens, malle se dicit uel unum paruū de officio libellum, quàm longā orationē pro seditioso homine Cornelio. Quæ sentētia non utiq; Catuli, qui fortasse illud non dixit, sed Ciceronis est putanda, qui scripsit. Credo ut libellos, quos de officijs erat scripturus, cōmēdaret: in quibus ipsis, nihil esse testatur in omni philosophia melius, et fructuosius, quàm præcepta uitæ dare. Quod si hoc illi faciunt, quibus non est ueritas cognita, quanto magis nos facere debemus, qui à Deo eruditi, et illuminati, possumus uera præcipere: nec tamē sic docebimus, ut quasi prima uirtutis elementa tradamus, quod est infinitū; sed tanquam docendum suscepimus eum, qui apud illos iam perfectus esse uideatur. Manētibus enim præceptis corū, quæ solēt ad probitatē recte dari, ignota illis superstruimus, ad perficiendam consummandamq; iustitiam, quam non tenent. Ea uerò, quæ possunt cum illis esse cōmunia, prætermittam, nequid ab ijs uidear mutuari, quorum errores coarguere, atq; aperire decreuerim.

De uis uitæ, & de uitij & uirtutibus: de

Cœli præmijs: & infernorum pœnis.

C A P.

I I I.

**D**Væ sunt uie Constantine Imp. per quas humanam uitā progredi necesse est: una, quæ in cœlū ferat: altera, quæ ad inferos deprimat: quas et poëta in carminibus

z

bus

bus, & philosophi in disputationibus suis induxerunt. Et quidem philosophi alteram uirtutum esse uoluerunt, alteram uitiorum, eamq; quæ sit assignata uirtutibus, primo aditu esse & arduam, & confragosam, in qua si quis difficultate superata, in summum eius euaserit, habere eum de cætero planum iter, lucidum, amœnumq; campum, & omnes laborum suorum capere fructus uberes, atq; iucundos. Quos autem primi aditus difficultas deterruerit, eos in eam uitiorum uiam labi, atq; deflectere, quæ primo ingressu sit quasi amœna, multoq; tritior: deinde cum in eam paulo ulterius processerint, amœnitatis eius speciem repente subduci: exoriri autem uiam præcipitem, nunc saxis asperam, nunc obductam sentibus, nunc gurgitibus intercisam, uel torrentibus rapidam, ut laborare, hæcere, labi, cadere sit necesse. Quæ omnia eò proferuntur, ut appareat, in uirtutibus capiendis, labores esse maximos, in perceptis autem, maximos fructus, & solidas, atq; incorruptas uoluptates: uitia uero quibusdam delinimentis naturalibus illucere animos hominum, & inaniu iucunditatum specie captos, ad acerbis amaritudines, misériasq; perducere. Sapientis prorsus disputatio, si uirtutiu ipsarum formam, atq; terminos sciret. Non enim didicerat, uel quæ sint, uel quid eas mercedis à Deo maneat, quod nos his duobus libris docerimus. Hi uero, quia ignorabant, aut dubitabant, animas hominū immortales esse: & uirtutes, & uitia terrenis honoribus, aut pœnis æstimauerūt. Omnis ergo hæc de duabus uis disputatio, ad frugalitatem, ac luxuriam spectat. Dicunt enim humane uitæ cursum Y, literæ esse simile, quod unusquisq; hominū, cum primū adolescentiæ limē attigerit, & in eū locū uenerit, partis ubi se uia findit in ambas, hæreat nutabundus, ac nesciat in quā se partem potius

tius in clinet. Si ducem nactus fuerit, qui dirigat ad meliora titubantem, hoc est, si aut philosophiam didicerit, aut eloquentiā, aut aliquid honestæ artis, quò euadat ad bonam frugē, quod fieri sine labore maximo nō potest: honestam, ac copiosam uitam disputant, peracturum: Si uerò doctore frugalitatis non inuenerit, in sinistrā uiam, quæ melioris speciem mentiatur, incedere, id est, desidie, inertiæ, luxuriæ se tradere, quæ suauia quidē uidetur ad tempus, uera bona ignorant, post autem amissa omni dignitate, ac re familiari, in omnibus miserijs, ignominiaq; uicturum. Ad corpus ergo, & ad hanc uitam, quam in terra ducimus, fines earum uiarum retulerunt. Poëtæ fortasse melius, qui hoc biuium apud inferos esse uoluerunt. Sed in eo falluntur, quòd eas uias mortuis proposuerunt. Vtrique ergo uere, sed tamen utriq; non rectè, quia oportuit uias ipsas ad uitam, fines earum ad mortem referri. Nos igitur melius, & uerius, qui duas istas uias, cœli, & inferorū esse dicimus, quia iustis immortalitas, iniustis pœna æterna proposita est. Quomodo autē uitæ istæ uel in cœlum tollant, uel ad inferna præcipitent, explicabo: aperiamq; quæ sint uirtutes, quas philosophi nescierunt: tum earū quæ sint præmia, simul etiam, quæ sint uitia, quæ uiciorum supplicia, monstrabo. Nam fortasse aliquis expectet, ut separatim de uitijs, ac uirtutibus dicam, cum de bono, aut malo, differentibus nobis, etiam quod est contrarium possit intelligi. Siue enim uirtutes inferas, uitia sua sponte decedent, siue etiam uitia eximas, uirtutes ultro subibunt, sic bonorum, ac malorum cōstituta natura est, ut se inuicem semper oppugnent, semper expellant. ita fit, ut neq; uitia detrahi sine uirtutibus possint, nec uirtutes inferi sine detractiōe uitiorū. Has igitur uias longe



aliter inducimus, quàm à philosophis induci solèt: Primū quòd utriq; præpositum esse dicimus ducem, utrunq; immortalē, sed alterum honoratum, qui uirtutibus ac bonis præsit, alterum damnatum, qui uitijs ac malis. Illi autē in dexteriore tantum uia ducē ponunt, neq; unum, neq; perpectuum. Siquidē quemlibet doctorem bonæ artis inducunt, qui à desidia reuocet homines, & frugi esse doceat. Sed neq; ingredi faciunt in eam uiam, nisi pueros, & adulescentes, uidelicet quòd artes discantur in his ætatibus. Nos autem, omnis sexus, & generis, & ætatis, in hoc cœleste iter inducimus: quia Deus, qui eius uix dux est, immortalitatē nulli homini nato negat. Forma quoq; ipsarū uiarum non ita est, ut illi putauerunt. Quid enim opus est X, litera in rebus contrarijs, atq; diuersis? Sed altera illa melior, conuersa est ad solis ortum: altera illa deterior, ad occasum: quoniam qui ueritatem, ac iustitiam sequitur, is accepto immortalitatis præmio, perenni luce potietur: qui autem ab illo malo duce illectus prætulcrit uitia uirtutibus, mēdacium ueritati: necesse est, ad occasum, & tenebras deferatur. Describam igitur utranq; & earum proprietates, habitusq; monstrabo.

De uijs uitæ, & uoluptatibus, & incommo-  
dis Christianorum.

CAP. IIII.

**V**Na est itaque uirtutis, ac bonorum uia, quæ fert non in Elysios campos (ut poëtæ loquuntur) sed ad ipsam mundi arcem.

— At leua malorum

Exercet pœnas, & ad impia tartara mittit.

Est enim criminatoris illius, qui prauis religionibus institutis, auertit homines ab itinere cœlesti, & in uia perditionis inducit. Cuius uix species, & figura sic est compo-  
sitā

sita in aspectu, ut plana, et patēs, et omni genere florū, atq; fructuum delectabilis esse uideatur. in ea enim posuit Deus omnia, quæ pro bonis habentur in terra, opulentiam dico, honorē, quietē, uoluptatē, illecebras omnes: sed cum his pariter iniustitiā, crudelitātē, superbiā, perfidiā, libidīnē, cupiditatē, discordiā, ignorantiā, mēdaciū, stultitiā, cæteraq; uitia. Exitus autem huius uitæ talis est. Cū uentum fuerit ad extremū, unde iam regredi non licet, cū omni sua pulchritudine tam subito præciditur, ut non antequam quis fraudē prospicere possit, quam præcipitatus in altitudinē profundā cadat. Quisq; enim præsentium bonorum specie captus, et in his cōsequēdis, ac fruēdis occupatus, non præuiderit ea, quæ post mortem secutura sunt, seq; à Deo auerterit: is uerò ad inferos deiectus, in æternam damnabitur pœnā. Via uerò illa cœlestis, difficilis, et cliuosa proposita est, uel spinis horrētibus aspera, uel saxis extātibus impedita: ut cū summo labore, ac pedū tritu, cūq; magna cadēdi sollicitudine sit cuiq; gradiendū. In hac posuit iustitiam, temperantiā, patientiā, fidē, castitatē, abstinentiam, concordiam, scientiam, ueritatem, sapientiā, cæterasq; uirtutes, sed simul cum his paupertatem, ignominiam, laborē, dolorē, amaritudines omnes. Quisquis enim spem suam porrexerit lōgius, et meliora maluerit, carebit his terræ bonis, ut expeditus, ac leuis difficultatē uiæ superet. Nec enim potest, qui se apparatu regio circundederit, aut diuitijs onerauerit, angustias illas uel ingredi, uel tenere. Vnde intelligitur, iccirco malis, et iniustis facilius prouenire, quæ cupiant, quia prona et decliuis est eorū uia: bonis autē quæ optent, difficile procedere, quia difficili, et arduo itinere gradiuntur. Iustus ergo, quoniā durum, asperumq; iter ingressus est, contemptui, derisui,

odio sit, necesse est. Omnes enim quos cupiditas, aut uoluptas præcipites trahit, inuident ei, qui uirtutē capere potuit: & iniquē ferunt, id habere aliquē, quod ipsi nō habent. Erit itaq; pauper, humilis, ignobilis, subiectus iniuriæ, & tamen omnia, quæ amara sunt, perferens. Et si patientiam iugem, ad summum illum gradum, finemq; perduxerit, dabitur ei corona uirtutis, et à Deo pro laboribus, quos in uita propter iustitiā pertulit, immortalitate donabitur. Hæ sunt uiae, quas Deus humanæ uitæ assignauit, in quibus singulis & bona ostēdit, & mala, sed ordine præpostero, atq; cōuerso. In una enim monstrauit temporalia prius mala cū æternis bonis, qui est ordo melior: in altera, tēporalia prius bona, cū æternis malis, qui est ordo deterior: ut quicūq; præsentia mala, cū iustitiā delegerit, maiora, & certiora cōsequatur bona, quàm fuerūt illa, quæ spreuit: quisquis autē præsentia bona præposuerit iustitiæ, in maiora, et lōgiora incidat mala, q̄ fuerunt illa, quæ fugit. Hæc enim uita temporalis, quia breuis est. ideo & bona eius, & mala, breuia sint, necesse est. Illa uerò spiritualis, quæ huic terrenæ contraria est, quoniam sempiterna est, ideo & bona eius, & mala sempiterna sunt. Ita fit, ut & bonis breuib; mala æterna, & malis breuib; bona æterna succedant. Itaq; cum simul proposita sint homini bona, & mala, considerare unumquēq; secum decet, quanto satius sit, perpetuis bonis mala breuia pensare: quàm pro breuib; & caducis bonis, mala perpetua sustinere. Nam sicut in hoc seculo, cum est propositum cum hoste certamen, prius laborādum est, ut sis postmodum in otio, esuriendum, sitiendum, æstus, frigora perferenda, humi quiescendum, uigilandum, periclitandum est, ut saluis pignoribus, & domo, & re familiari

militari, & omnibus pacis, ac uictoriæ bonis perfrui possis: sin autem præsens otium malueris, quàm laborem, malum tibi maximum facias, necesse est: præoccupabit enim aduersarius non resistantem, uastabuntur agri, diripietur domus, in prædam uxor, ac liberi ueniēt, & tu ipse interficere, aut capere: quæ omnia ne accidant, præsens commodum differendum est, ut maius, longiusq; pariat: Sic in omni hac uita, quia nobis aduersarium Deus reseruauit, ut possemus capere uirtutē, omittenda est præsens uoluptas, ne hostis opprimat, uigilandum, stationes agēdæ, militares expeditiones obcundæ, fundendus ad ultimum cruor, omnia deniq; amara, & grauiora, patienter ferenda, eò quidem promptius, quò nobis Imperator noster Deus præmia pro laboribus æterna constituit. Et cum in hac terrena militia, tantū homines laboris exhauriāt, ut ea sibi pariant, quæ possunt eodem modo perire, quo parta sunt, certe nobis nullus labor est recusandus, quibus id acquiritur, quod nullo modo possit amitti. Voluit enim Deus, qui homines ad hanc militiam genuit, expeditos in acie stare, & intentis acriter animis, ad unius hostis insidias, uel apertos impetus uigilare: qui nos, sicut periti, et exercitati duces solent, uarijs artibus captat, pro cuiusq; natura, & moribus sæuiēs. Alijs enim cupiditatē insatiabilem immittit, ut opibus suis tanquā cōpedibus illigatos, à uia ueritatis excutiat. Alios inflāmat iræ stimulis, ut ad nocēdū potius intētos, à Dei contēplatione detorqueat. Alios immoderatis libidinibus immergit, ut uoluptati, & corpori seruientes, ad uirtutē respicere non possint. Alijs uero inspirat inuidiā, ut suis ipsis tormētis occupati, nihil cogitēt aliud, nisi eorū, quos oderint, felicitatē. Alios inflammat ambitionibus. Ii sunt, qui ad gerendos ma-

gistratus omnem uitæ suæ operam, curamq; conuertunt, ut fastos signent, & annis nomen imponant. Quorundā cupiditas tendit altius, non ut prouincias temporali gladio regant, sed ut infinita, & perpetua potestate Dominos se dici uelint uniuersi generis humani. Quos autem pios uiderit, uanis implicat religionibus, ut impios faciat. Iis uero, qui sapientiam quærunt, philosophiam in oculos impingit, uti specie lucis excæcet, nequis comprehendat, ac teneat ueritatē. Sic hominibus obstruxit aditus omnes, et obsepsit uias, publicis letus erroribus, quos ut discufere possemus, ipsumq; autorem malorum uincere, illuminauit nos Deus, & armauit uera, cælestiq; uirtute, de qua nunc mihi differendum est.

De falsa uirtute, & eadem uera, & scientia.

C A P.

V.

**S**ed prius quàm singulas uirtutes exponere incipiam, determinanda est ipsa uirtus, quam non recte philosophi definierunt, quid esset, aut in quibus rebus, quid operis, quid habeat officij. Nomen itaq; solum retinuerunt, uim uero, & rationem, & effectum perdidierunt. Quæcunq; autem in definitionem uirtutis solent dicere, paucis uersibus colligit, et enarrat Lucilius. quos malo equidem ponere, ne, dum multorum sententias refello, sim longior, quàm necesse est:

Virtus Albinc est, pretium persoluere uerum,

Queis inuersamur, queis uiuimus rebus adesse.

Virtus est hominis, scire id, quod quæq; habeat res.

Virtus, scire, homini, rectum, utile, quid sit honestum.

Quæ bona, quæ mala itē, qd inutile, turpe, inhonestū.

Virtus, quærendæ finem rei scire, modumq;.

Virtus, diuitijs pretium persoluere posse.

Virtus

Virtus, id dare, quod re ipsa debetur honori:  
 Hostem esse, atq; inimicū hominū, morumq; malorum:  
 Contra defensorem hominum, morumq; bonorum:  
 Hos magnificere, his bene uelle, his uiuere amicum:  
 Commoda præterea patriæ sibi prima putare,  
 Deinde parentum, tertia iam, postremaq; nostra.

Ab ijs definitionibus, quas poëta breuiter cōprehendit, M. Tullius traxit officia uiuendi, Panætium Stoicum secutus: eaq; tribus uoluminibus inclusit. Hæc autem quàm falsa sint, mox uidebimus, ut appareat, quantum in nos di gnatio diuina contulerit, quæ nobis aperuit ueritatem. Virtutem esse dixit, scire, quid sit bonū; & malum, quid turpe, quid honestū, quid utile, quid minus. breuius facere potuit, si tantū bonū, ac malum diceret, quia nihil potest esse utile, uel honestum, quod nō idem bonū sit: nihil inutile, ac turpe, quod non idem malum. Quod & philosophis uidetur, & idem Cicero in tertio supradicti operis libro ostēdit. Verū scientia nō potest esse uirtus, quia nō est intus in nobis, sed ad nos extrinsecus uenit. Quod autem transire ab altero ad alterum potest, uirtus nō est: quia uirtus sua cuiq; est. Scientia igitur alieni beneficij est, quia posita est in audiēdo. Virtus tota nostra est, quia posita est in uoluntate faciendi bona. Sicut ergo in itinere celerando nihil prodest, uiam nosse, nisi conatus, ac uires suppedient ambulandi: ita uero sciētia nihil prodest, si uirtus propria deficiat. Nam ferè etiam ij, qui peccant, etsi nō perfectæ, tamen quid sit bonum, & malū sentiunt, & quoties aliquid improbe faciunt, peccare se sciunt, & ideo celare nituntur. Sed cum eos, boni, & mali natura nō fallat, cupiditate mala uincuntur, ut peccent: quia deest illis uirtus, id est cupiditas recta, & honesta faciendi.

Ex hoc igitur apparet, aliud esse scientiam boni maliq̃; aliud uirtutem: quòd potest esse scientia sine uirtute, sicut in plurimis philosophorum fuit. In quo, quoniam recte ad culpam pertinet, non fecisse, quæ scieris, recte uoluntas praua, & uitiosus animus, quem excusare ignoratio non potest, punietur. Ergo sicut uirtus non est, bonum, ac malum scire, ita uirtus est, bonum facere, malum non facere. Et tamen scientia sic cum uirtute coniuncta est, ut scientia præcedat uirtutem, uirtus sequatur scientiam, quia nihil prodest cognitio, nisi & actio subsequatur. Horatius igitur paulò melius:

Virtus est, uitium fugere, & sapientia prima,  
Stultitia caruisse.

Sed inepte, quòd eā cōtrario terminauit: ut si diceret: Bonum est, quod malū non est. Cum enim quid sit uirtus, nescio, ne uitium quidē quid sit scio. Vtrūq̃ igitur indiget definitione: quia natura rei talis est, ut utrūq̃ aut intelligi, aut nō intelligi sit necesse. Verum nos faciamus, quod ille debuit. Virtus est, irā cohibere: cupiditatē cōpescere, libidinē refrænare, id est enim, uitium fugere. Nā ferè omnia, quæ fiunt iniuste, atq̃ improbe, ab his oriūtur affectibus. Si enim cōmotionis huius, quæ ira dicitur, impetus retundatur, omnes hominū contentiones male sopiētur, nemo insidiabitur, nemo prosiliet ad nocendū. Item si cupiditas temperetur, nemo terra, mariq̃ grassabitur, nemo exercitum ducet, ut rapiat, & uastet aliena. Itē si arbor libidinum comprimatur, omnis ætas & sexus retinebit suam sanctitatem, nemo quicquam pudendum aut patietur, aut faciet. Ergo uniuersa scelera, & flagitia his cōmotionibus uirtute sedatis, ex hominum uita, moribusq̃ tollētur. Quæ sedatio commotionum, & affectuum hanc habet rationem



rationem, ut omnia recta faciamus. Omnis igitur uirtutis officium est, non peccare, quo profecto fungi non potest, qui Deum nescit: quoniam ignoratio eius, à quo bona oriuntur, imprudentem impingat in uitia, necesse est. Itaque ut breuius, & significantius utriusque rei summa officia determinemus, scientia est, Deum nosse, uirtus, colere. in illo sapientia, in hoc iustitia continetur.

De summo bono, & uirtute, scientia, iustitia.

## CAP. VI.

**D**ixi, quod erat primum, scientiam boni non esse uirtutem: deinde, quid sit uirtus, et in quo sit. Sequitur, ut id quoque ipsum, quid sit bonum, & malum, nescisse philosophos, breuiter ostendam: quod penè declaratum est libro tertio, cum de summo bono disputarem. Qui autem, quid esset summum, nescierunt, & in cæteris bonis, malis uel, quæ summa non sunt, errauerint necesse est. quæ non potest uero iudicio examinare, qui fontem ipsum non tenet, unde illa descendunt. Fons autem bonorum Deus est, malorum uero ille scilicet, diuini nominis semper inimicus, de quo sæpe diximus. Ab his duobus principijs, bona, malaque oriuntur. Quæ ueniunt à Deo, hæc habent rationem, ut immortalitatem parent, quod est summum bonum: quæ autem ab illo altero, id habent officium, ut cœlestibus auocatum, terrenisque demersum, ad poenā interficiant sempiternam, quod est summum malum. Non igitur dubium est, quin illi omnes, quid esset bonum, & malum, ignorauerint, qui nec Deum, nec aduersariū eius scierint? Itaque finē bonorum, ad corpus, & ad hanc breuem uitam retulerunt, quam scilicet solui, & occidere necesse est: non sunt progressi ulterius. sed omnia eorum præcepta, & omnia quæ inducunt bona, terræ inhaerent, & humi iacent, quoniam simul

simul cum corpore, quod est terra, moriuntur. pertinent enim non ad uitam homini cōparandā, sed ad quērēdas, uel augendas opes, honores, gloriam, potentiā, quæ sunt uniuerſa mortalia, tam ſcilicet quā ille, qui ut ea ſibi cōtingerēt, laborauit. Hinc eſt illud: Virtus, quērēdæ finem rei ſcire, modumq; . Præcipiūt enim quibus modis, et quibus artibus, res familiaris quærenda ſit, quia uident male quæri ſolere. ſed huiusmodi uirtus nō eſt propoſita ſapiēti. Nec enim uirtus eſt, opes quærere, quarū neq; inuētio, neq; poſſeſſio in noſtra poteſtate eſt. Itaq; et quaestu, et obtentu faciliores ſunt malis, quā bonis. Nō poteſt ergo uirtus eſſe in ijs rebus quærendis, in quarum contemptu, uis ac ratio uirtutis apparet: nec ad ea ipſa tranſfugiet, quæ magno, ac excelſo animo calcare, ac proterere geſtit: neq; fas eſt, animā cœleſtibus intētā bonis, ut hæc fragilia ſibi cōparet, ab immortalibus ſuis operibus auocari. Sed potiſſimum in ijs rebus cōparandis, uirtutis ratio cōſiſtit, quas nobis nec homo ullus, nec mors ipſa poſſit auferre. Cum hæc ita ſe habeāt, illud, quod ſequitur uerum eſt: Virtus, diuitijs preciū perſoluere poſſe. Qui uerus idē ferè ſignificat, quod primi duo: ſed neq; ipſe, neq; quiſquam philoſophorū ſcire potuit, premium ipſum uel quale, uel quod ſit. Id enim poëta, et illi omnes, quos ſecutus eſt, putauerūt, rectē opibus uti, hoc eſt, frugi eſſe: nō inſtruere cōuiuia ſumptuoſe, nec largiri temere, nō effundere in res ſuperuacuas, aut turpes rem familiarē. Dicit aliquis fortāſſe, Quid tu? negas ne hanc eſſe uirtutem? nō equidem nego: contraria enim uidear probare, ſi negem. Sed uerā nego, quia nō ſit illa cœleſtis, ſed tota terrena, quandoquidem nihil efficit, niſi quod remaneat in terra. Quid ſit autē rectē opibus uti, et qui ſit ex diuitijs fru-  
 ctus pet

Atus petēdus, declarabo apertius, cum de pietatis officio loqui cœpero. Iam cætera quæ sequuntur, nullo modo uera sunt. Nam improbis inimicitias indicere, aut bonorum defensionem suscipere, potest cum malis esse commune. Quidam enim probitate ficta, uiam sibi ad potentiā muniant, faciuntq; multa, quæ boni solent, eo quidem promptius, quod fallendi gratia faciunt. Vtinamq; tam facile esset præstare, q̄ facile est simulare bonitatem. Sed ij, cum esse cœperint propositi, ac uoti sui compotes, et summū potētiæ gradū ceperint, tum uerò simulatione deposita, mores suos detegūt, rapiunt omnia, et uiolant, et uexāt: eosq; ipsos bonos, quorū causam susceperant, insequuntur, et gradus per quos ascenderunt, amputant, ne quis illos cōtra ipsos possit imitari. Veruntamē putemus, hoc officium nō nisi boni esse, ut bonos defendat. At id suscipere, facile est: implere, difficile: quia cū te certamini, congressioniq; cōmiseris, in arbitrio Dei, non tuo, posita uictoria est. Et plerunq; improbi et numero, et conspiratione sunt potentiores quàm boni, ut ad eos superandos, nō tam uirtus sit, q̄ felicitas, necessaria. An aliquis ignorat, quòd aliquoties melior, iustiorq; pars uicta sit? Hinc semper dominationes acerbæ in ciues extiterūt. Plena est exemplis omnis historia, sed nos contenti erimus uno. Cn. Pompeius bonorū uoluit esse defensor, siquidem pro re publica, pro senatu, pro libertate arma suscepit. Is tamē uictus cum ipsa libertate occidit, et à spadonibus Aegyptijs detruncatus, insepultus abiectus est. Non est igitur uirtus, aut hostem malorum esse, aut defensorē bonorū, quia uirtus incertis casibus non potest esse subiecta.

Commoda præterea patriæ sibi prima putare.  
 Sublata hominū concordia, uirtus nihil est omnino. Quæ  
 sunt

sunt enim patriæ commoda, nisi alterius ciuitatis, aut gentis incōmoda? Id est fines propagare, alijs uiolenter eiectis, augere imperium, uestigalia facere maiora. Quæ omnia non utiq; uirtutes, sed uirtutum sunt euerisiones. In primis enim tollitur humanæ societatis cōiunctio, tollitur innocentia, tollitur alieni abstinētia, tollitur deniq; ipsa iustitia, quæ dissidium generis humani ferre nō potest, et ubicunq; arma fulserint, hinc eam fugari, et exterminari necesse est. Verum est enim Ciceronis illud: Qui autem ciuium rationem dicūt habendam, externorum negant, dirimunt hi cōmuncem generis humani societate. qua sublata, beneficētia, liberalitas, bonitas, iustitia funditus tollitur. Nā quomodo potest iustus esse, qui nocet, qui odit, qui spoliat, qui occidit? Quæ omnia faciunt, qui patriæ prodesse nituntur. Id enim ipsum prodesse, quid sit ignorant. nihil putāt utile, nihil cōmodū, nisi quod teneri manu potest, quod solū teneri non potest, quia eripi potest. Hæc itaq; (ut ipsi appellāt) bona quisquis patriæ adquisierit, hoc est, qui euerfis ciuitatibus, gētibusq; deletis ærarium pecunia reffererit, agros ceperit, ciues suos locupletiores fecerit, hic laudibus fertur in cœlū, in hoc putatur summa, et perfectā esse uirtus. Qui error nō modo populi, et imperitorū, sed etiā philosophorū est, qui præcepta quoq; dant ad iustitiā, ne stultitiæ ac malitiæ disciplina, et autoritas desit. Itaq; cū de officijs ad rem militare pertinetibus disputant: neq; ad iustitiā, neq; ad uerā uirtutē accommodatur illa omnis oratio, sed ad hāc cuitā, moremq; ciuilem, quem non esse iustitiā, et res indicat, et ipse Cicero testatus est. Sed nos, inquit, ueri iuris, germanæq; iustitiæ solidam, et expressam effigiem nullā tenemus. Umbra, et imaginibus utimur; easq; ipsas utinā sequeremur.

feruntur

feruntur enim ab optimis naturæ, ac ueritatis exemplis. Umbra est igitur, & imago iustitiæ, quam illi iustitiam putauerunt. Quid sapientiā? non ne idem cōfitetur, in philosophis esse nullā? Aut cum Fabritius (inquit) fortis, aut Aristides iustus nominatur, aut ab illo fortitudinis, aut ab hoc iustitiæ petitur, tanquā à sapiente, exemplū. Nemo enim horum sic sapiēs, ut sapientē uolumus intelligi. Nec ij, qui sapiētes habiti, & nominati, M. Cato, & C. Lælius, sapiētes fuerūt: ne illi quidē septē, sed ex mediorum officiorū frequentia similitudinē quandā gerebant, speciemq; sapientiū. Si & philosophis, ipsorum cōfessione, adempta sapiētia est, & ijs, qui iusti habiti sunt, adempta iustitia est: omnes igitur illæ uirtutis descriptiones falsæ sint, necesse est, quia quæ sit uirtus uera, scire nō potest, nisi iustus, ac sapiens. Iustus autem, ac sapiens nemo est, nisi quem Deus præceptis cœlestibus erudiuit.

De uia erroris & ueritatis.

CAP. VII.

**I**Am illi omnes, qui per aliorum cōfessam stultitiam sapientes existimantur, specie uirtutis inducti, umbras, & imagines apprehendunt, nihil uerum. quod ea sit ratione: quoniā uia illa mendax, quæ fert ad occasum, multos tramites habet propter studiorum, & discipulorum uarietatem, quæ sunt in uita hominis dissimiles, atque diuersæ. Nam sicut uia illa sapientiæ habet aliquid simile stultitiæ, quod libro præcedente monstrauimus, ita hæc, cum sit tota stultitiæ, habet aliquid simile sapiētiæ, quod arripiunt ij, qui stultitiam publicam intelligunt: & ut habet uitia manifesta, sic habet aliquid, quod simile esse uideatur uirtuti: ut habet apertum scelus, sic imaginem quandā, speciēq; iustitiæ. Quomodo enim percursor eius uia, cuius uis, & potestas omnis in fallendo est, uniuersos

in

in fraudē posset inducere, nisi uerisimilia hominibus ostē-  
taret? Deus enim, ut immortale illud arcanū eius in aperto  
esset, posuit in uia sua, quæ homines pro malis, & turpi-  
bus aspernarētur, ut auersi à sapientia, & ueritate, quam  
sine ullo duce requirebant, in id ipsum inciderent, quod  
uitare, ac fugere cupiebant. Itaq; illā perditionis, ac mor-  
tis uiam multiplicē ostendit, uel quòd multa sunt genera  
uitæ, uel quòd Dij multi, qui colūtur. Huius dux præua-  
ricator, ac subdolanus: ut uideatur esse discrimen aliquod  
falsi, et ueri, mali, ac boni. alia ducit luxuriosos, alia eos,  
qui frugi appellātur, alia imperitos, alia doctos, alia in-  
ertes, alia strenuos, alia stultos, alia philosophos, & eos  
quidē nō uno tramite. Illos enim, qui aut uoluptates, aut  
diuitias non refugiūt, ab hac publica; & celebri uia mo-  
dice segregat: eos autem, qui aut uirtutem sequi uolunt,  
aut contemptum rerum profitentur, per cōfragosa quæ-  
dam præcipitia trahit. Sed tamen illa omnia itinera, quæ  
speciem bonorum ostentant, non sunt alia uia, sed diuer-  
ticula, & scmitæ, quæ uidentur quidem ab illa comuni  
dextrouersum separari, ad eandem tamen, & ad unum  
omnes exitum sub ipso fine referuntur. Ibi enim dux ille  
coniungit omnes, ubi opus fuerat, bonos à malis, fortes  
ab inertibus, sapientes à stultis separari, in Deorum sci-  
licet cultu, in quo ille uniuersos (quia sine ullo discrimi-  
ne stulti fuerunt) uno mucrone iugulat, & præcipitat in  
mortem. Hæc autem uia, quæ est ueritatis, & sapientiæ,  
& uirtutis, & iustitiæ, quorum omnium fons unus est,  
una uis, una sedes, & simplex est, quòd paribus animis,  
summaq; cōcordia unum sequamur & colamus Deū: &  
angusta, quoniam paucioribus uirtus data est: & ardua,  
quoniam ad bonum quod summum, atq; sublime est, nisi  
cum

cum summa difficultate, ac labore non potest perueniri.

De erroribus philosophorum, & ua-

rietate legum.

CAP. VIII.

**H**Aec est uia, quā philosophi quærūt, sed ideo nō inueniunt, quia in terra potius, ubi apparere non potest, quærunt. Errant ergo uelut in mari magno, nec quò ferantur intelligunt, quia nec uiam cernunt, nec ducem sequuntur ullum. Eadem nāq; ratione hanc uitæ uiam quæri oportet, quæ in alto iter nauibus quæritur: quæ nisi aliud quod cæli lumen obseruent, incertis cursibus uagantur. Quisquis autem rectum iter uitæ tenere nititur, non terram debet aspicere, sed cælum, & (ut apertius loquar) non hominem sequi debet, sed Deum: non his terrestribus simulachris, sed Deo seruire cælesti: nō ad corpus referre omnia, sed ad mentē: nō huic uitæ dare operam, sed æternæ. Itaq; si oculos in cælū semper intendas, & solē, quod oritur, obserues, eumq; habeas uitæ, quasi nauigij ducē: sua sponte in uiam pedes dirigentur: & illud cæleste lumen, quod sanis mētibus multo clarius sole est, quā hic, quem carne mortali uidemus, sic reget, sic gubernabit, ut ad summā sapientiæ, uirtutisq; portū sine ullo errore perducatur. Suscipiēda igitur Dei lex est, quæ nos ad hoc iter dirigat, illa sancta, illa cælestis, quā Marcus Tullius in libro de Rep. tertio penē diuina uoce depinxit, cuius ego, ne plura dicerem, uerba subieci. Est quidem uera lex, recta ratio, naturæ congruens, diffusa in omnes, constans, sempiterna, quæ uocet ad officiū, iubēdo: uetando, à fraude deterreat: quæ tamē neq; probos frustra iubet, aut uetat: nec improbos iubendo, aut uetando mouet. Huic legi nec propagari fas est, neq; derogari ex hac aliquid licet, neq; tota abrogari potest. Nec uero aut per senatum, aut

A

per



per populū solui hac lege possumus. Neq; est quarendus explanator, aut interpret eius alius. Nec erit alia lex Roma, alia Athenis, alia nunc, alia posthac: sed & omnes gentes, & omni tempore una lex, & sempiterna, & immutabilis continebit: unusq; erit communis quasi magister, & imperator omnium Deus: ille legis huius inuētor, disceptator, lator, cui qui nō parebit, ipse se fugiet, ac naturam hominis aspernabitur: hoc ipso luct maximas poenas, etiā si cetera supplicia, quæ putātur, effugerit. Quis sacramentum Dei sciens tam significanter enarrare legē Dei possit, quā illam homo longē à ueritatis notitia remotus expreſsit? Ego uero eos, qui uera imprudenter loquuntur, sic habendos puto, tanquam diuinent spiritu aliquo instincti. Quod si ut legis sanctæ nim, rationemq; peruidit, ita illud quoq; scisset, aut explicasset, in quibus præceptis lex ipsa cōsisteret: nō philosophi functus esset officio, sed propheta. Quod quia facere ille non poterat, nobis faciendum est, quibus ipsa lex tradita est ab illo uno magistro, & imperatore omnium Deo.

De lege, & præcepto Dei, & misericordia: & errore Philosophorum.

C A P. I X.

**H**uius legis caput primū est, ipsum Deum nosse, soli obtemperare, solum colere. Non potest enim rationem hominis obtinere, qui parentem animæ suæ Deum nescit, quod est summum nefās. Quæ ignoratio facit, ut dijs alienis seruiat. quo nihil sceleratius committi potest. Hinc iam procliuis est ad malitiā gradus per ignorātiā ueri, ac singularis boni: quia Deus, quē nosse refugit, fons est ipse bonitatis. Vel si iustitiam sequi uolet Dei, diuini tamen iuris ignarus, gentis suæ leges, tanquam uerum ius amplecti

amplectitur, quas nō utique iustitia, sed utilitas reperit. Cur enim per omnes populos diuersa, & uaria iura sunt condita, nisi quod unaquæq; gens id sibi sanxit, quod putauit rebus suis utile? Quantum autem à iustitia recedat utilitas, populus ipse Romanus docet, qui per feciales bella indicendo, & legitime iniurias inferendo, semperq; aliena cupiendo, atq; rapiendo, possessionem sibi totius orbis comparauit. Verum hi iustos putant, si cōtra leges suas nihil faciant: quod etiā timori ascribi potest, si præsens metus poenarum metu, sceleribus abstineāt. Sed concedamus sane, ut id natura, uel ( ut ait philosophus ) sua sponte faciāt, quod legibus facere cogūtur. Num iccirco iusti erunt, quia parent institutis hominum, qui & ipsi aut errare, aut iniusti esse potuerunt? Sicut illi duodecim tabularum conditores, qui publicæ utilitati pro cōditione temporum seruiuerunt. Aliud est igitur civile ius, quod pro moribus ubiq; uariatur. Aliud est uera iustitia, quam uniformem, ac simplicem proposuit omnibus Deus: quam qui ignorat, & ipsum Deū ignoret necesse est. Sed putamus fieri posse, ut aliquis naturali, & ingenito bono, ueras uirtutes capiat, qualē fuisse Cimonē Athenis accepimus, qui & egentibus stipē dedit, & pauperes inuitauit, & nudos induit. Tamē cum illud unū, quod est maximū, deest, agnitio Dei, iam illa bona omnia superuacua sunt, & inania, ut frustra in his assequēdis laborauerit. Omnis enim iustitia eius, similis est humano corpori caput non habēt: in quo tametsi mēbra omnia & locis suis cōstent, & figura, & habitudine, tamē quoniā deest id, quod est omnium principale, & uita, & omni sensu caret. Itaque membra illa formam tantummodo membrorum habent, usum non habent, tam scilicet, quam caput sine corpo-

re. Cui similis est, qui cum Deum non ignoret, uiuit iniuste. Id enim solum habet, quod est summum, sed frustra, quoniā uirtutibus tāquā mēbris eget. Itaq; ut sit uiuum, ac sensibile corpus, et agnitio Dei necessaria est, quasi caput, et omnes uirtutes, quasi corpus. ita fiet homo perfectus, ac uiuus. sed tamē summa omnis in capite est, quod quāuis cōstare nō potest sine omnibus, sine quibusdā tamen potest. Et erit quidē animal uitiosum, ac debile, sed tamen uiuet, sicut et is, qui et Deum nouit, et in aliqua re peccat. Dat enim ueniam peccatis Deus. Itaq; sine mēbris aliquibus uiui potest, sine capite nullo modo. Hæc res efficit, ut philosophi, etiam si natura sint boni, tamen nihil sciant, nihil sapiant. Omnis doctrina, et uirtus eorum sine capite est, quia Deum uesciūt, qui est uirtutis, ac doctrinæ caput: quem qui non agnoscit, licet uideat, cæcus est: licet audiat, surdus: licet loquatur, elinguis est. Cū uero conditorem rerum, parentemq; cognouerit, tunc et uidebit, et audiet, et loquetur. Habere enim caput cœpit, in quo sunt sensus omnes collocati, hoc est oculi, aures, et lingua. nā profecto is uidet, qui ueritatē, in qua Deus est, uel Deum, in quo ueritas est, oculis cordis aspexerit: is audit, qui diuinas uoces, ac præcepta uitalia pectori suo affigit: is loquitur, qui cœlestia differens, uirtutem, ac maiestatem Dei singularis enarrat. Quare nō est dubium, quin impius sit, quisquis Deum non agnouerit. omnesq; uirtutes eius, quas habere, aut tenere se putat, in illa mortifera uia reperiuntur, quæ est tota tenebrarum. Quæ propter nihil est, quod aliquis sibi gratuletur, si has inanes uirtutes adeptus est: quia non tantum miser, qui bonis præsentibus careat: sed etiam stultus sit, necesse est, qui labores in uita sua maximos suscipiat incassum. Nā dempta

dempta spe immortalitatis, quam Deus pollicetur in sua  
 religione uersantibus, cuius assequenda gratia uirtus ap=  
 petenda est, & quicquid malorum acciderit, perstrendū,  
 maxima erit profecto uanitas, obsequi uelle uirtutibus,  
 quæ frustra homini calamitates asserūt, & labores. Nam  
 si uirtus est, egestatem, exilium, dolorem, mortemq; quæ  
 timetur à cæteris, pati fortiter, ac subire, quid tandē in se  
 boni habet, cur eam propter seipsam philosophi dicant  
 expectendam? Nimirum superuacuis, & inanibus pœnis  
 delectantur, quibus licet agere tranquille. Si enim mortu=  
 les sūt animæ, si uirtus dissoluto corpore nihil futura est,  
 quid fugimus attributa nobis, quasi aut ingrati, aut indi=  
 gni, qui diuinis muneribus perfruamur? Quæ bona ut ha=  
 beamus, scelerate, impieq; uiuendum est, quia uirtutem,  
 id est iustitiā, paupertas sequitur. Sanus igitur nō est, qui  
 nulla spe maiore proposita, ijs bonis, quibus cæteri utun=  
 tur in uita, labores, & cruciatus, & misérias anteponat.  
 Si autem uirtus (ut ab his rectissime dicitur) capeffenda  
 est, quia cōstat, ad eam nasci hominem, subesse debet spes  
 aliqua maior, quæ malorum, & laborum, quos perferre  
 uirtutis est, magnum asserat, præclarumq; solatium. Nec  
 aliter uirtus, cum per se dura sit, haberi pro bono potest,  
 quàm si acerbitatē suā maximo bono penset. Acquē non  
 aliter his bonis præsensibus abstinendum est, quàm si sint  
 aliqua maiora, propter quæ tanti sit & uoluptates omit=  
 tere, & mala omnia sustinere. Ea uero nulla sunt bona  
 alia (ut in tertio docui) nisi perpetuæ uitæ. Hanc autem  
 præstare quis potest, nisi Deus, qui uirtutem ipsam pro=  
 posuit? Ergo in Dei agnitione, & cultu, rerum summa  
 uersatur, in hoc est spes omnis, ac salus hominis: hic est sa=  
 piētiae gradus primus, ut sciamus quis sit nobis uerus pa

ter, cumq; solum pietate debita prosequamur: huic pareamus, huic deuotissime seruiamus: in eo promerendo actus omnis, & cura, & opéra collocetur.

De religione erga Deum, & misericordia erga hominem: deq; mundi principio.

C A P. X.

**D**ixi, quid debeatur Deo: dicam nunc, quid homini tribuendum sit: quanquam id ipsum, quod homini tribueris, Deo tribuitur, quia homo Dei simulacrū est. Sed tamen primum officium iustitiæ est, coniūgi cū Deo: secundum, cum homine. Sed illud primum, religio dicitur: hoc secundū, misericordia, uel humanitas nominatur. Quæ uirtus propria est iustorum, & cultorū Dei, quod ea sola uitæ communis in se cōtinet rationē. Deus enim, qui cæteris animalibus sapientiā non dedit, naturalibus ea munimentis ab incurſu, & periculo tutiora generauit. Hominē uero quia nudum, fragilemq; formauit, ut eum sapientiā potius instrueret, dedit ei præter cætera hunc pietatis affectum, ut homo hominem tueatur, diligat, foueat, contraq; omnia pericula & accipiat, & præstet auxiliū. Summum igitur inter se hominum uinculum est humanitas: quod qui diſruperit, nefarius, & parricida existimāndus est. Nam si ab uno homine, quem Deus finxit, omnes orimur, certe consanguinei sumus: & ideo maximum scelus putandum est, odisse hominem uel nocentem. Propterea Deus præcepit ininicitias per nos nunquā faciendas, semper esse tollendas: scilicet ut eos, qui sint nobis inimici, necessitudinis admonitos mitigemus. Item si ab uno Deo inspirati omnes, et animati sumus, quid aliud quàm fratres sumus? Et quidē coniunctiores qui animis, quàm qui corporibus. Itaq; non errat Lucretius, cum dicit,

Denique,

Deniq; cœlesti sumus omnes semine oriundi:

Omnibus ille idem pater est.

Ergo pro bellis immanibus sunt habēdi, qui hominibus nocent: qui contra ius humanitatis, & fas omne spoliant, cruciant, occidūt, extermināt. Ob hanc necessitudinē germanitatis docet nos Deus, malum nunquā facere, semper bonū. Id autē ipsum bene facere, quid sit, idem ipse præscribit: præstare auxilium depreßis, & laborantibus, impertiri uictum non habentibus. Deus enim, quoniam pius est, animal nos uoluit esse sociale. Itaq; in alijs hominibus nos ipsos cogitare debemus. non meremur in periculo liberari, si non succurrimus: non meremur auxiliū, si negamus. Ad hanc partē, philosophorū nulla præcepta sunt, quippe qui falsæ uirtutis specie capti, misericordiā de homine sustulerunt, & dum uolunt sanare uitia, auxerunt. Et cum ijdem plerūq; fateantur, societatis humanæ communionē esse retinendam, ab ea plane seipsos inhumane suæ uirtutis rigore dissociant. Conuincendus ergo etiam hic error illorum est, qui nihil cuiquam impertiri uident. Urbis condendæ originem, atque causam non unam intulerunt: sed alij eos homines, qui sint ex terra primitus nati, cum per sylvas, & campos erraticā degerēt uitam, nec ullo inter se sermonis, aut iuris uinculo cohererēt, sed frondes, & herbam pro cubilibus, spelūcas, & antra pro domibus haberent; bestiis, & fortioribus animalibus prædæ fuisse cōmemorāt. Tum eos, qui aut laniati effugerāt, aut laniari proximos uiderāt, admonitos periculi sui, ad alios homines decurrisse, præsidium implorasse, & primotibus uoluntatē suam significasse: deinde sermonis initia tentasse, ac singulis quibuscq; rebus nomina imponēdo paulatim loquendi periecisse rationem. Cum autem mul-

titudinem ipsam uiderent contra bestias esse tutam, oppi-  
 da etiā cœpisse munire, uel ut quietem noctis tutam sibi  
 facerent, uel ut incursiones, atq; impetus bestiarū non pu-  
 gnando, sed obiectis aggeribus arcerent. O' ingenia homi-  
 nibus indigna, quæ has ineptias protulerūt: miseros, atq;  
 miserabiles, qui stultitiam suam literis, memoriæq; mādā  
 uerunt. Qui cum uiderent multis quoq; animalibus inge-  
 nitam esse rationem uel cōueniendi, uel inuicem appeten-  
 di, uel periculi fugiēdi, uel mali cauēdi, uel cubacula sibi,  
 & latibula parandi: homines autē ipsos existimauerint  
 non nisi exēplis admoneri, ac discere potuisse, quid me-  
 tuere sibi, quid cauere, quid facere deberent, aut nunquā  
 conuenturos inter se fuisse, nec loquendi rationem reper-  
 tuos, nisi eos bestię commedissent. Hæc alijs delira uisa  
 sunt (ut fuerūt) dixeruntq; non ferarum laniatus causam  
 fuisse cōeundi, sed ipsam potius humanitatē: itaq; inter se  
 congregatos, quod natura hominum solitudinis fugiens,  
 & communionis, ac societatis appetēs esset. Non magna  
 inter eos disceptatio est. Siquidē causæ dispares sunt, res  
 eadem est. Potuit igitur utrunq; quia non repugnat: sed  
 tamen utrūq; nullo modo uerum est, quia non per omnem  
 terram nati sunt homines è terra tanquā ex draconis ali-  
 cuius dentibus præseminati (ut poëtæ ferunt) sed unus ho-  
 mo à Deo factus est, ab eoq; uno omnis terra humano ge-  
 nere completa est: eadem scilicet ratione, qua rursus post  
 diluuium, quod certe negare non possunt. Nulla igitur in  
 principio facta est eiusmodi cōgregatio, nec unquā fuisse  
 homines in terra, qui propter infantiam non loquerētur,  
 intelliget, cui ratio non deest. Fingamus tamen illa uera  
 esse, quæ otiosi, & inepti senes fabulātur, ut eos potissi-  
 mū sensibus, & suis ratiōibus refellamus. Si hac de causa  
 sunt



sunt homines congregati, ut mutuis auxilijs imbecillitatē suam tuerentur: succurrēdum est igitur homini, qui egeat auxilio. Cum enim præsidiij causa homines societate cum hominibus inierint, & sanxerint, fœdus illud inter homines à principio ortus sui initum, aut uiolare, aut nō conseruare, summum nefas putandum est. Nam qui se à præsistando auxilio remouet, etiā ab accipiendo se remoueat, necesse est: quia nullius ope indigere se putat, qui alteri suam denegat. Huic uero, qui se ipse dissociat, ac secernit à corpore, non ritu hominis, sed ferarum more uiuendum est. Quod fieri si non potest, retinendum est igitur omnimodo uinculū societatis humanæ: quia homo sine homine nullo modo potest uiuere. Retentio autē societatis est cōmunitas, id est, auxiliū præstare, ut possimus accipere. Sin uero (ut illi alij disputant) humanitatis ipsius causa facta est hominū congregatio, homo certe hominē debet agnoscere. Quod si fecerūt illi rudes, & adhuc feri homines, & fecerunt nondum constituta loquendi ratione: quid putemus hominibus expolitjs sermone, rerumq; omniū commercio inter se copulatis, esse faciēdum, qui assueti hominibus, solitudinem ferre non possunt?

De personis in quas beneficium sit conferendum.

CAP. XI.

Conseruāda est igitur humanitas, si homines recte dici uelimus. Id autē ipsum conseruare humanitatem, quid aliud est; quā diligere hominē, quia homo sit, & idem, quod nos sumus? Discordia igitur, atq; dissensio nō est secūdū hominis rationē. Verumq; est illud Ciceronis, quod ait, hominem naturæ obedientē homini nocere non posse. ergo si nocere homini, contra naturam est: prodesse igitur homini, secundum naturā sit, necesse est. Quod qui

A 5 non

non facit, hominis se appellatione dispoliat, quia humanitatis officiū est, necessitati hominis, ac periculo subuenire. Quero igitur ab ijs, qui flecti, ac misereri non putant esse sapiētis, si homo ab aliqua bestia cōprehēsus auxiliū sibi armati hominis imploret, utrum'ne succurrendum putent, an minime? Non sunt tam impudētes, ut negent fieri oportere, quod flagitat, quod exposcit humanitas. Item si aliquis circūueniatur igni, ruina opprimatur, mergatur mari, sūmine rapiatur, num putent hominis esse, nō auxiliari? non sunt ipsi homines, si putent. Nemo enim potest eiusmodi periculis non esse subiectus. Imò uerō et hominis, et fortis uiri esse dicent, seruare periturum. Si ergo eiusmodi casibus, qui periculum uitæ homini afferūt, succurrere, humanitatis esse concedunt: quid causæ est, cur si homo esuriat, sitiatur, atque at, succurrendū esse non putent? Quæ cum sint paria natura cum illis casibus fortuitis, et unā, eādēq; humanitatē desyderēt, tamē illa discernūt, quia nō re ipsa uera, sed utilitate presenti omnia metiuntur. Illos enim, quos periculo surripiunt. sperant sibi gratiam relatueros. Egentes autem, quia non sperant, perire arbitrantur, quicquid eiusmodi hominibus impartiant. Hinc est illa Plauti detestanda sententia:

Male meretur, qui mendico dat, quod edat.

Nam et illud, quod dat, perit:

Et illi producit uitam ad miseriam.

At enim poëta fortasse pro persona locutus est. Quid Marcus Tullius in suis officialibus libris, non ne hoc idē suadet, non esse omnino largiendū? Sic enim dixit: Largitio, quæ fit ex re familiari, fontem ipsum benignitatis exhaurit: ita bonitate benignitas tollitur. qua quo in plures usus sis, eo minus in multos uti possis. Et idē paulo post:

Quid

Quid autem est stultius, quàm quod libenter facias, curare, ut id diutius facere non possis? Videlicet professor sapientiæ refrænât homines ab humanitate: monetq; ut rem familiarem diligenter custodiant, malintq; arcam, quàm iustitiâ conseruare. Quod cū intelligeret inhumanū esse, ac nefariū, mox ex alio capite, quasi actus poenitentiæ, sic ait: Nonnūquā tamē est largiendum: nec hoc benignitatis genus omnino repudiandum: et saepe idoneis hominibus egentibus de re familiari impertiendū. Quid est idoneis? nempe ijs, qui restituere, ac referre gratiā possint. Si nūc Cicero uiueret, exclamarē pfecto, Hic hic M. Tulli aberrasti à uera iustitia, eamq; uno uerbo sustulisti, cū pietatis, et humanitatis officia utilitate metitus es. Non enim idoneis hominibus largiendū est, sed quantum potest, non idoneis. Id enim iuste, id pie, id humane fit, quod sine spe recipiendi feceris. Hæc est uera illa, et germana iustitia, cuius solidā, et expressam effigiē nullā tenere uos dicitis. Ipse pluribus locis clamas, mercenariā non esse uirtutem: faterisq; in libris legū tuarum, liberalitatē gratuitā esse, his uerbis: Nec est dubiū, quin is, qui liberalis, benignusq; dicitur, officium, non fructum sequatur. Cur ergo idoneis potius largiris, nisi ut postea mercedem recipias? Te igitur autore, ac præceptore iustitiæ, q̄s quis idoneus nō erit, nuditate, siti, fame conficietur: nec homines copiosi, et usq; ad delicias abūdātes subueniēt ultimæ necessitati. Si uirtus mercedem nō exigit, si propter se (ut dicitis) expetenda est: ergo iustitia matrē principemq; uirtutū suo pretio, non tuo cōmodo aestima: eiq; potissimum tribue, à quo nihil speres. Quid personas eligis? quid mēbra inspicis? Pro homine tibi habendus est, quisquis ideo precatur, quia te hominem putet. Abijce umbras illas, imaginesq;

confert, nec opera eorū sempiterna sunt: siquidē aut uno tremore terræ dissipātur, & corruūt, aut fortuito consumuntur incēdio, aut hostili aliquo impetu diruuntur, aut certe uetustate ipsa dissoluta labuntur. Nihil est enim (ut ait orator) opere, & manu factum, quod nō conficiat, & cōsumat uetustas. Ad hæc iustitia, et lenitas florescit quotidie magis. Illi ergo melius, qui tribulibus suis, aut clientibus largiuntur. aliquid enim præstant hominibus, & prosunt. sed nō est illa uera, & iusta largitio. Beneficētia enim nulla est, ubicunq; neceſſitas nō est. Perit ergo quicquid gratiæ causa tribuitur nō indigētibus, aut cum fœnore reddit, & beneficentia non erit. Quod etsi gratū est ijs, quibus datur, iustum tamen non est: quia, si non fiat, nihil mali sequitur. Vnum igitur certum, & uerum liberalitatis officium est, egentes, atque inutiles alere.

De generibus beneficentiæ, & operibus misericordiæ.

CAP. XII.

**H**Aec est illa perfectā iustitia, quæ custodit humanā, de qua philosophi loquuntur, societatem. Hic diuitiarum maximus, ac uerissimus fructus est, non uti opibus ad propriam unius uoluptatem, sed ad multorū salutem: non ad præsentem suū fructū, sed ad iustitiā, quæ sola nō interit. Tenendū est igitur omnimodo, ut ab officio misericordiæ spes recipiēdi absit omnino. Huius enim operis, & officij merces à Deo est expetenda solo: nam si ab homine expetes, iam non humanitas erit illa, sed beneficij fœneratio: nec potest uideri bene meruisse, qui quod fecit, non alteri, sed sibi præstat: & tamen eò reddit, ut quod alteri quisque præstiterit, nihil ab eo commodi sperans, uere sibi præstet, quia mercedem capiet à Deo. Idem Deus præcepit, ut si quando coenam parauerimus, in conuietum

conuictum adhibeamus, qui reuocare non possint, & uicem reddere, ut omnis actus uitæ nostræ non careat misericordiae munere. Nec tamen quisquā interdicta sibi putet aut cōmunionem cum amicis, aut charitatē cum proximis. sed notum nobis Deus fecit, quod sit uerum, & iustum opus, ita nos oportere cum proximis uiuere, dūmodo sciamus, illud ad hominē, hoc ad Deū pertinere. Præcipua igitur uirtus est hospitalitas, quod philosophi quæque aiunt, sed eam detorquēt a uera iustitia, & ad commodum rapiunt. Recte, inquit Cicero, a Theophrasto est laudata hospitalitas. Est enim (ut mihi quidē uidetur) ualde decorū, patere domos hominū illustriū hospitibus illustribus. Eodem modo rursus errauit, quod tum, cum idoneis esse diceret largiendum. Non enim iusti, & sapientis uiri domus illustribus debet patere, sed humilibus, & abiectis. Nam illustres illi, ac potētes nulla re possunt indigere, quos opulētia sua & munit, et honorat. Nihil autē a uiro iusto faciendū est, nisi quod sit beneficium. Beneficium autem, si refertur, interit, atq; finitur. nec enim possumus id habere integrū, cuius pretiū nobis psolutū est. In his itaq; beneficijs iustitiæ ratio uersatur, quæ salua, & incorrupta permāserint. permanēt autem non aliter, quā si præstētur hominibus ijs, qui prodesse nullo modo possunt. At ille in recipiēdis illustribus nihil spectauit aliud, nisi utilitatem, nec dissimulauit homo ingeniosus, quid ex eo commodi speraret. Ait enim quid faciat potētem apud externos futurum per gratiam principum, quos sibi hospitij, & amicitiae iure cōstrinxerit. O quā multis argumētis Ciceronis incōstantia, si id agerem, redargui posset; nec tam nostris, quā suis uerbis refelleretur. Idem quippe ait, ut quisque maxime ad suum commodum

dum referat quæcūq; agit, ita minime esse uirum bonum. Idem etiā negat simplicis, & aperti hominis esse, ambire, simulare aliquid, & prætere, aliud agere uideri, cum aliud agat, præstare se alteri fingere, quod sibi præstet: sed malitiosi potius, & astuti, & fallacis, et subdoli. Quo modo ergo defenderet, quo minus ambitiosa illa hospitalitas, malitia esset? Tu mihi per omnes portas circūcurses, ut aduenientes populorū, atq; urbium principes domum tuam inuites, ut per eos apud ciues eorum potentiā consequare, uelisq; te iustum, & humanū, & hospitalem uideri, cum studeas utilitati tuæ. Verum hoc ille non potius incaute. Quid enim minus in Ciceronē cōuenit? Sed ignorantia ueri iuris, prudens, ac sciēs in hos se laqueos <sup>\*in-</sup> induit. Quod ut ei possit ignosci, testificatus est, nō ad ueram iustitiā, quam nō teneat, præcepta se dare, sed ad umbram imaginemq; iustitiæ. Ignoscendū est igitur umbratice, & imaginario præceptori, nec ab eo ueritas exigenda est, qui se nescire fateatur. Captiuorum redemptio magnū, atq; præclarū iustitiæ munus est. quod idē ipse Tullius approbauit. Itaq; hæc benignitas, inquit, etiā reipublicæ est utilis, redimī ē seruitute captos, locupletari tenuiores. Hanc ego cōsuetudinem benignitatis, largitioni munerū longe antepono. Hæc est grauium hominū, atq; magnorū. Propriū igitur iustorū opus est, alere pauperes, ac redimere captiuos: cum apud iniustos, si qui hæc faciant, graues, & magni appellētur. Iis enim maxime laudis est bene facere, quos nemo sperauit esse facturos. Nā qui bonū facit uel cōsanguinco, uel proximo, uel amico, aut nullā, aut certe nō magnā laudē meretur, quia facere debet: sitq; impius, ac detestabilis, nisi fecerit id, quod ab eo & natura ipsa, & necessitudo exigat. & si facit, non

tam gloriæ assequēdæ, quā reprehensionis uitandæ gra-  
 tia facit. Qui autē facit alieno, & ignoto, is uero dignus  
 est laude: quoniam, ut faceret, sola ductus est humanitate.  
 Ibi ergo iustitia est, ubi ad bene faciendū necessitatis uin-  
 culum nullū est. Hoc igitur officiū benignitatis ne antepo-  
 nere quidem largitioni munerū debuit, quod est cōparan-  
 tis, & ē duobus bonis id, quod sit melius, eligentis. Illa  
 enim largitio hominum patrimonia sua in mare abijcien-  
 tium, inanis, & leuis, & ab omni iustitia remotissima est.  
 Itaq; ne dici quidē munera oportet, in quibus nemo acci-  
 pit, nisi qui accipere non meretur. Non minus magnū iu-  
 stitiæ opus est, pupillos, & uiduas destitutos, & auxilio  
 indigentes tueri, atq; defendere. quod adeo uniuersis diui-  
 na lex illa præscribit. quando quidem boni quiq; iudices  
 ad officiū suū iudicāt pertinere, ut eos naturali huma-  
 nitate foueāt, ac ipsē prodesse nitantur. Verū hæc opera,  
 proprie nostra sunt, qui legem, qui uerba ipsius Dei præ-  
 cipientis accepimus. Nam illi sentiunt quidē natura esse  
 iustum, tueri eos, qui tutela carent: sed, cur ita sit, nō per-  
 spiciunt. Deus enim, cuius perpetua clementia est, iccirco  
 uiduas, pupillosq; defendi, ac foueri iubet, nequis respe-  
 ctu, ac miseratione pignorum suorum retardetur, quo mi-  
 nus mortem pro iustitia, fideq; suscipiat, sed incūctanter;  
 ac fortiter subeat, cū sciat se charos suos Deo relinquere,  
 nec his unquam præsidium defuturū. Aegros quoq;, qui-  
 bus defuerit, qui assistat, curandos, fouendosq; suscipere,  
 summæ humanitatis, & magnæ operationis est. quod qui  
 fecerit, hic uiuā hostiā Deo acquireret, & quod alteri de-  
 derit ad tempus, ipse à Deo accipiet in eternū. Vltimum  
 illud, & maximum pietatis officium est, peregrinorum,  
 & pauperum sepultura. quod illi uirtutis, iustitiæq; do-  
 ctiores



Flores prorsus non attigerunt. Nec enim poterant id uide-  
 dere, qui utilitate omnia officia metiebantur. In ceteris  
 enim, quæ suprà dicta sunt, quamuis uerum limitem non  
 tenuerint, tamen quoniam commodi aliquid in his depre-  
 henderunt, quasi odore quodam ueritatis retenti, propius  
 oberrauerunt: hoc autem, quia nihil uidere in eo cōmodi  
 poterant, reliquerunt. Quin etiam non desuerunt, qui su-  
 peruacaneam facerent sepulturam, nihilq; esse dicerent,  
 mali, iacere inhumatum, atq; abiectum. quorum impiam  
 sapientiam cum omne humanum genus respuit, tum diui-  
 næ uoces, quæ id fieri iubent. Verum illi nō audent dice-  
 re, id non esse faciendum: sed, si fortè non fiat, nihil esse  
 incommodi. Itaque in ea re non tam præcipiētium, quam  
 consolantium funguntur officio, ut si fortè id sapienti eue-  
 nerit, ne se ob hoc miserum putet. Nos autem nō quid sa-  
 pienti ferendum sit, dicimus, sed quid facere ipse debeat.  
 Itaq; non quærimus nunc, utrum ne tota sepeliendi ratio  
 sit utilis, nec ne: sed hæc, etiam si sit inanis (ut illi existi-  
 mant) tamen facienda est, uel ob hoc solum, quod apud ho-  
 mines bene, et humane fieri uidetur. Animus enim quæri-  
 tur, & propositum ponderatur. Nō enim patiemur figu-  
 ram, & signetum Dei, feris, ac uolucris in prædam iace-  
 cere, sed reddamus id terræ, unde ortum est: quamuis in  
 homine ignoto necessariorum sepulturam, nulli negandū  
 munus, implebimus: in quorū locū, quia desunt, succedat  
 humanitas, & ubicūq; homo desiderabitur, ibi exigi offi-  
 cium nostrum putabimus. In quo autem magis iustitiæ ra-  
 tio consistit, quam in eo, ut quod præstamus nostris per  
 affectū, præstemus alienis per humanitatē, quæ est mul-  
 to certior, iustiorq;? Cum iam non homini præstatur, qui  
 nihil sentit, sed Deo soli: cui charissimum sacrificium est,

tam gloriæ assequēdæ, quā reprehensionis uitandæ gra-  
 tia facit. Qui autē facit alieno, & ignoto, is uero dignus  
 est laude: quoniam, ut faceret, sola ductus est humanitate.  
 Ibi ergo iustitia est, ubi ad bene faciendū necessitatis uin-  
 culum nullū est. Hoc igitur officiū benignitatis ne antepo-  
 nere quidem largitioni munerū debuit, quod est cōparan-  
 tis, & ē duobus bonis id, quod sit melius, eligentis. Illa  
 enim largitio hominum patrimonia sua in mare abijcien-  
 tium, inanis, & leuis, & ab omni iustitia remotissima est.  
 Itaq; ne dici quidē munera oportet, in quibus nemo acci-  
 pit, nisi qui accipere non meretur. Non minus magnū iu-  
 stitiæ opus est, pupillos, & uiduas destitutos, & auxilio  
 indigentes tueri, atq; defendere. quod adeo uniuersis diui-  
 na lex illa præscribit. quando quidem boni quiq; iudices  
 ad officiū suum iudicāt pertinere, ut eos naturali huma-  
 nitate foueāt, ac ipsdē prodesse nitantur. Verū hæc opera,  
 proprie nostra sunt, qui legem, qui uerba ipsius Dei præ-  
 cipientis accepimus. Nam illi sentiunt quidē natura esse  
 iustum, tueri eos, qui tutela carent: sed, cur ita sit, nō per-  
 spiciunt. Deus enim, cuius perpetua clementia est, iccirco  
 uiduas, pupillosq; defendi, ac foueri iubet, nequis respe-  
 ctu, ac miseratione pignorum suorum retardetur, quo mi-  
 nus mortem pro iustitia, fideq; suscipiat, sed incūctanter,  
 ac fortiter subeat, cū sciat se charos suos Deo relinquere,  
 nec his unquam præsidium defuturū. Aegros quoq; qui-  
 bus defuerit, qui assistat, curandos, fouendosq; suscipere,  
 summæ humanitatis, & magnæ operationis est. quod qui  
 fecerit, hic uiuā hostiā Deo acquireret, & quod alteri de-  
 derit ad tempus, ipse à Deo accipiet in æternū. Vltimum  
 illud, & maximum pietatis officium est, peregrinorum,  
 & pauperum sepultura. quod illi uirtutis, iustitiæq; do-  
 ctiores

Stores prorsus non attigerunt. Nec enim poterant id uidere, qui utilitate omnia officia metiebantur. In cæteris enim, quæ suprà dicta sunt, quamuis uerum limitem non tenuerint, tamen quoniam commodi aliquid in his deprehenderunt, quasi odore quodam ueritatis retenti, propius oberrauerunt: hoc autem, quia nihil uidere in eo cōmodi poterant, reliquerunt. Quin etiam non defuerunt, qui superuacaneam facerent sepulturam, nihilq; esse dicerent, mali, iacere inhumatum, atq; abiectum. quorum impiam sapientiam cum omne humanum genus respuit, tum diuinæ uoces, quæ id fieri iubent. Verum illi nō audent dicere, id non esse faciendum: sed, si fortè non fiat, nihil esse incommodi. Itaque in ea re non tam præcipiētium, quam consolantium funguntur officio, ut si fortè id sapienti euenierit, ne se ob hoc miserum putet. Nos autem nō quid sapienti ferendum sit, dicimus, sed quid facere ipse debeat. Itaq; non quærimus nunc, utrum ne tota sepeliendi ratio sit utilis, nec ne: sed hæc, etiam si sit inanis (ut illi existimant) tamen facienda est, uel ob hoc solum, quòd apud homines bene, et humane fieri uidetur. Animus enim quæritur, & propositum ponderatur. Nō enim patiemur figuram, & signum Dei, feris, ac uolucris in prædam iacere, sed reddamus id terræ, unde ortum est: quamuis in homine ignoto necessariorum sepulturam, nulli negandū munus, implebimus: in quorū locū, quia desunt, succedat humanitas, & ubicūq; homo desiderabitur, ibi exigere officium nostrum putabimus. In quo autem magis iustitiæ ratio consistit, quam in eo, ut quod præstamus nostris per affectū, præstemus alienis per humanitatē, quæ est multo certior, iustiorq;? Cum iam non homini præstatur, qui nihil sentit, sed Deo soli: cui charissimum sacrificium est,

opus iustum. Dicet aliquis fortasse: Si hæc omnia fecero, nihil habebō. Quid enim si magnus hominū numerus egebit, algebit, capietur, morietur, ut hæc facientem uel uno die patrimonio exui, sit necesse: perdam'ne rē familiārē, meo, aut maiorum labore quæsitam: ut iam ipsi mihi aliena misericordia uiuendum sit? Quid, tu tam pusillo animo paupertatem times? quam etiā uestri philosophi laudāt, nihil hac tutius, nihil' quæ trāquillius esse testantur. Hoc, quod times, solitudinū portus est. An ignoras, quot periculis, quot casibus cū his malis opibus subiaceas? Quæ tecum bene agent, si sine tuo cruore transierint. Tu uerò præda onustus incedis, & spolia geris, quæ iritent animos etiam tuorum. Quid ergo dubitas, bene collocare id, quod tibi forsitan eripiet aut unū latrocinium, aut existens repēte proscriptio, aut hostilis aliqua direptio? Quid uerere fluxum, & fragile bonum facere sempiternum? aut thesauros tuos custodi Deo credere, ubi nō furem, prædonemq; timeas, non rubiginem, non tyrannum? Qui apud Deum diues est, pauper esse nunquā potest. Si iustitiam tātū putas, sequere abiectis oneribus, quæ te premūt. libera te ipsum cōpedibus, & cathenis, ut expeditus ad Deū curras. Magni, & excelsi animi est, despicere, & calcare mortalia. Sed si hanc uirtutem non capis, ut diuitias tuas in arcam Dei conferas, ut fragilibus tibi cōpares firmiora, liberabo te metu. Omnia ista præcepta nō tibi soli dantur, sed omni populo, qui mēte cōiunctus est, & cohæret sicut homo unus. Si solus magnis operibus nō sufficis, pro uirili parte operare iustitiam, sic tamen, ut quantum diuitijs inter ceteros, tantū opere præcellas. Neq; nunc suaderi tibi putes, ut rē familiārē tuā minuas, uel exhaurias, sed quæ in superuacua fueras impēsurus, ad meliora conuertas

ueritas. Vnde bestias emis, hinc captos redime: unde feras pascis, hinc pauperes ale: unde homines ad gladiū cōparas, hinc innocētes mortuos sepeli. Quid prodest perditæ nequitiaē bestiarios facere locupletes, et instruere ad flagitia? Trāster ad magnū sacrificiū male peritura, ut pro his ueris muneribus, habeas à Deo munus æternum. Magna est misericordia merces, cui Deus pollicetur, peccata se oīa remissurū. Si audieris, inquit, preces supplicis tui, & ego audia tuas: si misertus laboratiū fueris, et ego in tuo labore miserebor. Si aut̃ nō respexeris, nec adiuueris, & ego animū cōtra te geram, tuisq; te legibus iudicabo.

De pœnitentia, misericordia, & peccatorum uenia.

CAP. XIII.

**Q**uoties igitur rogaris, tētari te à Deo crede, an sis dignus exaudiri. Circumspice cōscientiā tuam, & quantū potes medere uulneribus: nec tamen quia peccata largitione tolluntur, dari tibi licentiam peccandi putes. abolentur enim, si Deo largiari, quia peccaueras: nā si fiducia largiendi pecces, nō abolentur. Deus enim purgari homines à peccatis maxime cupit, ideoq; agere pœnitentiam iubet. Agere autē pœnitētiam nihil aliud est, quàm profiteri, et affirmare se ulterius nō peccaturū. Ignoscitur itaq; ijs, qui ad peccatū ignorāter, imprudēter, incauteq; labuntur: ueniā non habet, qui sciens peccat. Nec tamen si aliquis fuerit purificatus ab omni labe peccati, tēperandū sibi ab opere largitionis existimet, quia nō habeat peccata, quæ deleat. Imò uerò tū magis iustitiā debet operari, cū factus est iustus, ut quod antè in medelam uulnerū fecerat, postmodū faciat in laudē gloriāq; uirtutis. Eò accedit, q̃ nemo esse sine delicto potest, quandiu indumento carnis oneratus est. Cuius infirmitas triplici

B 2 modo

modo subiacet dominio peccati, factis, dictis, cogitationibus. Per hos gradus ad summum culmē iustitia procedit. Primus est uirtutis gradus, malis operibus abstinere: secundus, etiā malis uerbis; tertius etiam cogitatione rerū malarum. Qui primū gradū ascendit, satis iustus est: qui secundum, iam perfectæ uirtutis, si quidem neq; factis, neq; sermone delinquat: qui tertium, is uerò similitudinē Dei affectus uidetur. Est enim penē supra humanum modū, ne in cogitationem quidem admittere, quod sit uel factum malum, uel improbum dictum. Itaq; etiā iusti homines, qui frænare se possunt ab omni opere iniusto, nonnunquam tamen ipsa fragilitate uincuntur, ut uel in ira malum dicant, uel in aspectu rerum delectabilium, cogitatione tacta concupiscant. Quod si mortalis cōditio non patitur, esse hominem ab omni macula purum, debet ergo largitione perpetua peccata carnis aboleri. Vnū est enim sapientis, et iusti, et uitalis uiri opus, diuitias suas in sola iustitia collocare. qua profecto qui eget, licet ille Cræsum, aut Crassum diuitijs superet, hic pauper, hic nudus, hic medicus putandus est. Danda igitur opera, ut indumēto iustitiæ, pietatisq; uelemur, quo nos exuat nemo, quod nobis sempiternum præbet ornatum. Nam si Deorum cultores simulachra insensibilia excolūt, et quicquid pretiosi habent, in ea conferunt, quibus nec uti possunt, nec gratias agere, qui acceperint; quāto iustius est, et uerius, uiuentem? Quæ sicut usui habent, quicquid acceperint, et gratias agunt, ita Deus, in cuius cōspectu bonum feceris, et probabit, et mercedem pietatis exoluet.

De affectibus, deq; ijs Stoicorū sentētia: & de uirtute, uitijs, & misericordia. CAP. XIII.

Si ergo

SI ergo in homine præclarum, et excellens est bonum misericordia, ibiq; diuinis testimonijs, et bonorū, malorūq; cōsensu optimū iudicatur: apparet, philosophos longe abfuisse ab humano bono, qui neque præceperunt eiusmodi quicquam, neq; fecerunt, sed hanc uirtutem, quæ in homine propemodū singularis est, pro uitio semper habuerūt. Libet hic interponere unū de philosophia locū, ut illorū plenius coarguamus errores, qui misericordiam, cupiditatem, metum, morbos animi appellant. Conantur illi quidem uirtutes à uitijs distinguere: quod est sanè faciliū. Quis enim non possit liberalem à prodigo separare (ut illi faciūt) aut parcum à sordido, aut quietum ab inerti, aut cautum à timido? quod hæc quæ sunt bona, fines suos habeāt, quos si excesserint, in uitia labuntur, ita ut cōstantia nisi pro ueritate suscepta sit, sit impudentia. Item fortitudo, si nulla necessitate cogēte, aut nō pro causa honesta, certum periculum subierit, in temeritatē conuertetur. Libertas quoq; si alios insectetur, potius quàm insectantibus resistat, contumacia est. Seueritas etiam, nisi se intra congruentes nocētium pœnas coercet, fit seua crudelitas. Itaque dicunt eos, qui mali uideantur, non sua sponte peccare, nec mala potius eligere: sed bonorū specie lapsos, incidere in mala, dum bonorum, ac malorū discrimen ignorant. Hæc quidem falsa non sunt, sed ad corpus cuncta referuntur. Nam parcum esse, aut cōstantem, aut cautum, aut quietum, aut fortem, aut seuerū, uirtutes sunt quidem, sed huius temporariæ uitæ. Nos autem, qui hanc uitam contemnimus, alias nobis uirtutes propositas habemus, de quibus philosophi ne suspicari quidē ulla ratione potuerunt. Itaq; et uirtutes quasdam pro uitijs, et uitia quædam pro uirtutibus habuerunt. Nam Stoici affe-



Etus omnes, quorum impulsu animus commouetur, ex homine tollunt, cupiditatē, lētitiam, metum, mœstitiā, quorū duo priora ex bonis sunt aut futuris, aut præsētibz, posteriora ex malis. Eodem modo hæc quatuor, morbos (ut dixi) uocant, nō tam natura insitos, quā praua opinione susceptos. Et iccirco eos cēsēnt extirpari posse radicatus, si bonorum, malorumq; opinio falsa tollatur. Si enim nihil censeat sapiens bonum, nihil malum, nec cupiditate ardescet, nec lētitia gēstiet, nec metu terretur, nec ægritudine cōtrahetur. Mox uidebimus, an efficiāt, quod uelint, aut quid efficiant: interim propositum arrogans, aut penē furiosum, qui se putent mederi, & eniti posse contra uim, rationemq; naturæ.

De affectibus, deq; ijs Peripateticorū sentētia.

C A P.

X V.

**H**Aec enim naturalia esse, non uoluntaria, omnium uiuentium ratio demonstrat, quæ ijsdē omnibus quantitur affectibus. Peripatetici ergo rectius, qui hæc omnia detrahi negant posse, quia nobiscū simul nata sint, & conantur ostendere, quā prouidēter, & quā necessariō Deus, siue natura (sic enim dicūt) his nos armarit affectibus: quos tamē, quia uitiosi plerūq; sunt, si nimij sint, posse ab homine adhibito modo salubriter tēperari, ut tātū homini, quantum naturæ satis est, relinquatur. Non insipiens disputatio, si (ut dixi) nō ad hanc uitam omnia referrentur. Stoici ergo furiosi, qui ea nō tēperant, sed abscindunt, rebusq; à natura insitis castrare hominē quodāmodo uolunt. Quod tale est, quale si uelint aut metum detrāhere ceruis, aut uenēnū anguibz, aut iram feris, aut placiditatem pecudibus. Nam quæ singula mutis animalibus data sunt, ea uerō uniuersa homini simul. Quod si, ut me-

dici

dici dicūt, letitiæ affectus in splene est, iræ in felle, libidinis in iecore, timoris in corde: facilius est interficere animal ipsum, quàm ex corpore aliquid euellere, quod est animatis naturā uelle mutare. Sed homines prudētes non intelligunt, cum uitia ex homine tollunt, etiam se uirtutē tollere, cui soli locum faciunt. Nam si uirtus est, in medio iræ impetu seipsum cohibere, ac reprimere, quod negare non possunt: caret ergo uirtute, quisquis ira caret. Si uirtus est, libidinem corporis continere, uirtute careat, necesse est, qui libidinem, quam temperet, non habet. Si uirtus est, cupiditatē ab alieni appetitione frænare, nullam certe uirtutem potest habere, qui caret eo, ad quod cohibendum, uirtutis usus adhibetur. Vbi ergo uitia non sunt, nec uirtuti locus est quidem: sicut nec uictoriæ quidem, ubi aduersarius nullus est. Ita fit, ut bonū sine malo esse in hac uita non possit. Affectus igitur, quasi ubertas est naturalis animorum. Nam sicut in sentes ager, qui est natura foecundus, exuberat, sic animus incultus uitij sua sponte inualescentibus, uelut spinis obducitur. Sed cum uerus cultor accesserit, statim cedētibus uitij, fruges uirtutis oriuntur. Deus itaq; cū hominem primum fingeret, mirabili prouidentia in generauit ei prius istas animi commotiones, ut posset capere uirtutē, sicut terra culturam, posuitq; materiā uitiorū, in affectibus, uirtutis in uitij. Quæ profecto aut nulla erit, aut in usu esse nō poterit, si desint ea, per quæ uis eius aut apparet, aut cōstat. Videamus nunc, iidem illi, qui uitia penitus excidūt, quid effecerint. Quatuor illos affectus, quos ex opinione bonorum, malorūq; nasci putant, quibus euulsis, sanandum esse animum sapiētis existimant, quoniam intelligunt & natura insitos esse, & sine his nihil moueri, nihil agi posse, alia

quædam in eorum locum, uicemq; supponunt. Pro cupiditate substituunt uoluntatem. quasi uerò non multo sit præstabilius, bonum cupere, quam malum uelle. Item pro lætitia gaudium, pro metu cautionē. At in illo quarto immutandi nominis eius, ratio deficit. Itaq; ægritudinem penitus, id est, mœstitiam, dolorēq; animu sustulerunt: quod fieri nequaquam potest. Quis enim possit nō dolere, si patriam aut pestilētia exhausserit, aut hostis euerterit, aut tyrannus oppresserit? Potest aliquis non dolere, si sublatam uiderit libertatē, si proximos, si amicos, si bonos uiros aut exterminatos, aut crudelissime trucidatos? nisi cuius mens ita obstupuerit, ut sit ei sensus omnis ereptus. Quare aut omnia tollere debuerūt, aut implenda fuerat curta hæc & debilis disputatio, id est etiā pro ægritudine aliquid reponēdum, quoniam superioribus ita ordinatis, hoc consequēs erat. Vt enim præsentibus lætamur bonis, sic malis angimur, ac dolemus. Si ergo lætitiæ, quoniam uitiosam putabant, nomen aliud indiderunt, sic ægritudini, quoniā & ipsam uitiosam putabant, aliud uocabulum tribui congruebat. Vnde apparet, non illis rem defuisse, sed uerbum, cuius indigentia eum totum affectum, qui est uel maximus, contrā quā natura pateretur, auferre uoluerunt. Nam illas nominum commutationes poterā conarguere pluribus, & ostendere, aut sermonis ornandi, augendæq; copię gratia, multa nomina ijsdem rebus imposita, aut nihil, aut certe non multum inter se illa stare. Nā & cupiditas à uolūtate incipit, & cautio à metu oritur, & lætitia nihil aliud est, quā profusum gaudiū. Sed putemus, ut ipsi uolunt, esse diuersa. Nempe igitur cupiditatem esse dicent, perseverantem, ac perpetuam uoluntatem: lætitiā uero, insolenter se efferens gaudium: metum

tum autem, nimiam & excedentem modum cautionem. Ita fit, ut ea, quæ tollenda esse censent, non tollant, sed temperent, siquidem nomina tantummodo immutant, res ipsæ manent. Eò igitur imprudentes reuoluuntur, quò Peripatetici ratione perueniunt, ut uitia, quoniam tolli non possunt, moderanda sint. Ergo errant, quia non efficiunt, quod uolunt, & longo, aspero, quæ circuitu in eandem uiam redeunt.

De affectibus, & de ijs Peripateticorum illa  
sententia euerfa.

C A P. XVI.

**A**T ego ne Peripateticos quidē accessisse ad ueritatē puto, qui uitia esse cōcedunt, sed ea mediocriter tēperant. Carendum est enim uitijs etiam mediocribus. quin potius efficiendum fuit, primum, ne uitia essent (nec enim quicquam uitiosum nasci potest: sed uitia fieri, si male utamur affectibus, si bene, uirtutes) Deinde monstrandum est, nō ipsos affectus, sed eorū causas esse moderādas. Nō est, inquiunt, lætitia nimia gestiendū, sed modice, ac temperate. Hoc uero tale est, quale, si dicerēt, non esse currendum cōcitate, sed gradiendū quiete. At potest & qui graditur, errare, & qui currit, rectam uiam tenere. Quid si ostendcro, esse aliquid, ubi non tantū modicū, sed uel punctum gaudere, uitiosum sit, et aliud cōtrā, in quo uel exultare lætitia, minime criminofum? Quid tandem nobis ista mediocritas proderit? Quæro, utrum ne sapienti letandū putēt, si quid inimico suo mali uideat accidere, aut utrū ne lætitiā frænare debeant, si uictis hostibus, aut oppresso tyrāno, libertas, & salus ciuibus parta sit? Nemo dubitat, quin & in illo, exiguum lætari, & in hoc, parū lætari, sit maximū crimen. Eadem de cæteris affectibus dicere licet. Sed (ut dixi) non in his moderandis sapientiæ ratio

B 5

uerfa

uerfatur, ſed in cauſis eorum, quoniam extrinſecus cōmo-  
uentur: nec ipsis potiſſimū fr̄anos imponi oportuit, quo-  
niam & exigui poſſunt in maximo crimine, & maximi  
poſſunt eſſe ſine crimine. Sed aſignādi fuerūt certis tēpo-  
ribus, & rebus, & locis, ne uitia ſint, quibus uti recte li-  
cet. Sicut enim recte ambulare bonum eſt, errare autē ma-  
lum, ſic moueri affectibus in rectum, bonū eſt, in prauum,  
malum. Nam ſi libido extra legitimum torum non cuage-  
tur, licet ſit uehemens, tamē culpa caret. Sin uero appetit  
alienam, licet ſit mediocris, uitium tamen maximū eſt. Nō  
eſt itaq; morbus irasce, nec cupere, nec libidine commoue-  
ri: ſed iracundum eſſe, morbus eſt, cupidum, libidinoſum.  
Qui enim iracundus eſt, etiam cui non debet, aut cui non  
oportet, irasceatur. Qui cupidus, etiam quod nō opus eſt,  
concupiſcit. Qui libidinoſus, etiam quod legibus uetatur,  
affectat. Omnis igitur ratio in eo uerſari debuit, ut quo-  
niam earum rerum impetus inhiberi non poteſt, nec de-  
bet, quia neceſſario eſt inſitus ad tuenda officia uitæ, diri-  
geretur potius in uiam rectam, ubi etiam curſus offenſio-  
ne, ac periculo careat.

De affectibus, & uſu eorum, & patientia, &  
ſummo bono Chriſtianorū. CAP. XVII.

**S**ed cunctus ſum coarguēdi ſtudio longius, cum ſit mi-  
ſhi propoſitū, ea quæ uitia philoſophi putauerūt, oſtē-  
dere, non tantum uitia non eſſe, uerum etiam magnas eſſe  
uirtutes. Ex alijs docēdi gratia, ſumā, quæ pertinere ad  
rem maxime puto. Metum, ſeu timorem in maximo uitio  
ponūt, ſummamq; imbecillitatem eſſe animi putant, cui ſit  
contraria fortitudo: quæ ſi ſit in homine, locū timori eſſe  
nullum. Credit ergo ne aliquis, fieri poſſe, ut idem metus  
ſumma ſit fortitudo? Minime. Neq; enim uidetur capere  
naturā

natura, ut aliquid in contrarium recidat. Atqui ego non arguta aliqua cōclusionē, ut apud Platonem Socrates facit, qui eos, quos cōtra disputat, cogit ea, quæ negauerāt, cōfiteri: sed simpliciter ostendam, summum metum, summam esse uirtutē. Nemo dubitat, quin timidi, & imbecilli sit animi, aut dolorem metucere, aut egestatē, aut exilium, aut carcerē, aut mortem. quæ omnia quisquis non exhorruerit, fortissimus iudicatur. Qui autē Deum metuit, illa uniuersa nō metuit. Ad quod probandū argumentis opus non est. spectatæ sunt enim, spectanturq; adhuc per orbē pœnæ cultorū Dei, in quibus excruciadis noua, & inusitata tormenta excogitata sunt. Nam de mortis generibus horret animus recordari, cum immanium bestiarū, ultra ipsam mortē, carnificina saeuierit. Has tamen execrabiles corporum lacerationes felix, atq; inuicta patientia sine ullo gemitu pertulit. Hæc uirtus omnibus populis, atque prouincijs, & ipsis tortoribus miraculum maximū præbuit, cum patientia crudelitas uinceretur. Atqui hanc uirtutem nihil aliud, quàm metus Dei fecit. Itaque (ut dicebam) non euellendus, ut Stoici, neque temperandus timor; ut Peripatetici uolunt, sed in ueram uiam dirigendus est, auferendiq; sunt metus, sed ita, ut is solū relinquatur. qui quoniam legitimus, ac uerus est, solus efficit, ut possint cætera omnia non timeri. Cupiditas quoq; inter uitia numeratur. sed si hæc, quæ terrena sunt, cōcupiscat, uitium est: uirtus autem, si cœlestia. Qui enim iustitiam, qui Deum, qui uitam perpetuam, qui lucem sempiternā, eaq; omnia, quæ Deus homini pollicetur, cōsequi cupit, opes istas, & honores, & potentatus, & regna ipsa contemnet. Dicet fortasse Stoicus, Volūtate opus esse ad hæc consequenda, non cupiditate. imò uerò parum est uelle.

Multi

Multi enim uolūt, sed cū dolor uisceribus accesserit, uoluntas cedit, cupiditas perseuerat. quæ si efficit, ut cōtemptui sint omnia, quæ à cæteris appetuntur, summa uirtus est, siquidē continentiae mater est. Ideoq; illud potius efficerē debemus, ut affectus, quibus praeuerti, uitium est, dirigamus in rectum. Nam istæ concitationes animorum iuncto currui similes sunt, in quo recte moderando summum rectoris officium est, ut uiam nouerit: quam si tenebit, licet quàm cōcitate ierit, nō offendet. Si autem aberrauerit, licet placidē, ac leniter eat, aut per cōfragosa uexabitur, aut per præcipitia labetur, aut certe, quò nō est opus, deferetur. Sic cursus ille uitæ, qui affectibus, uelut equis perniciousibus ducitur, si uia rectā teneat, fungetur officio. Metus igitur, et cupiditas, si proijciātur in terrā, uitia fient: uirtutes autem, si ad diuina referantur. Parsimoniam contra uirtutis loco habent. quæ si studiū est habēdi, nō potest esse uirtus, quia in augendis, uel tuendis terrestribus bonis tota uersatur. Nos autē summum bonū non referimus ad corpus, sed omne officium solius animæ cōseruatione metimur. Quòd si (ut supra docui) patrimonio minime parcendum est, ut humanitatē, iustitiamq; teneamus, nō est uirtus, frugi esse. quod nomen uirtutis specie fallit, ac decipit. Est enim frugalitas abstinencia quidem uoluptatum, sed cō uitium, quia ex habendi amore descendit, cum sit et uoluptatibus abstinendum, et pecuniæ minime temperandum. Nam parce, id est, mediocriter uti pecunia, quasi quædam pusillitas animi est, aut prætimitis, ne sibi desit, aut desperantis, posse se illam reparare, aut contemptum terrestrium non capientis. Sed illi rursus eum, qui rei familiari suæ non parcat, prodigum uocant. Nam ita liberalē distinguūt à prodigo, quòd is liberalis



ralis sit, qui cibū & benemeritis, & cū oportet, et quan-  
 tum satis est, largiatur: prodigus uerò, qui & nō meritis,  
 & cum opus nō est, & sine respectu rei familiaris effun-  
 dat. Quid ergo? Prodigum ne dicemus eū, qui misericor-  
 dia causa tribuat egentibus uictum? Atqui multū refert,  
 utrū ne scortis propter libidinē largiarc, an miseris pro-  
 pter humanitatē: utrū pecuniā tuā perductores, aleato-  
 res, lenonesq; diripiāt, an illam pietati, ac Deo præstes:  
 utrum ne illā uētri ac gulæ ingeras, an thesauro iustitiæ  
 reponas. Vt ergo uitium est, effundere in malam partem,  
 sic in bonam, uirtus. Si uirtus est, nō parcere opibus, quæ  
 possunt reparari, ut hominis uitam sustētes, quæ reparari  
 non potest: uitii igitur parsimonia est. Quare nihil aliud  
 dixerim, q̃ insanos, qui hominem mūtē, ac sociale animal  
 orbant suo nomine, qui euulsis affectibus, quibus omnis  
 constat humanitas, ad immobilem stuporē mentis perdu-  
 cere uolunt, dum student animū à perturbationibus libe-  
 rare, & (ut ipsi dicunt) quietum tranquillūq; reddere.  
 Quod fieri non tantum nō potest, quia uis, & ratio eius  
 in motu est, sed ne oportet quidē. quia sicut aqua semper  
 iacens & quieta, insalubris & magis turbida est, sic ani-  
 mus immotus ac torpens, inutilis est etiam sibi, nec uitam  
 ipsam tueri poterit, quia nec faciet quicquam, nec cogi-  
 tabit, cum cogitatio ipsa nihil aliud sit, quàm mentis agi-  
 tatio. Denique qui hanc immobilitatem animi asserunt,  
 priuare animum uita uolunt, quia uita actiuosa est, mors  
 quieta. Quædam etiam recte pro uirtutibus habent, sed  
 earum modum non tenent. Virtus est constantia, non, ut  
 inferentibus iniuriam resistamus (his enim cedendum est:  
 quod cur fieri debeat, mox docebo) sed ut iubētib; facere  
 nos contra Dei legem, contraq; iustitiā, nullis minis,

aut supplicijs terreamur, quo minus Dei iussione[m] homi-  
nis iussione[m] præferamus. Item uirtus est, mortem conte-  
mnere, nõ ut appetamus, eãq[ue] ultro nobis inferamus, sicut  
philosophorum plurimi, & maximi sæpe fecerunt, quod  
est sceleratũ, ac nefariũ: sed ut coacti Deum relinquere,  
ac fidem prodere, mortẽ suscipere malimus, libertatemq[ue]  
defendamus aduersus impotentiu[m] stultam uecordemq[ue] uio-  
lentiam, & omnes seculi minas, atq[ue] terrores fortitudine  
animi prouocemus. Sic ea, quæ alij timent, excelsa & in-  
superabili mente, dolorem, mortemq[ue] calcamus. Hæc est  
uirtus, hæc uera est constantia, in hoc tuenda, & consera-  
uanda solo, ut nullus nos terror, nulla uis à Deo possit a-  
uertere. Vera igitur Ciceronis illa sententia est: Nemo,  
inquit, iustus potest esse, qui mortem, qui dolorẽ, qui exi-  
lium, qui egestatẽ timet. Itẽ Senecæ in libris moralis phi-  
losophiæ dicentis, Hic est ille homo honestus, non apice,  
purpuræue, non lictorum insignis ministerio, sed nulla re  
minor: qui cum mortẽ in uicinia uidet, non sic perturba-  
tur, tanquam rem nouã uiderit: qui siue toto corpore tor-  
menta patiendæ sunt, siue flamma ore recipienda est, siue  
extendendæ per patibulũ manus, non quærit quid patia-  
tur, sed quàm bene. Qui autẽ Deũ colit, hæc patitur, nec  
timet. Ergo iustus. His rebus efficitur, ut neque uirtutes,  
neq[ue] uirtutu[m] exactissimos limites nosse, aut tenere possit  
omnino, quisquis est à religione Dei singularis alienus.

De Dei quibusdam mandatis, & patientia.

C A P. X V I I I.

**S**ed omittamus philosophos, q[ui] aut omnino nihil sciũt,  
Sedq[ue] ipsum pro summa scientia præ se ferunt, aut qui  
nõ perspiciunt etiam quæ sciunt: aut qui, quoniam se pu-  
tant scire, quæ nesciunt, inepte, arroganterq[ue] desipiunt.

Nos

Nos ergo (ut ad propositum reuertamur) quibus solis à Deo ueritas reuelata, & cœlitus missa sapiëntia est, faciamus, quæ iubet illuminator noster Deus, sustineamus inuicem, & labores huius uitæ mutuis adiuuentis perferamus: nec tamen siquid boni operis fecerimus, gloriam captemus ex eo. monet enim Deus, operatorem iustitiæ nõ oportere esse iactantem, ne non tam mādatis cœlestibus obsequendi, quàm studio placēdi, humanitatis officio functus esse uideatur, habeatq; iam pretiũ gloriæ, quod captauit, nec præmium cœlestis illius, ac diuinæ mercedis accipiat. Cætera, quæ obseruare cultor Dei debet, facilia sunt, illis uirtutibus comprehensis, ut non mentiatur unquam, decipiendi, aut nocēdi causa. Est enim nefās, eum, qui ueritati studeat, in aliqua re esse fallacē, atq; ab ipsa, quam sequitur, ueritate discedere. In hac iustitiæ, uirtutumq; omnium uia, nullus mendacio locus est. Itaq; uiator ille uerus, ac iustus non dicet illud Lucilianum:

Homini amico, ac familiari non est mentiri mecum:  
sed etiam inimico, atq; ignoto existimabit nõ esse mentiri suũ. nec aliquādo cõmittet, ut lingua interpres animi, à sensu, & cogitatione discordet. Pecuniæ, si quā crediderit, non accipiat usuram: ut & beneficium sit incolume, quod succurrat necessitati, et abstineat se prorsus alieno. In hoc enim genere officij debet suo esse contentus, quem oporteat aliàs ne proprio quidē parcere, ut bonum faciat. plus autē accipere, quàm dederit, iniustũ est. Quod qui facit, insidiatur quodammodo, ut ex alterius necessitate prædetur. At iustus nunquā prætermittet, quo minus aliquid misericorditer faciat, nec inquinabit se huiusmodi quæstu: sed efficiet, ut sine ullo suo damno, id ipsum, quod cõmodat, inter bona opera numeretur. Munus non accipiat

accipiat à paupere, ut si quid ipse præstiterit, eo bonū sit, quo fuerit gratuitum. Male dicēti bene dicto respōdeat, nunquam ipse male dicat, nec uerbū malum procedat ex ore hominis, qui colit uerbum bonū. Quin etiam caueat diligenter, nequādo inimicum sua culpa faciat; & si quis extiterit tam proteruus, qui bono, et iusto faciat iniuriā, clementer, ac moderate ferat, & ultionē suam nō sibi assumat, sed iudicio Dei reseruet. Innocentiam semper, & ubique custodiat. Quod præceptum non ad hoc tantum ualet, ut ipse iniuriam non inferat, sed ut illatam sibi non uindictet. Sedet enim maximus, & æquissimus iudex, speculator, ac testis omnium. Hunc homini præferat, hunc malit de causa sua pronuntiare, cuius sententiā nemo effugere potest nec defensione cuiusquam, nec gratia. Ita fit, ut homo iustus contēptui sit omnibus: & quia putabitur semetipsum defendere non posse, habebitur pro segni, & inertī. Qui autē fuerit ultus inimicum, hic fortis, hic strenuus iudicatur, hunc colunt, hunc omnes uerentur. Bonus uero ille tametsi prodesse omnibus, uel pluribus possit, illum tamē suspiciūt, qui nocere, quā qui prodesse possit. sed iustum prauitas hominum deprauare nō poterit, quo minus Deo studeat obtēperare, malitq; contemni, dūmodo semper boni fungatur officio, mali nunquam. Cicero in iisdē illis officialibus libris, At uero si quis uoluerit, inquit, animi sui cōplicatam notionē euoluere, iā se ipse doceat, eū uirum bonū esse, qui profit quibus possit, noceat nemini, nisi laceßitus iniuria. O quā simplicem, ueramq; sententiam duorum uerborum adiectione corrumpit. Quid enim opus fuerat, adiungere, nisi laceßitus iniuria? ut uitium bono uiro quasi caudam turpißimam apponeret, patientiæq; , quæ omnium uirtutum maxima est, faceret expert

expertem? Nociturum esse dixit bonum uirum, si fuerit laceſſitus. iam ex hoc ipſo boni uiri nomen amittat, neceſſe eſt, ſi nocebit. Non minus enim mali eſt, referre iniuriam, quàm inferre. Nam unde certamina inter homines, unde pugnae, contentionesq; naſcuntur, niſi quòd improbitati oppoſita impatientia, magnas ſepe concitat tempeſtates? Quòd ſi patiētiam, qua uirtute nihil uerius, niſi homine dignius inueniri poteſt, improbitati oppoſueris, extinguetur protinus, tanquam ſi igni aquam ſuperfuderis. Sin autem prouocatrix illa improbitas impatientiam ſibi comparem naſta eſt, tanquam perſuſa olco, tantum excitabit incendium, ut id non flumen aliquod, ſed effuſio cruoris extinguat. Magna itaque patientiae ratio eſt, quam ſapiens homo ademit bono uiro. Vt enim nihil malorum fiat, hæc ſola efficit. quæ ſi detur omnibus, nullum ſcelus, nulla fraus in rebus humanis crit. Quid ergo bono uiro poteſt eſſe tam calamitoſum, tamq; cōtrarium, quàm iræ fræna permittere, quæ illum non modo boni, ſed etiam hominis appellatione diſpolicet? Siquidem nocere alteri, ut ipſe ueriſſime ait, non eſt ſecundum hominis naturam. Nam & pecudes, ſi laceſſas, aut calce, aut cornu repugnant: & ſerpentes, ac fræ, niſi perſequeris, ut occidas, negotium non exhibent: & (ut ad hominum exempla redeamus) imperiti quoq; & inſipientes, ſiquando accipiunt iniuriam, cæco, & irrationabili ſurore ducuntur, & ijs, qui ſibi nocent, uicem retribuere conantur. In quo igitur ſapiēs, ac bonus uir à malis, & inſipientibus diſſert, niſi quòd habet inuictam patientiam, qua ſtulti carent: niſi quòd regere ſe, ac mitigare iram ſuam nouit, quam illi, quia uirtute indigēt, refrænare nō poſſunt? Sed uidelicet hæc illum res ſeſellit, quia cum de

C

uirtute

uirtute quæreretur, in quacūq; cōtentione uinceret, putauit esse uirtutis: nec uidere ullo modo potuit, hominē dolori, & iræ succūbentē, & ijs affectibus indulgentē, quibus debet potius reluctari, & ruentē quācūq; in partem improbitas prouocari, uirtutis officium non tenere. Qui enim referre iniuriā nititur, cū ipsum, a quo laesus est, gestit imitari. Ita qui malum inutatur, bonus esse nullo pacto potest. Duobus igitur uerbis duas uirtutes maximas bono, & sapiētī uiro, innocentia, patiētiamq; detraxit. Sed quia ipse caninā illam faciūdiā (sicut Sallustius ab Appio dictum refert) exercuit, uoluit quoq; hominē canino modo uiuere, ut remordeat lace situs. Quæ retributio cōtumeliæ quā perniciosa sit, & quas edere soleat strages, unde opportunius petetur exemplū, quā ex ipsius doctōris tristissimo casu, qui dū his philosophorū præceptis obtēperare gestit, ipse se perdidit? Quod si lace situs iniuria patiētia tenuisset, si dissimulare, si ferre contumeliā boni uiri esse didicisset, nec illas nobiles orationes alieni titulo inscriptas, impatiētia, & leuitate & insania profudisset: nunquā capite suo rostra, in quibus antē floruerat, cruētasset, nec rēpublicā funditus proscriptio illa deleisset. Sapiētis ergo, ac boni uiri nō est, uelle certare, ac se periculo cōmittere. quoniam & uincere non est in nostra potestate, & est anceps omne certamen: sed est sapiētis, atq; optimi uiri, nō aduersariū uelle tollere, quod fieri sine scelere, ac periculo non potest: sed certamen ipsum, quod fieri & utiliter, & iuste potest. Sūma igitur uirtus habēda patiētia est. qua ut non careret homo iustus, uoluit illū Deus (ut supra dictum est) pro inerte contemni. Nisi enim cōtumelijs fuerit affectus, quantū habeat fortitudinis in scipso cohibēdo, ignorabitur. Si autē lace situs

iniuria

iniuria, lædentem persequi cœperit, uictus est. Si uerò motum illum ratione compresserit, hic planè imperat sibi, & hic regere se potest. Quæ sustentatio sui, recte patientia nominatur. quæ una uirtus omnibus est opposita uitij, & affectibus. Hæc perturbat ac fluctuantem animum, ad tranquillitatem suam reuocat: hæc mitigat, hæc hominem sibi reddit. Ergo quoniam naturæ repugnare impossibile est, & inutile, ut nō commoueamur omnino, prius tamen quàm commotio illa profiliat ad nocendum, quoad fieri potest maturius sopiatur. Præcepit Deus non occidere solem super iram nostram, ne furoris nostri testis abscedat. Deniq; M. Tullius cōtra suum præceptum, de quo paulo antè dixi, obliuionē iniuriarum in magnis laudibus posuit. Spero, inquit Cæsar, qui obliuisci nihil soles, nisi iniurias. Quod si hoc ille faciebat, homo non à cœlesti tantum, sed à publica quoq; ciuiliq; iustitia remotissimus: quāto magis id nos facere debemus, qui immortalitatis uelamine candidati sumus?

De affectibus, eorumq; usu. CAP. XIX.

SToicis, cum affectus ex homine, tanquam morbos conantur euellere, Peripatetici se opponunt: eosq; non modo retinent, sed etiam defendūt: nihilq; in homine esse dicunt, quod non magna ratione, ac prouidentia sit innatum. Recte id quidem, si singularum rerum ueros terminos scirent. Itaque hanc ipsam iram, comitem dicunt esse uirtutis, tãquam nemo possit aduersus hostes fortiter dimicare, nisi fuerit ira concitatus. Quo planè ostendunt, nec quid sit uirtus scire se, nec cur homini tribuerit iram Deus. Quæ si nobis ideo data est, ut ea utamur ad occidendos homines: quid immanius homine, quid similius feris belluis existimandum est, quàm id animal,

C 2 quod



quod ad communionem, & innocētiā Deus fecit? Tres sunt igitur affectus, qui homines in omnia facinora præcipites agunt, ira, cupiditas, libido. Propterea poëta tres furias esse dixerunt, quæ mentes hominum exagitant, iraultionem desyderat, cupiditas opes, libido uoluptates. Sed his omnibus Deus certos limites statuit. quos si transcenderint, maioresq; esse cœperint, necesse est naturam suam deprauet, & in morbos, ac uitia uertantur. Qui autem sint isti limites, non est magni laboris ostēdere. Cupiditas ad ea comparāda nobis data est, quæ sunt ad uitam necessaria: libido ad sobolem propagandam, iræ affectus ad coërcēda peccata eorum, qui sunt in nostra potestate, id est ut arctiore disciplina minor ætas ad probitatē, iustitiāq; formetur. quæ nisi metu cohibeatur, licentia pariet audaciam, quæ ad omne flagitium, et facinus euadet. Itaq; ut ira uti aduersum minores, & iustū est, & necessariū, sic & aduersum pares, & perniciosum est, & impiū. Impiū, quod uiolatur humanitas: perniciosum, quod illis repugnātib; aut perdere necesse est, aut perire. Hæc autem, quā dixi esse rationem, cur homini sit iræ affectus datus, ex ipsius Dei præceptis intelligi potest, qui iubet uti male dictis, & lædentibus nō irascamur: manus autē nostras supra minores semper habeamus, hoc est, ut peccātes eos assiduis uerberibus corrigamus, ne amore inutilli, & indulgentia nimia educētur ad malum, & ad uitia nutriantur. Sed rerum imperiti, & rationis ignari, eos affectus, qui sūt homini ad usus bonos dati, exterminauerunt, & latius, quā ratio postulat, euagantur. Inde iniuste atq; impie uiuitur. Utuntur ira contra pares. hinc dissidia, hinc expulsionēs, hinc bella contra iustitiā nata sunt. Utuntur cupiditate ad congregandas opes. hinc fraudes

fraudes, hinc latrocinia, hinc omnia scelerū genera orta sunt. Utuntur libidine ad capiendas tantum uoluptates. hinc stupra, hinc adulteria, hinc corruptelæ omnes extiterunt. Quicunq; igitur illos affectus intra fines suos redeggerit, quod ignorantes Deum facere non possunt, hic patiens, hic fortis, hic iustus est.

De sensibus, & eorum uoluptatibus brutorum & hominis: deq; oculorum uoluptate & spectaculis.

C A P. X X.

**R**estat, ut contra quinque sensuum uoluptates dicam breuiter. nā & ipsius libri mensura iam modum flagitat. quæ omnes, quoniam uitiosæ, ac mortiferae sunt, uirtute superari, atq; opprimi debent: uel (quod paulò antè dicebam de affectibus) ad rationē suam reuocari. Ceteræ animantes præter unam uoluptatem, quæ ad generandum pertinet, nullam sentiunt. Utuntur ergo sensibus ad naturæ suæ necessitatem. Vident ut appetant ea, quibus opus est ad uitam tuendam. Audiunt inuicem, seq; dignoscunt, ut possint congregari. Quæ utilia sunt ad uictum, aut ex odore inueniunt, aut ex sapore percipiunt, inutilia respuunt, aut recusant. Edendi, ac bibēdi officiū uentris plenitudine metiūtur. Homini uerò solertissimi artificis prouidētia dedit uoluptatem infinitam, & in uitium cadētem, quia proposuit ei uirtutem, quæ cum uoluptate semper, tanquam cum domestico hoste pugnaret. Cicero in Catone maiore, Stupra uerò, inquit, & adulteria, & omne flagitiū nullis excitari alijs illecebris, nisi uoluptatis. Cumq; homini siue natura, siue quis Deus nihil mēte præstabilius dedisset, huic diuino muneri, ac dono nihil tam inimicū, quàm uoluptatem. Nec enim libidine dominante, temperantiæ locum esse, neq; in uoluptatis regno

uirtutem posse consistere. sed è cōtrario Deus iccirco uirtutē dedit, ut expugnaret, ac uinceret uoluptatem: eamq; egredientem fines sibi dados, infra præscriptum cōrce=ret, ne hominem suauitatibus delinitū, atq; captum, ditio=ni suæ subijceret, ac sēpiterna morte multaret. Voluptas oculorum uaria, et multiplex est, quæ capitur ex aspectu rerum, quæ sunt in usu hominū uel natura, uel opere de=lectabiles. Hanc philosophi rectissimè sustulerunt. Aiunt enim multo esse præclarius, & homine dignius, cœlū po=tius quàm cælata intueri, & hoc pulcherrimum opus in=termicantibus astrorum luminibus, tanquā floribus adora=natum, quàm picta, & ficta, & gemmis distincta mirari. Sed cum diserte ad contemptum terrestriū nos exhorta=ti sunt, & ad cœli spectaculum excitauerunt, tamē specta=cula hæc publica non contemnunt. Itaq; his & delectan=tur, & libenter intersunt. Quæ, quoniam maxima sunt iritamenta uitiorum, & ad corrūpendos animos poten=tissimè ualent, tollenda sunt nobis, quia nō modo ad bea=tam uitam nihil conferunt, sed etiam nocent plurimum. Nam qui hominem, quamuis ob merita damnatū, in con=spectu suo iugulari pro uoluptate computat, consciētiam suam polluit, tam scilicet quàm si homicidij, quod sit oc=cultè, spectator, & particeps fiat. Hos tamen ludos no=cant, in quibus humanus sanguis effunditur. Adeò longe ab hominibus secessit humanitas, ut cum animas homi=num interficiant, ludere se opinentur, nocentiores ijs o=mnibus quorum sanguinem uoluptati habent. Quæro nunc, an possint pij, & iusti homines esse, qui constitutos sub ictu mortis, ac misericordiam deprecantes, non tan=tum patiuntur occidi, sed efflagitant, seruntq; ad mortem crudelia, & inhumana suffragia, nec uulncribus satiati,

nec

nec cruore contenti. quin etiam percussos, iacētesq; repti iubent, & cadavera ictibus dissipari, nequis illos simulata morte deludat. Irascuntur etiā pugnantibus, nisi celeriter è duobus alter occisus est, & tanquā humanū sanguinē sitiant, oderunt moras. Alios illis cōpares dari pōt scūt recentiores, ut quamprimum oculos suos satiēt. Hac consuetudine imbuti, humanitatem perdiderunt. Ita q; nō parcunt etiam innocentibus, sed exercent in omnes, quod in malorum trucidatione didicerunt. Huius igitur publici homicidij socios, & participes esse non conuenit eos, qui iustitiæ uiam tenere nituntur. Non enim cum occidere Deus uetat, latrocinari nos tantum prohibet, quod ne per leges quidē publicas licet: sed ea quoq; ne fiant, monet, quæ apud homines pro licitis habētur. Ita neq; militare, iusto licebit, cuius militia est in ipsa iustitia: neq; uero accusare quenquam crimine capitali, quia nihil distat, utrum ne ferro, an uerbo potius occidas, quoniam occisio ipsa prohibetur. Ita q; in hoc Dei præcepto nullā prorsus exceptionē fieri oportet, quin occidere hominē sit semper nefas, quē Deus sanctū animal esse uoluit. Ergo ne illud quidē concedi aliquis existimet, ut recentes natos liceat oblidere, quæ uel maxima est impietas. ad uitā enim Deus inspirat animas, nō ad mortē. Verū homines, ne qd sit facinus, quo manus suas nō polluant, rudibus adhuc, & simplicibus animis abnegāt lucem non à se datam. Expetet uero aliquis, ut alieno sanguini parcant, qui nō parcant suo. sed hi sine ulla cōtrouersia scelerati, & iniusti. Quid illi, quos falsa pietas cogit exponere? Non possunt innocētes existimari, qui uiscera sua in prædam canibus obijciūt, & quantum in ipsis est, crudelius necant, quā si strangulassent. Quis dubitet, quin impius sit, qui alic-

*ne misericordiæ locum nõ tribuit? qui, etiam si cõtingat ei, quod uoluit, ut alatur, addixit certe sanguinẽ suũ uel ad seruitutem, uel ad lupanar. Quæ autem possint, uel soleãt accidere in utroq; sexu, uel per errorẽ, quis nõ intelligit? quis ignorat? Quod uel unius Oedipodis declarat exemplũ, duplici scelere confusum. Tam igitur nefarium est, exponere, quã necare. At enim parricidæ facultatũ angustias cõquerũtur, nec se pluribus liberis educãdis sufficere posse prætẽdunt. quasi uero aut facultates in potestate sint possidentium, aut non quotidie Deus ex diuitibus pauperes, & ex pauperibus diuites faciat. Quare si quis liberos ob pauperiem nõ poterit educare, satius est, ut se ab uxoris cõgressione contineat, quã sceleratis manibus Dei opera corrumpat. Ergo si homicidium facere nullo modo licet, nec interesse omnino conceditur, ne cõscientiam perfundat ullus cruor. siquidẽ populo sanguis ille præstatur. In scenis quoq; nescio an sit corruptela uitiøsior. Nã & comicæ fabulæ de stupris uirginũ loquuntur, aut amoribus meretricum: & quo magis sunt eloquẽtes, qui flagitia illa finxerunt, eo magis sententiarum elegantia persuadent, & facilius in hærent audientiũ memoriæ uersus numerosi, & ornati. Itẽ tragicæ historiæ subiijciunt oculis parricidia, & incesta regum malorũ, & cothurnata scelera demonstrant. Histrionum quoq; impudicissimi motus, quid aliud nisi libidines docẽt, & instigãt? quorum enervata corpora, & in muliebrem incessum, habitumq; mollita, impudicas fœminas inhonestis gestibus mentiuntur. Quid de mimis loquar corruptelarum præferentibus disciplinam? qui docẽt adulteria, dum fingũt, & simulatis crudiunt ad uera? Quid iuuenes, aut uirgines faciant, cum & fieri sine pudore, & spectari libenter ab*

ter ab omnibus cernunt? Admonentur utiq; , quid facere possint, & inflāmantur libidine, quæ aspectu maxime cōcitatur: ac se quisq; pro sexu in illis imaginibus præfigurat: probātq; illa, dum rident, & adherentibus uitijs, corruptiores ad cubicula reuertuntur: nec pueri modo, quos præmaturis uitijs imbui non oportet, sed etiā senes, quos peccare iam non decet, in talem uitiorum semitam dilabūtur. Circensium quoq; ludorū ratio quid aliud habet, nisi leuitatem, uanitatem, insaniam? Tanto nanq; impetu cōcitantur animi in furorē, quanto illic impetu curritur: ut iā plus spectaculi exhibeant, qui spectandi gratia ueniunt, cum exclamare, & efferrī, & exilire cōperint. Vitanda ergo spectacula omnia, nō solum nequid uitiorum peccatoribus insidat, quæ sedata, & pacifica esse debent, sed ne cuius nos uoluptatis consuetudo deliniat, & à Deo, atq; à bonis operibus auertat. Nam ludorum celebrationes, Deorum festa sunt: siquidem ob natales eorum, uel templorum nouorum dedicationes sunt constituti. Et primitus quidem uenationes, quæ uocantur munera, Saturno attributæ sunt, ludi autem scenici Libero, circenses Neptuno. Paulatim uero & cæteris Dijs idem honos tribui cepit, singuliq; ludi numinibus eorum consecrati sunt, sicut Sisinnius Capito in libris spectaculorum docet. Si quis igitur spectaculis interest, ad quæ religionis gratia conuenitur, discessit à Dei cultu, & ad Deos se contulit, quorum natales, & festa celebrauit.

De aurium uoluptatibus, & sacris literis.

C A P.

X X I.

**A**uriū uoluptas ex uocū, & cantū suauitate percipitur, quæ scilicet tā uitiosa est, quā oblectatio illa, de qua diximus, oculorum. Quis enim nō luxuriosum, ac  
C 3 nequam

nequam putet eū, qui scenicas artes domi habeat? Atqui nihil refert, utrum ne luxuriā solus domi, an cum populo exerceas in theatro. Sed iā de spectaculis dictū est. restat unum, quod est nobis expugnādum, ne capiamur ijs, quæ ad sensum intimum penetrant. Nam illa omnia, quæ uerbis carent, id est ærīs, et neruorū suaues soni, possunt facile cōtemni, quia non adherent, nec scribi possunt. Carmen autē compositum, et oratio cum suauitate decipiēs, capit mētes, et quod uoluerit impellit. Inde homines literati cū ad Dei religionem accesserint, ab aliquo imperito doctore fundati minus credunt. Assucti enim dulcibus, et politis siue orationibus, siue carminibus, diuinarū literarum simplicē, cōmunemq; sermonē pro sordido aspernātur. Id enim quærunt, quod sensum demulceat. Persuadet autē quicquid suaue est, et animo penitus, dum delectat, insidet. Num igitur Deus et mentis, et uocis, et linguæ artifex diserte loqui non potest? Imò uero summa prouidentia carere fūco uoluit ea, quæ diuina sunt, ut omnes intelligerent, quæ ipse omnibus loquebatur. Ergo qui ueritati studet, qui non uult se ipse decipere, abijciat inimicas, ac noxias uoluptates, quæ animam sibi uinciant, ut corpus cibi dulces. præferantur uera falsis, æterna breuius, utilia iucundis. Nihil aspectu gratum sit, nisi quod pie, quod iuste fieri uideas, nihil auditu suaue, nisi quod alit animam, melioremq; te reddit. Maximeq; hic sensus non est ad uitium detorquendus, qui nobis ideo datus est, ut doctrinā Dei percipere possemus. Itaq; si uoluptas est, audire cantus, et carmina, Dei laudes canere, et audire, iucundū sit. Hæc est uoluptas uera, quæ comes, et socia uirtutis est. Hæc est non caduca, et breuis, ut illæ, quas appetunt, qui corpori, ut pecudes, seruiūt, sed perpetua, et sine ulla intermissione delectās. Cuius terminos si quis



excesserit, nihilq; aliud ex uoluptate petierit, nisi ipsā uoluptatē, hic mortē meditatur, quia sicut uita ppetua in uirtute est, ita mors ī uoluptate. Qui enī tēporalia maluerit, carebit eternis: q̄ terrena prætulerit, cœlestia nō habebit. De saporis & odoris uoluptatibus. CAP. XXII.

**A**D uoluptates autē saporis, et odoris, qui duo sensus ad solū corpus pertinet, nihil est aliud, quod ā nobis disputetur, nisi fortē quis exigit, ut dicamus, turpe esse sapiēti, ac bono, si uentri, & gulæ seruiat, si unguētis oblitus, ac floribus coronatus īcedat: quod qui facit, utiq; insipiens, ineptus, & nihili est, & quem ne odor quidē uirtutis attigerit. Fortasse quispiā dixerit, Cur ergo illa facta sunt, nisi ut ijs fruamur? At enim iā sæpe dictum est, uirtutē nullā fuisse futurā, nisi haberet quæ opprimeret. Itaq; fecit omnia Deus ad instruēdū certamē rerū duarū. Ergo illecebræ istæ uoluptatū arma sunt illius, cuius opus unū est, expugnare uirtutē, iustitiāq; ex omnibus excludere. His blādimentis, et suauitatibus titillat animas. Scit enim, quia mortis est fabricatrix uoluptas. Nā sicut Deus hominē ad uitam non nisi per uirtutem, ac laborē uocat, ita ille ad mortē per delicias, ac uoluptates. et sicut ad rerū bonū p fallacia mala, sic ad uerū malū p fallacia bona puenitur. Cauenda sunt igitur oblectamēta ista, tāquā laquei, et plagæ, ne suauitudinū mollicie capti, sub ditionē mortis cū ipso corpore redigamur, cui nosmācipauimus.

De tactus uoluptate, & libidine, & matrimonio, & continentia. CAP. XXIII.

**V**ENIO nūc ad eā, quæ percipitur ex tactu, uoluptatē. qui sensus est quidem totius corporis. Sed ego nō de ornāmētis, aut uestibus, sed de sola libidine dicendū mihi puto, quæ maximē coërcenda est, quia maximē nocet. Cū excogitasset Deus duorum sexuū rationem, attribuit ijs,

ut se inuicem appeterent, & coniunctione gauderent. Itaque ardentissimam cupiditatem cunctorum animantium corporibus admiscuit, ut in hos affectus avidissime ruerent, eaque ratione propagari, & multiplicari genera possent. Quæ cupiditas, & appetentia, in homine uehementior, & acrior inuenitur, uel quia hominum multitudinem uoluit esse maiorem, uel quoniã uirtutem soli dedit, ut esset laus, & gloria in coercendis uoluptatibus, & abstinẽtia sui. Scit ergo aduersarius ille noster, quanta sit uis huius cupiditatis, quã quidam necessitatem dicere maluerunt, eamq; à recto, & bono, ad malum, & prauum transfert. Illicita enim desyderia immittit, ut aliena contaminet, quibus habere propria, sine delicto licet. Obijcit quippe oculis iritabiles formas, suggeritq; fomẽta, uitijs pabulum subministrat. tũ intimis uisceribus stimulos omnes cõturbat, & commouet, & naturalẽ illum incitat, atq; inflamat ardorẽ, donec irretitum hominẽ, implicatumq; decipiat. Ac nequis esset, qui pœnarũ metu abstineret alieno, lupanaria quoq; constituit, & pudorem infeliciũ mulierum publicauit, ut ludibrio haberet tã eos, qui faciũt, quã in quas pati, necesse est. Hic obscœnitatibus animas ad sanctitatẽ genitas, uelut in cœni gurgite demersit, pudorẽ extinxit, pudicitia \* fugauit. Idem etiam mares maribus admiscuit, & nefandos coitus contra naturam, contraq; iustitiam Dei machinatus est. sic imbuit homines, & armauit ad nefas omne. Quid enim potest esse sanctum ijs, qui etatem imbecillã, & præsidio indigẽtem, libidini suæ depopulãdam, foedandamq; substrauerint? Non potest hæc res pro magnitudine sceleris enarrari. Nihil amplius istos appellare possũ, quã impios, & parridas: quibus non sufficit sexus à Deo datus, nisi & suum profane, ac petulanter illudant. Hæc ta-

\* pfligauit

men apud illos leuia, & quasi honesta sunt. Quid dicam de ijs, qui abominandam non libidinem, sed insaniam potius exercent? Piget dicere. sed quid his fore credamus, quos non piget facere? & tamen dicendum est, quia fit. De istis loquor, quorum teterrima libido, & execrabilis furor ne capiti quidē parcat. Quibus hoc uerbis, aut qua indignatione tantum nefas prosequar? uincit officiū linguæ, sceleris magnitudo. Cum igitur libido hæc edat opera, & hæc facinora designet, armandi aduersus eā uirtute maxima sumus. Quisquis affectus illos frænare nō potest, cohibeat eos intra præscriptum legitimi tori, ut & illud, quod auidē expetit, assequatur, & tamē in peccatū non incidat. Nam quid sibi homines perditī uolūt? Nempe honesta opera uoluptas sequitur. si ipsam per se appetūt, iusta & legitima frui licet. Quòd si aliqua necessitas prohibebit, tum uerò maxima adhibenda uirtus erit: ut cupiditati continentia reluctetur. Nec tantum alienis toris, quæ attingere non licet, uerum etiam publicis, uulgtisq; corporibus abstinendū, Deus præcepit, docetq; nos, cum duo inter se corpora fuerint copulata, unum corpus efficere. Ita qui se cœno immerserit, cœno sit oblitus necesse est: & corpus quidem cito ablui potest: mens autem contagione impudici corporis inquinata non potest, nisi & longo tempore, & multis bonis operibus, ab ea quæ inhæserit, colluuiione purgari. Oportet ergo sibi quæque præponere, duorum sexuū coniunctionē generandi causa datam esse uiuētibus, eamq; legem his affectibus positam, ut successionē parēt. Sicut autē dedit nobis oculos Deus, nō ut spectemus, uoluptatemq; capiamus, sed ut uideamus propter eos actus, qui pertinent ad uitæ necessitatem: ita genitalem corporis partē, quod nomē ipsum docet, nulla alia causa, nisi efficiendæ sobolis accepimus. Huic diuinæ

legi summa deuotione parendum est. sint omnes, qui se discipulos Dei profitebuntur, ita morati, et instituti, ut imperare sibi possint. Nam qui uoluptatibus indulgent, qui libidini obsequuntur, ij animam suam corpori mancipant, ad mortemque condemnant, quia se corpori addixerunt, in quo habet mors potestatem. Vnusquisque igitur, quantum potest, formet se ad uerecundiam, pudoremque colat, castitatem conscientia, et mente tueatur: nec tantum legibus publicis pareat, sed sit supra omnes leges, qui legem Dei sequitur. Quibus bonis si assueuerit, iam pudebit eum in deteriora descendere. Modo placeant recta, et honesta, quae melioribus iucundiora sunt, quam praua, et inhonesta peioribus. Nondum omnia castitatis officia executus sum, quam non modo Deus intra priuatos parietes, sed etiam praescripto lectuli terminat: ut cum quis habeat uxorem, neque seruam, neque liberam habere in super uelit, sed matrimonio fidem seruet. Non enim, sicut iuris publici ratio est, sola mulier adultera est, quae habet alium: maritus autem, etiam si plures habeat, a crimine adulterij solutus est: sed diuina lex ita duos in matrimonium, quod est in corpus unum, pari iure coniungit, ut adulter habeatur, quisquis compagem corporis in diuersa distraxerit. Nec ob aliam causam Deus, cum ceteras animantes suscepto foetu, maribus repugnare uoluisset: solam omnium mulierem, patientem uiri fecit, scilicet ne foeminis repugnantibus, libido cogeret uiros aliud appetere, eoque facto, castitatis gloriam non tenerent. Sed neque mulier uirtutem pudicitiae caperet, si peccare non posset. Nam quis mutum animal pudicum esse dixerit, quod suscepto foetu mari repugnat? Quod ideo facit, quia necesse est, in dolore, atque in periculum ueniat, si admisserit. Nulla igitur laus est, non facere, quod facere non possis. Ideo

autem pudicitia in homine laudatur, quia non naturalis est, sed uoluntaria. Seruanda igitur fides ab utroq; alteri est, imò exemplo cōtinentiæ, docenda uxor, ut se caste gerat. Iniquū est enim, ut id exigas, quod præstare ipse non possis. Quæ iniquitas efficit profecto, ut essent adulteria, fœminis ægre ferentibus præstare se fidem non exhibentibus mutuā charitatem. Deniq; nulla est tam perditu pudoris adultera, quæ hanc causam non uitij suis prætendat, iniuriā se peccando non facere, sed referre. Quod optime Quintil. expressit: Homo, inquit, neq; alieni matrimonij abstinens, neq; sui custos: quæ inter se uatura cōnexa sunt. Nam neq; maritus circa corrumpendas aliorum coniuges occupatus, potest uacare domesticæ sanctitati: & uxor, cum in tale incidit matrimonium, exemplo ipso incitata, aut imitari se putat, aut uindicare. Cauendum igitur, ne occasionem uitij nostra intemperantia demus: sed assuescant inuicem mores duorum, & iugum paribus animis ferant. Nos ipsos in altero cogitemus. Nam fere in hoc iustitiæ summa cōsistit, ut non facias alteri, quicquid ipse ab altero pati nolis. Hæc sunt, quæ ad continentiam præcipiuntur à Deo. Sed tamen nequis diuina præcepta circumscribere se putet posse, addantur illa, ut omnis calumnia, & occasio fraudis remoueatur: adulterum esse, qui à marito dimissam duxerit: & eum, qui præter crimē adulterij uxorem dimiserit, ut alteram ducat. Dissociari enim corpus, & distrahi Deus noluit. Præterea non tantum adulterium esse uitandum, sed etiam cogitationē, ne quis aspiciat alienam, & animo concupiscat: adulteram enim fieri mentē, si uel imaginem uoluptatis sibi ipsa depinxerit. Mens est enim profecto, quæ peccat, quæ immoderate libidinis fructum cogitatione complectitur. in hac crimen

crimen est, in hac omne delictum. Nam & si corpus nulla sit labe maculatum, non constat tamen pudicitiae ratio, si animus incestus est: nec illibata castitas uideri potest, ubi conscientia cupiditas inquinauit. Nec uero aliquis existimet, difficile esse, frænos imponere uoluptati, eamque uagantem, & errantem, castitatis, pudicitiaeque limitibus includere, cum propositum sit omnibus hominibus, eam uincere: ac plurimum beatam, atque incorruptam corporis integritatem retineant: multique sint, qui hoc caelesti genere uitae felicissime perfruantur. Quod quidem Deus non ita fieri præcepit, tanquam astringat, quia generari homines oportet, sed tanquam sinat. Scit enim quantam his afflictibus imposuerit necessitatem. Siquis hoc, inquit, facere potuerit, habebit eximia, incomparabilemque mercedem. Quod continentiae genus quasi fastigium est, omniumque consummatio uirtutum. Ad quam si quis eniti, atque eluctari potuerit, hunc seruum dominus, hunc discipulum magister agnoscet, hic terram triumphabit, hic erit consimilis Deo, qui uirtutem Dei cepit. Haec quidem difficilia uidentur: sed de eo loquimur, cui calcatis omnibus terrenis, iter in caelum paratur. Nam quia uirtus in Dei agnitione consistit, omnia graua sunt, dum ignores: ubi cognoueris, facilia. per ipsas difficultates nobis excundum est, qui ad summum bonum tendimus.

De poenitentia, uenia, & præceptis Dei.

C A P.

X X I I I I.

**N**ec tamen deficiat aliquis, aut de se ipse desperet, si aut cupiditate uictus, aut libidine impulsus, aut errore deceptus, aut ui coactus, ad iniustitiae uiam lapsus est. Postest enim reduci, ac liberari, si eum poeniteat actorum, & ad meliora conuersus, satisfaciat Deo. quod fieri posse Cicero non putauit, cuius haec in Academico tertio uerba sunt:

Quod

Quòd si liceret ut ijs, qui in itinere deerrauissent, sic uia deuia secutos corrigere errore pœnitendo, felicior esset emēdatio temeritatis. Licet planè. Nā si liberos nostros, cum delictorū suorum cernimus pœnitere, correctos esse arbitramur, & abdicatos, abiectosq; rursus tamen sustē-  
 tamus, suscipimus, fouemus, amplectimur: cur despere-  
 mus, clementiam Dei patris pœnitendo posse placari?  
 Ergo idem dominus, ac parens indulgentissimus remissu-  
 rum se pœnitentibus peccata promittit, & obliteraturū  
 omnes iniquitates eius, qui iustitiā denuo cœperit opera-  
 ri. Sicut enim nihil prodest male uiuenti antè actæ uitæ  
 probitas, quia superueniēs nequitia, iustitiæ opera dele-  
 uit: ita nihil officiūt peccata uetera correcto, quia super-  
 ueniēs iustitia labem uitæ prioris aboleuit. Is enim quem  
 facti sui pœnitet, errorem suum pristinū intelligit. ideoq;  
 Græci melius & significatius μετάνοιαν dicūt, quam nos  
 Latine possumus resipiscentiā dicere. resipiscit enim, ac  
 mentem suam quasi ab insania recipit, quem errati piget,  
 castigatq; seipsum dementiæ, & confirmat animū suum  
 ad rectius uiuendum, tum illud ipsum maxime cauet, ne  
 rursus in eosdem laqueos inducatur. Deniq; muta quoq;  
 animalia, cum fraude capiūtur, si aliquo se modo in fugā  
 extricauerint, fiunt postmodū cautiora, uitantq; semper  
 ea omnia, in quibus dolos, insidiasq; senserūt. Sic hominē  
 pœnitentia cautum, ac diligentem facit ad euitanda pec-  
 cata, in quæ semel fraude deciderit. Nemo enim potest esse  
 tam prudens, tam circumspectus, ut non aliquando laba-  
 tur. Et iccirco Deus imbecillitatem nostram sciens, pro  
 sua pietate aperuit homini portum salutis, ut huic neces-  
 sitati, cui fragilitas nostrā subiecta est, medicina pœnitē-  
 tiæ subueniret. Ergo quicūq; aberrauerit, referat pedē,

D

scq;



seque quamprimum recipiat, ac reformet:

Sed reuocare gradum, superasque euadere ad auras,  
Hoc opus, hic labor est.

Degustatis enim male iucundis uoluptatibus, uix diuelli ab his possunt. facilius recta sequerentur, si carum suauitates non attigissent. Sed si eripiant se male scruituti, condonabitur his omnis error, si errorem suum uita meliore correxerint. Nec lucrari se quisquam putet, si delicti conscius non habebit. scit enim ille omnia, in cuius conspectu uiuimus. nec si uniuersos homines celare possumus, Deum possumus, cui nihil absconditum, nihil potest esse secretum. quod in exhortationibus suis Seneca mirabiliter sententia terminauit. Magnum, inquit, nescio quid, maiusque, quam cogitari potest, numen est, cui uiuendo operam damus. Huic nos approbemus. Nam nihil prodest inclusam esse conscientiam: patemur Deo. Quid uerius dici potest ab eo, qui Deum nossit, quam dictum est ab homine ueræ religionis ignaro? nam et maiestatem Dei expressit, maiorem esse dicendo, quam ut eam cogitatio mentis humanæ capere posset, et ipsum ueritatis attigit fontem, sentiendo, uitam hominum superuacuam non esse, ut Epicurei uolunt, sed Deo ab his operam uiuendo dari, si quidem iuste, ac pie uixerint. Potuit esse uerus Dei cultor, si quis illi monstrasset. ac contempsisset profecto Zenonem, et magistrum suum Socrionem, si ueræ sapientiæ ducem nactus esset. Huic nos, inquit, approbemus. Cælestis prorsus oratio, nisi antecederet ignorantie confessio. Nihil prodest inclusam habere conscientiam, patemur Deo. nullus ergo mendacio, nullus dissimulationi locus est. quia parietibus oculi hominum submouentur: Dei autem diuinitas nec uisceribus submoueri potest, quo minus totum hominem

hominem perspiciat, & norit. Idem in eiusdē operis primo: Quid agis inquit? quid machinaris? quid abscondis? Custos te tuus sequitur. Alium tibi peregrinatio subduxit, aliū mors, aliū uoletudo. hæret hic, quo carere nunquā potes. Quid locū abditū legis, & arbitros remoues? Putas tibi contigisse, ut oculos omnium effugias demens? Quid tibi prodest nō habere cōscium, habenti conscientiam? Nō minus mirabiliter de conscientia, & Deo Tullius: Memincrit, inquit, Deum se habere testem, id est (ut ego arbitror) mentem suam, qua nihil homīni dedit Deus ipse diuinius. Item cum de bono, & iusto uiro loquertur, Itaq; talis uir, inquit, nō modo facere, sed ne cogitare quidem quicquam audebit, quod non audeat prædicare. Purgemus igitur conscientiā, quæ oculis Dei peruia est: & ut ait idem, semper ita uiuamus, ut rationem reddendam nobis arbitremur: putemusq; nos momentis omnibus non in aliquo ( ut ille dixit ) orbis terræ theatro ab hominibus, sed desuper spectari ab eo, qui & iudex, & testis idem futurus est, cui rationem uitæ reposcenti, actus suos inficiari nō licebit. Ergo satius est aut effugere conscientiā, aut nos ipsos ultro aperire animum, & perniciē rescissis uulneribus effundere, quibus nemo alius mederi potest, nisi solus ille, qui gressum claudis, uisum cæcis reddidit, maculata membra purgauit, mortuos excitauit. ille ardorem cupiditatis extinguet, extirpabit libidines, inuidiam distrahet, iram mitigabit: ille reddet ueram, & perpetuam sanitatem. Appetenda est hæc omnibus medicina, quoniā maiori periculo uexatur anima, quā corpus, & quamprimum latentibus morbis adhibēda curatio est. Neq; enim si utatur aliquis oculorum acie clara, membris omnibus integris, firmissima totius corporis ua-

letudine, tamen eum nō dixerim sanū, si cfferatur ira, superbia tumidus infletur, libidini seruiat, cupiditatibus inardescat: sed eum potius, qui ad alienā felicitatē nō attollat oculos, opes non admiretur, alienā mulierē sancte uideat, nihil omnino appetat, nihil cōcupiscat alienum, nō inuideat ulli, nō fastidiat quēquā, sit humilis, misericors, beneficus, mitis, humanus, pax in animo eius perpetua uersetur. ille homo sanus, ille iustus, ille pfectus est. Quisquis igitur his omnibus praeceptis caelestibus obtēperauerit, hic cultor est ueri Dei, cuius sacrificia sunt, māsuetudo animi, et uita innocens, et actus boni. Quae omnia qui exhibet, toties sacrificat, quoties bonum aliquid, ac pium fecerit. Deus enim nō desiderat uictimam neque muſti animalis, neque mortis, ac sanguinis, sed hominis et uirtutis. Ad quod sacrificium neque uerbenis opus est, neque fibris, neque cespitibus, quae sunt utique uanissima: sed ijs, quae de intimo corde proferuntur. Itaque in aram Dei, quae uere maxima est, et quae in corde hominis collocata, coinquinari non potest sanguine, iustitia imponitur, patiētia, fides, innocentia, castitas, abſtinentia. Hic est uerissimus ritus, haec illa lex Dei (ut à Cicerone dictum est) praeclara, et diuina, semper quae recta, et honesta iubet, uetat praua, et turpia. cui parentē sanctissima, ac certissima legi, iuste, ac legitime necesse est uiuere. Cuius legis pauca euidem capita posui, quod sum pollicitus, ea me tantūmodo esse dicturū, quae summū fastigium uirtuti, et iustitiae imposerēt. Siquis uolet cetera omnia comprehendere, ex fonte ipso petat, unde ad nos riuus iste manauit.

De sacrificio, de quo dono Deo digno. CAP. XXV.

**N**Vnc de sacrificio ipso pauca dicemus. Ebur, inquit Plato, nō castū donum Deo. Quid ergo? Picta scilicet

cet & texta pretiosa? imò uerò non castum donum Deo, quicquid surripi, quicquid corrūpi potest. Sed sicut hoc uidit, nō oportere uiuēti offerre aliquid, quod sit ex mortuo corpore: cur illud non uidit, non debere incorporali corporale munus offerri? Quāto melius Seneca, et uerius? Vultis ne uos, inquit, Deū cogitare magnū, & placidū, & maiestate leni uerendū amicū, et semper in proximo? Non immolationibus, & sanguine multo colendū (quæ enim ex trucidatione immerentiū, uoluptas est?) sed mēte pura, bono, honestoq; proposito. Non templa illi congestis in altitudinē saxi extruenda sunt: in suo cuiq; cōsecrādus est pectore. Vestes igitur, gēmas, & cātera, quæ habētur ī pretio, si qs putet Deo chara, is plane, quid sit Deus, nescit, cui putat uoluptati esse eas res, quas etiā homo si quis cōtempserit, iure laudabitur. Quid ergo castū, quid Deo dignū, nisi quòd ipse in illa diuina lege sua poscit? Duo sunt, quæ offerri debeāt, donū, & sacrificiū, donum in perpetuū, sacrificium ad tempus. Verum apud istos, qui nullo modo rationē diuinitatis intelligūt, donū est, quicquid auro, argētoq; fabricatur, item quicquid purpureo, & serico textitur. Sacrificiū est uictima, et quæcūq; in ara cremātur. Sed utroq; nō utitur Deus, quia & ipse incorruptus est, & illud totum corruptibile. Itaque Deo utrunq; incorporale offerendū est, quo utitur. Donū est integritas animi, sacrificiū laus, et hymnus. Si enim Deus non uidetur, ergo his rebus coli debet, quæ nō uidentur. Nulla igitur alia religio est uera, nisi quæ uirtute, ac iustitia constat. Quomodo autē Deus iustitia hominis utatur, intellectu facile est. Si enim iustus fuerit homo, accepta immortalitate in æternum Deo seruiet. Homines autē non nisi ad iustitiam nasci, cum philosophi ueteres, tum

etiam Cicero suspicatur. differens enim de legibus, Sed omnium, inquit, quæ in hominum doctorum disputatione uersantur, nihil est profecto præstabilius, quàm plane intelligi nos ad iustitiã esse natos. Id ergo solum Deo exhibere, atq; offerre debemus, ad quod capiendum nos ipse generauit. Hoc autem duplex sacrificij genus quàm sit uerissimũ, Trismegistus Hermes idoneus testis est. qui nobiscum, id est, cum prophetis, quos sequimur, tam uerbis q̃ re congruit. sicq; de iustitia locutus est: Hoc uerbum, ò fili, adora, et cole: Cultus autẽ Dei unus est, malũ nõ esse. Item in illo sermone perfectio: cum exaudisset Asclepium querentem à filio suo, utrum placeret patri eius, offerri thus, & alios odores ad sacrificium Dei, exclamauit: Bene, bene ò mi nate, ò Asclepi. Est enim maxima impietas, tale quid de uno illo, ac singulari bono in animum inducere. Hæc & his similia huic non conueniunt. Omnium enim quæcunq; sunt, plenus est, & omnium minime indigens. Nos uerò gratias agentes, adoremus. Huius enim sacrificiũ sola benedictio. Et recte. Verbo enim sacrificari oportet Deo, siquidẽ Deus uerbũ est, ut ipse cõfessus est. Summus igitur colendi Dei ritus est, ex ore iusti hominis ad Deum directã laudatio: quæ tamen ipsa ut Deo sit accepta, & humilitate, et timore, et deuotiõẽ maxima opus est, nequis forte integritatis, & innocẽtiæ fiduciã gerẽs, tumoris, & arrogantiæ crimẽ incurrat: eoq; factò, gratiã uirtutis amittat. sed ut sit Deo charus, omniq; macula careat, misericordiã Dei semper imploret: nihilq; aliud precetur, nisi peccatis suis ueniã, licet nulla sint. Siquid aliud desiderauerit, nõ est opus dicto, sciẽti qd uelinus. Siquid ei boni euenerit, gratias agat: siquid mali, satisficiat, & illud sibi ob peccata sua fatcatur euenisse: & nihilo=

minus

nunus etiā in malis gratus agat, et in bonis satisfaciāt: ut idem sit semper & stabilis, & immutabilis, & incōcussus. Nec tantum hoc in templo putet sibi esse faciendū, sed & domi, & in ipso etiā cubili suo. Secū deniq; habeat Deū semper in corde suo consecratum, quoniam ipse est Dei templum. Quod si deo patri, ac domino hac assiduitate, hoc obsequio, hac deuotiōe scrulerit, cōsummata, et perfecta iustitia est, quam qui tenuerit, hic (ut antè testati sumus) Deo paruit, hic religioni, atq; suo officio satisfecit.

L. COELII.

## LACTANTIIFIR

MIANI DIVINARVM INSTITUTIONUM, ADVERSUS GENTEIS, liber Septimus, & ultimus, De diuino Præmio, & ultimo futuro iudicio.

De mundo, ac reprehensio perfidorum.

CAP.

I.



BENE habet, iacta sunt fundamenta, ut ait eximius orator. Verum nos non fundamenta solū iecimus, quæ firma, & idonea essent operi perferendo, sed magnis, robustisq; molibus ædificium totū penè usq; ad summa perduximus. Restat, id quod est multo facilius: uel tegere, uel ornare, sine quo tamen priora opera & inutilia sunt, & ingrata. Nam quid prodest, aut falsis religionibus liberari, aut intelligere ueram? quid aut uanitatem falsæ sapientiæ peruidere, aut, quæ sit uera cognoscere

D 4

scere

scere? Quid inquam prodest cœlestem illam iustitiam defendere? quid cum magnis difficultatibus cultum Dei tenere, quæ est summa uirtus, nisi cum, diuinũ præmiũ beatitudinis perpetuæ subsequatur? de qua nobis est in hoc libro differendũ, ne priora omnia, irrita, & infructuosa uideantur, si hoc, cuius causa illa suscepta sunt, in incertũ relinquamus: nequis forte arbitretur tãtos labores incassum suscipi, dum eorũ cœlesti mercede diffidit: quã Deus statuit ei, qui hæc suauia terræ bona pro sola, nudaq; uirtute contempserit. Satis & huic parti faciamus, cũ testimonijs diuinarum literarum, tum etiam probabilibus argumentis, ut æque clarum sit, & futura præsentibus, & diuina terrenis, & perpetua breuibz esse anteponenda, quoniam temporalia sunt præmia uitiorum, sempiterna uirtutũ. Exponant igitur rationem mundi, ut facile possit intelligi, quando, & quare sit effectus à Deo. quod Platon, qui de mundi fabricatione disseruit, nec scire potuit, nec explicare, quippe qui cœlestem mysterium, quod non nisi prophetis, ac Deo docẽte discitur, ignorabat, ideoq; in perpetuum dixit esse fabricatum. quod longe secus est. quoniam quicquid est solido, ac graui corpore, ut initiũ cepit aliquando, ita finem capiat necesse est. Nã Aristot. cum non uideret, quemadmodum posset tanta rerum magnitudo interire, & hanc præscriptionẽ uellet effugere, semper ait fuisse mundũ, ac semper futurũ. Prorsus nihil uidit, quia quicquid est, necesse est aliquando habuerit principiũ, nec omnino quicquã potest esse, nisi cœperit. Nam cum terram, & aquam, & ignem disperire, cõsumi, extinguiq; uideamus, quæ sunt utiq; mundi partes: intelligitur, id totum esse mortale, cuius mēbra sunt mortalia. Ita fit, ut natũ sit, quicquid potest interire. Sed & omne, quod



quod sub uisum oculorum uenit, & corporale (ut ait Plato) & solubile sit, necesse est. Vnus igitur Epicurus, auctore Democrito, ueridicus in hac re fuit, qui ait, & ortū aliquando, & aliquando esse periturum. Nec tamen rationem ullam reddere potuit, scilicet aut quibus de causis tantum hoc opus, aut quo tēpore resoluatur. Quod quoniam nobis Deus reuelauit, nec cōiecturis id assequimur, sed traditione cōlesti, docebimus sedulò, ut tandē studio-  
sis ueritatis appareat, nec uidisse, nec cōprehendisse philosophos ueritatē, sed ita leuiter odoratos, ut tamē, unde eos odor ille sapientiæ tam suauis, tam iucundus afflarit, nullo modo senserint. Interim necessarium puto, admonere lectores, quod hæc nostra, quæ tradimus, prauæ uitio-  
sæq; mentes aut omnino non intelligent (hebetatur enim acies eorum terrenis cupiditatibus, quæ sensus omnes grauant, imbecillesq; reddunt) aut etiam si intelligent, dissi-  
mulabunt tamen, & hæc uera esse nolent, quia trahuntur à uitijs, & scientes malis suis fauent, quorū suauitate capiuntur, & uirtutis uiam deserunt, cuius acerbitate offenduntur. Nam qui auaritia, & opum inexplebili quadam siti flagrāt, quia non possunt uenditis, aut dilargitis, quæ amant, tenui cultu uitam degere, sine dubio malunt id esse fictum, quo desyderijs suis renuntiare cogūtur. Item qui libidinum stimulis incitati (ut ait poëta) in furias, ignemq; ruunt, utiq; incredibilia nos asferre dicunt, quia uulnerant aures eorum præcepta cōtinentiæ, quæ illos à uoluptatibus suis prohibent, quibus animam suam cum corpore adiudicauerunt. Qui uero ambitione inflati, aut amore potētiæ inflammati, omne studium suum ad honores acquirendos contulerunt, nec si solem quidem ipsum gestemus in manibus, fidem commodabunt ei doctrinæ,

quæ illos iubet, omni potentia, & honore contempto, humiles uiuere, atq; ita humiles, ut & accipere iniuriã possint, & referre nolint, si acceperint. Ii sunt homines, qui contra ueritatẽ clausis oculis quoquomodo latrant. Qui autem sani erunt, id est non ita uitij immersi, ut insaniabiles non sint, & credent his, & libenter accedent, & quæcũq; dicimus, aperta, & plana, & simplicia, & quod maxime opus est, uera, & inexpugnabilia illis uidebuntur. Nemo uirtuti fauet, nisi qui sequi potest: sequi autẽ, non facile est omnibus: ij possunt, quos paupertas, & rerum indigentia exercuit, & capaces uirtutis effecit. Nã si uirtus est tolerantia malorum, non capiunt ergo uirtutem, qui semper in bonis fuerunt: quia mala neq; experti sunt, neq; ferre possunt, assuetudine, ac desyderio bonorũ, quæ sola nouerũt. Eò fit, ut pauperes, et humiles Deo credant facilius, qui sunt expediti: quàm diuites, qui sunt impedimentis plurimis implicati, imò cathenati, & compediti seruiunt ad nutum dominæ cupiditatis, quæ illos inextricabilibus uinculis irretiuit: nec possunt in cœlum aspicere, quoniam mens eorum in terram prona, humiliq; defixa est. Virtutis autem uia non capit magna onera portantes. Angustus admodum trames est, per quem iustitia hominem deducit in cœlum. Hunc tenere non potest, nisi qui fuerit expeditus, & nudus. Nã isti locupletēs multis, & ingentibus sarcinis onerati, per uiam mortis incedunt, quæ latissima est, quoniam late perditio dominatur. His acerbæ sunt, his uenena, quæ Deus ad iustitiã præcepit, quæq; nos Dei magisterio de uirtute, ac ueritate differimus. Quibus si repugnare audebunt, necesse est, hostes se esse uirtutis, iustitiæq; fateantur. Aggrediar nunc, quod superest, ut finis operi possit imponi. Id au-

tem superest, ut de iudicio Dei differamus, quod tum constituitur, cum dominus noster redierit in terram, ut unicuique pro merito aut præmiū persoluat, aut pœnā. Itaque ut in quarto libro de primo aduentu eius diximus, sic in hoc secundū referamus aduentū, quem Iudæi quoque et cōfitentur, et sperāt, sed frustra: quoniā necesse est, ad eos cōsolandos reuertatur, ad quos cōuocandos prius uenerat: nam qui uiolauerunt impie humilē, sentient in potestate uictorē: eaque omnia, quæ legunt, et non intelligunt, Deo repensante patientur: quippe qui peccatis omnibus inquinati, et insuper sancto cruore perfusi, ab illo ipso, cui nefandas manus intulerunt, sint ad æterna supplicia destinati. sed erit nobis contra Iudæos separata materia, in qua illos erroris, et sceleris conuincemus.

De errore philosophorū, & diuina sapientia.

## CAP. II.

**N**unc ignaros ueritatis instruamus. Dispositiōe summi Dei sic ordinatum, ut iniustum hoc seculum, decurso temporum spatio, terminū sumat, extinctaque protinus omni malitia, et piorū animis ad beatam uitam reuocatis, quietū, tranquillū, pacificū, aureum denique (ut poëtæ uocant) seculum Deo ipso regnante floreat. In primis, causa errorū omnium philosophis hæc fuit, quod rationē mundi, quæ totam sapientiam continet, non comprehenderunt. Ea uero sensu proprio, et interna intelligentia nō potest comprehendī. quod illi sine doctore per se ipsos facere uoluerunt. itaque in uarias, sibi que sæpe cōtrarias sententias inciderunt, ex quibus exitum non haberent, et in eodē luto (sicut comicus ait) hæsitauerunt, scilicet assumptionibus eorū non respondente ratione, cum assumpsissent quidē uera, sed quæ affirmari, probari que possent

possent sine scientia ueritatis, rerumq; cœlestiū, quæ (ut  
 sæpe iam dixi) nō potest esse in homine, nisi Deo docete,  
 percepta. Nā si potest homo intelligere diuina, potest &  
 facere. nā intelligere, est quasi è uestigio subsequi. Nō po-  
 test autē facere, quæ Deus, quia mortali corpore indutus  
 est: ergo nec intelligere qdē potest, quæ fecit Deus. Quod  
 aut fieri nō possit, ex immensitate rerū, atq; operū diuino-  
 rum, facile est unicuiq; mctiri. Nā si mundū cū omnibus,  
 quæ sunt in eo, contēplari uelis, intelliges profecto, quan-  
 tū Dei opus humanis operibus antestet. Ita quantū inter  
 opera diuina, & humana interest, tantū distare inter Dei  
 hominisq; sapientiā necesse est. Nam quia Deus incorru-  
 ptus, atq; immortalis est, & ideo perfectus quia sempiter-  
 nus est: sapientia quoq; eius perinde, ut ipse, perfecta est:  
 nec obstare illi quicquam potest, quia nulli rei Deus ipse  
 subiectus est. Homo autē quia subiectus est passioni, subie-  
 cta est & sapiētia eius errori. & sicut hominis uitā mul-  
 tæ res impediūt, quo munus possit esse perpetua, ita sapiē-  
 tiā quoq; eius multis rebus impediri necesse est, quo mi-  
 nus in perspicieda penitus ueritate, perfecta sit. Ergo nul-  
 la est humana sapientia, si per se ad notionem ueri, scien-  
 tiamq; nitatur, quoniā mens hominis cū fragili corpore  
 illigata, & in tenebroso domicilio inclusa, neq; liberius  
 euagari, neq; clarius perspicere ueritatē potest, cuius no-  
 tio diuinæ conditionis est. Deo enim soli opera sua nota  
 sunt. Homo autē nō cogitando, aut disputando assequi eā  
 potest, sed discēdo, et audiēdo ab eo, q sciire solus potest,  
 et docere. Ideo M. Tullius sententiā Socratis de Platone  
 transferens dicentis, Venisse tempus, ut ipse migraret è  
 uita, illos autē, apud quos causam suam perorabat, age-  
 re uitam: Vtrum melius sit, inquit, Dij immortales sciunt,  
 hominem

hominem autem arbitror scire neminem. Quare necesse est omnes philosophiæ sectas, alienas esse à ueritate, quia homines errant, qui eas constituerunt: nec ullum fundamentum, aut firmitatē possunt habere, quæ nullis diuinarum uocum fulciuntur oraculis.

De natura, de mundo, reprehensi præterea

Stoici & Epicurei.

CAP. III.

**E**T quoniam de philosophorum erroribus loquimur, Stoici naturam in duas partes diuidunt: unam, quæ efficiat: alteram, quæ se ad faciendum tractabilem præbeat. In illa prima esse uim sentiēdi, in hac materiam, nec alterū sine altero esse posse. Quomodo potest idem esse, quod tractat, & quod tractatur? Siquis dicat idem esse figulum, quod lutum, aut lutum idem esse, quod figulum, non ne aperte insanire uideatur? At isti uno naturæ nomine duas res diuersissimas comprehendunt, Deum, & mundum, artificem, & opus: dicuntq; alterū sine altero nihil posse, tanquā natura sit Deus mūdo permixtus. Nā interdum sic cōfundunt, ut sit Deus ipse mens mundi, & mundus sit corpus Dei. Quasi uerò simul esse cœperint mundus, & Deus, ac nō ipse mundū fecerit. quod & ipsi fatentur aliās, cum hominū causa prædicant esse fabricatum, & sine mūdo esse, si uelit, possit. siquidē Deus est diuina et æterna mens, corpore soluta, et libera. cuius uim, maiestatemq; quoniam intelligere nō poterāt, miscuerūt cum mūdo, id est, operi suo: Vnde est illud Vergilianum:

—Totamq; infusa per artus

Mens agitat molcm, & magno se corpore miscet.

Vbi est ergo illud, quod iidem ipsi aiunt, & factum esse diuina prouidentia, & regi? Si enim fecit mundum, fuit ergo sine mundo. Si regit, non utique sicut mens corpus regit

regit, sed tanquam dominus domū, nauimq; gubernator, auriga currum. Nec tamen misti sunt ijs rebus, quas regunt. Nam si hæc omnia, quæ uidemus, Dei membra sunt, iam insensibilis ab his constituitur Deus, quoniam membra sensu carēt, & mortalis est, quoniam uidemus mēbra esse mortalia. Possum enumerare, quoties repētinis quassatae motibus uel hiauerint terræ, uel descenderint in abruptum, quoties demersæ fluctibus & urbes, & insule abierint in profundum, frugiferos campos paludes inundauerint, flumina, & stagna siccauerint, montes etiā uel deciderint abrupti, uel planis fuerint adæquati, plurimas regiones, & multorum fundamenta montium, latens, & internus ignis absomit. Et hoc parum est, si membris suis non parcit Deus, nisi etiam homini liceat aliquid in Dei corpus. maria extruūtur, montes exciduntur, & ad cruciandas opes, interiora terræ uiscera effodiūtur. Quid quòd ne arari quidē sine laceratione diuini corporis potest? ut iam scelerati, & impij simus, qui Dei membra uiolamus. Patitur ne ergo uexari corpus suū Deus, & debile se uel ipse facere, uel ab homine fieri sinit? nisi forte diuinus ille sensus, qui mundo, & omnibus mūdi partibus permixtus est, primā terræ faciem reliquit, ac se in ima demersit, ne quid doloris de assidua laceratione sentiret. Quòd si hoc uanum, & absurdum est, tam igitur ipsi eguerunt, quā hæc indigent sensu, qui non perspexerunt, diuinū quidem spiritum esse ubiq; diffusum, eoq; omnia cōtineri, non tamen ita, ut Deus ipse, qui est incorruptus, grauib, & corruptibilibus elementis misceatur. Illud ergo rectius, quod à Platone sumpserunt, à Deo factū esse mundū, & eiusdem prouidentia gubernari. Oportebat igitur et Platonē, & eos, qui idē senserūt, docere atq; explicare, quæ

causa

causa, quæ ratio fuerit tanti operis fabricandi, quare hoc, aut cuius gratia fecerit. At iisdem Stoici, hominū, inquiunt, causa mundus effectus est. Audio. Sed Epicurus ignorat, ipsos homines quare, aut quis effecerit. Nam Lucretius, cum diceret mundum non esse à dijs constitutum, sic ait:

Dicere porro hominum causa uoluisse parare  
Præclaram mundi naturam. Deinde intulit,  
Desipere est. quid enim immortalibus, atq; beatīs  
Gratia nostra queat largiri emolumentī,

Vt nostra quicquam causa gerere aggrediantur?  
Et merito. Illi enim nullā rationē afferebāt, cur humanū genus uel creatū, uel constitutū esset à Deo. Nostrū hoc officiū est, sacramentū mūdi, et hominis exponere, cuius illi expertes, sacrariū ueritatis nec attingere, nec uidere potuerunt. Ergo (ut paulo antè dicebam) cum assumpsissent id, quod erat uerū, id est, mundum à Deo factum, et hominū causa esse factū: tamen, quoniā eos in cōsequētibz ratio defecit, non potuerunt defendere id, quod assumpsērāt. Deniq; Plato, ne Dei opus imbecillum, et ruinōsum faceret, in æternum dixit esse mansurū. Si hominū causa factus est, et ita factus est, ut esset æternus, cur ergo ipsi, quorū causa factus est, non sunt sempiterni? Si mortales, propter quos factus est, ergo et ipse mortalis, atq; solubilis. Neq; enim plurius est ipse, quā iij, quorum gratia factus est. Quod si ei ratio quadraret, intelligeret periturum esse, quia factus est: nec posse in æternū manere, nisi quod tangi non potest. Qui autem negat hominum causa factum, hic nullā rationē tenet. Si enim dicit, ipsum fabricatorē sua causa tantū hæc opera esse molitum, cur ergo nos nati sumus? Cur mundo ipso fruimur? Quid sibi uult humani generis, cæterorumq; animantiū fictio? Cur alie-



na commoda intercipimus? Cur deniq; augemur, minui-  
mur, interimus? Quid habet rationis ipsa generatio? quid  
perpetua successio? Nimirum uideri Deus uoluit, & suis  
uarijs imaginibus tanquā sigilla cōfingere, quibus se oble-  
taret, & nihilo minus tamē, si ita esset, curā haberet ani-  
mantes, præcipueq; hominē, cuius imperio cuncta subie-  
cit. Qui autē dicunt semper fuisse mundum, omitto illud,  
quod esse ipsum sine aliquo principio non potest, unde se  
extricare nequeunt: sed hoc dico, si mundus semper fuit,  
nullam potest habere rationem. Quē enim potuit in eo ra-  
tio moliri, quod nūquam sumpsit exordium? Nam prius,  
quā fiat aliquid, aut struatur, opus est consilio, ut dispo-  
ni possit, quemadmodum fiat: nec incipi quicquam po-  
test, sine pronissione rationis. Itaq; omne opus ratio præ-  
cedit. Non habet ergo rationem, quod factum non est.  
Atqui mundus rationem habet, qua & constat, & regi-  
tur. ergo & factus est. si factus est, & resoluetur. Reddāt  
ergo isti rationem, si possunt, cur aut factus in principio  
sit, aut postea resoluatur. Quod quia docere nō poterat  
Epicurus, siue Democritus, sua sponte natum esse dixit,  
seminibus inter se passim coeuntibus, quibus iterum reso-  
lutis, dissidium, atque interitum secuturum. Corrupt er-  
go, quod recte uiderat, & totam rationem penitus igno-  
rantia rationis evertit; redegitq; mundū, & omnia, quæ  
in eo geruntur, ad similitudinem cuiusdam uanissimi so-  
nii, siquidem rebus humanis ratio nulla subsistat. Cum  
uero mundum, omnesq; partes eius, ut uidemus, mirabilis  
ratio gubernet, cum cæli temperatio, & æqualis in ipsa  
uarietate cursus astrorum, luminumq; cœlestium, tēpo-  
rum constans ac mira descriptio, terrarum uaria fœcun-  
ditas, plana camporum, munimēta, & aggeres mōtium,  
uirid

viriditas, ubertasq; sylvarum, fontium saluberrima eruptio, fluminum opportuna inundatio, maris opulenta, & copiosa interfusio, uentorum diuersa, & utilis aspiratio, ceteraq; omnia ratione summa constet: quis tam cæcus est, ut existimet sine causa esse facta, in quibus mira dispositio prouidentissimæ rationis elucet? Si ergo sine causa nec est, nec sit omnino quicquam: si & prouidentia summi Dei, ex dispositione rerum, & uirtus, ex magnitudine, & potestas, ex gubernatione manifesta est: hebetes ergo, & insani, qui prouidentiam non esse dixerunt. non improbarem, si Deos iccirco non esse dicerent, ut unum dicerent: cum autem ideo, ut nullum, qui eos delirasse non putat, ipse delirat.

De homine, & mundo.

CAP. IIII.

**S**ed de prouidentia satis in primo libro diximus, quæ sit, ut apparet, ex mirabilitate operum suorum, necesse est, etiam hominem, ceterasq; animantes eadem prouidentia creauerit. Videamus ergo, quæ ratio fuerit fingendi generis humani, quoniam constat, id quod Stoici aiunt, hominū causa mundum esse fabricatum. quāquam in hoc ipso non mediocriter peccent, quod non hominis causa dicunt, sed hominum. Vnius enim singularis appellatio totum comprehendit humanū genus. Sed hoc ideo, qui a ignorant unum hominem à Deo esse formatum, putantq; homines in omnibus terris, & agris, tanquam fungos esse generatos. At Hermes non ignorauit hominē & à Deo, & ad Dei similitudinem fictum. sed redeo ad propositum. Nihil est (ut opinor) quod sit propter seipsum factū: sed quicquid omnino fit, ad usum aliquem fieri necesse est. Quis est enim uel tam ineptus, uel tam otiosus, ut aggrediatur aliquid facere frustra, ex quo nullā utilitatē, nullū

E commod

commodum speret? Qui domum aedificat, non ideo aedificat, ut tantummodo domus sit, sed ut in ea possit habitari. Qui nauem fabricat, non ideo insumit operam, ut tantum nauis appareat, sed ut in ea nauigetur. Item qui uas aliquod instituit, ac format, non propterea id facit, ut tantum fecisse uideatur, sed ut uas illud esse cui capiat aliquid necessarium. Similiter cetera, quaecumque fiunt, non utique in superuacuum, sed ad usus aliquos utiles laborantur. Mundus igitur a Deo factus est, non utique propter ipsum mundum: neque enim aut calore Solis, aut Lunae lumine, aut aspiratione uentorum, aut humore imbrium, aut alimonia frugum, cum sensu careat, indiget. Sed ne illud quidem dici potest, quod Deus propter seipsum fecerit mundum, quoniam potest esse sine mundo, sicut fuit antea, et his omnibus, quae in eo sunt, quaeque generantur, Deus ipse non utitur. Apparet ergo, animantium causa mundum esse constructum, quoniam rebus his, quibus constat, animantes fruuntur: quae ut uiuere, ut constare possent, omnia his necessaria temporibus certis subministrantur. Rursum ceteras animantes hominis causa esse factas, ex eo clarum est, quod homini seruiunt, et tutelae eius, atque usibus data sunt: quoniam siue terrena sunt siue aquatiles, non sentiunt mundi rationem sicut homo. Respondendum est hoc loco philosophis, maximeque Ciceroni, qui ait: Cur Deus omnia nostri causa cum faceret, tantam uim natricum, uiperarumque fecerit? cur tam multa pestifera terra, marique disperserit? Ingens ad disputandum locus, sed ut in transcurso breuiter stringendus est. Quoniam homo ex rebus diuersis, ac repugnantibus configuratus est, animo, et corpore, id est caelo, atque terra, tenui, et comprehensibili, aeterno, ac temporali, sensibili, atque bruto, luce praedito, atque tenebroso: ipsa ratio, ac necessitas exigebat et bona

et bona homini proponi, et mala: bona, quibus utatur: mala, quæ uitet, et caueat. Iccirco enim data est illi sapientia, ut cognita bonorum, malorumque natura, et in appetendis bonis, et malis declinâdis, uim suæ rationis exerceat. Nam cæteris animalibus quia sapientia non data est, et munita indumentis naturalibus, et armata sunt. homini autem pro his omnibus, quod erat præcipuum, rationē solā dedit. Itaque nudum formauit, et incrimem, ut cū sapientia et muniret, et tegeret. Munimenta, et ornatum eius non foris, sed intus, non in corpore, sed in corde cōstituit. Nisi ergo esset mala, quæ cauere, quæ à bonis, utilibusque distinguere, non esset ei sapientia necessaria. Sciat ergo M. Tullius, aut ideo datā homini esse rationem, ut et pisces caperet usus sui gratia, et natrices, uiperasque uitaret salutis suæ causa: aut iccirco ei bona, malaque proposita, quia sapientiam acceperat, cuius uis omnis in discernendis bonis, malisque uersatur. Magna igitur, et recta, et admirabilis est uis, et ratio, et potestas hominis, propter quæ, mundum ipsum, et uniuersa, quæcūque sunt, Deus fecit: tantumque illi honoris habuit, ut eum præficeret uniuersis, quoniam solus poterat Dei opera mirari. Optime igitur Asclepiades noster de prouidentia summi Dei disserēs, in eo libro, quem scripsit ad me: Atque ideo, inquit, merito quis arbitretur, proximum sibi locum diuinam prouidentiam dedisse ei, qui potuerit intelligere ordinationē suā. Nam sol iste est, quis eum uidet ita, ut intelligat, quia sol est, et quantum gratiæ afferat cæteris institutis? hoc cœlum est, quis id suspicit? terra hæc, quis eam colit? hoc pelagus, quis nauigat? hic ignis est, quis eo utitur? Instituit ergo summus Deus non propter se, quia nihilo eget, sed propter hominem, qui his congruenter uteretur.

De hominis creatione, & dispositione mundi: deq; summo bono.

CAP. V.

**R**Eddamus nunc rationem, quare hominē ipsum fecerit. quod si Philosophi scissent, aut defendissent illa, quae uera inuenerant, aut in maximos errores nō incidissent. Hæc enim summa, hic cardo rerum est. quem qui nō tenuerit, ueritas illi omnis elabitur. Hoc est deniq; quod efficiat illis nō quadrare rationem. quæ illis si affulsisset, si sacramentum hominis omne cognouissent: nūquam disputationes eorum, et omnem philosophiam de trāsuerso Academia iugulasset. Sicut ergo mundum non propter se Deus fecit, quia cōmodis eius nō indiget, sed propter hominem, qui eo utitur: ita ipsum hominē propter se. Quæ utilitas Deo in homine, inquit Epicurus, ut eū propter se faceret? Scilicet ut esset qui opera eius intelligeret, qui p̄uidentia disponendi, rationē faciendi, uirtutē cōsummandi et sensu admirari, et uoce proloqui posset. Quorū omnium summa hæc est, ut Deū colat. Is enim colit, qui hæc intelligit: is artificē omnium rerum, is uerum patrē suum debita ueneratione p̄sequitur, qui uirtutē maiestatis eius de suorū operū inuētiōe, inceptiōe, perfectione metitur. Quod planius argumentū proferri potest, et mundū hominis, et hominē sua causa Deum fecisse, quā quod ex omnibus animalibus solus ita formatus est, ut oculi eius ad cælū directi, facies ad Deum spectans, uultus cum suo parēte cōmunis sit, ut uideatur q; hominē Deus, quasi porrecta manu alluciatum ex humo, ad cōtemplationē sui excitasse. Quid ergo, inquit, Deo cultus hominis cōfert, beato, et nulla re indigēti? uel si tātum honoris homini habuit, ut ipsius causa mundū fabricaret, ut instrueret eū sapientia, ut dominū uiuentiū faceret, cumq; diligeret tanquam filium

filiū, cur mortalem, fragilemq; constituit? cur omnibus malis, quē diligebat, obiecit? cum oporteret et beatū esse hominē tanquam coniunctū, et proximum Deo, et perpetuum, sicut est ipse, ad quem colēdum, et contēplandū figuratus est. Quāquam hæc fere in prioribus libris sparsim docuimus: tamē, quoniam proprie id materia nūc exigit, quia de uita beata discere propositum est, explicāda sūt ista diligētius, et plenius, ut dispositio Dei, et opus, uoluntasq; noscatur. Cū posset semper spiritibus suis immortalibus innumerabiles animas pcreare, sicut angelos genuit, quibus immortalitas sine ullo malorū periculo, ac metu constat: excogitauit tamē inenarrabile opus, quemadmodum infinitam multitudinem crearet animarū, quas primo fragilibus et imbecillis corporibus illigatas, cōstitueret inter bonum, malumq; medias, ut constantibus ex utrisq; naturis uirtutē proponeret, ne immortalitatē delicate assequerentur, ac molliter, sed ad illud æternæ uitæ ineloquibile præmiū summa cum difficultate, ac magnis laboribus peruenirēt. Ergo ut eas grauibus, et nexibilibus membris indueret, quoniam cōsistere in medio inani non poterāt, ponderibus, et grauitate corporis deorsum premente, sedem illis, ac domicilium primo condendū esse decreuit. Itaq; ineffabili uirtute, ac potētia præclara mūdi opera molitus est, suspensis in altitudinem leuibus elementis, et grauibus in ima depressis, et cœlestia firmauit, et terrena constituit. Non est necesse nunc exequi singula, quoniam in secundo libro ūniuersa executi sumus. Lūmina igitur posuit in cœlo, quorū moderationes et claritates, et motus aptissime ad utilitates uiuentium tēperauit. Terræ autem, quam sedem uoluit esse, fecunditatē uaria gignendi, ac proferendi dedit, ut ubertate frugum, et

herbarum, uiuentium pro natura, & usu, cuiq; generi alimoniam administraret. Tum perfectis omnibus, quae ad conditionem mundi pertinebant, hominem finxit ex ipsa terra, quam illi à principio in habitaculum prae parauit. id est spiritum suum terreno corpore induit, & inuoluit, ut & compactus ex rebus diuersis, ac repugnantibus, bonum, ac malum caperet: & sicut terra ipsa secunda est ad fruges parandas, ita corpus hominis: quod assumptum est terra, generandi copiam, facultatemq; procreandae sobolis accepit: ut quoniam fragili materia formatus, in aeternum manere non poterat, praeterito temporalis uitae spatium cederet, & illud, quod fragile, atque imbecillum gerebat, perpetua successione renouaret. Cur igitur eum mortalem finxit, & fragilem, cum illius causa mundum edificasset? Primum ut infinita uis animarum gigneretur, omnemq; terram multitudinem oppleret: deinde ut proponeret homini uirtutem, id est tolerantiam malorum, ac laborum, per quam posset praemium immortalitatis adipisci. Nam quia homo ex duabus rebus constat, corpore, atq; anima, quorum alterum terrenum est, alterum caeleste, duae uitae homini attributae sunt: una temporalis, quae corpori assignatur: altera sempiterna, quae animae subiacet. Illam nascendo accepimus, hanc assequimur laborando: ne immortalitas homini (ut antea diximus) sine ulla difficultate constaret. Illa terrena est, sicut corpus, et ideo finitur. haec uero caelestis, sicut anima, & ideo terminum non habet. Illam primam nescientes accepimus: hanc secundam scientes. uirtuti enim, non naturae datur, quia uoluit nos Deus uitam nobis in uita comparare. Idcirco hanc praesentem dedit, ut illam ueram, & perpetuam aut uitae amittamus, aut uirtute mereamur. In hac corporali non est summum bonum: quoniam sicut necessi-

tate



tate diuina nobis data est, ita rursum diuina necessitate soluitur. Ita quod finē habet, summum bonum nō habet, In illa uero spiritali, quam per nos ipsi acquirimus, summum bonum continetur: quia nec malum potest habere, nec finem. cuius rei argumentum natura, & ratio corporis præbet. Cætera nanque animalia in humum uergunt, quia terrena sunt, nec capiūt immortalitatē, quæ de cælo est. Homo autem rectus in cælum spectat, quia proposita illi est immortalitas: nec tanē uenit, nisi tribuatur homini a Deo. Nam nihil interesset inter iustum, & iniustum, si quidē omnis homo natus, immortalis fieret. ergo immortalitas nō sequela naturæ, sed merces, præmiūq; uirtutis est. Denique homo nō statim, quam natus est, rectus ingreditur, sed quadrupes primo, quia ratio corporis, & huius præsentis uitæ cōmunis est nobis cum mutis animalibus: post deinde confirmatis uiribus erigitur, & lingua eius in eloquium soluitur, & mutum animal esse desinit. Quæ ratio docet, mortalem nasci hominē, postea uero immortalē fieri, cum cœperit ex Deo uiuere, id est iustitiam sequi, quæ cōtinetur in Dei cultu, cum excitauerit hominem Deus ad aspectū cæli, ac sui. Quod tum fit, cū homo cælesti lauacro purificatus, exponit infantiam cum omni labe uitæ prioris, & incremento diuini uigoris accepto, fit homo perfectus, ac plenus. Ergo quia uirtutem proposuit homini Deus, licet anima, & corpus consociata sint, tamen contraria sunt, & impugnant inuicem. Animi bona, mala sunt corporis, id est opum fuga, uoluptatū interdictio, doloris, mortisq; contemptus. Item corporis bona, mala sunt animi, hoc est cupiditas, & libido, quibus & opes appetuntur, & suauitates uariarū uoluptatum, quibus enervatus animus extinguitur. Ideo necesse est, iustū,

et sapientem in omnibus malis esse, quoniam malorum uir-  
 trix est fortitudo, iniustos autem in diuitijs, in honore, in  
 potestate. Hæc enim bona corporalia, et terrena sunt.  
 Illi autem terrenam uitam agunt, nec assequi immortalitatem  
 queunt, quia se uoluptatibus dederunt, quæ sunt uirtutis  
 inimicæ. Itaque uita hæc temporalis illi æternæ debet esse  
 subiecta, sicut corpus animæ. Quisquis ergo animæ uitam  
 maluerit, uitam corporis contemnat, necesse est: nec aliter  
 eniti ad summum bonum poterit, nisi, quæ sunt ima, despe-  
 xerit. Qui autem corporis uitam fuerit amplexus, et cu-  
 piditates suas in terram deiecerit, illam superiorem uitam  
 consequi non potest. Sed qui mauult bene uiuere in æter-  
 num, male uiuet ad tempus, et afficietur omnibus mole-  
 stijs, et laboribus, quandiu fuerit in terra, ut habeat diui-  
 num, et cœlestē solatiū. Et qui maluerit bene uiuere ad  
 tempus, male uiuet in æternū. damnabitur enim sententia  
 Dei ad æternam poenam, quia cœlestibus bonis terrena  
 preposuit. Propterea igitur coli se Deus expetit, et ho-  
 norari ab homine tanquam pater, ut uirtutem, ac sapien-  
 tiam teneat, quæ sola immortalitatem parit. Nam quia  
 nullus alius præter ipsum donare eam potest, quia solus  
 possidet pietatem hominis, qui Deum honorauerit, hoc af-  
 ficietur præmio, ut sit in æternum beatus, sitque apud  
 Deum, et cum Deo semper. \* Neque nunc aliquis eò  
 confugiat, ut dicat ad ipsius culpam pertinere, qui et bo-  
 num instituit, et malum. Cur enim malum uoluit esse, si id o-  
 dio habet? Cur non bonum tantum fecit, ut nemo peccaret, ne-  
 mo faceret malum? Quanquam hoc in omnibus fere priori-  
 bus libris docuerim, et id iam superius quamuis leuiter at-  
 tigerim: tamen subinde admonendum est, quia omnis ratio  
 in eo posita est. Nulla enim uirtus esse poterat, nisi diuer-  
 sa fecis-

ſa feciſſet. nec omnino apparere uis boni poteſt, niſi ex  
 mali cōparatione. Adeo malum nihil aliud eſt, quā boni  
 interpretatio. Sublato igitur malo, etiam bonū tolli ne-  
 ceſſe eſt. Si leuam manū, aut pedē amputaueris, nec cor-  
 pus erit integrū, nec uita ipſa conſtabit. Adeo ad cōpagē  
 corporis temperandā, aptiſſime cū dextris ſiniſtra iungū-  
 tur. Item ſi pareis calculos feceris, nemo ludet. Si unū co-  
 lorē circo dederis, nemo ſpectandū putabit, ſublata omni  
 circenſium uoluptate. Quos proſeſto qui prius inſtituit,  
 amator unius coloris fuit, ſed alterū ei, quaſi æmulū po-  
 ſuit, ut poſſet eſſe certamen, & aliqua in ſpectaculo gra-  
 tia. Sic Deus quū bonum conſtitueret, quū uirtutem da-  
 ret, ſtatuit etiā diuerſa, cum quibus illa cōſligerēt. Si de-  
 ſit hoſtis, & pugna, nulla uictoria eſt. Tolle certamen, ne  
 uirtus quidē quicquam eſt. Quā multa ſunt hominū in-  
 ter ſe, & quā uarijs artibus cōſtituta certamina. Nemo  
 tamen fortior, uelocior, præſtantior haberetur, ſi aduerſa-  
 rium, cū quo cōtenderet, nō haberet. Vnde autē abeſt ui-  
 ctoria, abeſſe hinc & gloriam ſimul, & præmiū, neceſſe  
 eſt. Vt igitur uirtutem ipſam exercitatione aſidua robo-  
 raret, eamq; faceret de malorum cōſlictatione perfectam,  
 utrunq; ſimul dedit, quia utrūq; ſine altero retinere uim  
 ſuam non poteſt. Ergo diuerſitas eſt, cui omnis ratio ueri-  
 tatis innititur. Non me præterit, quid hoc loco à peritio-  
 ribus poſſit opponi. Si bonum ſine malo eſſe non poteſt,  
 quomodo primū hominē dicis ante offenſum Deū in ſolo  
 bono fuiſſe, aut poſtea in ſolo bono futurū? Diſcutiēda no-  
 bis hæc quæſtio eſt: quod in prioribus libris prætermiſi,  
 ut hic implerē. Diximus ſuperius, ex clemētis repugnāti-  
 bus hominis cōſtare naturā. Corpus enim, quæ terra eſt,  
 cōprehenſibile eſt, tēporale, brutū, atq; tenebroſum eſt.

Anima uerò, quia de cælo est, tenuis, æterna, scnsibilis, illustris est. Quæ quia inter se cōtraria sunt, necesse est, hominē bono, & malo esse subiectū. Animæ adscribitur bonum, quia dissolubilis est: corpori malū, quia fragile est. Quoniam igitur sociata, et cōiuncta sunt corpus, & anima: æque bonū, & malum cohæreat, necesse est: nec separari alterutro possunt, nisi quū illa separata sunt. Deniq; boni, maliq; notitia simul homini primo data est. Quæ percepta, statim de loco sancto pulsus est, in quo malū nō est. Vbi cum esset in bono tantū, id ipsum bonū esse, ignorabat. Postquam uerò accepit boni, maliq; intelligentiā, iam nefas erat, eum in beatitudinis loco morari: relegatusq; est in hunc communē orbem, ut ea utraq; simul experiretur, quorum naturam pariter agnouerat. Apparet ergo idcirco datā esse homini sapientiā, ut bonum discernerat a malo: ut ab incōmodis cōmoda: ab inutilibus utilia distinguat: ut habeat iudiciū, & considerantiā, quid cauere, quid appetere, quid fugere, quid sequi debeat. Sapientia igitur cōstare sine malo nō potest. uixitq; ille princeps generis humani, quā diu in solo bono fuit, uelut infans, boni, ac mali nescius. At enim postea hominē necesse est & sapientē esse, & sine ullo malo beatū. Sed id fieri nō potest, quandiu anima domicilio corporis induta est. Quū uerò factū fuerit corporis, animæq; dissidium, tūc malū a bono separabitur. Et sicut corpus interit, anima manet, ita malum interibit, & bonū permancbit. Tūc homo accepto immortalitatis indumēto, crit sapiens, expers mali, sicut Deus. Qui ergo uult nos in bono esse tantum, id potissimum desiderat, ut sine corpore uiuamus, in quo est malum. Quod si tollatur, aut sapientia homini, ut dixi, aut corpus adimetur: sapientia, ut ignoret malum: corpus,

ut non

ut non sentiat. Nunc autem quum homo & sapientia sit instructus, ut sciat: & corpore, ut sentiat: utrūq; pariter in hac uita Deus esse uoluit, ut ratio uirtutis, sapientiæq; cōstaret. Posuit itaq; hominē inter utrunq; medium, ut haberet licentiam uel mali, uel boni sequēdi. Sed malo admiscuit apparentia quædā bona, id est uarias, & delectabiles suauitates, ut earum illecebris induceret hominē ad latens malum. Bono autem admiscuit apparentia quædam mala, id est, ærumnas, & misérias, & labores, quorum asperitate, ac molestia offensus animus refugeret à bono latenti. Hic ergo sapientiæ officium desideratur, ut plus mente uideamus, quàm corpore: quod pauci admodum facere possunt: quia & uirtus difficilis, ac rara est, & uoluptas communis, ac publica. Ita necesse est, sapientē pro stulto haberi: qui dum appetit bona, quæ non cernuntur, dimittit è manibus, quæ uidentur: et dum uitat mala, quæ non aspiciuntur, incurrit in mala, quæ ante oculos sunt. Quod accidit nobis, cum neq; cruciatum, neque mortem pro fide recusamus, quando ad summum nefas compellimur, ut prodita fide, atq; abnegato Deo uero, Dijs mortuis, mortiferisq; libemus. Hæc ratio est, cur hominē Deus & mortalem fecerit, & malis subiecerit: licet ipsius causa mundum ædificasset, scilicet ut uirtutem caperet, & ei uirtus sua immortalitatem daret. Virtus autem, sicut ostendimus, ueri Dei cultus est.\*

## De cultu Deorum.

## CAP. VI.

**N**Vnc totam rationem breui circumscriptione signemus: iccirco mundus factus est, ut nascamur: ideo nascimur, ut agnoscamus factorem mundi, ac nostri Deum: ideo agnoscimus, ut colamus: ideo colimus, ut immortalitatem pro laborū mercede capiamus, quoniā maximis laboribus

ribus cultus Dei constat: ideo præmio immortalitatis affici-  
 mur, ut similes angelis effecti, summo patri ac Domino  
 in perpetuum seruiamus, et simus æternum Deo regnum.  
 Hæc summa rerum est, hoc arcanum Dei, hoc mysterium  
 mundi: à quo sunt alieni, qui sequentes præsentem uolu-  
 ptatem terrestribus, et fragilibus se bonis addixerunt, et  
 animas ad cœlestia genitas, suauitatibus mortiferis, tan-  
 luto, cœno uē demerserunt. Queramus nunc uicissim, an  
 in cultu Deorum ratio ulla subsistat. qui si multi sunt, si  
 ideo tantū ab hominibus coluntur, ut præstent illis opes,  
 uictorias, honores, et quæ alia nō nisi ad præsens ualēt,  
 si sine causa gignimur, si in hominibus procreādis proui-  
 dentia nulla uersatur, si casu nobismetipsis, ac uoluptatis  
 nostræ gratia nascimur, si nihil post mortē sumus: quid  
 potest esse tam superuacuum, tā inane, tam uanum, quā  
 humana res est, quā mundus ipse? qui, cū sit incredibili  
 magnitudine, tam mirabili ratione cōstructus, tamen re-  
 bus ineptis uacet. Cur enim uentorū spiritus citēt nubes?  
 cur emicent fulgura? tonitrua mugiant? imbres cadāt? ut  
 fruges terra producat? ut uaric. foetus alat? Cur deniq;  
 omnis natura rerū laboret, nequid desit earū rerū, quibus  
 uita hominis sustinetur, si est inanis, si ad uihilum interi-  
 mus, si nihil est in nobis maioris emolumēti Deo? Quod  
 si est dictu nefas, nec putandū est fieri posse, ut nō ob ali-  
 quam maximam rationē fuerit constitutum, quod uideas  
 maxima ratione cōstare: quæ potest esse ratio in his erro-  
 ribus prauarū religionum, et in hac persuasione philoso-  
 phorum, qua putāt animas interire? Profecto nulla. Quid  
 enim habent dicere, cur Dij hominibus tam diligēter suis  
 quæq; temporibus exhibeant? An ut illis far, et merum  
 demus, et odorē thuris, et sanguinem pecudū? quæ neq;  
 immor

immortalibus grata esse possunt, quia sunt fragilia: neque usui esse inexpertibus corporum, quia hæc ad usum corporalium data sunt. Et tamen si ea desiderarent, sibi ipsi possent exhibere, cum uellent. Siue igitur intereunt animæ, siue in æternum manent: quam rationem continet cultus Deorum, aut a quo mundus cōstitutus est? cur, aut quādo, aut quousq; quatenus homines, aut quamobrem procreati? cur nascuntur, intereunt, succedunt, renouantur? Quid Dij ex cultibus eorum assequuntur, qui post mortem nihil futuri sunt? quid præstant? quid pollicentur? quid minantur aut hominibus, aut Dijs dignum? Vel si manent animæ post mortem, quid de his faciunt, facturi ue sunt? quid illis opus est thesauro animarum? ipsi illi ex quo fonte oriuntur? quomodo, aut quare, aut unde multi sunt? Ita fit ut si ab illarum summa, quam superius comprehendimus, aberraueris, omnis ratio intereat, & ad nihilum omnia reuoluantur.

De philosophorum uarietate, eorumq; ueritate.

CAP. VII.

**Q**uam summam quia philosophi non comprehendunt, nec ueritatē cōprehendere potuerūt, quamuis ea fere, quibus summa ipsa cōstat, & uiderint, et explicauerint: sed diuersi ac diuerse illa omnia protulerunt, non annectentes nec causas rerum, nec consequētias, nec rationes, ut summam illam, quæ cōtinet uniuersa, & cōpingerent, & implerēt. Facile est autem docere, penè uniuersam ueritatem per philosophorū scētas esse diuisam. Nō enim sic philosophiā nos euertimus, ut Academici solēt, quibus ad omnia respōdere propositum est, quod est potius calūniari, et illudere. sed docemus, nullā scētam fuisse tam deuiam, nec philosophorū quēquam tam inanem, qui  
non



non uiderit aliquid ex uero . Sed dum contradicendi studio insaniunt, dum sua etiam falsa defendūt, aliorū etiam uera subuertunt: non tantum elapsa illis ueritas est, quam se quærere simulabant, sed ipsi eam potissimum suo uitio perdidērūt. Quod si extitisset aliquis, qui ueritatem sparsam per singulos, per sectasq; diffusā colligeret in unū, ac redigeret in corpus, is profecto nō dissentiret à nobis. Sed hoc nemo facere, nisi ueri peritus, ac sciēs, potest. Verum autē nō nisi eius scire est, qui sit doctus à Deo . Neq; enim potest aliter repudiare quæ falsa sūt, eligere, ac probare quæ uera. sed si uel casu id efficeret, certissime philosopharetur: & quamuis nō posset diuinis testimonijs illa defendere, tamē seipsa ueritas illustraret suo lumine. Quare incredibilis est error illorum, qui, cum aliquam sectam probauerint, eiq; addixerint, cæteras damnant tanquam falsas, & inanes, armantq; se ad præliādum, nec, quid defendere debeant, scientes, nec quid refutare: incurfantq; passim sine delectu omnia, quæ asserunt quicumq; dissentiunt. Ob has eorum pertinacissimas cōtentiones nulla extitit philosophia, quæ ad uerum propius accederet . nam particulatim ueritas ab his tota cōprehēsa est. Factū esse mundum à Deo, dixit Plato. Idem propheta loquuntur: idemq; ex Sibyllæ carminibus apparet. Errant igitur qui uel omnia sua sponte nata esse dixerunt, uel minutis seminibus conglobatis: quoniam tanta res, tam ornata, tā magna neq; disponi, neq; fieri, neq; ordinari sine aliquo prudentissimo autore potuit: & ea ipsa ratio, qua cōstare, ac regi omnia sentiuntur, solertissimæ mentis artificem cōfitectur. Hominiū causa mūdū, & omnia quæ in eo sunt, esse facta, Stoici loquuntur . idem nos diuinæ literæ docent. Errauit ergo Democritus, qui uermiculorū modo putauit effusos

effusos esse de terra nullo autore, nullaq; ratione. Cur enim formatus sit homo, diuini sacramēti est: quod quia ille scire nō poterat, humanā uitā deduxit ad nihilum. Ad uirtutē capeſſendam naſci homines, Ariſtoteles diſſeruit. idē nos monemur ac diſcimus à prophetis. Falſus igitur Ariſtippus qui hominē uoluptati, hoc eſt, malo tāquā pecudē ſubiugauit. Immortales eſſe animas Pherecydes, & Plato diſputauerūt. hæc uerò propria eſt in noſtra religione doctrina. Ergo Dicæarchus cū Democrito errauit, qui perire cū corpore ac diſſolui argumētatus eſt. Eſſe inferos Zenon Stoicus docuit, & ſedes piorum ab impijs eſſe diſcretas, & illos quidē quietas, ac delectabiles incolere regiones, hos uerò luere pœnas in tenebroſis locis, atq; in cœni uoraginibus horrēdis. idem nobis propheta palam faciunt. Ergo Epicurus errauit, qui poētārū id eſſe ſignētum putauit: & illas inferorū pœnas, quæ ſerantur, in hac eſſe uita interpretatus eſt. Totam igitur ueritatē, & omne diuinæ religiōis arcanū philoſophi attigerūt. Sed alijs reſellētibus defendere id, quod inuenerāt, nequiuerūt: quia ſingulis ratio nō quadrauit: nec ea, quæ uera ſenſerāt, in ſummam redigere potuerunt, ſicut ſuperius nos fecimus.

## De immortalitate.

## CAP. VIII.

**V**Num eſt igitur ſummū bonum immortalitas, ad quā capiendam & formati à principio, & nati ſumus. Ad hanc tendimus, hanc ſpectat humana natura, ad hanc nos prouehit uirtus. quod bonū quia deprehendimus, ſuper eſt etiā, ut de ipſa immortalitate dicamus. Platonis documenta, quamuis ad rem multum conſerant, tamen parū habent firmitatis ad probandam, & implendā ueritatem, quoniam nec rationē totius myſterij magni conſummauerat, in unumq; collegerat, nec ſummū bonum comprehenderat

derat. Nam licet uerū de animæ immortalitate sentiret, tamen nō ita de illa, tanquam de summo bono, differebat. Nos igitur certioribus signis eligere possumus ueritatē, qui eam nō ancipiti suspitione collegimus, sed diuina traditione cognouimus. Plato autem sic argumētatus est, immortale esse quicquid per seipsum et sentit, et semper mouetur. quod enim principiū motus nō habet, nec finem habiturum, quia descri a semetipso nō potest. quod argumentum etiam mutis animalibus eternitatem daret, nisi adiectione sapiētiae discreuisset. Addidit igitur, ut effugeret hanc communitatem, fieri non posse, quin sit immortalis animus humanus, cuius miranda solertia inueniēdi, et celeritas cogitandi, et facilitas percipiendi, atque discendi, et memoria præteritorum, et prouidētia futurorum, et artium plerunque innumerabilium scientia, quæ cæteræ careant animantes, diuina, et cœlestis appareat: quia et origo animi, qui tanta capiat, tanta cōtineat, nulla reperiatur in terra: siquidem ex cōcretionē terrena nihil habeat admistū: sed necesse esse in terrā resolui, quod est in homine ponderosum, et dissolubile: quod autem tenue, atque subtile, id uerò esse indiuiduū, ac domicilio corporis uelut carcere liberatum, ad cœlum, et ad naturam suam peruolare. Hæc ferè Platonis collecta breuiter, quæ apud ipsum latè, copiosè que explicantur. In eadem sententia fuit etiam Pythagoras antea, eiusq; præceptor Pherecydes, quem Cicero tradit primū de eternitate animarū disputauisse. Qui omnes licet eloquētia excellerēt, tamen in hac duntaxat contentione non minus autoritatis habuerunt, qui contra hanc sententiam differebant, Dicæarchus primo, deinde Democritus, postremo Epicurus. adeo ut res ipsa, de qua inter se pugnabāt, in dubium uocar

uocaretur. deniq; & Tullius expositis horū omnium de immortalitate, ac morte sententijs, nescire se quid sit uerum pronuntiauit. Harum, inquit, sententiarum quæ uera sit, Deus aliquis uiderit. Et rursus alibi: Quoniam utraq; inquit, earum sententiarū doctissimos habuit auctores: nec, quid certi sit, diuinari potest. Verum nobis diuinatione opus non est, quibus ueritatem diuinitas ipsa patefecit.

De æternitate animæ, deq; uirtute.

C A P.

I X.

**H**Is itaq; argumētis, quæ nec Plato, nec ullus alius inuenit, animarum æternitas probari, ac perspicui potest, quæ nos breuiter colligemus, quoniā properat oratio ad narrandū iudiciū Dei maximū, quod in terra propinquante seculorū fine celebrabitur. Ante omnia, quoniam Deus ab homine uideri nō potest, nequis tamē ex eo ipso putaret Deum non esse, quia mortalibus oculis nō uideretur, inter cetera institutorum suorū miracula, fecit etiam multa, quorū uis quidem apparet, substantia tamē non uidetur, sicut est uox, odor, uentus, ut harum rerum argumento, & exemplo, etiam Deū, licet sub oculos non ueniret, de sua tamen ui, & effectu, & operibus cerneremus. Quid uoce clarius? aut uento fortius? aut odore uiolentius? Hæc tamen, cum per aërem feruntur, ad sensus q; nostros ueniunt, & eos potentia sua impellunt: non cernuntur acie luminū, sed alijs corporis partibus sentiuntur. Similiter Deus nō aspectu nobis, alio uē fragili sensu cōprehendēdus est, sed mentis oculis intuentus, cum opera eius præclara, & miranda uideamus. Nam illos, qui nulum omnino Deum esse dixerunt, nō modo philosophos, sed ne homines quidem fuisse dixerim, qui mutis similim

F

sol9

solo corpore constiterunt, nihil omnino eruētes animo, sed ad sensum corporis cuncta referentes: qui nihil putabant esse, nisi quod oculis cōtuebantur. Et quia uidebant aut bonis accidere aduersa, aut malis prospera, fortuitu geri omnia crediderunt, et natura mundum, non prouidentia constitutum. Hinc iam prolapsi sunt ad deliramētā, quae talem sententiam necessario sequebantur. Quod si est Deus et incorporealis, et inuisibilis, et aeternus, ergo nō ideo interire animā credibile est, quia non uidetur, postquā recessit à corpore: quoniā cōstat esse aliquid cōstans, et sentiēs, ac uiuens, quod non ueniat sub aspectum. At enim difficile est animo cōprehendere, quemadmodū possit anima retinere sensum sine ijs partibus corporis, in quibus inest officiū sentiendi. Quid de Deo? num facile est comprehendere quēadmodum uigeat sine corpore? Quod si Deos esse credunt, qui si sunt, utiq; sunt ex partes corporū: necesse est, humanas animas eadē ratione subsistere, quoniam ex ipsa ratione, ac prouidentia intelligitur esse quādā in homine, ac Deo similitudo. Deniq; illud argumentū, quod etiā M. Tul. uidit, satis firmū est: ex eo aeternitatem animae posse dignosci, quia nullum sit aliud animal, quod habeat notitiā aliquā Dei, religioq; sit penē sola, quae hominē discernat à mutis. quae cum in hominē solū cadat: profecto testatur, id affectare nos, id desyderare, id colere quod nobis familiare, quod proximū sit futurū. An aliquis, cū ceterarū animantiū naturā consyderauerit, quas pronis corporibus abiectas, in terrāq; prostratas summi Dei prouidentia effecit, ut ex hoc intelligi possit, nihil eas rationis habere cū cælo: potest non intelligere, solū ex omnibus cœlestē, ac diuinum animal esse hominem, cuius corpus ab humo excitatum, uul-

tus sublimis, status erectus originē suam quærit, & quasi contempta humilitate terræ ad altum nititur, quia sentit summū bonū in summo sibi esse quæredum, memorq; conditionis suæ, qua Deus illum fecit eximium, ad artificem suum spectat. Quam spectationem Trismegistus θεωπία rectissimè nominauit: quæ in mutis animalibus nulla est. Cum autē sapientia, quæ soli homini data est, nihil aliud sit, quàm notitia Dei: apparet, animam nō interire, neq; dissolui, sed manere in sempiternū: quia Deum, qui sempiternus est, & quærit, & diligit: ipsa cogente natura, sentiens uel unde orta sit, uel quò reuersura. Præterea non exiguum immortalitatis argumentū est, quòd homo solus cœlesti elemēto utitur. Nam cum rerū natura his duobus elementis, quæ repugnantia sibi, atq; inimica sunt, constet igne & aqua: quorum alterum cœlo, alterum terræ ascribitur: cæteræ animantes, quia terrenæ, mortales quæ sunt, terreno, & graui utuntur elemēto: homo solus ignē in usu habet, quod est elementum leue, sublime, cœleste. Ea uerò, quæ ponderosa sunt, ad mortem deprimunt: & quæ leuia sunt, ad uitam subleuāt, quia uita in summo est, mors in imo. Et ut lux esse sine igne non potest, sic uita sine luce. Ignis igitur elemētū est lucis, ac uitæ. unde apparet, hominem, qui eo utitur, immortalē sortitū esse cōditionem, quia id illi familiare est, quod facit uitam. Virtus quoq; soli homini data, magno argumento est, immortales esse animas, quod nec erit secūdum naturā, si anima extinguitur. huic enim præsentī uitæ nocet. Nam uita ista terrena, quam cōmunem cum mutis animalibus ducimus, & uoluptatē expetit, cuius fructibus uarijs, ac suauibus delectatur, & dolorē fugit, cuius asperitas naturā uiuentiū acerbis sensibus lædit et ad mortē perducere nititur,

quæ dissoluit animantē. Si ergo uirtus & prohibet ijs bonis hominē, quæ naturaliter appetuntur, & ad sustinēda mala impellit, quæ naturaliter fugiuntur: ergo malū est uirtus, & inimica naturæ, stultumq; iudicare necesse est, qui eam sequitur: quoniam se ipse lādīt & fugiendo bona præsētia, & appetendo æque mala sine spe fructus amplioris. Nam cū liceat nobis iucūdiſſimis frui uoluptatibus, non ne sensu carere uideamur, si malimus in humilitate, in ægestate, in contemptu, in ignominia uiuere, aut ne uiuere quidē, sed dolere, cruciari, & emori? ex quibus malis nihil amplius assequamur, quo possit uoluptas omissa pensari? Si autē uirtus malum non est, facitq; honestē, quod uoluptates uitiosas, turpesq; cōtemnit, & fortiter quod nec dolorē, nec mortē timet, ut officium seruet: ergo maius aliquod bonum assequatur necesse est, quàm sunt illa, quæ spernit. At uerò morte suscepta, quod ulterius bonum sperari potest, nisi æternitatis?

De uitis, & uirtutibus: uita, & morte.

C A P.

X.

**T**Ranſeamus nunc uiciſſim ad ea, quæ uirtuti repugnant, ut etiam ex his immortalitas animæ colligatur. Vitia omnia temporalia sunt. ad præsens enim cōmouentur. iræ impetus, recepta ultione sedantur. libidinis uoluptas, corporis finis est. cupiditatē autem satietas carum rerum, quas expetit, aut aliorum affectuum commotiones interimunt. ambitio postquam honores, quos uoluit, adeptā est, consenescit. item cætera uitia consistere, ac permanere non possunt, sed ipso fructu, quem expetunt, finiuntur. Recedunt ergo, & redeunt. Virtus autem sine ulla intermissiōe perpetua est, nec discedere ab eo potest, qui eam semel cepit. Nam si habeat interuallū, si aliquando ea



do ea carere possumus, redeunt protinus uitia, quæ uirtutem semper impugnant. Non est igitur comprehensa, si deseris, si aliquando seccedit. Cum uerò sibi domicilium stabile collocauit, in omni actu uersari eam, necesse est. nec potest fideliter depellere uitia, & fugare, nisi peritus, quod insedit, perpetua statione munierit. Ipsa ergo uirtutis perpetuitas indicat, humanum animum, si uirtutē ceperit, permanere: quia & uirtus perpetua est, & solus animus humanus uirtutē capit. Quoniā igitur contraria sunt uitia uirtuti: omnis ratio diuersa, & cōtraria sit, necesse est: quia uitia cōmotiones & perturbationes animi sunt: uirtus è cōtrario lenitudo, & trāquillitas animi est: quia uitia temporalia, & breuia sunt, uirtus perpetua, et cōstans, & par sibi semper: quia uitiorum fructus, id est uoluptates, æque, ut ipsa, breues, tēporalesq; sunt. Virtutis ergo fructus, ac præmium sempiternum est, quia uitiorum commodum in præsentī est, uirtutis igitur in futuro. Ita fit, ut in hac uita uirtutis præmium nullū sit, quia uirtus adhuc ipsa est. Nam sicut uitia, cum in actu suo finiuntur, uoluptas, & prænū eorum sequuntur: ita uirtus cum finita est, merces eius insequitur. Virtus autem nunquam nisi morte finitur: quoniā & in morte suscipienda summū eius officium est. Ergo præmium uirtutis post mortē est. Deniq; Cicero in Tusculanis, quamuis dubitanter, tamen sensit, summum homini bonum non nisi post mortem contingere. Fidenti animo, inquit, si ita res feret, gradietur ad mortem. in qua aut summum bonū, aut nullum malum esse cognouimus. Mors igitur non extinguit hominē, sed ad præmiū uirtutis admittit. Qui autē se (ut ait idem) uitij, ac sceleribus contaminauerit, uoluptatiq; seruiet, is uerò damnatus æternā luet pœnam, quam diuinæ literæ

secundam mortē nominant, quæ est & perpetua, & grauissimis cruciatibus plena. Nā sicuti duæ uitæ propositæ sunt homini, quarum altera est animæ, altera corporis: ita & mortes duæ propositæ sunt, una pertinens ad corpus, qua cunctos secundum naturā fungi necesse est: altera pertinens ad animam, quæ scelere acquiritur, uirtute uitatur: & ut hæc uita temporalis est, certosq; terminos habet, quia corporis est, sic et mors æque temporalis est, certumq; habet finem, quia corpus attingit.

De temporibus postremis, deq; anima & corpore.

CAP. XI.

**I**mpletis igitur tēporibus, quæ Deus morti statuit, terminabitur ipsa mors. Et quia tēporalē uitā temporalis mors sequitur, consequens est, ut resurgant animæ ad uitā perennē, quia finē mors tēporalis accepit. Rursum, sicut uita animi sempiterna est, in qua diuinos, & ineliquibiles immortalitatis suæ fructus capit: ita et mors eius perpetua sit necesse est, in qua perēnes pœnas, et infinita tormenta pro peccatis suis pendet. Ergo in ea cōditione res posita est, ut qui beati sunt in hac uita corporali, atq; terrena, semper miseri sint futuri, quia iā bonis, quæ maluerunt, potiti sunt, quod ijs euenit, qui Deos adorant, ac Deū negligunt. Deinde qui iustitiā sequentes, in hac uita miseri fuerint, & cōtempti, & inopes, & ob ipsam iustitiam contumelijs, & iniurijs sæpe uexati, quia nec aliter uirtus teneri potest, semper beati sunt futuri: ut quia mala iam pertulerunt, etiam bonis fruantur. quod his utiq; cōtingit, qui cōtemptis terrestribus Dijs, & fragilibus bonis, cœlestem regionē sequuntur Dei, cuius bona, sicut ipse, qui tribuit, sempiterna sunt. Quid opera corporis, atq; animi? non ne indicant esse animā mortis expertem?

Nam

Nam corpus, quia ipsum fragile est, atque mortale, quæcunq; opera molitur, æque caduca sunt. Nihil enim Tullius ait esse, quod sit manibus humanis laboratū, quod nō aliquādo ad interitum redigatur, uel iniuria hominū, uel ipsa confectrice rerū omnium uetustate. At uero animi opera uidemus æterna. Nam quicunq; contēptui præsentium studentes, in memoriā monimenta ingeniorū, factorumq; magnorum reliquerunt, ij plane mētis, ac uirtutis suæ nomen indelebile quæsierunt. Ergo si opera corporis ideo mortalia sunt, quia ipsum mortale est, sequitur ut anima ex eo immortalis appareat, quia uidemus opera eius non esse mortalia. Eodē modo desyderia quoq; corporis animiq; declarant, alterum esse mortale, alterum sempiternum. Corpus enim non nisi temporalia desyderat, id est cibum, potum, indumentum, quietem, uoluptatē: & tamē hæc ipsa sine ui, nutu, & adminiculo animi nec cupere, nec assequi potest. Animus autē per se multa desyderat, quæ ad officiū, fructum uē corporis non redundent, eaq; nō fragilia, sed æterna sunt, ut fama uirtutis, ut memoria nominis. Nam cultū Dei, qui constat abstinentia cupiditatum, ac libidinum, patientia doloris, contemptu mortis, etiam cōtra corpus anima cōcupiscit. Vnde credibile est, non interire animā, sed dissociari à corpore: quia corpus sine anima nihil potest, animus uero potest multa, & magna sine corpore. Quid, q; ea, quæ uisibilia sunt oculis, et tangibilia manu, quia externā uim pati possunt, æterna esse nō possunt? Ea uero, quæ neq; sub tactum, neq; sub uisum ueniūt, sed tantūmodo uis eorū, & ratio, & effectus apparet, æterna sunt, quia nullam uim patiuntur extrinsecus. Corpus autem, si ideo mortale est, quia uisui pariter, & tactui subiaceret, ergo & anima iccirco immor-

*talis est, quia nec tangi potest, nec uideri.*

*De anima & corpore, deq; eorum coniunctione, & discessu, & reditu illius.*

CAP.

XII.

**N**unc argumenta corū, qui contrā dixerunt, refellamus, quæ Lucretius tertio libro executus est. Quoniam cum corpore, inquit, anima nascitur, cū corpore intereat, necesse est. At non est par utriusq; ratio. Solidum enim, & comprehensibile corpus est, & oculis, & manu uidetur, & tangitur: anima uero tenuis, & tactū, uisumq; fugiens. Corpus ex terra fictum, atq; solidatum est: anima in se nihil concreti, nihil terreni pōderis habet, ut Plato differebat. Nec enim tantam posset habere solertiam, tantam uim, tantam celeritatem, nisi originem traheret è cælo. Corpus igitur quoniam fictū ex ponderoso, & corruptibili elemēto, & tīgibile est, & uisibile, corrūpitur, atq; occidit, nec uim repellere potest, quia sub aspectum, & sub ictum uenit. Anima autē, quia tenuitate sua omnē tactum fugit, nullo ictu dissolui potest. Ergo quamuis inter sese cōiuncta, & sociata nascantur, & alterum, quod est de terrena concretionē formatum, quasi uasculum sit alterius, quod est à cælesti subtilitate deductum: cum uis aliqua utrunq; discreuerit, quæ discretio mors uocatur, tum utrunq; in naturam suam redit: quod ex terra fuit, id in terrā resoluitur: quod ex cælesti spiritu, id constat, ac uiget semper, quoniam diuinus spiritus sempiternus est. Denique idem Lucretius oblitus quid assereret, & quod dogma defenderet, hos uersus posuit,

*Cedit item retro, de terra quod fuit antè,*

*In terram: sed quod missum est ex ætheris oris,*

*Id rursus cæli fulgentia templa receptant.*

*Quod*

Quod eius nō erat dicere, qui perire animas cum corpore differebat. sed uictus est ueritate, et imprudēti ratio uera surrepsit. Præterea id ipsum, quo colligit dissolui animā, hoc est simul cum corpore interire, quoniā simul nascantur, et falsum est, et in contrariū conuersti potest. Non enim simul interit, sed anima discedente, integrum per dies multos manet, et plerunq; medicatū, diutissime durat. Nam si ut simul nascuntur, simul interirent, nō discederet repente anima, corpusq; desereret, sed uno temporis puncto utrunq; pariter dissiparetur, et tam celeriter etiā corpus, adhuc spiritu in eo manente, deliquesceret, ac periret, quā celeriter anima secedit: imō uero dissoluto corpore anima uanesceret, uelut humor fracto uase diffusus. Nā si terrenū, et fragile corpus post secessum animæ nō statim diffluit, in terrāq; tabescit, ex qua illi origo est: ergo anima, quæ fragilis non est, in æternum manet, quoniam origo eius æterna est. Quoniam crescit, inquit, sensus in pueris, et in iuuenibus uiget, et in senibus diminuitur, apparet esse mortalē. Primū non est idē mēs, et anima. aliud est enim, quo uiuimus: aliud, quo cogitamus. nam dormiētium mens, non anima sopitur: et in furiosis mens extinguitur, anima manet, et ideo nō exanimēs, sed dementes uocantur. Mens ergo, id est intelligentia, uel augetur, uel minuitur pro ætate. Anima in statu suo semper est, et ex quo tēpore spirādi accepit facultatē, eadē usq; ad ultimum durat, donec emissā corporis claustro, ad sedem suā reuolet. Deinde quòd anima quāuis à Deo sit inspirata, tamē quia tenebroso domicilio terrenæ carnis inclusa est, sciētiam non habet, quæ est diuinitatis. Audit igitur, ac discit omnia, et sapiētiam discēdo, et audiēdo capit: et senectus nō minuit sapiētiam, sed auget, si

tamen iuuenilis ætas uirtute decursa est. Sed si nimia senectus fregerit membra, non est animæ uitium, si uisus euauit, si lingua torpuit, si auditus obsurduit, sed corporis. At enim memoria defecit. quid mirum, si labentis domicilij ruina premitur mens, & præterita obliuiscitur, nõ aliter futura diuina, quàm si carcerem, quo cohibetur, effugerit? Verũ eadem, inquit, dolori, & luctui obnoxia est, & ebrietate demētit, unde fragilis, & mortalis apparet. Iccirco igitur uirtus, & sapiētia necessaria est, ut et morror, qui contrahitur indigna patiendo, ac uidendo, fortitudine repellatur, & uoluptas nõ modo potandi, sed etiã rerum cæterarum abstinētia superetur. nã si carcat uirtute, si uoluptatibus dedita molliatur, morti fiet obnoxia, quoniam & uirtus (ut docuimus) immortalitatis est fabricatrix, & uoluptas mortis. Mors autē (sicut ostēdi) nõ funditus perimūt, ac delet, sed æternis afficit cruciatibus. Nam interire prorsus anima non potest, quoniam ex Dei spiritu, qui æternus est, originem cepit. Anima, inquit, etiam morbum corporis sentit, & obliuionē sui patitur: & sicut egrescit, ita etiã sæpe sanatur. Hoc est ergo, cur maxime uirtus adhibenda sit, ne ullo corporis dolore frāgatur, & obliuionē sui nõ anima, sed mens patiatur. Quæ quoniã certa corporis regione consistit, cum eam partē uis aliqua morbi uitauerit, mouetur loco, & quasi conuassata, sede sua emigrat, reditura scilicet, cum medela, & sanitas domicilium suum reformauerit. Nam quia iuncta est anima cum corpore, si uirtute careat, cōtagio eius egrescit: & imbecillitas de societate fragilitatis redūdat ad mentem. cum autem dissociata fuerit à corpore, uigebit ipsa per se, nec ullā iam fragilitatis cōditione tentabitur, quia indumētũ fragile proiecit. Sicut oculus, inquit,

euulsus

euulsus à corpore, ac separatus nihil potest uidere, ita & anima separata nihil sentire, quia & ipsa pars est corporis. Falsum hoc & dissimile est. anima enim non pars corporis, sed in corpore est. Sicut id, quod uase continetur, uasis pars non est, nec ea, quæ in domo sunt, partes domus esse dicuntur: ita nec anima pars est corporis, quia corpus uel uas animæ est, uel receptaculum. Iam illud argumentum multò magis inane est, quo ait animam, quia non citius emittatur ex corpore, mortale uideri, sed paulatim se ex omnibus membris explicet, à summis pedibus incipiens: tanquam si esset æterna, uno temporis momẽto crumperet. quod fit in ijs, qui ferro intereunt. quos autẽ morbus interimut, spiritum diutius exhalât, & paulatim frigescentibus membris anima efflatur. quæ cum materia sanguinis contineatur, sicut lumen oleo, ea materia febrium calore consumpta, necesse est membrorum summa quæq; frigescere, quoniã uenæ exiliores in extrema corporis porriguntur, & extremi, ac tenuiores riuuli deficiente uena fontis arescunt. Nec tamen, quia sensus corporis deficit, animæ sensum extinguere, & occidere putandũ est. Non enim anima corpore deficiente, sed corpus anima decedente putrescit, quia sensum omnẽ trahit secum. Cũ autem præsens anima sensum tribuat corpori, & uiuere id efficiat: fieri non potest, ut nõ ipsa per se uiuat, & sentiat, quoniam ipsa est & sensus, & uita. Nam quod ait:

- Quòd si immortalis nostra foret mens,

Non tam se moriens dissolui conquereretur:

Sed magis ire foras, uestemq; relinquere, ut anguis,

Gauderet. Sed equidẽ nunquã uidi, qui se quereretur in morte dissolui. sed ille fortasse Epicureum aliquem uiderat, etiam, dum moritur, philosophãtem, ac de sui dissolutione



solutione in extremo spiritu differentem. Quomodo sciri potest, utrum dissolui se sentiat, an corpore liberari, cum in exitu lingua mutescat? Nam dum sentit, & loqui potest, nondum dissolutus est: ubi dissolutus est, iam nec sentire, nec loqui potest. ita queri de dissolutione aut nondū potest, aut iam non potest. At enim nō prius quā dissoluatur, intelligit se dissolutū iri. Quid, quod uidemus plerosq; morientium non dissolui conquerentes (ut ait) sed exire se, & proficisci, & ambulare testantes: idq; aut gestu significāt, aut, si adhuc possunt, et uoce pronunciant? Vnde apparet, non dissolutionem fieri, sed separationē, quæ declarat animā permanere. Cætera Epicurei dogmatis argumēta Pythagoræ repugnant, differenti, migrare animas de corporibus uetustate, ac morte cōfectis, & insinuare se nouis, ac recens natis: & easdē semper renasci modo in homine, modo in pecude, modo in bestia, modo in uolucres, & hac ratione immortales esse, quod sæpe ueriorum, ac dissimiliū corporū domicilia cōmutent. Quæ sententia deliri hominis quoniā ridicula, et mīmo dignior, quā schola fuit, ne refelli quidem serio debuit, quod qui facit, uidetur uereri nequis id credat. Prætercunda sunt igitur nobis, quæ pro falso cōtra falsum differebantur. satis est, ea refutasse, quæ cōtra uerum disputata sunt.

De anima, deq; eius æternitate testimonia.

C A P. X I I I.

**D**Eclaraui (ut opinor) animam non esse solubilem. superest, citare testes, quorum autoritate argumenta firmentur. Neq; nunc prophetas in testimonium uocabo, quorum ratio, & diuinatio in hoc solo posita est, ut ad cultum Dei, & ad immortalitē ab eo accipiendam erari hominem doceant: sed eo potius, quibus istos, qui re-  
spiciunt

spuunt ueritatem credere sit necesse. Hermes naturam hominis describens, ut doceret quemadmodum esset à Deo factus, hæc intulit: καὶ τὸ αὐτὸ ἐξ ἀμφοτέρων φύσεων τῆς τε ἀθανάτου καὶ τῆς θνητῆς μίαν ἐποίησεν φύσιν ἀνθρώπου, καὶ αὐτὴν πῆ μὲν ἀθανάτον, πῆ δὲ θνητὴν ποιήσας καὶ τῶτον φέρων ἐν μίᾳ θείᾳ καὶ ἀθανάτῳ φύσει, καὶ τῆς θνητῆς, καὶ μεταβλητῆς κατεσθῆτο, ἵνα ὁρῶν ἅπαντα, ἅπαντα καὶ θεωμάσῃ. Sed hūc fortasse aliquis in numero philosophorū computet, quamuis in Deos relatus Mercurij nomine ab Aegyptijs honoretur, nec plus ei autoritatis tribuat, q̄ Platoni, aut Pythagoræ. Maius igitur testimoniū requiramus. Polytes quidam consuluit Apollinem Milesium, utrum ne maneat anima post mortem, an resoluator, et respondit his uersibus:

ψυχὴ μὲν ἕξ δεισμοῖς πρὸς σῶμα κρατῆται  
 φθαρτὰ νοῦσαι πάθῃ θνηταῖς ἀλγὼν δόσιν ἔχει  
 ἡνίκα, ἀνάλυσιν βροτῆην μετὰ σῶμα μακρὰν θῆν  
 ὥκιστον εὕρηται ἐς αἰθέρα πᾶσα φορέται  
 αἶψα ἀγέρας ἔσται μένῃ δ' εἰς πάντα ἀτερής.  
 πρῶτον γὰρ τὸ τοιοῦτον θεὸς δίδταξε πρόνοια.

Quid carmina Sibyllina? non ne hoc ita esse declarant, cum fore aliquādo denunciant, ut à Deo de uiuis, ac mortuis iudicetur? quorum exempla paulopost inferemus. Falsa est ergo Democriti, et Epicuri, et Dicaarchi de animæ dissolutione sententia. qui profectò non auderent de interitu animarum mago aliquo præsente differere, qui sciret, certis carminibus cieri ab inferis animas, et adesse, et præbere se humanis oculis uidendas, et loqui, et futura prædicere: et si auderent, re ipsa, et documentis præsentibus uincerentur. Sed quia non præuidebant animæ rationem, quæ tam subtilis est, ut oculos humanæ mentis effugiat, interire dixerūt. Quid Aristoxenus, qui negauit

negauit omnino nullam esse animam, etiam cum uiuit in corpore? sed sicut in fidibus ex intentione neruorum effici concordem sonum, atq; cantum, quē musici harmoniam uocant: ita in corporibus ex compage uiscerum, ac uigore membrorum uim sentiendi existere. quo nihil dici delirius potest. Verū ille oculos quidem habuit incolumes, cor tamen cæcum, qui uiuere se, & habere mentem, quā idipsum cogitauerat, non uidebat. Sed plerisq; hoc philosophis accidit, ut putarent omnino non esse, quicquid oculis non apparet: etiam cum mentis acies multo clarior debeat esse, quā corporis, ad ea perspicienda, quorum uis, ac ratio sentitur potius quā uidetur.

De mundi temporibus primis, & postremis.

C A P. X I I I I.

**Q**uoniam de immortalitate diximus animæ, sequitur ut doceamus, quatenus homini, et quando tribuatur: ut in hoc quoq; prauitatis, ac stultitiæ suæ perspiciāt errores, q̄ mortales quosdā decretis, placitisq; mortaliū Deos esse factos opinantur, uel quod artes inuenerant, uel quod usum quarundam frugum docuerant, uel quod utilia uitæ hominū prodiderāt, uel quod immanes bestias interemerāt. Quæ merita quā lōge ab immortalitate semota sint, & docuimus in prioribus libris, & nunc docēbimus, ut appareat solam esse iustitiā, quæ uitam homini pariat æternā, & solum Deum, qui æternæ uitæ præmiū largiatur. Nā illi qui suis meritis immortales facti esse dicuntur, quia nec iustitia, nec ulla in his uera uirtus fuit, nō immortalitatē sibi, sed mortē peccatis, ac libidinibus quæ stierunt, nec cœleste præmiū, sed inferna supplicia meruerunt, quæ pendent simul cum ijs omnibus, qui eos coluerunt. cuius iudicij propinquare tempus ostendam, ut &

ut & iustis merces digna solvatur, et poena merita impijs irrogetur. Plato, & multi alij philosophorū, cum ignorent originem rerum, supremumq; illud tempus, quo mundus esset effectus, multa millia seculorum fluxisse dixerunt, ex quo hic pulcherrimus mundi extiterit ornatus, sicuti fortasse Chaldaei, qui (ut Cice. tradidit in libro de Diuinatione primo) quadringenta septuaginta millia annorum monumentis comprehensa se habere delirant. in quo quia se posse argui non putabant, liberum sibi crediderunt esse mentiri. Nos autem, quos diuinæ literæ ad scientiā ueritatis erudiunt, principium mundi, finemque cognouimus. de quo nunc in fine operis differemus. quoniam de principio in secundo libro explicauimus. Sciant igitur philosophi, qui ab exordio mundi seculorum millia enumerant, nondum sextum millesimum annum esse conclusum. quo numero expleto, consummationem fieri necesse est, & humanarum rerum statum in melius reformari. cuius rei argumentum prius est enarrandum, quo ratio elucescat. Mundū Deus, & hoc rerum naturæ admirabile opus (sicut arcanis sacrae scripturæ cōtinetur) sex dierum spatio cōsummauit, dicmque septimum, quo ab operibus suis requieuerat, sanxit. Hic est autem dies sabbati, qui lingua Hebræorū à numero nomē accepit: unde septenarius numerus legitimus, ac plenus est. Nā & dies septem sunt, quibus per uicem reuolutis, orbes conficiuntur annorum, & septē stellæ, quæ non occidunt, & septē sydera, quæ uocantur errantia: quorū dispares cursus, & inæquales motus rerum, ac temporum uarietates efficere creduntur. Ergo quoniā sex diebus cūcta Dei opera perfecta sunt: per secula sex, id est annorū sex millia manere in hoc statu mundū necesse est. Dies enim magnus Dei mille

nulle annorum circulo terminatur, sicut indicat propheta, qui dicit: Ante oculos tuos Domine mille anni, tanquā dies unus. Et ut Deus sex illos dies in tantis rebus fabricandis laboravit, ita et religio eius, et ueritas in his sex millibus annorum laborare necesse est malitia prævalente, ac dominante. Et rursus quoniam perfectis operibus requieuit die septimo, eumque benedixit, necesse est, ut in fine sexti millesimi anni malitia omnis aboleatur è terra, et regnet per annos mille iustitia, sitque tranquillitas, et requies à laboribus quos mundus iandiu perpessus est. Verum quatenus id eueniat, ordine suo explicabo. Sæpe diximus minora, et exigua magnorum figurarum, et præmonstrationes esse, et hunc diem nostrum, qui ortu solis, occasuque finitur, diei magni speciem gerere, quem circuitus annorum mille determinat. Eodem modo etiā figuratio terreni hominis cælestis populi præferebat in posterum fictionem. Nam sicut perfectis omnibus quæ in usum hominis molitus est Deus, ipsum hominē sexto die ultimum fecit, eumque induxit in hunc mundum, tanquam in domum iam diligenter instructam: ita nunc sexto die magno uerus homo uerbo Dei fingitur, id est sanctus populus doctrina, et præceptis Dei ad iustitiam figuratur. Et sicut tunc mortalis, atque imperfectus è terra factus est, ut mille annis in hoc mūdo uiueret: ita nūc ex hoc terrestri seculo perfectus homo fingitur, ut uiuificatus à Deo, in hoc eodem mundo per annos mille dominetur. Quomodo autē consummatio futura sit, et qualis exitus humanis rebus impedeat, si quis diuinas literas fuerit scrutatus, inueniet. Sed et secularium prophetarum cōgruentes cum cælestibus uoces, finem rerum, et occasum post breue tēpus annunciant, describētes quasi fati-

gati

gati, & delabentis mundi ultimam senectutē. Quæ uero à prophetis, & uatibus futura esse dicantur, prius quàm superueniat extrema illa conclusio, collecta ex omnibus, & coaceruata subnectam.

De mundi uastatione, & mutatione

imperatorum.

CAP. XV.

**E**st in arcanis sanctarū literarum, transcēdisse in Aegyptum cogente inopia rei frumentariæ principem Hebræorū cum omni domo, & cognatione. Cuius posterum, cum diutius in Aegypto commorantes, in magnā gentem creuissent, & graui, atq; intolerando seruitutis iugo premeretur, percussit Aegyptum Deus insanabili plaga, & populum suum liberauit, traductū medio mari, discissis fluctibus, & in utrāq; partem dimotis, ut per siccū populus graderetur. Conatusq; Rex Aegyptiorū profugos insequi, coeunte in statum suum pelago, cum omnibus copijs interceptus est. Quod facinus tam clarū, tamq; mirabile, quāuis ad præsens uirtutē Dei hominibus ostēderet, tamen præsignificatio, & figura maioris rei fuit: quā Deus idem in extrema temporū cōsummatione facturū est. liberabit enim plebē suam de graui seruitute mūdi. Sed quoniam tunc una plebs Dei, & apud unā gentē fuit, Aegyptus tunc sola percussa est. Nunc autē, quia Dei populus ex omnibus linguis cōgregatus, apud omnes gentes commoratur, & ab his dominatibus premitur, necesse est, uniuersas nationes, id est orbē totū, cœlestibus plagis uerberari, ut iustus, & cultor Dei populus liberetur. Et sicut tunc signa facta sunt, quibus futura clades Aegypti ostēderetur, ita in ultimo fiēt prodigia mirāda per omnia elementa mundi, quibus imminēs exitus uniuersis gentibus intelligatur. Propinquāte igitur huius seculi termino, hu-

G

manarum

manarum rerum statum commutari necesse est, & in dete-  
 rius nequitia inualeſcēte prolabi: ut etiā noſtra hæc tem-  
 pora, quibus iniquitas, & malitia uſq; ad ſummū gradū  
 creuit, in illius tamē inſanabilis mali cōparatione felicia,  
 & propè aurea poſſint iudicari. Ita etenim iuſtitia rare-  
 ſcet, ita impietas, & auaritia, & cupiditas, & libido cre-  
 breſcēt, ut ſi qui tum forte fuerint boni, prædæ ſint ſcele-  
 ratis, ac diuexentur undiq; ab iniuſtis: ſoli autē mali opu-  
 lenti ſint, boni uero in omnibus cōtumelijs, atq; in egeſta-  
 te iactentur. Cōfundetur omne ius, & leges interibūt. Ni-  
 hil quiſquā tunc habebit, niſi aut quæſitū, aut deſenſum  
 manu. audacia, & uis omnia poſſidebūt. Non fides in ho-  
 minibus, non pax, non humanitas, non pudor, nō ueritas  
 erit, atque ita neque ſecuritas, neque regimen, neque re-  
 quies à malis ulla. Omnis enim terra tumultuabitur: fre-  
 ment ubiq; bella: omnes gentes in armis erunt, & ſe inui-  
 cem oppugnabunt. Ciuitates inter ſe finitimæ præliabun-  
 tur: & prima omnium Aegyptus ſtultarū ſuperſtitionum  
 luct poenas, & ſanguine uelut ſumine operietur. Tunc  
 peragrabit clades orbem, metens omnia, & tanquā meſ-  
 ſem cuncta proſternens. Cuius uasitatis, & conſuſionis  
 hæc erit cauſa, quòd Romanum nomē, quo nunc regitur  
 orbis (horret animus dicere: ſed dicā, quia futurū eſt) tol-  
 letur de terra, & imperium in Aſiam reuertetur, ac rur-  
 ſus oriens dominabitur, atq; occidens ſeruiet. Nec mirum  
 cuiquam debet uideri, ſi regnum tanta mole fundatum, ac  
 tandiu per tot, & tales uiros auctum, tantis denique opi-  
 bus confirmatum, aliquando tamen corruet. nihil eſt enim  
 humanis uiribus laboratum, quod non humanis æquē ui-  
 ribus deſtrui poſſit, quoniam mortalia ſunt opera mor-  
 talium. Sic & alia prius regna, cum diutius floruiſ-  
 ſent,



sent, nihilo minus tamē occiderunt. Nam & Aegyptios, & Persas, & Græcos, & Assyrios, proditum est, regimen habuisse terrarū: quibus omnibus destructis, ad Romanos quoque rerum summa peruenit. Qui quanto cæteris omnibus regnis magnitudine antecedit, tātō maiore decidēt lapsu: quia plus habent ponderis ad ruinam, quæ sunt cæteris altiora. ¶ Non inscite Seneca Rom. in æ urbis tempora distribuit in ætates. Primam enim dixit infantiam sub rege Romulo fuisse, à quo & genita, & quasi educata sit Roma: deinde pueritiam sub cæteris regibus, à quibus & aucta sit, & disciplinis pluribus, institutisq; formata: at uero, Tarquinio regnāte, cum iam quasi adulta esse cœpisset, seruitium non tulisse, & recedendo superbæ dominationis iugo, maluisse legibus obtemperare, quàm regibus: cumq; esset adolescentia eius sine Punici belli terminata, tum denique confirmatis uiribus cœpisse iuuenescere. sublata etenim Carthagine, quæ tam diu æmula imperij Romani fuit, manus suas in totum orbem terra, mariq; porrexit: donec regibus cunctis, & nationibus subiugatis, cum iam bellorum materia deficeret, uiribus suis male uteretur, quibus se ipsa confecit. hæc fuit prima eius senectus: cum bellis lacerata ciuilibus, atq; intestino malo pressa, rursus ad regimen singularis imperij recidit, quasi ad alterā infantiam reuoluta. Amissa enim libertate, quam Bruto duce, & autore defenderat, ita consenuit, tanquā sustentare se ipsa non ualeret, nisi ad miniculo regētium niteretur. ¶ Quod si hæc ita sunt, quid restat, nisi ut sequatur interitus senectutem? Et id futurum breui, conciones prophetarum denuntiant sub ambage aliorum nominū, ne facile quis intelligat. Sibyllæ tamē aperte interituram esse Romam loquuntur, et quidem iudicio

Dei, quòd nomen eius habuerit inuisum, & inimica iustitiæ, alumnus ueritatis populum trucidarit. Hydaspes quoque, qui fuit Medorum Rex antiquissimus, à quo annis quoq; nomen accepit, qui nunc Hydaspes dicitur, admirabilis omnium, sub interpretatione uaticinantis pueri ad memoriam posteris tradidit, sublatum iri ex orbe imperium, nomenq; Romanum, multo antè præfatus, quàm illa Troiana gens conderetur.

De mundi uastatione, eiusq; prodigijs.

C A P.

X V I.

**Q**uomodo autem id futurum sit, ne quis incredibile arbitretur, ostendā. In primis multiplicabitur regnum, et summa rerū potestas per plurimos dissipata, & concisa minuetur. Tunc discordiæ ciuiles in perpetuum serentur, nec ulla requies bellis exitialibus erit, donec reges decem pariter existant, qui orbem terræ, non ad regendū, sed ad consummadū partiantur. Hi exercitibus in immensum coactis, & agrorum cultibus destitutis, quod est principium euerisionis, & cladis, disperdent omnia, et comminuent, & uorabunt. Tum repēte aduersus eos hostis potentissimus ab extremis finibus plagæ septentrionalis orietur, qui tribus ex eo numero deletis, qui tunc Asiā obtinebūt, assumetur in societate à cæteris, ac princeps omniū cōstituatur. Hic insustētabili dominatione uexabit orbē: diuina, & humana miscebit: infanda dictu, & execrabilia molietur. noua cōsilia in pectore suo uolubabit, ut propriū sibi cōstituatur imperiū: leges cōmutabit, suas sanciet, cōtaminabit, diripiet, spoliabit, occidet. Deniq; immutato nomine, atq; imperij sede translata, cōfusio, ac perturbatio humani generis cōsequetur. Tū uero detestabile, atq; abominandū tēpus existet, quo nulli hominum sit

fit uita iucunda. Eruentur funditus ciuitates, atq; interibunt non modo ferro, atq; igni, uerū etiam terræ motibus assiduīs, & eluuiæ aquarū, et morbis frequentibus, & fame crebra. aër enim uitiabitur, & corruptus, ac pestilens fiet, et modo importunis imbribus, modo inutili siccitate, nunc frigoribus, nunc æstibus nimijs, nec terra homini dabit fructum, nec seges quicquam, non arbor, non uitis feret. Sed cum in flore spem maximam dederint, in fruge decipient. Fontes quoq; cum fluminibus arescent, ut ne potus quidē suppetat: & aquæ in sanguineā, aut amaritudinē mutabūtur. Propter hæc deficiēt & in terra quadripedes, & in aëre uolucres, et in mari pisces. Prodigia quoq; in cælo mirabilia mentes hominum maximo terrore confundent, & crines cometarum, & solis tenebræ, & color lunæ, & cadentium syderum lapsus. Nec tamen hæc usitato modo fient, sed existent subito & ignota, & inuisa oculis astra: sol in perpetuum fuscabitur, ut uix inter noctē, diemq; discernatur. Luna iam non tribus deficiet horis, sed perpetuo sanguine obfusa, meatus extraordinarios peraget, ut non sit homini promptū, aut syderum cursus, aut rationem temporum agnoscere. fiet enim uel æstas in hyeme, uel hyems in æstate. Tunc annus breuiabitur, & mēsis minuetur, & dies in angustum coarctabitur. Stellæ uero creberrimæ cadent, ut cælum omne cæcum sine ullis luminibus appareat. Mōtes quoq; altissimi decident, & planis æquabuntur, mare innauigabile constituetur. Ac nequid malis hominum, terræq; desit, audiatur è cælo tuba. quod hoc modo Sibylla denuntiat,

Σάλπιγξ οὐρανὸθεν φωνήν πολύθρνον ἀφίσει.

Itaq; trepidabunt omnes, & ad luctuosum illum sonitum contremiscent. Tum uero per iram Dei aduersum ho-

mines, qui iustitiam Dei non agnouerunt, scuiet ferrum, ignis, fames, morbus, & super omnia metus semper impendent. tunc erabunt Deum, & non exaudiet: optabitur mors, & non ueniet: nec nox quidem requiem timori dabit: nec ad oculos somnus accedet, sed animas hominum sollicitudo, ac uigilia macerabit: plorabunt, & gement, & dentibus strident: gratulabuntur mortuis, & uiuos plangent. His & alijs pluribus malis solitudo fiet in terra: & erit deformatus orbis, atque desertus. quod in carminibus Sibyllinis ita dicitur,

Ἔσται κόσμος ὁ ἄνθρωπος ἀπολλυμένων ἀνθρώπων.

Ita enim conficietur humanum genus, ut uix decima pars hominum relinquatur, & unde mille processerant, uix prodient centum. De cultoribus etiam Dei duæ partes interibunt, & tertia, quæ fuerit probata, remanebit.

De falso propheta, & incommodis piorum,

& illius internitione. CAP. XVII.

SEd planius, quomodo id cucniat, exponam. Imminete Siam temporū cōclusionē, propheta magnus mittetur a Deo, q̄ cōuertat homines ad Dei agnitionem, & accipiat potestatem mirabilia faciēdi. Vbiq̄; nō audierint eum homines, cludet cœlū, & abstinebit imbres, & aquā cōuertet in sanguinē, & cruciabit illos siti, ac fame: et quicūq̄; conabitur eū ledere, procedet ignis de ore eius, atq̄; amburet illū. His prodigijs, atq̄; uirtutibus cōuertet multos ad Dei cultū, peractisq̄; operibus ipsius, alter Rex orietur ex Syria malo spiritu genitus, euerfor, ac perditor generis humani, qui reliquias illius prioris mali cū ipso simul deleat. Hic pugnabit aduersus prophetā Dei, & uincet, & interficiet eum, & insepultū iacere patietur. Sed post diem tertium reuiuiscet, atque inspectantibus, & mirantibus

tibus cunctis rapietur in cœlum. Rex uero ille teterrimus erit quidē & ipse, sed mendaciorū propheta, & seipsum constituet, ac uocabit Deum, & se coli iubebit ut Dei filium: & dabitur ei potestas, ut faciat signa, & prodigia, quibus uisis irretiat homines, ut adorent eū. Iubebit ignē descēdere de cœlo, & solem à suis cursibus stare, & imaginem loqui: & fiēt hæc sub uerbo eius: quibus miraculis etiā sapientiū plurimi allicientur ab eo. Tunc eruere templum Dei conabitur, & iustū populum persequetur: & erit pressura, & contritio, qualis nunquam fuit à principio mūdi. Quicūq; crediderint, atq; accesserint ei, signabuntur ab eo tanquam pecudes. qui autem recusauerint notam eius, aut in montes fugient, aut comprehensi, exquisitis cruciatibus necabuntur. Idem iustos homines obuoluet libris prophetarū, atq; ita cremabit, & dabitur ei desolare orbē terræ mēsis quadragintaduobus. Id erit tempus, quo iustitia proijcietur, & innocentia odio crit, quo mali bonos hostiliter prædabūtur: non lex, aut ordo, aut militiæ disciplina seruabitur: non canos quisquam reuerbitur: non officium pietatis agnoscet: non sexus, aut infantiæ miserebitur. cōfundentur omnia, & miscebuntur contra fās, contra iura naturæ. Ita quasi uno cōmuni, grauiq; latrocinio, terra uniuersa uastabitur. Cum hæc facta erunt, tunc iusti, & sectatores ueritatis segregabunt se à malis, & fugient in solitudines. Quo audito, impius rex inflammatus ira ueniet cum exercitu magno, & admotis omnibus copijs circundabit montē, in quo iusti morabuntur, ut cos comprehendat. Illi uero ubi se clausos undiq;, atque obsessos uiderint, exclamabunt ad Deum uoce magna, & auxilium cœleste implorabunt, & exaudiet eos Deus, & emittet regem magnū de cœlo, qui eos eripiat,

piat, ac liberet, omnesq; impios ferro, igniq; disperdat.

De mundi casibus in extremo, deq; his praedictis à uatibus.

CAP. XVIII.

**H**Aec ita futura esse, cum propheta omnes ex Dei spiritu, tum etiam uates ex instinctu demonum cecinerunt. Hydaspes enim, quem superius nominaui, descripta iniquitate seculi huius extremi, pios, ac fideles à nocentibus segregatos, ait, cū fletu, et gemitu extēsuros esse ad cœlum manus, et imploraturos fidem Iouis, Iouem respecturum ad terram, et auditurū uoces hominum, atq; impios extincturum. Quæ omnia uera sunt, præter unum, quod Iouem dixit illa facturum, quæ Deus faciet. Sed et illud non sine demonū fraude subtractum est, missum iri à patre tunc filium Dei, qui deletis omnibus malis pios liberet. quod Hermes tamen non dissimulauit. in eo enim libro, qui, λόγος τέλειος, inscribitur, post enumerationē maiorum, de quibus diximus, subiicit hæc: ἐπ' ἃν δὲ ταῦτα ὁ θεὸς γένῃαι ὡς ἀσκληπιὲ τότε ὁ κύριος καὶ πατὴρ καὶ θεὸς καὶ τὸ πρῶτον καὶ ἐνὸς θεὸς δημιουργὸς ἐπιβλέψας τοῖς γενομένοις καὶ τῇ ἰουδοῦ βαλῆσαι τοῖς ποιούτοις, τὸ ἀγαθὸν ἀντερείσας τῇ ἀταξίᾳ, καὶ ἀνακαλεσάμενος τὴν πλάνην καὶ τὴν κακίαν ἐκκαθήρας πᾶν μὲν ὅσα τι πολλὰ κατ' αὐτοὺς, πᾶν δὲ πυρὶ ὀξυτάτῃ διακαύσας. ἐνίστε δὲ πολέμοις, καὶ λοιμοῖς ἐκπίσας ἡγάγην δὲ τὸ ἀρχαῖον καὶ ἀπεκατέστησεν τὸν ἰουδοῦ κόσμον. Sibyllæ quoque non aliter fore ostendunt, quàm ut Dei filius à summo patre mittatur, qui et iniustos liberet de manibus impiorum, et iniustos cum tyrannis sæuientibus deleat. è quibus una sic tradidit,

ἤξει καὶ μακάρων ἐοίκων πόλιν ἱερασταῖαν  
καὶ κέντις θεόθεν βασίλειος πεμφθεὶς ἐπ' ἰδίῳ  
πάντας ὁλῇ βασιλῆς μεγάλους καὶ φῶτας ἀρίστους  
εἰ δ' οὕτως κρινῆται ὑπὲρ ἀφθίρης ἀνθρώπων.

Item

Item alia Sibylla,

Καὶ τὸτ' ἀπ' ἡλίου πέμψε θεὸς βασιλῆα  
Ὁς πᾶσαν γαῖαν παῦσθαι πολέμοιο κεκρίτο.

Et rursus alia,

—ἡμετέρας δολέας

Ζυγὸν δυσβάστακτον ἐπ' αὐχένι κείμενον ἄρῃ

Καὶ οἰσμὸς ὅθις λύσθαι δωμούς τε βιαίης.

De aduentu CHRISTI ad iudiciū, & falso

propheta deuicto.

CAP. XIX.

**O**ppresso igitur orbe terræ, cum ad destruendam im=  
mensarum uirium tyrannidem humanæ opes defce=  
rint: siquidem capto mundo cum magnis latronum exer=  
citibus incubabit: diuino auxilio tanta illa calamitas indi=  
gebit. Commotus igitur Deus & periculo ancipiti, & mi=  
seranda comploratione iustorū, mittet protinus liberato=  
rem. Tunc aperietur cælū mediū intēpesta, & tenebro=  
sa nocte, ut in orbe toto lumen descendantis Dei tanquā  
fulgur appareat. quod Sibylla his uersibus locuta est,

—ὅπποτ' ἄρ' ἔλθῃ

Πῦρ ἔσται σκότος ἐν τῇ μέσῃ νυκτὶ μελαίνῃ.

Et hæc est nox, quæ a nobis propter aduentum regis, ac  
Dei nostri peruigilio celebratur. cuius noctis duplex ra=  
tio est, quod in ea & uitam tum recepit, cum passus est,  
& postea orbis terræ regnū recepturus est. Hic est enim  
liberator, & iudex, & ultor, & rex, & Deus, quem nos  
Christum uocamus, qui prius, quā descēdat, hoc signū  
dabit. Cadet repente gladius è cælo, ut sciāt iusti ducem  
sanctæ militiæ descensurum: & descendet comitantibus  
angelis in medium terræ, & antecedit cum flamma inex=  
tinguibilis, & uirtus angelorum tradet in manus iusto=  
rum multitudinem illam, quæ montem circumsederit, &

G 5

conc



concidetur ab hora tertia usq; ad uesperum, & fluet sanguis more torrentis: deletisq; omnibus copijs, impius solus effugiet, & peribit ab eo uirtus sua. Hic est autē, qui appellatur Antichristus: sed se ipse Christum mentietur, & cōtra uerum dimicabit, & uictus effugiet, & bellum saepe renouabit, & saepe uincetur, donec quarto praelio cōfectis omnibus impijs debellatus, & captus, tandem scelus suorum luat pœnas. Sed & ceteri principes, ac tyranni, qui contriuerunt orbem, simul cum eo uincti adducentur ad regem, & increpabit eos, & coarguet, & exprobrabit his scinora ipsorum, & damnabit eos, ac meritis cruciatibus tradet. Sic extincta malitia, & impietate compressa, requiescet orbis, qui per tot secula subiectus errori, ac scelcri, nefandam pertulit seruitutem. Non colentur ulterius dii manu facti, sed a templis, & puluinariis suis deturbata simulachra igni dabuntur, & cum donis suis mirabilibus ardebunt, quod etiā Sibylla cum prophetis congruens futurum esse prædixit:

Τρίτης δ' ἁλώλα βροτὶ καὶ πλῆτον ἄπαντα.

Erythræa quoq; idem spondit:

Ἐργαὶ δ' χειρῶν τῶν θεῶν σῶν καὶ αὐτοῖα.

De CHRISTI iudicio, de Christianis,

deq; anima.

C A P. XX.

**P**ost hæc aperientur inferi, & resurgent mortui, de quibus iudicium magnum idem ipse rex, ac Deus faciet, cui summus pater & iudicandi, & regnandi dabit maximā potestatem. de quo iudicio, & regno apud Erythræam Sibyllam sic inuenitur:

Οππότε καὶ λάβῃ τέλει αἵσιμον ἡδὲ βροτῶν

καὶ δ' ἁφίξη καὶ κρίσις ἀθανάτο θεοῖο

ἥξει ἐπ' ἀνθρώπων μεγάλη κρίσις ἡδὲ καὶ ἀρχή.

Deinde

Deinde apud aliam,

Ταρτάριον ὃ χάσθ' τότε λείπει γαῖα χανοῦσα  
ἤξυσιν δ' ἐπὶ βῆμα θεῶ βασιλῆος ἅπαντες.

Et alio loco apud eandem,

Οὐρανὸν ἐλίσσων γαῖης καθμῶνας ἀνοίξω  
Καὶ τὸτ' ἀνασῆσω νεκροὺς μοῖραν ἀναλύσας  
Καὶ θανάτου κίνητρον καὶ ὕπερον εἰς κρίσιν ἄξω  
Κρίνων δόσι βίωσι καὶ λυσσι βίωσι βίον ἀνθρώπων.

Nec tamē uniuerſi tunc à Deo iudicabuntur, ſed ij tantū,  
qui ſunt in Dei religione uerſati . Nam qui Deum non  
agnouerunt, quoniā ſententia de his in abſolutionem fer  
ri non poteſt, iam iudicati, dammatiꝫ ſunt, ſanctis literis  
contellantibus, non reſurrecturos impios in iudiciū. Iudi  
cabuntur ergo, qui Deum ſcierunt, et ſācinora eorū, id eſt  
mala opera cum bonis collata ponderabūtur: ut ſi plura,  
et graui ſuerint bona, iuſtificentur ad uitā beatā: ſi au  
tem mala ſuperauerint, cōdēnentur ad pœnā. Hic fortāſſe  
dixerit quiſpiā, Si eſt immortalis anima, quomodo patibi  
lis inducitur, ac pœnæ ſentiēs? Si enim ob merita punie  
tur, ſētiet utiq; dolorē, atq; ita etiā mortē. Si morti nō eſt  
obnoxia, nec dolori quidē. patibilis igitur non eſt . Huic  
quæſtioni, ſiue argumēto, à Stoicis ita occurritur: Animas  
quidē hominū permanere, nec interuētū mortis in nihilū  
reſolui: ſed eorū, qui iuſti fuerūt, puras, et impatibiles, et  
beatas ad ſedē cœleſtē, unde illis origo ſit, remeare: uel in  
cāpos quosdā fortunatos rapi, ubi fruātur miris uolupta  
tibus: impios uero, quoniam ſe malis cupiditatibus inqui  
nauerunt, mediam quandam gerere inter immortalem,  
mortalemq; naturam, et habere aliquid imbecillitatis ex  
cōtagione carnis. cuius deſiderijs, ac libidinibus addictæ,  
incluibilem quendā ſucum trahant, labemq; terrenā: quæ  
cum

cum temporis diuturnitate penitus inhæserit, eius naturæ reddi animas, ut si non extinguibiles in totum, quoniam ex Deo sunt, tamen cruciabiles fiant per corporis maculam, quæ peccatis iniusta, sensum doloris attribuit.

Quam sententiam poëta sic explicauit,

Quin & Supremo cum lumine uita reliquit,  
Non tamen omne malum miseris, nec funditus omnes  
Corporeæ excedunt pestes, penitusq; necesse est  
Multa diu concreta modis inolescere miris.  
Ergo exercentur pœnis, ueterumq; malorum  
Supplicia expendunt.

Hæc propemodum uera sunt. Anima enim, cū diuortium fecit à corpore, est (ut ait idem poëta)

Par leuibus uentis, uolucrisq; simillima somno.

Quia spiritus est, & ipsa tenuitate incomprehensibilis: sed nobis, qui sumus corporales: Deo autem, cui subiacet posse omnia, comprehensibilis.

De cruciatibus, & præmijs animarum.

C A P.

X X I.

**P**rimum igitur dicimus, tantā esse Dei potestatem, ut etiam incorporalia comprehendat, & quemadmodū uoluerit, afficiat. Nam & angeli Deum metuunt, quia castigari ab eo possunt, inenarrabili quodam modo: & dæmones reformidant, quia torquentur ab eo, ac puniuntur. Quid ergo mirum, si cum sint immortales animæ, tamen patibiles sint Deo? Nam cum in se nihil habeant solidum, & cōtrectabile, à solidis, & corporalibus nullam uim pati possunt. sed quia in solis spiritibus uiuunt, à solo Deo tractabiles sunt, cui uirtus, ac substantia spiritalis est. Sed tamē docēt nos sanctæ literæ, quēadmodū pœnas impij sint laturi. Nam quia peccata in corporibus contraxerunt,

traxerūt, rursus carne induentur, ut in corporibus piaculum soluat: & tamē nō erit caro illa, quam Deus homini superieccerit, huic terrenæ similis, sed insolubilis, ac permānēs in æternum, ut sufficere possit cruciatibus, et igni sēpiterno: cuius natura diuersa est ab hoc nostro, quo ad uitæ necessaria utimur. qui nisi alicuius materiæ fomite alatur, extinguitur. At ille diuinus per seipsum semper uiuit, ac uiget sine ullis alimētis, nec admistum habet fumum, sed est purus, ac liquidus, & in aquæ modū fluidus. Non enim ui aliqua sursum uersus urgetur, sicut noster, quē labes terreni corporis, quo tenetur, et fumus intermistus exilire cogit, & ad cœlestem naturam cum trepidatione mobili subuolare. Idem igitur diuinus ignis una, eademq; ui, atq; potētia & cremabit impios, & recreabit, & quātū ē corporibus absumet, tantū reponet, ac si bi ipse æternū pabulū subministrabit. quod poētæ in uulturē Tityi transtulerūt. ita sine ullo reuiuiscentiū corporū detrimēto aduret tātū, ac sensu doloris afficiet. Sed & iustos cū iudicauerit Deus, etiā igni eos examinabit. Tū, quorū peccata uel pōdere, uel numero præualuerint, perstringētur igni, atq; amburētur. quos autē plena iustitia, & maturitas uirtutis incoxerit, ignē illum non sentient. habent enim aliquid inde, quod uim flammæ repellat, ac respuat. Tanta enim uirtus est innocentiae, ut ab ea ignis ille refugiat innoxius, qui accepit à Deo hanc potestatem, ut impios urat, iustis obtemperet. Nec tamen quisquam putet, animas post mortē protinus iudicari. omnes in una, communiq; custodia detinentur, donec tempus adueniat, quo maximus iudex meritorum faciat examen. Tum quorum fuerit probata iustitia, ij præmium immortalitatis accipient: quorum autem peccata, & scelera de-

tectā,

teſta, non reſurgent, ſed cum impijs in eaſdem tenebras recondentur, ad certa ſupplicia deſtinati.

De errore poëtarum, deq; animæ reditu ab inferis.

CAP. XXII.

**F**igmenta hæc eſſe poëtarum quidā putant, ignorātes, unde illa poëta acceperint, ac negāt hæc fieri poſſe. nec mirū eſt ita illis uideri. Aliter enim, quā res habet, traditur a poëtis. qui licet ſint multo antiquiores, quā hiſtorici, & oratores, & cætera genera ſcriptorū: tamen quia myſteriū diuini ſacramēti nesciebāt, & ad eos mentio reſurrectionis futuræ obſcurorū ore peruenerat, eam uero temere, ac leuiter auditā, in modū cōmētitiæ fabulæ prodiderunt. Et tamē ijdē teſtati ſunt, non autorē ſe certum, ſed opinionem ſequi, ut Maro, qui ait: Sit mihi ſas audita loqui. Quamuis igitur ueritatis arcana in parte corruerint: tamē ipſa res eò uerior inuenitur, quòd cum prophetis in parte conſentiunt. quod nobis ad probationem rei ſatis eſt. Errori tamen eorū ſubeſt ratio nō nulla. Nā cū pphetæ aſſiduis cōcionibus prædicarēt, iudicaturū eſſe de mortuis filiū dei, & hæc annūtiatio nō lateret: quoniā rectorē cœli eſſe nō aliū putabant Deū, quā Iouem: iudicare apud inferos Iouis filiū tradiderūt, ſed tamē non Apollinem, aut Liberū, aut Mercurium, qui cœleſtes putantur, ſed Deum, qui & mortalis fuerit, & iuſtus, uel Minoem, uel Aeacum, uel Rhadamanthum. Corruerunt igitur poëtica licentiā, quod acceperant: uel opinio ueritatem per diuerſa ora, ſermonesq; uarios diſſipata mutauit. Nam quòd peractis apud inferos nulle annis, rursus ad uitam reſtitui cecinerunt, Marone ita dicente,

Has omnes, ubi nulle rotam uoluere per annos,  
Lethæum ad fluuium Deus euocat agmine magno,  
Scilicet

Scilicet immemores supera ut conuexa reuisant,

Rursus & incipiant in corpora uelle reuerti:

hæc eos ratio sefellit, quòd resurgēt defuncti, nō post mille annos mortis suæ, sed ut restituti rursus in uitam mille annis cum Deo regnēt. Deus enim ueniet, ut orbe hoc ab omni labe purgato, rediuiuas iustorū animas corporibus innouatis ad sempiternam beatitudinē suscitet. Itaq; præter aquam obliuionis uera sunt cætera. quam iccirco finxerunt, nequis illud opponeret. Cur ergo non memincrūt se aliquando uixisse, aut qui fuerint, aut quæ gesserint? Sed nihilo minus tamen uerisimile nō putatur, & res tota uelut licēter, & fabulose ficta respuitur. Nobis autē de resurrectione affirmantibus, & docētibus, animas ad alterā uitam nō oblitæ sui, sed in eodem sensu, ac figura esse reddituras, illud opponitur. Tot iam secula transierunt: quis unquā unus ab inferis resurrexit, ut exēplo eius fieri possc credamus? At enim resurrectio fieri nō potest, dominante adhuc iniustitia. Hoc enim seculo necātur homines ui, ferro, insidijs, uenenis: afficiūtur iniurijs, egestate, carccribus, tormētis, proscriptionibus. Eòdem accedit, quòd iustitia inuisa est, quòd omnes, qui Deum sequi uolunt, non tantum odio habentur, sed uexātur omnibus cōtumelijs, & excruciat̃ur multiplici genere pœnarū, & ad impios cultus fabricatorum Deorum nō ratione, aut ueritate, sed nefanda corporū laceratione coguntur. Num igitur oportet ad hæc eadem resurgere, & reuerti homines ad uitam, in qua tuti esse non possint? Cum ergo iusti tam uiles habeantur, ui tam facile tollantur: quid putemus futurū fuisse, si quis ab inferis rediens uitam postliminio recepisset? Auferretur profecto ab oculis hominū, ne uiso eo, uel audito, Deos uniuersi relinquerēt, & ad unius se Dei cultū, relig

religionemq; conuerteret. Ergo semel fieri resurrectionē necesse est, cum malum fuerit ablatum, quoniam eos qui resurrexerint, nec mori iam ulterius, nec uiolari ullo modo fas est, ut beatam possint agere uitam, quorum mors resignata est. Poëta uero, cum scirent, hoc seculum malis omnibus redundare, obliuionis amnem induxerunt, ne laborum, ac malorum memores animæ reuerti ad superos recusarent. unde Vergilius:

O pater, an'ne aliquas ad cœlum hinc ire putandū est  
Sublimes animas, iterumq; ad tarda reuerti

Corpora? quæ lucis miseris tam dira cupido? Ignorabant enim quomodo, aut quādo id fieri opportheret. ita renasci eas putauerūt, & denuo ad uterū reuolui, atq; ad infantiā regredi. Vnde etiā Plato de anima differens, ex hoc ait posse cognosci animas esse immortales, atq; diuinas, quod in pueris mobilia sunt ingenia, & ad percipiēdum facilia: quod ea, quæ discāt, ita celeriter rapiant, uti nō tūc primū discere illa uideātur, sed recognoscere, atq; reminisci. in quo uir sapiens poëtis ineptissimè credidit.

De resurrectione animæ, eiusq; rei  
testimonia.

CAP. XXIII.

**N**on igitur renascētur, quod fieri non potest, sed resurgent, & à Deo corporibus induētur, & prioris uitæ, factorumq; omnium memores erunt: & in bonis cœlestibus collocatæ, ac fruētes iucunditate innumerabiliū copiarū, præsentī Deo gratias agent: quod malum omne deleuerit, quod eos ad regnum, uitamq; perpetuam suscitauit. Qua de anastasi philosophi quoque dicere aliquid conati sunt tā corrupte, quā poëta. Nā Pythagoras trāsire animas in noua corpora disputauit, sed inepte, quod ex hominibus in pecudes, & ex pecudibus in homines,



mines, & seipsum ex Euphorbo esse reparatum. Melius Chrysippus, quem Cicero ait fulcire porticum Stoicorū, qui in libris, quos de prouidentia scripsit, cum de innouatione mūdi loqueretur, hæc intulit: τοῦτο δ' οὕτως ἔχοντος θεῶν ὥς ἡδ' ἐν ἀδύνατον καὶ ἡμᾶς μετὰ τὸ τελευτῆσαι πάλιν περισθῶν πνῶν ἐλημμένων χρόνῳ ἕς ὃ νῦν ἐσμὲν καταστήσεται ἡμᾶς. Sed nos ab humanis ad diuina redeamus. Sibylla dicit hæc:

δύωισιν γὰρ ἅπασιν μερόπων γένε'. ὧν' ὅταν ἦδ' ἡ  
κόσμος καὶ θνητῶν ἔλθῃ κρίσις ἢν θεὸς αὐτῶς  
ποιεῖσθαι κρίνων ἀσεβείας θ' ἅμα δισεβείας τε  
καὶ τὸ τε δουαεβείας μὴν ἐπὶ ῥόφον ἐν πυρὶ πέμψῃ.  
ὅσοι δ' ἀσεβέυσιν πάλιν ἦσιν ἐπὶ γαίης  
πνέοντα θεῶν δόντες, πᾶσιν ἅμα καὶ ἕϊον αὐτοῖς.

Quòd si non modo propheta, sed etiam uates & poëta & philosophi anastasin mortuorū futuram esse consensuunt: nemo quærat à nobis, quemadmodum fieri possit. Nec enim diuinorum operum reddi potest ratio. Sed si à principio Deus hominem nescio quo inenarrabili modo instituit: credamus, ab eodem restitui ueterem posse, qui nouum fecit.

De renouato mundo.

CAP. XXIIII.

Nunc reliqua subnectam. Veniet igitur summi, et maximi Dei filius, ut uiuos, ac mortuos iudicet, testāte atq; dicente Sibylla,

πάσης γὰρ γαίης τὸ τε θνητῶν σύγχυσις ἔσται  
αὐτῶς δ' παντοκράτωρ ὅτ' ἂν ἔλθῃ βήματι κρινῶν  
ζώντων καὶ νεκρῶν ψυχὰς καὶ κόσμον ἅπαντα.

Verum ille cum deleuerit iniustitiam, iudiciūq; maximum fecerit, ac iustos, qui à principio fuerunt, ad uitam restaurauerit, mille annis inter homines uersabitur, eosq;

H

iustifi

iustissimo imperio reget. Quod alibi Sibylla uaticinans, furensq; proclamat,

κλυτε δέμας μέροντες βασιλῆος αἰώνιος ἄρχα.

Tum qui erunt in corporibus uiui, non moriētur, sed per eosdem mille annos infinitam multitudinem generabunt, & erit soboles eorum sancta, & Deo chara. Qui autem ab inferis suscitabuntur, ij præerunt uiuentibus uelut iudices. Gentes uerò non extinguuntur omnino, sed quædam relinquentur in uictoriam Dei, ut triumphentur à iustis, ac subiugentur perpetuæ seruituti. Sub idem tempus etiā princeps demonum, qui est machinator omnium malorum, cathenis uinciatur, et erit in custodia mille annis cœlestis imperij, quo iustitia in orbe regnabit, nequod malum aduersus populum Dei moliatur. post cuius aduentū cōgregabuntur iusti ex omni terra: peractōq; iudicio, ciuitas sancta constituetur in medio terræ: in qua ipse conditor Deus cum iustis dominantibus commoretur. quam ciuitatem Sibylla designat, cum dicit:

καὶ πόλιν, ἣν ἐποίησε θεὸς, αὐτὴν ἐποίησε

λαμπροτέραν ἄστρον, καὶ ἥλιος, ἡ δὲ σελήνη.

Tunc auferentur à mundo tenebræ illæ, quibus offundetur, atque obcæcabitur cœlum, & luna claritudinem solis accipiet, nec minuetur ulterius. Sol autē septies tanto, quàm nunc est, clarior fiet. Terra uerò aperiet fœcunditatem suam, & uberrimas fruges sua sponte generabit. rupes montium melle sudabunt: per riuos uina decurrent: & flumina lacte inundabunt. Mundus denique ipse gaudebit, & omnis rerum natura letabitur, crepta & liberata dominio mali, & impietatis, & sceleris, & erroris. Non bestię per hoc tempus sanguine alentur, non aues præda: sed quieta & placida erūt omnia. leones & uituli

ad præsepe sinul stabunt: lupus ouem non rapiet: canis non uenabitur: accipitres & aquilæ nō nocbunt: infans cum serpentibus ludet. Denique tūc fient illa, quæ poëtæ aureis temporibus facta esse iam Saturno regnāte dixerunt. Quorum error hinc ortus est, quòd propheta futurorum pleraque sic proferunt, & enunciant, quasi iam peracta. Visiones enim diuino spiritu offerebātur oculis eorum: & uidebant illa in conspectu suo quasi fieri, ac terminari. Quæ uaticinia eorū cum paulatim fama uulgasset, quoniam profani à sacramento, ignorabant quatenus diceretur, completa iam esse ueteribus seculis illa omnia putauerunt, quæ utiq; fieri, compleriq; non poterant homine regnante. Cum uerò deletis religionibus impijs, & scelere compresso, subiecta erit Deo terra:

Cedet & ipse mari uestor, nec nautica pinus

Mutabit merces, omnis feret omnia tellus.

Non rastros patietur humus, non uinea falcem.

Robustus quoq; iam tauris iuga soluet arator.

Tunc etiam molli flauescet campus arista:

Incultisq; rubens pendebit sentibus uua,

Et duræ quercus sudabunt rosida mella,

Nec uarios discet mentiri lana colores.

Ipse sed in pratis aries iam suaue rubenti

Murice, iam croceo mutabit uellera luto.

Sponte sua sandyx pascentes uestiet agnos.

Ipsæ lacte domum referent distenta capellæ

Vbera: nec magnos metuent armenta leones.

Quæ poëta secundum Cumeæ Sibyllæ carmina prælocutus est. Erythræa uerò sic ait:

Ἐδὲ λῦξαι σὺν ἄρνεσ' ἐν οὖρεσιν ἀμιλλῶνται.

Χόρτων γὰρ λίγκες τ' ἐρίφοισιν ἅμα βόσκεινται,

H 2 ἄρκτοι

ἄρκτοι σὺν μόχοισιν ὁμῶς καὶ πᾶσι βροτοῖσι.  
 σαρκυβόρος τελίῳ φάγεται ἄχυρον παρὰ φάτνας.  
 σὺν βρέφεισιν τε θράκοντες ἀμάτορσιν καμῶσονται.

*Et alio loco de ubertate rerum,*

καὶ τὸ τε δὴ χάριν μεγάλην θεὸς ἀνδράσι δώσει  
 καὶ γὰρ γῆ καὶ δένδρα καὶ ἅπαντα βέβηματα γαῖης  
 δώσουσιν καρπὸν πρὸς ἀληθινὸν ἀνθρώποισιν  
 οἶνον καὶ μέλιτος γλυκίως, λωκύετε γάλακτος  
 καὶ σίτου, ὅπερ ἐστὶν βροτοῖς κάλλιστον ἀπάντων.

*Et alia eodem modo,*

δοσεύων δὲ μόνων ἀγρία χθὼρ πάντα τὰδ' οἶσεν  
 νῆμα μέλιτος ἀπὸ πέτρης ἡδ' ἀπὸ πηγῆς  
 καὶ γάλατ' ἀμβροσίης ῥόσση πάντεσσι δεικνύοις.

*Vivent itaque homines tranquillissimam uitam, et copiosissimam, et regnabunt cum Deo pariter, et reges gentium uenient à finibus terræ cum donis, ac muneribus, ut adorent, et honorificent regem magnum, cuius nomen erit præclarum, ac uenerabile uniuerfis nationibus, quæ sub cælo erunt, et regibus qui dominabuntur in terra.*

*De postremis temporibus, de' que urbe*

*Roma.*

*C A P. XXV.*

**H**Acc sunt, quæ à prophetis futura dicuntur; quorum testimonia, et uerba ponere opus nō esse duxi, quoniam esset infinitum: nec tantam rerū multitudinem mensura libri caperet, tā multis uno spiritu similia dicētibz, simulq; ne fastidium legētibus fieret, si ex omnibus collecta, et translata congererē: præterea ut ea ipsa, quæ dicere, non nostris, sed alienis potissimum literis confirmarem, doceremq; nō modo apud nos, uerum etiam apud eos ipsos, qui nos insectantur, ueritatē consignatam teneri, quam recusant agnoscere. si quis autē diligētius hæc uoluerit

uoluerit scire, ex ipso fonte haucriat, & plura, quàm nos in his libris cõplexi sumus, admirabilia reperiet. Fortasse quispiam nunc requirat, quando ista, quæ diximus, sint futura. Iam superius ostendi, completis annorũ sex millibus mutationẽ istam fieri oportere, & iam propinquare summum illum cõclusionis extremæ diem. De signis quæ prædicta sunt à prophetis, licet noscere. prædixerunt enim signa, quibus cõsummatio tẽporũ et expectanda sit nobis in singulos dies, & timẽda. Quando tamẽ compleatur hæc summa, docent ij, qui de temporibus scripserũt, colligentes ea ex literis sanctis, & ex uarijs historijs, quãtũ sit numerus annorum ab exordio mundi. qui licet uariant, & aliquantum numeri eorum summa dissentiãt, omnis tamen expectatio non amplius, quàm ducentorum uidetur annorũ. Etiam res ipsa declarat, lapsum, ruinamq; rerum breui fore: nisi quòd incolumi urbe Roma nihil istiusmodi uidetur esse metuendum. At uerò cũ caput illud orbis occiderit, & gũm esse cõperit, quod Sibyllæ fore aiunt, quis dubitet uenisse iam finem rebus humanis, orbique terrarũ? Illa est enim ciuitas, quæ adhuc sustentat omnia: precandus quæ nobis, & adorandus est Deus cœli, si tamen statuta eius, & placita diffetiri possunt, ne citius, quàm putemus, tyrannus ille abominãdus ueniat, qui tantum facinus moliatur, ac lumen illud effodiat, cuius interitu mundus ipse lapsurus est. Nũc ad cœtera exequenda redeamus, quæ deinceps secutura sunt.

De dæmonis emissionẽ, alteroq; maximo iudicio.

CAP. XXVI.

**D**iximus paulò antè, in principio regni sancti fore, ut à Deo princeps dæmonum uinciatur. Sed idem, cum mille anni regni, hoc est, septẽ milia cõperint terminari,

H 3

soluetur

soluetur denuo, & custodia emissus exibat: atq; omnes gentes, quæ tunc erunt sub ditione iustorū, concitabit, ut inferant bellū sanctæ ciuitati, & colligetur ex omni orbe terræ innumerabilis populus nationum, & obsidebit, & circundabit ciuitatē. tunc ueniet nouissima ira Dei super gentes, & debellabit eas usq; ad unū, ac primum concutiet terram quam ualidissime, & à motu eius scindentur montes Syriæ, & subsident colles in abruptum, & muri omniū ciuitatum corruent, & statuet Deus solem, triduo ne occidat, & inflammabit eum, & descendet æstus nimius, & adustio magna supra perduelles, & impios populos, & imbres sulfuris, & grandines lapidum, et guttæ ignis: & liquefcēt spiritus eorum in calore: & corpora conterentur in grandine: & ipsi se inuicem gladio ferient: & replebūtur montes cadaueribus: & campi operiētur ossibus. Populus autē Dei tribus illis diebus sub cōcauis terræ occultabitur, donec ira Dei aduersus gētes extremū iudiciū terminet. Tūc exhibūt iusti de latebris suis, & inueniēt omnia cadaueribus, atq; ossibus tecta. Sed & genus omne impiorū radicitus interibit: nec erit in hoc mūdo ullā iā natio amplius, præter solā gētē Dei. tū per annos septē perpetes intactæ crunt syluæ: nec excidetur de montibus lignum. Sed arma gentiū comburentur, & iam nō erit bellū, sed pax, & requies sempiterna. Cū uerò cōpleti fuerint mille anni, renouabitur mūdus à Deo, & cælum cōplicabitur, & terra mutabitur, et transformabit Deus homines in similitudinē angelorum: & erūt candidi sicut nix, & uersabuntur semper in conspectu omnipotentis, & domino suo sacrificabūt, & seruient in æternum. Eodem tempore fiet secunda illa, & publica omnium resurrectio, etiam in qua excitabuntur iniusti ad cruciatu

cruciatuſ ſempiternos. Ii ſunt, qui manu facta coluerunt, qui dominum mundi, ac parentē uel neſcierunt, uel abnegauerunt. Sed & dominus illorum cum miniſtris ſuis cōprehendetur, ad pœnamq; damnabitur, cum quo pariter omnis turba impiorum pro ſuis facinoribus in conſpectu ingelorum, atq; iuſtorum perpetuo igni cremabitur in æternum. Hæc eſt doctrina ſanctorum prophetarum, quam Chriſtiani ſequimur, hæc noſtra ſapiētia, quā iſti qui fragilia colunt, uel inanem philoſophiam tuentur, tanquam ſtultitiā uanitatēq; derident, quia non defendere hanc publicè, atq; aſſerere nos ſolemus, Dco iubēte, ut quiēti, ac ſilentes arcanū eius in abdito, atq; intra noſtram conſcientiā teneamus: nec aduerſus iſtos uere profanes, qui non diſcendi, ſed arguēdi, atq; illudendi gratia inclinēter Deum, ac religionē eius impugnāt, pertinaci contentione certemus. Abſcondi enim, tegiq; myſterium quam fideliffime oportet, maximè à nobis, qui nomē fidei gerimus. Verū illi hanc taciturnitatē noſtram, ueluti malam conſcientiam, criminātur. unde etiam quaſdam execrabiles opinionones de pudicis, & innocentibus fingunt. & libenter his, quæ finxerunt, credunt. \* Sed omnia iam ſanctiffime imperator ſigmenta ſopita ſunt, ex quo te Deus ſummus ad reſtituendū iuſtitie domicilium, & ad tutelam generis humani excitauit. Quo gubernante Romanæ R. P. ſtatū, iam cultores Dei pro ſcleratis, ac neſarijs nō habemur. Iam emergēte, atq; illuſtrata ueritate nō arguimur ut iniuſti, qui opera iuſtitie facere conamur. Nemo iam nobis Dei nomē exprobrat. Nemo irreligioſus ulterius appellatur, qui ſoli omnium religioſi ſumus, quoniam contemptis imaginibus mortuorum, uiuum colimus, & uerum Deum. Te prouidentia ſummæ diuinitatis



ad fastigiū principale prouexit, qui posses uera pietate aliorū male consulta rescindere, peccata corrigere, saluti hominum paterna clementia providere, ipsos deniq; natos à Ro. pop. summouere: quos summa pietate deiectos, in manus tuas idem Deus tradidit, ut esset omnibus clarū, quæ sit uera maiestas. Illi enim, qui ut impias religiones defenderent, cœlestis, ac singularis Dei cultum toller: uoluerunt, profligati iacent. tu autem qui nomen eius defendis, & diligis, uirtute, ac felicitate præpollens, immortalibus tuis glorijs beatissimus frueris. Illi poenas sceleris sui & pendūt & pependerunt. te dextera Dei potens ab omnibus periculis proteggit: tibi quietum, tranquillunq; moderamen cum summa omnium gratulatione largitur. Nec immerito rerum dominus, ac rector te potissimum delegit, per quem sanctam religionem suam instauraret, quoniam unus ex omnibus extitisti, qui præcipua uirtutis, & sanctitatis exempla præberes: quibus antiquorum principum gloriam, quos tamen fama inter bonos nune- rat, non modò æquare, sed etiam (quod est maximum) præterires. Illi quidem natura fortasse tantum similes iustis fuerunt. qui enim moderatorem uniuersitatis Deum ignorat, similitudinem iustitiæ assequi potest, ipsam uerò non potest. Tu uerò & morū ingenta sanctitate, & ueritatis, & Dei agnitione in omni actu iustitiæ opera consummas. Erat cōgruens, ut in formando generis humani statu te autore, ac ministro diuinitas uteretur. Cui nos quotidianis precibus supplicamus, ut te in primis, quem rerum custodē uoluit esse, custodiat: deinde inspiret tibi uoluntatem, qua semper in amore diuini nominis perseueres. Quod est omnibus salutare, & tibi ad felicitatem, & cæteris ad quietem. \*

Adhorta

## Adhortatio, &amp; confirmatio piorum.

CAP.

XXVII.

**Q**uoniam decursis propositi operis septem spatijs, ad metā prouecti sumus, superest, ut exhortemur omnes ad suscipiendam cū uera religione sapientiā, cuius uis, & officium in eo uertitur, ut cōtemptis terrestribus, & abiectis erroribus, quibus antea tenebamur, fragilibus seruientes, & fragilia cōcupiscentes, ad æterna cœlestis thesauri præmia dirigamur. quæ ut capere possimus, quamprimum omittendæ sunt huius præsentis uitæ illicibiles uoluptates, quæ animas hominū perniciosissima suauitate deliniunt. Quanta felicitas existimanda est, sub tractum his labibus terræ, proficisci ad illum æquisimū iudicem, parentem que indulgentissimum, qui pro laboribus requiem, pro morte uitam, pro tenebris claritatem, pro terrenis, ac breuibus bonis æterna, & cœlestia largiatur. cū qua mercede acerbitates, ac miseriæ, quas persequimur in hoc mundo, faciētes opera iustitiæ, conferri, & coequari nullo modo possunt. Proinde si sapientes, si beati esse uolumus, cogitanda, & proponenda sunt nobis non tantū Terentiana illa, molendū esse usq; in pistrinū, uapulandum, habendæ cōpedes: sed his multo atrociora, carcer, cathenæ, tormēta patiēda, sustinēdi dolores, mors deniq; ipsa & suscipienda est, & ferēda: cū liqueat conscientiæ nostræ, nec fragilem istam uoluptatē sine pœna, nec uirtutem sine diuino præmio fore. Vniuersos igitur oportet operam dare, ut se quamprimū ad rectam uiam dirigant, ut susceptis, operatisq; uirtutibus, huius uitæ laboribus patienter exactis, cōsolatorem Deū habere mereātur. Pater enim noster, ac dominus, qui cōdidit, firmavitq; cœlum, qui Solem cum cæteris syderibus induxit,

H 5 qui

qui libratam magnitudine sua terram uallauit montibus,  
 mari circundedit, omnibusq; distinxit, & quicquid est in  
 hoc opere mundi cōflauit, ac perfecit è nihilo: perſpectis  
 erroribus hominum, ducem miſit, qui nobis iuſtitiaẽ uiam  
 pāderet. hunc ſequamur omnes, hunc audiamus, huic de-  
 uotiſſime pareamus, quoniam ſolus (ut ait Lucretius)

Veridicis hominum purgauit pectora dictis:

Et finem ſtatuit cupidinis, atque timoris:

Expoſuitq; bonum ſummum, quò tendimus omnes,

Quid foret, atque uiam monſtrauit limite puro,

Qua poſſemus ad id recto contendere curſu.

nec mōſtrauit tantum, ſed etiā præceſſit, ne quis difficul-  
 tatis gratia iter uirtutis horreret. Deſeratur (ſi fieri po-  
 teſt) uia perditionis, & fraudis, in qua mors uoluptatis  
 illecebris adoperta celatur. Et quanto quiſq; annis in ſe-  
 neſcutem uergentibus appropinquare cernit illum diem,  
 quo ſit ei ex hac uita demigrandum, cogitet, quā purus  
 abſcedat, quā innocēs ad iudicem ueniat, non ut faciūt,  
 quorum cæcis mētibus lux negatur, qui iam deficiētibus  
 corporis uiribus, in hoc admonētur inſtantis ultimæ ne-  
 ceſſitatis, ut cupidius, ut ardentius hauriendis libidinibus  
 intendāt. Qua ex uoragine liberet ſe quiſque dum licet,  
 dum facultas adeſt, ſeq; ad Deum tota mēte conuertat, ut  
 illum diem ſecurus expectet, quo præſes, dominusq; mun-  
 di Deus de ſingulorum factis, cogitationibusq; iudicabit:  
 quæcunq; hic expetuntur, non negligat, ſed & fugiat, po-  
 tiorcmq; animam ſuam iudicet, quā bona iſta fallacia,  
 quorū incerta, & caduca poſſeſſio eſt. migrāt enim quo-  
 tidie, & multo uelocius exeunt, quā intrauerāt, & ta-  
 men ſi nobis uſq; ad ultimū liceat iſtis frui, alijs certe re-  
 linquenda ſunt. Nihil nobiſcum ferre poſſumus, niſi uitam  
 bene

bene, atque innocēter actam. Ille ad Deum copiosus, ille opulentus adueniet, cui astabunt continentia, misericordia, patientia, charitas, fides. Hæc est hæreditas nostra, quæ nec eripi cuiquam, nec transferri ad alterum potest. Et quis est, qui hæc bona parare, ac adquirere sibi uelit? Veniant, qui esuriunt, ut cœlesti cibo saturati, sempiternam famem ponant. ueniant, qui sitiunt, ut aquam salutarem de perenni cœlestiq; fonte plenissimis faucibus trahant. Hoc cibatu, atque potu Dei & cæci uidebunt, & surdi audient, & muti loquentur, & claudi ambulant, & stulti sapient, & ægroti ualebunt, & mortui reuiuiscant. Quisquis enim corruptelas terræ uirtute calcauerit, hunc arbiter ille summus, & uerax ad lucem, uitamq; perpetuam suscitabit. Nemo diuitijs, nemo fascibus, nemo etiam regia potestate confidat. immortalē ista non faciunt. Nam quicumq; rationem hominis abiecerit, ac præsentia secutus, in humum se ipse prostrauerit: tanquam desertor domini, & imperatoris, & patris sui punietur. Intendamus ergo iustitiæ, quæ nos inseparabilis comes ad Deum sola perducet, & dum spiritus hos regit artus, infatigabilem militiam Deo militemus, stationes, uigiliasq; celebremus, congregiamur cū hoste, quem nouimus, fortiter: ut uictores, ac deuicto aduersario triumphantes, præmium uirtutis, quod ipse promisit, à Domino consequamur.

L. COELII

L. COELII  
**LACTANTII**  
 FIRMIANI DE IRA  
 DEI, AD DONATVM,  
 LIBER VNVS.

De sapientia diuina, & humana. CAP. I.



Nimaduerti sæpe, Donate, plurimos exi-  
 stimare (quod etiã nonnulli philosopho-  
 rum putauerunt) non irasci Deum, quo-  
 niam uel benefica sit tantũmodo natura  
 diuina, nec cuiquam nocere, præstantissi-  
 mæ, atque optimæ congruat potestati, uel certe nil curet  
 omnino, ut neq; ex beneficentia eius quicquam boni per-  
 ueniat ad nos, neq; ex maleficientia quicquã mali. Quo-  
 rum error, quia maximus est, & ad euertendum uitæ hu-  
 manæ statũ spectat, coarguendus est à nobis, ne ipse falla-  
 ris, impulsus autoritate hominũ, qui se putant esse sapien-  
 tes. Nec tamen nos tam arrogãtes sumus, ut comprehen-  
 sam nostro ingenio ueritatem gloriemur: sed doctrinam  
 Dei sequimur, qui scire solus potest, & reuelare secreta.  
 Cuius doctrinæ Philosophi expertes, existimauerũt na-  
 turam rerũ omnium coniectura posse deprehendi. Quod  
 nequaquam fieri potest. quia mens hominis, tenebroso  
 corporis domicilio circunseptã, longe à Dei perspectio-  
 ne summotã est: & hoc differt ab humanitate diuinitas,  
 quod humanitatis est ignoratio, diuinitatis sciẽtia. Vnde  
 nobis aliquo lumine opus est ad depellẽdas tenebras, qui-  
 bus offusa est hominis cogitatio, quoniã in carne mortali  
 agẽtes, nostris sensibus diuinare nõ possumus. Lumen aut̃  
 mentis

mentis humanæ Deus est. quem qui cognouerit, & in peccatus admiserit, illuminato corde mysteriū ueritatis agnoscat. remoto autē Deo, cœlestiq; doctrina, omnia erroribus plena sunt. recteq; Socrates, cū esset omnium philosophorum doctissimus, tamen ut cæterorū argueret inscientiam, qui se aliquid tenere arbitrabantur, ait, se nihil scire, nisi unum, quod nihil sciret. Intellexit enim, doctrinā illam nihil habere in se certi, nihil ueri; nec, ut putabant quidam, dissimulauit ipsam doctrinā, ut alios refelleret, sed uidit ex parte aliqua ueritatem. testatus est etiam in iudicio (sicut traditur à Platone) quod nulla esset humana sapiētia: adeoq; doctrinam, qua tum Philosophi gloriabantur, contempsit, derisit, abiecit, ut id ipsum pro summa doctrina profiteretur, quod nihil scire didicisset. Si ergo nulla est sapientia humana, ut Socrates docuit, ut Plato tradidit, apparet esse diuinā, nec ulli alij, quā Deo, ueritatis notitiam subiacere. Deus igitur noscendus est, in quo sola ueritas est. Ille mundi parens, & conditor rerum, qui oculis non uidetur, mente uix cernitur. Cuius religio multis modis impugnari solet ab ijs, qui neque ueram sapientiam tenere potuerunt, neque magni, & cœlestis arcani comprehendere rationem.

De ueritate, deq; eius gradibus, & Deo,

## CAPUT II.

**N**Am cum sint gradus multi, per quos ad domiciliū ueritatis ascenditur, non est facile cuilibet euehi ad summum. Caligantibus enim ueritatis fulgore luminibus, qui stabilem gressum tenere non possunt, reuoluuntur in planū. Primus autem gradus est, intelligere falsas religiones, & abijcere impios cultus Deorū humana manu fabricatos. Secundus uero, perspicere animo, quod unus sit

sit Deus summus, cuius potestas, ac prouidentia effecerit à  
 principio mundum, & gubernet in posterū. Tertius, co-  
 gnoscere ministrum eius, ac nuntiū, quem legauit in ter-  
 ram, quo docēte liberati ab errore, quo implicati teneba-  
 mur, formatiq; ad ueri Dei cultū, iustitiā disceremus. ex  
 quibus omnibus gradibus ( ut dixi ) pronus est lapsus, &  
 facilis ad ruinā, nisi pedes inconcussa stabilitate figatur.  
 De primo gradu eos excuti uidemus, qui, cū falsa intel-  
 ligant, tamen uerum nō inueniunt: cōtemptisq; terrenis,  
 fragilibusq; simulachris, nō ad colendum se Deū confe-  
 runt, quem ignorant, sed mundi elementa mirātes, coelū,  
 terrā, mare, solem, lunam, cæteraq; astra uenerātur. Sed  
 imperitiā horū iam coarguimus in secundo diuinarum  
 institutionum libro. De secundo uero gradu eos dicimus  
 cadere, qui consentiunt, unum esse summum Deum. ijdem  
 tamen à Philosophis irretiti, & falsis argumētationibus  
 capti, aliter de unica illa maiestate sentiunt, quā ueritas  
 habet, qui aut figuram negant habere ullam Deum, aut  
 ullo affectu commoueri putāt: quia sit omnis affectus im-  
 becillitatis, quæ in Deo nulla est. De tertio uero ij præci-  
 pitantur, qui, cū sciant legatum Dei, eundemque diuini,  
 & immortalis templi conditorē, tamen aut non accipiunt  
 eum, aut aliter accipiūt, quā fides poscit. quos ex par-  
 te iam refutauimus in quarto supradicti operis libro, &  
 refutabimus postea diligētius, cum respondere ad omnes  
 sectas cōperimus, quæ ueritatem, dum disputant, perdi-  
 derunt. Nunc uero contra eos disseremus, qui de secūdo  
 gradu lapsi praua de summo Deo sentiunt. Aiunt enim  
 quidam, nec gratificari cum cuiquam, nec irasci, sed se-  
 curum, & quietum immortalitatis suæ bonis perfrui. Illi  
 uero iram tollunt, gratiam relinquunt Deo. naturā enim  
 summa



summa uirtute præstantem, ut non maleficam, sic beneficam esse debere. ita omnes Philosophi de ira consentiunt, de gratia discrepant. Sed ut ad propositam materiam per ordinem descendat oratio, huiusmodi facienda nobis, & exequenda partitio est, cum diuersa & repugnãtia sint, ira, & gratia. Aut ira tribuenda est Deo, & gratia detrahenda, aut utrunque pariter detrahendũ. Aut ira demenda est, & gratia tribuenda, aut neutrum tribuendum. Aliud amplius præter hæc nihil potest capere natura, ut necesse sit, in uno istorum aliquo uerũ, quod queritur, inueniri. Consideremus singula, ut nos ad latebras ueritatis & ratio, & ordo deducat.

De bonis & malis in rebus humanis, eorumq; autore.

CAP. III.

**P**rimum illud nemo de Deo dixit unquam, irasci eum tantummodo, & gratia nõ moueri. est enim disconueniens Deo, ut eiusmodi potestate sit præditus, qua noceat, & obsit: prodesse uero, ac benefacere nequeat. Quæ igitur ratio, quæ spes salutis hominibus proposita est, si malorum tantummodo autor est Deus? Quod si sit: iam maiestas illa uenerabilis, non ad iudicis potestatem, cui licet seruare, ac liberare, sed ad tortoris, & carnificis officium deducetur. Cum autem uideamus, nõ modo mala esse in rebus humanis, sed etiam bona: utique si Deus non est, aut rem esse alterum necesse est, qui contraria Deo faciat, & det nobis bona. Si est, quo nomine appellandus est? aut cur nobis, qui male faciat, notior est, quàm ille, qui bene? Si autẽ nihil potest esse præter Deum, absurdũ est, & uanũ, diuinã putare potestatem, qua nihil est maius, nihil melius, nocere posse, prodesse nõ posse. et ideo nemo extitit, qui auderet id dicere, quia nec rationẽ habet, nec ullo modo potest

test credi. Quod quia conuenit, tranſeamus, & ueritatem alibi requiramus.

De Deo, deq; eius affectibus: Epicuriq;  
reprehenſio.

CAP. IIII.

**Q**UOD ſequitur, de ſchola Epicuri eſt: ſicut iram in Deo non eſſe, ita nec gratiã quidem. Nam cū putaret Epicurus alienũ eſſe à Deo, malum facere, atq; nocere, quod ex affectu iracundiæ plerũq; naſcitur: admittit etiam beneficentiam, quoniam uidebat cõſequens eſſe, ut ſi habeat iram Deus, habeat & gratiã. Itaq; ne illi uitiũ concederet, etiam uirtutis fecit expertem. Ex hoc, inquit, beatus, et incorruptus eſt, quia nihil curat, neq; habet ipſe negotium, neq; alteri exhibet. Deus igitur non eſt, ſi nec mouetur, quod eſt propriũ uiuētis: nec facit aliquid impoſſibile homini, quod eſt proprium Dei, ſi omnino nullã habet uoluntatem, nullum actum, nullã deniq; adminiſtrationẽ, quæ Deo digna ſit. Et quæ maior, & quæ dignior adminiſtratio Deo aſſignari poteſt, quàm mudi gubernatio, quàm cura uiuentium, maxime q; generis humani, cui omnia terrena ſubiecta ſunt? Quæ igitur in Deo poteſt eſſe beatitudo, ſi ſemper quietus, & immobilis torpet? ſi precantibus ſurdus, ſi colētibus cæcus? Quid tam dignũ, tam propriũ Deo, quàm prouidētia? Sed ſi nihil curat, nihil prouidet, amiſit omnẽ diuinitatẽ. Qui ergo totam uim, totam Deo ſubſtantiam tollit, quid aliud dicit, niſi Deum omnino non eſſe? Deniq; M. Tullius à Poſſidonio dictum refert, id Epicurum ſenſiſſe, nullos Deos eſſe, ſed ea, quæ de dijs locutus ſit, depellendæ inuidiæ cauſa dixiſſe: itaq; uerbis illũ Deos relinquere, re autem ipſa tollere, quibus nullum motum, nullum tribuit officium. Quod ſi ita eſt; quid eo fallacius? quod à ſapiente, & graui uiro debet eſſe

esse alienum. Hic uero si aliud sensit, & aliud locutus est, quid aliud appellādus est, quā deceptor, bilinguis, malus, & propterea stultus? Sed nō erat tam uersutus Epicurus, ut fallendi studio ista loqueretur, cum hęc scriptis ad eternam memoriam consignemus, sed ignorantia ueritatis errauit. indoctus enim a principio uerisimilitudine unius falsę sententię, necessario in ea, quę sequebantur, incurrit. Prima enim sententia fuit, iram Deo non conuenire. Quod cum illi uerum, & inexpugnabile uideretur, non poterat consequentia resicare, quia uno affectu amputato, etiā ceteros affectus adimere Deo, necessitas ipsa cogebat. Ita qui non irascitur, utiq; nec gratia mouetur, quod est irę contrarium. iam si non ira in eo, nec gratia est, utiq; nec metus, nec letitia, nec mœror, nec misericordia. Vna est enim ratio cunctis affectibus, una cōmotio, quę in Deū cadere non potest. Quod si nullus affectus in Deo est, quia quicquid afficitur, imbecillum est: ergo nec cura ullius rei, nec prouidentia est in eo. Hucusq; peruenit sapientis hominis disputatio. cetera, quę sequuntur, obtinuit. scilicet, quia nec cura sit in eo, nec prouidentia: ergo nec cogitationē aliquā, nec sensum in eo esse ullū. quo efficitur, ut nō sit omnino. Itaq; cum gradatim descēdisset, in extremo gradu cōstitit, quia iam præcipitiū uidebat. Sed quid prodest reticuisse, ac periculū dissimulasse? Necessitas illum uel inuitum cadere cōegit. Dixit enim, quod noluit: quia argumentū sic ordinauit, ut ad illud, quod cuitabat, necessario deueniret. Vides igitur quō perueniatur, ira sublata, & Deo adempta. Deniq; aut nullus id credit, aut admodum pauci, & quidem scelerati, ac mali, qui sperant peccatis suis impunitatem. Quod si & hoc falsum inuenitur, nec iram in Deo esse, nec gratiam: ueniamus

mus ad illud, quod tertio loco positum est.

De Deo, Stoicorum sententia: de ira, & gratia eius.

C A P. V.

**E**Xistimantur Stoici, & alij nonnulli, aliquanto melius de diuinitate sensisse, qui aiunt, gratiā in Deo esse, irā non esse. Fauorabilis, ac popularis oratio, non cadere in Deū hāc animi pusillitatē, ut ab ullo se lēsum putet, qui ledi nō potest: ut quieta illa, & sancta maiestas cōcitetur, perturbetur, insaniat: quod est terrenæ fragilitatis. Iram enim, cōmotionem mētis esse, ac perturbationē, quæ sit à Deo aliena. Quòd si hominē quoq; , qui modo sit sapiēs, & grauis, ira nō deceat (si quidē, cum in animū cuiusquā incidit, uelut sēua tēpestas tantos excitet fluctus, ut statū mētis immuet, ardeścāt oculi, os tremat, lingua titubet, dentes cōcrepent, alternis uultū maculet nūc suffusus rubor, nūc pallor albescens) quāto magis Deum nō deceat tam fœda mutatio? Et si homo, qui habet imperiū, ac potestātē, late noceat per iram, sanguinē fundat, urbes subuertat, populos deleat, prouincias ad solitudinē redigat: quanto magis Deū, qui habeat totius generis humani, & ipsius mundi potestātē, perditurū fuisse uniuersa credibile sit, si irasceretur? Abesse igitur ab eo tam magnū, tam perniciosum malū oportere. & si absit ab eo ira, & cōcitatō, quia & deformis, & noxia est, nec cuiquā male faciit: nihil aliud superest, nisi ut sit lenis, trāquillus, propitius, beneficus, cōseruator. Ita enim demū & cōmunis omnium pater, & optimus, & uere maximus dici poterit. qd' expetit diuina, cœlestisq; natura. Nā si inter homines laudabile uidetur, prodesse potius, quā nocere: uiuificare, quā occidere: saluare, q̄ perdere (nec immerito innoētia inter uirtutes numeratur) et q̄ hęc fecerit, diligitur, præfertur

præfertur, honoratur, bene dictis omnibus, uotisq; celebratur: deniq; ob merita, & beneficia Deo similimus iudicatur: quāto magis ipsum Deum par est diuinis, perfectisq; uirtutibus præcellentem, atq; ab omni terrena labe summotum, diuinis, & cœlestibus beneficijs omne genus hominū promereri? Speciosè ista populariterq; dicuntur, & multos illiciūt ad credendum: sed qui hæc sentiunt, ad ueritatem quidē propius accedunt: sed in parte labuntur, naturam rei parum considerantes. Nam si Deus nō irascitur impijs, & iniustis: nec pios utiq; iustosq; diligit. Ergo cōstantior est error illorum, qui & iram simul, & gratiam tollūt. In rebus enim diuersis aut in utrāq; partem moueri necesse est, aut in neutrā. Itaq; qui bonos diligit, & malos odit: & qui malos nō odit, nec bonos diligit. quia & diligere bonos, ex odio malorum uenit: & malos odisse, ex bonorum charitate descendit. Nemo est, qui amet uitam suā sine odio mortis, nec appetat lucem, nisi qui tenebras fugit. Adeo natura ista cōnexa sunt, ut alterū sine altero fieri nequeat. Si quis dominus habēs in familia seruos, bonū ac malum: non utiq; aut ambos odit, aut ambos beneficijs, & honore prosequitur: quod si faciet, & iniquus, & stultus est: sed bonū & alloquitur amicē, & ornat, & domui, ac familiæ suisq; omnibus rebus præficit: malū uerò maledictis, uerberibus, nuditate, fame, siti, compedibus punit, ut & hic exēplo cæteris sit ad nō peccandū, et ille ad promerēdū, ut alios metus coërceat, alios honor puocet. Qui ergo diligit, & odit: et q odit, & diligit: sūt enim, qui diligi debeāt: sunt q odio haberi. Et sicut is, q diligit, cōfert bona in eos, quos diligit, ita q odit, irrogat mala ijs, quos odio habet. qd' argumētū, qd uerū est, dissolui nullo pacto potest. Vana ergo et falsa est

sententia eorum, qui alterum Deo tribuunt, alterum detrabunt, non minus quàm illorum qui utrunq;. Sed illi (ut ostendimus) ex parte non errât, sed id, quod melius est ex duobus retinent. Ii uerò, quos ratio, & ueritas argumēti huius inducit, falsa omnino sententia suscepta, in maximum errorem cadunt. Non enim sic oportebat eos argumentari: Quia deus non irascitur, ergo nec gratia commouetur: sed ita, Quia Deus gratia mouetur, ergo & irascitur. Si enim certum, & indubitatum fuisset, non irasci Deum, tunc & ad illud alterum ueniri, esset necessesse. Cum autem magis sit ambiguum de ira, penè manifestum de gratia, absurdum est, ex incerto certum uelle subuertere, cum sit promptius, de certis incerta firmare.

Quod Deus irascatur.

CAP. VI.

**H**æc sunt de Deo philosophorū sententiæ. Aliud præter hæc nihil quisquā dixit. Quòd si hæc, quæ dicta sūt, falsa esse deprehēdimus, unum illud extremum superest, in quo solo possit ueritas inueniri. quod à philosophis nec susceptum est unquam, nec aliquādo defensum: consequens esse, ut irascatur Deus, quoniam gratia commouetur. Hæc tuenda nobis, & asserenda sententia est. In ea enim summa omnis ratio, & cardo religionis, pietatisq; uersatur. Nā neq; honos ullus debetur Deo, si nihil præstat colenti: nec ullus metus, si nō irascitur nō colenti.

De homine, & brutis, & religione. CAP. VII.

**C**um sepe philosophi per ignorantiam ueritatis à ratione descuerint, atq; in errores inciderint inextricabiles (id enim solet his euenire, quod uiatori uiam nescienti, & non fatenti se ignorare, ut uagatur, dum percontari obuios erubescit) illud tamen nullus philosophus asseruit unquam, non nihil inter hominem, & pecudem interesse

interesse: nec omnino quisquam, modo qui sapiens uideri uellet, rationale animal cum mutis, & irrationabilibus coequauerit: quod faciunt quidam imperiti, atq; ipsis pecudibus similes: qui cum uentri, ac uoluptati se uelint tradere, aut, eadem ratione se natos, qua uniuersa, quæ spirant. quod dici ab homine nefas est. Quis enim tam indotus est, ut nesciat? quis tam imprudens, ut non sentiat aliquid inesse in homine diuini? Nondum uenio ad uirtutes animi, et ingenij, quibus homini cū Deo manifesta cognitio est. Non ne ipsius corporis status & oris figura declarat non esse nos cū mutis pecudibus æquales? Illarū natura in humū, pabulumq; prostrata est, nec habet quicquā commune cū cælo, quod nō intuetur. Homo autem recto statu, ore sublimi, ad cōtemplationē mundi excitatus, confert cū Deo uultū, & rationē ratio cognoscit. Propterea nullū est animal (ut ait Cicero) præter hominē, quod habeat aliquā notitiā Dei. Solus enim sapiētia instructus est, ut religionem solus intelligat. et hæc est hominis, atq; mutorū uel præcipua, uel sola distātia. Nam cætera, quæ uidentur hominis esse propria, etsi non sint talia in mutis, tamen similia uideri possunt. Proprius homini sermo est: tamē & in illis quædam similitudo sermonis. Nam & dignoscunt inuicem se uocibus, & cum irascuntur, edunt sonum iurgio similem: & cum se ex interuallo uidēt, gratulandi officium uoce declarāt. Nobis quidem uoces eorum uidētur incōditæ, sicut illis fortasse nostræ. sed ipsis, qui se intelligunt, uerba sunt: deniq; in omni effectu certas uocis notas exprimunt, quibus habitum mētis ostendant. Risus quoq; est homini proprius: & tamen uidemus in alijs animalibus quædam signa letitiæ, cū ad lusum gestitiunt, aures demulcent, rictum contrahunt, frontem scre-



nant, oculos in lasciuia resolunt. Quid tam proprium homini, quam ratio, & prouidentia futuri? Atqui sunt animalia, quæ latibulis suis diuersos, et plures exitus pādāt, ut si quod periculū inciderit, fuga pateat obsecsis: quod non facerent, nisi inesset illis intelligentia, & cogitatio. Alia prouident in futurum, ut,

—Ingentem formicæ farris accruum

Cōportāt, hyemis memores, tectoq; reponūt. Vt apes,

Quæ patriam solæ, & certos nouere penates,

Venturæq; hyemis memores, æstate laborem

Experiuntur, & in medium quæsita reponunt.

Longū est, si exequi uelim, quæ à singulis generibus animalium fieri soleant humanæ solertiæ similia. Quod si horum omniū, quæ ascribi homini solēt, in multis quoq; deprehēditur similitudo: apparet solam esse religionem, cuius in mutis nec uestigiū aliquod, nec ulla suspicio inueniri potest. Religionis enim est propria iustitia, quā nullū animal attingit. Homo enim solus imperat: cætera sibi cōciliata sunt. Iustitiæ autē Dei cultus ascribitur. quē qui nō suscipit, hic à natura hominis alienus uitam pecudum sub humana specie uiuet. cum uerò à cæteris animalibus hoc penè solo differamus, quod soli omniū diuinam uim, potestatemq; sentimus: in illis autem nullus sit intellectus Dei: certe illud fieri nō potest, ut in hoc uel muta plus sapiant, uel humana natura desipiat, cum homini ob sapientiam, & cuncta quæ spirant, & omnis rerum natura subiecta sit. Quare si ratio, si uis hominis hoc præcellit, & superat cæteras animantes, quod solus notitiam Dei capit: apparet religionem nullo modo posse dissolui.

De religione.

CAP. VIII.

**D**issoluitur autem religio, si credamus Epicuro, illa dicenti:

Omnis enim per se diuū natura necesse est  
 Immortali æuo summa cum pace fruatur,  
 Semota à nostris rebus, seiunctaq; longe.  
 Iam priuata dolore omni, priuata periclis,  
 Ipsa suis pollens opibus, nil indiga nostri,  
 Nec bene pro meritis capitur, nec tangitur ira.

Quæ cum dicit, utrum aliquē cultum Deo putat esse tribuendū, an cuertit omnē religionem? Si enim Deus nihil unquam boni tribuit: si colentis obsequio nullam gratiā refert: quid tam uanū, tam stultum, quā̄m templa ædificare, sacrificia facere, dona cōferre, rem familiarem minuerē, ut nihil assequamur? At enim naturam excellentē honorari oportet. Quis honos deberi potest nihil curanti, & ingrato? An aliqua ratione obstricti esse possumus ei, qui nihil habeat cōmune nobiscū? Deus (inquit Cicero) si talis est, ut nulla gratia, nulla hominū charitate teneatur, ualeat. Quid enim dicā, propitius sit? esse enim propitius potest nemini. Quid contemptius dici potuit in Deum? Valeat, inquit, id est abeat, & recedat, quando prodesse nulli potest. Quòd si negotium Deus nec habet, nec exhibet: cur non ergo delinquamus, quoties hominū conscientia fallere licebit, ac leges publicas circūscribere? Vbicunq; nobis latendi occasio arriserit, consulamus rei: auferamus aliena uel sine cruore, uel etiam cum sanguine: si præter leges nihil est amplius, quod uerendum sit. Hæc dum sentit Epicurus, religionem funditus delet: qua sublata, cōfusio, ac perturbatio uitæ sequitur. Quòd si religio tolli non potest, ut & sapientiam, qua distamus à belluis, & iustitiam retineamus, qua communis uita sit tutior: quomodo religio ipsa sine metu teneri, aut custodiri potest? Quod enim nō metuitur, cōtemnitur: quod

contemnitur, utiq; non colitur. ita fit, ut religio, & maiestas, & honor metu constet. metus autem non est, ubi nullus irascitur. Siue igitur gratiā Deo, siue irā, siue utrūq; detraxeris, religionem tolli necesse est, sine qua uita hominum stultitia, scelere, immanitate completur. Multum enim refrēnat homines conscientia, si credamus nos in conspectu Dei uiuere, si non tantum quæ gerimus, uideri desuper, sed etiam quæ cogitamus, aut loquimur, audiri à Deo putemus. At enim prodest id credere (ut quidam putant) non ueritatis gratia, sed utilitatis, quoniam leges conscientiam punire non possunt, nisi aliquis desuper terror impendat ad cohibenda peccata. Falsa est igitur omnis religio, & diuinitas nulla est. Sed à uiris prudentibus uniuersa confecta sunt, quo rectius, innocentiusq; uiuatur. Magna hæc, & à materia, quam proposuimus, aliena quæstio est: sed quia necessario incidit, debet quā breuiter attingi.

De Dei prouidentia, deq; sententijs illi repugnantibus.

CAP. IX.

Cum sententiæ philosophorum prioris temporis de prouidentia cōsensissent, nec ulla esset dubitatio, quin mundus à Deo, & ratione esset instructus, & ratione regeretur: primus omnium Protagoras extitit temporibus Socratis, qui sibi diceret non liquere, utrū esset aliqua diuinitas, nec ne. Quæ disputatio eius adeo impia, & contra ueritatē, & religionē iudicata est, ut & ipsum Atheienses expulerint suis finibus, & libros eius in cōcione, quibus hæc cōtinebātur, exusserint. De cuius sentētia nō est opus disputare, quia nihil certi pronūtiavit. Post hæc Socrates, & auditor eius Plato, & qui de schola Platonis, tanquā riuuli diuersas in partes profluxerunt, Stoici, & Peripa

& Peripatetici in eadem fuere sententia, qua priores.  
 Postea uero Epicurus Deū quidem esse dixit, quia necesse  
 sit esse aliquid in mundo præstans, & eximiū, & beatū:  
 prouidentiam tamē nullam: itaq; mundū ipsum nec ratio=  
 ne ulla, nec arte, nec fabrica instructum, sed naturam rerū  
 quibusdam minutis seminibus, & insecabilibus cōgloba=  
 tam. Quo quid repugnātius dici possit, nō uideo. Etenim  
 si est Deus, utiq; prouidens est, ut Deus: nec aliter ei po=  
 test diuinitas attribui, nisi & præterita teneat, & præ=  
 sentia sciat, & futura perspiciat. Cū igitur prouidentia  
 sustulit, etiā Deū negauit esse. Cum autē Deū esse profes=  
 sus est, & prouidentia simul esse cōcessit. Alterum enim  
 sine altero nec esse prorsus, nec intelligi potest. Verū ijs  
 postea temporibus, quibus iam philosophia defloruerat,  
 extitit Athenis quidam Diagoras, qui nullū esse omnino  
 Deum diccret: ob eamq; sententiam nominatus est ἀθεϊσ=  
 tes: item Cyrenæus Theodorus. ambo, quia nihil noui pote=  
 rant reperire, omnibus iam dictis, & inuentis, maluerunt  
 contra ueritatem id negare, in quo priores uniuersi sine  
 ambiguitate cōsenserant. Ii sunt, qui tot seculis, & inge=  
 nijs assertā, atq; defensam prouidentia calumniati sunt.  
 Quid ergo? utrum ne istos minutos, & inertes philoso=  
 phos ratione, an uerò autoritate præstantium uirorum  
 refellemus? an potius utroq;? Sed properādum est, ne lon=  
 gius à materia deuagetur oratio.

De mundi ortu, & rerum natura, & Dei  
 prouidentia.

CAP. X.

**Q**ui nolunt diuina prouidentia factum esse mundū,  
 aut principijs inter se temere cōiūctibus dicūt esse  
 concretum, aut repente natura extitisse: naturā uero (ut  
 ait Straton) habere in se uim gignendi, & minuendi: sed

eam nec sensum habere ullū, nec figurā, ut intelligamus, omnia quasi sua sponte esse generata, nullo artifice, nec autore. Vtrūq; uanū, & impossibile. Sed hoc euenit ignorantibus ueritatē, ut quiduis potius excogitet, quā id sentiant, quod ratio deposcit. Primū minuta illa semina, quorum cōcursu fortuito totū coisse mundū loquuntur, ubi, aut unde sint, quæro. quis illa uidit unquam? quis sensit? quis audiuit? An solus Leucippus oculos habuit? solus mētē? qui profecto solus omniū cæcus, & excors fuit, qui ea loqueretur, quæ nec ager quisquam delirare, nec dormiens possit somniare. Quatuor elemētis constare omnia philosophi ueteres differebāt. ille noluit, ne alienis uestigijs uidcretur insistere. sed ipsorū elemētorū alia uoluit esse primordia, quæ nec uideri possint, nec tangi, nec ulla corporis parte sentiri. Tā minuta sunt, inquit, ut nulla sit acies ferri tam subtilis, qua secari, ac diuidi possint. unde illis nomen imposuit atomorū. Sed occurrebat ei, quod si una esset omnibus, eadēq; natura, non possent res efficere diuersas, tāta uarietate, quantā uidemus inesse mūdo. Dixit ergo, leuia esse, & aspera, & rotūda, & angulata, & hamata. Quāto melius fuerat tacere, quā in usus tā miserrabiles, tā inanes habere linguā. & quidē uercor, ne non minus delirare uidcatur, qui hæc putet resellēda. respōdeamus tamen uelut aliquid dicēti. Si leuia sunt, & rotunda, utiq; nō possunt inuicē se apprehendere, ut aliquod corpus efficiant: ut si quis milium uelit in unā coagmētationem cōstringere, leuitudo ipsa granorū in massam coire non sinat. Aspera, inquit, & angulata sunt, & hamata, ut possint coherere. Diuidua ergo, & secabilia sunt. hamis enim necesse est, & angulis eminere, ut possint amputari. itaque quod amputari, ac diuelli potest, & uide-  
ri pote

ri poterit, et teneri. Hæc, inquit, per inane irrequietis motibus uolitant, et huc, atq; illuc feruntur: sicut pulueris minutias uidemus in sole, cum per fenestrâ radios, ac lumen immiserit. Ex his arbores, et herbæ, et fruges omnes oriuntur: ex his animalia, et aqua, et ignis, et uniuersa gignuntur, et rursus in eadem resoluuntur. Ferri hoc potest, quamdiu de rebus paruis agitur. Ex his etiam mundus ipse cōcretus est. Impleuit numerū perfectæ insanie, ut nihil ulterius adijci posset: sed inuenit tamen ille quid adderet. Quoniā est omne, inq̃t, infinitū: nec potest quicquam uacare. necesse est ergo innumerabiles esse mūdōs. Quæ tāta uis fuerat atomorū, ut moles tam inestimabiles ex tam minutis cōglobaretur? Ac primū requiro, quæ sit istorum seminum uel ratio, uel origo. si enim ex illis sunt omnia, ipsa igitur unde esse dicemus, quæ natura tantam copiam ad efficiendos innumerabiles mundos subministravit? Sed concedamus, ut impune de mundis delirauerit: de hoc loquamur, in quo sumus, et quæ uidemus. Ait, omnia ex idiuiduis corpusculis fieri. Si hoc ita esset, nulla res unquā sui generis semine indigeret: sine ouis alites nascerentur, ac oua sine partu: itē cætera uiuentia sine coitu: arbores, et quæ gignuntur è terra, propria semina non haberet: quæ nos quotidie tractamus, et serimus. Cur ex frumento seges nascitur, et rursus ex segete frumētum? Deniq; si atomorum coitio, et conglobatio efficeret omnia, et in aëre uniuersa cōcresceret: siquidē per inane atomi uolitāt, cur sine terra, sine radicibus, sine humore, sine semine, nō herbæ, non arbor, non fruges oriri, aut generari possūt? Vnde apparet, nihil ex atomis fieri: quādo quidē unaquæq; res habet propriam, certamq; naturam, suū semē, suam legē ab exordio datam. Deniq; Lucretius  
quasi

quasi oblitus atomorum, quos assererat, ut redargueret  
cos, qui dicunt ex nihilo fieri omnia, his argumentis usus  
est, quæ contra ipsum ualere. sic enim dixit:

Nam si de nihilo fierent, ex omnibus rebus  
Omne genus nasci posset: nil semine egeret.

Item postea:

Nil igitur fieri de nilo posse fatendum est,  
Semine quando opus est rebus: quo quæq; creatæ  
Aëris in teneras possint proferrier auras.

Quis hūc putat habuisse cerebrum, cum hæc diceret, nec  
uideret sibi esse contraria? Nihil enim per atomos fieri  
exinde apparet, quod semen cuiusque rei certum est, nisi  
forte & ignis, & aquæ naturā ex atomis esse credemus.  
Quid, quod durissimū rigoris materiæ, si ictu uehementio  
re collidantur, ignis excutitur? Num in ferro, aut silice  
atomī latent? Quis inclusit? aut cur sua sponte non emi-  
cant, aut quomodo semina ignis in materia frigidissima  
permanere potuerunt? Omitto silicem, ac ferrum. Orbem  
uitreū plenū aquæ si tenueris in sole, de lumine, quod ab  
aqua resulget, ignis accenditur, etiam in durissimo frigo  
re. Num etiam in aqua ignem esse credendum est? atqui  
de sole ignis ne æstate quidem accēdi potest. Si ceræ in-  
anhelaueris, uel si uapor leuis aliquid attigerit, aut cru-  
stā marmoris, aut laminā: paulatim per minutissimos ro-  
res aqua cōcrescit. Item de halitu terræ, aut maris nebula  
existit: quæ aut dispersa humefacit qcqd texerit, aut col-  
lecta, in arduos montes in sublime uēto rapta, stipatur in  
nubē, atq; imbres maximos deijcit. Vbi ergo dicimus li-  
quores natos esse? num in uapore? nū in halitu? nū in uē-  
to? Atqui nihil potest cōsistere in eo, quod nec tangitur,  
nec uidetur. Quid ergo de animalibus loquar, in quorum  
corpori



corporibus nihil sine ratione, sine ordine, sine utilitate, sine specie figuratū uidemus? adeo ut solertissima, et diligētissima omnium partiū membrorumq; descriptio casum, ac fortunam repellat. Sed putemus, artus et ossa, et neruos, et sanguinem de atomis posse concreescere. Quid sensus, cogitatio, memoria, mens, ingeniū, qbus seminibus coagmentari possunt? minutissimis inquit. Sunt ergo alia maiora. Quomodo igitur insecabilia? Deniq; si ex inuisibilibus sunt, quæ uidetur, cur igitur nemo uidet? Sed siue inuisibilia quæ sunt in homine consyderet, siue tractabilia, quæ ueniunt sub aspectū, ratione utraq; cōstare quis non uidet? Quomodo ergo sine ratione cōeuntia possūt aliquid efficere rationale? Videmus enim nihil esse in omni mundo, quod non habeat in se maximā mirabilemq; rationem. Quæ quia supra hominis sensum, et ingenium est, cui rectius, quā diuinæ prouidentiae tribuenda est? An simulachrū hominis, et statuam ratio, et ars fingit, ipsum hominē de frustis temere cōcurrētibus fieri putabimus? Et quid simile ueritatis in ficto, cū summū, et excellēs artificiū nihil aliud, nisi umbrā, et extrema corporis lineamēta possit imitari: nū potuit humana solertia dare operi suo aut motū aliquē, aut sēsū? Omitto usum uidēdi, audiēdi, odorādi, ceterorumq; mēbrorū uel apparentium, uel latētū mirabiles utilitates. Quis artifex potuit aut cor hominis, aut uocē, aut ipsam fabricare sapientiā? Quisquā ne igitur sanus existimat, quod homo ratione, et consilio facere nō possit, id concursu atomorū passim coherentium perfici potuisse? Vides, in quæ deliramenta inciderint, dum nolunt effectiōem, curamq; rerū Deo dare. Concedamus tamen his, ut ex atomis fiant, quæ terrena sunt: num etiam cœlestia? Deos aiunt incorruptos, æternos,

æternos, beatos esse, solisq; dant immunitatem, ne cõcur-  
 su atomorum concreti esse uideãtur. Si enim Deos quoq;  
 ex illis constituissent, dissipabiles fierent, seminibus ali-  
 quando resolutis, atq; in naturã suam reuertẽtib; . Ergo  
 si est aliquid, quod atomi non effecerint : cur non cætera  
 eodẽ modo intelligamus? Sed quæro, antè quã mūdum  
 primordia ista generarent, cur sibi Dij habitaculum non  
 edificauerint? Videlicet, nisi atomi coissent, cælumq; se-  
 cissent, adhuc Dij per medium inane penderẽt . Quo igitur  
 consilio, qua ratione de confuso aceruo se atomi con-  
 gregauerũt, ut ex alijs inferius terræ conglobarẽtur, cæ-  
 lum desuper tenderetur, tanta syderũ uarietate distinctũ,  
 ut nihil unquã excogitari possit ornatius? Tãta ergo qui  
 uideat, & talia, potest existimare, nullo effectũ esse cõsi-  
 lio, nulla prouidentia, nulla ratione diuina, sed ex atomis  
 subtilibus, exiguis concreta esse tanta miracula? Non ne  
 prodigio simile est, aut natũ esse hominem, qui hæc dice-  
 ret, aut extitisse, qui crederet? ut Democritũ, qui auditor  
 eius fuit: uel Epicurũ, in quem uanitas omnis de Leucip-  
 pi fonte profluxit. At enim (sicut alij dicũt) natura mun-  
 dus effectus est, quæ sensu, et figura caret. Hoc uerò mul-  
 to est absurdus. Si natura mundum fecit, consilio, & ra-  
 tione fecerit, necesse est. is enim facit aliquid, qui aut uolũ-  
 tatẽ faciendi habet, aut scientiã. Si caret sensu, ac figura,  
 quomodo potest ab ea fieri, quod & sensum habeat, &  
 figuram? nisi forte quis arbitretur, animalium fabricã tam  
 subtiliter à non sentiente natura formari, animariq; po-  
 tuisse, aut istam cæli speciem tam prouidẽter ad utilitates  
 uiuentium temperatam, nescio quo casu, sine cõditore, sine  
 artifice, subito extitisse. Siquid est, inquit Chrysippus, qd  
 efficiat ea, quæ homo licet ratione sit præditus, facere nõ  
 possit

possit, id profecto est maius, & fortius, & sapientius homi-  
 ne. Homo autē nō potest facere cœlestia: ergo illud, quod  
 hæc efficiet, uel effecerit, superat hominē arte, cōsilio, pru-  
 dentia, potestate. Quis igitur potest esse, nisi Deus? Natu-  
 ra uerò, quā ueluti matrem esse rerum putant, si mentem  
 nō habet, nihil efficiet unquam, nihil molitur. Vbi enim  
 non est cogitatio, nec motus est ullus, nec efficacia. Si au-  
 tem cōsilio utitur ad incipiendum aliquid, ratione ad di-  
 sponendum, arte ad efficiēdum, uirtute ad cōsummandū,  
 potestate ad regēdum, & cōtinēdum, cur natura potius,  
 quā Deus nominetur? Aut si concursus atomorum, uel  
 carens mente natura ea, quæ uidemus, effecit, quæro, cur  
 facere cœlū potuerit, & urbem, aut domum nō potuerit?  
 cur montes marmoris fecerit, columnas, & simulachra  
 non fecerit? Atqui potuerant atomi etiam ad hæc efficiē-  
 da concurrere, si quidem nullam positionem relinquunt,  
 quam non experiantur. nam de natura, quæ mentem nō  
 habeat, non est mirandum, quod hæc facere oblita sit.  
 Quid ergo est? Vtiq; Deus, cum inchoaret hoc opus mū-  
 di, quo nihil potest esse nec dispositius ad ordinem, nec  
 aptius ad utilitatē, nec ornatius ad pulchritudinē, nec ma-  
 ius ad molem, quæ fieri ab homine nō poterāt, fecit ipse:  
 in quibus etiam hominē ipsum, cui particulam de sua sa-  
 piētia dedit, & instruxit eū ratione, quātū fragilitas ter-  
 rena capiebat, ut ipse sibi efficeret, quæ in usus suos es-  
 sent necessaria. Si uero in huius mūdi (ut ita dixerim) re-  
 publica nulla prouidētia est, quæ regat, nullus Deus, qui  
 administret, nec omnino sensus ullus in hac rerū natura  
 pollet: unde igitur mens humana tā solers, tam intelligēs  
 orta esse credetur? Si enim corpus hominis ex humo fa-  
 ctū est, unde nomē accepit: animus ergo, qui sapit, rector  
 est cor

est corporis, cui membra obsequuntur tanquā regi, & imperatori, qui nec aspici, nec cōprehendi potest: nō potuit ad hominem nisi à sapiente natura peruenire. Sed sicut omne corpus mens, & animus gubernat, ita & mundum Deus. Nec enim uerisimile est, ut minora, & humilia regimen habeāt, maiora, & summa nō habeāt. Deniq; M. Cicero in Tusculanis, Et in cōsolatione animorū, inquit, nulla in terris origo inueniri potest. Nihil est, inquit, in animis mistum, atq; concretū, aut quod ex terra natum, atq; factum esse uideatur, nihilq; humidū, aut stabile, aut igneum. His enim innatum nihil inest, quod uim memoriæ, mētis, cogitationis habeat, quo & praterita teneat, & futura prouideat, & completi possit præsentia, quæ sola diuina sunt. Nec enim inueniuntur unquam, unde ad hominē uenire possint, nisi à Deo. Exceptis igitur duobus, tribusue calumniatoribus uanis, cum constet, diuina prouidentia mundū regi, sicut & factus est, nec sit quisquā, qui Diagoræ, Theodoriq; sententiā, uel Leucippi inane cōmentū, uel Democriti, Epicuriq; leuitatē præferre audeat autoritati uel illorū septē priorū, qui sunt appellati sapiētes, uel Pythagoræ, uel Socratis, uel Platōis, cæterorumq; summorū philosophorū, qui esse prouidentiam iudicauerunt: falsa igitur est & illa sententia, qua putant terroris, ac metus gratia religionē à sapientibus institutam, quo se homines imperiti à peccatis abstinere. Quod si uerum sit, ergo derisi ab antiquis sapientibus sumus. Quod si fallendi nostri, atq; adeo totius generis humani causa commenti sunt religionem, sapientes igitur nō fuerunt, quia in sapiente non cadit mendaciū. Sed ut fuerint sapientes, quæ tanta felicitas mentiendi, ut nō tantummodo indoctos, sed Platonem quoq; ac Socratem fallerēt, &

Pythago

Pythagoram, Zenonem, Aristotelem maximarū sectarū principes tam facile deluderent? Est igitur diuina prouidentia, ut senserūt ij homines, quos nominaui, cuius uis, ac potestate omnia, quæ uidemus, & facta sunt, & regūtur. Nec enim tanta rerum magnitudo, tanta dispositio, tanta in seruandis ordinibus, temporibusq; constantia aut olim potuit sine prouido artifice oriri, aut constare tot seculis sine incola potenti: aut in perpetuū gubernari sine perito rectore. quod ratio ipsa declarat. Quicquid est enim, quod habet rationem, ratione sit ortum, necesse est. Ratio autem sentientis, sapientisq; naturæ est: sapiens uero, sentiensq; natura, nihil aliud potest esse, quàm Deus. Mundus autem, quoniam rationem habet, qua & regitur, & constat, ergo à Deo factus est. Quòd si est conditor, rectorq; mundi Deus, recte igitur, ac uere religio constituta est. auctori enim rerum, parentiq; communi honos, ueneratioq; debetur.

De Deo, eoq; uno.

CAP. XI.

**Q**uoniam constitit de prouidentia, sequitur ut doceamus, utrum ne multorū esse credenda sit, an potius unius. Satis (ut opinor) ostendimus in nostris institutionibus, Deos multos esse non posse, quòd diuina uis, ac potestas si distribuatur in plures, diminuitur utique, & mortalis est: si uero mortalis nō est, nec minui, nec diuidi potest. Deus igitur unus est: in quo uis, & potestas consummata est, nec minui potest, nec augeri. Si aut sunt multi, dū habēt singuli potestatis aliquid, ac numinis, summa ipsa decrescit, nec poterūt singuli habere totū, quod est cōmune cū pluribus: unicuiq; tantū decrit, quantū cæteri possidebūt. Non possunt igitur in hoc mundo multi esse rectores, nec in una domo multi domini, nec in naui una

K

multi

multi gubernatores, nec in armento, aut grege duces multi, nec in uno regimine multi reges. sed nec in cœlo quidem multi soles esse poterunt, sicut nec animæ plures in uno corpore. adeo in unitate natura uniuersa consensit. Quod si mundum

Spiritus intus alit, totamq; infusa per artus

Mens agitat molem, & magna se corpore miscet:  
 apparet testimonio poëtæ, unū esse mundi habitatorem Deū, siquidē corpus omne nisi ab una mēte incoli, regiq; nō potest. Omnē igitur diuinā potestātē necesse est in uno esse, cuius nutu, & imperio regātur omnia: & ideo tātus est, ut ab homine nō possit aut uerbis enarrari, aut sensibus æstimari. Vnde igitur ad homines opinio multorum Deorū persuasione peruenit? Nimirū ij omnes, qui coluntur ut Dij, homines fuerūt, et ijdē primi, ac maximi reges: sed eos aut ob uirtutē, quia profuerāt hominū generi, diuinis honoribus affectos esse post mortē: aut ob beneficia, et inuēta, quibus humanā uitā excoluerāt, immortalē memoriā cōsecutos, quis ignorat? nec tantū mares, sed et fœminas. Quod cū uetustissimi Græciæ scriptores, quos illi θεολόγοι nuncupant, tū etiā Romani Græcos secuti, & imitati docēt. quorū præcipue Euhemerus, ac noster Ennius, qui eorū omniū natales, coniugia, progenies, imperia, res gestas, obitus, simulachra demonstrāt. Et secutus eos Tullius tertio de Natura deorū libro dissoluit publicas religiones: sed tamē uerā, quā ignorabat, nec ipse, nec alius quisquā potuit inducere. Adeo et ipse testatus est falsum qdē apparere, ueritatē tamē latere. Vtinā, inquit, tā facile uera inuenire possem, quā falsa cōuincere. Quod quidē nō dissimulanter, ut Academicus, sed uere, atq; ex animi sentētia p̄clamauit. quia ueritas humanis sensibus

erui nō potest, quod assequi ualuit humana prouidentia, id assecutus est, ut falsa detegeret. Quicquid enim fictū, & commentitiū, quia nulla ratione subnixum est, facile dissoluitur. Vnus est igitur princeps, et origo rerū Deus, sicut Plato in Timæo & sensit, & docuit: cuius maiestatem tantam esse declarat, ut nec mēte comprehēdi, nec lingua exprimi possit. Idem testatur Hermes, quem Cicero ait in numero Deorum apud Aegyptios haberi, eum scilicet, qui ob uirtutem, multarumq; artium sciētiam Trismegistus nominatus: & erat non modo Platone, uerum etiam Pythagora, septemq; illis sapientibus longe antiquior. Apud Xenophontem Socrates disputans ait, formam Dei non oportere cōquiri. Et Plato in legū libris: Quid omnino sit Deus, non esse quærendum: quia nec inueniri possit, nec enarrari. Pythagoras quoq; unū Deum confitetur, dicens incorporalem esse mentem, quæ per omnem rerum naturam diffusa, & intenta, uitalem sensum cunctis animantibus tribuat. Antisthenes autem in Phisico unum esse naturalem Deum dixit, quāuis gentes, & urbes suos habeant populares. Eadem fere & Aristoteles cum suis Peripateticis, & Zenon cum suis Stoicis. longū est enim singulorū sententias exequi: qui licet diuersis nominibus sint abusi, ad unā tamen potestatem, quæ mundū regeret, cōcurrerunt. Sed tamen summū Deum cū & philosophi & poëtæ, & ipsi deniq; qui Deos colūt, sæpe fateantur: de cultu tamen, & honoribus eius nemo unquam requisit, nemo differuit, ea scilicet persuasione, qua semper beneficū, incorruptumq; credentes, nec irasci eum cuiquam, nec ullo cultu indegere arbitrantur, adeo religio esse non potest, ubi metus nullus est.

De religione, & Dei timore.

C A P. XII.

K 2

Nunc



**N**unc quoniam respondimus impiæ quorundam, de-  
testabiliq; imprudentiæ, uel potius amentię, redea-  
mus ad propositum. Diximus, religione sublata, nec sa-  
pientiam teneri posse, nec iustitiam, cū diuinitatis intelle-  
ctus, quo differimus à belluis, in homine solo reperiatur:  
qua nisi cupiditates nostras Deus, qui falli non potest,  
coërcuerit, scelerate, impieq; uiueremus. spectari ergo  
actus nostros à Deo, nō modo quo ad utilitatē commu-  
nis uitæ attinet, sed etiam ad ueritatem: quia religione,  
iustitiāq; detracta, uel ad stultitiam pecudum amissa ra-  
tione deuoluimur, uel ad bestiarum immanitatem: immo  
uero amplius: siquidē bestię sui generis animalibus par-  
cunt. Quid erit homine truculentius, quid immitius, si  
dempto metu superiore, uim legum aut fallere potuerit,  
aut contemnere? Timor igitur Dei solus est, qui custodit  
hominum inter se societatem, per quem uita ipsa sustine-  
tur, munitur, gubernatur. Is autē timor auferetur, si fue-  
rit homini persuasum, quòd iræ sit expers Deus, quē mo-  
ueri, & indignari nō modo, cum iniusta fiunt, communis  
utilitas, sed etiam ratio ipsa, & ueritas persuadet. Rura-  
sus nobis ad superiora redeundum est, ut quia docuimus  
à Deo factum esse mundum, doceamus quare sit effectus.

De mundi, & temporum commodo, &  
usu.

CAP. XIII.

**S**i consideret aliquis uniuersam mūdi administrationē,  
intelliget profecto, quā uera sit sententiā Stoicorū,  
qui aiunt, nostra causa mundum esse cōstructum. Omnia  
enim, quibus cōstat, quæq; generat ex se mundus, ad utili-  
tatē hominis accōmodata sunt. Homo utitur igni ad usum  
calefaciēdi, & luminis, & coquendorū ciborum, ferriq;  
fabricandi: utitur fontibus ad potum, & ad lauacra, flu-  
minibus

minibus ad agros irrigandos, terminandasq; regiones: utitur terra ad percipiendā frugum uarietatem, collibus ad cōserēda uineta, montibus ad usum arborū, atq; lignorū, planis ad segetē: utitur mari nō solū ad cōmercia, & copias ex longinquis regionibus ferēdas, uerū etiā ad ubertatē omnis generis piscium. Quōd si his elemētis utitur, quibus est proximus, nō est dubiū, quin et cœlo, quoniam & cœlestiū rerū officia ad fertilitatē terræ, ex qua uiuimus, temperata sunt. Sol irrequietis cursibus, & spatijs inæqualibus orbēs annuos cōficit, et aut oriēs diem promittit ad laborē, aut occidēs noctē superducit ad requiem, & tum abscessu longius ad meridiē, tum accessu propius ad septentrionē, hyemis, & æstatis uicissitudines facit, ut et hybernis humoribus, ac pruinis in ubertatē terra pinguescat, et æstiuis caloribus uel herbide fruges maturitate durētur, uel quæ sunt in humidis, incocta, & feruescēta mitescāt. Luna quoq; nocturni tēporis gubernatrix, et amissi, ac recepti luminis uicibus mēstrua spatia moderatur, & cæcas tenebris horrentibus noctēs fulgore suæ claritatis illustrat, ut æstiuā itinera, & expéditiones, & opera sine labore, ac molestia confici possint. siquidem

Nocte leues melius stipulæ, nocte arida prata

Tondentur, noctis lentus non deficit humor,

Et quidam seros hyberni ad luminis ignes

Peruigilat, ferroq; fāces inspicat acuto.

Astra etiā cætera uel ortu, uel occasu suo certis stationibus opportunitates temporū plane subministrāt. Sed & nauigijs, quo minus errabūdo cursu per immēsum uagētur, regimē præbēt, cum ea rite gubernator obseruās, ad portū destinati litoris prouchatur. Ventorū spiritu attrahuntur nubes, ut sata imbribus irrigentur, ut uites

K 3      fœtibus,

foetibus, arbuta pomis exuberent. Et hæc per orbem uicibus exhibentur, ne desit aliquādo, quo uita hominū sustineatur. At enim cæteras animantes eadē terra nutrit, & eiusdem foetu etiā multa pascuntur. Num etiam mutōrū causa Deus laborauit? Minime, quia sunt rationis expertia. Sed intelligimus, & ipsa eodē modo ad usum hominis à Deo facta, partim ad cibos, partim ad uestitum, partim ad operis auxilia, ut clarum sit, diuinam prouidentiam rerum, & copiarū abundantia hominum uitam instruere, atq; ornare uoluisse: ob eamq; causam et aërem uolucris, & mare piscibus, & terram quadrupedibus impleuit. Sed Academici contra Stoicos differētes solent quærere, cur, si Deus omnia hominum causa fecerit, etiā multa cōtraria, & inimica, & pestifera nobis reperiantur, tam in mari, quā in terra. Quod Stoici ueritatē non respicientes ineptissime repulerūt. Aiunt enim multa esse in gignentibus, & in numero animalium, quorum lateat utilitas: sed eam processu temporum inueniri: sicut iam plura prioribus seculis incognita necessitas, & usus inuenit. Quæ tandē utilitas potest in muribus, in blattis, in serpentibus reperiri, quæ homini molesta & perniciofa sunt? An medicina in his aliqua latet? Quæ si est, inuenietur aliquando, nempe aduersus mala, cum id illi querantur esse omnino malum. Viperam ferunt exustam, in cineremq; dilapsam, mederi eiusdem bestię morsui. Quanto melius fuerat eam prorsus non esse, quā remedium contra se ab ipsa desiderari? Breuius igitur, ac uerius respondere potuerūt in hūc modū. Deus cum formasset hominē, ueluti simulachrū suū, quod erat diuini opificij summū, inspirauit ei sapientiā soli, ut omnia imperio, ac ditione suæ subiugaret, omnibusq; mundi commodis uteretur.

proposuit

proposuit tamen ei & bona, & mala, quia sapientiam dedit, cuius omnis ratio in discernendis malis, ac bonis posita est. Non potest enim quisquam eligere meliora, & scire, quid bonum sit, nisi sciat simul rejicere, ac vitare, quæ mala sunt. Inuicem enim sibi alterutrum connexa sunt, ut sublato alterutro, utrunq; tolli sit necesse. Propositis igitur bonis, malisq; ; tum demum opus suum peragit sapientia, & quidem bonum appetit ad utilitatem, malum rejicit ad salutem. Ergo sicut bona innumerabilia data sunt homini, quibus frui posset, sic etiam mala, quæ cauere. Nam si malum nullum sit, periculumq; ; nihil denique, quod ledere hominem possit, tollitur omnis materia sapientiae, nec erit homini necessaria. Positis enim tantummodo in conspectu bonis, quid opus est cogitatione, intellectu, scientia, ratione? Quocumque porrexerit manum, id naturæ aptum, & commodum sit, ut si quis uelit apparatus simam cenam infantibus, qui nondum sapiant, apponere, utiq; id appetent singuli, quod unumqueng; aut impetus, aut fames, aut etiam casus attraxerit, & quicquid sumperint, id illis erit utile, ac salubre. Quid igitur nocebit, eos, sicuti sunt, permanere, & semper infantes, ac nescios esse rerum? Si autem admisceas uel amara, uel inutilia, uel etiam uenenata: decipiuntur utiq; per ignorantiam boni, ac mali, nisi accedat his sapientia, per quam habeant malorum reiectionem, bonorumq; delectum. Vides ergo, magis propter mala opus bonis esse sapientia, quæ nisi fuisset proposita, rationale animal non essemus. Quod si hæc ratio uera est, quam Stoici nullo modo uidere potuerunt: dissoluitur etiam argumentum illud Epicuri. Deus, inquit, aut uult tollere mala, & non potest: aut potest, & non nult: aut neq; uult, neque potest: aut & uult, & potest.

Si uult, & non potest, imbecillis est: quod in Deū non cadit. Si potest, & non uult, inuidus, quod æquè alienum à Deo. Si neq; uult, neq; potest, & inuidus, et imbecillis est, ideoq; neq; Deus. Si uult, & potest, quod solum Deo conuenit, unde ergo sunt mala? aut cur illa nō tollit? Scio plerosq; philosophorū, qui prouidentia defendūt, hoc argumento perturbari solere, & inuitos penè adigi, ut Deum nihil curare fateātur, quod maxime quærit Epicurus. sed nos ratione perspecta, formidolosum hoc argumentū facile dissoluimus. Deus enim potest, quicquid uelit: et imbecillitas, uel inuidia in Deo nulla est: potest igitur mala tollere, sed nō uult: nec ideo tamen inuidus. iccirco enim non tollit, quia & sapientiam (sicut docui) simul tribuit, & plus boni, ac iucūditatis in sapiētia, quā in malis molestia. sapientia etiam facit, ut etiam Deum cognoscamus, & per eam cognitionē immortalitatē assequamur, quod est summum bonum. Itaq; nisi prius malum agnouerimus, nec bonum poterimus agnoscere. Sed hoc non uidit Epicurus, nec alius quisquam: si tollantur mala, tolli pariter sapientia, nec ulla in homine uirtutis remanere uestigia, cuius ratio sustinenda, & superanda, malorum acerbitate consistit. Itaq; propter exiguum compendium sublato rum malorum maximo, & uero, & proprio nobis bono careremus. Constat igitur, omnia propter hominem proposita, tam mala, quā etiam bona.

De Homine, eiusq; commodis. CAP. XIII.

**S**equitur, ut ostendā, cur fecerit hominē ipsum Deus, sicut mundum propter hominem machinatus est, ita ipsum propter se, tanquam diuini templi antistitem, spectatorem operum, rerumq; cœlestium. Solus est enim, qui sentiens, capaxq; rationis intelligere possit Deū, qui ope-

ra eius

ra eius admirari, uirtutē, potestatemq; perspicere. iccirco enim consilio, mente, prudentia instructus est. ideo solus præter cæteras animantes rectus corpore, ac statu factus est, ut ad contemplationem parentis sui excitatus esse uideatur. ideo sermonē solus accepit, ac linguā cogitationis interpretem, ut enarrare maiestatem domini sui possit. postremo iccirco ei cuncta subiecta sunt, ut factori, atq; artifici Deo esset ipse subiectus. Si ergo Deus hominem suum uoluit esse cultorē, ideoq; illi tantum honoris attribuit, ut rerum omnium dominaretur: utiq; iustissimū est & Deū colere, uidelicet eum, qui tanta præstiterit, & amare hominē, qui sit nobiscum diuini iuris societate cōiunctus. Nec enim fas est, cultorē Dei à Dei cultore uiolari. Vnde intelligitur, religionis, ac iustitiæ causa esse hominē figuratū. cuius rei testis est M. Tullius in libris de legibus, ita dicens: Sed omnium, quæ in doctorū hominum disputatione uersantur, nihil est profecto præstabilius, quàm planè intelligi, nos ad iustitiam esse natos. Quod si est uerissimū, Deus ergo uult omnes homines esse iustos, id est, Deū, & hominē charos habere, Deū scilicet honorare tāquā patrē, hominem diligere uelut fratrem. in his enim duobus tota iustitia consistit. Qui ergo aut Deum non agnoscit, aut homini nocet, iniuste, & contra naturam suam uiuit, & hoc modo rumpit institutum, legemq; diuinam.

De peccatis, Deo, & homine.

C A P. XV.

**H**ic fortasse quærat aliquis, unde ad hominem peccata peruenerint, aut quæ prauitas diuini instituti regulam ad peiora detorserit, ut cum sit ad iustitiam genitus, opera tamen efficiat iniusta. Iam superius explanauī, si mul Deum proposuisse bonum, ac malum: & bonū quidē diligere, ac malum, quod huic repugnat, odisse: sed ideo

K 5

malum

malum permisisse, ut & bonū emicaret, quòd alterū sine altero (sicut sæpe docui) intelligimus constare non posse: deniq; ipsum mundū ex duobus elementis repugnātibus, & inuicem copulatis esse concretum, igneo & humido: nec potuisse lucem fieri, nisi & tenebræ fuissent, quia nec superum potest esse sine infero, nec oriens sine occidente, nec calidū sine frigido, nec molle sine duro. Sic & nos ex duobus æque repugnantibus compacti sumus, anima, & corpore. quorum alterū cælo ascribitur, quia tenue est, & intractabile: alterum terræ, quia comprehensibile est: alterum solidum, & æternum est: alterum fragile, atque mortale. Ergo alteri bonū adhæret, alteri malum: alteri lux, uita, iustitia, alteri tenebræ, mors, iniustitia. Hinc exiit in hominibus naturæ suæ deprauatio, ut esset necesse constitui legem, qua possent & uitia prohiberi, & uirtutis officia imperari. Cum igitur sint in rebus humanis bona, & mala, quorum rationē declarauī: necesse est, ad utranq; partem moueri Deum, & ad gratiam, cum iusta fieri uidet: & ad iram, cum cernit iniusta. Sed occurrit nobis Epicurus, ac dicit: Si est in deo lætitiæ affectus ad gratiam, & odij ad iram: necesse est habeat & timorem, & libidinem, & cupiditatem, cæterosque affectus, qui sunt imbecillitatis humanæ. Non est necesse ut timeat, qui irascitur: aut moereat, qui gaudet: denique iracundi, minus timidi sunt: & natura læti, minus moerent. Quid opus est de humanis affectibus dicere, quibus fragilitas nostra succumbit? cōsyderemus diuinam necessitatem. nolo enim naturam dicere, quia Deus noster nunquam creditur natus. Timoris affectus habet in homine materiam, in Deo non habet. Homo quia multis casibus, periculisq; subiectus est, metuit, nequa uis maior existat, quæ illum uer-

beret



beret, spoliaret, laceret, affligat, interimat. Deus autem, in quem nec egestas, nec iniuria, nec dolor, nec mors cadit, timere nullo pacto potest: quia nihil est, quod ei uim possit inferre. Item libidinis ratio in homine manifesta est. Nam qui fragilis, et mortalis est effectus, necesse fuit alterum sexum diuersumque constitui, cuius permixtione soboles effici posset ad continendam generis perpetuitatem. Hæc autem libido in Deo locum non habet, quia et fragilitas, et interitus ab eo alienus est: nec ulla est apud eum scemina, cuius possit copulatione gaudere: nec successione indiget, qui semper futurus est. Eadem de inuidia, et cupiditate dici possunt, quæ certis, manifestisque de causis in hominem cadunt, in Deum nullo modo. At uero et gratia, et ira, et miseratio habet in Deo materiam, recteque illis utitur summa illa, et singularis potestas ad rerum conseruationem.

De Deo, eiusque ira, gratia, & affectibus.

## CAP. XVI.

**Q**uærit quispiam, quæ sit ista materia. Primum accidentibus malis afflicti homines ad Deum plerumque confugiunt, mitigant, obsecrant, credentes eum posse ab his iniurijs propulsare. Habet igitur causam miserandi. nec enim tam immitis est hominum contemptor, ut auxilium laborantibus deneget. Item plurimi, quibus persuasum est Deo placere iustitiam, cumque qui sit dominus, ac parens omnium, uenerantur cum precibus assidujs, ac frequentibus uotis, dona et sacrificia offerunt, nomen eius laudibus prosequuntur, iustis ac bonis operibus demereri eum laborantes. Ergo est, propter quod Deus et possit, et debeat gratificari. Nam si nihil est tam conueniens Deo, quam beneficentia, nihil autem tam alienum, quam ut sit ingratus: necesse est, ut officijs optimorum, sancteque uiuentium

uentium præstet aliquid, ac uicem reddat, ne subeat ingrati culpam, quæ est etiam homini criminosa. Contra autem sunt alij facinorosi, & nefarii, qui libidinibus omnia polluant, cædibus uexent, fraudet, rapiant, peieret, nec consanguineis, nec parètib; parcât, leges, et ipsum etiam Deum negligât. Habet igitur ira in Deo materiã. non est enim fas, eum, cum talia fieri uideat, non moueri, & insurgere ad ultionem sceleratorũ, & pestiferos, nocetẽsq; delere, ut bonis omnibus cõsulat. adeo & in ipso ira est, & gratificatio. Inania ergo, & falsa reperiuntur argumenta uel eorum, qui, cum irasci Deum nolunt, gratificari uolunt, quia ne hoc quidẽ fieri sine ira potest, uel eorum, qui nullum animi motum esse in Deo putant. Et quia sunt aliqui affectus, qui nõ cadunt in Deum, ut libido, timor, auaritia, mæror, inuidia, omni prorsus affectu cum uacare dixerũt. his enim uacat, quia uitiorum affectus sunt. eos autem, qui sunt uirtutis, id est ira in malos, charitas in bonos, miseratio in afflictos, quoniam diuina potestate sunt digna, proprios, & iustos, et ueros habet. Quæ profecto nisi habeat, humana uita turbabitur, atq; ad tantam confusionem deueniet status rerum, ut contemptis, superatisq; legibus, sola regnet audacia: ut nemo denique tutus esse possit, nisi qui uiribus præualeat. ita quasi communi latrocinio terra omnis depopulabitur. Nunc uero quoniam & mali pœnam, & boni gratiam, & afflictĩ opem sperant, est uirtutibus locus, & scelera rariora sunt. At enim plerunq; & scelerati feliciores sunt, & boni miseres, & iusti ab iniustis impune uexantur. Considerabimus postea, cur ista fiant. Interim de ira explicemus, an sit aliqua in Deo, utrum nihil curet omnino, nec moueatur ad ea, quæ impie geruntur.

De Dei cura, &amp; ira.

CAP. XVII.

**D**Eus, inquit Epicurus, nihil curat: nullam igitur habet potestatem. curare enim necesse est eum, qui habet potestatem: uel si habet, & non utitur, quæ tanta est negligendi causa, ut ei non dicam nostrum genus, sed etiam mundus ipse sit uilis? Ideo, inquit, incorruptus est, ac beatus, quia semper quietus. Cui ergo ministratio tantarum rerum cessit, si hæc à Deo negligantur, quæ uidemus ratione summa gubernari? aut quietus esse quomodo potest qui uiuit, et sentit? Nam quies aut somni res est, aut mortis. sed nec somnus habet quietem: nam cum soporati sumus, corpus quidem quiescit, animus autem irrequietus agitur: imagines sibi, quas cernat, effingit, ut naturalem suum motum exerceat uarietate uisorum: auocatque se à falsis, dum membra saturètur, ac uigorem capiant de quiete. Quies igitur sempiterna solius mortis est. Si autem mors Deum non attingit, Deus igitur nunquam quietus est. Dei uero actio quæ potest esse, nisi mundi administratio? Si uero mundi curam gerit, curat igitur hominum uitam Deus, ac singulorum actus animaduertit, eosque sapientes, ac bonos esse desiderat. Hæc est uoluntas Dei, hæc diuina lex, quam qui sequitur, qui obseruat, Deo charus est. Necesse est igitur, ut ira moueatur aduersus eum, qui hæc æternam, diuinamque legem aut uiolauerit, aut spreuerit. Si nocet alii cui Deus, iam bonus non est. Non exiguo falluntur errore, qui censuram siue humanam, siue diuinam acerbioris nomine infamant, putantes nocentem dici oportere, qui nocentes afficit poena. Quod si est, nocentes igitur leges habemus, quæ peccantibus supplicia sanxerunt: nocentes iudices, qui scelere conuictos poena capitis afficiunt. Quod si et lex iusta est, quæ et nocenti tribuit, quod meretur: et

iudex

iudex integer, ac bonus dicitur, cum male facta uindicat (bonorum enim salutem custodit, qui malos punit) ergo & Deus, cum malis obest, nocens nō est: ipse autē est nocens, qui aut innocenti nocet, aut nocenti parcit, ut pluribus noceat. Licet quærere ab ijs, qui Deum faciunt immobilē: si quis habeat rem, domum, familiam: seruiq; eius contemnentes patientiam domini, omnia inuaserint: ipsi bonis eius fruantur: ipsos familia eius honoret: dominus autē contemnat ab omnibus, derideatur, relinquatur: utrum ne sapiēs esse possit, qui contumelias nō uindictet, suisq; rebus eos perfrui patiatur, in quos habeat potestatem? Quæ tanta in quoquam potest patientia reperiri? si tamen patientia nominanda est, & non stupor quidam insensibilis. Sed facile est ferre cōtemptum. Quid si fiant illa, quæ à Cicerone dicuntur? Etenim quæro, si quis pater familias liberis suis à seruo interfectis, uxore occisa, incensa domo, supplicium de seruo nunquam acerrimum sumpserit: utrum is clemens, ac misericors, an inhumanius, & crudeliſſimus esse uideatur? Quod si eiusmodi facinoribus ignoscere, crudelitatis est potius, quàm pietatis: non est ergo uirtutis in Deo, ad ea, quæ iniuste fiunt, non commoueri. Nam mundus tanquam Dei domus est, & homines tanquam serui. quibus si ludibrio sit nomen eius, qualis, aut quanta patiētia est, ut honoribus suis cedat, praua, & iniqua fieri uideat, & non indignetur, quod propriū, & naturale est ei, cui peccata nō placeāt? Irasci ergo rationis est. auferūtur enim delicta, & refrænatur licentia: quod utiq; iuste, sapienterq; fit. Sed Stoici non uiderunt esse discrimen recti, & prauī: esse iram iustam, & iniustam: & quia medelam rei non inueniebant, uoluerūt eam penitus excidere. Peripatetici uero nō excidendam

cidendā, sed temperandā esse dixerūt. quibus in sexto libro Institutionū satis respōdimus. Nescisse autē philosophos, quæ ratio esset iræ, apparet ex definitionibus eorū, quas Seneca enumerauit in libris, quos de ira composuit. Ira est, inquit, cupiditas ulciscendæ iniuriæ. Alij (ut ait Possidonius) cupiditas puniendi eius, à quo te iniuste laesum. Quidā ita definierūt: Ira est incitatio animi ad nocendū ei, qui aut nocuit, aut nocere uoluit. Aristotelis definitio nō multū à nostra abest. Ait enim, irā esse cupiditatē doloris rependendi. Hæc est ira, de qua superius diximus, quæ etiā mutis inest: in homine uero cohibēda est, ne ad aliquod maximū malū profiliat per furorē. Hæc in Deo esse nō potest, quia illæsibilis est: in homine autē, quia fragilis est, inuenitur. iritat enim læsio dolorē, & dolor facit ultionis cupiditatē. Vbi est ergo illa ira iusta, qua mouetur aduersus delinquētes? quæ utiq; nō est cupiditas ultionis, quia nō præcedit iniuria. non dico de ijs, qui aduersus leges peccāt, quibus et iudex sine crimine irasci potest. fingamus tamen, eū sedato animo esse debere, cū subiicit pœnæ nocentē, quia legū sit minister, nō animi, aut potestatis suæ. sic enim uolunt, qui iram conantur euellere. sed de ijs potissimū dico, qui sunt nostræ potestatis, ut serui, liberi, coniuges, & discipuli: quos cū delinquere uidemus, incitamur ad coërcendum. Necesse est enim bono, ac iusto displicere, quæ praua sunt: & cui malū displicet, moueri, cū id fieri uideat. Ergo surgimus ad uindictam, nō quia læsi sumus, sed ut disciplina seruetur, mores corrigantur, licētia comprimatur. Hæc est ira iusta, quæ sicut in homine necessaria est ad prauitatis correctio nem, sic utiq; in Deo, à quo ad hominē peruenit exēplū. Nā sicuti nos potestati nostræ subiectos coërcere debe-

mus: ita etiā peccata uniuerſorū deus coërcere debet: qđ ut faciat, irascatur neceſſe eſt: quia naturale eſt bono ad alterius peccatū moueri, & incitari. ergo deſinire debuerūt: Ira eſt motus animi ad coërcenda peccata inſurgētis. nā deſinitio Cicronis, Ira eſt libido ulciſcendi, nō multū à ſuperioribus diſtat. Ira autē, quā poſſumus uel ſurore, uel iracundiā nominare, hæc ne in homine quidem debet eſſe: quæ tota uitioſa eſt. Ira uero, quæ ad correptionē uitiorū pertinet, nec homini adimi debet, nec Deo poteſt, quia & utilis eſt rebus humanis, & neceſſaria.

De peccatis uindicandis.

CAP. XVIII.

**Q**uid opus eſt, inquiunt ira, cū ſine hoc affectu peccata corrigi poſſint? Atqui nullus eſt, qui peccatore ſe poſſit uidere trāquille: poſſit fortasſe, qui legibus præſidet, quia facinus nō ſub oculis eius admittitur, ſed deferatur aliunde tanquā dubiū: nec unquā poteſt eſſe ſcelus tā clarū, ut deſenſioni locus nō ſit, & ideo poteſt iudex non moueri aduerſus eum, qui poteſt innocēs inueniri. Cumq; detectū facinus in lucē uenerit, iam nō ſua, ſed legum ſententia utitur. Sed poteſt cōcedi, ut ſine ira faciat, quod facit. habet enim quod ſequatur. Nos certe, cū domi peccatur à noſtris, ſiue id cernimus, ſiue ſentimus, indignari neceſſe eſt. ipſe enim peccati aſpectus indignus eſt. nam qui nō mouetur omnino: aut probat delicta, quod eſt turpius, & iniuſtius, aut moleſtiā caſtigandi fugit, quam ſedatus animus, & quieta mens aſpernatur, ac renuit, niſi ira ſtimulauerit. qui autē commouetur, tamen intempeſtiua leuitate uel ſæpius, quàm neceſſe eſt, uel etiam ſemper ignoſcit, is plane & illorum uitā perdit, quorū audaciam nutrit ad facinora maiora, & ſibi ipſi æternam moleſtiarū materiā ſubminiſtrat. Vitioſa eſt ergo in peccatis ira ſua  
cohib

cohibitio. Laudatur Archyta Tarentinus, qui cū in agro corrupta esse omnia comperisset, uillici sui culpam redarguēs, Misrum, inquit, quē iam uerberibus necassem, nisi iratus essem. Vnicum hoc exemplum temperatiæ putant, sed autoritate ducti non uident, quā incepta & locutus fuerit, & fecerit. Nam (sicut ait Plato) nemo prudens punit, quia peccatū est, sed ne peccetur. Apparet, quā malum uir sapiens proposuerit exemplum. Si enim senserint serui, dominum seuire, cum non irascitur, tum parceret, cum irascitur, non peccabunt utique leuiter, ne uerberentur, sed, quantum poterunt, grauissime, ut stomachum eius incitent, atq; impune discedant. Ego uero laudare, si cum fuisset iratus, dedisset iræ suæ spatium, ut residente per interuallum temporis animi tumore, haberet modum castigationis. Non ergo propter iræ magnitudinē donanda erat pœna, sed differenda, ne aut peccanti maiorem iusto dolorem inureret, aut castiganti furorem. nunc uero quæ tandem æquitas, aut sapientia est, ut aliquis ob exiguum delictum puniatur? aut ob maximū non puniatur? Quod si naturam rerum, causasque didicisset, nunquam tam importunam continentiam profiteretur, ut nequam seruus iratum sibi fuisse dominum gratularetur. Nam sicut corpus humanum Deus multis, & uarijs sensibus ad usum uitæ necessarijs instruxit, sic & animo uarios attribuit affectus, quibus uitæ ratio constaret: ut libidinem producendæ gratia sobolis dedit, sic irā cohibēdorum causa delictorum. Verum ij, qui nesciunt fines bonorum, ac malorum, sicut libidine utuntur ad corruptelas, & ad uoluptates, sic ira, & affectu ad nocendum, dum ijs, quos odio habent, irascuntur, aut paribus, aut etiam superiori-  
bus. Hinc quotidie ad maxima facinora prosilitur: hinc

L           tragœd



tragœdiæ sæpe nascuntur. Esset igitur laudandus Archytas, si, cum alicui ciui, & pari facienti sibi iniuriã fuisset iratus, repreßisset se tamen, & patiëntia furoris impetum mitigasset. Hæc sui cohibitio gloriosa est, qua cõpescitur aliquod imminens magnum malum. Seruorũ autem, filiorumq; peccata nõ coërcere, peccatum est. euadēt enim ad maius malũ per impunitatem. Hic non cohibenda ira, sed etiam, si iacet, excitanda est. Quod autem de homine dicimus, id etiam de Deo, qui hominẽ similem sui fecit. Omitto de figura Dei dicere, quia Stoici negant habere ullam formam Deum, & ingens alia materia nascitur, si eos coarguere uelimus: de animo tantũ loquor. Si Deo subiacet, cogitare, sapere, intelligere, prouidere, præstare: ex omnibus autem animalibus homo solus hoc habet: ergo ad Dei similitudinem factus est: sed ideo procedit in uitium, quia de terrena fragilitate permistus, nõ potest id, quod à Deo sumpsit, incorruptum, purumq; seruare, nisi ab eodẽ Deo iustitiæ præceptis imbuatur.

De anima & corpore, deq; prouidentia.

C A P. X I X.

**S**ED quoniam compactus est (ut diximus) è duobus homo, animo, & corpore, in altero uirtutes, in altero uitia continentur, & impugnant se inuicem. Animi enim bona, quæ sunt in continendis libidinibus, contraria sunt corpori: & corporis bona, quæ sunt in omni genere uoluptatũ, ininica sunt animo. Sed si uirtus animi repugnauerit cupiditatibus, easq; cõpresserit, erit uere Deo similis. Vnde apparet, animam hominis, quæ uirtutem diuinam capit, non esse mortale. Sed discrimen illud est, quod cum uirtus habeat amaritudinem, & sit dulcis illecebra uoluptatis, uincuntur plurimi, & abstrahuntur ad suauitatem.

Ii uero, qui se corpori, rebusq; terrenis addixerunt, pre-  
 muntur in terrā, nec assequi possunt diuini numinis gra-  
 tiam, quia se uitiorum labibus inquinarunt. Qui autem  
 Deum secuti, eiq; parentes, corporis desideria contēpse-  
 rint, & uirtutem præferentes uoluptatibus, inuocentiam,  
 iustitiamq; seruauerint: hos Deus ut sui similes recognos-  
 cit. Cum igitur sanctissimam legem posuerit: uelitq; uni-  
 uersos, innocentes, ac beneficos esse: potest uel non irasci,  
 cum uidet cōtemni legē suam, abijci uirtutem, appeti uo-  
 luptatem? Quod si est mūdi administrator (sicut esse de-  
 bet) non utique contemnit id, quod est in omni mundo  
 uel maximum. Si est prouidens (ut oportet Deū) consulit  
 utique generi humano, quo sit uita nostra & copiosior,  
 et melior, et tutior. Si est pater, ac Deus uniuersorū, certe  
 & uirtutibus hominum delectatur, & uitijis cōmouetur,  
 ergo & iustos diligit, & impios odit. Odio, inquit, opus  
 nō est: semel enim statuit bonis præmiū, & ualis poenam.  
 Quod si aliquis iuste, innocēterq; uiuat, & Deū nec co-  
 lat, nec curet omnino, ut Aristoteles, & Timon ceteriq;  
 Philosophorum, cederet ne huic impune? quod cū legi Dei  
 obtēperarit, ipsum tamē sprecuerit. Est igitur aliqd, pro-  
 pter quod Deus possit irasci, tāquam fiducia integritatis  
 aduersus eū rebellandi. Si huic potest irasci ppter super-  
 biam, cur nō magis peccatori, qui legē cum ipso pariter  
 latore contempserit? Iudex peccatis ueniam dare non po-  
 test, quia uolūtati seruit alienæ: Deus autē potest, quia est  
 legis suæ ipse disceptator, & iudex: quā cum poneret, uō  
 ademit sibi omnem potestātē, sed habet ignoscēdi licētiā.

De peccatis, & Dei misericordia. CAP. XX.

**S**I potest ignoscere, potest igitur irasci. cur ergo, inquit  
 aliquis, & q peccāt, sæpe felices sūt, et qui pie uiuūt,

Sæpe miseri? Quia fugitiui, & abdicati libere uiuunt, & qui sub disciplina patris, aut domini sunt, strictius, & frugalius. Virtus enim per mala et probatur, & constat: uita per uoluptatē. nec tamē ille, qui peccat sperare debet perpetuam impunitatē, quia nulla est perpetua felicitas.

—Sed scilicet ultima semper

Expectanda dies homini est: diciq; beatus

Ante obitum nemo, supremaq; funera debet.

Vt ait poëta nō insuauis, exitus est, qui arguit felicitatē, & nemo iudiciū Dei potest nec uiuus effugere, nec mortuus. Habet enim potestatē & uiuos præcipitare de summo, & mortuos æternis afficere cruciatibus. Immo, inq̃t, si irascitur Deus, statim debuit uindicare, & pro merito: quenq; punire. At enim si id faceret, nemo superesset. Nullus est enim, qui nihil peccet, & multa sunt, quæ ad peccandum irritent, ætas, uiolentia, egestas, occasio, præmiū. Adeo subiecta est peccato fragilitas carnis, qua induti sumus, ut nisi huic necessitati Deus parceret, nimium fortasse pauci uiuerēt, propter hanc causam patiētissimus est, & iram suam cōtinet. Nam quia perfectā est in eo uirtus, necesse est patientiam quoque eius esse perfectā, quæ & ipsa uirtus est. Quā multi ex peccatoribus iusti posterius effecti sunt, ex malis boni, & ex improbis continentes. quā multi in prima ætate turpes, & omnium iudicio damnati postmodum tamen laudabiles extiterunt: quod utique nō fieret, si omne peccatum pœna sequeretur. Leges publicæ manifestos reos damnant: sed plurimi sunt, quorum peccata occultantur, plurimi, qui delatorem comprimūt aut precibus, aut præmio: plurimi, qui iudicia eludunt per gratiā, uel potentiam. Quod si eos omnes, qui humanam pœnam effugiunt, censura diuina damnaret: esset

esset homo aut rarus, aut nullus in terra. Denique uel una illa causa delēdi generis humani iusta esse potuisset, quòd homines contempto Deo uiuo, terrenis, fragilibusq; firmētis honorem diuinum tanquam cœlestibus deferunt, adorantes opera humanis digitis laborata. Cumq; illos Deus artifex, ore sublimi, statu recto figuratos, ad contemplationē cœli, & notitiam Dei excitauerit, curuare se ad terram maluerunt pecudum more. Humilis enim, & curuus, & pronus est, qui ab aspectu cœli, Deiq; patris auersus, terrena quæ calcare debuerat, id est de terra ficta, & formata ueneratur. In tanta igitur impietate hominum, tantisq; peccatis id assequitur patientia Dei, ut se ipsi homines damnatis uitæ prioris erroribus corrigant. Deniq; & boni sunt, iustiq; multi, & abiectis terrenis cultibus, maiestatem Dei singularis agnoscunt. Sed cum maxima & utilissima sit Dei patientia, tamen quamuis sero noxios punit, nec patitur longius procedere, cum eos inemendabiles esse peruiderit.

De ira Dei, & hominis.

CAP. XXI.

**S**uperest una maxima, & extrema quæstio. Nam dixerit fortasse quispiam, adeo non irasci Deum, ut & in præceptis hominem irasci uetet. Possem dicere, quòd ira hominis refrænāda fuerit, quia iniuste sæpe irascitur, & præsentem habet motum, quia temporalis est. Itaque ne fierent ea, quæ faciunt per iram & humiles, & mediocres, & magni reges, temperari debuerat furor eius, & comprimī, ne mentis impos aliquod inexpiabile facinus admitteret. Deus autem & non ad præsens irascitur, & quia æternus est, perfectæq; uirtutis, nunquam nisi merito irascitur. Sed tamen non ita res se habet. Nā si omnino prohiberet irasci, ipse quodammodo reprehensor opificij

L 3 sui

sui fuisset, quia in principio irauiccori hominis indidisset. siquidē creditur, causam huius cōmotionis in humore fellis cōtineri. Non igitur in totū prohibet irasci, quia is affectus necessario datus est: sed prohibet in ira permanere. ira enim mortalium debet esse mortalis: nā si maneat, confirmātur inimicitiae ad perniciem sempiternā. Deniq; rursus eum irasci quidē, sed tamen non peccare praecepit: non utique euellit iram radicitus, sed temperauit, ut in omni castigatione modum, ac iustitiā teneremus. Qui ergo irasci nos iubet, ipse utique irascitur. qui placari celerius praecepit, est utiq; ipse placabilis. siquidē praecepit, quae sint iusta, et rebus utilia communibus. Sed quia dixeram nō esse iram Dei temporalem, sicut hominis, qui praesentanea cōmotione seruescit, nec facile regere se potest propter fragilitatē: nō ideo intelligere debemus, quia sit aeternus Deus, iram quoque eius in aeternum manere: sed rursus quia uirtute sit maxima praeditus, in potestate habere iram suam, nec ab ea regi, sed ipsum illā, quēadmodum uelit, moderari. quod utiq; non repugnat superiori. Nam si prorsus immortalis fuisset ira eius, non esset satisfactio, aut gratiae post delictū locus: cum ipse homines ante Solis occasum reconciliari iubeat. Sed ira diuina in aeternum manet aduersus eos, qui peccant in aeternum. Itaque Deus non thure, non hostia, non pretiosis muneribus, quae omnia sunt corruptibilia, sed morum emendatione placatur: et qui peccare desinit, iram Dei mortalem facit. iccirco enim non ad praesens noxium quenq; punit, ut habeat homo resipiscendi sui facultatem.

De peccatis, de q; ijs recitati uersus Sibyllae.

**H**aec habui, quae de ira Dei dicere, Donate charissime,  
me, ut

me, ut scires quemadmodū refelleres eos, qui Deum faciūt immobilem. Restat, ut more Ciceronis utamur epilogo ad perorandum, sicut ille in Tusculanis de morte differens fecit. ita nos in hoc opere testimonia diuina, quibus credi possit, adhibere debemus, ut illorum persuasionem uincamus, qui sine ira Deum esse credentes, dissoluunt omnem religionē, sine qua (ut ostēdimus) aut immanitate bellūis, aut stultitia pecudibus adæquamur. in sola enim religione, id est in Dei summi notione sapientia est. Prophetæ uniuersi diuino spiritu repleti, nihil aliud, quā de gratia Dei erga iustos, & de ira eius aduersus impios loquuntur. quorum testimonia nobis quidē satis sunt: uerum ijs quoniā non credunt isti, qui sapientiā capillis, & habitu iactant, ratione quoq; & argumentis fuerant a nobis refellendi. Sic enim præpostere agitur, ut humanam diuinis tribuant autoritatē, cum potius humanis diuinam debuerint. Quæ nunc sane omittamus, ne nihil apud istos agamus, & in infinitum materia procedat. Ea igitur quæramus testimonia, quibus illi possint aut credere, aut certe non repugnare. Sibyllas multas fuisse, plurimi, & maximī autores tradiderūt: Græcorū, Aristochius, et Apollodorus Erythræus: nostrorum, Varro, & Fenestella. Hi præcipuā, & nobilem præter cæteras Erythræam fuisse cōmemorant. Apollodorus quidem ut de ciui, ac populari sua gloriatur. Fenestella uero etiam legatos Erythras a Senatu esse missos refert, ut huius Sibyllæ carmina Romā deportarentur, & ea Cos. Curio, & Octavius in capitolio, quod tunc erat curante Q. Catulo restitutum, ponenda curarent. Apud hanc de summo & conditore rerum Deo huiusmodi uerfus reperiuntur:

ἄφθαρτος κτῆσις ἀΐωνι & ἀθάνατος

τοῖς τ' ἀκάκοις ἀδικῶν προφίρων παλὴ μετ' ὄνα μιδίον.  
τοῖς δὲ κακοῖς ἀδίκοις τὴν χόλον καὶ θυμὸν ἐγείρων.

Rursus alio loco enumerans, quibus maxime facinoribus incitetur Deus, hæc retulit:

φευγε δὲ λατρείας ἀνόμους, θεῶν (ὧν τι λάτρουε,  
μοι χεῖρας τε φύλασσε, καὶ ἄρσεν) ἀκριτοῦν ἔνδον  
ἰδίαν γενεὰν παίδων τρέφε, μή τις φόνου εἴη.  
καὶ γὰρ οἱ ἀθάνατοι κεχολώσεται, ὅσκις ἀμάρτη.

De Dei ira, & punitione, de quæ Sibyllarum carmina recitata; castigatio præterea, & adhortatio. CAP. XXIII.

**V**ERUM quia plures (ut ostendi) Sibyllæ a doctissimis autoribus fuisse traduntur, unius testimonium satis non sit ad confirmandam, sicut intendimus, ueritatem. Cum meæ quidem uolumina, quibus Romanorum facta conscripta sunt, in arcanis habentur. cæterarū tamen fere omniū libelli, quo minus in usu sint omnibus, nō uetantur. ex quibus alia denuntiās uniuerfis gentibus iram Dei ob impietatem hominum, hoc modo exorsa est:

ἐρχομένης ὄργης μεγάλης ἐπὶ κόσμῳ ἀπαθῆ  
ἔχοντος εἰς αἰῶνα θεῶν μνημόματα φαίνω,  
πᾶσι προφητεύω κατὰ πόλιν ἀνθρώπων.

Alia quoque per indignationem Dei aduersus iniustos cataclysmum priore seculo factum esse dixit, ut malitia generis humani extingueretur:

ἐξ ὧν μνησάντων ἐπὶ πρᾶντοιο θεοῦ.  
αὐτοῦσι παλῖεσι καὶ ἀνθρώποις ἀπασι.  
γῆν ἐκάλυψε θάλασσα κατὰ κλυσμοῖο φανέντων.

Simili modo deflagrationem postea futuram uaticinata est, qua rursus impietas hominum deleatur.

καὶ ποτε τὴν ὄργην θεὸς ἔκ' ἐπὶ πρᾶνόντων.



ὡς ἐξέμεριθοντα, καὶ ἐξολύοντά τε γέναν  
ἀνθρώπων ἅπαντα ὑπὲρ ἑμπεροῦ πέρθοντα.

Vnde apud Nasonem de Ioue ita dicitur,

Esse quoq; in satis reminiscitur, affore tempus,

Quo mare, quo tellus, correptaq; regia cœli

Ardeat, & mundi moles operosa laboret.

quod tunc fiat necesse est, cū honor & cultus Dci summi  
apud homines interierit. Eadē tamē placari cū pœnitētia  
factorum, & sui emendatione contestans, hæc addidit:

ὡς ἐλπίς μετὰ θεοῖς ἐροτοὶ Ἀὐτὸ μὲν δὲ πρὸς ὅσον

πασιπῆρ ἀγάγητε θεὸν μέγα. —

Item paulopost.

ὃς ὅλως, πᾶσι δὲ πᾶσι χρόνον ἔν τ' ἄν ἅπαντι

δοσε βίαν περὶ οὐμῶν ἐνὶ φρεσὶν ἀσκήσῃ.

Deinde alia Sibylla cœlestium, terrenorumq; genitorem  
diligere oportere denunciat, ne ad perdendos homines indi-  
gnatio eius insurgat.

μήποτε θυμῶσι θεὸς ἀφθίτος ἐξ ἀπολήσει

πᾶς γένος ἀνθρώπων βίον καὶ φύλον αἰναιδὲς

δ' αὖ σίγησιν γενετῆρα θεὸν σοφὸν αἰὲρ ἰόντα.

Ex his apparet uanas esse rationes philosophorum, qui  
Deum putant sine ira, & inter cæteras laudes eius id po-  
nunt, quod est contra ipsam maiestatem. Regnum hoc, im-  
periumq; terrenum nisi metus custodiat, soluitur. Aufer  
iram regi, non modo nemo parebit, sed etiam de fastigio  
præcipitabitur. imò uerò cuilibet humili eripe hunc affe-  
ctum, quis eum non spoliabit? quis non deridebit? quis  
non afficiet iniuria? Ita nec indumenta, nec sedem, nec  
uictum poterit habere, alijs quicquid habuerit diripiēti-  
bus, nedum putemus cælestis imperij maiestatem sine ira,  
& metu posse consistere. Apollo Milesius de Iudæorum

religione consultus, responso hoc indidit:

ὃς δὲ θεῶν βασιλῆα καὶ γεννητῆρα πρὸ πάντων  
 ὅν τι μέται καὶ γαῖα, καὶ ἕρανός, ὃς δὲ θάλασσα,  
 ταρτάριοι τε μυχοί, καὶ δαίμονες ἐκ φρενῶν.

Si tam lenis est, quàm philosophi uolunt, quomodo ad nutum eius non modo daemones, et ministri tantæ potestatis, sed etiam cœlum, et terra, et rerum natura omnis cōtre miscit? Si enim nullus alteri seruit, nisi coactus: omne igitur imperiū metu cōstat, iræ autē per iram: nā si nō moueatur quis aduersus parēre nolentem, nec cogi poterit ad obsequiū. Consulat unusquisq; affectus suos, iā intelliget, neminē posse sine ira, et castigatione imperio subiugari. Vbi ergo ira non fuerit, imperiū quoq; non erit. Deus autem habet imperium: ergo et iram, qua constat imperium, habeat necesse est. Quapropter nemo uaniloquentia philosophorum inductus, ad contemptum se Dei erudiat, quod est maximū nefas. Debemus hūc omnes et amare, quod pater est: et uereri, quod dominus: et honorificare, quod beneficus: et metuere, quod seuerus. utraq; persona in eo uenerabilis. Quis salua pietate non diligat animæ suæ parētem? aut quis impune cōtemnat eum, qui rerum dominator habeat in omnes ueram, et æternā potestatem? Si patrem cōsideres, ortum nobis ad lucem, qua fruimur, subministrat: per illum uiuimus, per illum in bospiū huius mundi intrauimus. Si Deum cogites, ille nos innumerabilibus copijs alit, ille sustentat, in huius domo habitamus, huius familia sumus, et si niuius obsequens, quàm decebat, minusq; officiosa, quàm donum, et parentis immortalia merita poscebant, tamen plurimū proficit ad ueniam consequendam, si cultum eius, notionemq; tenemus, si abiectis humilibus, terrenisq; tam rebus quàm bonis

bonis, cœlestia, et diuina sempiterna meditemur: quod ut  
facere possimus, Deus nobis sequendus est, Deus adorandus,  
quoniam in eo est materia rerum, et ratio uirtutum,  
et fons bonorum. Quid enim Deo aut potētia maius est,  
aut ratione perfectius, aut claritate luculentius? Qui quoniam  
uos ad sapientiam genuit, ad iustitiam procreauit,  
non est fas hominē relicto Deo, sensus, ac uitæ datore, terrenis,  
fragilibusq; famulari: aut quærendis temporalibus  
bonis inhaerentem, ab innocentia, et pietate discedere.  
Non faciūt beatum uitiosæ, ac mortiferæ uoluptates, non  
opulentia libidinum incitatrix, non inanis ambitio, non  
caduci honores, quibus illaqueatus animus humanus, et  
corpori mancipatus, æterna morte damnatur: sed innocentia  
sola, sola iustitia: cuius legitima, et digna merces  
est immortalitas, quā statuit à principio Deus sanctis, et  
incorruptis mentibus, quæ se à uitijs, et ab omni labe terrena  
integras, inuiolatasq; conseruant. Huius præmij cœlestis,  
ac sempiterni participes esse nō possunt, qui fraudibus,  
rapinis, circumscriptionibus conscientiam suam polluerunt,  
quiq; iniurijs hominum, nefarijs commissis, ineluibiles  
sibi maculas inusserunt. Proinde uniuersos oportet,  
qui sapientes, qui homines merito dici uolunt, fragilia cōtemnere,  
terrena calcare, humilia despicere, ut possint cū deo  
beatissima necessitudine copulari. Auferatur impietas,  
discordiæ, dissensionesq; turbulentiæ, ac pestiferæ sopiantur,  
quibus humanæ societates, et publici fœderis diuina  
coniunctio rumpitur, dirimitur, dissipatur: quātum possumus,  
boni, ac benefici esse meditemur: siquid nobis opum,  
siquid suppetit copiarum, non uoluptati unius, sed multorum  
saluti impartiat. Voluptas enim tam mortalis est, quā  
corpus cui exhibet ministreriū. Iustitia uerò, et beneficentia

neſicientia tam immortales, quàm mens & anima, quæ bonis operibus ſimilitudinem Dei aſſequitur. Sit nobis Deus non in templis, ſed in corde noſtro conſecratus. Deſtruetibilia ſunt omnia, quæ manu fiunt. mundemus hoc templum, quod non fumo, non puluere, ſed malis cogitationibus ſordidatur, quod non cereis ardentibus, ſed claritate, ac luce ſapientiæ illuminatur. In quo ſi Deum ſemper crediderimus eſſe præſentem, cuius diuinitati ſecreta mentis patent, ita uiuemus, ut & propitium ſemper habeamus, & nunquam uercamur iratum.

L. COELII

## LACTANTII

FIRMIANI DE OPIFICIO

DEI LIBER VNVS, AD DE-

METRIANVM AVDI-

TOREM SVVM.

Quæ inſtituti operis cauſa fuerit. CAP. I.



QVAM minime ſim quietus, etiã in ſummis neceſſitatibus, ex hoc libello poteris exiſtimare, quem ad te rudibus penè uerbis, prout ingenij mediocritas tulit, De metriane, perſcripſi: ut & quotidianum ſtudium meum noſſes, & nõ deeſſem tibi, præceptor etiam nũc, ſed honeſtioris rei, meliorisq; doctrinæ. Nam ſi te in literis nihil aliud quàm linguam inſtruentibus, auditorem ſatis ſtrenuum præbuiſti: quãto magis in his ueris, & ad uitam pertinentibus docilior eſſe debebis? apud quẽ nunc proſit

profiteor nulla me necessitate uel rei, uel tēporis impedi-  
ri, quo minus aliquid excudam, quo philosophi nostræ se-  
ctæ, quam tuemur, instructiores, doctioresq; in posterum  
fiant, quamuis nunc male audiant, castigenturq; uulgo,  
quod aliter, quàm sapientibus conuenit, uiuant, & uitia  
sub obtentu nominis celent: quibus aut mederi oportuit,  
aut ea prorsus effugere, ut beatum, atq; incorruptum sa-  
pientiæ nomen uita ipsa cum præceptis congruente, præ-  
starent. Ego tamē ut nos ipsos simul, & ceteros instruā,  
nullum laborem recuso. Neque enim ut nō possum obli-  
uisci mei, tum præsertim, cū maxime opus sit meminisse;  
sic nē tu quidem tui, ut spero, & opto. Nam licet te publi-  
cæ rei necessitas à ueris, & iustis operibus auertat: tamen  
fieri non potest, quin subinde in cælum aspiciat mēs sibi  
conscia recti. Ego quidem letor, omnia tibi, quæ pro bo-  
nis habētur, prospere fluere: sed ita, si nihil de statu men-  
tis immutent. Vereor enim, ne paulatim consuetudo, uel  
iucunditas earum rerum (sicut fieri solet) in animum  
tuum sensim repat. Ideoq; te moneo, repetens iterumq;  
monebo, ne oblectamenta ista terræ pro magnis, aut ueris  
bonis habere te credas, quæ sunt nō tantum fallacia, quia  
dubia, uerū etiam insidiosa, quia dulcia. Nam & ille col-  
luctator, et aduersarius noster scis quàm sit astutus, et idē  
ipse uiolentus, sicuti nunc uidemus. Is hæc omnia, quæ  
illicere possunt, pro laqueis habet, & quidem tam subti-  
libus, ut oculos mētis effugiant, nec possint hominis pro-  
uisione uitari. Summa ergo prudentia est, pedetentim in-  
cedere, quoniam utrobique saluti insidet, & offensacula  
pedibus latenter opponit. Itaq; res tuas proprias, in qui-  
bus nunc agis, suadeo, ut pro tua uirtute aut contemnas,  
si potes, aut non magnopere mireris. Memento & ueri  
parentis

tragœdiæ sæpe nascuntur. Esset igitur laudandus Archytas, si, cum alicui ciui, & pari facienti sibi iniuriã fuisset iratus, repreßisset se tamen, & patiëntia furoris impetum mitigasset. Hæc sui cohibitio gloriosa est, qua cõpescitur aliquod imminens magnum malum. Seruorũ autem, filiorumq; peccata nõ coërcere, peccatum est. euadēt enim ad maius malũ per impunitatem. Hic non cohibenda ira, sed etiam, si iacet, excitanda est. Quod autem de homine dicimus, id etiam de Deo, qui hominẽ similem sui fecit. Omitto de figura Dei dicere, quia Stoici negant habere ullam formam Deum, & ingens alia materia nascitur, si eos coarguere uelimus: de animo tantũ loquor. Si Deo subiacet, cogitare, sapere, intelligere, prouidere, præstare: ex omnibus autem animalibus homo solus hoc habet: ergo ad Dei similitudinem factus est: sed ideo procedit in uitium, quia de terrena fragilitate permistus, nõ potest id, quod à Deo sumpsit, incorruptum, purumq; seruare, nisi ab eodẽ Deo iustitiæ præceptis imbuatur.

De anima & corpore, deq; prouidentia.

C A P. XIX.

**S**ed quoniam compactus est (ut diximus) è duobus homo, animo, & corpore, in altero uirtutes, in altero uitia continentur, & impugnant se inuicem. Animi enim bona, quæ sunt in continendis libidinibus, contraria sunt corpori: & corporis bona, quæ sunt in omni genere uoluptatũ, inimica sunt animo. Sed si uirtus animi repugnauerit cupiditatibus, easq; cõpresserit, erit uere Deo similis. Vnde apparet, animam hominis, quæ uirtutem diuinam capit, non esse mortale. Sed discrimen illud est, quod cum uirtus habeat amaritudinem, & sit dulcis illecebra uoluptatis, uincuntur plurimi, & abstrahuntur ad suauitatem.

Ii uero, qui se corpori, rebusq; terrenis addixerunt, pre-  
 muntur in terrā, nec assequi possunt diuini numinis gra-  
 tiam, quia se uitiorum labibus inquinarunt. Qui autem  
 Deum secuti, eiq; parentes, corporis desyderia contēpse-  
 rint, & uirtutem præferentes uoluptatibus, innocentiam,  
 iustitiamq; seruauerint: hos Deus ut sui similes recognos-  
 cit. Cum igitur sanctissimam legem posuerit: uelitq; uni-  
 uersos, innocentes, ac beneficos esse: potest ne non irasci,  
 cum uidet cōtemni legē suam, abijci uirtutem, appeti uo-  
 luptatem? Quod si est mūdi administrator ( sicut esse de-  
 bet ) non utique contemnit id, quod est in omni mundo  
 uel maximum. Si est prouidens ( ut oportet Deū ) consulit  
 utique generi humano, quo sit uita nostra & copiosior,  
 et melior, et tutior. Si est pater, ac Deus uniuersorū, certe  
 & uirtutibus hominum delectatur, & uitijis cōmouetur,  
 ergo & iustos diligit, & impios odit. Odio, inquit, opus  
 nō est: semel enim statuit bonis præmiū, & malis poenam.  
 Quod si aliquis iuste, innocēterq; uiuat, & Deū nec co-  
 lat, nec curet omnino, ut Aristoteles, & Timon ceteriq;  
 Philosophorum, cedit ne huic impune? quod cū legi Dei  
 obtēperarit, ipsum tamē spreuerit. Est igitur aliqd, pro-  
 pter quod Deus possit irasci, tāquam fiducia integritatis  
 aduersus eū rebellandi. Si huic potest irasci ppter super-  
 biam, cur nō magis peccatori, qui legē cum ipso pariter  
 latore contempserit? Iudex peccatis ueniam dare non po-  
 test, quia uolūtati seruit alienæ: Deus autē potest, quia est  
 legis suæ ipse disceptator, & iudex: quā cum poneret, nō  
 ademūt sibi omnem potestātē, sed habet ignoscēdi licētiā.

De peccatis, & Dei misericordia. CAP. XX.

SI potest ignoscere, potest igitur irasci. cur ergo, inquit  
 aliquis, & q peccāt, sæpe felices sūt, et qui pie uiuūt,

L 2 sæpe



sæpe miseri? Quia fugitiui, & abdicati libere uiuunt, & qui sub disciplina patris, aut domini sunt, strictius, & frugalius. Virtus enim per mala et probatur, & constat: uita per uoluptatē, nec tamē ille, qui peccat sperare debet perpetuam impunitatē, quia nulla est perpetua felicitas.

— Sed scilicet ultima semper

Expectanda dies homini est: diciq; beatus

Ante obitum nemo, supremaq; funera debet.

Vt ait poëta nō insuauis, exitus est, qui arguit felicitatē, & nemo iudiciū Dei potest nec uiuus effugere, nec mortuus. Habet enim potestatē & uiuos præcipitare de summo, & mortuos æternis afficere cruciatibus. Immo, inq̃t, si irascitur Deus, statim debuit uindicare, & pro merito: quenq; punire. At enim si id faceret, nemo superesset. Nul-  
lus est enim, qui nihil peccet, & multa sunt, quæ ad peccādum irritent, ætas, uiolentia, egestas, occasio, præmiū. Adeo subiecta est peccato fragilitas carnis, qua induti sumus, ut nisi huic necessitati Deus parceret, nimīū fortasse pauci uiuerēt, propter hanc causam patiētissimus est, & iram suam cōtinet. Nam quia perfecta est in eo uirtus, necesse est patientiam quoque eius esse perfectam, quæ & ipsa uirtus est. Quā multi ex peccatoribus iusti posterius effecti sunt, ex malis boni, & ex improbis continentes. quā multi in prima ætate turpes, & omnīū iudicio damnati postmodum tamen laudabiles extiterunt: quod utique nō fieret, si omne peccatum pœna sequeretur. Leges publicæ manifestos reos damnant: sed plurimi sunt, quorum peccata occultātur, plurimi, qui delatorem comprimūt aut precibus, aut præmio: plurimi, qui iudicia eludunt per gratiā, uel potentiam. Quod si eos omnes, qui humanam pœnam effugiunt, censura diuina damnet: esset

esset homo aut rarus, aut nullus in terra. Denique uel una illa causa delēdi generis humani iusta esse potuisset, quòd homines contempto Deo uiuo, terrenis, fragilibusq; fingmētis honorem diuinum tanquam cœlestibus deferunt, adorantes opera humanis digitis laborata. Cumq; illos Deus artifex, ore sublimi, statu recto figuratos, ad contemplationē cœli, & notitiam Dei excitauerit, curuare se ad terram maluerunt pecudum more. Humilis enim, & curuus, & pronus est, qui ab aspectu cœli, Deiq; patris auersus, terrena quæ calcare debuerat, id est de terra ficta, & formata ueneratur. In tanta igitur impietate hominum, tantisq; peccatis id assequitur patientia Dei, ut se ipsi homines damnatis uitæ prioris erroribus corrigant. Deniq; & boni sunt, iusti q; multi, & abiectis terrenis cultibus, maiestatem Dei singularis agnoscunt. Sed cum maxima & utilissima sit Dei patientia, tamen quamuis sero noxios punit, nec patitur longius procedere, cum eos inemendabiles esse peruiderit.

De ira Dei, & hominis.

CAP. XXI.

**S**uperest una maxima, & extrema quæstio. Nam dixerit fortasse quispiam, adeo non irasci Deum, ut & in præceptis hominem irasci uetet. Possem dicere, quòd ira hominis refrænāda fuerit, quia iniuste sæpe irascitur, & præsentem habet motum, quia temporalis est. Itaque ne fierent ea, quæ faciunt per iram & humiles, & mediocres, & magni reges, temperari debuerat furor eius, & comprimi, ne mentis impos aliquod inextimabile facinus admitteret. Deus autem & non ad præsens irascitur, & quia æternus est, perfectæq; uirtutis, nunquam nisi merito irascitur. Sed tamen non ita res se habet. Nā si omnino prohiberet irasci, ipse quodammodo reprehensor opificij

L 3

sui

sui fuisset, quia in principio iram iccori hominis indidisset. siquidē creditur, causam huius cōmotionis in humore fellis cōtineri. Non igitur in totū prohibet irasci, quia is affectus necessario datus est: sed prohibet in ira permanere. ira enim mortalium debet esse mortalis: nā si maneat, confirmātur inimicitiae ad perniciem sempiternā. Deniq; rursus eum irasci quidē, sed tamen non peccare praecepit: non utique euellit iram radicitus, sed temperauit, ut in omni castigatione modum, ac iustitiā teneremus. Qui ergo irasci nos iubet, ipse utique irascitur. qui placari celarius praecepit, est utiq; ipse placabilis. siquidē praecepit, quae sint iusta, et rebus utilia communibus. Sed quia dixit iram nō esse iram Dei temporalem, sicut hominis, qui praesentanea cōmotione feruescit, nec facile regere se potest propter fragilitatē: nō ideo intelligere debemus, quia sit aeternus Deus, iram quoque eius in aeternum manere: sed rursus quia uirtute sit maxima praeditus, in potestate habere iram suam, nec ab ea regi, sed ipsum illā, quēadmodum uelit, moderari. quod utiq; non repugnat superiori. Nam si prorsus immortalis fuisset ira eius, non esset satisfactio, aut gratiae post delictū locus: cum ipse homines ante Solis occasum reconciliari iubeat. Sed ira diuina in aeternum manet aduersus eos, qui peccant in aeternum. Itaque Deus non thure, non hostia, non pretiosis muneribus, quae omnia sunt corruptibilia, sed morum emendatione placatur: et qui peccare desinit, iram Dei mortalem facit. iccirco enim non ad praesens noxium quenq; punit, ut habeat homo resipiscendi sui facultatem.

De peccatis, de quibus ihs recitati uersus Sibyllae.

**H**Acc habui, quae de ira Dei dicerē, Donate charissime,  
me, ut

me, ut scires quemadmodū refelleres eos, qui Deum faciūt immobilem. Restat, ut more Ciceronis utamur epilogo ad perorandum, sicut ille in Tusculanis de morte differens fecit. ita nos in hoc opere testimonia diuina, quibus credi possit, adhibere debemus, ut illorum persuasionem uincamus, qui sine ira Deum esse credentes, dissoluunt omnem religionē, sine qua (ut ostēdimus) aut immanitate belluis, aut stultitia pecudibus adæquamur. in sola enim religione, id est in Dei summi notione sapientia est. Prophetae uniuersi diuino spiritu repleti, nihil aliud, quā de gratia Dei erga iustos, & de ira eius aduersus impios loquuntur. quorum testimonia nobis quidē satis sunt: uerum ijs quoniam non credunt isti, qui sapientiā capillis, & habitu iactant, ratione quoq; & argumentis fuerant a nobis refellendi. Sic enim præpostere agitur, ut humanam diuinis tribuant autoritatē, cum potius humanis diuinam debuerint. Quæ nunc sane omittamus, ne nihil apud istos agamus, & in infinitum materia procedat. Ea igitur quæramus testimonia, quibus illi possint aut credere, aut certe non repugnare. Sibyllas multas fuisse, plurimi, & maximi autores tradiderūt: Græcorū, Aristochius, et Apollodorus Erythræus: nostrorum, Varro, & Fenestella. Hi omnes præcipuā, & nobilem præter cæteras Erythræam fuisse cōmemorant. Apollodorus quidem ut de ciui, ac populari sua gloriatur. Fenestella uero etiam legatos Erythras a Senatu esse missos refert, ut huius Sibyllæ carmina Romā deportarentur, & ea Coss. Curio, & Octauius in capitolio, quod tunc erat curante Q. Catulo restitutum, ponenda curarent. Apud hanc de summo & conditore rerum Deo huiusmodi uersus reperiuntur:

Ἐφ' ὅσους χριστὸς ἀνέστη· ὁ ἀντίπαυλόν

τοῖς τ' ἀκάκῃς ἀκακῶν προφίρων πᾶσι μέλονται διότι,

τοῖς δὲ κακῇς ἀδίκῃς τὲ χόλον καὶ θυμὸν ἐγείρων.

Rursus alio loco enumerans, quibus maxime facinoribus incitetur Deus, hæc retulit:

φεῦγε δὲ λατρείας ἀνόμους, θεῶν ὧν τι λάτρουε,

μοι χείρας τε φύλασσε, καὶ ἄρσεν ὁ ἀκρίτων ἐν ἐμῇ

ιδίᾳ γενεᾷ παίδων τρέφε, μήδ' ἐφόνουε.

καὶ γὰρ οἱ ἀθάνατοι κεχολώσεται, ὅσκιον ἀμάρτη.

De Dei ira, & punitione, de quæ Sibyllarum carmina recitata: castigatio præterea,

& adhortatio.

CAP. XXIII.

**V**erum quia plures (ut ostendi) Sibyllæ a doctissimis autoribus fuisse traduntur, unius testimonium satis non sit ad confirmandam, sicut intendimus, ueritatem. Cum meæ quidem uolumina, quibus Romanorum fata conscripta sunt, in arcanis habentur, cæterarū tamen fere omnium libelli, quo minus in usu sint omnibus, nō uctantur. ex quibus alia denuntiās uniuerfis gentibus iram Dei ob impietatem hominum, hoc modo exorsa est:

ἐρχόμενος ὄργῃς μεγάλῃς ἐπὶ κόσμῳ ἀπαθῆ

ἔχατον εἰς αἰῶνα θεῶν μηνύματα φαίνω,

πᾶσι προφητεύω κατὰ πόλιν ἀνθρώποισι.

Alia quoque per indignationem Dei aduersus iniustos cataclysmum priore seculo factum esse dixit, ut malitia generis humani extingueretur:

ἐξ ὧν μηνύοντι ἐπὶ πρᾶνίῳ θεοῖς.

αὐτῶσι πᾶσι καὶ ἀνθρώποισι ἅπασιν.

γῆν ἐκάλυψε θάλασσα κατακλυσμῷ ῥαγόντι.

Simili modo deflagrationem postea futuram uaticinata est, qua rursus impietas hominum deleatur.

καὶ ὅτε τὴν ὄργην θεὸς ἔκ' ἐπὶ πρᾶνόντα,

ὡς ἐξέμεναι ὄντα, καὶ ἐξολύοντά τε γέναν  
 ἀνθρώπων ἀπάσαν ὑπ' ἱμνησμῷ πύθοντα.

Vnde apud Nasonem de Ioue ita dicitur,

Esse quoq; in fatis reminiscitur, affore tempus,

Quo mare, quo tellus, correptaq; regia cæli

Ardeat, & mundi moles operosa laboret.

quod tunc fiat necesse est, cū honor & cultus Dei summi  
 apud homines interierit. Eadē tamē placari cū pœnitētia  
 factorum, & sui emendatione contestans, hæc addidit:

ὡλ' ἑλὶς μετὰθεοῖς ἑροτοὶ Δὸ μὲν δὲ πρὸς θεοὺς

πατιτοῖν ἀγάγητε θεὸν μέγα. —

Item paulopost.

Δὲ δλίση, πᾶσι δὲ πᾶσιν χρόνον εἶτ' ἂν ἅπαντι

δίσσε βίην περὶ θυμῷ ἐνὶ φρεσὶν ἀσκήσῃτε.

Deinde alia Sibylla cœlestium, terrenorumq; genitorem  
 diligi oportere denunciât, ne ad perdendos homines indi-  
 gnatio eius insurgat.

μῆποτε θυμωθεὶς θεὸς ἀφθίτος ἐξ ἀπολίσσῃ

πᾶς γένος ἀνθρώπων βίον καὶ φύλον οἶναι δὲ

δὲ σίγησιν γενετῆρα θεὸν σοφὸν αἶν ἰόντα.

Ex his apparet uanas esse rationes philosophorum, qui  
 Deum putant sine ira, & inter cæteras laudes eius id po-  
 nunt, quod est contra ipsam maiestatem. Regnum hoc, im-  
 periumq; terrenum nisi metus custodiat, soluitur. Aufer  
 iram regi, non modo nemo parebit, sed etiam de fastigio  
 præcipitabitur. imò uerò cuilibet humili eripe hunc affe-  
 ctum, quis eum non spoliabit? quis non deridebit? quis  
 non afficiet iniuria? Ita nec indumenta, nec sedem, nec  
 uictum poterit habere, alijs quicquid habuerit diripiēti-  
 bus, nedum putemus cælestis imperij maiestatem sine ira,  
 & metu posse consistere. Apollo Milesius de Iudæorum

religione consultus, responso hoc indidit:

ἡ δὲ θεὸν βασιλεῖα καὶ γεννητῆρα πρὸ πάντων  
 ὃν πρίμεται καὶ γαῖα, καὶ ἕρανός, ἡ δὲ θάλασσα,  
 παρτάριστε μυχοί, καὶ δαίμονες ἐκ φρίτῃσιν.

Si tam lenis est, quàm philosophi uolunt, quomodo ad nu-  
 tum eius non modo dæmones, et ministri tantæ potestatis,  
 sed etiam cœlum, & terra, & rerum natura omnis cōtre-  
 miscit? Si enim nullus alteri seruit, nisi coactus: omne igi-  
 tur imperiū metu cōstat, metus autē per iram: nā si nō mo-  
 ueatur quis aduersus parēre nolentem, nec cogi poterit  
 ad obsequiū. Consulat unusquisq; affectus suos, iā intelli-  
 get, neminē posse sine ira, & castigatione imperio sub-  
 iugari. Vbi ergo ira non fuerit, imperiū quoq; non erit.  
 Deus autem habet imperium: ergo & iram, qua constat  
 imperium, habeat necesse est. Quapropter nemo uanilo-  
 quentiā philosophorum inductus, ad contemptum se Dei  
 erudiat, quod est maximū nefas. Debemus hūc omnes &  
 amare, quòd pater est: & uereri, quòd dominus: & bono-  
 rificare, quòd beneficus: et metuere, quòd seuerus. utraq;  
 persona in eo uenerabilis. Quis salua pietate non diligit  
 animæ suæ parētem? aut quis impune cōtemnat eum, qui  
 rerum dominator habeat in omnes ueram, & eternā po-  
 testatem? Si patrem cōsideres, ortum nobis ad lucem, qua  
 fruimur, subministrat: per illum uiuimus, per illum in bo-  
 spitiū huius mundi intrauimus. Si Deum cogites, ille nos  
 innumerabilibus copijs alit, ille sustentat, in huius domo  
 habitamus, huius familia sumus, & si minus obsequens,  
 quàm decebat, minusq; officiosa, quàm donum, & paren-  
 tis immortalia merita poscebant, tamen plurimū proficit  
 ad ueniam consequendam, si cultum eius, notionemq; te-  
 neamus, si abiectis humilibus, terrenisq; tam rebus quàm  
 bonis



bonis, cœlestia, et diuina sempiterna meditemur: quod ut  
facere possimus, Deus nobis sequendus est, Deus adorandus,  
quoniam in eo est materia rerum, & ratio uirtutum,  
& fons bonorum. Quid enim Deo aut potētia maius est,  
aut ratione perfectius, aut claritate luculentius? Qui quo-  
niam nos ad sapientiam genuit, ad iustitiam procreauit,  
non est fas hominē relicto Deo, sensus, ac uitæ datore, ter-  
renis, fragilibusq; famulari: aut quærendis temporalibus  
bonis inhaerentem, ab innocentia, & pietate discedere.  
Non faciūt beatum uitiosa, ac mortifera uoluptates, non  
opulentia libidinum incitatrix, non inanis ambitio, non  
caduci honores, quibus illaqueatus animus humanus, &  
corpori mancipatus, æterna morte damnatur: sed inno-  
centia sola, sola iustitia: cuius legitima, & digna merces  
est immortalitas, quā statuit à principio Deus sanctis, &  
incorruptis mentibus, quæ se à uitijs, & ab omni labe ter-  
rena integras, inuolatasq; conseruant. Huius præmij cœ-  
lestis, ac sempiterni participes esse nō possunt, qui fraudi-  
bus, rapinis, circumscriptionibus conscientiam suam pol-  
luerunt, quiq; iniurijs hominum, nefarijs commissis, inelui-  
biles sibi maculas inusserunt. Proinde uniuersos oportet,  
qui sapientes, qui homines merito dici uolunt, fragilia cō-  
temnere, terrena calcare, humilia despicere, ut possint cū  
deo beatissima necessitudine copulari. Auferatur impietas,  
discordiæ, dissensionesq; turbulentiæ, ac pestiferæ sopian-  
tūr, quibus humanæ societates, & publici fœderis diuina  
coniunctio rumpitur, dirimitur, dissipatur: quātum possu-  
mus, boni, ac benefici esse meditemur: siquid nobis opum,  
siquid suppetit copiarum, non uoluptati unius, sed multo-  
rum saluti impartiat. Voluptas enim tam mortalis est,  
quā corpus cui exhibet ministeriū. Iustitia uerò, & be-  
neficentia

profiteor nulla me necessitate uel rei, uel tēporis impedi-  
ri, quo minus aliquid excudam, quo philosophi nostræ se-  
ctæ, quam tuemur, instructiores, doctioresq; in posterum  
fiant, quamuis nunc male audiant, castigenturq; uulgo,  
quod aliter, quam sapientibus conuenit, uiuant, & uitia  
sub obtentu nominis celent: quibus aut mederi oportuit,  
aut ea prorsus effugere, ut beatum, atq; incorruptum sa-  
pientiæ nomen uita ipsa cum præceptis congruente, præ-  
starent. Ego tamē ut nos ipsos simul, & ceteros instruā,  
nullum laborem recuso. Neque enim ut nō possum obli-  
uisci mei, tum præsertim, cū maxime opus sit meminisse;  
sic ne tu quidem tui, ut spero, & opto. Nam licet te publi-  
cæ rei necessitas à ueris, & iustis operibus auertat: tamen  
fieri non potest, quin subinde in cælum aspiciat mēs sibi  
conscia recti. Ego quidem lætor, omnia tibi, quæ pro bo-  
nis habētur, prospere fluere: sed ita, si nihil de statu men-  
tis immutent. Vereor enim, ne paulatim consuetudo, uel  
iucunditas earum rerum (sicut fieri solet) in animum  
tuum sensim repat. Ideoq; te moneo, repetens iterumq;  
monebo, ne oblectamenta ista terræ pro magnis, aut ueris  
bonis habere te credas, quæ sunt nō tantum fallacia, quia  
dubia, uerū etiam insidiosa, quia dulcia. Nam & ille col-  
luctator, et aduersarius noster scisquā sit astutus, et idē  
ipse uiolentus, sicuti nunc uidemus. Is hæc omnia, quæ  
illicere possunt, pro laqueis habet, & quidem tam subti-  
libus, ut oculos mētis effugiant, nec possint hominis pro-  
uisione uitari. Summa ergo prudentia est, pedetentim in-  
cedere, quoniam utrobique saluti insidet, & offensacula  
pedibus latenter opponit. Itaq; res tuas proprias, in qui-  
bus nunc agis, suadeo, ut pro tua uirtute aut contemnas,  
si potes, aut non magnopere mireris. Memento & ueri  
parentis

parentis tui, & in qua ciuitate nomen dederis, & cuius ordinis fueris. intelligis profecto quid loquar. Nec enim te superbiæ arguo, cuius in te ne suspicio quidem ulla est: sed ea, quæ dico, ad mentē referenda sunt, nō ad corpus, cuius omnis ratio ideo comparata est, ut animo tanquam domino seruiat, & regatur nutu eius. Vas est enim quoddammodo fictile, quo animus, id est, homo ipse uerus continetur: & quidem non à Promethæo fictum (ut poëtæ loquuntur) sed à summo illo rerū conditore, ac artifice Deo, cuius diuinam providentiam, perfectissimamq; uirtutem nec sensu comprehendere, nec uerbo enarrare possibile est. tentabo tamen, quoniam corporis, & animi facta mentio est, utriusque rationem, quantum pusillitas intelligentiæ meæ peruidet, explicare. Quod officium hac de causa maxime suscipiendum puto, quod M. Tullius, uir ingenij singularis, in quarto de Republica libro, cū id facere tentasset, nihil prorsus effecit, & materiam late patentē angustis finibus terminauit, leuiter summa quæq; decerpēs. Ac ne ulla esset excusatio, cur eum locum nō fuerit executus, ipse testatus est, nec uolūtatem sibi defuisse, nec curam. In libro enim de Legibus primo, cū hoc idē summātim stringeret, sic ait: Hunc locum satis (ut mihi uidetur) in ijs libris, quos legistis, expressit Scipio. Postea tamen in libro de Natura deorum secundo, hoc idem latius explicare conatus est. Sed quoniā ne ibi quidem satis expressit, aggrediar hoc munus, & sumam mihi audacter explicandum, quod homo discretissimus penē omisit intellū. Forsitan reprehēdas, quod in rebus obscuris coner aliqd disputare, cū uideas tāta temeritate homines extitisse, q uulgo philosophi nominantur, ut ea quæ abstrusa prorsus, atq; abdita Deus esse uoluit, scrutarentur, ac naturam rerum cœlestium

cœlestium, terrenarumq; conquirerēt, quæ à nobis longe remotæ, neq; oculis cōtrectari, neq; tangi manu, neq; percipi sensibus possunt. & tamen de illarum omniū ratione sic disputant, ut ea, quæ asserūt, probata, et cognita uideri uelint. Quid est tandem, cur nobis inuidiosum quisquam putet, si rationē corporis nostri inspicere, & cōtemplari uelimus? Quæ plane obscura non est: quia ex ipsis membrorum officijs, & usibus partium singularum, quāta ui prouidentiae quisq; factus sit, intelligere nobis licet.

De generatione belluarū, & hominis. CAP. II.

**D**edit enim homini artifex ille noster, ac parēs Deus sensum, atque rationem, ut ex eo appareret, nos ab eo esse generatos, quia ipse intelligētia, ipse sensus, ac ratio est. Cæteris animantibus quoniam rationalem istam uitam non attribuit, quemadmodum tamen uita eorum tutior esset, antè prouidit. omnes enim suis ex se pellibus texit, quo facilius possent uim pruinarum, ac frigora sustinere. singulis autem generibus ad propulsandos impetus externos sua propria munimēta cōstituit, ut aut naturalibus telis repugnēt fortioribus: aut quæ sunt imbecilliora, subtrahāt se periculis pernecitate fugiēdi: aut quæ simul & uiribus & celeritate indigēt, astu se protegāt, aut latibulis sepiant. Itaque alia eorum uel plumis leuibus in sublime suspēsa sunt, uel suffulta ungulis, uel instructa cornibus. quibusdā in ore arma sunt dētes, aut in pedibus adunci unguēs, nulliq; munimētum ad tutelam sui deest. Si qua uerò in prædam maioribus cedūt, ne tamen stirps eorum funditus interiret, aut in ea sunt relegata regiōe, ubi maiora esse non possunt, aut acceperunt uberem generandi fœcunditatē, ut & bestijs, quæ sanguine alūtur, uictus suppetcret ex illis, & illatam tamen cladem, ad conseruationem

uationem generis multitudo ipsa superaret. Homine autē ratione cōcessa, & uirtute sentiēdi atq; eloquēdi data, eorum, quæ cæteris animātib; attributa sunt, fecit expectē: quia sapiētia reddere poterat, quæ illi nature cōditio denegasset: statuit nudum, & inermem, quia & ingenia poterat armari, & ratione uestiri. Ea utrō ipsa, quæ multis data, & homini denegata sunt, quā mirabiliter homini ad pulchritudinē faciāt, exprimi nō potest. Nam si homini ferinos dentes, aut cornua, aut ungues, aut ungulas, aut caudā, aut uarij coloris pilos addidisset, quis non sentit, quā turpe animal esset futurum, sicut muta, si nuda, & inerma fingerentur? Quibus si detrahas uel naturalem sui corporis uestem, uel ea, quibus ex se armatur, nec speciosa poterunt esse, nec tuta: ut mirabiliter, si utilitatem cogites, instructa: si speciem, ornata uideantur. adeo miro modo consentit utilitas cum decore. Hominem uerō quoniam æternum animal, atque immortale fingebat, nō forinsecus, ut cætera, sed interius armauit, nec munimentum eius in corpore, sed in animo posuit: quoniā superuacuum fuit, cum illi, quod erat maximum, tribuisset, corporalibus cum tegere munimētis, cum præsertim pulchritudinē humani corporis impedirēt. Vnde ego philosophorum qui Epicurū sequuntur, amentia soleo mirari, qui nature opera reprehēdunt, ut ostendant, nulla prouidentia instructum esse, ac regi mundū: sed originē rerum insecabilibus, ac solidis corporibus assignant, quorum fortuitis cōcursionibus uniuersa nascūtur, & nata sunt. Præterea, quæ ad ipsum mundū uitio dant, in quo ridicule insaniunt, id sumo, quod ad rem, de qua nunc agimus, pertinet.

De cōditione pecudū, & hominis. c. III.  
**Q** Veruntur, hominem nimis imbecillum, & fragile nasci

nasci, quàm cætera animalia nascuntur, quæ ut sunt edita ex utero, protinus in pedes suos erigi, & gestire discursibus, statimq; aëri tolerando idonea esse, quòd in lucem naturalibus indumentis munita processerint: hominem contra, nudum, ut inermem, tanquã ex naufragio in huius uitæ misérias proijci, & expelli: qui neque mouere se loco, ubi effusus est, possit: nec alimētum lactis appetere: nec iniuriam temporis ferre: itaq; naturam non matrem esse humani generis, sed nouercam: quæ cum mutis tam liberaliter se gesserit: hominē uero sic effuderit, ut inops, & infirmus, & omni auxilio indigens, nihil aliud possit, quàm fragilitatis suæ conditionem ploratu, ac fletibus ominari, scilicet

Cui tantum in uita restet transire malorum.

Quæ cum dicunt, uehementer sapere creduntur, propterea quòd unusquisq; incōsyderatæ suæ conditioni ingratus est. ego uero illos nunquã magis desipere cōtēdo, quàm cum hæc loquuntur. Cōsyderans enim conditionē rerū, intelligo nihil fieri aliter debuisse, quàm factum est: ut nō dicam, potuisse, quia Deus potest omnia: sed necesse est, quòd illa prouidentissima maiestas id effecerit, quod erat melius, & rectius. Libet igitur interrogare istos diuinorū operū reprehensores, quid in homine deesse, quia imbecillior nascitur, credant: num iccirco minus educentur homines, num minus ad summum robur ætatis prouehantur, num imbecillitas aut incrementum impediat, aut salutē: quoniam quæ desunt, ratio deprehendit. At hominis, inquiunt, educatio maximis laboribus constat. Pecudum scilicet cōditio melior, quòd hæc omnes, cum foetum ediderint, non nisi pastus sui curam gerūt. ex quo efficitur, ut uberibus sua sponte distētis, alimentum lactis fœ-

M

tibus

tibus ministretur, & id, cogente natura, sine matrum sollicitudine appetant. Quid aues? quarum ratio diuersa est: non enim maximos suscipiunt in educando labores? ut interdum aliquid humanæ intelligentiæ habere uideantur. nidus enim aut luto ædificant, aut uirgultis, & frondibus construunt, & ciborum expertes, incubant ouis: & quoniam fœtus de suis corporibus alere datum non est, cibos conuolunt, & totos dies in huiusmodi discursione consumunt. noctibus uero defendunt, fouent, protegent. Quid amplius facere homines possunt? nisi hoc solum fortasse, quod non expellunt adultos, sed perpetua necessitudine, ac uinculo charitatis adiunctos habent. Quid, quod auium fœtus multo fragilior est, quam hominis? quia non materno corpore ipsum animal edunt, sed quod materni corporis fœtu, & calore tepefactum, animal efficiat, quod tamen cum spiritu fuerit animatum. id uero implume, ac tenerum non modo uolandi, sed ambulandi quoque usu caret. Num ergo ineptissimus sit, si quis putet male cum uolucris egisse naturam, primum quod bis nascuntur, deinde, quod tam infirmæ, ut sint quesitis per laborem cibis à parentibus nutriendæ? Sed illi fortiora eligunt, imbecilliora prætercunt. Quæro igitur ab ijs, qui conditionem pecudum suæ præferunt, quid eligant, si Deus his deferat optionem, utrum malint humanam sapientiam cum imbecillitate, an pecudum firmitatem cum illarum natura? Scilicet non tam pecudes sunt, ut non malint uel fragiliorem multo, quam nunc est, dummodo humanam, quam illam irrationabilem firmitatem. Sed uidelicet prudentes uiri neque hominis rationem uolunt cum fragilitate, neque mutorum firmitatem sine ratione. Quare nihil est tam repugnans, tamque contrarium: quod unumquodque animal aut ratio instruat necesse est, aut  
cond



conditio naturæ. Si naturalibus munimentis instruat, superuacua ratio est: quid enim excogitabit? quid faciet? aut quid molietur? aut in quo lumen illud ingenij ostendet, cum ea quæ possunt esse rationis, ultro natura concedat? Si autem ratione sit præditum: quid opus erit sepimentis corporis? cum semel concessa ratio naturæ munus posset implere. quæ quidem tantum ualet ad ornandum, tuendumque hominem, ut nihil potuerit maius, ac melius à Deo dari. Denique cum et corporis non magni homo, et exiguarum uirium, et ualetudinis sit infirmæ: tamē quoniam id, quod est maius, accepit: et instructior est cæteris animalibus, et ornatiore. Nam cum fragilis, imbecillisque nascatur, tamē et à mutis omnibus tutus est: et ea omnia, quæ firmiora nascuntur, etiā si uim cœli fortiter patiuntur, ab homine tamē tutæ esse non possunt. Ita fit, ut plus homini conferat ratio, quam natura mutis: quoniam in illis nec magnitudo uirium, neque firmitas corporis efficere potest, quo minus aut opprimantur à nobis, aut nostræ subiecta sint potestati. Potest ne igitur aliquis, cum uideat etiā boues, et uaccas, aut equos cum immanissimis corporibus seruire homini: quæri de opifice rerum Deo, quæ modicas uires, quod paruum corpus acceperit? nec beneficia in se diuina pro merito æstimat? quod est ingrati, aut (ut uerius loquamur) insani. Melius igitur Plato, ut hos (credo) ingratos refelleret, naturæ gratias egit, quod homo natus esset. quod et ipsum quale sit, non est huius materiæ ponderare. Quāto melius, et suauius, qui sentit conditionem hominis esse meliorem, quam isti, qui se pecudes natos esse maluerint? Quos si Deus in ea forte conuerterit animalia, quorum sortem præferunt suæ: iam profecto cupiant remigrare: magnis que clamoribus conditionem pristinam flagitent: quia non est tanti robur,

ac firmitas corporis, ut officio linguæ careas: aut auium per aërem libera discursatio, ut manibus indigeas. plus enim manus præstant, quàm leuitas, ususq; pēnarum: plus lingua, quàm totius corporis fortitudo. Quæ igitur amētia est, ea præferre, quæ, si data sint, accipere detrectes?

De imbecillitate hominis.

CAP. IIII.

**I**dem querūtur, hominem morbis, & immaturæ morti esse subiectum. Indignantur uidelicet, non Deos se esse natos. Minime, inquiunt: sed ex hoc ostendimus, hominē nulla prouidētia esse factū, quòd aliter fieri debuit. Quid si ostēdero, id ipsum magna ratiōe prouisum esse, ut morbis uexari posset, & uita sæpe in medio cursus sui spatio rūperetur? Cū enim Deus, animal, quod fecerat, sua spon=te ad mortem transire cognouisset: ut mortē ipsam, quæ est dissolutio naturæ, capere posset, dedit ei fragilitatem, quæ morti aditum ad dissoluendū animal inueniret. Nam si eius roboris fieret, ut ad eum morbus, et ægritudo adire non posset: ne mors quidem posset: quoniam mors sequela morborum est. Immatura uerò mors quomodo abesset ab eo, cui esset constituta natura? Nempe nullum hominem mori uolunt, nisi cum centesimum ætatis compleuerit annum. Quomodo illis in tanta repugnantia rerum ratio poterit constare? Vt enim ante annos centum mori quisq; non possit: aliquid illi roboris, quod sit immortalē, tribuendum est. Quo concesso, necesse est conditionem mortis excludi. Id autē ipsum cuiusmodi potest esse, quòd hominem contra morbos, & ictus extraneos solidū, atq; inexpugnabilem faciat? Cum enim constet ex ossibus, & neruis, & uisceribus, et sanguine, quid horum potest esse tam firmum, ut fragilitatem repellat ac mortem? Vt igitur homo indissolubilis sit ante illud tempus, quod illi pu=

tant

tant oportuisse constitui, ex qua ei materia corpus attribuent? Fragilia sunt omnia, quæ uideri ac tangi possunt. Supereſt, ut aliquid ex cælo petant: quoniam in terra nihil eſt, quod non ſit infirmum. Cum ergo homo ſic formandus eſſet à Deo, ut mortalis eſſet aliquando, res ipſa exigebat, ut terreno, & fragili corpore fingeretur. Neceſſe eſt igitur, ut mortem recipiant, quando libet: quoniam corporalis eſt. corpus enim quodlibet ſolubile, atq; mortale eſt. Stultiſſimi ergo ſunt, qui de morte immatura queruntur: quoniam naturæ conditio locum illi facit. Ita conſequens erit, ut morbis quoque ſubiectus ſit. neque enim patitur natura, ut abeſſe poſſit infirmitas ab eo corpore, quod iccirco non ſolidum, firmumque natum eſt, ut aliquando ſoluendū ſit. Sed putemus fieri poſſe, quemadmodum uolunt, ut homo non ea conditione naſcatur, qua morbo, mortiue ſubiectus ſit, niſi peracto ætatis ſua ſpatio, ad ultimam proceſſerit ſenectutem. Nō igitur uident, ſi ita ſit conſtitutum, quid ſequatur, hominem utiq; niſi certo tempore mori nullo modo poſſe: ſed, ſi prohiberi ab altero uictu poteſt, mori poterit. Res igitur exigat ut homini, qui ante certum diem mori non poteſt, ciborum alimentis, quia ſubtrahi poſſunt, opus non ſit. Si opus cibo non erit, iam nō homo ille, ſed Deus fiat. Ergo (ut ſuperius dixi) qui de fragilitate hominis queruntur, id potiſſimum queruntur, quod nō immortales, & ſempiterni ſint nati. Nemo enim niſi ſenex, mori debet. Nempe idco mori debet, quia Deus non eſt. Atq; mortalitas non poteſt cum immortalitate coniungi. ſi enim mortalis eſt in ſenectute, immortalis eſſe in adoleſcentia non poteſt: nec eſt ab eo conditio mortis aliena, qui quandoque moriturus eſt: nec ulla immortalitas eſt, cui ſit terminus conſtitu-

tus. Ita fit, ut & immortalitas exclusa in perpetuū, & ad tempus recepta mortalitas, hominem constituat in ea conditione, ut sit in qualibet ætate mortalis. Quadratur igitur necessitas undique, nec debuisse aliter fieri, nec fas fuisse. Sed isti rationē sequētium nō uident, quia semel errauerunt in ipsa summa. Exclusa enim de rebus humanis diuina prouidentia, necessario sequebatur, ut omnia sua sponte sint nata. Hinc inuenerunt illas minutorum seminum plagas, & concursiones fortuitas: quia rerū originem nō uidebant, In quas se angustias cum coniecissent: iam coagebat eos necessitas existimare, animas cū corporibus nasci, & item cum corporibus extingui. assumpserāt enim, nihil fieri mente diuina. quod ipsum non aliter probare poterant, quā si ostenderēt esse aliqua in quibus uideretur prouidentię ratio claudicare. Reprehenderūt igitur ea, in quibus uel maxime diuinitatem suam prouidentia mirabiliter expressit: ut illa, quę retuli, de morbis, & immatura morte: cum debuerint cogitare, his assumptis, quę necessario sequerentur. sequuntur autem illa, quę dixi. si morbum nō reciperent, neq; tectis, neq; uestibus indigerēt. quid enim uētos, aut imbres, aut frigora metuerent: quorū uis in eo est, ut morbos afferāt? Idcirco enim accepit sapientiam, ut aduersus nocētia fragilitatē suam muniat. Sequitur necessario, ut quoniā retinēdę rationis causa morbos capit: etiā mortē semper accipiat: quia is, ad quem morbus nō uenit, firmus sit necesse est: infirmitas autē habet in se mortis conditionē: firmitas uerō ubi fuerit, nec senectus locū potest habere, nec mors, quę sequitur senectutē. Præterea, si mors certę cōstitutā esset ætati: fieret homo insolētissimus, & humanitate omni careret. Nam ferē iura omnia humanitatis, quibus inter nos co-

hæremus

hæremus, ex metu, & cōscientia fragilitatis oriūtur. Deniq; imbecilliora, & timidiora quæq; animalia congregantur, ut quoniā uiribus tueri se nequeunt, multitudine tueantur: fortiora uero solitudines appetunt, quoniā robore, uiribusq; cōfidunt. Homo quoq; si eodem modo haberet ad propulsanda pericula suppetens robur, nec ullius alterius auxilio indigeret, quæ societas esset? quæ reuerentia inter se? quis ordo? quæ ratio? quæ humanitas? aut quid esset deterius homine? quid efferatius? quid immanius? Sed quoniam imbecillis est, nec per se potest sine homine uiuere, societatem appetit, ut uita cōmunis & ornatio fiat, & tutior. Vides igitur omnē hominis rationē in eo maxime stare, quòd nudus, fragilisq; nascitur, quòd morbis afficitur, quòd immatura morte multatur. Quæ si homini detrahantur, rationem quoque, ac sapientiam detrahi, necesse est. Sed nimis diu de rebus apertis disputo, cum sit liquidum, nihil sine prouidentia nec factū esse unquam, nec fieri potuisse. De cuius operibus uniuersis si nunc libeat disputare per ordinem, infinita materia est. Sed ego de uno corpore hominis tantum institui dicere, ut in eo diuinæ prouidentiae potestatem, quanta fuerit, ostendam, his duntaxat in rebus, quæ sunt comprehensibiles, & apertæ: nam illa, quæ sunt animæ, nec subijci oculis, nec comprehendi queunt. Nunc de ipso uase hominis loquamur, quod uidemus.

De figuris animalium, & membris. C A P. V.

**I**N principio, cum Deus fingeret animalia, noluit ea in rotundam formæ speciem cōglobare, atq; colligere, ut & moueri ad ambulandum, & flectere se in quamlibet partem facile possent: sed ex ipsa corporis summa produxit caput: itē produxit membra quædā longius, quæ uo-

cantur pedes, ut alternis motibus solo fixa perducerēt animal, quò mēs tulisset, aut quò petēdi cibi necessitas pro uocasset. Ex ipso autem uasculo corporis quatuor facit extātia: bina posterius: quæ sunt in omnibus pedes: item bina capiti, & collo proxima, quæ uarios animantibus usus præbent. In pecudibus enim, ac feris, sunt pedes posterioribus similes: in homine autē manus, quæ nō ad ambulandū, sed ad faciendū operandūq; sunt natæ. Est & tertium genus, in quo priora illa neq; pedes, neq; manus sunt, sed alæ, in quibus pænæ per ordinē fixæ, uolandi exhibēt usum. Ita una fictio diuersas species, & usus habet. Atque ut ipsam corporis crassitudinem firmiter comprehenderent, maioribus, & breuibus ossibus inuicem colligatis, quasi carinam compegit, quam nos dicimus spinā: eamq; noluit ex uno, perpetuoq; osse formare, ne gradiendi, flexendiq; se facultatem animal nō haberet. Ex eius parte quasi media costas, id est transuersa, & plana ossa porrexit in diuersum: quibus clementer curuatis, & in se uelut in circulum penē conductis, interna uiscera contegātur, ut ea, quæ mollia, & minus ualida fieri opus erat, illius solidæ cratis amplexu possent esse munita. In summa uero constructionis eius, quam sinulem nauis carinæ diximus, caput collocauit, in quo esset regimē totius animātis. datumq; illi hoc nomen est, ut quidē Varro ad Ciceronem scribit, quòd hinc capiant initium sensus, ac nerui. Ea uero, quæ diximus de corpore uel ambulādi, uel faciēdi, uel uolandi causa esse producta, neque nimium longis, propter celerem mobilitatem, neque nimium breuibus, propter firmitatem, sed & paucis, & magnis ossibus constare uoluit. Aut enim bina sunt, ut in homine: aut quaterna, ut in quadrupede, quæ tamen non fecit solida, ne in gra-

dicendo

diendo pigritia, & grauitas retardaret: sed cauata, & ad uigorem corporis conseruandū medullis intrinsecus plena: eaq; rursus non æqualiter porrecta finiuit, sed summās eorum partes crassioribus nodis conglobauit, ut & substringi neruis facilius, & uerti tutius possent: unde sunt uertibula nominata. Eos nodos firmiter solidatos le= ni quodam operculo textit, quod dicitur chartilago, scilicet ut sine attritu, & sine sensu doloris aliquo flecterentur. eosdem tamen non in unum modum formauit. alios enim fecit simplices, & in orbem rotundos, in ijs duntaxat articulis, in quibus moueri membra in omnes partes oportebat, ut in scapulis, quoniam manus utrolibet agitari, & cōtorqueri necessarium est. alios autem latos, & æquales, & in unam partem rotundos, & in his utiq; locis, ubi tantummodo curuari membra oportebat, ut in genibus, & in cubitis, & in manibus ipsis. Nam sicut manus ex loco, unde oriuntur à corpore, ubiq; uersus moueri, speciosum simul, & utile fuit: sic profecto, si hoc idē etiā cubitis accideret, & superuacuuus esset huiusmodi motus, & turpis. Iam enim manus amissa dignitate, quā nunc habet, mobilitate nimia proboscidi similis uideretur: essetq; homo plane anguimanus. quod genus in illa immanissima bellua mirabiliter effectum est. Deus enim, qui prouidentiam, & potestatem suam multarū rerum mirabili uarietate uoluit ostendere, quoniam caput eius animalis non tam longe porrexerat, ut terram posset ore contingere, quod erat futurū horribile, atq; tetrū, & quia os ipsum profusis dentibus sic armauerat, ut etiā si cōtingeret, pascendi tamen facultatem dentes adimerent: produxit inter eos à summa fronte molle ac flexibile membrum, quo prendere, quo tenere quodlibet posset: ut rationē uictus



capiendi uel dentium prominens magnitudo, uel ceruicis breuitas non impediret.

De Epicuri errore: & de membris, eorumq;  
usu.

CAP. VI.

**N**on possum hoc loco teneri, quo minus Epicuri stultitiam rursum coarguā. illius enim sunt omnia, quæ delirat Lucretius. qui, ut ostēderet animalia nō artificio aliquo diuinæ mētis, sed, ut solet, fortuito esse nata dixit: in principio mūdi alias quasdā innumerabiles animātes mirāda specie, et magnitudine fuisse natas, sed eas permanere nō potuisse, quōd illas aut sumendi cibi facultas, aut coēūdi, generādiq; ratio defecisset. Videlicet ut et atomis suis locū faceret per infinitū, & inane uolitantibus, diuinā prouidētia uoluit excludere. Sed cū uideret, in omnibus, quæ spirāt, mirabilē prouidētia inesse rationē: quod malū uanitatis erat, dicere, fuisse animalia prodigiosa in quibus ratio cessasset? Quoniam igitur omnia, quæ uidemus, cum ratione nata sunt, id enim ipsum nasci efficere nisi ratio nō potest: manifestum est, nihil omnino rationis expers potuisse generari. At enim prouisum est in singulis quibusq; fingēdis, quatenus & ministerio membrorū ad necessaria uitæ uteretur, et quatenus adiugatis corporibus elata soboles, uniuerſas generatim cōſeruaret animantes. Nā si peritus architectus, cum magnum aliquod ædificium facere constituit, primo omnium cogitat, quæ summa perfecti ædificij futura sit, & antè emetitur, quē locum leue pondus expectet: ubi magni operis statura sit moles: quæ colūnarum interualla: qui, aut ubi aquarum cadentium decursus, & exitus, & receptacula. hæc inquā prius præuidet, ut quæcunq; sunt perfectō operi iam necessaria, cū ipsis fundamentis pariter ordiatur: cur Deū quisquam putet machinandis animalibus non antè pro-

uidisse, quæ ad uiuendū necessaria essent, quàm ipsam uitam daret? Quæ utiq; constare non posset, nisi prius effecta essent quibus constat. Videbat igitur Epicurus in corporibus animalium diuinæ rationis solertia: sed ut efficeret, quod antè imprudēter assumpserat, adiecit aliud deliramentum superiori cōgruens. Dixit enim, neq; oculos ad uidendum esse natos, neq; aures ad audiendum, neque pedes ad ambulandum: quoniam membra hæc prius nata sunt, quàm esset usus uidendi, & audiendi, et ambulandi: sed horum omnia officia ex natis extitisse. Vereor ne huiusmodi portenta, & ridicula refutare, non minus ineptū esse uideatur. Sed libet ineptire: quoniam cum inepto agimus: ne se ille nimis argutum putet. Quid ais Epicure? Non sunt ad uidendū oculi nati? Cur igitur uident? Postea, inquit, usus eorum apparuit. Videndi ergo causa nati sunt, si quidē nihil possunt aliud, quàm uidere. Itē membra cætera cuius rei causa nata sint, ipse usus ostendit. qui utique nullo modo posset existere, nisi essent membra omnia tam ordinate, tam prouidenter effecta, ut usum possent habere. Quid enim, si dicas aues non ad uolandum esse natas, neque feras ad sæuendum, neque pisces ad natandum, neque homines ad sapiendum: cum appareat ei natura, officioq; seruire animantes, ad quod sunt quæq; generata? Sed uidelicet qui summam ueritatis amisit, semper erret necesse est. Si enim non prouidentia, sed fortuitis atomorum concursuionibus nascuntur omnia, cur nunquàm fortuito accidit, sic coire illa principia, ut efficerent animal eiusmodi, quod naribus potius audiret, odoraret oculis, auribus cerneret? Si enim primordia nullum genus positionis inexpertū relinquunt, oportuit eiusmodi quotidie monstra generari, in quibus membrorum ordo præ-

do præposterus, & usus lõge diuersus existeret. Cũ uerò uniuerſa genera, & uniuerſa quoq; mēbra leges ſuas, & ordines, et uſus ſibi attributos tueantur: manifeſtum eſt, nihil fortuito eſſe factum, quoniam diuinæ rationis diſpoſitio perpetua ſeruatur. Verum aliàs reſellemus Epicurũ: nunc de prouidentia (ut cœpinus) diſſeramus.

De omnibus coporis partibus. CAP. VII.

**D**Eus igitur ſolidamenta corporis, quæ oſſa dicũtur, nodata, & adiuncta inuicẽ neruis alligauit, atq; cõſtrinxit: quibus mens ſi excurrere, aut reſiſtere uelit, tanquam retinaculis uteretur, & quidem nullo labore, nulloq; conatu, ſed minimo nutu totius corporis molem temperaret, ac ſecteret. Hæc aut̃ uiſceribus operuit, ut quęcunq; locum decebat, utq; ſolida oſſa concluſa tegerent. Item uiſceribus ipsis uenas admiscuit quaſi riuos per corpus omne diuiſos, per quos diſcurrẽs humor & ſanguis, uniuerſa membra ſuccis uitalibus irrigaret: & ea uiſcera formata in eum modum, qui unicuique generi, ac loco aptus fuit, ſuperiecta pelle cõtexit: quã uel ſola pulchritudine decorauit, uel ſetis adoperuit, uel ſquamis muniuit, uel plumis inſignibus adornauit. Illud uerò commentum Dei mirabile, quòd una diſpoſitio, & unus habitus innumerabiles animantium perſerat uarietates. Nam in omnibus ſerè, quæ ſpirant, eadẽ ſeries, & ordo membrorũ eſt. Primũ enim caput, et huic añexa ceruix. Itẽ collo pectus adiunctum, & ex eo prominẽtes armi: adhærens pectori uenter. Itẽ uentri ſubnexa genitalia. Vltimo loco femora, pedesq;. Nec ſolum membra ſuum tenorẽ, ac ſitum in omnibus ſeruant, ſed etiam partes membrorũ. Nam in uno capite ipſo certam ſedẽ poſſident aures, certam oculi, nares itẽ, os quoq; & in ore dentes, & lingua. Quæ omnia cum

cū sint eadē in omnibus animātibz, tamē infinita et multiplex diuersitas figurarū est, quōd ea, quæ dixi aut productiora, aut cōtractiora lineamētis uariē diffērentibus comprehensa sunt. Quid illud? Non nē diuinum, quōd in tanta uiuentium multitudine unumquodq; animal in suo genere, & specie pulcherrimum est: ut si quid uiciſſim de altero in alterū transferatur, nihil impeditius ad utilitatem, nihil deformius ad aspectū uideri neceſſe sit: ut si elephanto ceruicē prolixā tribuas, aut camelo breuē, uel si serpentibus pedes, aut pilos addas, in quibus porrecti æqualiter corporis longitudo nihil aliud exhibeat, nisi ut maculis terga distincti, & squamarū leuitate suffulti, in lubrico tractus sinuosis flexibus laberētur. In quadrupedibus autē idē opifex cōtextū spinæ à summo capite deductū longius extra corpus eduxit, & acuminauit in caudā: ut obscenæ corporis partes uel propter fœditatē tegerentur, uel propter teneritudinem munirentur: ut animalia quædam minuta, & nocentia motu eius arcerētur à corpore. quod membrum si detrahes: imperfectū fit animal, ac debile. Vbi autē ratio, & manus est: nō est id tam neceſſarium, quā indumentū pilorū. adeo in suo quoq; genere aptiſſime congruunt, ut neq; nudo quadrupede, neque homine tecto excogitari quicquam turpius possit. Cum tamē ipsa nuditas hominis mirē ad pulchritudinem ualeat, non tamen etiam capiti congruebat. quanta enim in eo futura deformitas eſſet, ex caluitio apparet. texit ergo illud pilo, et quia in summo futurū erat: quasi ædificij culmē ornauit, q̄ ornatus nō est in orbē coactus, aut in figuram pilei teres factus, ne quibusdam partibus nudus eſſet informis: sed alibi infusus, alibi retractus pro cuiuslibet loci decentia. Frons ergo uallata per circuitum,

& tem

et temporibus effusi ante aures capilli, et earum summæ partes in coronæ modum cinctæ, et occipitium omne contextum, speciem miri decoris ostendant. Iam, barbæ ratio incredibile est quantum cõferat ad dignoscendam corporum maturitatẽ, uel ad differentiã sexus, uel ad decorẽ uirilitalis, ac roboris, ut uideatur omnino non constatura fuisse totius corporis ratio, si quicquam aliter esset effectum.

De hominis partibus, oculis, & auribus.

CAP. VIII.

**N**unc rationẽ totius hominis ostendã: singulorumq; membrorum, quæ in corpore aperta, aut operta sunt, utilitates et habitus explicabo. Cũ igitur statuisset Deus ex omnibus animalibus solum hominẽ facere cœlestẽ, cœtera uniuersa terrena: hunc ad cœli contemplationem rigidũ crexit, bipedemq; cõstituit, scilicet ut eadem spectaret, unde illi origo est: illa uerò depreßit ad terrã: ut quia nulla his immortalitatis expectatio est, toto corpore in humum proiecta, uentri pabuloq; scrui ret. Hominis itaq; solius recta ratio, et sublimis status, et uultus Deo patri communis ac proximus originem suam, fictoremq; testatur. Eius propè diuina mens, quia non tantũ animantum, quæ sunt in terra, sed etiã sui corporis est sortita dominatũ, in summo capite collocata, tanquã in arce sublimis speculatur omnia, et cõtuetur. Hanc eius aulã Deus nõ obductam, porrectãq; formauit, ut in mutis animalibus: sed orbi, et globo similẽ: q; orbis rotũditas perfectæ ratiois est, ac figuræ. Eo igitur mens, et ignis ille diuinus tanquã cœlo tegitur. cuius cũ summũ fastigiũ naturali ueste texisset: priorem partẽ, quæ dicitur facies, necessarijs membrorum ministerijs, et instruxit pariter, et ornauit. Ac primum oculorum orbes concauis foraminibus cõclufit: à quo foratu

foratu frontē nominatam Varro existimauit: & eos neq; minus, neq; amplius, quā duos esse uoluit, quod ad speciem nullus est perfectior numerus, quā duorū, sicut & aures duas: quarū duplicitas incredibile est quantā pulchritudinem præ se ferat: quòd tum pars utraq; similitudine ornata est, tum ut uenientes altrinsecus uoces facilius colligantur. nam & forma ipsa mirandum in modum ficta, quod earū foramina uoluit esse nuda, & inobscpta: quod & minus decorum, & minus utile fuisset: quoniam simplicium cauernarū angustias præteruolare uox posset, & spargi, nisi perceptam per cauos sinus, & repercussu retenta foramina ipsa conuherent, illis similia uasculis, quibus impositis solent angustiora uasa compleri. Eas igitur aures, quibus est inditū nomen à uocibus haucientiis (unde Vergilius:

–Vocemq; his auribus hausi.

quia uocem ipsam Græci αὐδὴν uocāt ab auditu, per imitationem literæ, aures uelut audes sunt nominatæ) noluit Deus artifex mollibus pelliculis informare, ut pulchritudinem demerēt pendulæ, atq; si accentas: neq; duris, ac solidis ossibus, ne ad usum inhabiles essent, immobiles, ac rigentes: sed, quod esset horum medium, excogitauit, ut eas chartilago mollior alligaret, & haberent aptam simul, & flexibilem firmitatem. In his audiendi tantum officium constitutum est, sicut in oculis uidendi. quorum præcipue inexplicabilis est, ac mira subtilitas, quia eorum orbis gemmarum similitudinem præferentes, ab ea parte, qua uidendum fuit, membranis perlucetibus textit, ut imagines rerum contrā positarum, tanquam in speculo resurgentes ad sensum intimum penetrarent. Per eas igitur mēbranas sensus ille, qui dicitur mens: ea,  
quæ

quæ sunt foris, transpiciat: ne forte existimes aut imaginũ incursione nos cernere (ut philosophi dixerũt) quoniam uidendi officium in eo debet esse, quod uidet, non in eo, quod uidetur: aut intetione aëris, cum acie, aut effusione radiorum: quoniã, si ita esset, tardius, quàm oculis aduertimus, uideremus, donec intentus aër cum acie, aut effusi radij ad id, quod uidendum esset, peruenirent. Cum autẽ uideamus eodem momento temporis, plerunq; uero aliud agentes, nihilo minus tamen uniuerſa, quæ cõtã sunt posita, intueamur: uerius, & manifestius est mētem esse, quæ per oculos ea, quæ sunt opposita trãspiciat quasi per fenestras lucente uitro, aut speculari lapide obductas. Et iccirco mens, & uoluntas ex oculis sæpe dignoscitur. Quod quidem ut refelleret Lucretius, ineptissimo usus est argumento. Si enim mens, inquit, per oculos uidet: eratis, & effosis oculis magis uideret: quoniam euulsæ cum postibus fores, plus inferunt luminis, quàm si fuerint obductæ. Nimirum ipsi, uel potius Epicuro, qui eũ docuit, effossi oculi erant, ne uiderent, effossos orbes, & ruptas oculorum fibras, & fluentem per uenas sanguinem, & crescentes ex uulneribus carnes, & obductas ad ultimum cicatrices nihil posse lucis admittere, nisi forte auribus oculos similes nasci uolebãt, ut non tã oculis, quàm foraminibus cerneremus. quo nihil ad speciẽ foedius, ad uisum inutilius fieri potest. Quãtulum enim uidere possemus, si mēs ab intimis penetralibus capitis per exigua cauernarũ rimulas attēderet, ut si quis uellet trãspicere per cicutam, nō plus profecto cernat, quàm cicutæ ipsius capacitas comprehendat. Itaq; ad uidendum membrius potius in orbem cōglobatis opus fuit, ut uisus in latũ spargeretur. et quæ in primori facie adhererēt, ut libere posset omnia  
contueri



contueri. Ergo ineffabilis diuinæ prouidentiae uirtus fecit duos similes orbes: eosq; ita deuinxit, ut non in totum conuersti, sed moueri tamen, ac flecti cum modo possent. Orbes autē ipsos humoris puri, ac liquidi plenos esse uoluit: in quorum media parte scintillae luminum conclusae tenerentur, quas pupillas nuncupamus: in quibus puris, ac subtilibus cernendi sensus, ac ratio continetur. Per eos igitur orbes seipsam mens intendit, ut uideat: mira q; ratione in unum miscetur, & coniungitur amborum luminum uisus.

De sensibus, eorumq; ui.

CAP. IX.

**L**ibet hoc loco illorum reprehendere uanitatē, qui dum uolunt ostendere sensus falsos esse, multa colligunt, in quibus oculi fallantur: inter quae illud etiam, quod furiosis, & ebrijs omnia duplicia uideantur. quasi uero eius erroris obscura sit causa. Ideo enim fit, quia duo sunt oculi. Sed quomodo id fiat, accipe. Visus oculorū intentione animi constat. Itaq; quoniam mens (ut supra dictum est) oculis tanquam fenestris utitur: nō tantum hoc ebrijs, aut insanis accidit, sed etiam sanis, ac sobrijs. Nam si aliquid nimis propius admoueas, duplex uidebitur. certum est enim interuallum, ac spatium, quo acies oculorum coit. Item si retrorsum auoces animum, quasi ad cogitandum, & intentionem mentis relaxes, cum acies oculi utriusq; diducitur, tunc singuli uidere incipiunt separatim. Si animum rursus intenderis, aciemq; direxeris, coit in unum, quicquid duplex uidebatur. Quid ergo mirum, si mens ueneno, ac potentia uini dissoluta, dirigere se non potest ad uidendum; sicut ne pedes quidem ad ambulandum, neruis stupefcentibus debiles? aut si uis furoris in cerebrum saeuens, cōcordiam disiungit oculorum? Quod adeo ue-

N rum

rum est, ut luscis hominibus, si aut insani, aut ebrii fiant nullo pacto possit accidere, ut aliquid duplex uideant. Quare si ratio apparet, cur illi falluntur, manifestum est, non esse falsos sensus, qui aut non falluntur, si sint puri, & integri: aut si falluntur, mens tamen non fallitur, quæ illorum nouit errorem.

De exterioribus membris hominis, eo =

rumq; usu.

CAP. VI.

**S**ed nos ad Dei opera reuertamur. Vt igitur oculi munitiones essent ab iniuria, ciliorum tegminibus occultuit: unde oculos dictos esse, Varroni placet. Nam & ipsæ palpebræ, quibus mobilitas inest, palpitatio uocabulum tribuit: pilis in ordine stantibus uallatæ, septum oculis decentissimum præbent. Quarum motus assiduus incomprehensibili celeritate concurrens, & uidendi tenorem non impedit, & reficit obtutum. Acies enim, id est, membrana illa perlucens, quam siccare, & obarescere non oportet, nisi humore assiduo tersa pure niteat, obsolescit. Quid ipsa superciliorum fastigia pilis breuibus adornata? non ne quasi aggeribus & munimentum oculis, nequid superne incidat, & speciem simul præstant? Ex quorum confinio nasus exorians, & ueluti æquali porrectus iugo, utranq; aciem simul & discernit, & munit. Inferius quoque genarum non indecens tumor, in similitudinem collium leniter exurgens, ab omni parte oculos efficit tutiores: prouisumq; est ab artifice summo, ut si quis forte uehementior ictus extiterit, eminentibus repellatur. Nasi uero pars superior usque ad medium solida formata est, inferior autem chartilagine adhæret molli, ita ut ad usum digitorum possit esse tractabilis. In hoc autem, quauis simplici, membro tria sunt officia constituta: unum ducendi spiritus, alterum

terum capicndi odoris, tertium ut per eius cœuernas purgamenta cerebri defluant. quas ipse Deus tam mirabili, quàm diuina ratione molitus est, ut tamē hiatus ipse nasi, oris speciē non deformaret. Quod erat plane futurum, si simplex foramē pateret. Ad id uelut pariete per medium ducto intersepsit, atq; diuisit, fecitq; ipsa duplicitate pulcherrimum. Ex quo intelligitur, quātum dualis numerus una, & simplici compage solidatus, ad rerū ualcat perfectionem. Nam cum sit corpus unū, tamen totum ex simplicibus mēbris constare non poterat, nisi ut essent partes uel dextræ, uel sinistræ. Itaq; ut pedes duo, & item manus, non tantum ad utilitatem aliquā, usumq; uel gra-diendi, uel faciendi nalēt, sed & habitū, decorēq; admirabilem conferūt: sic & in capite, quod totius diuini operis quasi culnē est, & auditus in duas aures, & uisus in duas acies, & odoratio in duas nares à summo artifice diuisa est: quia cerebrū, in quo sentiēdi ratio est, quāuis sit unū, tamē in duas partes mēbrana iterueniēte discretū est. sed & cor, quod sapiētiae domicilium uidetur, licet sit unum, duos tamen intrinsecus sinus habet, quibus fontes uiui sanguinis continentur, septo intercedente diuisi: ut sicut in ipso mundo summa rerū uel de simplici duplex, uel de duplici simplex & gubernat, & continet totū, ita in corpore de duobus uniuersa compacta, indissociabilem præ-tenderēt unitatē. Oris quoq; species, et rictus ex trāsuerso patefactus, q̄ utilis, quàm decēs sit, enarrari nō potest. cuius usus in duobus constat officijs, sumendi uictus, & eloquendi. à lingua intus inclusa, quæ uocem motibus suis in uerba discernit, & est interpret animi, nec tamen sola potest per se eloquendi munus implere, nisi acumen suum palato illiscrit, nisi adiuta uel offensione dentium,

uel compressione labiorum. dentes tamē plus confrūt ad  
 loquendū. nam & infantes nō antē incipiunt fari, quā  
 dentes habuerint, & senes amissis dentibus ita balbutiūt,  
 ut ad infantiam reuoluti denuo esse uideātur. Sed hæc ad  
 hominē solū pertinent, aut ad aues, in quibus acuminata,  
 & uibrata certis motibus lingua, innumerabiles cātuum  
 flexiones, & sonorū uarios modos exprimit. Habet præ  
 terea & aliud officium, quo in omnibus, sed tamē solo in  
 mutis utitur, quod contritos, & commolitos dentibus ci  
 bos colligit, & conglobatos uisua deprimat, & trans  
 mittit ad uentrē. Itaq; Varro à ligando cibo putat lingue  
 nomē impositū. Bestias etiā potu adiuuat. protenta enim;  
 cauataq; hauriunt aquā, eamq; cōprehensam lingua sinu,  
 ne tarditate, ac mora defluat, ad palatū celeri mobilitate  
 complodunt. Hæc itaq; palati concauo tanquā testudine  
 tegitur: eamq; dentium ordine sapiens Deus quasi muro  
 circumuallauit. Dentes autem ipsos, ne nudi, ac restricti  
 magis horrore, quā ornamento essēt, gingiuis mollibus,  
 quæ à gignēdis dentibus nominātur, ac deinde labiorum  
 tegminibus honestauit. quorum durities, sicut in molari  
 lapide, maior est, & asperior, quā in cæteris ossibus, ut  
 ad conterēdos cibos, pabulumq; sufficerent. Labra ipsa,  
 quæ quasi antea cohærebant, quā decenter intercēdit?  
 quorum superius sub ipsa medietate narium, lacuna qua  
 dam leui, quasi ualle signauit, inferius honestatis gratia  
 foras molliter explicauit. Nam quod attinet ad saporem  
 capiendum, fallitur, quisquis hunc sensum palato inesse  
 arbitratur. lingua est enim, quæ sapores sentiuntur, nec  
 tamen tota. nam partes eius, quæ sunt ab utroq; latere te  
 neriores, sapore subtilissimis sensibus trahūt. & cū neq;  
 ex cibo quicquā, neq; ex pōtione minuatur: tamē inenar  
r abili

rabili modo penetrat ad sensum sapor eadē ratione, qua nihil de quacunq; materia odoris decerpit. Cetera quā decorā sint, uix exprimi potest. Deductum clementer a genis mentum, & ita inferius conclusum, ut acumen eius extremum signare uideatur leuiter impressa diuisio: rigidum, ac teres collum, quo scapulæ uelut mollibus iugis a ceruice demissæ: ualida, & substricta neruis ad fortitudinem brachia: toris insignibus extentum lacertorum ingens robur: utilis, ac decens flexura cubitorum. Quid dicam de manibus, rationis, ac sapientiæ ministris? quas solertissimus artifex plano, ac modice cōcauo sinu fictas, ut si quid tenendum sit, apte possit insidere, in digitos terminauit. in quibus difficile est expedire, utrum ne species, an utilitas maior sit. Nam & numerus perfectus, ac plenus, & ordo, ac gradus decentissimus, & articulorum parium curuatura flexibilis, & forma unguium rotunda, concavis tegminibus digitorum fastigia comprehendens, atque firmans, ne mollitudo carnis in tenendo cederet, magnum præbet ornatum. Illud uero ad usum miris modis habile, quod unus a cæteris separatus, cum ipsa manu oritur, & in diuersum maturius finditur, qui se uelut obuium cæteris præbens, omnem tenendi, faciendiq; rationem uel solus, uel præcipue possidet, tanquam rector omnium, atque moderator. unde etiam pollicis nomen accepit: quod ui, & potestate inter cæteros polleat. Duos quidem articulos extantes habet, non, ut alij, trinos: sed unus ad manus carnem neçitur pulchritudinis gratia. Si enim fuisset tribus articulis & ipse discretus, fœda, & indecora species ademisset manibus honestatē. Nam pectoris latitudo sublimis, & exposita oculis, mirabilē præsefert habitus sui dignitatē. Cuius hæc caue

sa est, quòd uidetur hominē solum Deus ueluti supinum formasse (nam fere nullum animal iacere in tergum potest) mutas autem animantes quasi alterno latere iacentes finxisse, atq; ad terram compressisse. Idcirco illis angustum pectus, & ab aspectu remotum, & ad terrā uersus subiectum, homini autem patens, & rectum, quia plenum rationis à cœlo datum, humile, aut indecens esse non debuit. Papillæ quoque leuiter eminentes, & fuscioribus, ac paruis orbibus coronatæ, non nihil addunt uenustatis, foeminis ad alendos foetus datæ, maribus ad solum decus, ne informe pectus, & quasi mutilum uideretur. Huic subdita est planities uentris, quam mediam fere umbilicus non indecenti nota signat, ad hoc factus, ut per eum foetus, dum est in utero, nutriatur.

De intestinis in homine, eorūq; usu. CAP. XI.

SEquitur necessario, ut de internis quoq; uisceribus discere incipiam. quibus non pulchritudo, quia sunt abditæ, sed utilitas incredibilis attributa est, quoniā opus fuerat, ut terrenū hoc corpus succo aliquo, de cibis, ac potibus aleretur, sicut terra ipsa imbris, ac pruinis. Prouidentissimus artifex in medio eius receptaculum cibis fecit, quibus cōcoctis & liquefactis, uitales succos membris omnibus disptiret. Sed cū homo cōstet ex corpore atq; anima, illud, quod suprà dixi, receptaculū soli corpori præstat alimētum, animæ uero aliam sedem dedit. Fecit enim genus quoddam uiscerū molle, atq; rarum, quod pulmonem uocamus, in quod spiritus reciproca uicissitudine cōmearet: eumq; non in uteri modū finxit, ne effunderetur simul spiritus, aut inflaret simul. ideoq; ne plenū quidem uiscus effecit, sed inflabile, atq; aëris capax, ut paulatim spiritum reciperet, dum uitalis uentus per illam spargitur,

spargitur raritatem, & eundē rursus paulatim redderet, dum se illo explicat. ipsa enim uiciſſitudo ſtandi, & ſpirandi reſpirandiq; tractus, uitam ſuſtētat in corpore. Quoniam ergo duo ſunt in homine receptacula, unum aëris, quod alit animā: alterū ciborū, quod alit corpus, ut ſtelli ceruix, ac moueri facile poſſit: duas eſſe per collum fiſtulas neceſſe eſt, cibalem, ac ſpiritalem: quarū ſuperior ab ore ad uentrem ſerat, inferior à naribus ad pulmonem. Quarum ratio, & natura diuerſa eſt. Ille enim, qui eſt ab ore tranſitus, mollis eſſectus eſt, & qui ſemper clauſus co hæreat ſibi, ſicut os ipſum: quoniam potus, & cibus diſmota, & patefacta gula, quia corporales ſunt, ſpatium ſibi tranſmeandi faciunt. Spiritus contra, qui eſt incorporealis, ac tenuis, quia ſpatium ſibi facere non poterat, accipit uiam patentem, quæ uocatur gurgulio. Is conſtat ex oſibus flexuoſis, ac mollibus, quaſi ex annulis in cicutæ modum inuicem compactis, & coherentibus: patet quæ ſemper hinc tranſitus. Nullam enim requiem meandi habere ſpiritus poteſt: quia is, qui ſemper comitat, demiſſa utiliter de cerebro membri portione, cui uua nomen eſt, uelut occurſu quodam reſtrænatur: ne aut tencritudinem domicilij cum impetu ueniens attracta peſtilenti aura corrumpat, aut totam nocendi uiolentiam internis receptaculis perſerat. ideoq; etiam nares breuiter ſunt apertæ: quæ iccirco ſic nominantur, quia per eas uel odor, uel ſpiritus nare non deſinit. Tamen hæc fiſtula ſpiritalis non tantum ad nares, uerum ad os quoq; iter patet in extremis palati regionibus, ubi ſe colles faucium ſpectantes uuam tollere incipiūt in tumorem. Cuius rei cauſa, & ratio non obſcura eſt: loquendi enim facultatē non haberemus, ſi ſicut gule iter ad os tantum, ita gurgulio ad na-



res tantum patcret. Aperuit igitur uiam uoci diuina solertia ex illa fistula spiritali, ut posset lingua ministerio suo fungi: et uocis ipsius inoffensum tenorē, pulsibus suis in uerba concidere. Qui meatus, si aliquo modo interceptus sit, mutū faciat necesse est. Errat enim profecto quisquis aliam causam putat, cur homines muti sint. Non enim (ut uulgo creditur) uinctam gerunt linguam: sed ij uocalem illum spiritum per nares, quasi mugientes profundunt, quod uoci transitus ad os aut nullus omnino est, aut non sic patens, ut plenā uocem possit emittere. Quod plerūq; natura fit, aliquādo etiam casu accidit, ut morbo aliquo hic aditus obseptus uocem non transmittat ad linguam, faciatq; de loquentibus mutos. Quod cum acciderit, auditum quoque obstrui, necesse est: ut quia uocem emittere non potest, ne admittere quidē possit. Loquendi ergo causa patefactus est hic meatus. Illud quoq; præstat, ut in lacrimis celebrādis, quia nares calorem ferre non possunt, aer feruens ore ducatur. Item si forte spiramenta narium frigoris pituita præcluserit, per os auram trahere possumus, ne obstructa meandi facultate, spiritus stranguletur. Tibi uero in aluum recepti, et cum potus humore permisti, cum iam calore percocti fuerint, eorum succus inenarrabili modo per membra diffusus, irrigat uniuersum corpus, et uegetat. Intestinorū quoq; multiplices spiræ, ac longitudo in se conuoluta, et uno tantum substricta uinculo, quā mirificum Dei opus est? Nam ubi maceratos ex se cibos aluus emiseric, paulatim per illos interiorum anfractus extruduntur, ut quicquid ipsis inest succi, quo corpus alitur, membris omnibus diuidatur. Et tamen nequi forte obhæcant, ac resistent, quod fieri poterat propter ipsorum uolaminum flexiones in se sæpe redeuntes,

tes, & fieri sine perniciē non poterat: oppleuit ea intrinsecus crassiore succo, ut purgamēta illa uentris ad exitus suos facilius per lubricū mitterētur. Illa quoq; ratio subtilissima est, quod uesica, cuius usum uolucres non habēt, cum sit ab intestinis separata, nec ullam habeat fistulam, qua ex illis urinam trahat, completur tamen, & humore distēditur. Id quomodo fiat, nō est difficile peruidere. Intestinorū enim partes, quæ ab alio cibum, potumq; suscipiunt, patentiores sunt quā ceteræ spiræ, & multo tenuiores. Hæ uesicā circumplectūtur, & cōtinent. ad quas partes cum potus, & cibus mista perucnerint, finum quidem crassius fit, & transmeat, humor autem omnis per illam teneritudinem percolatur: cumq; uesica, cuius æquē tenuis, subtilisq; membrana est, absorbet, & colligit, ut foras, quā natura exitum patefecit, emittat.

De utero, & cōceptione, & sexibus. CAP. XII.

**D**E utero quoq; & cōceptione, quoniā de internis loquimur, dici necesse est, nequid præterisse uideamur. quæ quanquā in operto latēt, sensus tamē, atq; intelligentiā latere nō possunt. Vena in maribus, quæ semē cōtinet, duplex est, paulo interior, quā illud humoris obsecrni receptaculū. Sicut enim renes duo sunt, itemq; testes: ita & uenæ seminales duæ, in una tantū cōpage coherentes: quod uidemus in corporibus animalium, cū interfec̃ta patefiunt: sed illa dexterior masculinum continet semen, siuisterior fœmininū: & ideo in toto corpore pars dextra masculina est, sinistra uero fœminina. Ipsum semē quidam putant ex medullis tantum, quidam ex omni corpore ad uenam genitalem confluere, ibiq; cōcrescere. Sed hoc humana mens quomodo fiat, non potest cōprehendere. Item in fœminis utcrus in duas se diuidit partes, quæ

in diuersum diffusæ, ac reflexæ circūplicantur, sicut arictis cornua. Quæ pars in dextram retorquetur, masculina est: quæ in sinistram, fœminina. Cōceptum igitur Varro, & Aristoteles sic fieri arbitrantur: Aiunt enim non tantum maribus inesse semen, uerum etiam fœminis, & inde plerūq; matribus similes procreari, sed earum semen sanguine esse purgatum: quod si recte cum uirili mistum sit, utraq; cōcreta, & simul coagulata informari: & primum quidem cor hominis cōfingi, quòd in eo sit & uita hominis, & sapiētia: denique totum opus quadragesimo die consummari. Ex abortionibus hæc fortasse collecta sunt. In autū tamen fœtibus primū oculos fingi, dubiū nō est, quod in ouis sæpe deprehendimus. Vnde fieri non posse arbitror, quin fictio à capite sumat exordium. Similitudines autem in corporibus filiorum sic fieri putant: Cum semina inter se permista cōalescunt: si uirile superauerit, patri similem prouenire siue marem, seu fœminam: si muliebre præualuerit, progeniem cuiusq; sexus ad imaginem respondere maternam. id autem præualet è duobus, quod fuerit uberius. alterum enim quodāmodo amplectitur, ac includit. Hinc plerunq; fieri jolet, ut unius tantum lineamenta prætendāt. Si uero æqua fuerit ex pari semine permistio: figuras quoq; misceat: ut soboles illa cōmunis aut neutrum referre uideatur, quia totum ex altero non habet: aut utrūq; quia partem de singulis mutuata est. Nam in corporibus animalium uidemus aut cōfundi parentum colores, ac fieri tertium neutri generantium simile, aut utriusque sic exprimi, ut discoloribus membris per omne corpus concors mistura uarietur. Disparēs quoq; nature hoc modo fieri putantur. Cum forte in læuam uteri partē masculinæ stirpis semen inciderit, marem quidem gigni,

opinatio

opinatio est, sed quia sit in foemina parte coceptus, aliquid in se habere foemineum, supra quam decus uirile patitur, uel formam insignem, uel nimium candorem, uel corporis leuitatem, uel artus delicatos, uel staturam breuem, uel uocem gracilem, uel animum imbecillum, uel ex his plura. Item si partem in dextram semen foeminini sexus influxerit, foeminam quidem procreari: sed quoniam in masculina parte concepta sit, habere in se aliquid uirilitatis, ultra quam sexus ratio permittat, aut ualida membra, aut immoderatam longitudinem, aut fuscum colorem, aut hispida faciem, aut uultum indecorum, aut uocem robustam, aut animum audacem, aut ex his plura. Si uero masculinum in dexteram, foemininum in sinistram peruenerit, utrosque foetus recte peruenire, ut et foeminis per omnia naturae suae decus constet, et maribus tam mente, quam corpore robur uirile seruetur. Illud uero ipsum quam mirabile institutum Dei est, quod ad conseruationem generum singulorum, duos sexus maris, ac foeminae machinatus est, quibus inter se per uoluptatis illecebras copulatis, successiuam soboles pareretur, ne omne genus uiuentium conditio mortalitatis extingueret. Sed plus roboris maribus attributum est, quo facilius ad patientiam iugi maritalis foeminae cogerentur. Vir itaque nominatus est, quod maior in eo uis est, quam in foemina, et hinc uirtus nomen accepit. Item mulier (ut Varro interpretatur) a mollicie est dicta, immutata, et detracta litera, uelut mollier, cui suscepto foetu, cum partus appropinquare iam coepit, turgescetes mammae dulcibus succis distenduntur, et ad nutrimenta nascentis fontibus lactis foecundum pectus exuberat. Nec enim decebat aliud, quam ut sapiens animal a corde alimoniam duceret. Idque ipsum solertissime comparatum est, ut can-

dens,

dens, ac pinguis humor tenebritudinem noui corporis ir-  
rigaret, donec ad capiendos fortiores cibos & dentibus  
instruatur, & uiribus roboretur. Sed redeamus ad pro-  
positum, ut cetera, quæ supersunt, breuiter explicemus.

De membris inferioribus. CAP. XIII.

**P**oteram nunc ego ipsorum quoq; genitalium mem-  
brorum mirificam rationē tibi exponere, nisi me pu-  
dor ab huiusmodi sermone reuocaret. itaq; à nobis indu-  
mento uerecundiæ, quæ sunt pudēda, uelentur. Quod ad  
hanc rem attinet, queri satis est, homines impios, ac pro-  
fanos summū nefas admittere, qui diuinū, & admirabile  
Dei opus ad propagandam successiōē inexcogitabili ra-  
tione prouisum, & effectum, uel ad turpissimos quæstus,  
uel ad obscenæ libidinis pudenda opera conuertunt, ut  
iam nihil aliud ex re sanctissima petāt, quā inanē, & ste-  
rilem uoluptatē. Quid reliqui corporis partes, num carēt  
ratioe, ac pulchritudine? Cōglobata in nates caro, quā  
sedendi officio apta, & eadē firmior, quā in ceteris mē-  
bris, ne premēte corporis mole ossibus cederet. Item femi-  
num deducta, & latioribus toris ualida lōgitudō, quo fa-  
cilius onus corporis sustineret, quā paulatim, deficien-  
tem in angustū genua determināt, quorum decentes nodi  
flexuram pedibus ad gradiendum, sedendumq; aptissi-  
mam præbent. Item crura uou æquali modo ducta, ne in-  
decēs habitudo deformaret pedes, sed teretibus suris cle-  
uēter extantibus, sensimq; tenuatis, et firma sunt, & or-  
nata. In plantis uero eadem quidem, sed tamen longe dif-  
par, quā in manibus, ratio est. quæ quouīā totius operis  
quasi fundamēta sunt: mirificus eas artifex non rotunda  
specie, ne homo stare non posset, aut alijs ad standum pe-  
dibus indigret, sicut quadrupedes: sed porrectiores, lon-  
gioresq;

gioresq; formauit, ut stabile corpus efficerent planicie sua. unde illis inditum nomen est. digiti aequae totidem, quot in manibus, speciem magis, quam usum praeferentes, ideoq; & iuncti, & breues, & gradatim compositi. quorum qui est maximus, quoniam illum sicut in manu discerni a ceteris, opus non erat; ita in ordinem redactus est, ut tamen ab alijs magnitudine, ac modico interuallo distare uideatur. Haec eorum speciosa germanitas, non leui adiumento nisum pedum firmat. concitari enim ad cursum non possumus, nisi digitis in humum pressis, soloq; nitentibus, impetum, saltumq; capiamus. Explicasse uideor omnia, quorum ratio intelligi potest. Nunc ad ea uenio, quae uel dubia, uel obscura sunt.

De intestinorum quorundam ignota  
ratione.

CAP. XIII.

**M**ulta esse constat in corpore, quorum uim, rationeq; perspicere nemo, nisi qui fecit, potest. An aliquis enarrare se putat posse, quid utilitatis, quid effectus habeat tenuis membrana illa perlucens, qua circumnectitur aluus, ac tegitur? Quid renum gemina similitudo? quos ait Varro ita dictos, quasi riui ab his obsceni humoris oriantur. quod est longe secus, quia spinæ altrinsecus supini coheret, & sunt ab intestinis separati. Quid splen? quid iecur? quae uiscera quasi ex conturbato sanguine uidentur esse concreta? quid fellis amarissimus liquor? quid globus cordis, qui unus sanguinis fons est? Nisi forte illis credendum putabimus, qui affectum iracundiae in felle constitutum putat, pauoris in corde, laetitiae in splene. Ipsius autem iecoris officium uoluit esse, ut cibos in aluo concoquat aplexu, & calefactu suo: quidam libidines rerum uenerearum in iecore contineri arbitrantur. Primum ista perspicere acumen  
humani

humani sensus non potest, quia horum officia in operto latent, nec usus suos patefacta demonstrant. nam si ita esset, fortasse placidiora quæque animalia uel nihil fellis omnino, uel minus haberet, quam fræ: timidiora plus cordis: salaciora plus iccoris: lasciuiora plus splenis habuissent. Sicuti igitur nos sentimus, audire auribus, oculis cernere, naribus odorare: ita profecto sentiremus, nos felle irasci, iccore cupere, splene gaudere. Cum autem, unde affectus isti ueniant, minime sentiamus: fieri potest, ut aliunde ueniant, & aliud uiscera illa, quàm suspicamur, efficiant. Nec tamen conuincere possumus falsa illos, qui hæc disputant, dicere: sed omnia, quæ ad motus animi, animæq; pertineant, tam obscuræ, altæq; rationis esse arbitrator, ut supra hominem sit, ea liquido peruidere. Id tamē certum, & indubitatum esse debet, res tot, tantaq; uiscerum genera, unum, & idem habere officium, ut animam contineant in corpore. Sed quid proprie muneris singularis sit iniunctum, quis scire, nisi artifex, potest, cui soli opus suum notum est.

## De uoce.

## CAP. XV.

**D**E uoce autem quam rationem reddere possumus? Grammatici quidem, ac philosophi uocem esse definiunt, ærem spiritu uerberatum: unde uerba sunt nuncupata. quod perspicue falsum est. Non enim uox extra os gignitur, sed intra. & ideo uerisimilior est illa sententia, stipatum spiritum, cum obstantia faucium fuerit illisus, sonum uocis exprimere, ueluti cum in patentem cicutam, labroq; subiectam dimittimus spiritum, & is cicutæ concauo percussus, ac reuolutus a fundo, dum descendente occursum suo reddit, ad exitum nitens sonum gignit, & in uocalem spiritum resiliens per se uentus animatur.

Quod



Quod quidem an uerū sit, Deus artifex uiderit. Videtur enim nō ab ore, sed ab intimo pectore oriri. Denique & ore clauso, & naribus emittitur sonus qualis potest. Præterea ex maximo spiritu, quo anhelamus, uox non efficitur: & leui, & non coarctato spiritu, quoties uolumus, efficitur. Non est igitur comprehensum, quomodo fiat, aut quid sit omnino. Nec me nunc in Academiæ sententiam delabi putes, qui a nō omnia sunt incomprehensibilia. Ut enim fatendum est multa nesciri, quæ uoluit Deus intelligentiam hominis excedere, sic tamen multa esse, quæ possint & sensibus percipi, & ratione comprehendī. Sed crit nobis contra philosophos integra disputatio. Conficiamus igitur spatium, quo nunc decurrimus.

De mente, & eius sede.

CAP. XVI.

**M**entis quoq; rationē incōprehensibilē esse, quis nesciat, nisi qui omnino illā non habet: cū, ipsa mens quo loco sit, aut cuiusmodi, nesciatur? Varia ergo à philosophis de natura eius, ac loco disputata sunt. At ego nō dissimulabo, quid ipse sentiam: nō quia sic esse affirmem (quod est insipientis in re dubia facere) sed ut exposita rei difficultate, intelligas, quāta sit diuinorū operū magnitudo. Quidā sedē mētis in pectore esse uoluerūt. quod si ita est, quanto tandē miraculo dignū est, rē in obscuro, ac tenebroso habitaculo sitā, in tanta rationis, atq; intelligentiæ luce uersari? tum quòd ad eā sensus ex omni corporis parte conueniunt, ut in qualibet regione membrorū præsens esse uideatur. Alij sedē eius in cerebro esse dixerunt: & sanè argumētis probabilibus usi sunt: Oportuisse scilicet, quod totius corporis regimē haberet, potius in summo, tanquā in arce habitare: nec quicquā esse sublimius, quā id, qd̄ uniuersum ratiōe moderetur, sicut ipse mūdi dominus,

dominus, & rector in summo est. Deinde quòd sensus omnis, id est audiendi, & uidendi, & odorandi ministra mēbra in capite sunt locata: quorū omnium uia non ad pectus, sed ad cerebrū ferāt. alioqui necesse nos esset tardius sentire; donec sentiendi facultas longo itinere per collū ad pectus usq; descenderet. Ii uero aut non multum, aut fortasse non errāt. Videtur enim mens, quæ dominatum corporis tenet, in summo capite constituta, tanquam in cælo Deus: sed quādo in aliqua sit cogitatione, cōmeare ad pectus, & quasi ad secretum aliquod penetrare secedere, ut cōsiliū, tanquā ex thesauro recondito, eliciat, ac profert. ideoq; cum intenti ad cogitandū sumus, & cum mens occupata in altum se abdiderit: neq; audire quæ circumsonant, neque uidere, quæ obstant, solemus. Id uero siue ita est, admirandum profecto est, quomodo id fiat; cum ad pectus ex cerebro nullum iter pateat. si autem non, tamen nihilo minus admirandum est, quòd diuina nescio quare ratione fiat, ut ita esse uideatur. An potest aliquis non admirari, quòd sensus ille uiuus; atq; cælestis, qui mens, uel animus nuncupatur, tantæ mobilitatis est, ut ne tum quidem, cum sopitus est, conquiescat: tantæ celeritatis, ut uno temporis puncto cælum omne collustret: & si uelit, maria peruolet: terras, ac urbes peragret: omnia denique, quæ libuerit, quamuis longe, lateq; summo ta sint, in conspectu sibi ipse cōstituat? Et miratur aliquis, si diuina mens Dei per uniuersas mundi partes intenta discurrit, & omnia regit, omnia moderatur, ubique præsens, ubique diffusa? cū tanta sit uis, ac potestas mentis humanæ intra mortale corpus inclusæ, ut ne septis quidem grauis huius, ac pigri corporis, cui illigata est, coerceri ullo pacto possit, quominus sibi liberam uagandi facultatem quietis impatiens

larg

largiatur. Siue igitur in capite mēs habitat, siue in pectore, potest ne aliquis cōprehendere, quæ uis rationis efficiat, ut sensus ille incōprehensibilis, aut in medulla cerebri hæreat, aut in illo sanguine bipartito, qui est inclusus in corde? ac non ex eo ipso colligat, quanta sit Dei potestas, quod animus seipsum nō uidet, aut qualis, aut ubi sit: nec si uideat, tamen perspicere possit, quo pacto rei corporali res incorporealis adiuncta sit? Siue etiā mētis locus nullus est, sed per totū corpus sparsa discurrit, quod & etiā fieri potest, & à Xenocrate Platonis discipulo disputatū est: siquidem sensus in qualibet parte corporis præsto est: nec quid sit mens, nec qualis, intelligi potest, cū sit natura tam subtilis, ac tenuis, ut solidis uisceribus infusa, uiuo, et quasi ardēti sensu mēbris omnibus misceatur. Illud autē caue, ne unquā simile ueri putaueris, quod Aristoxenus dixit, Mentē omnino nullam esse, sed quasi harmoniā in fidibus ex constructione corporis, & cōpagibus uiscerū uim sentiendi existere. Musici enim intentionē, concentūq; neruorum in integros modos sine ulla offensione consonantiū harmoniā uocant. Volunt igitur animū simili ratione constare in homine, qua & concors modulatio constat in fidibus: id est, ut singularū corporis partiū firma coniunctio membrorūq; omnium consentiēs in unum uigor motum illum sensibilem faciat, animūq; concinnet, sicut sunt nerui bene intenti ad conspirantem sonum. Et sicuti in fidibus, cū aliquid aut interceptū, aut relaxatū est, omnis canēdi ratio turbatur, & soluitur, ita in corpore cum pars aliqua membrorū duxerit uitium, destrui uniuerſa, corruptisq; omnibus, atq; turbatis, occidere sensum, eamq; mortem uocari. Verū ille, si quicquā mentis habuisset, non harmoniam de fidibus ad hominem

translulisset. Non enim cancre sua sponte fides possunt; ut sit ulla in his cōparatio, ac similitudo uiuētis. Animus autem sua sponte & cogitat, & mouetur. Quòd siquid in nobis harmoniæ simile esset, ictu moueretur externo, sicut nerui manibus, qui sine tactu artificis, pulsuq; digitorum muti, atque inertes iacent. Sed nimirum pulsandus ille manu fuit, ut aliquando sentiret, quia mens eius ex membris male compacta turpebat.

De anima, deq; ea sententiæ philosophorum.

CAP. XVII.

**S**uperest de anima dicere: quanquā percipi ratio eius & natura non possit: nec ideo tamen immortalem esse animam non intelligimus: quoniam quicquid uiget, moueturq; per se semper, nec uideri, aut tangi potest, æternum sit necesse est. Quid autem sit anima, nondum inter philosophos conuenit, nec unquam fortasse conueniet. Etenim alij sanguinem esse dixerunt, alij ignem, alij uētum: unde anima, uel animus nomen accepit: quòd Græce uentus αἶμαρ dicitur: nec illorum tamen quisquam dixisse aliquid uidetur. Non enim, si anima sanguine aut per uulnus effuso, aut febrium calore consumpto, uidetur extinguere: continuo in materia sanguinis animæ ratio ponenda est: ueluti si ueniat in quæstionē, lumen, quo utimur, quid sit, & respondeatur oleum esse: quoniam cōsumpto illo, lumen extinguitur: cum sint utiq; diuersa, sed alterum sit alterius alimētū. Videtur ergo anima similis esse lumini, quæ non ipsa sit sanguis, sed humore sanguinis alitur, ut lumen oleo. Qui autē ignē putauerunt, hoc usi sunt argumento, quòd præsentē animo corpus caleat, recedēte frigescat. Sed ignis & sensu indiget, & uidetur, et tactu cōburit. Anima uerò & sensu aucta est, & uideri nō potest.

&

Et nō adurit. Vnde apparet, animā nescio quid esse Deo similē. At illi qui uentū putant, hoc fallūtur, quōd ex aëre spiritū ducētes, uiuere uideamur. Varro itaq; definit: Anima est aër cōceptus ore, defructus in pulmone, tepefactus ī corde, diffusus ī corpus. Hæc apertissime falsa sunt. Neq; enim tā obscurā nobis huiusmodi dico esse rationē, ut ne hoc quidē intelligamus, quid uerū esse nō possit. An si mihi quis dixerit aenē esse cælum, aut uitrē (ut Empedocles ait) aērē glaciātū, statim ne assentiar, quia cælum ex qua materia sit ignorem? Sicut enim hoc nescio, ita illud scio. Anima ergo non est aër ore cōceptus, quia multo prius gignitur anima, quā cōcipi aër ore possit. Nō enim post partū insinuat in corpus, ut quibusdam philosophis uidetur, sed post cōceptum protinus, cū foetum in utero necessitas diuina formauit: quia adeo uiuit intra uiscera genitricis, ut et ī cremēto augeatur, et crebris pulsibus gestiāt emicare. Deniq; abortū fieri necesse est, si fuerit animal intus extinctū. Cæteræ definitiōis partes eō spectant, ut illis nouē mēsibus, quibus in utero fuimus, mortui fuisse uideamur. Nulla ergo ex his tribus uera sentētia est. Nec tamē in tantū falsos esse dicendū est, qui hæc senserūt, ut omnino nihil dixerint. nā et sanguine simul, et calore, et spiritu uiuimus. Sed cū cōstet anima in corpore omnibus adunatis, non expresserunt proprie, quid esset: quia tam non potest exprimi, quā uideri.

De anima, & animo, eorumq; affectionibus,

C A P. X V I I I.

SEquitur alia, et ipsa inextricabilis quæstio: Idem ne sit anima, et animus: an uerò aliud sit illud, quo uiuimus, aliud autē, quo sentimus, et sapimus. Nō desunt argumenta in utranq; partem. Qui enim unum esse dicunt,

O 2 hanc

hanc rationē sequuntur, quod neq; uiui sine sensu possit, nec sentiri sine uita: ideoq; esse nō posse diuersum id, quod nō potest separari: sed quicquid est illud, & uiuendi officium, & sentiendi habere rationē. Idcirco animū, & animam indifferēter appellant duo Epicurei poētæ. Qui autem dicūt esse diuersa, sic argumentantur: Ex eo posse intelligi, aliud esse mentem, aliud esse animā: quia incolumi anima mēs possit extingui, quod accidere soleat insanis: item quod anima morte sopiatur, animus somno: et quidē sic, ut non tantū, quid fiat, aut ubi sit, ignoret: sed etiā rerum falsarū cōtemplatione fallatur. Quod ipsum quomodo fiat, nō potest peruideri: cur fiat, potest. Nam requiescere nullo pacto possumus, nisi mens uisionū imaginibus occupata teneatur. Latet autē mens oppressa somno, tanquam ignis obducto cinere sopitus: quem si paululū commoueris, rursus ardescit, & quasi euigilat. Auocatur ergo simulachris, donec mēbra sopore irrigata uegetētur. corpus enim uigilante sensu, licet iaceat immobile, tamen nō est quietū: quia flagrat in eo sensus, & uibrat, ut flamma, & artus omnes ad se astrictos tenet. Sed postquam mens ad cōtemplandas imagines ab intentione traducta est, tunc demū corpus omne resoluitur in quietē. Traducitur autē mens cogitatione cæca, cū cogentibus tenebris secum tantummodo esse cœperit: dum intenta est in ea, de quibus cogitat, repēte somnus obrepit, & in species proximās sensim ipsa cogitatio declinat: sic ea, quæ sibi ante oculos posuerat, uidere quoq; incipit. Deinde procedit ulterius, & sibi auocamēta inuenit, ne saluberrimā quietem corporis interrūpat. Nam ut mens per diem ueris uisionibus auocatur, ne obdormiat, ita falsis nocte, ne excietur. Nā si nullas imagines cernat, aut uigilare illam necesse

cessse est, aut perpetua morte sopiri. Dormiēdi ergo causa tributa est à Deo ratio somniandi, & quidem in cōmuni uniuersis animātibus: sed illud homini præcipue, quod cū eam rationem Deus quietis causa daret, facultatē sibi reliquit docēdi hominē futura per somniū. Nam & historiæ sæpe testantur, extitisse somnia, quorum præsens, & admirabilis fuerit euentus: & responsa uatum nostrorū ex parte somnijs constiterunt. Quare neq; semper uera sunt, neque semper falsa, Vergilio teste, qui duas portas uoluit esse somniorum. Sed quæ falsa sunt, dormiēdi causa uidentur: quæ uera, immittuntur à Deo, ut imminens bonum, aut malum hac reuelatione discamus.

De origine animæ.

CAP. XIX.

**I**llud quoq; uenire in quæstionē potest, utrum'ne anima ex patre, an potius ex matre, an uerò ex utroq; generetur. Sed ego id meo iure ab ancipiti uendico. Nihil enim ex his tribus uerum est: quia neq; ex utroq;, neq; ex alterutro serūtur animæ corporibus. Corpus enim ex corporibus nasci potest, quoniā cōfertur aliquid ex utroq;: de animis anima non potest, quia ex re tenui, & incomprehensibili nihil potest decedere. Itaq; serendarum animarum ratio uni, ac solo Deo subiacet:

Deniq; coelesti sumus omnes semine oriundi:

Omnibus ille idem pater est:

ut ait Lucretius. nam de mortalibus non potest quicquā nisi mortale generari. nec putari pater debet, qui trāsfluxisse, aut inspirasse animam de suo nullo modo sentit: nec si sentiat, quando, aut quomodo id fiat, habet animo comprehensum. Ex quo apparet, non à parentibus dari animas, sed ab uno, eodemq; omnium Deo patre, qui legem, rationemq; nascendi tenet solus: siquidē solus efficit. nam



terreni parentis nihil est, nisi ut humorē corporis, in qua est materia nascendi, cū sensu uoluptatis emittat, uel recipiat. circa hoc opus homo resistit, nec quicquā amplius potest: ideo nasci sibi filios optant, quia nō ipsi faciūt. Cetera iam Dei sunt omnia, scilicet cōceptus ipsi, & corporis informatio, et inspiratio animæ, et partus incolumis, & quæcunq; deinceps ad hominē conseruandum ualent: illius munus est, q̄ spiramus, quòd uiuimus, quòd uigemus. Nam præterquam quòd ipsius beneficio, incolumi sumus corpore, & q̄ uictū nobis ex uarijs rebus subministrat, sapientiā quoq; homini tribuit, quā terrenus pater dare nullo modo potest. Ideoq; & de sapientibus stulti, & de stultis sapientes sæpe nascuntur, quod quidā fato, ac syderibus assignant. Sed nō est nunc locus de fato differēdi. Hoc dicere satis est, quòd etiā si astra efficientiā rerum continent, nihilominus omnia à Deo fieri certum est, qui astra ipsa & fecit, & ordinauit. Inepti ergo, qui hāc potestātē Deo detrahunt, & operi eius attribuūt. Hoc igitur Dei munere cōlesti, atq; præclaro an utamur, in nostra uoluit esse potestate. Hoc enim cōcesso, ipsum hominem uirtutis sacramento religauit, quo uitam posset adipisci. Dedit ei, & cōstituit aduersarium nequissimum, & fallacissimū spiritū, quocum in hac terrestri uita sine ulla securitatis requie dimicaret. Cur autē Deus hunc uexatorem generi hominum constituerit, breuiter exponam.

De anima, & diabolo, & corpore. C A P. X X.

**A**Nte omnia diuersitatem uoluit esse: ideoq; uulgò nō aperuit ueritatē, sed eam paucissimis reuelauit. quæ diuersitas omne arcanum mundi continet. Hæc est enim, quæ faciat uirtutem, quæ scilicet sine ipsa non modo non esse, sed ne apparere quidem posset: quia uirtus esse non poterit

poterit, nisi fuerit compar aliquis, in quo superando uim suam, uel exerceat, uel ostendat. Nam ut uictoria constare sine certamine non potest, sic nec uirtus quidem ipsa sine hoste. Ita quoniam uirtutem dedit homini, statuit ei è contrario inimicum, ne uirtus otio torpens naturam suam perderet. Cuius omnis ratio in eo est, ut cōcussa, & labefactata firmetur, nec aliter ad summū fastigium possit uenire, nisi trudenti manu semper agitata, se ad salutem suam dimicādi tenore fundauerit. Noluit enim Deus hominem ad immortalē illam beatitudinem delicato itinere peruenire. Daturus ergo uirtutē, dedit hostē prius, qui animis hominum cupiditates, & uitia immitteret: qui esset autor errorum, malorum, que omnium machinator: ut quoniam Deus hominem ad uitam uocat, ille contra, ut rapiat, & traducat ad mortem. Hic est, qui aut inducit, aut decipit eos, qui ueritati student: aut si dolo, & studijs non quauerit, uirilem gerit animum, quo sublimium uigorem labefactare conetur, infanda dictu, & execrabilia moliens: uexat, interficit: & tamen, ut prosternit multos, sic à multis uictus, prostratusq; discedit. Magna est enim uis hominis, magna ratio, magnum sacramentum. à quo si quis non defecerit, nec fidem suam, deuotionemq; prodiderit, hic beatus, hic denique (ut breuiter finiam) similis Deo sit, necesse est. Errat enim quisquis hominem carne metitur. Nam corpusculum hoc, quo induti sumus, hominis receptaculum est. Nam ipse homo neque tangi, neq; aspici, neque comprehendi potest, quia latet intra hoc, quod uidetur. Qui si delicatus magis, ac tener in hac uita fuerit, quàm ratio eius exposcit, si uirtute contempta, desiderijs se carnis addixerit: cadet, & premetur in terram. sin autem (ut debet) statum suum, quē rectum

rectè sortitus est, promptè, constanterq; defenderit, si terra, quam calcare, ac uincere debet, non seruierit, uitam merebitur sempiternam.

Operis conclusio, & ueritatem superari non posse.

CAP. XXI.

**H**Aec ad te Demetrianè interim paucis, & obscurius fortasse, quàm decuit, pro rerum ac temporis necessitate perorauit: quibus contentus esse debeas, plura & meliora lecturus, si nobis indulgentia cœlitus uenerit. tunc ergo te ad ueræ philosophiæ doctrinā & planius, & uerius cohortabor. Statui enim, quàm multa potero, literis tradere, quæ ad uitæ beatæ statum spectent: & quidē contra philosophos, quoniam sunt ad perturbādā ueritatē perniciosi, & graues. Incredibilis est enim uis eloquētiæ: & argumētandi, differēdiq; subtilitas quemuis facile deceperit. quos partim nostris armis, partim uerò ex ipsorum inter se concertatione sumptis reuincemus: ut appareat, eos induxisse potius errorē, quàm sustulisse. Fortasse mireris, quòd tantū facinus audeam. Patiemur ne igitur extingui, aut opprimi ueritatē? Ego uerò libētius uel sub hoc onere defecerim. Nam si M. Tullius eloquētiæ ipsius unicū exemplar, ab indoctis & ineloquētibus, quia tamen pro uero nitebantur, sæpe superatus est: cur despicere mus, ueritatē ipsam contra fallacem, captiosamq; facundia, sua propria ui, & claritate ualiturā? Illi quidem sese patronos ueritatis profiteri solent: sed quis potest eam rem defendere, quā non didicit: aut illustrare apud alios, quàm ipse nō nouit? Magnum uideor polliceri: sed cœlesti opus est munere, ut nobis facultas, ac tēpus ad proposita persequenda tribuatur. Quòd si uita est optanda sapiēti: profecto nullā aliā ob causam uiuere optauerim, quàm

quàm ut aliquid efficiam, quod uita dignum sit, & quod utilitatem legentibus, et si non ad eloquentiam, quia tenuis in nobis facundia riuus est, ad uiuendum tamen afferat: quod est maxime necessarium. Quo perfecto satis me uixisse arbitrabor, & officium hominis impleſſe, si labor meus aliquos homines ab erroribus liberatos, ad iter cœleste direxerit.

L. COELII

## LACTANTI

FIRMIANI LIBRI

ACEPHALI

E P I T O M E.

De Iustitia, Sapientia, &amp; Stultitia.

CAPVT I.



**N**AM si iustitia est ueri Dei cultus (quid enim tam iustum ad æquitatem, tam piũ ad honorẽ, tam necessarium ad salutem, quàm Deum cognoscere ut parẽtem, uenerari ut dominum, eiusq; legi, aut præceptis obtemperare?) nescierũt ergo iustitiã philosophi, quia nec ipsum Deũ agnouerũt: & ideo refelli potuerũt à Carneade: cuius hæc fuit disputatio, nullũ esse ius naturale: itaq; omnes animãtes ipsa ducente natura commodam suam defendere: & ideo iustitiã, si alienis utilitatibus cõsulat, suas negliget, stultitiã esse dicẽdã. Quod si omnes populi, penes quos sit imperiũ, ipsiq; Romani, qui orbẽ totũ possidere, iustitiã sequi uelint: ac suũ cuiq; restituere, quod ui, & armis occupauerũt, ad casas, & egestatẽ reuertent

uertentur. quod si fecerint, iustos dicemus quidem, sed tamē stultos iudicare, necesse est: qui ut alijs prosint, sibi nocere cōtendāt. Deinde si reperiatur aliquis hominē, qui aut aurū pro aurichalco, aut argentū pro plumbo uēdat per errorē, atq; id emere necessitas cogat: utrū dissimulabit, & emet paruo, an potius indicabit? iustus utiq; dicetur, quia non fefellit: sed idem stultus, qui alteri fecerit lucrū, sibi damnum. sed facile de damno est. quid si uita eius in periculum ueniet, ut eum aliquādo necesse sit aut occidere, aut mori: quid faciet? Potest hoc euenire, ut naufragio factō inueniat aliquem imbecillē tabulæ inhaerentem: aut uiētō exercitu fugiēs, reperiatur aliquē uulneratū equo insidentē: utrū ne aut illū tabula, aut hūc equo deturbabit, ut ipse possit euadere? Si uolet iustus esse, non faciet: sed idē stultus iudicabitur, qui dum alterius uitæ parcat, suā perdet. Si faciet, sapiens quidem uidebitur, quia sibi cōsulet: sed & idē malus, quia nocebit. Acuta ista sane: sed respondere ad ea facile possumus. Imitatio enim nominum facit, ut sic esse uideatur. Nam & iustitia imaginem habet stultitiæ, non tamen est stultitia: & malitia imaginem sapientitiæ, non tamen sapientia est. Sed sicut malitia ista in conseruandis utilitatibus suis intelligens redargui uidetur, quia non sapientia, sed calliditas, & astutia est: ita & iustitia non debet stultitia, sed innocentia nominari: quia necesse est, iustum esse sapientē, & cū, qui sit stultus iniustum. Nam neq; ratio, neque natura ipsa permittit, ut is, qui iustus est, sapiens non sit: quoniam iustus nihil utique facit, nisi quod rectum, & bonum est: prauum, & malū semper fugit. Quis autē id discernere bonum, & malum, prauum, & rectum poterit, nisi qui sapiēs fuerit? Stultus autem male facit: quia bonū, & malum quid sit, ignorat: ideo

ideo peccat, quia non potest praua & recta discernere: igitur neq; stulto iustitiam, neq; iniusto sapientiam cōuenire. Ergo stultus non est, qui nec tabula naufragum, nec equo saucium deiecerit: quia se abstinuit à nocēdo, quod est peccatū: peccatū autē uitare, sapientis est. Sed ut stultus prima facie uideatur, illa res efficit, q̄ extingui animā cū corpore existimant. iccirco omne cōmodum ad hanc uitā referūt. si enim post mortē nihil est, utiq; stulte facit, qui alterius animæ parcit cū dispendio suæ, aut qui alterius lucro magis, quàm suo consulit. si mors animā delet, danda est opera, quo iustius, cōmodiusq; uiuamus. si autē uita post mortē superest æterna, & beata, hāc utiq; corporalē cū oībus terræ bonis iustus, ac sapiēs contemnet, quia sciet, quale à Deo sit præmium recepturus. Teneamus igitur innocentiam, teneamus iustitiā, subeamus imaginem stultitiæ, ut uerā sapientiā tenere possimus. Et si hominibus uidetur ineptū, ac stultū, torqueri, & mori uelale, cū libere liceat abire sine noxa: nos tamen omni uirtute, omniq; patiētia fidē Deo exhibere nitamur. Nō mors terreat, nec dolor frangat, quo minus uigor animi & cōstantia inconcussa seruetur. Stultos notent, dūmodo ipsi stultissimi sint, & cæci, & hebetes, & pecudibus æquales, qui nō intelligunt esse mortiferum, relicto Deo uiuo, prosternere se, atq; adorare terrena: qui nesciunt, ex illis æternā pœnam manere, qui figmenta insensibilia fuerint uenerati: & eos, qui nec tormēta, nec mortē pro cultu, et honore ueri Dei recusauerint, uitam perpetuam cōsecuturos. Hæc est fidelissima, hæc est uera sapientia, hæc perfecta iustitia. Nihil ad nos attinet, quid iudicēt stulti, quid homunculi sentiāt. Nos iudiciū Dei expectare debemus, ut eos postmodum, qui de nobis iudicauerint, iudicemus.

De he

De uero sacrificio.

CAP. II.

**D**ixi de iustitia, quid esset: sequitur, ut ostēdam, quid sit uerum sacrificium Dei, quis iustissimus ritus colendi: ne quis arbitretur, aut uictimas, aut odores, aut dona præsentia desiderari à Deo: à quo si fames, si sitis, si alior, si omnium rerum terrenarum cupiditas abest, non ergo utitur ijs omnibus, quæ templis, alijsq; fictilibus inferuntur: sed sicut corporalibus corporale, sic utiq; incorporalibus incorporale sacrificium necessarium est. Illis, quæ in usum tribuit homini Deus, ipse nō indiget: & est omnis terra sub potestate ipsius. nō indiget templo, cuius domiciliū mundus est. nō indiget simulachro, qui est & oculis, & mente incomprehensibilis. nō indiget terrenis luminibus, qui soleni cum cæteris astris in usum hominibus potuit accendere. Quid igitur ab homine desiderat Deus, nisi cultum mentis, qui est purus, & sanctus? Nam illa, quæ aut digitis fiunt, aut extra hominem sunt, hoc sacrificium uerum non est, nec quod ex arca, sed quod ex corde profertur, nō quod manu, sed quod mente libatur. hæc acceptabilis uictima est, quam de seipso animus immolat. Nā quid hostiæ? quid thura? quid uestes? quid aurum? quid argentum? quid pretiosi lapides conferunt, si colentis pura mens non est? Sola ergo iustitia est, quam Deus expetit. in hac sacrificium, in hac Dei cultus est. de quo nunc mihi differendum est, docendumq; in quibus operibus iustitiam necesse sit contineri.

De uis uitæ, deq; iustitiæ officijs, & primis mundi temporibus.

CAP. III.

**D**vas esse humanæ uitæ uias, nec philosophis ignotū fuit, nec poëtis: sed eas utiq; diuerso modo induxerunt philosophi: alterā industriæ, alterā inertie esse uoluerunt.



luere: sed hoc minus recte, cum eas ad solius uitæ cōmoda  
 retulerunt. melius poëtæ, qui alterā iustorum, alterā im-  
 piorum esse dixerunt. Sed in eo peccant, quòd eas non in  
 hac uita, sed apud inferos esse aiunt. Nos utiq; rectius, qui  
 alteram uitæ, alterā mortis, & hic tamen has uias esse di-  
 cimus. sed illa dexterior, qua iusti sunt, gradientes nō in  
 Elysium fert, sed in cœlū. immortales enim fiunt. siniste-  
 rior ad tartarū. æternis enim cruciatibus abdicuntur iniu-  
 sti. Venerāda est à nobis iustitiæ uia, quæ ducit ad uitam.  
 Primū autem iustitiæ officium est, Deum cognoscere, ut  
 parētem: cumq; mctuere, ut dominū: diligere, ut patrem.  
 Is est enim qui nos genuit, qui uitali spiritu animauit, qui  
 alit, qui saluos facit. Habet in nos nō modo ut pater, ue-  
 rum etiam ut dominus licentiam uerberandi, & uitæ, ac  
 necis potestātē. unde illi ab homine duplex honos, id est,  
 amor cum timore debetur. Secundū iustitiæ officium est,  
 hominē agnoscere uelut fratrē. Si enim idem Deus fecit,  
 & uniuersos ad iustitiam, & ad uitam æternā pari con-  
 ditiōe generauit: fraterna utiq; necessitudine cohæremus,  
 quam qui nō agnoscit, iniustus est. Sed origo huius mali,  
 quo societas inter se hominū, quo necessitudinis uinculū  
 dissoluitur, est, quòd ab ignorātia ueri Dei nascatur. Qui  
 enim fontem illum benignitatis ignorat, bonus esse nullo  
 modo potest. Inde est, quòd ex eo tēpore, quo multi Dij  
 cōsecrati ab hominibus, coliq; cæperunt, fugata est (sicut  
 poëtæ aiunt) iustitia. sic dirēptū est omne fœdus, dirē-  
 pta societas iuris humani, cum sibi quisq; consulere, ius in  
 uiribus cōputare, nocere inuicē, fraudibus aggredi, dolis  
 circumscribere, cōmoda sua aliorū incōmodis adaugere,  
 non cognatis, nō liberis, nec parentibus parcere, ad ne-  
 cem hominum pocula temperare, obsidere cū ferro uias,  
 maria

maria infestare, libidini autem, quo furor eduxerit, frangere laxare, nihil denique sancti habere, quod cupiditas infanda non uiolaret. Cum hæc fierent, tum leges sibi homines condiderunt pro utilitate communi, ut se interim tutos ab iniurijs facerent. Sed metus legum non scelera comprimerebat, sed licentiã submouebat. Poterant enim leges delicta punire, conscientiam munire non poterant. Itaque quæ antè palam fiebant, clam fieri coeperunt: circumscribi etiã iura: siquidem ipsi præsidēs legum præmijs, muneribusque corrupti uel in remunerationem malorum uel perniciem iustorum sententias uenditabant. His accedebant dissensiones et bella, et mutue depredationes, et oppressis legibus sauciendi potestas licenter assumpta. In hoc statu cum essent humanæ res, misertus est nostri Deus: reuclauit se nobis, et ostendit, ut in ipso religionē, fidem, castitatē, misericordiam disceremus, legemque diuinā, quæ humana cum cœlestibus copulat, tradēte ipso domino sumeremus: qua lege uniuersi, quibus irretiti sumus, errores cum uanis et impijs superstitionibus tollerentur. Quid enim homini debeamus, eadem illa lex præscribit, quæ docet, quicquid homini præstiteris, Deo præstare. Sed radix iustitiæ, et omne fundamētum æquitatis est illud, Vide ut ne facias ulli, quod pati nolis: sed alterius animū de tuo metieris: si acerbum est iniuriā ferre, et qui eam fecerit, uidetur iniustus: transfer in alterius personam quod in te sentis, et in tuam quod de altero iudicas, et intelliges tam te iniuste facere, si alteri noceas, quam alterum si tibi. Hæc si mente uoluemus, innocentiam tenebimus: in qua iustitia uelut in primo gradu consistit. primus est enim, non nocere proximo, sed officiose prodesse. Et sicut in rudibus agris prius quam serere incipias, euulsis sentibus, et omnium stirpium

piam radicibus amputatis, arua purganda, sic de nostris animis prius uitia detrahenda, & tunc demum uirtutes inserenda, de quibus seminata per uerbum Dei fruges immortalitatis oriantur.

De affectibus.

C A P. I I I I.

**T**Res affectus, uel (ut ita dicam) tres furiae sunt, quae in animis hominum tantas perturbationes ciunt, & interdum cogunt ita delinquere, ut nec famae, nec periculi sui respectum, aut curam habere permittant: Ira, quae uindictam cupit, Auaritia, quae desiderat opes, Libido, quae appetit uoluptates. His uitijis resistendum est, haec stirpes eruedae, ut uirtutes seri possint. Hos affectus Stoici amputandos, Peripatetici temperandos putant. Neutri eorum recte: quia neque detrahi possunt: siquidem natura insiti habent certam, magnamque rationem: neque minui, quoniam si mala sunt, carendum est etiam temperatis, & mediocribus: si bona, integris abutendum est. Nos uero neque detrahendos, neque minuendos esse dicimus. Non enim per se mala sunt, quae Deus homini rationabiliter inseruit: sed cum sint utique natura bona, quoniam ad tuendam uitam sunt attributa, male utendo fiunt mala, sicut, si fortissime pro patria dimices, bonum est: si contra patriam, malum. Sic & affectus, si ad usus bonos habeas, uirtutes erunt: si ad malos, uitia dicentur. Ira igitur ad coercionem peccatorum, id est ad regendam subiectorum disciplinam data est à Deo, ut metus licentiam comprimant, & compescant audaciam. & qui terminos eius ignorat, irascitur paribus, aut fortioribus. Inde ad immania facinora prosilitur: inde ad caedes, inde ad bella consurgitur. Cupiditas ad desideranda, & conquiritur uita necessaria tributa est. Sed qui nesciunt fines eius, insatiabiliter opes cogere nituntur. Hinc uenena, hinc  
circum

circumscriptiones, hinc falsa testimonia, hinc omnium fraudum genera erupere. Libidinis autem affectus ad procreandos filios insitus, et innatus est: sed qui limites eius animo non tenent, utuntur eo ad solam uoluptatem. Inde illicitæ nuptiæ, inde adulteria, et stupra, inde omnes corruptelæ oriuntur. Redigendi ergo sunt isti affectus intra fines suos, et in uiam rectam redigendi: in qua etsi sunt uehementes, culpam tamen habere non possunt.

De uoluptatibus sensuum coercendis. CAP. V.

**C**ohibenda est ira cum patimur iniuriam, et ut malum comprimatur, quod ex certamine impedit, et ut duas maximas uirtutes innocentiam, et patientiam teneamus. Auaritia frangitur, cum habemus, quod satis est. Quis enim furor est, in his cogere laborare, quæ aut latrocinio, aut furore, aut proscriptione, aut morte ad alios facile sit peruenire? Libido extra legitimum torum non euagetur, sed creatis liberis seruiat. appetentia enim nimia uoluptatis, et periculum parit, et insaniam generat, et quod est maxime cauendum, mortem incurrit æternam. Nihil est enim tam inuisum Deo, quam mens incesta, et animus impurus. Nec hac sola uoluptate abstinendum sibi putet, quæ capitur ex foeminei corporis copulatione, sed et cæteris uoluptatibus sensuum reliquorum, quia et ipsæ sunt uitiosæ, et eiusdem uirtutis est, eas continere. Oculorum uoluptas percipitur ex rerum pulchritudine: aurium, de uocibus canoris, et suasionibus: narium, de odore iucundo: saporis, de cibis dulcioribus. quibus omnibus uirtus repugnare fortiter debet, ne his illecebris irretitus animus, à celestibus ad terrena, ab æternis ad temporalia, à uita immortali ad perpetuam poenam deprimatur. In saporis, et odoris uoluptate hoc periculum est, quod trahere ad luxuriam poterit. Qui enim fuerit his deditus

aut

aut nō habebit ullam rem familiarē: aut si habuerit, absu-  
met, & aget postmodum uitā detestabilem. Qui autē ra-  
pitur auditu (ut taceā de cantibus, qui sensus ita sēpe de-  
liniunt, ut etiā status mentis furore perturbetur cōpositis  
certis orationibus uniuersisq; carminibus, aut argutis di-  
sputationibus) ad impios cultus facile traducitur. Inde  
est, quōd scriptis celestibus, quia uidentur incōpta, nō fa-  
cile creditur, quia aut ipsi sunt disertī, aut disertā legere  
uolunt, nec quærunt uera, sed dubia: imō illis hæc uidetur  
uerissima esse, quæ auribus blandiuntur. ita respuunt ueri-  
tatē, dum sermonis uarietate capiuntur. Voluptas uero,  
quæ spectat ad uisum, multiformis est. Nam quæ percipi-  
tur ex rerum pretiosarum pulchritudine, auaritiā concit-  
tat: quæ aliena esse debet a sapiente, atq; iusto: quæ autē  
capitur de specie mulierum, in alteram rapit uolupta-  
tem. de qua iam superius locuti sumus.

De innocentia, & præcepta eorum quæ ue-  
rantur.

C A P. VI.

**S**UPEREST, de spectaculis dicere. quæ quoniam potentia  
sunt ad corrumpendos animos, uitanda sapiētibus, &  
cauenda sunt totaliter: quōd ad celebrandos Deorum ho-  
niores inuenta memorantur. Nam muncrum editiones Sa-  
turno facta sunt. Scena, Liberi patris est. Ludi uero circē  
ses Neptuno dicati putantur. ut iam qui spectat, uel in-  
terest, relicto Dei cultu, ad profanos ritus transisse uideat-  
tur. Sed ego de re malo dicere, quā de origine. Quid  
tā horribile, tam tetrū, quā hominis trucidatio? Ideo se-  
uerissimis legibus uita nostra multatur: ideo bella execra-  
bilia sunt. inuēta tamen consuetudo, quatenus homicidiū  
sine bello, ac sine legibus faciant, & hoc ut scelus uindi-  
cēt. Quōd si interesse homicidio sceleris cōsciētia est, &

P

codem

eodem facinore spectator obstrictus est, quo & admissor:  
 ergo & his gladiatorū sceleribus non minus cruore per-  
 funditur qui spectat, q̄ ille, qui facit: nec potest esse im-  
 munis à sanguine, qui uoluit effundi: aut uideri nō inter-  
 fecisse, qui interfectori & fauet, & præmium postulauit.  
 Quid scena? num sanctior? in qua comœdia de stupris, &  
 amoribus: tragœdia de incestis, & parricidijs fabulatur.  
 Histrionici etiā impudici gestus, quibus infames fœminas  
 imitantur, libidines, quas saltando exprimunt, docent: an  
 non minus corruptela disciplinarum est? in quo fiunt per  
 imaginem, quæ non sunt, ut fiant sine pudore, quæ uera  
 sunt. Spectant hæc adolescētes: quorū lubrica ætas, quæ  
 frenari, ac regi debet, ad uitia, & peccata his imaginibus  
 eruditur. Circus nō innocentior æstimatur: sed maior hic  
 furor est: siquidē mentes spectantium tanta feruntur insa-  
 nia, ut non modo in cōuitia, sed etiam in rixas, nec nō &  
 in prælia, & cōtentiones sæpe consurgant. Fugienda igitur  
 omnia spectacula, ut tranquillum mētis statum tenere  
 possimus. renūtiandū noxijs uoluptatibus, ne deliniti sua  
 uitate pestifera, in mortis laqueos incidamus. Placet sola  
 uirtus, cuius merces immortalis est, cū uicerit uoluptatē.  
 Suppositis autē affectibus, & perdomitis uoluptatibus, fa-  
 cilis in cōprimendis cæteris labor est ei, qui sit Dei, ueri-  
 tatisq; sectator: non male dicet unquam, qui expectabit à  
 Deo benedictionē. Hic uitabit, ne Decum ludibrio habeat:  
 sed ne iurabit quidem: nequando uel necessitate, uel cōsue-  
 tudine in periuriū cadat. Nihil subdole, nihil dissimulan-  
 ter loquetur: neque abnegabit, quod sponderit: neque  
 promittet, quod facere non possit: non inuidebit cuiquā,  
 qui de suo contentus, nec detrahēt, aut male alteri uolet,  
 in quem forsitan beneficia Dei proniora sunt. Non fur-  
 bitur.

bitur: nec omnino quicquam concupiscet alienū: non dabit in usura pecuniam: hoc est enim, de alienis malis lucra captare: nec tamen negabit: siquidem necessitas cogit mutuari. Non erit asper in filium, nec in seruum: meminerit, quod ipse patrem habeat, ac dominum. Ita cum his aget, quemadmodum secū agi uellet. Munera superabundantia non recipiet a tenuioribus: nec enim iustum est augeri patrimonia locupletum per damna miserorū. Vetus præceptū est, nō occidere. quod sic accipi debet, non tanquam iubeamur ab homicidio tantū, quod etiā legibus publicis iubetur, manus abstinere, sed nec iussione interposita, nec uerbo licebit periculū inferre, nec infāntē necare, aut exponere, nec seipsū uolūtaria morte dānare. Item non adulterare. sed hoc præcepto non solum corrumpere alienum matrimonium prohibetur, quod etiā cōmuni gentium iure dannatur: uerū etiā prostitutis corporibus abstinere. Supra leges lex enim dei est. ea quoq; quæ pro licitis habentur, uetat: ut iustitiā consummet. Eiusdem legis est, falsum testimonium non dicere. quod et ipsum latius patet, si mendacium nocet ei, contra quē dicitur: et fallit eum, apud quem dicitur. Nunquā igitur mentiendum est: quia mendacium semper aut fallit, aut nocet. Non est uir iustus, qui non sine noxa uitio, sermone mentitur. Hinc uerō nec adulari licet. pernitiōsa est enim, ac deceptrix adulatio. sed ubiq; custodiat ueritatē. quæ licet ad præsens sit insuauis: tamen cum fructus eius, atq; utilitas apparuerit, non odium pariet (ut ait poëta) sed gratiam.

Præcepta eorum quæ iubentur: & de

miseriordia.

C A P. VII.

**D**ixi de ijs, quæ uetantur: dicam nūc breuiter, quæ iubentur. Innocentiæ proxima est misericordia. Illa

P 2 enim



enim malum non facit, & hæc bonū operatur: illa inchoat iustitiam, hæc complet. Nam cum imbecillior sit hominum natura, quàm ceterarū animātiū, quas Deus & instructas ad inferendam, & munitas ad vim repellendam figuravit: affectum nobis misericordiæ dedit, ut omne præsidium vitæ nostræ in mutuis auxilijs poneremus. Si enim facti ab uno Deo, & orti ab uno homine, consanguinitatis iure sociamur: omnem igitur hominem diligere debemus. itaq; non tantum inferre iniuriam non oportet, sed ne illatam quidem vindicare: ut sit in nobis perfecta innocentia. Ideo iubet nos Deus etiam pro inimicis precem facere semper. Ergo animal commune, atq; consors esse debemus: ut nos inuicē præstandis, recipiendisq; auxilijs muniamus. In multis enim casibus, & incōmodis fragilitas nostra subiecta est. Speres tibi accidere, quod alteri accidit. ita demum excitaberis ad opem ferendam, si sumpseris eius animū, qui opē tunc in malis constitutus implorat. Si quis uictu indiget, impertiamur. Si quis a potētiori iniuriā sustinet, eruamus. Pateat domiciliū nostrū uel peregrinis, uel indigentibus tecto. Pupillis defensio, uiduis tutela nostra non desit. Redimere ab hoste captiuos, magnanimi opus est: item ægros pauperes uisitare, atque fouere inopes, aut pauperes (si obierint) non patiamur insepultos iacere. Hæc sunt opera, hæc officia misericordiæ, quæ si quis perfecrit, uerum, & acceptum sacrificiū Deo immolabit. Hæc litabilior uictima est apud Deum: qui non pecudum sanguine, sed hominis pietate placatur: quem Deus (quia iustus est) sua & ipsum lege, sua & conditione persequitur: miseretur ei, quem uiderit misericordem: inexorabilis est ei, quem precantibus cernit immitem. Ergo ut hæc omnia, quæ Deo placēt, facere

eere possimus: contemnenda est pecunia, & ad coelestes transferenda thesauros, ubi fur non effodiet, nec rubigo consumet, nec tyrannus eripiet: sed nobis ad aeternam opulentiam Deo custode seruabitur.

De fide in religione, & fortitudine: de cōp

fide in matrimonio.

C A P. V I I I.

**F**ides quoque, magna iustitiæ pars est: quæ maximè à nobis, qui nomen fidei gerimus, cōseruanda est, præcipuè in religionem: quia Deus prior est, & potentior, quàm homo. Et si est gloriosum pro amicis, pro parentibus, pro liberis, id est pro homine suscipere mortē, et qui hoc fecerit, diuturnam memoriam, laudemq; cōsequitur: quāto magis pro Deo, qui potest aeternam uitam pro temporali morte præstare? Itaq; cum inciderit huiusmodi necessitas, ut discedere à Deo, atq; ad ritus gentium transire cogamur: nullus nos metus, nullus terror inflectat, quominus traditā nobis fidē custodiamus. Deus sit ante oculos, sit in corde, cuius interno auxilio dolor uiscerum, & adhibita corpori tormenta superentur. Nihil tunc aliud, quàm uitæ immortalis præmia cogitemus. Ita facîle, etiā si dissipandi, aut urendi artus fuerint, tolerabimus, quæ in nos tyrannicæ dominationis amentia molietur. Postremo ipsam mortem non inuiti, aut timidi, sed libèter, & inter riti subire nitamur, ut qui scimus, quali apud Deum gloria sumus functuri triumphato seculo ad promissa ueniētes: quibus bonis quanta beatitudine breuia hæc poenarum mala, & huius uitæ damna pensemus. Quòd si facultas huius gloriæ decrit: habebit fides etiam in pace mercedem. teneatur ergo in omnibus uitæ officijs, teneatur in matrimonio. Non enim satis est, si alieno thoro, aut lupanari abstineas. Qui habet coniugem, nihil quærat ex-

trinfecus: sed contentus ea sola, carnem castiget: inuiolati cubilis sacramenta custodiat. Adulter enim Deo est, perinde atq; incestus, qui abicelo iugo, uel in liberam, uel in seruam peregrina uoluptate luxuriat. Sed sicut scēmina castitatis uinculis obligata est, & ne aliud cōcupiscat, ita uir eadem lege teneatur, quo Deus & uiro uxorem unius corporis compage solidauit. Ideo praecepit non dimitti uxorem, nisi crimine adulterij deuictam: & nunquā coniugalis scēderis uinculum, nisi ruperit, resoluatur. Illud quoq; ad consummandam pudicitia iungitur, ut non modo peccatum absit, uerum etiā cogitatio. Pollui enim mētem quamuis inani cupiditate, manifestum est. Ita q; iustum hominem, qui scit se nec facere oportere, nec uelle. Purganda est igitur conscientia: quam Deus peruidet, qui falli non potest. Euacuetur omni labe pectus, ut templum Dei esse possit: quod non auri, nec eboris nitor, sed fidei, & castitatis fulgor illustrat.

De poenitentia, deq; animæ immortalitate.

C A P. IX.

**S**ed enim haec omnia difficilia sūt homini: nec patitur conditio fragilitatis naturæ, esse quenquā sine macula. Vltimum ergo remediū illud est: ut cōfugiamus ad poenitentiam: quæ nō minimum locum inter uirtutes habet: quia sui correctio est, ut cū forte aut re, aut uerbo lapsi fuerimus, statim resipiscamus, aut nos deliquisse fateamur, oremus q; a Deo ueniā: quā pro sua misericordia nō negabit: nisi perseuerabimus in errore. Magnū est poenitentiae auxilium, magnum solatium. illa est uulnere, peccatorum q; sanatio: illa spes, illa portus salutis. quā qui tollit, uiam uitæ sibi amputat: quia nemo esse tam iustus potest, ut nunquam sit ei poenitentia necessaria. Nos uero, etiam

ro, etiam si nullum sit peccatū, confiteri tamen debemus, & pro debitis nostris identidem deprecari, gratias agere etiam in malis. hoc enim semper obsequiū domino deferamus. humilitas enim tam chara, & amabilis Deo est: ut cum angelis suscipiat peccatorem consistentē, quem in regnis cœlestibus faciat pro humilitate sublimari. Hæc sunt quæ debet cultor Dei exhibere: hæ sunt uictimæ, hoc sacrificium placabile: hic uerus est cultus. cum homo metis suæ pignora in aram Dei cōfert, summa illa maiestas hoc cultore letatur: hunc ut filium suscipit sibi: quia donum immortalitatis impartitur. de qua nunc mihi differendum est: & arguenda est persuasio eorum, qui extingui animas cum corporibus putauerūt. qui, quia nec Deum sciebant, nec arcanum mundi perspicere poterant: ne hominis quidem, animæq; rationem comprehenderunt. Quomodo enim possent sapientia providere, qui scientiā nullo modo habebant? Negantes ergo providētiam, utique Deū, qui fons, & caput eius est, negauerunt. sequebatur, ut ea, quæ sunt: aut semper fuisse dicerent, aut sua sponte esse nata, aut minutorum seminū conglobatione concreta: semper fuisse, dici nō potest: quia quicquid est, esse sine aliquo initio nō potest. sua sponte autē nihil nasci potest: quia nulla est sine ratione natura. semina enim principalia quomodo esse potuerunt: cū & semina exordys oriātur, & uicissim res ex seminibus? Nullū igitur semen est, quod originē non habeat. Sic factum est, ut cum putarēt, mundū nulla providentia factum: ne hominē quidem putarint aliqua ratione generari. Quod si nulla esset in fingendo hominē ratio uersata: mortalem igitur animā esse posse. Alij uero ex aduerso, & Deum esse unum, & ab eo mundum, & hominem esse factum, & animas immor-

tales existimauere. Sed cum ea senserunt : ij tamen diuini operis, atque consilij nec causas, nec rationes, nec exitus perspexerunt, ut omne ueritatis arcanū cōsummarent, atq; ueluti sine concluderent . Sed quod illi facere non poterunt, quia ueritatem perpetuo non tenebat: nobis faciendum est, qui eam cognouimus, Deo annuntiante. Consideremus igitur, quæ ratio fuerit huius tanti, tamq; immensi operis fabricadi. Fecit Deus mundū, sicut Plato existimauit: sed, cur fecit, nō ostendit. Quia bonus, inquit, & inuidens nulli, fecit quæ bona sunt . Atqui uidemus in rerum natura & bona esse, & mala. Potest ergo existere peruersus aliquis, qualis fuerit & ille Theodorus, & Platoni respondere: Imò, quia malus est, fecit, quæ mala sunt. Quomodo illū redarguet? Si quæ bona sunt, Deus fecit: unde igitur tanta mala eruperunt? quæ plerunque etiam bonis præualent. In materia, inquit, cōtinebantur. Bona igitur, & mala, aut nihil fecit Deus. si bona tantū fecit, eterniora sunt mala, quæ facta non sunt, quàm bona, quæ habuerunt exordiū. Finē igitur habebunt, quæ aliquando ceperunt: & permanebunt, quæ semper fuerunt. Mala igitur potiora sunt. si autē potiora esse non possunt: ne eterniora quidem possunt . Ergo aut utraq; semper fuerunt, & Deus ociosus: aut utraq; ex uno fonte fluxerunt . Est enim cōueniēs, ut Deus omnia fecerit potius quàm nihil. ergo, secundum sentētiam Platonis, ideo Deus & bonus est, quia bona facit, & malus, quia mala . Quòd si fieri non potest, apparet, non ideo factum esse mundum, quia mundus bonus est . quoniam enim complexus est bona, & mala, nec ficit propter se quicquā, sed propter aliud. Domus enim edificatur nō ad hoc solū, ut sit domus, sed ut suscipiat, & tueatur habitantē. Item nauis fabricatur,

non

non ad hoc, ut nauis uideatur, sed ut in ea possint homines nauigare. Vasa autem fiunt non ut uasa sint solum: sed ut capiant, quæ sunt usui necessaria. Sic et mundum Deus ad usum aliquem fecerit, necesse est. Stoici aiunt, causa hominum factum esse: et recte. Homines enim fruuntur his omnibus bonis, quæ mundus in se continet. Sed, ipsi homines cur facti sint, aut quid in illis habeat illa fabricatrix prouidentia, non explicant. Immortales esse animas, idem Plato affirmat: sed cur, aut quando, aut quomodo, aut per quem immortalitatem assequatur, aut quidnam tantum illud mysterium: cur ij, qui sunt immortales futuri, prius mortales nascuntur: deinde decurso temporis uitæ spatio, atque abiectis fragilium corporum exuijs, ad æternam illam beatitudinem transferantur, non comprehendit. denique nec iudicium Dei, nec discrimen iusti, et iniusti explicauit: sed animas, quæ se sceleribus immiserint, hætenus condemnari putauit, ut in pecudibus resciscantur, et ita peccatorum suorum luere poenas, donec rursus ad figuras hominum reuertatur: et hoc fieri semper, nec citra finem transmeandi. ludum mihi nescio quæ inducit somno similem, cui nec ratio ulla, nec Dei gubernatio, nec consilium aliquod inesse uideatur.

De Deo, mundo, homine, deq; animæ immortalitate.

C A P X.

**D**Icam nunc quæ sit illa sententia, quam nec ij quidē, qui uera dixerunt, collatis in unū causis, atq; fictionibus cōnectere potuerūt. Factus à Deo mundus, ut homines nascerentur. nascuntur autem homines, ut Deū patrē agnoscant, ut colant in quo iustitia est. colunt, ut mercedem immortalitatis accipiāt. accipiūt immortalitē, ut in æternū Deo seruiant. Vides ne, quæadmodū sibi connexa

P 5 sint

sint & prima cum medijs, & media cum extremis? Inspi-  
 ciantur singula: & uideamus, utrum he illis ratio quoque  
 subsistat. Fecit ergo Deus mundum propter hominem.  
 Hoc qui non uidet, non multum distat à pecude. quis cœ-  
 lum suspicit nisi homo? quis solem? quis astra? quis opera  
 Dei miratur, nisi homo? quis colit terram? quis ex ea fru-  
 ctum capit? quis nauigat mare? quis pisces, quis uolati-  
 lia, quis quadrupedes habet in potestate, nisi homo? Cun-  
 cta igitur propter hominem Deus fecit: quia u'ui homi-  
 num cuncta cessere. Recte ergo uiderunt philosophi: sed  
 illud, quod sequitur, non uiderunt, quòd ipsum hominem  
 propter se fecerit. Erat enim consequens, & necessarium,  
 & pium, ut cum hominis causa tantam operam molitus  
 fit: cum tantum illi honoris, tantum illi potestatis tribue-  
 rit, ut dominetur mundo: homo agnosceret dominū, tan-  
 torum beneficiorum autorem: qui fecit mundam pro-  
 pter ipsum: & ei cultum, & honorem debitum redderet.  
 Hic Plato aberrauit: hic perdidit, quam primum arripue-  
 rat, ueritatem: cum de cultu eius Dei, quem conditorē re-  
 rum, ac parentē fatebatur, obtinuit: nec intellexit, homi-  
 nem Deo potestatis uinculis esse religatum: unde ipsa reli-  
 gio nominatur. Et hoc est solum, propter quod immorta-  
 les animæ fiant: sensit tamen æternas esse: sed non per gra-  
 das ad eam sententiam descendit. Amputatis enim medijs,  
 incidit totius rei ueritatem, quasi per abruptum aliquod  
 præcipitium: nec ulterius progressus est: quoniā casu ad  
 eam, non ratione peruenerat. Colendus est igitur Deus;  
 ut per religionem, quæ eadem iustitia est, accipiat homo  
 à Deo immortalitatē: nec est ullum aliud præmiū piæ men-  
 tis, quæ si est inuisibilis, non potest ab inuisibili Deo nisi  
 inuisibili mercede donari. Plurimis uero argumentis col-  
 ligi potest



ligi potest, eternas esse animas. Plato ait, Quod per se ipsum mouetur, neq; principiū motus, neq; finē posse habere: animū autē hominis per se semper moueri, q̄a sit ad cogitandum mobilis, ad inueniendū solers, ad percipiendū facilis, ad discendum capax, ut qui pręterita teneat, pręsentia comprehendat, futura prospiciat, multarūq; rerum, & artium sciētiam complectatur: immortalē esse: siquidem nihil habeat in se terreni ponderis labe concretum. Pręterea, ex uirtute, an uoluptate intelligitur eternitas animę? uoluptas omnis, cōmunis animalibus: uirtus, solius est hominis. illa uitiosa est, hæc honesta: illa secūdū naturam, hæc aduersa uaturę, nisi anima immortalis est. uirtus enim pro fide, pro iustitia nec egestatem timet, nec exiliū metuit, nec carcerem perhorrescit, nec dolorem reformidat, nec mortem recusat. quę quia natura contraria sunt, aut stultitia est uirtus, si & cōmoda impedit, & uita nocet: aut si stultitia nō est, ergo anima immortalis est, & ideo pręsentia bona contemnit: quia sunt alia potiora, quę post dissolutionē sui corporis assequatur. Illud autem maximiū argumētum immortalitatis: quod Deū solus homo agnoscit. In mutis nulla suspicio religiōis: quia terrena prospiciunt. Homo ideo rectus cælū aspicit, ut Deū querat. An potest ergo esse mortalis, qui immortalē desiderat? Nō potest esse solubilis, qui cū Deo & uultu, et mēte cōmunis est. Deniq; cælesti elemēto, quod est ignis, homo solus utitur. Si enim lux per ignem, uita per lucē: apparet, cū, qui usum ignis habet, nō esse mortālē: quoniam id illi p̄ximū, id familiare est, sine quo nō potest nec lux nec uita cōstare. Sed quid argumentis colligimus eternas esse animas, cum habeamus testimonia diuina? id enim sacre literę, ac uoces prophetarū docēt. Quod sicui parum uideatur

uidetur, legat carmina Sibyllarum: Apollinis quoq; Milesij responsa consideret: ut intelligat delirasse Democritum, & Epicurum, & Dicaearchum, qui soli omnium mortalium, quod est evidens, negauerunt. Confirmata immortalitate, superest dicere, à quo ei tribuatur: cum certa, & constituta diuinitus tempora compleri coeperint: & interitum & consummationem rerum fieri necesse est, ut innouetur à Deo mundus. Id uero tempore in proximo est, quantum de numero annorum, deq; signis, quae praedicta sunt à philosophis, colligi potest. Sed cum sint innumerabilia, quae de fine seculi, & consummatione temporum dicta sunt: ea ipsa, quae dicuntur, nuda ponenda sunt: quoniam, ut testimonijs utamur, immensum est. si quis illa desiderat, aut nobis minus credit, adeat ad sacrarium coelestium literarum: quarum fide instructior, errasse philosophos sentiat, qui aut aeternum esse hunc mundum, aut infinita esse annorum millia putauerunt, ex quo fuerit instructus. Non dum enim sex millia completa sunt. quo numero consummato, tum demum malum omne tolletur, ut regnet sola iustitia. quod, quatenus euenturum sit, paucis explicabo.

De postremis temporibus.

C A P. X I.

**H**Acc à prophetis, & à uatibus futura dicuntur. Cum coeperit mundo finis ultimus propinquare, malitia inualefct: omnia uitiorum, & fraudum genera crebrescent: iustitia interibit: fides, pax, misericordia, pudor, ueritas non erit: uis, et audacia praeualebit: nemo quicquam habebit, nisi male partum, manuque defensum: si qui erunt boni, praeda, ac ludibrio habebuntur: nemo pietatem parentibus exhibebit: nemo infantis, aut senis miserebitur: auaritia, libido uniuersa corrumpet: erunt caedes, & sanguinis

nis effusiones: erunt bella nō modo externa, & finitima,  
 uerum etiam intestina: ciuitates inter se belligerabunt:  
 omnis sexus, & omnis ætas arma tractabunt: nō imperij  
 dignitas conseruabitur, non militiæ disciplina: sed more  
 latrocinij deprædatio, & uastatio fiet: regnum multipli-  
 cabitur: & decem uiri occupabunt orbem, & partiētur,  
 & uorabunt: & existet longe potentior, ac nequior, qui  
 tribus ex eo numero deletis Asiam possidebit: ceteris in  
 potestate sua reductis, & abscissis, uorabit omnē terram:  
 leges nouas statuet, ueteres abrogabit: Remp. suā faciet:  
 nomen imperij, sedemq; mutabit. Tunc erit tempus infan-  
 dum, & execrabile, quo nemini libeat uiuere. Deniq; in  
 eum statum res cadet, ut omnes uiuos lamētatio, mortuos  
 gratulatio sequatur. Ciuitas, & oppida interibunt, modo  
 ferro, & igni, modo terræ motibus crebris, modo aquarū  
 inundatione, modo pestilētia, & fame. Terra nihil feret,  
 aut rigoribus nimijs, aut caloribus sterilis. Aqua omnis  
 partim mutabitur in cruorem partim amaritudine uitia-  
 bitur: ut nihil sit nec ad cibos utile, nec ad potū salubre.  
 His malis accident prodigia hominibus ad timorem. Co-  
 metæ crebro apparebunt. Sol perpetuo squalore fuscabi-  
 tur. Lunam color sanguinis obumbrabit, nec amissæ lucis  
 damna reparabit. Stellæ omnes decident: nec temporibus  
 sua ratio cōstabit, hyeme, ac æstate confusis. Tūc & an-  
 nus, & mēsis, & dies breuiabitur: et hāc esse mundi sene-  
 ctutē, & defectiōnē, Trismegistus elocutus est. quæ cū ue-  
 nerit, adesse tempus sciēdum est, quo Deus ad commutan-  
 dū seculū reuertatur. Inter autē hæc mala surget rex im-  
 pius nō modo generi hominum, sed etiam Deo inimicus,  
 Hic reliquias illius prioris tyranni conteret, cruciabit, ue-  
 xabit, interimet. Tunc etiam lacrymæ, luctus, & gemitus  
 perp: t

perpetes, et ad eum cassæ preces: nulla requies ad formidinem, aut somnus ad quietem. Dies cladē, nox metus augetur semper. Sic orbis terrarum penè ad solitudinē hominum redigetur. Tunc impius iustos homines, ac deditos Deo duobus & quadraginta mensibus persequetur: et seculi iubebit, ut Deum. Se enim dicet esse Deū, cum sit Antichristus: qui ut aduersari ei possit, accipiet potestatem mirabilia faciendi: ut ignis descendat de cœlo: ut sol desistat à cursu, ut imago, quā posuerit loquatur. Quibus prodigijs alliciet multos, ut adorēt eū: signūq; eius in manu, aut fronte suscipiāt. & qui nō adoraucrit, signūq; susceperit, exquisitis cruciatibus morietur. Ita serè duas partes exterminabit: tertia in desertas solitudines fugiet. Sed ille proteruia implacabili furens adducet exercitū: & obsidebit montem, quod iusti confugerint. Qui cū se uiderint circūfessos, implorabūt auxilium Dei uoce magna: & audiet eos Deus: & immittet eis liberatorem. Tūc cœlū in tempesta nocte patefiet: & descendet Christus in uirtute magna: & antecedit eū claritas ignea, et uirtus inestimabilis angelorū. et extinguetur oīs illa multitudo impiorū: & torrētes sanguinis currēt. & ipse ductor effugiet: atq; exercitu sæpe reparato, quartū præliū faciet: quo captus cū cæteris tyrannis tradetur exustioni. Sed et ipse dæmonū princeps, autor, et machinator malorū, cathenis igneis alligatus, custodiæ dabitur: ut pacē mūdus accipiat, ut uexata seculis terra req̄scaat. Pace igitur parta, cōpressoq; omni malo, rex ille iustus, & uictor, iudicium magnum de uiuis, & mortuis faciet super terram: & uiuentibus quidem iustis tradet in seruitutem gentes uniuersas: mortuos autem ad æternam uitam suscitabit: & in terra cum his ipse regnabit: & condet sanctā ciuitatem: & erit regnum

gnum iustorū mille annis. Per idē tempus stellæ candidiores erunt, & claritas solis augebitur: & luna nō patietur diminutionē. Tunc descendet à Deo pluuia benedictionis matutina, & uespertina: & omnem frugem terra sine labore hominum procreabit. Stillabūt mella de rupibus: lactis, & uini fontes exuberabunt: bestię deposita feritate mansuescēt: lupus inter pecudes errabit innoxius: uulvus cum leone pascetur: columba cum accipitre congregabitur: serpens uirus nō habebit: nullū animal uiuet ex sanguine. omnibus enim Deus copiosum, atq; innocentē uictū dabit. Peractis uero mille annis, ac resolutō demonū principe, rebellabūt gentes aduersus iustos, & ueniet innumerabilis multitudo ad expugnādam, delendamq; sanctorum gentem. concutiet enim à fundamentis suis terrā: & corruent ciuitates: & pluet super impios ignē cū sulphure, & grādine: & ardebunt, & se inuicem trucidabunt: iusti uero paulisper sub terrā latebunt, donec perditio fiat gentiū: & exhibunt post diem tertium: & uidebunt campos cadaueribus opertos. Tunc fient terramotus: & scindent se montes: & subsident in latitudine uallis profundæ: congerentur in ea corpora mortuorum: & uocabitur nomen eius πολυάνθρον. Post hæc renouabit mundum, & trāsformabit iustos in figuram angelorum: ut immortalitatis ueste donati, seruiant Deo in sempiternum. Tunc enim impij resurgent non ad uitam, sed ad pœnam: eisq; secunda resurrectio facta Deum excitabit, ut ad perpetua tormenta damnet, æternis ignibus traditi merita pro sceleribus suis soluant.

Adhortatio.

C A P. XII.

**H**Acc omnia uera, omniū cōsona administratione prædicta, cū eadē Trismegistus, eadē Hydaspes, eadem Sibyllæ

Sibyllæ cōcinerint, dubitari nō potest. Cura, spes omnes  
uite, ac salutis, in sola religione Dei sint posita. Itaq; nisi  
homo susceperit, quem Deus ad liberationem misit, qui  
missus est, nisi summum Deum per eum cognouerit, man=  
data eius, legesq; seruauerit, in eas incidet pœnas, de qui=  
bus locuti sumus. Proinde fragilia contemnenda sunt, ut  
solida consequamur: spernēda terrena, ut cœlestibus one=  
remur: temporalia fugienda, ut ad æterna ueniamus. Eru=  
diat se quisq; ad iustitiam, firmet ad continentiam, præ=  
paret ad agonem, instruat ad uirtutem: ut si forte aduera=  
sarius indixerit bellum, nulla ui, nullo terrore, nullis cru=  
ciatibus à recto, & bono diuellatur: nō se substernat in=  
sensibilibus figmentis: sed uerum, & solum Deum rectus  
cognoscat: abijciat uoluptates: quarū illecebris ani=  
ma sublimis deprimitur ad terram: teneat in=  
nocentiam: prosit quamplurimis: incor=  
ruptibiles sibi thesauros bonis operi=  
bus acquirat, ut possit Deo iudi=  
ce pro uirtutis suæ meritis  
uel coronam fidei, uel  
præmium immor=  
talitatis adi=  
pisci.

FINIS.

## L C O E L I I L A -

C T A N T I I F I R -  
M I A N I

## P H O E N I X.



**E**ST locus in primo felix oriēte remotus,  
 Quā patet æterni ianua celsa poli:  
 Nec tamē æstiuos, hyemisq; propinquus  
 ad ortus:

Sed quā soluerno fundit ab axe diem.

Illic planicies tractus diffundit apertos,

Nec tumulus crescit, nec caua uallis hiat.

Sed nostros montes, quorum iuga celsa putantur,

Per bis sex ulnas eminet ille locus.

Hic solis nemus est, & consitus arbore multa

Lucus, perpetuæ frondis honore uiret.

Cum Phaëthontæis flagrasset ab ignibus axis:

Ille locus flammis inuiolatus erat.

Et cum diluuium merisset fluctibus orbem,

Deucalionæas exuperauit aquas.

Non huc exangues morbi, non ægra senectus,

Nec mors crudelis, nec metus asper adit,

Nec scelus infandum, nec opum uesana cupido,

Aut Mars, aut ardens cædis amore furor:

Luctus acerbus abest, & egestas obsita pannis,

Et curæ insomnes, & uiolenta fames.

Non ibi tempestas, nec uis furit horrida uenti,

Nec gelido terram rore pruina tegit.

Nulla super campos tendit sua uellera nubes:

Nec cadit ex alto turbidus humor aquæ.

Q

Sed



Sed fons in medio est, quem uiuum nomine dicunt,  
Perspicuus, lenis, dulcibus uber aquis.  
Qui semel erumpens per singula tempora mensum,  
Duodecies undis irrigat omne nemus.  
Hic genus arboreum procero stipite surgens,  
Non lapsura solo mitia poma gerit.  
Hoc nemus, hos lucos auis incolit unica Phoenix,  
Vnica, sed uiuit morte resecta sua.  
Paret, & obsequitur Phœbo memoranda satellites,  
Hoc natura parens munus habere dedit.  
Lutca cum primum surgens aurora rubescit,  
Cum primum rosea sidera luce fugat,  
Ter quater illa pias immergit corpus in undas:  
Ter quater è uiuo gurgite libat aquam.  
Tollitur, ac summo confedit in arboris altæ  
Vertice, quæ totum despicit una nemus:  
Et conuersa nouos Phœbi nascentis ad ortus,  
Expectat radios, & iubar exoriens.  
Atq; ubi sol pepulit fulgentis limina portæ,  
Et primi emicuit luminis aura leuis:  
Incipit illa sacri modulamina fundere cantus,  
Et mira lucem uoce ciere nouam.  
Quam nec Iulæ uoces, nec tibia possit  
Musica Cyrrhæis assimilare modis.  
Sed neq; olor moriens imitari posse putatur,  
Nec Cyllenæ fila canora lyre.  
Postquam Phœbus equos in aperta refudit olympi,  
Atq; orbem totum protulit usque means:  
Illa ter alarum repetito uerbere plaudit  
Non errabilibus nocte dieq; sonis.  
Atq; eadem celeres etiam discriminat horas:

Ignis

Igniferumq; caput ter uenerata, silet.  
 Antistes nemorum, & luci ueneranda sacerdos,  
 Et sola arcanis conscia Phœbe tuis:  
 Quæ postquam uitæ iam mille peregerit annos,  
 Ac se reddiderint tempora longa grauem,  
 Vt reparet lassum spatij urgentibus æuum,  
 Assueti nemoris dulce cubile fugit:  
 Cumq; renascendi studio loca sancta reliquit,  
 Tunc petit hunc orbem, mors ubi regna tenet.  
 Dirigit in Syriam celeres longæua uolatus,  
 Phœnicis nomen cui dedit ipsa uetus.  
 Secretosq; petit deserta per auidæ lucos,  
 Hic ubi per saltus sylua remota latet.  
 Tum legit ærio sublimem uertice palmam,  
 Quæ gratum Phœnix ex aue nomen habet.  
 Quam nec dente nocens animal perrumpere possit,  
 Lubricus aut serpens, aut auis ulla rapax.  
 Tum uentos claudit pendentibus Aeolus antris,  
 Ne uiolent flabris æra purpureum,  
 Neu concreta Noto nubes per inania cœli  
 Summoueat radios solis, & obsit aui.  
 Construit inde sibi seu nidum, siue sepulchrum:  
 Nam perit, ut uiuat, se tamen ipsa creat.  
 Colligit hinc succos, & odores diuite sylua,  
 Quos legit Assyrius, quos opulentus Arabs,  
 Quos aut Pygmææ gentes, aut India carpit,  
 Aut molli generat terra Sabæa sinu.  
 Cinnama dehinc, auramq; procul spirantis amomæ  
 Congerit, & misto balsama cum folio.  
 Non Casiæ mitis, nec olentis uimen acanthi,  
 Nec thuris lacrymæ, guttaq; pinguis abest.

His addit teneras nardi pubentis aristas,  
 Et sociat myrrhæ pascua grata nimis.  
 Protinus in strato corpus mutabile nido,  
 Vitaliq; toro membra quæta locat.  
 Ore dehinc succos membris circumq; supraq;  
 Inijcit, exequijs immoritura suis.  
 Tunc inter uarios animam commendat odores,  
 Depositi tanti nec timet illa fidem.  
 Interea corpus genitali morte peremptum  
 Aëstuat, & flammæ parturit ipse calor,  
 Aërioq; procul de lumine concipit ignem,  
 Flagrat, & ambustum soluitur in cinerem.  
 Hos uelut in massam cineres in morte coactos  
 Conflat, & effectum seminis instar habet.  
 Hinc animal primum sine membris fertur oriri.  
 Sed fertur uermis lacteus esse color.  
 Creuit in immensum subito cum tempore certo,  
 Seq; oui teretis colligit in speciem.  
 Inde reformatur, qualis fuit antè figura,  
 Et Phœnix ruptis pullulat exuuijs.  
 Ac uelut agrestes, cum filo ad saxa tenentur,  
 Mutari pennæ papilione solent.  
 Non illi cibus est nostro concessus in orbe.  
 Nec cuiquam implumem pascere cura subest.  
 Ambrosios libat cœlesti nectare rores,  
 Stellifero teneri qui cecidere polo.  
 Hos legit, his medijs alitur in odoribus ales,  
 Donec maturam proferat effigiem.  
 Ast ubi primæua cœpit florere iuuenta,  
 Euolat ad primas iam reditura domos.  
 Antè tamen, proprio quicquid de corpore restat,

Ossaq;

Ossaq; uel cineres, exuiuasq; suas  
 Vngvine balsameo, myrrhaq;, & thure soluto  
 Condit, & in formam conglobat ore pio.  
 Quam pedibus gestans contendit solis ad ortus,  
 Inq; ara residens, ponit in æde sacra.  
 Mirandam sese præstat, præbetq; uidenti,  
 Tantus ibi decor est, tantus abundat honor.  
 Principio color est, qualis sub sydere cæli,  
 Mitia quem croceo punica grana legunt:  
 Qualis inest folijs, quæ fert agreste papauer,  
 Cum pendens uestit sole rubente polus.  
 Hoc humeri, pectusq; decens uelamine fulgent,  
 Hoc caput, hoc ceruix, summaq; terga nitent.  
 Caudaq; porrigitur fuluo distincta metallo,  
 In cuius maculis purpura mista rubet.  
 Clarum inter pennas insigne est desuper, Iris  
 Pingere ceu nubem desuper alta solet.  
 Albicat insignis misto uiridante smaragdo,  
 Et puro cornu gemma cuspis hiat.  
 Ingentes oculos credas, geminosq; hyacinthos,  
 Quorum de medio lucida flamma micat.  
 Aequatur toto capiti radiata corona,  
 Phœbei referens uerticis alta decus.  
 Crura tegunt squamæ flauo distincta metallo,  
 Ast unguis roseus pingit honore color.  
 Effigies inter Pauonis mista figuram  
 Cernitur, & mistam Phasidis inter auem.  
 Magniciem, terris Arabum quæ gignitur ales,  
 Vix æquare potest: seu fera, seu sit auis.  
 Non tamen est tarda, ut uolucres, quæ corpore magno  
 Incessus pigros per graue pondus habent.

Sed leuis, & uelox, regali plena decore,  
 Talis in aspectu se exhibet usq; hominum.  
 Conuenit Aegyptus tanti ad miracula uisus,  
 Et raram uolucrem turba salutat ouans.  
 Protinus in scalpunt sacrato in marmore formam,  
 Et signat titulo remq; diemq; nouo.  
 Contrahit in coctum sese genus omne uolantum.  
 Nec praeda memor est ulla, nec ulla metus.  
 Alituum stipata choro uolat illa per altum,  
 Turbaq; prosequitur munere lata pio.  
 Sed postquam puri peruenit ad ætheris auras,  
 Mox redit ista, suis conditur ille locis.  
 Hæc fortunatæ sortis, fatiq; uolucris,  
 Cui de se nasci præstitit ipse Deus.  
 Fœmina, uel mas hæc, uel neutrum fit mage, felix,  
 Felix, quæ Veneris fœdera nulla colit.  
 Mors illi Venus est, sola est in morte uoluptas,  
 Vt possit nasci, hæc appetit antè mori.  
 Ipsa sibi proles, suus est pater, & suus hæres,  
 Nutrix ipsa sui, semper alumna sibi.  
 Ipsa quidem, sed non eadem, quia & ipsa, nec ipsa est,  
 Aeternam uitam mortis adepta bono.

EIVSDEM DE RESVRRECTIONIS  
 DOMINICAE DIE.

**S** Alue festa dies, toto uenerabilis æuo,  
 Qua Deus infernum uicit, & astra tenet.  
 Tempora florigero rutilant distincta sereno,  
 Et maiore poli lumine porta patet.  
 Altius igniuomum solem cœli orbita ducit,  
 Qui uagus oceanas exit, & intrat aquas:  
 Armatus radijs elementa liquentia lustrans,

Hac in nocte breui tendit in orbe diem.  
 Splendida syncero producunt æthera uultu:  
 Lætitiâq; suam sydera clara probant.  
 Terra serax uario fundit munuscula cultu,  
 Cum bene uernarit, reddit & annus opes.  
 Mollia purpureum pingunt uiolaria campum:  
 Prata uirent herbis: & micat herba comis.  
 Paulatim subeunt stellantia lumina florum:  
 Floribus arrident gramina cuncta suis.  
 Semine deposito late seges exilit aruis,  
 Spondens agricolæ uincere posse famem.  
 Caudice deserto, lacrymat sua gaudia palmes:  
 Vnde merum tribuat, dat modo uitis aquam.  
 Cortice de matris tenera lanugine surgens  
 Præparat ad partum turgida gemma sinum.  
 Subq; hyemis tempus foliorum crine refuso,  
 Iam reparat uiridans frondea tecta nemus.  
 Mistâ salix, abies, corylus, siler, ulmus, acer, nux,  
 Plaudit quæq; suis arbor amœna comis.  
 Constructura fauos apis hinc aluearia linquens,  
 Floribus instrepitans poplite mella rapit.  
 Ad cantus reuocatur auis, quæ carmine clauso  
 Pigrior hyberno frigore muta fuit.  
 Hinc Philomela suis attemperat organa cannis:  
 Fitq; percussio dulcior aura melo.  
 Ecce renascentis testatur gratia mundi,  
 Omnia cum domino dona redisse suo.  
 Nanq; triumphanti post tristia tartara Christo  
 Vndiq; fronde nemus, gramina flore fauent.  
 Legibus inferni oppressis, super astra meantem  
 Laudant rite Deum lux, polus, arua fretum.

Qui crucifixus erat Deus ecce per omnia regnat:  
 Dantq; creatori cuncta creata precem.  
 Mobilitas anni, mensum, lux alma dierum,  
 Horarum splendor, stridula cuncta fauent.  
 Hinc tibi sylua comis, plaudit quoq; campus aristis:  
 Hinc grates tacito palmitē uitis agit.  
 Hinc tibi nunc auium resonant uirgulta susurro:  
 Has inter nimio passer amore canit.  
 Christe salus rerum, bone conditor, atq; redemptor,  
 Vnica progenies ex deitate patris,  
 Irrecitabiliter manans de corde parentis,  
 Verbum subsistens, et patris ore potens,  
 Aequalis, concors, socius, cum patre coæuus,  
 Quo sumpsit mundus principe principium:  
 Aethera suspendis, sola congeris, æquora fundis,  
 Quæq; locis habitant, quæ moderata uigent.  
 Qui genus humanum cernensmersum esse profundo:  
 Ut hominem eriperes, es quoq; factus homo.  
 Nec nostro tantum uoluisti ē corpore nasci,  
 Sed caro, quæ nasci pertulit, atque mori.  
 Funeris exequias patris nouus autor, et orbis,  
 Intra mortis iter dando salutis opem.  
 Tristia cessarunt infernæ uincula legis:  
 Expauitq; chaos luminis ore premi.  
 Depereunt tenebræ Christi fulgore fugatæ:  
 Aeternæ noctis pallia crassa cadunt.  
 Sollicitam sed redde fidem, precor, alma potestas.  
 Tertia lux redijt, surge sepulte meus.  
 Non decet, ut uili tumulto tua membra tegantur:  
 Non pretium mundi uilia saxa premant.  
 Indignum est, cuius clauduntur cuncta pugillo,



Vt tegat inclusum rupe uetante lapis.  
Lintea tolle precor: sudaria linque sepulchro:  
Tu satis es nobis, & sine te nihil est.  
Solue cathenatas inferni carceris umbras,  
Et reuoca sursum quicquid ad ima ruit.  
Redde tuam faciem, uideant ut secula lumen:  
Redde diem, qui nos, te moriente, fugit.  
Sed plane implesti remeans pie uictor olympum.  
Tartara pressa iacent, nec sua iura tenent.  
Inferus insaturabiliter caua guttura pandens,  
Qui raperet semper, fit tua præda deus.  
Eripis innumerum populum de carcere mortis:  
Et sequitur liber, quò suus autor abis.  
Euomit absorptam pauide fera bellua plebem,  
Et de fauce lupi subtrahit agnus oues.  
Hinc tumulum repetens post tartara carne resumpta  
Belliger ad cœlos ampla trophæa refers.  
Quos habuit pœnale chaos, iam reddidit iste,  
Et quos mors peteret, hos noua uita tenet.  
Rex sacer ecce tui radiat pars magna trophæi,  
Cum puras animas sacra lauacra beant.  
Candidus egreditur nitidis exercitus undis,  
Atq; uetus uitium purgat in anne nouo.  
Fulgentes animas uestis quoq; candida signat,  
Et grege de niueo gaudia pastor habet.  
Additur hac felix concors mercede sacerdos,  
Qui dare uult domino dupla talenta suo.  
Ad meliora trahens gentili errore uagantes,  
Bestia ne raperet, munit ouile Dei.  
Quos prius Eua nocens infecerat, hos modo reddit  
Ecclesiæ pastor ubere lacte sinu.

## LACTANTII FIRMIANI CARMEN

De Passione Domini, quod in uetustis exempla-  
ribus inuenimus, hic addendum  
curauimus.

**Q** Visquis ades, medijsq; subis in limina templi,  
Siste parum, insontemq; tuo pro crimine passum,  
Respice me, me conde animo, me in pectore serua.  
Ille ego, qui casus hominum miseratus acerbos,  
Huc ueni, pacis promissæ interpretes, et ampla  
Communis culpæ uenia, hic clarissima ab alto  
Reddita lux terris, hic alma salutis imago,  
Hic tibi sum requies, uia recta, redemptio uera,  
Vexillumq; dei, signum et memorabile fari.  
Te propter, uitamq; tuam sum Virginis aluum  
Ingressus, sum factus homo, atq; horrentia passus  
Funera, nec requiem terrarum in sinibus usquam  
Inueni, sed ubiq; minas, sed ubiq; labores.  
Horrida prima mihi in terris magalia Iudæ  
Hospitia in partu, sociæq; fuere parenti.  
Hic mihi fusa dedit bruta inter inertia primum  
Arida in angustis præsepibus herba cubile.  
In Pharijs primos uixi regionibus annos  
Herodis regno profugus, reliquosq; reuersus  
Iudæam, semper ieiunia, semper et ipsam  
Paupericem extremam, et rerum inferiora secutus,  
Semper egens monitis humana salubribus almæ  
Ingenia ad studium probitatis aperta salubri  
Plurima doctrinæ iniungens miracula, quare  
Impia Hierusalem rabidis exercita curis  
Inuidiæ seuisq; odijs, et cæca furore,

In fonti

In fonti est pœnis letalibus ausa cruentam  
 In cruce terribili mortem mihi quærere. quæ si  
 Latius ipse uelim distinguere, siq; per omnes  
 Ire iuuet gemitus, mecum & sentire dolores,  
 Collige consilia, insidias ue, mei q; nefandum  
 Sanguinis innocui pretium, & simulata clientis  
 Oscula, & insultus, & sæuæ iurgia turbæ.  
 Verbera præterea, & promptas ad crimina linguas,  
 Fige animo, & testes, & cæci infanda Pilati  
 Iudicia, ingentem q; humeros, & fessa prementem  
 Terga crucem, atq; graues horrenda ad funera gressus.  
 Nunc me nunc uero desertum extrema secutum  
 Supplicia, & dulci procul à genitrice leuatum  
 Vertice ad usq; pedes me lustra. en aspice crines  
 Sanguine concretos, & sanguinolenta sub ipsis  
 Colla comis, spinis q; caput crudelibus haustum  
 Vndiq; diua pluens uiuum super ora cruorem,  
 Compressos speculari oculos, & luce carentes,  
 Afflictas q; genas, arentem suspice linguam  
 Felle uenenatam, & pallentes funere uultus.  
 Cerne manus clauis fixas, tractos q; lacertos,  
 Atq; ingens lateri uulnus, cerne inde fluorem  
 Sanguineum, fossos q; pedes, artus q; cruentos.  
 Flecte genu, lignum q; crucis uenerabile adora  
 Flebilis, innocuo terram q; cruore madentem  
 Ore petens humili, lacrymis suffunde subortis,  
 Et me nonnunquam deuoto in corde, meos q;  
 Fer monitus. Sectare meæ uestigia uitæ,  
 Ipsa q; supplicia inspiciens, mortem q; seueram  
 Corporis innumeros memorans, animi q; dolores,  
 Disce aduersa pati, & propriæ inuigilare saluti.

Hæc

Hæc monimenta tibi, si quando in mente iuuabit  
 Voluere, si qua fides animo tibi ferre meorum  
 Debita, si pietas, & gratia digna laborum  
 Surget, erunt uere stimuli uirtutis, eruntq;  
 Hostis in insidias clypei, quibus acer in omni  
 Tutus eris, uictorq; seres certamine palmam.  
 Hæc monimenta tuos si labilis orbis amicos  
 Auertent sensus, fugiente decoris ab umbra  
 Mundani efficient, ne spe captatus inani  
 Mobilis occiduis fortunæ fidere rebus  
 Auferis, aut uitæ spectare fugacibus annis,  
 Sed te nimirum, sic ista caduca uidentem,  
 Secula, & exutum patriæ melioris amore  
 Orbis opes, rerumq; usus, & uota priorum,  
 Moribus extollens sacris, uitæq; beatæ  
 Spe, duras inter pœnas, te rore fouebunt  
 Cœlesti, pactiq; boni dulcedine pascent.  
 Purpuream donec post ultima fata relicto  
 Corpore, sublimes animam reuocabit ad auras.  
 Gratia magna tibi tunc omnem exuta laborem,  
 Angelicos tunc læta choros, aciesq; beatas  
 Sanctorum inspicies: æternæ pacis amœna  
 Perpetuo felix tecum regnabit in aula.

INTERPRETATIO DICTIO=  
num Græcarum, quæ in Lactantio reperiuntur,  
de uerbo ad uerbum facta: idq; ut rudium  
tyrocinio consulatur: recensens  
te, emendanteq; Marco  
Masuro.

Pagina 16. Πρωτόγονος φαῖθων, &c.

Principio genitus Phaëthon longo aëre natus.

Pag. 17. Ἐκλήσεν ἄθα. &c.

Condidit immortalibus domum incorruptibilem.

Pag. 21. Ο ὃς θεὸς εἷς, &c.

Deus autem unus, unus autem nomine non eget. est enim  
qui est sine nomine.

Εἷς θεὸς ὁ μόνος, &c.

Vnus Deus, qui solus est excedens omnem magnitudinem  
in creatus.

Αλλὰ θεὸς μόνος, &c.

Sed Deus solus unus eminentissimus, qui fecit

Cœlum, solemq; & stellas, & lunam,

Fructiferamq; terram, & aquæ maris fluctus.

Pag. 24. Αὐτὸν ἄν μόνον, &c.

Ipsam, qui solus est, colite principem mundi.

Qui solus est in seculum, atq; à seculo fuit.

Εἷς μόνος ὁ μὴ, &c.

Solus enim Deus sum, & non est Deus alius.

Αὐτοφύως ἀδιδρακτός, &c.

Ex se ortus non edoctus sine matre, inconcussus,

Nomen ne uerbo quidem capiendum, in igne habitans.

Hoc Deus est. modica autem Dei portio angeli nos.

Pag. 25. Πάνσοφτε παντοῖα, &c.

Omnia

Omnia sapiens omnia docte, qui per cuncta uersaris ex-  
audi daemon.

Pag. 26. Ἀρμονίη κόσμου, &c.

Concentus mundi, lucifer, & sapiens daemon.

Δαίμονες οἱ ποιτῶσ, &c.

Dæmones qui uentitant circa terram, & circa pontum  
Indefessi, domantur sub flagello Dei.

Ἀποφυῖς, Ex se ortus, uel ex se ingeniosus.

Ἀπογενῖς, Ex se genitus.

Ἀγένητος, Ingenitus.

Ἀσθενῖτος, Non factus.

Pag. 27. Οὐδὲνατ' οὐδὲς, &c.

Non potest ex uiri semine & matrice Deus formatus  
esse.

Pag. 39 Δαίμονας ἀψύχους, &c.

Dæmones inanimes cadauerum simulachra mortuorum,  
Quorum Creta in iactantiam sepulchra misera habet.

Pag. 43. Πρῶτος μὲν ἀναστη, &c.

Primus quidem regnator erat terrestrium Saturnus ui-  
rorum.

Ex Saturno autem genitus est ipse rex magnus, & late  
cuncta intucns Iupiter.

Pag. 50. Εμὰς δὲ τὴν πείριθας, &c.

Græcia quid confidis in uiros principes?

Ad quid dona inania mortuis dedicas?

Immolas idolis, quis tibi in mentem errorem imposuit,

Vt hæc perficias magni Dei ore Relicto?

Pag. 68. Καὶ κεφαλὰς, &c.

Et capita Saturno, & patri mittite lumina, seu hominē.

Pag. 77. Εξηγήσεως πινδαρχίης,

Expositionis Pindaricæ.

Pag.

Pag. 123. Εἰκὼν ἵστ' ἀνθρώπου, &c.

Imago est homo mea rationem rectam habens.

Pag. 129. ὁς μόνος ἐστὶ θεός, &c.

Qui solus est Deus creator inuictus existens.

Ipsē autem firmavit figuram formæ, hominumq̃.

Ipsē miscuit naturam omnium generationis uitæ.

Pag. 132. Οἱ ὃ θεὸν πρῶντες, &c.

Qui autem Deum honorant uerum, sempiternam utique

Vitam hereditario iure possident, per seculi tempus ipsi

Habitanτες paradysum æquē per amœnum hortum.

ἀνθρώπων πεπλάσθαι, &c.

Hominem formatum esse Dei manibus.

Quem etiam seduxit serpens dolose, ut ad fatū accederet

Mortis, notionemq̃ acciperet boni, & mali.

Pag. 136. Τοὶ μὲν δαίμονες, &c.

Id quidē demones sunt Iouis magni propter uoluntatem

Boni terrestres custodes mortalium hominum.

Pag. 137. Μία, inquit, φυλακὴ εὐσέβεια, &c.

Vna, inquit, custodia pietas. piū enim hominem nec dæ-

mon malus, nec fatum tenet. nam Deus liberat piū ab

omni malo. quod enim unum, & solum in hominibus bon-

um est pietas.

Ἡ γὰρ εὐσέβεια γνώσις ἐστὶ θεῶ.

Pietas enim notitia est dei.

Pag. 138. Ἀγγέλους πονηροὺς. Angelos malignos.

—Επεὶ πλάνη πάντα, &c.

Quia error hæc omnia sunt,

Quæ stulti homines scrutantur quotidie.

Pag. 227. Ο κύριος καὶ τῶν πάντων ποιητής, &c.

Dominus, atque omnium creator, quem Deū uocare cen-

semus, quia secundum Deum fecit uisibilem, & sensibi-

lem



lem . Sensibilem autem assero , non ideo quia ipse sentit  
(hoc enim non est, utrum ipse sentiat) sed quia ipse in sen-  
sum mittit, & mentem. Quoniam ergo hunc fecit primū  
& solum & unum. pulcher autem ei uisus est, & plenif-  
simus omnium bonorum, sanctificauit q̄, & amauit quasi  
propriū filium.

Πατὴρ ὅρων κτίσιν, &c.

Omnium nutritorem, creatoremq̄, qui dulcem spiritum  
omnibus

Apposuit, ac principem omnium deorum fecit.

Αὐτὸν ἰδῶκε, &c.

Eum dedit Deus fidelibus uiris honorare.

Αὐτὸν σὶδῶκε, &c.

Ipsū tuum cognosce Deum, qui Dci filius est.

Διμιτρηδὸν το θεῶ Opificem Dei.

Σύμβουλον Consiliarium.

Pag. 229. Αἰτία ὃ καὶ, &c.

Causa autem huius causæ est diuini boni uoluntas, cuius  
nomen non potest humano ore dici.

Εστὶ γὰρ τις ὃ τέκνον, &c.

Est enim fili secretus quidam sermo sapientiæ sanctus de  
solo domino, quem dicere supra hominem est.

Αὐτὸς ὃ διμῶαι, &c.

Eos autem famulæ lauerunt, & unxerunt oleo.

Pag. 230. Ἀπὸ το ἀλείφειν. Ab ungendo.

Pag. 231. Αὐτοπατέρα, καὶ αὐτομήτρα.

Ipsū sui patrem, & ipsū matrem sui.

Pag. 243. Θνητὸς ἦεν κατὰ σάρκα, &c.

Mortalis erat secundum carnem, sapiens portentificis  
operibus:

Sed sub iudicibus Chaldaeis armis comprehensus

Clauis

Clavis, & cruce amarum tolerauit finem.

Pag. 244. ἀνθήσει δὲ ἄνθος καθαρόν.

Florescet autem flos purus.

Pag. 249. πάντα λόγῳ &c.

Omnia uerbo agens, omnem infirmitatem curans.

Pag. 250. — νεκρῶν δὲ ἀνάστασις Ἰησοῦ &c.

Mortuorum autem resurrectio erit,

Et claudorum cursus erit uelox, & surdus audiet,

Cæci uidebunt, & mortui loquentur.

ἢ ἄρτοισι ἅμα πέντε &c.

In panibus simul quinque, & piscibus duobus

Hominum millia in deserto quinque satiabit,

Et reliquias tollens post fragmenta omnia

Duodecim cophinos implebit in spem multorum.

Pag. 251. τοὺς ἀνέμους παύσει &c.

Ventos compescet, sternet autem mare

Insanum pedibus pacis, fideq; calcatum.

κύματα πείσει &c.

Fluctus perambulabit, morbos hominum resoluet,

Viuificabit mortuos, arcebit dolores multis.

Ex uiuo autem fonte panis, satietas erit uiris.

Pag. 252. — φήσουσι σβύλλην &c.

Dicent uatem

Insanam & mēdacem. cum autem facta fuerint uniuersa,

Tum mei memineritis: neque me iam quisquam

Mendacem dicet Dei magni prophetam.

Pag. 255. οἰκτρός, ἄπνους &c.

Miserabilis, ignominiosus, informis, ut miserabilibus  
spem præbeat.

Pag. 256. ὡς ὅτε ταῦτ' ἄρ' &c.

Sed quando hæc omnia perfecta erunt, quæ dixi,

R

In

In ipsum omnis lex soluetur.

Pag. 260. εἰς ἀνόμων χᾶρας &c.

In manus iniquorum, & infidelium postea ueniet.

Dabunt ei alapas manibus incestis,

Et faucibus immundis expuent saluas uirulentas.

Dabit autē in uerba simpliciter innocens tunc dorsum.

καὶ καταφύσκει &c.

Et colaphos accipiens tacebit, nequis agnoscat

Quod uerbum, & unde uenit, ut mortuis loquatur,

Et coronam portabit spineam.

Pag. 261. εἰς δὲ τὸ ἐσθῆμα &c.

In cibum autem fel, in sitim acetum dabunt,

Inhospitalitatis hanc monstrabunt mensam.

αὐτὴ γὰρ οὐ ἀφ᾽ ὧν &c.

Ipsa enim stulta Deum tuum non cognouisti,

Ludentem inter mortales cogitationes. sed & spinis

Coronasti corona, horridumq; fel miscuisti.

Pag. 263. καὶ δὲ χιθῶνι &c.

Templi uero scindetur uelum, & medio die

Nox erit tenebrosa ingens tribus horis.

Pag. 264. καὶ θανάτου μοῖ &c.

Mortis fatum finiet triduum sopitus,

Et tunc a mortuis egressus in lucem ueniet,

Primus resurrectionis uocatis initium ostendens,

Vitam enim nobis acquisiuit morte superata.

Pag. 266. ἰουδαίων μακάριον &c.

Iudeorum beatum diuinum genus cœlestium.

Pag. 461. καὶ τὸ αὐτὸ ἐξ ἀμφοτέρων φύσεων &c.

Et idem ex utraq; natura immortalī, atq; mortali unā fa-

ciebat naturā hominis, eundem partim immortalem, par-

tim mortalem faciēs, & hunc ferens in medio diuinæ, &

immor

immortalis nature, & mortalis, mutabilisq; collocavit, ut  
omnia uidens, omnia miraretur.

† υχὴ μὲν μέχρι οὗ δεισμοῖς &c.

Anima quidem quoad uinculis corporeis tenetur,  
Corruptibiles passiões sētiēs, mortalibus cedit doloribus.  
Cum uero humanam solutionem uelocissimam,  
Post corruptū corpus inuenerit, omnis in æthera fertur,  
Nunquam senescens, & manet in totum, indomita.  
Primogenita enim hoc diuina disposuit prouidentia.

Pag. 469. σάλπιγξ οὐρανόθεν &c.

Tuba de cælo uocem luctuosam emittet.

Pag. 470. ἴσσυ κόσμῳ &c.

Erit mundus immundus pereuntibus hominibus.

Pag. 472. ἐπ' ἃρ δὲ ταῦτα ὧδε γένηται &c.

Cum hæc ita facta fuerint ὁ Asclepi, tunc dominus, & pa-  
ter, & Deus, & primū, & unius Dei creator, respiciens  
quæ facta sunt, & sua uoluntate cum bonum obicisset te  
meritati, & errore reuocato, malitiāq; purgata. Partim  
aqua nimia diluens, partim igne rapido cremans, inter-  
dum bellis, et pestilentijs extergens, ad statum pristinum  
perduxit, & restituit suum mundum.

ἔξαι καὶ μακάρων &c.

Veniet & beatorum uolens urbem expugnare:

Et quidam à Deo missus rex ad suos,

Omnes perdet reges magnos, & uiros optimos:

Et sic iudicabitur ab immortalī hominibus.

Pag. 473. καὶ τότε ἀπ' ἡλίου &c.

Tunc ex sole Deus mittet regem

Qui omnem terram placabit à bello malo.

—ἡμετέρας δουλείας &c.

Nostra seruitutis

Iugum intolerabile in collo positum tollet,  
Et leges impias soluet, uinculaq; uiolenta.

— ὁπποῦτ' ἄρ' ἔλθῃ ὅς.

Cum ueniet,

Ignis erit, tenebrae q; in media nocte obscura.

Pag. 474. πῦρ καὶ σκότος ἐν μέσῳ τῆς νυκτός.

Conterent autem simulachra homines, et diuitias omnes.

ἑστῶτα δὲ χεῖρας ἀνθρώπων καὶ πλούτια πάντα.

Opera autem Deorum humanis manibus facta exurētur.

ὅπποῦτε καὶ τὰ ἔργα τῶν θεῶν.

Cum autem dies iste finem fatalem acceperit, et ad mortales

Iudicium immortalis Dei uenerit,

Veniet super homines magnum iudicium, et initium.

Pag. 475. τὰς ἐκτελέσεις δὲ τῶν κρίσεων.

Tartareum autem chaos ostendet terra dehiscens.

Venient autem ad tribunal Dei reges omnes.

οἱ βασιλεῖς πάντες ἐκτελέσεις καὶ κρίσεις.

Caelum uoluens terrae latebras aperiā,

Et tunc exuscitabo mortuos fatum soluens,

Et stimulum mortis, postea q; in iudicium ducam

Iudicans piorum, atq; impiorum uitam uirorum.

Pag. 481. πῦρ καὶ σκότος ἐν μέσῳ τῆς νυκτός.

Quod cum ita sit, apparet non esse impossibile, et nos cum uitam finierimus, rursus uertiginibus certis temporis reuolutis, in hunc statum, in quo nunc sumus, restitutum iri.

ἀδύνατον γὰρ ἂν ἦν μετὰ τὴν κρίσιν ἡ ἀνάστασις.

Etenim durum ad credendum omne hominum genus: sed cum iam

Mundi, et mortalium uenerit iudicium, quod Deus ipse

ipse

Faciet, iudicans impios simul & pios,  
Tunc demum impios quidem in tenebras in igne mittet:  
Qui autem pietatem colunt, iterum uiuent in terra,  
Spiritus Deo dante, honorem simul, & uitam ipsis.

πάσους γὰρ γούνης &c.

Totius enim terræ mortalium confusio tunc erit,  
Et ipse omnipotens cum uenerit tribunali iudicare  
Viuiorum, mortuorumq; animas, et mundum uniuersum.

Pag. 482. κλύτε δέμου &c.

Audite me homines: rex sempiternus dominatur.

καὶ πόλιν, ἥν ἐποίησε &c.

Vrbem, quam fecit Deus, eam fecit  
Clariorem astris, atq; Sole, Lunaq;.

Pag. 483. διδὲ λύκῳ σὺν ἄρνει &c.

Et tunc lupi cum agnis in montibus uersabuntur,  
Herbamq; lynces pariter cum hœdis pascuntur,  
Vrsi cum uitulis simul omnibusq; pecoribus:  
Carniuorans leo comedet paleas ad præsepia:  
Cum infantibus dracones matrum orbis dormient.

Pag. 484. καὶ τότε δὲ χαρὰν μεγάλην &c.

Tunc gaudium magnum Deus dabit hominibus:  
Nā & terra, & arbores, & innumerabilia terræ pecora  
Dabunt fructum uerum hominibus,  
Vini, & mellis dulcissimi, & candidi lactis,  
Atq; tritici: quod est hominibus optimum omnium.  
ὅσοι βίωσι δὲ μόνων &c.

Piorum autem solum sancta terra omnia hæc feret,  
Fluente mellis de petra, atque de fonte,  
Et lac immortalitatis manabit omnibus iustis.

Pag. 833. ἀφθαρτὸν κτίσῃς &c.

Incorruptibilis, & conditor æternus in æthere habitans.  
Bonis bonum præferens multo maiorem mercedem.  
Malis autem, & iram, & iniustis furorem colligens.

Pag. 836. φεύγε δὲ λατρείας &c.

Fuge sceleratas religiones, & uiuo Deo famulare:  
Adulteria caue, & masculi insanum cubile:  
Propriam generationem filiorum nutrias, & ne occidas.  
Etenim ei immortalis succensabit qui peccarit.

ἐρχόμενος ὀργῆς μεγάλης &c.

Veniente ira magna ad mundum pertinacem  
Postremum ad seculum Dei edicta pando  
Omnibus prædicens oppidatim hominibus.

Ἐξ οὗ μνησταντὸς &c.

Ex quo irato super cœlesti Deo  
Ipsis urbibus, & hominibus cunctis,  
Terram cooperuit mare diluuiio rupto.

καὶ τότε τὸν ὀργῆς θεὸν &c.

Et tunc Deum iram non amplius placantem,  
Sed aggrauantem, & perdentem genus  
Hominum, ac totum id incendio depopulantem.

Pag. 537. ὡς ἴλεε μετὰ δεξιᾶς &c.

Sed misericordia conuertimini homines nunc, neq; ad irā  
Variam ducite Deum magnum.

οὐκ ὀλίσσῃ, πάντες &c.

Neque perdet, sedabit autem iterum iram, cum omnes  
Pietatem ex animo in præcordijs exercueritis.

μήποτε θυμῶθεϊς οὐδὲς &c.

Ne forte iratus incorruptibilis Deus  
Omne genus hominū perdat uitam, & gentem improbā,  
Cportet genitorem Deum amare, qui sapiēs semper est.

Pag. 538. ἡ δὲ θεὸν βασιλῆα &c.



# INDEX

Et Deum regem, & genitorem omnium,  
 Quem terra contremiscit cœlumq; & mare,  
 Et latebræ tartaræ, & dæmones abhorrescunt.

## INDEX VERBORVM, AC RE- rum, quæ in hoc opere habentur.

### A

<b>A</b> Bortus	379	Adulterium Martis, & Ve-	
Academia	155	neris	31
Academiæ Arcefilas condi-		Adulterium contra natu-	
tor	152	ram	32
Academici non credūt	157	Aëris amplitudo	16
Academicorum ignorantia		Aër conceptus ore, de ferue-	
154. 156.		factus in pulmone, tepefa-	
Academicorum incerta	19	ctus in corde, diffusus in	
Academici liberi	111	corpus anima est	379
Academia Philosophiæ iu-		Aër de quo Deus ortus	16
gulatrix	436	Aëris receptaculum	367
Academici, et Socrates	150	Aër uerberatus uox	374
Accius Nauius	105	Aeacus	478
Accusare	407	Aegæum mare	41
Acesta urbs	178	Aeger delirans	188. 306
Acestes	78	Aegyptus	20
Achilles	78	Aegyptus aër	134
Acies	362	Aegyptiorum anni	133
Adam	441	Aegyptiorum Dij, & ri-	
Adulatio	395	tus	65. 134. 198. 134.
Adulter	45. 398	343	
Adulteria	415	Aegyptus, & lō bos	35

R, 4      Aeg

# I N D E X.

Aegyptus, & Isis	49.70	Africanus Ennij	59
Aegyptia ludæorum scrui-		Agamemnon	78
tus, & liberatio	134.465	Agathocles	69
Aegyptus, & res frumenta-		Agésilæus Fluto	37
ria	465	Aglaosthenes	42
Aegyptiorum regnū	467	Aiax	78
Aeneas	49.56.78	Albunea Sibylla	23
Aeolicū genus sermonis	191	Alcibiades	196
Aether	42	Alcmena	28
Aether Deus summus	18	Alexander	107
Aesculapius	48.93	Alexandri atas	146
Aesculapius in cælo	21	Amazon	29
Aesculapius Epidauri	106	Amalech	257
Aesculapio gallus immolan-		Amalthea Sibylla	22
dus	190	Amphion	51
Aesculapij lucus	107	Amphitryo	32
Aesculapius medicus	57	Anacharsis	207
Aesculapius Messenius	30	Anaximenes	18
Aesculapij mors	30	Anchises	49.56
Aesculapij ortus	30	Ancyra	23
Aestas	120.127	Angeli spiritus	
Acternum	431.455.578	Angelorum metus	476
Aeternitas	43	Anniceris	207
Aetna	70.190	Anima	122.130.131.456
Affectus	14.385.390.391.		458.459.522
	72.396.404.591.542	Anima, & animus	579
Affectus tres, ut furiae	591	Animus	83.169.350.
Affectuum humanitas	397		434
Affectuum loci	391.574	Anima ac̄r	579
Affectuum ratio	497.529	Animi bona	550
Affectuum usus	393	Animi bōa, et corporis	439
		Ani	

# I N D E X.

Animæ & Dei similitudo	paratio	460.461	
379	Animum summo sopiri	380	
Anima à Deo	381	Anima uentus	378
Anima harmonia	462.377	Animalium brutorum mu-	
Animus humanus solus uir	nimenta	435.543	
tutis capax	453	Animalium brutorum or-	
Anima ignis	131.377	tus	28.127
Anima immortalis	188.	Animalium brutorum sen-	
83.190.193.447.451.	sus	405	
454.457.470.530.	Animalium brutorum usus		
601.603	518		
Animi immobilitas	397	Anio fluuius	37
Anima incolumi mens ex	Annales Pisonis	22	
tincta	380	Annales Saniorum	22
Anima & lumen	378	Annibal	141
Animas à magis uideri	462	Annis mille post commune	
Animarum migratio	460	iudiciũ qd accidet	481
Anima mortalis	373.447	Annorum nomina	360
Animam morte sopiri	379	Antichristus	474.606
Animi officium	88	Antipodes	203
Animi opera	454.455	Antisthenes	18
Animæ ortus	130.190	Antonius M.	37
Anima patibilis	475	Antonius M. Cos.	52
Animæ periculum	419	Anton. M. sceleratus Deum	
Animum quietem non ca-	Iulium Casarem appel-		
pere	525	lat	52
Animus rector	511	Apes	165.502
Animorũ resurrectio	463.	Apes ad os Iouis pueri	77
480.486	Apis bouis caput	234	
Anima sanguis	378	Apollo	50
Animæ non solutio, sed se-	Apollo Aesculapij pater	30	
	R 5	Apol	

# I N D E X.

Apollo Deus maiorum gen- tium	31	Aquila in capite Iouis	42
Apollo Dei minister	25	Aquila Ganymedis	35
Apollo Delphicus	52	Aquila regnū portendit	42
Apollo flagitiosus	30	Arabia	134
Apollo harmonia mūdi	25	Arabia Chanaam	134
Apollo homo	25	Aratus	42
Apollo Milesius	243	Arcefilas	152.154
Apollo Smyntheus	25	Archimedes	98
Apollinis uates	281	Architectus	354
Apollodorus Erythræus		Archita Tarētinus	329
22.335		Arcopagite	296
Apollonius	296	Argi mors	20
Apostata	187	Argonautæ	16.30.77
Appius	402	Argumenta certorū, & incertorum	498
Appius Claud. Cæcus	106	Argumentationum consecu- tiones	54.62
Apulcius	296	Argumētū retrouersum	54
Aqua Deus	100	Argus	20
Aqua, & igni exulibus in- terdici	122	Ariadna	29
Aquæ interitus	424	Aristides	193
Aqua, ex qua orta, & for- mata omnia	18	Aristippus	157.181
Aqua pecudum	100.122	Aristo Chius	335
Aquæ rores	508	Aristophanes	295
Aqua stagnans	397	Aristoteles	157.295.
Aquæ vitreus orbis plenus		323.513.	
508		Aristoteles cum Peripateti- cis	515
Aquæ uitia	605	Aristoteles secum ipse dissi- det	19
Aquæ usus	100	Arma	552
Aquila in auspiciū	42	Artes	

# INDEX.

Artes	153.160	Atomorum semina	187.
Artorius medicus	107	506.510	
Ascēsus I E S V in cœlum		Atticus T.	51.63
266		Avaritia	691.542
Asclepiades	435	Auentinus mons	48
Asclepius	422	Auguria	106
Asellus humana uoce	71	Augur Actius	105
Aselli mors	71	Augusti castra capta	107
Asellus Priapo uictima	70	Augusti medicus	108.109
Aselli stellæ	71	Aulatia	42
Asia	24	Aures	555.559
Asiæ iperitū	466.468.605	Aures plus q̄ oculi	164
Assumptiones	100	Aureum aniculum Iouis	
Aſſyriorum, & Babylonio		Olympij	93
rum Belus Deus	78	Aurea barba Aesculapij	93
Aſſyriorum regnum	467	Aureum caput bouis	234
Astra	582	Aurea columna	37
Astra animalia	99	Aureus imber	35
Astra Dij	97.98	Aureum seculum	40.
Astrorum motus	98.204	241.306.301.417.	
Astra si starent	98	Auses Iesus Naue	259
Astrorum usus	517	Auspicia	105
Astrologia	138.206	Autolycus	78
Aſylum Romuli	104	Autumnus	120
Atabyrius Iupiter	77	B	
Athenienses	195	Babylonia	13
Atheniensem esse	195	Babyloniorum, & Aſſyrio	
Athenienses Martem ab=		rum Belus Deus	78
soluunt	31	Babylonius rex	227
Atheniēſis Mincrua	49	Babylonjæ ſeruitus Iudeo	
Atlas	41	rum	227.235
		Baptismus	

# INDEX.

Baptismus	439	L. Cæsar	52
C. Bassus	76	Cæsar Augustus	107
Beatus	440	C. Cæsar pōtifex. Max.	21
Beati, & miseri	434	Cæsares consecrati	49
Bebius Cos.	75	Callidus	157
Bellicæ rei præcepta in offi		Calliphon	157
cijs	366	Calor	121
Bellona uirtus	69	Calor uitalis	130
Bellū Ciuile Brutianū	107	Canina faciūdia Ciceronis	
Bella pro fœminis	199	402	
Bellum Iouis cū Titanibus		Canino lacte nutritus Aes-	
2. 32. 42. 47.		sculapius	30
Bellum Latinum	105	Capella Amaltheæ	72
Bellum Macedonicum	106	Capitolium	40. 65
Bellum Punicum	467	Capitolium conflagrassè	186
Bellum Troianū	226. 232	Capitolium resectum	23
Belus	78	Capitolium, in quo sacra fie-	
Beli ætas	78	rèt Albunæ Sibyllæ	23
Beneficentia	540	Capitolium à Tarquinio cõ-	
Bithynia	293	ditum	66
Bona Dea	76. 196	Caput	551. 553. 560
Bonæ Deæ mors	76	Caput et membra	371. 372
Boni et mali ratio	391. 442	Carneades Academ.	321.
Bos lō	35	& eius quæstion.	327
Boues Herculi immolari	72	Carthago	467
Brachia	565	Caro	130. 274
Brutus	467	Carthaginiēs. sacrificia	69
Butes	56	Cassius	45
Cabyrus	48	Cassius Iupiter	77
Cadmus	50	Castor	31. 48
C. Cæsar	191	Castor in cælo	51
		Castoris	

# I N D E X

Castoris mors, et Pollucis	31	Causa sua	184.189
Castor, & Pollux	105	Causa uictus	54
Catilina	193	Cautio	392
Cato	191	Cebes	207
M. Cato	367	Cecropides uirgines	57
M. Cato Uticensis	192	Cēsor Appius Claudius	106
Catonis Uticensis mors	190	Censor Fulvius	106
Q. Catulus	535	Cerebrum	575
Causa adulterij	415	Ceres Catinensis	94
Causa animantium mundus,		Ceres Dea	60
et hominis animātes	434	Ceres Dea infelix	56
Caucasus	124.315	Ceres Eleusina	70
Causa certaminum	169	Ceres Ennensis	94
Causa dæmonum colendo		Ceres Milesia	107.139
rum	140	Certamen anceps	402
Causa Deorum appellan-		Certorum, & incertorū ar-	
dorum	57	gumenta	500
Causa erroris de tā multis		Ceruix	565
Dijs	15	Chaldæi	463
Causa Dei contemnēdi	82	Cham	134
Causa I E S V aduentus		Chanaam Arabia	134
237.239.241.278		Chaos	17.111
Causa incōmodorū Chri-		Chartilago	453
stianorum	346.347	Chiron	30
Causa, cur Iudæi non intel-		Chloris Nympha	62
ligerent	245	Chrestus	229
Causa mentiendi	15	CHRISTVS	229.240.
Causa rationis dandæ ho-		253.268.296.473.	
mini	435	CHRISTVS	σημιουργος
Causa sexuū duorum	52	του θεου	228
Causa syderū, creādorū	99	CHRITVS	σιμβυλθ. τῃ
			θεου



# INDEX.

Q600	228	Clodius Sex.	76
CHRISTVS	115	Codri mors	171
SVS.	257	Cogitatio.	399
Christianorum supplicia		Cælum 17. 119. 149. 204.	
318. 320. 209. 443		205. 579	
Chrysippus	19. 22. 481	Cælum Deum esse	17
Chrysippi mors	190	Cælum elementum mundi	
Cibus ignis, & animæ	131	17. 42	
Cicero	32. 145. 177.	Cæli filius Saturn.	40
192. 379. 381. 400. 542.		Cæli filij	40
584.		Cæli genitalia	42
Cicero Academicus	10. 177	Cælum Ioui obtigisse	36
Cicronis ætas	251	Cæli mors	42
Cicero Augur	50	Cælum mortuis apertū	52
Cicronis caput	402	Cælum spectare	210
Cicronis facundia	216	Coi	107
Cicronis mors	95. 402	Collum	565
Cicronis peroratio	535	Colophonis Apollo	24
Cicero perfectus nō modo		Concordia	365
orator, sed etiam philo-		Cōfessio, & pœnitētia	288
sophus	50	Cos. Antonius	52
Cicero Platonis imitator		Cos. Bcbius	75
19. 50		Cos. Cornelius	75
Circe Marica	70	Cos. Dolabella	52
Circuncisio	257	Cos. Romani	235
Claudia	106. 139	Constantia	389. 397. 398
Cleanthes	18	Continentia	416
Cleanthis mors	190	Contrariorum ratio	109
Cleombroti mors	191	Conuitia in Herculem	72
Cloacina Dea	63	Coprianus Cyprianus	292
Clodius P.	32	Cor	563. 570. 573
		Coritus	

# I N D E X.

Coritus	78	Cupiditas generandi in ho-	
Cornelius Cos	75	mine	412
Corona	277	Cupido	32.56
Corōa ex panibus asello	71	Curetes	39.73
Corpus	83.122.130.148.	C. Curio Cos.	23.535
169.344.351.434.438.		Curtij mors	171
441.522		Cynici	181
Corporis bona	440	Cynofuræ	30
Corporis mēbra	363.558	Cyprianus	281.299
Corporis opera	454.455	Cypri Salamin	67
Corpus ad sentiendū	443	Cyrenaici	157.158
Corpus unū ex duobus	413	Czrenæus Theodorus	505
Corybantes	45.73	Cyrus	22.227.235
Cos Accij Nauij	105	Cyri etas	22.227
Costæ	552	Cytheron mons	76
C. Cotta pontifex	20.103	Cypriæ mulieres	56
Crassus	388	D	
Creta	39	Dæmones	39
Cretenſis Iupiter	72	Dæmones Dei flagello do-	
Critias	196	mantur	26
Cræſus	388	Dæmones per terrā, & ma-	
Crux I E S V C H R I =		re	26
S T I	278.279.298	Dæmonum genera duo	135
Crucis Chriſt. ſignum	280	Danaë	35
Crura	572	Dardanus	78
Cubiti	565	Darij etas	227.145
Cumæa Sibylla	22	Dauid	232
Cumana Sibylla	22	Dauidis etas	262
Cumina Dea	66	Decemuirorum	606
Cupiditates animi, et corpo-		Deciorum duorum mors	
ris	29.362.395.404.455		171

Decretum

# I N D E X.

Decretum senatus de impe	Deus Belus	78
rio M. Antonij	37	Dei beneficentia 323
Delphorum Apollo	49	Dei bonum summum 172
Delphi ab Apol. relict	24	Deus bonorum fons 363
Delphica Sibylla	22	Dea Caca 66
Delphis	21	Deus caput uirtutis, & do
Demetrianus	123.340	ctrine 372
Democritus	190	Dea Cloacina 63
Demophile Sibylla	22	Deus celata esse uoluit 118
Demosthenes	293	Dij celestia omnia 97
Dentes	364	Deus cœli fabricator 23
Dentes ad loquendum	364	Dei cognatio 301
Deucalion	124	Deus ex coitu maris, & fœ
Deus ex aère immenso	16	mine esse non potest 27
Dij Aegyptiorum	66	Deos coli, alios, ut profint,
Deorū equalis Orpheus	16	alios, ne obsint 64
Deus æternus	12.113.450	Deos cōcipere nō posse 33
Deus Aether	18	Dei in conspectu 84.428
Dei affectus	323	340.397
Deus alius alio tempore	33	Deorum connubia 36
Deus animus	18	Deus quibus cōstet, quæq;
Deus animas uirtute inspi=		in eo sint 24
rat	34	Deo conuenire 40
Deus ante omnia	16	Deus corpore carens 450
Deus apparens	16	Dei cultus 350. 351. 374.
Deus Aqua	200	434. 439. 440. 443.
Dij auro, ebore, gēmis exor		502. 521. 536. 585. 588
nati	92	Dea Cunina 66
Deus beatus	113.171	Deos Diagoras excluditio
Deorum bella apud Home=		Dei dies magnus 463
rum	102	Deus disertus 410
		Dij

Dij diuini	33	similitudinem	55
Dei domiciliū mundus	388	Deum humanis rebus non	
Deus dominus	226.335	indigere	350.388
Deo donum dignum	422	Deus in igne habitat	24
Dij duces curant	140	Dea Isis Id	35
Dij duodecim	25	Deus imbecillis non est	54
Dea Egeria	74	Deus immortalis	12.29.428
Dij Elementa	101	Deus impassibilis	14.113
Deus Esus	67	Deus immutabilis	113
Deus falsus, et dei filius	471	Deus incorruptibilis	12.
Dea fœminæ	36.53	14.113.428	
Deus filius	285	Deus inuisibilis	449
Deus per filiū colitur	286	Dei ira	142.466.492.
Deus fuisse non potest	42.	495.522.524.225.534.	
Deus fulminari nō potest	61	538	
Dea florum præses	62	Deus Iudex	8.400.419
Dei forma	515.530	Dei iudicium	427.449.
Dea Fornax	66	461.462.477.481.485.	
Dea Fortuna	211.213	490.532.587	
Deorū generatio Hesiodi	17	Deus Iulius Cæsar	52
Dei gratia	494.495.	Dei iniussu nihil angeli	25
498.522.523		Dei Lacedæmonij	65
Deus Hermes Trismegistus		Dij qui laudabantur dicti	
461		35.48	
Deos homines fuisse	48.	Dei lex	69.414.420
352.328		Dij Lucianus nō pepercit,	
Dei homo simulachr.	85	neq; hominibus	29
Deus & homo quid differant	6	Deos ludibrio nominibus	
		haberi	66
Dei honor, & uirtus	65	Deus lumen	493
Deorum res ad humanarū		Dij maiorū gentiū Apollo,	
		S	Iupiter

# INDEX.

Iupiter, Neptunus, Vulcanus, Mars, Mercurius	31	Deus, nomē Dei propriū	18
		Deo nomen hominis	38
		Deus nomē ptātis sume	14
Deorū mater Dea īfelix	56	Deos non esse	10
Deorū matris sacrificia	69	Deos non esse illos, qui ne	
Deus Mens	63	probi quidē homines fue	
Deus, Mens	17.18	runt	61
Deus, mens mundi	429	Dei notitia	501.502.533.
Deus mēte cōcipi non pōt,			416
neq; uerbis enarrari	24	Deorum nouorū ortus	53
Dei metus	395	Dei obliuio	81
Dij mīores, si sint plures	12	Dij Pallor, & Pauor	63
Deus, mundus	100	Dij parcs nisi sint, neq; dij	
Deus mundi fabricator, &		sint	14
rector noster	18.26	Deos partitos officia	16
Dij ministri	20.24	Deus pater	8.39.226.335
Dei minister Apollo	25	Deus patrē non habet, neq;	
Dea Muta	66	matrem	24
Deus Mutinus	66	Deus perfectus	12.428
Deus nascendi causa, &		Dei placatio	314
principium	18	Deorum plena omnia innu	
Dea Natura	112.117	merabilem	53
Deus, Natura excellēs	503	Dij populares multi	18
Deus, Natura sapiens	513	Dei potestas	112.116.520.
Deus naturalis uis diuina			433.513
ratione prædita	19	Dei placatio	38
Deus, lex diuina	19	Deus primogenitus	16.17
Deus, necessitas diuina	19	Deus principalis	40
Dei necessit. nō natura	322	Dij sint, nec hē Protagoras	
Deorū necessitas nulla, sed		dubitauit	10
libertas	97	Dei prouidentia	433.505
Dei nomen	21.35.112	Dei quies	525

# I N D E X.

Deus Quirinus	32	Deus testis	419
Dei recordatio	81.82	Deorum testimonia falsorū	
Dij q reges olim fuisse	28	de uero	24
Deorum religiones uanæ		Deus Teutates	67
142		Deus Theuth Aegyptiorū,	
Deo repugnari non posse		& Saitarum	24
109		Dij C C C L X V.	25
Deus Romulus	32	Deus ueniam dat	372.331
Dei sacerdotes	222	Deus uerbum	422
Dei sacrific. 420.387.388		Dei uiæ	248
Deus per se	24.26	Dei uirtus	18.433
Dei sermo	147	Dei altio	342
Deo seruire	164	Deus unus 11.12.34.19.42.	
Deorum sexus	34.230	23.101	
Deus sibi uni notus satis	27	Deus unus rector eximius	
Dij Sicularum	95	14	
Dei similitudo 29.388.415		Deus unus gratias agētū,	
450.499.550		iurantiū,optantiū	81
Deorum simulachra	36	Dei uocem Sibylla perfert	
Dij Sol,Luna,et sidera 95.		ad homines	24
99		Dei uoluntas,& lex	525
Deus spiritus	17	Dij, quæ usui à Deo creata	
Deo subiecta omnia	17	sunt	20
Deus subiectus nulli rei	14	Dextra masculina	569
Deo succedi	27	Dia	31
Deus summus 21.24.141.		Diabolus criminator	132.
Dij oroi	21	135.341.382	
Dei templum	423	Diagoras	10.505
Deus Terminus, & eius sa		Diana	67
crificia	66.67	Dicaearchus, Democritus,	
Deus terra	99	Epicurus	443
		S 2	Dicta

# I N D E X.

Dicta Dionysij tyranni	Donatus	260.354
93.72	Dominari	14
Dies	120 Domitianus	296
Dies, quo CHRISTVS	Domitus	317
passus est	235 Dux	356
Dies, quo creatus Constan	E.	
tinus	8 Ebur	420
Dies, quolsis nauigatur, in	Ecclesia catholica	288
fastis	35 Edictum Iouis	44
Dies quo iudicabitur mun	Egeria Dea	74
dus	319 Elemēta 40.122.130.154	
Dies Larentaliorum	61 Elementum Cœlum	42
Die quadragesimo corpus	Elemētū cœleste Ignis	451
cōsummat in utero	65 Elementa Dij	101
Diespiter, uel Orcus Pluto	Elementa repugnātia	441.
47	451.522	
Digitorum ritus, et religio	Elcusina Ceres	70
340	Eloquentia	191.584
Diluuium	123.126 Elysij campi	356
Dinomachus	157 Empedocles	130.212
Diodorus	45.157 Empedoclis mors	190
Diogenes	148.31.59 Enna	94
Dionysius Sicilia tyrānus	Ennius	514
93	Epicurus	116.126.157.
Dissentire	309 184.189.206.313	
Diues apud Deum	386 Epicuri uanitas	510
Diuisio, & interitus	12 Epicurus ueridicus	425
Diuitiæ	168 Epicurus nō uersutus	497
Diuortium	598 Epicurei	117.418
Dolabella Cos.	52 Epidaurus	30.106
Dolor	392 Epigramma in Iouem	39
	Equi	



# I N D E X.

Equi Castoris, & Pollucis		Fatua	75
106		Febris	64.459
Equus Soli mactetur	71	Feciales	271
Eratoſthenes	22	Fel	573
Eriſthonius	56	Fœmina	572
Eriſthonij ortus	57	Fœm.pecudes repug.	414
Erythræus Apollodorus	22	Fœminæ uates	21
Erythræa Sibylla	22.	Fœneſtella	23.535
23.535		Fefſtus Peſcennius	69
Eryx	56	Fibulam imponere	320
Eſaias	237	Fictores imaginum	36
Eſſe ſine princ. nō pōt	432	Fides	597
Eſus	67	Fides pœnitentiæ	320
Euclides	170	Filij comeſi, ſepulti	44
Euhemicrus	37.514	Filius domini, dominus	283
Euphorbus	192.481	Filius patris dedecus fratri	
Euphranor	92	bus indicat	134
Euriſtheus	29	Filij Saturni	42.44.47
Europæ taurus	35	Filiorum ſimilitudo	570
Exilium Protagoræ	504	Filius Thetidis	33
Expoſitio natorum	407.	Flora meretrix	62
408		Floralia ludi	62
F		Flumina	433
Fabrica Vulcani	60	Fontes	433
Facies	558	Fornax Dea	66
Fata	34	Fornacalia	66
Faula meretrix	62	Fortitudo	388.394.440
Fauna	75	Fortis uir	29
Faunus	49.75	Fortuna	211.213.216
Fauni ætas	77	Fortuna equeſtris	106
Fauſtuli uxor	62	Fortuna natura	213
		S 3	Fratr

# INDEX.

Fratres	345	cere non ita	124
Frater Iouis	34	Genij	136
Fratrem Quirinus interfecit	52	Genitalis pars	413
Frigora	350	Gentilitas	136
Frons	359	Genus Agamēnonis, Achil	
Fructus uirtutis, & uitij		lis, Aiakis, Vlyxis, &	
453		Priami à Ioue	78
Fuga Saturni	40. 43. 46	Gergythiū oppidum	22
Fulvius Cens.	106	Gingiue	56
Fulvii censoris mors & ip		Gladiatoris mors	407
fius, et eius filiorum	106	Glaucia	47
Funus Cæsaris	52	Glaucæ mors	47
Funus Herculis	30	Gloria	209. 399
Furius	317. 323. 328	Gnosus	39
Furius Bibaculus	74	Gracchana tempora	94
G		Græcum esse	195
Gabinus P. Legatus		Græci leues, & iidem clo-	
Rom. Erythras	33	quentes	50
Galba	323	Græcorum regnum	467
Galilæa	264	Græci sacrarum literarum	
Gallorum Dij	67	ignari	104
Galli Matris Deorum	56	Graij Ilium pctentes	22
Galli, & Roma capta	65	Grāmatici	135. 206. 174
Ganymedes	35	Grāmatici definiunt	374
Gaudium	391	H	
Gaius	259	Hadrianus	6
Gemini Iupiter, & Iuno		Hæredes Christi	26
47		Hæres Moysis Iesus Naue	
Gemini Pluto et Glaucia	47	247. 256	
Generare homo potest, sū-		Hæres Herculis Philocteta	
		27	
		Hæres	

Hæres Pop. Ro. Floræ merc		Hermes Trismegistus, &	
tricus	62	eius ætas	115
Hæreditas stultitiæ ad Epi		Hermaphroditus	56
curum	187	Herophile Sibylla	22
Harmonia	56	Herodes	235
Hebræi	134	Herodis ætas	235
Hector	207	Hesdras	236
Helena	31	Hesiodus	17
Helias	236	Hiacynthi mors	30
Helicon	17	Hieronymus	157
Helleponticum mare	41	Hierosolyma	145.262
Hellepontica Sibylla	22	Hippolytus	30
Hemanuel	239	Historicorum ætas	478
Heracides Ponticus	22	Homerus Deos bellantes se	
Heracitus	121	cit	13
Hercules	16.48.58	Homerus ad ueritatē nihil	
Hercules adulter	28	17.22	
Hercules quasi Africanus		Homo	91.92.88.273.
inter Deos	29	397.433.583.428	
Hercules alexicacus	297	Homo animal sanctū	407
Hercules in cælo	51	Homo in angelum transfor	
Hercules famelicus	72	matus	486
Hercules Hispania rediens		Homines ante Vulcanum,	
65		Liberum, Apollinem, 10	
Hercules Lindius	71	uem	225
Herculis mors, & uxoris, et		Hominum, & brutorum di	
liberorum eius	30	scrimen	89
Herculis ortus	28	Hominem bruta imitantur	
Herculis sacra	71.105	242	
Herculis uita, & opera	28	Homini uniuerſa, brutorū	
Herillus	157	singula	390
		S 4	Hom

# I N D E X.

Homicidium	53.593	Humanitas	165.201.374.
Homo quibus cōstet	548		375.378.385
Hominis cultus	521	Humilitas	399
Hoīs cū Deo cognatio	333	Humor	121
Homini, Deo tributū	374.	Hydaspes fluuius, & Rex	
	390		468
Homines ut fungi	433	Hyems	127.120
Hominis figura	558	Hyrcania	315
Homo ex humo	511	I	
Hominis imperium	432.	Iacob	242
	502	Ianiculus	75
Hoīs munimenta	435.537	Ianus	45
Homo mundi dominus	602	Iani facies in numis	45
Hominis natura	403	Iapetus	124
Homīnū numerus	53.412	Iasius	78
Hominis opera	118	Icarium mare	41
Hoīs ortus	117.123.126.129	Ida	73
	163.192.374.376.437.	Idas	31
	447.518.521.544.545	Idoneus	379
Hominis propria	501	Iecur	373
Hominis scientia	119	Iecoris officium	373
Homo simulachrū Dei	85	Iesse	344
Hominis uita	133.377	I E S V S C H R I S T V S	
Honestas	162.		110.240.286
Honor Deus	63	I E S V C H R I S T I O R	
Horatius	90	tus	108.227.230.238
Hortensius	25	I E S V aduentus	252
Hostis spiritus malus	359	I E S V baptismus	248
Humana caro esitata	44	I E S V s filius Dei	247
Humana hostia	67.69.141	Iesus Iosedech	247
Humana imbecillitas	113	I E S V mors	263
		Iesus	

# I N D E X.

Iesus Naue	247	Inferi, & in ijs Iupiter, Ne	
Iesus Naue Aufes	257	ptunus, Vulcanus, Mer-	
I E S V supplicium	235.	curius, Apollo, Saturnus	
254. 262		282	
Ignis	121	Innatum omnibus	110
Ignis accenditur	508	Ino Leucothea, & Matu-	
Ignis elementum	451. 503	ta mater	75
Ignis interitus	424	Intelligere	428
Ignis & lux	431	Intestina	65
Ignea natura	42	Inuentores rerum	38
Ignē oculos extinxisse	107	Iō	35
Ignis, ex quo orta oīa	121	Ioannes	248
Ignis sempiternus	477	Iordanus	248
Ignis usus	516	Iosedech	247
Immortalitas	170. 171. 125.	Iosues	226
363. 439. 447. 520. 539		Ira	29. 362. 403. 404.
Imperiorum uarietas	429	495. 498. 526. 527. 598	
Inachus	35. 41	Ira in iccore	534
Incendium orbis	126	Ira in minoribus coërcen-	
Incensi libri Numæ	75	dis	404
Incēsi libri Protagoræ	504	Iſis	35. 49
Incensi libri Sibyllini	22	Iſis Dea infelix	56
Incensus populus in Phry-		Iſraēl	246
gia	316	Italia, & Saturnus	40. 44.
Indi	31	48	
India	315	Italiæ Sibylla Cumea	22
Infāmes Saturno immolari		Italiæ uictus	45
68		Iubas Rex	49
Inferi	86. 447	Iudas	235
Inferna Plutoni obtigisse		Iudas proditor	259
36		Iudæa	255
		S 5	Iude

# I N D E X.

<i>Iudæ, &amp; Israël domus</i>	266	<i>Ioui cælum obtigisse</i>	36
<i>Iudæi</i>	204	<i>Iouis cultus</i>	38
<i>Iudæorum filij, &amp; posteri</i>	266.347	<i>Iupiter Dæmon</i>	282
<i>Iudæorum iudices</i>	226.	<i>Iupiter d dæmonibus indu-</i>	
	235	<i>ctus</i>	138
<i>Iudæorum reſtitio</i>	227.235	<i>Iupiter Danaën uiolaturus</i>	
			35
<i>Iudaicæ religionis ſacra</i>		<i>Iupiter Deus</i>	33.50
	255.258	<i>Ioues Duo</i>	38
<i>Iudæorum ſcruitus &amp; libe</i>		<i>Iupiter fabuloſus</i>	38
<i>ratio</i>	219	<i>Iupiter Ganymedē in aqua</i>	
<i>Iudæorum ueritas</i>	218	<i>la rapuit</i>	35
<i>Iudex</i>	295	<i>Iouis res geſtæ</i>	37
<i>Iudicis officium</i>	147.531	<i>Iupiter homo</i>	27.39
<i>Iudiciũ de Apollonio</i>	296	<i>Iupiter imperij dator</i>	37
<i>Iulius Cæſar Deus</i>	52	<i>Iouis imperium Orientis</i>	
<i>Iulius Proculus</i>	52		37
<i>Iumenta</i>		<i>Iupiter impius, ac penē ho-</i>	
<i>Iuno Dea infelix</i>	56	<i>micida</i>	31
<i>Iunonis ira</i>	35	<i>Iouis iuramentum</i>	34
<i>Iuno Lacinia</i>	106	<i>Iupiter Labradeus</i>	77
<i>Iunonis Monetæ ſimula-</i>		<i>Iupiter Laprius</i>	77
<i>chrum</i>	106	<i>Iupiter Latialis</i>	67
<i>Iunonis nomen</i>	38	<i>Iouis leges</i>	42
<i>Iunonis ortus</i>	47	<i>Iupiter Molio</i>	77
<i>Iuno Sami</i>	49	<i>Iupiter naturalis</i>	38
<i>Iupiter</i>	17.24.281	<i>Iupiter nominetur unus</i>	
<i>Iouis ætas</i>	78	<i>Deus</i>	38
<i>Iupiter Atabyrius</i>	77	<i>Iouis mors</i>	39
<i>Iupiter Caſſius</i>	77	<i>Iupiter olympius</i>	37.93
<i>Iupiter Cretenſis</i>	39.72	<i>Iupiter Opt. Max.</i>	31
			10

# INDEX.

Iouis ortus	31.36.38.44.	Iustitia laudata, & euerſa	
	47.96		323
Iupiter piſtor	65	Iuſtitie officium	589
Iupiter precatur	42	Iuſtitie opera	303
Iupiter principatu priuatus	28	Iuſtitie patroni Plato, & Ariſtoteles	323
Iupiter repertor hominũ, & rerum	33	Iuſtitie præcepta	15
Iupiter Rex	32.33	Iuſtitie radix	590
Iupiter ſacrificat	46.42	Iuſtitia reſtituta ab Imp. Conſtantino	8
Iupiter ſacilimus	54	Iuſtitia Saturno rege	40.
Iupiter Satur. fortior	53		300
Ioui Terminũ non ceſſiſſe	67	Iuſtitie ſumma	521.587
		Iuſtitie trames in cœlum	
Ioues tres	38		426
Iupiter Triphillius	37	Iuſtus	398.400.402
Iupiter triumphatus à Cupidine	33	Iuſtus Fabricius, & Ariſtides	367
Iura	327	Iuſtus ſapiens	332.387.586
Iuramenta Socrat.	197	Iuſtus ſtultus	322.327.
Ius ciuile	371		328.586
Iuris ciuilis inſtitut.	7	Iuturnæ lacus	106
Ius naturale	585	Iuuare	38
Iuſtitia	8.164.165.198.	L	
	200.301.305.322.323.	Laborum requies	7
	326.363.371.381.384.	Labra	564
	521.639.587.	Labradæus Iupiter	77
Iuſtitia ciuilis, et naturalis	328	Lacedæmoniorum Diſ	65
Iuſtitia fugata	589	Lacina Iuno	106
Iuſtitie imago	366	Lactantius de ſc	175.293
		Lælius	328.367
		Latitia	



# INDEX.

Latitia	392	Legis caput primum	370
Lais	181	LEX CHRISTI noua	
Lamia Euripidis	22	256	
Lampsacenorū sacra Pri-		Lex Dei	319
pi	70.71	Lex Dei Moysi data	234.
Laomedon	30.77	255.256	
Laprius Iupiter	77	Lex Dei testamentum	265
Larentalia	77	Lex Dei una, satis	307
Larentia	38.18	Legem diuinam, & natura	
Lares	66	lem, esse Deum	19
Larunda	66	Lex eadem semper	270
Latini ætas	77	Leges Iouis	42
Latinorum Faunus	49	Legum latores	168
Latinorum mores	68	Leges de Latrocinio	407
Latium	45	Leges Minois	75
Latona Dea infelix	56	Lex Papia	54
Laudantium fides	29	Leges Platonis	198.200
Leæna meretrix Athenien		Lex, & Prophetæ testa-	
sis	62	mentum uetus	265
Leda Nemesis	70	Leges publicæ	332
Legatus Carneades	322	Leges de reorum defensio-	
Legatus Pōtius Pilatus	259	ne	289
Legati puincia Syria	259	Leges Rom.	467
Legati Rom. Ennam	94	Leges Saturni	47
Legati Romanorum Ery-		Lex apud Tauros	67
thras	23.535	Lex uiri, et uxoris inter se	
Leges Aegyptiorum	20	598	
Lex alia alibi, & alio tem		Leges de usura, Ciceronis	
pore	370	51	
Leges ad auaritiam	301.	Leucippus	187.506
371		Leucothea Ino	260
		Liber	

# I N D E X.

Liberalitas	396.379	Libri Sibyllini	21.22.
Liberi ludifcenici	410		94.105
Libertas	389	Libri Sibyllæ Cumanæ	22
Libri ad Christianos ad-		Libri de temporibus	226
uersus eos, duo	295	Liber Tertulliani apologe-	
Libri contra Christianos		ticus	485
tres	293	Liber Theophili	78
Libri Chrysippi	22	Libri M. Tullij de officijs	
Libri Cypriani	299		353.361
Lib. Domitij septem	317	Libri M. Varronis	20
Libri Græce scripti	75	Libri φιλαληθῆ	298
Libri Hermæ Trismegisti		Liberi patris ætas	133
21		Liber pater in cælo	51
Liber Hermæ Trismegisti		Liber pater Deus	60
ὁ λόγος τῆς ἀλήθειας	227	Liber pater homo	27
Liber Lactantij	25	Libido	29.361.394.404.
Liber in manu simulachri			413.591.542
Sibyllæ Albuncæ	23	Libyssa Sibylla	22
Liber Minutij Feliciani		Lindus Rhodi oppidum	71
292		Lingua	399.548.563
Libri Neuij de bello Puni-		Literæ	187
co	22	Literæ Aegyptiorum	20
Libri Numæ	75	Literati	410
Liber Platonis de anima		Literarum scientia ad reli-	
191		gionem	290
Libri Protagoræ exusti pu-		Locrensis Proserpina	107
blice	504	Loquēdi initium	375.564
Libri sacræ scripturæ	227	Lucianus	29
Lib. Senecæ de Ira	527	Lucillius	29
Liber Senecæ, Quare		Lucillius Q. Balbus	97
346		Lucretius	130.188.554
		Lucre	

# I N D E X.

Lucretius ueri nihil affert		M A R I A uirgo	238
53		Marc rubrum	234
Luctu delirare	51	Marica Circe	70
Lucus Aesculapij	57.264	Maris usus	317
Ludi Circenses	409	Maritima ora M. Antonij	
Ludi Deorum sacra	409	37	
Ludi humano sanguine	406	Maro pri. nostrorū poëta=	
Ludi scenici	409	rū nō longe à herit.	17
Luna Dea	97.99	Marpeffus	22
Luna defectus	469.605	Mars homicida	31
Luna sacrificia	71	Mars, & Venus	55
Luna solis splendorem ac=		Mares	56
cipit	482	Mariū, & foëminarū crea=	
Luna usus	517	tio, & degeneratio	571
Lupa Romuli	62	Masculum esse	195
Lupanaria	412	Mater minori fauct	46
Lux	120	Materia	112.113
Lyra Mercurius rector		Mathematici	203
31		Matrimonia cōmunia	198
M		Matrimonia uoluc.	201
Macedonū Cabyrus	49	Matuta mater	70
Magi	136.138.461	Maurorum Reges	30
Magica ars	138.250	Medendi ars	39
Malum	441.496	Medici	391
Malum Deus nō facit	109	Megarici	170
Manus	548.553.565	Melicerta Palamō, & Por	
Marcellus M.	63	tunus	70
Marcionitæ	288	Melissa	77
Maris interfusio	433	Melissæ	77
Mare Neptunus	102	Melisseus Cretæ	77
Mare Neptuno obtigit	36	Melissci atas	78

Membra

# I N D E X.

<i>Membra</i>	377.372.509	<i>Mercurius termaximus</i>	24
<i>Membrana alui</i>	373	<i>Mercurius, &amp; Venus</i>	56
<i>Membrorum usus</i>	185	<i>Meretrices cultæ Romanis</i>	
<i>Menæcij mors</i>	171		62
<i>Mentiri</i>	15.146.399.595	<i>Meretrices in ludis</i>	63
<i>Mens</i>	457.539.502.	<i>Meridies</i>	120
	575.577	<i>Messanæ Euemerus</i>	37
<i>Mens Dea</i>	63	<i>Messenij</i>	65
<i>Mens Deus</i>	17.19	<i>Messenius Aesculapius</i>	30
<i>Mentis emotæ</i>	15	<i>Messias</i>	250
<i>Mens Harmonia</i>	577	<i>Milesia Ceres</i>	107
<i>Mens hominis</i>	405.428	<i>Militare</i>	407
<i>Mentes multæ unius corpo</i>		<i>Militaris rei dux unus</i>	13
<i>ris</i>	14	<i>Mimi</i>	407
<i>Mentis peccatum</i>	415	<i>Minerua</i>	38
<i>Mentis purgatio</i>	415	<i>Minerua Athenarum</i>	49
<i>Mentem unam mundo præ</i>		<i>Minerua opificum</i>	60
<i>stare</i>	19	<i>Minerua in somnijs</i>	107
<i>Mente una omnia regi</i>	16	<i>Ministri suppliciorum</i>	315
<i>Mēsis Aegyptiorū Theuth</i>		<i>Minora figuræ maio.</i>	464
	20	<i>Minos</i>	478
<i>Mensibus x l i i. orbis de</i>		<i>Minutius felix</i>	40.292
<i>uastabitur</i>	471.606	<i>Miracula Apollonij</i>	296
<i>Mentum</i>	565	<i>Miracula Apuleij</i>	296
<i>Mens</i>	575.577	<i>Miracula Dei</i>	449
<i>Mercurius</i>	41	<i>Miracula discipulorū</i>	112
<i>Mercurius Deus maiorum</i>		<i>s v</i>	266
<i>gentiam</i>	51	<i>Miracula i e s v</i>	249.
<i>Mercurius fur</i>	31		275
<i>Mercurius homo</i>	27	<i>Miracula prophetæ falsi</i>	
<i>Mercurij quinq;</i>	20		471

*Mira*

# I N D E X :

Miracula prophetæ magni	470	Mos Iudæorum de frangē dis cruribus mortuorum	278
Misericordia, et humani- tas	374.387.388.395	Mos Stoicorum ad physici- cam rationem traducen- di	42
Misericordiæ opera	396	Moyſes	234.247
Molio Iupiter	77	Moyſis ætas	226
Mons cœli ſtella	41	Mulieres	319
Montiũ, et colliũ uſus	317	Mulierum munera	201
Morbi	390.394	Mulier philoſophans	207
Moriens	460	Mulieres non recuſare	414
Mors	87.120.130.190. 194.453.456.458.548. 577	Mulieres ſexus infirmi	27
Mortem contēnere	398	Mulieres Spartanæ	53
Mortes duæ	454	Mundus	100.429.43
Mors quieta	397	Mundi ætas	463.504
Mors recentĩũ natorũ	407	Mundus Deus	100
Mors ſecunda	454	Mũdi diſcors cōcordia	121
Mors ſempiterna	33	Mundi fabricatio	19.437. 446.463
Mortis tempus	548	Mundi figura	204.98
Mortē timere, et fugere	45	Mundi operis immēſitas	13
Mors, hæc uita	194	Mundi imperium Decē ui- rorum	605
Mors uoluntaria	171.164	Mundi innumerabiles	507
Mors in uoluptate	411	Mundi pars homo	100
Mortui	276	Mundus mortalis	101.432
Mortui, qui Dij publice co- luntur	50.55	Mundus ex nihilo	110
Mos Græcorum in nomini- bus	41	Mundi rectio	11
Mos Iudæorum de agni ſanguine	179	Mundi renouatio	482. 486.504
		Mundi	

# I N D E X.

Mundi senectus	606	Natura sine sensu	310
Mundi similitudo Archime		Natura Stoicorum	429
dis	98	Naturæ ius	305
Munera	384.489.388	Naturalē uim esse Deū	18
Musarum instinctus, Hesio		Naue	156.247
di carmen	17	Naxus	42
Musica	206	Naxi liber	42
Muta Dea	66	Necessitatem diuinam esse	
Mutinus Deus	66	Deum	19
Mutius	321	Necromantia	138
N		Nemesis Leda	70
Nauij bellum Punicū	22	Nemo unquā doctior Var-	
Nathan	244	rone	21
Nares	567	Neptunus	30.51
Nasus	562	Nept. Circenses ludi	409
Nasi officia	562	Neptunus mare	102
Nates	572	Nero	267
Natura	112.160.182.211.	Nicanor historicus	22
216		Nilus	161
Natura benefica	495	Noē	133
Natura boni, & mali	355.	Noē ætas	133
521.600		Nominum uarietas	19.392
Natura fortuna	132	Nomen filij Dei	229
Natura ad intelligendū, &		Nomina mutari	70.392.
ratio	17	393	
Natural. m legem, & diui-		Nouentiani	288
nam esse Deum	19	Nox	120
Natura mater	511	Nox aduentus Dei	473
Natura nouerca	29	Nubes	517
Natura rerum	152	Numa Pompilius Sabinus	
Naturæ repugnare	403	75	

T            Nume

# I N D E X.

Numerus pluralis	286	Oratoria	206
Numerus duorum	559.563	Orcus Pluto; & Diespiter	
Numi cum facie Iani	45	47	
Nuptiæ lunonis	56	Oreb mons	256
O		Oriens	120
Occidens	120	Orientis imperium	37.466
Occidens plaga inf.	37	Oriens plaga superior	37
Occidentis partem Plutoni		Orion	251
obtigisse	37	Orpheus	16.45
Occidentem seruiturum	50	Orphei ætas	77
Octacilius legatus	23	Orphica sacra	76
Octavius Cos.	535	Os, & eius usus	563
Octavius liber	40	Ossa	556
Oculi	413.555.562	Oua	507
Oculi hominum	418	Ouidius	18
Odor	449	P	
Oedipus	408	Pacta Titanis cum Satur	
Olympus cœlum	37	no	46
Olympus mons	37	Palemon, & Portunus Me	
Omphale	29	licerta	70
Opertum Bonæ Dcæ	76	Palestra Mercurij	31
Opinatio	149.151	Pallor, & Pauor Dij	63
Opes	377	Palpebræ	562
Opis captiuitas	47	Pan	49
Opis Iupiter	36.44	Panætius	361
Ops Rheæ	44	Panes in hostium castra	66
Ops Saturni soror, & con		Panum corona aselli	71
iux	44	Paphi Venus	49
Oracula	46.140	Papillæ	566
Oratiões Cicerōis	84.402	Paradisus	131
Orator	174.250	Parcæ	4.126
		Parriæ	



# I N D E X.

Parricide	408	Perdita Cereris filia	36
Parfimonia	396	Perditus Isidis filius	36
Parthenia Samus	36	Perfectum	11.
Parthenij	65	Peripatetici	115.137.390
Pastorū Deus Quirinus	52		393.403.505
Pastoribus persuadere	75	Persarum regnum	467
Pater	39	Persica Sibylla	22
Pater Deus	39.222	Pestilentia Romæ	106
Pater, & dominus	223	Petilius	75
Patrem à filio castratū	42	Petrus	267.295
Patriæ parricida Iulius		Petri mors discipuli	1 E =
Cæs.	52	S V	267
Patris similitudo i filiis	40	Phaëthon	226
Patientia	345.358.400.	Phædra	57
	402	Phalaris	193
Paulus apostolus	267.295	Pherecydes	448
Pauli ad Cannas mors	141	Phidias	92
Pauli 1 E S V discipuli		Philoctetes	30
mors	267	Philosophi	16.18.11.97.
Paupertas	786		144.164.179.182.290.
Peccantes	361		398.584
Peccata subiectorum	530	Philosophi quidam	80
Peccatorū irritamenta	532	Philosophia	174.178.184.
Peccata misericordiæ remit			206.221
tuntur	387	Philosophorum ætas	300
Peccatorum modi	387	Philosophia Arcefilæ	152.
Peccat.abolitio	387.417		153
Pectus	565	Philosophus Aristippus	1c
Pedes	561.555	no	181
Pensiles horti, agri, urbes,		Philosophi ad bene uiuen-	
maria, montes	203	dum	7

T 2 Philo

# INDEX.

Philosophia deflorescens	Physica	156	
305	Physici	156	
Philosophorum doctissimi	Phryges	288	
477	Phrygia Sibylla	23	
Philosophū duabus rebus	Picus	75.77	
constare	149	Pietas	164. 324
Philosophiæ Epicureæ or-	Pisonis annales	22	
tus	179	Piso C. Iulij socer	52
Philosophorum error	57	Pistor Iupiter	66
Philosophia ethica	174	Plato	19.94.116.126.195.
Philosophorum gloria	7	207.295.323	
Philosophia logica	174	Plato, & Aegyptus	220
Philosophia moralis	156	Platonis ætas	329
Philosophica opinatio	149	Plato captus, & redēptus	
Philosophiæ ortus	183.	207	
184	Platonis ciuitas	206	
Philosophorum præcepta	Plutonis imitator	19.50.	
377	51		
Philosophi reges	199	Pluto Agesilaus	37
Philosophi religiones su-		Plato Diespiter, & Orcus	
stulerunt	90	47	
Philosophorum, & sacra-		Plutoni inferna obtigisse	
rum literarum cōsensus		37	
446.447		Plutonis ortus	47
Philosophiæ sectæ multæ		Pœnitentia	387.417.537.
151		598	
Philosophiæ senectus Aca-		Poëtæ	16.290
demia	155	Poëtarum ætas	300.478
Philosophia sublata	151	Poëticus color	35.38
Philosophi ueritatem atti-		Poëta de Dijs	53
gerunt	445.37	Poëtæ nō sinxerunt	16.37
		Poëti	

# I N D E X.

Poëtica licentia	36.71	Posidonius	449
Poëtarum mendacium	36.	Potio I E S V	261
38.61		Potitiorum gens	106
Poëtarum mos	107.124	Potitiorum gentis interi-	
Poëtarum mysteria reuela		tus	106
ta	42	Præfectus M. Antonij	107
Poëtæ officium	36	Prætor Furius Bibaculus	
Poëta Orpheus uetustissi-	74		
mus	16	Prætor Q. Petilius	75
Poëtæ uani	21	Præmiū pro armis fabrica-	
Poëtæ ad uoluptatem	49	tis Dijs	57
Pænæ præsentēs	139	Precationes ad Deum	422
Pænorum Vranus	49	Pretium librorum sibylli-	
Pollex digitus	365	norum	22
Pollux	31.48	Priamus	31.77.78
Polycletus	92	Priami atas	77
Polytes	461	Priapo asellus imolatur	70
Pompeius adolescens	70	Priapus uictus	71
Pomp. Cn. pater	365	Primos Aegyptios in coelū	
Pomp. Cn. mors	365	suspexisse	134
Pondera	204	Primi Chananæi Deū igno-	
Pontifex C. Cæsar	21	rauerunt	134
Pontifices minores, & ma-		Primum cor in homine fin-	
ximi	337	gitur	573
Pontificum scripta	73	Primus Deorum colendo-	
Pontifex Varro	21	rum autor	77
Pontius Pilatus	259	Primus Iupiter sacrificat	
Populorum testimonia de	22		
Dijs	10	Primus Iupiter ex Saturni	
Portunus, & Palæmon Me		filijs	34
licerta	70	Prima Melissa sacerdos Ma-	
		T 3 gnæ	

# I N D E X.

gnæ matris Deum	77	rus	470
Primi oculi in aubus fingū		Prophetarum mortes	16.
tur	570		236
Primus Orpheus Liberi pa		Prophetarum munus	15
tris sacra in Græciā in=		Propheta, nō philosophus	
uexit	76		370
Primus Pherecydes de im=		Prophetae Principes, aut	
mortalitate animarum		etiam Reges	16
	448	Proserpina	70
Primus Poëtarum nostro=		Proserpina Locrēs	107.
rum Vergilius non lōge			139
d ueritate	17	Protagoras de dijs	10
Primus Protagoras dubita		Protagoræ ætas	504
uit de Dijs	504	Pudicitia	415
Primus rex	46	Pueri	409
Primus sapientiæ gradus		Pulmo	566
	79	Punicum bellum Næuij	22
Primus Thales de natura		Punitio	529
	18.176	Pyrrhus	53. 28
Primus Thales philoso=		Pythagoras	18.192.195.
phus	183		448.480.513
Prima Venus meretriciam		Pythagoræ	515
instituit	56	Pythagorica de anima sen	
Prodigia	105	tentia	190
Prodigus	397	Pythagoras et philoso=	
Prometheus	123.542	phiæ nomen	148.176
Promethei ætas	125	Pythagorici	116.531
Prophetae	236.291.		
	424.446.460.478.		
	483.535		
Propheta magnus uentu=		Quies	225
		Quinde	

# I N D E X.

Quindecimviri	23	Religionum origo	49
Quirinus	49	Renes	373
Quirinus in cælo	51	Reperisse artes Minervæ	
Quirinus Deus	52	60	
Quirinus, Romulus prius		Reperisse aruspiciam dæ-	
70		mones	138
		Reperisse astrologiam dæ-	
		mones	138
		Reperisse augurationē dæ-	
		mones	138
Ratio	103	Reperisse fabricā Vulcanū	
Ratio animalium brutorū		60	
502		Reperisse frugum usum Ce-	
ratione carere	432	rcrem	60
Ratio in discernendo	517	Reperisse magicam dæmo-	
Ratio diuinorum operum		nes	138
481		Reperisse medicinā Aescu-	
Ratio homini propria	502	lapium	60
Ratio naturæ sapientis	513	Reperisse necromātiā dæ-	
Religio 103.116.178.191.		mones	138
224.339.284.337.374.		Reperisse oracula dæmo-	
535.603		nes	138
Religionis cardo	500	Reperisse statuas Promæ-	
Religio Dei unius ueri		theum	124
340.353.439		Reperisse uini usum Liberū	
Religiones Deorum	340.	60	
62		Resp. Rom.	402
Religionis dissolutio	502	Responsa, & carmina sa-	
Religio hominis propria		cræ	21
266.502		Resurrectio IESV CHRIS-	
Religio, et metus	512.512.	STI	264
514		T 4	Rex

# I N D E X.

Rex Agathocles Siculorū		Roma capta à Gall.	65
69		Romani Græcorum imitato	
Rex alius Deorum alijs tē-		res	62.51
poribus	33	Romanorum Imperiū	327
Reges, qui Dij habiti suc-		371	
runt	28	Romanorum nomen tolle-	
Regnum diuinum immuta-		tur	461
bile	33	Romanæ philosophiæ pri-	
Regnum Iouis	37	ceps	55
Reges Iudæorū	227.229.	Romulus	467
235		Romuli mors	52
Reges Maurorum conse-		Romulus postea Quirinus	
crati	49	70	
Rex mundi unus	25	Rubigo consecrata	62
Regnorum partitio, & for		S	
titio	36	Sabbati dies	463
Rex Perses	106	Sabinorum Sancus	49
Reges philosophari	199	Sacra in Capitolio Albu-	
Reges philosophorum So-		neæ Sibyllæ	23
crates, & Plato	188	Sacrificia in aperto	83
Regnum Saturni	40.46.	Sacrificia deorum	444
301		Sacrificia humanæ hostiæ	
Regum templa, & simula-		67.70.141	
chra	135.138	Sacra Iunonis Sami	57
Regulus	321	Sacra uiris prohibita uideri	
Rhadamanthus	198.478	196	
Rhea	33	Sacrilegia Dionysij Tyrā	
Rhea, Ops Latine	44	ni	93
Risus hominis proprius		Sacrilegia Pyrrhi	107
301		Saitæ	21
Romæ ætates	467	Salamin	67
		Sallust	

# I N D E X.

Sallustius homo eruditus,		Saturni nomen	43
73		Saturni Ops soror, & con	
Sallustius homo nequā	131	iux	44.46
Sami Iuno	49	Saturni ortus	40.79
Samia Sibylla	22	Saturnus sensibus carens	
Samia uasa	60	43	
Samus	420	Saturnus Terminum deuo-	
Samus Parthenia	56	rauit	66
Sancus	49	Saturni uenationes	409
Sanguis	130	Scena	344.408.593
Sapere	222	Scientia	149.160.361.363
Sapientia	152.167.177.	Scutum Iouis	73
182.224		Scuta Saliorum	74
Sapiens, & beatus	217	Sedechias	227
Sapientia diuina	90	Semina	599
Sapientia humana	90.	Semen genitalium	571
326		Semen marium & fœmina	
Sapiens malus	327	rum	570
Sapientia & religio	167	Senatus Romuli	104
Sapientia, scientia cum uir		Seneca	26.418
tute	161	Seneca Stoicus	19.112
Sapientes septē	217.220	Senes	409
Sapiētum septem ætas	515	Sensus	112
Sapientie summa	163.	Sensus corporis	14
179.216		Sensuum membra ministra	
Sapores ad linguam	564	576	
Saturnus	17.40.33.36	Sensus uiuus atq; cœlestis,	
Saturni ætas	78.133	mens uel animus	576
Saturni captiuitas	47	Sensuum uoluptates	405
Saturnus delusus	35	September Aegyptiorum	
Saturnus homo	45.46	20	



# I N D E X.

Sepulchrum Aesculapij	30	Sibylla Hellepontica octa	
Sepulchrum Cœli	42	ua	22
Sepulchrum Herculis	30	Sibylla Libyssa secūda	22
Sepulchrum Iouis	39.40	Sibylla Persica prima	22
Scrapis	70	Sibylla Phrygia nona	23
Sermo	231	Sibylla Erythrea quinta	
Sermo Dei, & uerbum	1 E		22
S V S	231	Sibylla Samia sexta	22
Sermo hominis proprius		Sibylla Tiburtina decima	
501			23
Sermonis similitudo in be-		Signa ante cladem	466
stijs	501	Signum ante Dei aduētum	
Seruire	14	473.605	
Seruus diuerberatus	107	Silenus	194
Seruus liberatus	223	Simulachra	84.113.138
Serui philosophi	206	Simulachrum Apollonij	
Seruus philosophus Phæ-			297
don	207	Simulachra propter deside-	
Serui publici ad sacrificia		rium	48
Herculis	106	Simulachrum Dei homo	
Se ipsum uegetans	578	374.388	
Seueritas	389	Simulachra Deorum	55
Sexuum appetitus	41	Simulachrū Tullie Cicero	
Sibyllæ	22.535	nis	50
Sibylla Albunea	23	Simulachrum Veneris ar-	
Sibylla Cumeæ quarta	22.	matæ	66
536		Sinistra foemina	569
Sibylla Cumana Amalthea		Socio	418
septima	22	Socrates	87.136.116.174.
Sibyllæ decem	22	188.195.197.324.395.	
Sibylla Delphica tertia	22	428.493.512	

Socrati

# I N D E X.

Socrati Aegyptiorum reli	Spiritus boni ortus	108	
giones probatæ	198	Spiritus Dei	232
Socratis confessio	213	Spiritus hominum	232
Socrates scurra	197	Spiritus malus	109.136.
Sol	43.351	138.143.215.348	
Sol Deus	97.99.101.120	Splen	573
Sol clarius septuplo	482	Statutum semel	530
Solis cursus, & Lunæ, &		Stellæ	149
Syderum meatus	153.	Stellæ Cancrî	71
204		Stellarum casus	605
Sol dux	369	Sterculius Deus	66
Solis magnitudo	351	Stoici	115.125.389.390.
Sol si stare	96	429.431.504.100.	
Solis tenebræ	469.605	Stoici de animæ immorta-	
Solis usus	517	litate	190
Solomon	228.232	Stoici de dijs	97
Solomonis ætas	254	Stoici ad naturalem ratio-	
Solonis ætas	22	nem traducunt	42.55
Somnia	26	Stoici de prouidentia	10
Somnij Deus autor	580	Stultitia	208
Somniorum euentus	281	Stygiæ palus	33
Somnia prophetarum	581	Substantia ignis calor, a-	
Sophia	183	quæ humor	121
Spartanæ mulieres	65	Suillæ carnis interdictio	
Spartiatæ	152	283.284.258.	
Spectacula	409.593.	Superstitio	8.9.283.284
594		Syluæ	433
Spina	552	Syon mons	256
Spiritus	130.231.174	Syriæ montes	486
Spirituum bonorum offi-		Syria, prouincia legati	
cium	138	259	
		Syriæ	

# I N D E X.

Syriæ rex	470	tuisse	77
T		Tempora	125
Tarquinius	66.467	Tenebræ	120.212
Tarquinius Superbus	227.	Terminus Deus	66
247		Terra	40.86.119.131.
Tarquinius	30	149	
Tatius	63	Terræ	432
Tauri	67	Terram calcare	86
Taurus Europæ	35	Terra Deus	100
Taurus Lunæ mactatur	71	Terræ filij	41
Tellus	78	Terra, & ex ea homo	123
Templa	421	Terræ interitus	424
Templū Castoris, & Pol-		Terram Iupiter quinquies	
lucis	105	circuiuit	39
Templum fortunæ Eque-		Terra in Luna	202
stris	106	Terræ in medio	482
Templa igni uastata	186	Terræ nomen	41
Templum I E S V	72	Terræ partes	119
Templum I E S V C H R I		Terra in Sole	203
S T I	245	Terræ sterilitas	438
Templū Iunonis Laciniæ		Terræ tenebræ, & lumen	
106		119	
Templum Iunonis Sami		Terræ tenebræ, inferi, &	
56		mors	119
Templum Iouis Triphylj		Terræ usus	517
37		Tertullianus	292
Templū pectus humanum		Testamentum Dei	236
64		Testamenta duo	265
Templum regnum, & si-		Testamentum nouum Chri-	
mulachra	135	stianorum, uetus Iudæo-	
Templum Iouem consti-		rum	265
		Tetra	

# I N D E X.

Tetrarchæ Iudæorū	235	Tyranni mors ui meretri=	
Testamēti cōfirmatio	265	cis Leænæ	62
Teucrus	67	Tuditānus	202
Teutam Deus Gallorū	67	Tullus Hostilius	63
Thales Milesius	21.183	Turulius præfectus Anto=	
Thallus	45	nij	107
Thebæ	76	Turulij mors	106
Themis	33		
Themiste Philosophans		V	
mulier	207		
Theodorus Cyrenæus	505	Valentiniani	288
Theophrastus	38	Valere	503
Thetis	33	Valerius L.	23
Theuthi Mercurius	20	Varro M.22.45.130.535	
Tiberius Attinius	107	Varronis M.etas	251
Tiberius Cæsar	235	Varro Cannensis	140
Tiburtina Sibylla	23	Vatinius P.	106
Titan	124	Veij	106
Titanes	32.42.47.304	Venationes Saturni	409
Tityus	477	Venti	49.433.449
Triphyllius Iupiter	37	Ventorum usus	517
Trismegistus	21.515	Venus armata	66
Triumphus cupidinis	32	Venus calua	65
Triumphus Liberi patris		Veneris donaria	92
31		Venus, & Mars	31
Troia capta	13	Venus Paphi	49
Troiani agri Marpeffus ui		Venus prostituta	56
cus	22	Ver	120
Tyberis	68	Verbis carentes soni	416
Tyndarus	32.50	Veritas	16.98.145.212.
Tyndaridæ	16	343	

# I N D E X.

Veritas sine eloquentia	7	426.451.455	
Veritatis gradus	493	Virtutis amaritudo	6
Vera imprudenter locuti		Virtus in animi bonis	58
370		Virtus Bellona	69
Veritatis notio	6.9	Virtutes consecrari	63.58
Veritatis obscuritas	9	Virtus Dea	63
Veritas penè uniuerſa per		Virtutum domicilium	64
philosoph.ſectas	445	Virtutum materia in uitijſ	
Veritas ſuo lumine illuſtris	465		
446		Virtus niſi morte finitur	
Verres C.	32.95	453	
Verſus Sibyllæ Erythrææ		Virtus perpetua	453
ad mille	23	Virtutes philoſophis igno	
Vertibula	553	tæ	355
Vefica	5.67	Virtutes temporariæ uite	
Veſpaſianus	267	389	
Veſta	39.43	Virtutis uia	354.358.368
Veſta Iouis educatrix	47	Vis naturalis diuina ratio=	
Veſtæ Priapum inſidiatum		ne prædita, Deus	19
71		Viſa credita	462
Veſtalia ſacra	71	Vita	120.171
Veſta terra	102	Vita actuoſa	397
Vetuſtas	103.455	Vita ciuilis	178
Vipera	518	Vitæ duæ	438.454
Vir	571	Vita optanda	584
Vires	58	Vita perennis	454
Virgilius	312	Vitæ tempus	132
Virgines Veſtales	68	Vitæ uic duæ	332.355.
Virtus	6.58.158.305.109.	588	
161.173. 209.168.170.		Vita in uirtute	411
334. 360. 361.363.364.		Vitia	29.453
		Vitia	

# I N D E X.

Vitia feri, non nasci	393	Vranus	41.46
Vitia philosophis ignota		Vrani ætas	133
355		Vranus Pænorum	49
Vitiorum senectus	452	Vsura	399
Vitia tolli non posse	393	Vsus inuentor	518
Vitiorum uiæ	353.356.	Vua	605
368		Vulcanus	43
Vitiorum uoluptas	6	Vulcanus arma Dijs fecit	
Vltor	400	102	
Vlyxes	78	Vulcanus ignis	102
Vnitas in rebus	513	Vulcanus Lemni	49
Volucrum ortus	546	Vulgi iudicium	338
Voluntas	392.395	Vxore abstinere	408
Voluptas	167.411.	X	
453.603		Xenocrates	577
Voluptas animalium	401	Xenophanes	203
Voluptas animi	157	Y	
Voluptas aurium	409	Y litera	354.356
380.542		Z	
Voluptas corporis	158	Zacharias propheta po=	
Voluptas cum honestate		stremus	227
157.159		Zeno 19.157.160.232.296	
Voluptas oculorum	380.	513	
406.542		Zeno Epicureus	198.190
Voluptas odoratus, & gu=		Zeno, & Stoici	151.154.
stus	411.592	515	
Voluptates sensuum	405	Zephyrus	32.43
Voluptas tactus	411		
Voluptas uirtutis sociæ	410		
Vox	449.574		

F I N I S.









4-3-4





